




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 878 8°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 878 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 878 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 878 8°

64-200

LN 878

M



POST

ENARRATIO E
QUAE IN DOMINIC
his Sanctum vitarum in
in gratiam piorum
angelus co

Nicolaum I

PRAEFATA EST EI
fido, ad multos verbi, de
fidei doctrina & vero D
ae, & fecturum mi
fessionem abue
cin



LII
CVM PRI
ANNO

POSTILLA

SEV

ENARRATIO EVANGELIORVM,
QVAE IN DOMINICIS DIEBUS ET IN FE-
stis Sanctorum vſitate in Eccleſiis Dei proponuntur,
in gratiam piorum miniſtrorum Eu-
angelii conſcripta, per

Nicolaum Hemmingium.

PRAEFIXA EST EIVSDEM COMMONE-
factio, ad miniſtros verbi, de perpetuo Eccleſiae Chriſti con-
ſenſu in doctrina & vero Dei cultu: ne opinionum varie-
tate, & ſectarum multitudine offenſi, vel con-
feſſionem abiiciant, vel ſegnius offi-
cium faciant.



L I P S I A E.

C V M P R I V I L E G I O A D
A N N O S D E C E M.

OMNIB
DEI ET MIN
CHRISTI IN I
Dania, & Noruegia
dilectis, gratiam m
Deo patri & Domi
perat Nicolaus
Euangelij
Ha



facit, vt multi non
dubitantes cuinam
gant. Nam dum aliq
(de cuius sapientia &
sine aliorum conten
to despiciunt) in
ctu, quo quenquam
aut aduersari, eim
æstiment. Hinc na
suspiciones, odia,
quibus fursim d
Ex qua re duplex i
am) nascitur. Na
pertinacia impiet



OMNIBVS SERVIS
DEI ET MINISTRIS IESV

CHRISTI IN INCLYTIS REGNIS
Dania, ac Noruegia, suis fratribus in Christo
dilectis, gratiam misericordiam & pacem à
Deo patre & Domino nostro IESV Christo,

optat Nicolaus Hemmingius minister
Euangelij in Academia
Haffniensi.



RODEST IN PRIMIS
obseruare, carissimi fratres,
perpetuum catholicæ Eccle-
siæ Christi consensum in do-
ctrina & vero DEI cultu:
præsertim in hac maxima
opinionum varietate, quæ
facit, vt multi non pessimi agantur animis,
dubitantes cuinam cœtui se socios adiun-
gant. Nam dum alij alium magistrum iactant
(de cuius sapientia & pietate gloriantur, non
sine aliorum contemptu, quos tanquam ex al-
ro despiciunt) fit vt cæco iudicio pro eo affe-
ctu, quo quenquam illis aut fauere intelligunt,
aut aduersari, eius eruditionem & pietatem
æstiment. Hinc nascuntur simultates, sinistra
suspiciones, odia, iurgia, vindictæ cupiditas:
quibus sursum deorsum omnia miscentur.
Ex qua re duplex incommodum (vt alia tace-
am) nascitur. Nam & Euangelij hostes in sua
pertinacia impietateq; confirmantur, & infir-
A 2 miores

miores ac imperitiores, qui magis propensi
ad amplexandam veritatem erant, non pa-
rum perturbantur fluctuantes & incerti, qui-
bus se potissimum partibus adiungant. Inter
quos non pauci, quasi nihil certi de tota religi-
one tradi statuiue possit, non modo de omni-
bus eius partibus, sed etiam de omnibus reli-
gionibus dubitare incipiunt. Hic nostrum of-
ficiū est, fratres dilecti, & precibus nostris
& admonitionibus iuuare infirmos, ne hac
turba & colluione opinionum offensi, ru-
ant præcipites in certum interitum. Huic ma-
lo potissimum medetur perpetui Catholicæ
Ecclesiæ consensus in doctrina & vero DEI
cultu obseruatio. Vt enim vnus est tantum
Deus: ita & vna æterna constans & minime
fallax Dei veritas, vna religio vera, vna fides,
vna recte viuendi regula, & vna Christi Ec-
clesia, quæ sola verum colendi Deum modum
nouit. Huius Ecclesiæ qui non est ciuis, gratia
& salute excidit, quantumuis magnos se habe-
re magistros gloriatur. Contra, qui in hoc cœ-
tu Deum spiritu & veritate colit, gratiæ & sa-
lutis hæres est, etiamsi bubulcum magistrum
habeat. Non enim hæc res pendet ab hominis
vel dignitate, vel indignitate: sed à magiste-
rio Spiritus Christi, qui suum purum verbum
& sincerum nobis vitæ & salutis regulam esse
voluit. In quo verbo & cultu verbo tradito,
summus fuit omnium sanctorum Patriarcha-
rum ante diluuiū & post diluuiū, Prophe-
tarum, Apostolorum atq; adeo omnium pio-
rum

rum consensus: quorum
si nos vere retinemus, po-
sto gloriari quod simus
Christi, etiam totus m-
beat, & inquam hereti-
gitor fratres, de hoc per
nulla dicere, vt certo m-
consensu catholicæ Ecc-
lesiæ nostræ, qui cu-
stos (quos Patres voca-
sim doctrinæ Propheti-
cludere conantur. In h-
tione multa sane concu-
ad scopum collimant.
queritur quisnam sit ori-
certitudo: quantus con-
Ecclesiæ in eadem doc-
Sunt veram religionem
deniq; qua prudentia pi-
fidias & fraudes vti deb-
dum primi parentes f-
et dantesque à fontibus
aboli, humane traditi-
duci.

A quo autem or-
attingendum non est
& hodie esset homin-
quod ausi sint religi-
sue rationis sensu, q-
ac eam religionem
quantur, vt vatic-
editum fuit de sen-

rum consensus : quorum doctrinam & cultum,
 si nos vere retineamus, possumus iure in Chri-
 sto gloriari, quod simus ciues Ecclesiæ Iesu
 Christi, etiamsi totus mundus nos exosos ha-
 beat, & tanquam hæreticos excretur. Volo
 igitur fratres, de hoc perpetuo consensu non-
 nulla dicere, vt certo nobis constet, an in co-
 sensu catholicæ Ecclesiæ simus, nec ne: aut
 aduersarij nostri, qui cum iactant suos magi-
 stros (quos Patres vocant) ferro & igne cur-
 sum doctrinæ Propheticæ & Apostolicæ inter-
 cludere conantur. In huius argumenti tracta-
 tione multa sane concurrunt, quæ huc tanquam
 ad scopum collimant. Hic enim necessario
 quæritur quisnam sit ortus veræ religionis quæ
 certitudo : quantus consensus omnium ætatum
 Ecclesiæ in eadem doctrina : quibus artibus
 Satan veram religionem oppugnare soleat :
 deniq; qua prudentia pij aduersus Satanæ in-
 fidias & fraudes vti debeant : ne, quemadmo-
 dum primi parentes fecerunt, sinamus nos
 παθανολογίας à fontibus salutis ad cisternas Di-
 aboli, humanas traditiones & ἐθειλοθεσκειάς ab-
 duci.

A quo autem ortum habeat vera religio
 attingendum non esset, nisi tantus fuisset olim,
 & hodie esset hominum & diabolorum furor,
 quod ausi sint religiones instituere pro cæco
 suæ rationis sensu, quas ferro & igne tuentur,
 ac eam religionem, quæ à solo Deo est, perse-
 quuntur, vt vaticinium comprobent, quod
 editum fuit de semine serpentis morsuro cal-

A 3 caneum

caneum seminis mulieris. His multo rectius
iudicauit prophanus Socrates, qui cum apud
Xenophontem interrogaretur quænam esset
vera religio, respondit eam esse quam ipse De-
us instituit. Nam cum Dominus clare apud
Prophetam dicit se abominari doctrinam &
cultus hominum, extra omnem controuer-
siam sit nobis, quod vera atq; perpetuo con-
stans religio ab ipso æterno Deo ortum habe-
at. Apollo Pythius ab Atheniensibus interro-
gatus quas potissimum religiones tenerent,
respondit eas quæ essent in more maiorum.
Cum rursus obijcerent morem maiorum sæ-
pe mutatum esse, ait optimum sequendum.
Nam, vt ait Hesiodus, *νόμος ἀρχαῖος ἀγρός*. Ad
eundem modum hodie aduersarij antiquita-
tem iactant, autoris veræ religionis nomine
suppresso, qui potius cum Socrate respondere
quam cum impuro Dæmone deberent. Nam vt
Satan: ita & illi antiquitatis autoritate ad sta-
biliendos errores abutuntur. Verum quidem
est antiquissimam religionem optimam esse,
modo ab optimo Deo ortum habeat, & non
ab antiquo serpente, qui à principio suam reli-
gionem in mundum ex diametro cum diuina
religione pugnantem inuexerat. Quare discer-
nendum est inter duplicem antiquitatem. Vna
enim ad Deum: altera ad Satanam refertur.
Prior illa antiquitatum omnium longe vetu-
stissima est, vt quæ nec principium nec finem
habeat. Ex hac vetustissima antiquitate pro-
diit

dijc veritas Dei
ra religio, cui
testimonia addi
quædam & aut
Posterior est q
habitura est: e
& impietas. Vt
propagatores u
posteriores Pat
parum gloriant
bent patres pat
doctrina & cult
mam anchoram
agnoscimus: sed
discrimen. Nos e
à Deo acceptam
runt posteris, vt
propheta, Christi
patres veneramus
re, salute excidere
tempora Apostol
iuxta regulam Am
Christus non doc
delibus via Christi
docuit quod doc
dicemus. Et iuxta
aliud Evangelium
autem, vt fucum t
rogandum esse dici
esse limites antiqu
xerunt patres & m
nime licere in a

His multo rectius
tes, qui cum apud
tur quænam esset
esse quam ipse De-
minus clare apud
ari doctrinam &
nem controuer-
perpetuo con-
eo ortum habe-
ensibus interro-
iones tenerent,
more maiorum.
a maiorum sæ-
um sequendum.
Ad
rij antiquita-
ionis nomine
te respondere
rent. Nam ut
ritate ad sta-
rum quidem
timam esse,
beat, & non
o suam reli-
cum diuina
are discer-
tem. Vna
refertur.
ge vetu-
ec finem
ate pro-
dijt

dijt veritas Dei, qua docetur quænam sit ve-
ra religio, cui confirmandæ Deus miranda
testimonia addidit, quæ essent veluti perpetua
quædam & authentica sigilla veritatis diuinæ.
Posterior est quæ principium habuit, & finem
habitura est: ex qua prodijt omnis superstitio
& impietas. Vtraq; hæc antiquitas habet suos
propagatores ueluti patriarchas quosdā, quos
posteriores Patres appellarunt, de quibus non
parum gloriantur. Papistæ semper in ore ha-
bent patres patres: in omni controuersia de
doctrina & cultu Dei ad eos tanquam ad extre-
mam anchoram confugiunt. Nos quoq; patres
agnoscimus: sed inter nos & illos ingens est
discrimen. Nos enim eos patres profiteamur, qui
à Deo acceptam religionem fideliter tradide-
runt posteris, ut sunt patriarchæ, sancti reges,
prophetæ, Christus ipse & Apostoli: hos solos
patres veneramur, à quorum sententia discede-
re, salute excidere iudicamus. De patribus qui
tempora Apostolorum secuti sunt, iudicamus
iuxta regulam Ambrosij. Nos noua omnia, quæ
Christus non docuit, iure damnamus: quia fi-
delibus via Christus est. Si igitur Christus non
docuit quod docemus, & nos id detestabile iu-
dicemus. Et iuxta hanc Pauli regulam: Si quis
aliud Euangelium docuerit anathema sit. Illi
autem, ut fucum faciant simplicioribus inter-
rogandum esse dicunt de semitis antiquis, non
esse limites antiquos transgrediendos, quos fi-
xerunt patres & maiores nostri. Quod si id mi-
nime licere in agrorum finibus certum est,

A 4 quanto

quanto minus id licere in religionis limitibus
iudicabitur? Verum nos limites, quos fixit au-
tor religionis Deus: quos acceptos diuinitus
tuebantur sancti Patriarche & Apostoli: a qui-
bus apros & lupos inuicta animi fortitudine
repulerunt sancti martyres (inter quos pri-
mum locum obtinet sanctus Abel) denique
quos filius Dei suo precioso sanguine statuit,
non transgredimur: sed intra illos manemus
constantes. At fines, quos antiquus serpens cum
sua sobole fixit, transgredimur, intra quos non
nisi mera damnatio clauditur. Religionem igitur
veram ad Deum, qui antiquus dierum deno-
minatur à Daniele, referimus. Vnde constabit
& eam antiquissimam esse, & sui autoris natu-
ram ingeniumq; referre. Quare ut constantissi-
ma est semper: ita sui perpetuo similis existit.

Sed quænam illa est sibi perpetuo constans
religio, quæ eius summa, quæ partes? vox Dei
& signum voci additum veram religionis &
cultus Dei normam præscribit. Semper enim
Deo in more fuit suam voluntatem verbo &
externo aliquo signo hominibus patefacere.
Quod enim verbum auribus ingerit, ut ad
mentem transmittatur, idem signum oculis
aspiciendum proponit, ut veluti per fenestras
lux quædam in animum transfundatur: ut vox
& signum sit duplex verbum, vocale & aspe-
ctabile, quorum finis & scopus vnus est: sed
signi interpretatio semper è verba solo peten-
da est. Hæc qualia sunt, quinque tempora, qui-
bus Deus præcipue suam vocem sonuit & si-
gna edi-

gna edidit, aper-
tus ante lapsum
nis: tempus repe-
publicæ Mosaicæ
promissionis, ex
nostro. Hisce quæ
isse religionem &
voci Dei & signi
Ante lapsum,
imagine Dei, De-
derat & signum.
am Dei, & obedie-
bat ne quid tentan-
ctum sub commit-
am verbum prom-
quam promissionem
dam. Et arbor vitæ
dem per oculos in
omnia eo spectaban-
tanquam in speculo
perpetuo coleret & co-
quod vera religio
rit purus cultus De-
regula erat verbum
agnitio Dei, fides
obedientia erga De-
Finis, repræsentare in
dicare & celebrare.
Dei perfectissimus,
surrectionem, nisi o-
stantia, sed gradib-
or. Hic cultus D-

gna edidit, apertissime docebunt : vt sunt status ante lapsum : tempus promissæ reparationis: tempus repetitæ promissionis: tempus reipublicæ Mosaicæ: ac deniq; tempus completæ promissionis, exhibito Iesu Christo Domino nostro. Hisce quinq; temporibus eandem fuisse religionem & sibi per omnia constantem, voce Dei & signis diuinis est ostendendum.

Ante lapsum, quando Adam ornatus erat imagine Dei, Deus homini & verbum traderat & signum. Verbum requirebat noticiam Dei, & obedientiam erga ipsum: prohibebat ne quid tentaret homo contra Dei interdictum sub comminatione pœnæ: habebat etiam verbum promissionem immortalitatis, quam promissionem fide amplectebatur Adam. Et arbor vitæ, vt aspectabile verbum, idem per oculos in mentem transfudit. Quæ omnia eo spectabant, vt Adam imaginem Dei tanquam in speculo repræsentans, Deum perpetuo coleret & celebraret. Ex his constat quod vera religio ante lapsum hominis fuerit purus cultus Dei iuxta Dei verbum, cuius regula erat verbum & signum. Partes fuerunt agnitio Dei, fides promissæ immortalitatis, obedientia erga Deum interior & exterior. Finis, repræsentare imaginem Dei ac eum prædicare & celebrare. Et fuit in eo statu cultus Dei perfectissimus, qualis est futurus post resurrectionem, nisi quod tum non quidem substantia, sed gradibus futurus est multo plenior. Hic cultus Dei, qualis est primo homini

A 5 præscri-

præscriptus, à nobis etiam post lapsum requiritur. Neq; vlla mutatio facta est in cultus ratione: sed horribilis deprauatio secuta est in toto humano genere post lapsum primorum parentum, vt hunc cultum plene præstare, imo ne ipsum incoare possit quisquam, nisi ad arborem vitæ, quæ est Iesus Christus, ei accessus patefactus fuerit.

Lapso igitur genere humano in primis parentibus, Deus rursus suam voluntatem patefacit verbo & signo: vnde discitur quo cultu post lapsum voluerit coli. Verbo reprehendit transgressionem sui mandati: verbo promissionem edidit de Messia, qui homo factus solueret lytron pro reatu Adæ, & restitueret homini imaginem Dei, quam peccando amiserat. Signum adiecit verbo, quod erat veluti aspectabilis quædam concio de Messia. Hoc autem signum erat inactatio & oblatio pecorum & frugum terræ. Ex his sequitur, quod post lapsum Deus requirat omnino similem cultum cum eo, qui fuit ante lapsum, licet suis gradibus eam perfectionem non habeat, quam ante lapsum habuit. Requirit enim hic Deus agnitionem sui: requirit agnitionem nostri peccati: requirit agnitionem Christi, qui est loco arboris vitæ, quæ erat in Paradiso: requirit fidem Messia: requirit ex fide obedientiam, vt paulatim magis magisque in homine repareretur imago Dei per Christum, hoc est, vt in mente refulgeat firma Dei noticia: in anima sanctitas: & in omnibus viribus obedientia ex

via ex præscripto
ter verbo & signo
Mosis. Nam olim
regi & suis
vtar: melius & so
bus Aphorismis &
concionibus. E
ratio cum Theolo
munis & familia
Aphorismis propo
carent symbolis.
rismus propositus
eris conteret cap
quod quadam imag
it oblatio diuinitu
Abel itaq; cum suis o
rismum propositum
cogitabat. Primum
admonebatur de mort
nus humanum propter
dubie ingens dolor in
est. Denique, intuens
monebatur facta propo
ius merito & intere
iuxta promissionem
tio in corde nata est.
tus fuit per Iesum Ch
tus sola, veram sancti
meditatus est, Deum
pter iusticiam & miseric
immagine Dei in se qu
rum cultum Deo pr

ria ex præscripto verbi præstanda. Hæc breuiter verbo & signo indicantur in principio Moſis. Nam olim *οἱ παλαιοὶ κρείττονες ἡμῶν ὄντες καὶ ἐγστέρω θεῶν οἰκῶντες*, vt Platonis verbis vtar: melius & ſolidius erudiebantur breuibus Aphoriſmis & Symbolis, quam nos longis concionibus. Fuit enim olim ea docendi ratio cum Theologis, tum Philoſophis communis & familiaris, vt id quod breuibus Aphoriſmis proponerent, idem certis ſignificarent ſymbolis. Laſſo homine hic Aphoriſmus propoſitus voce Dei eſt: Semen mulieris conteret caput ſerpentis. Symbolum, quod quadam imagine idem ſignificabat, fuit oblatio diuinitus patribus commendata. Abel itaq; cum ſuas offerret viſtimas, in Aphoriſmum propoſitum reſpiciebat, et offerens hæc cogitabat. Primum mortem viſtimæ intuens, admonebatur de morte, in quam inciderat genus humanum propter peccatum: vnde haud dubie ingens dolor in animo eius excitatus eſt. Deinde, intuens ſanguinem viſtimæ admonebatur factæ promiſſionis de Meſſia: cuius merito & interceſſione placari iram Dei iuxta promiſſionem ſtatuit: vnde & conſolatio in corde nata eſt, & fides, qua Deo acceptus fuit per Ieſum Chriſtum. Hac fide iuſtificatus ſola, veram ſanctitatem iuxta vocem Dei meditatus eſt, Deum prædicās & laudans propter iuſticiam & miſericordiam. Atq; ita Abel, imagine Dei in ſe quodammodo reparata, verum cultum Deo præſtitit: quem cultum poſtea morte

morte sua confirmavit. Nam cum Cain frater
& Hypocrita ipsum a confessione promissi se-
minis & vero cultu auocare studeret, potius
mortem oppetere voluit, quam in impium fra-
tris decretum consentire: significans hac sua
constantia, quod is demum vere Deum colat,
qui obedientiam erga Deum & Christi confes-
sionem omnibus rebus mundi, atq; adeo vitæ
ipsi, qua nihil homini carius esse solet, antepo-
nat. Ex hoc ergo verbo & signo primis paren-
tibus post lapsum tradito apparet, quod ea-
dem religio fuerit eorum post lapsum, quæ
ante lapsum erat. Etsi autem quædam circum-
stantiæ externæ accesserunt propter deprava-
tionem naturæ & promissionem reparationis:
tamen substantia cultus Dei eadem manebat,
atq; ad eundem finem tendebat, licet imperfe-
ctius. Hic cultus Dei purus duravit in Ecclesia,
quæ fuit perexigua, vsq; ad diluuium, hoc est,
annos mille sexcentos quinquaginta sex. Nam
Caini posteritas carnaliter promissionem in-
telligens persecuta est veram Ecclesiam: sibi
Ecclesiæ titulum usurpavit: verum cultum
Dei in prophanam hypocrisin & superstitionem
commutavit. Porro cum hypocrisin &
superstitionem cum alijs horrendis sceleribus
diluuium puniisset Dominus, Nohæ verbo &
symbolo verum Dei cultum iterum commen-
dat: non novum quidem, sed prorsus eundem,
quem ab initio instituerat. Verum cum hunc
hypocrisi & superstitione Iaphet, & Cham ty-
rannide profligasset, mansit in sola familia pa-
triarchæ

triarchæ Sem. Is enim
missionem & eius sym-
coluit, eiq; obedivit.
Nohe fecerunt. Etsi
bolum traditum primis
Sem retinuerunt: tam-
tum novum symbolum
Dei impium mundum
propter defectionem
promisit Nohæ & ei
mundum diluuium non
missioni symbolum, &
adiecti qui erat prom-
issum. Arcum itaque, qui
solet, verbi sui nota in
figillo promissum illud
firmaret, quo se non solum
posteritatis, cuius se in-
conrulerant, futurum re-
se deinceps homines num-
dationibus delecturum. E-
intuens Nohæ & Sem, e-
Deo verum & spirituale
Sequitur Abraham
Mosis, qua ætate ide-
novo symbolo Patri-
tus. Nam, decreverunt
in primis parentibus,
symbolo evidentiori
tur Abrahamo propo-
centur in semine tuo
ræ. Symbolum ver-

Cain frater
promissi se-
ret, potius
impium fra-
tris hac sua
eum colat,
isti confel-
adeo vita
t, antepo-
tis paren-
quod ea-
um, quæ
circum-
deprava-
rationis:
manebat,
imperfe-
Ecclesia,
hoc est,
x. Nam
nem in-
iam: sibi
n cultum
perstitio-
risin &
cleribus
rbo &
mmen-
andem,
n hunc
nam ty-
ilia pa-
riarchæ

triarchæ Sem. Is enim recte intelligens pro-
missionem & eius symbolum, Deum ex fide
coluit, eiq; obediuit, quemadmodum Abel &
Nohe fecerunt. Etsi autem & verbum & sym-
bolum traditum primis parentibus, Nohe &
Sem retinuerunt: tamen propter nouum euen-
tum nouum symbolum accessit. Nam cum
Deus impium mundum diluuiο perdidisset
propter defectionem à vero & puro cultu Dei,
promisit Nohæ & eius posteritati se postea
mundum diluuiο non perditurum. Huic pro-
missioni symbolum, nempe arcum cœlestem
adiexit qui erat promissionis quoddam *μνημό-
συλον*. Arcum itaque, qui in nubibus apparere
solet, verbi sui nota inscripsit Deus, vt quasi
sigillo promissum illud suum ratum fore con-
firmaret, quo se non solum Deum Nohæ eiusq;
posteritatis, cuius se in fidem clientelamq;
contulerant, futurum receperat: verumetiam
se deinceps homines nunquam aquarum inun-
dationibus deleturum. Hoc igitur symbolum
intuens Nohe & Sem, exemplo sancti Abelis,
Deo verum & spirituales cultum exhibuerūt.

Sequitur Abrahami ætas vsq; ad tempora
Mosis, qua ætate idem cultus & voce Dei &
nouo symbolo Patriarchis est commenda-
tus. Nam, decrescēte iam sapientia quæ fuit
in primis parentibus, vt verbo clariori: ita
symbolo euidentiori opus erat. Verbum igi-
tur Abrahamo propositum fuit hoc: Benedi-
centur in semine tuo omnes cognationes ter-
ræ. Symbolum verbo additum erat circum-
cisio

cisio genitalis membri in masculis. Vt ergo
verbo docuit verumq; cultum requisit: ita
symbolo idem fecit, quod erat doctrinæ &
cultus sigillum. Cum enim ait: Benedicentur
in semine tuo, tria apertissime insinuat: quo-
rum primum est repetitio accusationis totius
generis humani propter peccatum & defecti-
onem à Deo. Nam cum promittit benedictio-
nem, significat eos in maledictione hærere,
quæ maledictio peruasit in homines omnes
cum peccato. Alterum est repetitio promissio-
nis seminis & beneficiorum eius, quod Adamo
dictum erat sub his verbis: Semen mulieris
conteret caput serpentis. Id quod hic signifi-
cantiori voce benedictionis exprimitur. Nam
benedictionis voce significatur fauor Dei, re-
conciliatio, remissio peccatorum & iusticia
propter Christum, quemadmodum Paulus
Mosis interpretes exponit. Tertium est indicatio
nostræ imbecillitatis, quod nostris viribus non
possimus benedictionem nancisci: sed oportere
nos eam obtinere fide in semen promissum.
Hanc fidem Abrahamæ secuta est obedientia in
tota eius vita, iuxta præceptum: Ambula co-
ram me & esto perfectus: quam obedientiam
sanctus patriarcha declarauit victima filij.
Quanti enim fecerit obedientiam erga Deum
ex eo apparet, quod potius voluerit vnigeni-
tum filium Isaac, quem genuerat in senectute,
cui tam magnificæ promissiones erant factæ,
ad mandatum Dei mactare, quam ab obedi-
entia erga Deum recedere. Symbolum vero ad-
ditum

ditum à verbo inter
bet. Nihil enim aliud
stabile verbum. Tri
ob oculos: nempe
nalem esse corrupta
semen, per quod nat
circumcisione carnis si
cordis, qua amputatu
um impuritas & cord
homo nascatur, gesta
sanctitate & iusticia.
erant hæc cum priorib
tur, sed significatio m
symbolo varietas hun
& ignorantia nostræ
nouam colendi Deum
quemadmodum carnal
mauit. Nam quemadmo
sio, reiecto puro intell
amplexati, persecuti su
res fidei ipsius: ita lima
cisioms. hæreres, spiri
sunt veros. Vnde Abrah
quod verus cultus upi
Nam cum exularem
familia Ioseph, morte
rum cultum retinuit, q
tantum non extinctus
Ægypto & agente ian
one facta Abraham 34
promissionis repetit:
conseruatur cultus

ditum à verbo interpretationem mutuari de-
bet. Nihil enim aliud symbolum est, quam aspe-
ctabile verbum. Tria proinde symbolum ponit
ob oculos: nempe natiuitatem nostram car-
nalem esse corruptam: Deinde, promissum esse
semen, per quod natura reparabitur: tum cir-
cumcisione carnis significari circumcisionem
cordis, qua amputatur ignorantia Dei affectu-
um impuritas & cordis contumacia: vt nouus
homo nascatur, gestans imaginem Dei in vera
sanctitate & iusticia. Ecce quam apte qua-
drant hæc cum prioribus. Vox quidem muta-
tur, sed significatio manet. Hæc in verbo & in
symbolo varietas humanæ imbecillitati seruit,
& ignorantia nostræ medetur: non aliquam
nouam colendi Deum rationem præscribit,
quemadmodum carnale semen Abrahæ autu-
mauit. Nam quemadmodum Cainitæ hypocri-
sin, reiecto puro intellectu verbi & symboli,
amplexati, persecuti sunt Abelem & imitato-
res fidei ipsius: ita Ismaelitæ in litera circum-
cisionis hærentes, spiritu neglecto, persecuti
sunt veros filios Abrahæ: ex quo factum est,
quod verus cultus apud paucissimos remāserit.
Nam cum exularent in Ægypto patres, sola
familia Ioseph, mortuo patriarcha Iacob, ve-
rum cultum retinuit, qui cum post eius mortem
tantum non extinctus esset, Deus, nato Mose in
Ægypto & agente iam 80. annum à promissi-
one facta Abrahæ 340. anno, verbum iterum
promissionis repetit: multa addit signa, & vt
conseruaretur cultus verus, erexit regnum &
facer-

sacerdotium. Tametsi autem idem verbum & idem signum Mosi commendat, quod ante Patriarchis commendarat: tamen longiores conciones & plura insuper signa adhibet, prout eius ætatis ratio postulabat. Quæ omnia ad eundem scopum collimabant, & eundem cultum Dei spiritualem hominibus commendabant: Nam in deserto (vt præteream rubum ardentem & columnas ignis & nubis) Man, petra & serpens æneus, vt symbola doctrinæ & cultus Dei proponebantur: quæ tria significabant Christum olim promissum. Man enim, Paulo interprete, significabat cibum spiritualem, quo noui homines per Christum facti aluntur in Christi regno. Petra figurabat potum spiritualem, quo credentes reficiuntur. Serpens suspensus adumbrabat Christum suspendendum in aram crucis pro peccatis mundi: quemadmodum ipse Christus symbolum hoc interpretatur. Intuitus in serpentem æneum typus erat fidei, qua homines iustificati & viuificati coram Deo ambulant & ad perfectionem aspirant. Verum postquam populus in terram promissam, quæ typus erat cœlestis patriæ, introductus erat, plura adhuc signa veluti aspectabiles conciones ei propositæ sunt: ex quibus pauca quædam attingam: nam omnia persequi instituta breuitas non permittit. Tota quidem Respub. significat Ecclesiam: sacerdotium & regnum figurant Christum, qui sacerdotio suo placat iram Patris iuxta promissionem primam, & suo regno destruit regnum

regnum diaboli, peccatoque reparat imaginem quam homo erat creatus imagine Dei vel ac celebret.

Ceremoniæ multæ spiritualis significatio explicat, ac cultum Dei dat. Verum quia multæ illustiores eligam & sacerdotis ornatus, annuuntur, arca fœderis, aspersio, baptismata, singularem habuere reificationem, quæ omnes rationes de mediatoris officio. Sacerdos fronte & vestes munda aurea diuinitatem Christi vero munda humanitatem præsentat ab omni peccato. Sacerdos semel in anno intrat in sanctum, typus huius sacerdotis ratione consummatus. Ex parte Exodi 28. indicat vt sit ei placatus Dominus. Sacerdotis figurant sancti. Sacerdos vult esse suos sacerdotes. Sacerdos modum David Mosi imitatur. Sacerdotes tui in sanctis exultent. Arca pulchra Dei, cum quo ex

idem verbum & regnum diaboli, peccatum & mortem: & v-
dat, quod ante Pa- troque reparat imaginem Dei in homine, ad
nen longiores con- quam homo erat creatus, vt ita rursus orna-
na adhibet, prout tus imagine Dei vera obedientia ipsum colat
Quæ omnia ad e. ac celebret.

Ceremoniæ multæ sunt additæ, quarum
spiritualis significatio primam promissionem
explicat, ac cultum Dei spirituales commen-
dat. Verum quia multæ sunt, paucas easque
illustriores eligam & breuiter excutiam. Sa-
cerdotis ornatus, annua oblatio summi sacer-
dotis, arca fœderis, agnus phase, sanguinis
aspersio, baptismata, quotidianæ oblationes,
singularem habuere rerum spiritualium signi-
ficationem, quæ omnes dulces habent medi-
tationes de mediatoris conditionibus & pio-
rum officio. Sacerdos summus laminam in
fronte & vestes mundas gestauit. Lamina
aurea diuinitatem Christi significabat: vestis
vero munda humanitatem, sed mundam &
puram ab omni peccato. Quod autem sacer-
dos semel in anno intrauit in sancta sancto-
rum, typus fuit sacerdotis Christi qui vna ob-
latione consummaret sanctificandos. Hoc a-
perte Exodi 28. indicatur, vbi Dominus ait:
vt sit ei placatus Dominus. Deinde, vestes sa-
cerdotis figurant sanctitatem, qua ornatos
vult esse suos sacerdotes Dominus, quemad-
modum Dauid Moysis interpretes exponit, cum
ait: Sacerdotes tui induantur iusticia, &
sancti tui exultent. Arca fœderis significat po-
pulum Dei, cum quo expresso verbo pactum
regnum
B
fecit

fecit Dominus. In hac arca fuerunt tabulæ legis, quæ tegebantur in arca lamina aurea : quare nihil aliud significatum fuit, quam quod habet prima promissio : Semen mulieris conteret caput serpentis, nisi quod symbolum dulcius rem exprimit. Tabulæ enim decalogi in arca teguntur aurea lamina, quæ dicitur propitiatorium. Hoc est : Christus qui est propitiatio pro peccatis nostris tegit in Ecclesia peccata hominum, aduersus iram & horrendum iudicium Dei. Quid quæso, hoc est aliud quam semen mulieris conteret caput serpentis ? Ita hunc typum explicat Mosi interpres Paulus Roman. cap. 3. Iustificamur gratis per illius gratiam, per redemptionem quæ est in Christo Iesu, quem proposuit Deus propitiatorium per fidem in sanguine eius. Vt enim pontifex Hebræorum solebat semel singulo quoq; anno propitiatorium imbuerere sanguine, cum in sancta sanctorum ingrederetur : Ita summus noster pontifex Iesus Christus semel obtulit se Patri pro peccatis mundi & æternam redemptionem reperit. Agnus phase, habuit etiam significationem symbolicam, qua prima promissio veluti viuis coloribus depingebatur : cuius typum explicat Paulus cum ait : & phase nostrum immolatus est Christus. Quod autem iste agnus de grege sumebatur, innuebat Christum carnem nostram assumpsisse & infirmitates carnis nostræ tulisse, & per omnia nobiscum similiter tentatum absq; peccato, vt nos quoq; cœlestes qui terreni, spi-

ni, spirituales
Quod autem
eum vniuersa
gnificatur non
isse Christum : le
propter
ta. Sanguis aspi
tionem. Symbol
stiffi in ara
tiz nostræ mu
quemadmodum
ad Hebræos pi
baptismata &
rabant enim ha
illam, qua Chri
omni iniquitate
credentes ornant
representare in
Dei. Hæc legis ty
terpretationes pri
intelligerunt cum
Nohe, Notham.
tualet Deo exhib
ad substantiam c
mitem, imo eun
Cainitæ promissio
& ex simbolo add
ita hic maxima pars
literam admirata est
in istis externis ritib
taxat grauissime
vbi ait : quo mihi

ni, spirituales qui carnales sumus, redderet.
Quod autem de agno dicitur: immolabitque
eum vniuersa multitudo filiorum Israel, si-
gnificatur non propter vnum & alterum obi-
isse Christum: sed propter Ecclesiam, hoc est,
propter totum corpus scriptorum in libro vi-
tæ. Sanguinis aspersio apertam habet significa-
tionem. Symbolum enim fuit sanguinis Chri-
sti effusi in ara crucis, quo aspersæ conscien-
tiæ nostræ mundantur à mortuis operibus,
quemadmodum typum hunc autor Epistolæ
ad Hebræos pie explicat. Eodem pertinent
baptismata & quotidianæ oblationes. Figu-
rabant enim hæc in genere cum purgationem
illam, qua Christus abluit & emundat nos ab
omni iniquitate, tum sanctitatem veram qua
credentes ornantur, vt iam imaginem DEI
repræsentare incipiant in gloriam & laudem
Dei. Hæc legis typica fuerunt symbolicæ in-
terpretationes primæ promissionis, quas qui
intellexerunt cum Adam, Abele, Seth, Enoch,
Nohe, Abraham, &c. verum cultum & spiri-
tualem Deo exhibuerunt, non dissimilem quo
ad substantiam cultus attinet, sed omnino si-
milem, imo eundem. Sed quid hic fit? Sicut
Cainitæ promissionem carnaliter intellexerūt
& ex symbolo addito fecerunt cultum per se:
ita hic maxima pars Iudæorum, omisso spiritu,
literam admirata est, & cultum Dei posuerunt
in istis externis ritibus sine fide: quem errorem
taxat grauissime Dominus apud Prophetam
vbi ait: quo mihi multitudinem victimarum

vestrarum dicit Dominus? & paulo post: ne offeratis vltra sacrificia frustra, incensum abominatio est mihi. Et huius rei causam mox subiungit, cum ait: Iniqui sunt cœtus vestri, calendas vestras & solennitates vestras odiuit anima mea. His verbis significat Deus non ita se instituisse ceremonias, quasi eas vt cultum requireret spirituales, sed vt in ijs populus se ad pietatem exerceret obfirmaretq; fidem suam, magisq; ac magis sese in puro cultu DEI contineret. Verum vt natura superstitiosi sunt homines, maxima pars per hypocrisin abducta est à vero ceremoniarum vsu, ac in earum observatione proram & pupim, vt aiunt, suæ salutis collocarunt: quorum errorem missi Prophetæ cum arguerent, rapti sunt ad supplicia tanquam in legem Dei blasphemi.

Ex his patet summum fuisse consensum piorum qui in republica Mosis vixerunt, cum in doctrina, tum in cultu cum sanctis patribus ante diluuium & post diluuium vsq; ad vocationem Mosis, & à Mose vsq; ad Christum. Quid enim hic requiritur præter agnitionem peccati, fidem in Christum, inuocationem, sanctitatem, obedientiam, & alias virtutes, quæ ad reparandam imaginem Dei in nobis tanquam partes requiruntur? Restat postrema ætas, qua λόγος æternus iuxta vaticinia assumpsit semen mulieris, hoc est, naturam humanam, vt conteret caput serpentis, hoc est, vt Ioannes interpretatur, destrueret opera Diaboli. Hic Mosis & Prophetarum inter,

interpres & co
iam fere collap
tuit, iussit prædic
nem peccatorum
iusticia donat spi
tus congruentes
ter, reparat ima
homo conditus e
noltrum, vt glori
Hinc eundem
mendat, quem
expreslerunt.
tum conseruat
tradidit, ac ve
apposuit, baptis
bum primam pro
ratur. Signa sum
ones, quæ idem qu
runt. Sed quid hic
mithæ & pseudoni
runt, & ei carnali
nia assuebant: ita
tes in hac postrem
conspurcarunt,
regno Antichristi
veris cultibus, Sac
tis humanis traditi
obruta sit. Cæterum
tatus propheta Dei
doctrinam & cultu
mi nostri parentes
stus suæ Ecclesiæ

interpres & completor eundem cultum Dei,
iam fere collapsum verbo & symbolis resti-
tuit, iussit prædicari pœnitentiam & remissio-
nem peccatorum, credentes in se ornat sua
iusticia, donat spiritu sancto, excitat in ijs mo-
tus congruentes legi & voluntati Dei: breui-
ter, reparat imaginem Dei, ad quam primus
homo conditus erat, iubet vt ita luceat lumen
nostrum, vt glorificetur pater noster cœlestis.
Hunc eundem cultum suis discipulis com-
mendat, quem ipsi voce & vita docuerunt &
expresserunt. Verum vt perpetuo hunc cul-
tum conseruaret Ecclesia, verbum certum
tradidit, ac verbo duo externa veluti sigilla
apposuit, baptismum & cœnam Domini. Ver-
bum primam promissionem clarius interpre-
tatur. Signa sunt aspectabiles quædam conci-
ones, quæ idem quod verbum docent & offe-
runt. Sed quid hic fit? vt olim Cainithæ, Ca-
mithæ & pseudoisraelitæ verbum corrupe-
runt, & ei carnali sua stulticia humana som-
nia assuebant: ita hypocritæ a verbo deficien-
tes in hac postrema mundi ætate cultum Dei
conspurcarunt, donec hæreticorum furijs &
regno Antichristi doctrina rursus fere cum
veris cultibus, Sacramentis partim conspurca-
tis humanis traditionibus, partim mutilatis,
obruta sit. Cæterum ante 40. fere annos exci-
tatus propheta Dei beatus Lutherus, restituit
doctrinam & cultum veterem, quem & pri-
mi nostri parentes acceperant à Deo, & Chri-
stus suæ Ecclesiæ commendarat. Atq; hunc
B 3 verum

verum & perpetuum cultum Dei esse, quem
nostra Ecclesia hodie tuetur, clarissime intelli-
git is, qui ipsum ad normam Patriarcharum &
Ecclesiae Apostolicae refert. Sed quid nobis
accidit? idem sane quod primis parentibus,
quod Abrahamitis, quod Ecclesiae Apostoli-
cae. Diabolus enim toto impetu ruit ad per-
dendum Euangelium & verum cultum D E I
abolendum: atq; id nostra ætate furiosius a-
git, quia nouit exiguum sibi restare tempus,
quo liceat ei in Ecclesiam Christi sæuire. Qui-
bus autem technis iste aduersarius Christi ad
delendam sinceram doctrinam & verum cul-
tum vtatur, res ipsa hodie palam loquitur.
Primum enim regnum, illudq; amplissimum,
nempe Turcicum erexit, quod palam blasphe-
mat nomen Christi. Deinde aliud regnum,
quod Papatum vocant statuit: quod etsi non
profiteretur se palam aduersari Christo: singu-
lari tamen dolo & fraude regnum Christi in-
uadit: doctrinam corrumpit sacramenta con-
taminat, breuiter verum cultum Dei peruer-
tit. Papa enim ministerij titulo primatum asse-
cutus, omne superstitionis & idololatriæ ge-
nus in mundum inuexit, adeo vt post natos
homines nulla vnquam sit audita violentior
intollerabiliorque tyrannis, nullumq; extiterit
idolomaniae genus quo grauior irrogata sit
maiestati diuinæ iniuria, & quo Christiano-
rum hominum mentes prodigiosius sint fasci-
natae. Posteaquam autem hac ex parte suas
fraudes deprehensas cognouit Satan, non agit
induci-

inducias, sed suæ im-
rit: quales sunt Libe-
tiani, Antinomi & a-
gatam & Sacramen-
stro foedere conantur
conatibus animadu-
Euangelij, & puri
ditur alia via, quam
ac hostiliter inter
quos animaduertit
tari Ecclesiae ac vi-
nem, ne scilicet con-
hoc tam præclarum
tur. Præterea subin-
isti exturbat, qui Apo-
damnum Ecclesiae
qui nouam rationem
doctrinae apud infirmos
gitant. Colligunt es-
eorum, quorum opera
extrema senectæ man-
am Ecclesiam: cum t-
damenti doctrina &
veram antilogiam in-
formas Prothei isti
chinamentis Satanæ
quod obstinati sint fa-
superstitione: infirm-
magna ex parte succu-
num ingenti dolore:
rauerit suum aduentum
rursus superioribus t-

inducias, sed suæ impietatis ministros conquirit : quales sunt Libertini, Anabaptistæ, Seruetiani, Antinomi & alij qui doctrinam repurgatam & Sacramenta rursus suo impuro rostro fœdare conantur. At uero cum hisce suis conatibus animaduertit se non posse cursum Euangelij, & puri cultus Dei impedire, aggreditur alia via, qua intestinis dissidijs distrahat, ac hostiliter inter se committat illos ipsos, quos animaduertit seriam præ cæteris meditari Ecclesiæ ac veræ religionis restitutionem, ne scilicet coniunctis studijs & consilijs hoc tam præclarum opus vnanimes moliantur. Præterea subinde quosdam è castris Christi exturbat, qui Apostatæ facti, grauissimum damnum Ecclesiæ inferunt : inter quos sunt qui nouam rationem conciliandi odium puræ doctrinæ apud infirmos & imperitiores exco-
gitant. Colligunt enim antinomias in dictis eorum, quorum opera Deus est vsus in hac extrema senectâ mundi ad repurgandam suam Ecclesiam : cum tamen in nulla parte fundamenti doctrinæ & cultus Dei possint vllam veram antilogiam monstrare, vtut se in mille formas Prothei isti transforment. His machinamentis Satanæ videmus effectum esse, quod obstinati sint facti confirmatiores in sua superstitione : infirmiores ac imbecilliores magna ex parte succumbant cum piorum omnium ingenti dolore : & nisi Christus accelerauerit suum aduentum, metuendum est, ne rursus superioribus tenebris pleriq; inuoluantur.

tur. Quid nobis quæso, hic faciendum est fratres? Cauendæ sunt insidiæ Satanae: respiciendum est ad exempla maiorum Abel, Abrahæ, Prophetarum, Christi & Apostolorum: horum cœtui in doctrina, cultu, inuocatione nos adiungamus: non turbemur multitudine hostium: non moueat nos numerus transfugarum: non frangamur animo cruce & ærumnis, quas pios perferre in hoc mundo necesse est: non tantum respiciamus ad humilitatem Ecclesiæ, quæ in hac vita humi iacet contempta: sed etiam intueamur Christum triumphantem, qui eos, quos conformes sibi facit in hac vita, olim beata immortalitatis gloria donaturus est, modo constantes perseuerauerint vsq; ad finem. Meminerimus grauissimæ sententiæ Christi: vigilate & orate, ne intretis in tentationem. Quod vobis (inquit) dico, omnibus dico. Tentat mundus: sollicitat caro: turbant hæreticorum agmina: offendunt doctrinæ & morum scandala: fuitiles superbiorum hominum rixæ molestant: aduersus hæc omnia præsidium tutissimum est inuocatio Dei. Non enim frustra dicit Solomon: Turris fortissima nomen domini, ad eam confugiet iustus & saluabitur. In inuocatione nostra respiciamus ad Ecclesiam Propheticam & Apostolicam, & muniamus animos nostros aduersus Mahometicas & Papisticas idolomanias & hæreticorum ἐνοχλήσεις: sæpe cogitemus quam firmis & immotis fundamentis nitatur Ecclesiæ

sic perpetua doctrina
catholicæ cultus: i
patefactiones diuina
voluntatem hominū
catus est cum sanctis
quam suam voluntatem
raculis confirmant
uo testamento: alio
sentim Moysi, Pro
lorum, in doctrina
confessionem ex
cum Abel protom
suo sanguine conf
tilibus disputatio
cis quod est dilect
ta studeamus quæ
spurationibus, ex
in Ecclesia, non fin
gito. Etsi autem in
Deo gratia) adhuc
bus Ecclesijs pios co
det, vt afficiamur e
die affliguntur pro
stius rixas, quib
aliorum animi vu
malis mederi non
ad illum, qui solus pe
cum tota Ecclesia Cl
trem Domini nostri I
siam in hac vita co
doctrinæ, & verum

fiæ perpetua doctrina, & constans Ecclesiæ
catholicæ cultus: veniant nobis in mentem
patefactiones diuinæ, quibus ipse Deus suam
voluntatem hominibus patefecit, quando lo-
cutus est cum sanctis Patriarchis & Prophetis:
quam suam voluntatem multis stupendis mi-
raculis confirmauit, cum in veteri, tum in no-
uo testamento: aspiciamus dulcissimum con-
sensum Mosis, Prophetarum, Christi, Aposto-
lorum, in doctrina & cultu: incitemur ad
confessionem exemplo tot Martyrum, qui
cum Abel protomartyre doctrinam cœlestem
suo sanguine confirmarunt: abstineamus à fu-
tilibus disputationibus, quibus vinculum pa-
cis, quod est dilectio, soluitur, & magis piæ vi-
tæ studeamus quam argutis & inutilibus di-
sputationibus, ex quibus quid mali ortum sit
in Ecclesia, non sine magno dolore animi co-
gito. Etsi autem in his regnis est summa (sit
Deo gratia) adhuc tranquillitas, & in omni-
bus Ecclesijs pius consensus: tamen pietas sua-
det, vt afficiamur eorum calamitate, qui ho-
die affliguntur propter quorundam intempe-
stiuas rixas, quibus multorum principum &
aliorum animi vulnerantur. Verum cum his
malis mederi non possumus, confugiamus
ad illum, qui solus potest omnia. Orate igitur
cum tota Ecclesia Christi æternum Deum pa-
trem Domini nostri Iesu Christi, vt sibi Eccle-
siam in hac vita colligat, & in ea puritatem
doctrinæ, & verum cultum conseruet: vt ip-
sæ

sum vere colamus, & in omni æternitate celebremus ac diligamus. Orate vt gubernet suo spiritu regem Dominum nostrum clementissimum D. Fredericum eius nominis secundum, qui vt patri sanctissimo in regnum successit: ita paternarum virtutum hæres existit verissimus: non solum iusticiæ & æquitatis amantissimus Princeps, verumetiam Ecclesiarum scholarumq; fautor & patronus optimus, imo nutricius fidelissimus. Orate vt Christus suo spiritu regat regni consiliarios & alios nobiles & gubernatores Ecclesiarum, politiarum, scholarum & œconomiarum, addatq; ipsis animum, gloriam Dei, veram doctrinam, & honestatem disciplinæ conseruandi, vt tranquillam & quietam vitam degamus cum omni pietate & honestate. Orate pro omnibus regni statibus, vt omnes dulci concordia coalescant, & alij alios subleuent, vt maiores cogitent inferiores cohæredes regni Dei secum futuros: vt inferiores superioribus obediant in Domino, vt Paulus præcipit: vt ita dulcissima harmonia ordinum in hoc regno constituta, pacifice & tranquille viuamus. Orate aduersus hostes Regis & regni. Orate vt Christus impetus Satanæ reprimat ac largiatur Ecclesiæ doctores & pastores in vera doctrina & pietate concordēs, qui recta docendo & exemplo piæ vitæ gloriam Dei illustrent: quo tandem plene omnes relecta facie gloriam Domini, vt in speculo conspicien-

spicientes, in eandem
mur a gloria in glori
ritu, A M E N.

Iam reliquum est
meo consilio, cur vi
Dominicalia enarrati
Ante quatuordecim a
cis meis discipulis di
Euangelia dominical
mea opella nonnulli
cogitant de edendo.
discipulis dictata er
tur: & dum anima
expeti, ea nonnulli a
vero piorum quorū
me impulerunt, vt pu
mitterem. Quare cum
natus sit pijs Euangeli
est sub nomine vestro
meum laborem in lucer
quis fructus ad vos indi
cias agite, & me De
precibus. Hoc vnum
nam catholicæ Eccle
quam & schola Vitebe
& adhuc siuere rueru
huius scholæ professore
bæus Alpinus, D. Petru
Sennings, D. Olauus C
nes iam in Domino

spicientes, in eandem imaginem transformemur à gloria in gloriam, sicut à Domini spiritu, AMEN.

Iam reliquum est, vt nonnihil dicam de meo consilio, cur videlicet has in Euangelia Dominicalia enarrationes ediderim in lucem. Ante quatuordecim annos priuatim domesticis meis discipulis dictaui quædam scholia in Euangelia dominicalia, quo eorum studia hac mea opella nonnihil iuuarem, nihil omnino cogitans de edendo. Sed quid fit? quæ paucis discipulis dictata erant multis communicantur: & dum animaduerti ista auide à multis expeti, ea nonnihil ante sexennium auxi. Iam vero piorum quorundam pastorum preces me impulerunt, vt publicarem & in lucem emitterem. Quare cum hic labor totus destinatus sit pijs Euangelij ministris, mihi visum est sub nomine vestro carissimi fratres, hunc meum laborem in lucem emittere. Quod si quis fructus ad vos inde peruenerit, Deo gratias agite, & me Deo vestris commendate precibus. Hoc vnum studiose curauit, vt doctrinam catholicæ Ecclesiæ pure proponerem, quam & schola Vitebergensis vltra 40. annos & adhuc siacere tuetur, & præstantissimi viri huius scholæ professores: D. Ioannes Machabæus Alpinas: D. Petrus Palladius: D. Ioannes Senningius. D. Olaus Chrysostomus (qui omnes iam in Domino quiescunt, expectantes plenam

plenam liberationem per aduentum filij Dei)
tradiderunt. In hoc consensu persistimus &
nos qui illis in officio successimus in hac scho-
la: & serio oramus Deum, vt in hoc consensu
viuamus & moriamur. Non enim dubita-
mus quin hic sit consensus perpetuus Ecclesiæ
Dei, sicuti supra satis ostendimus. Oro De-
um patrem Domini nostri I E S V Christi, vt
nos suo Spiritu coniungat, vt vnum in
ipso simus. Bene & feliciter in Chri-
sto valete. Hassniæ 30. Martij,
A Christo nato

I 5 6 I.

DOM
PRIMA A
MATT

CVM APP
Hierosolym
ad montem
sit duos disci
stellum quod com
nietis asinam allig
soluite & adducite
quid dixerit, dicite
bet, & confestim en
tum factum est, v
tum est per Prophet
liæ Sion: Ecce Rex
tus, sedens super asina
ingulis. Eantes autem
præceperat illis Iesus
nam & pullum & iun
stimenta sua, & eun
Plurima autem turb
sua in via. Alij vero c
ribus, & sternebant in
præcedebant, & quæ
bant dicentes: Holanna
ctus qui venit in nom
altissimus.

ENARRAT

15

DOMINICA^r PRIMA ADVENTVS, MATTHÆI XXI.

CUM APPROPINQVASSENT Hierosolymis, & venissent Bethphage ad montem Oliuarum, tunc Iesus misit duos discipulos dicens eis: Ite in castellum quod contra vos est, & statim inuenietis asinam alligatam, & pullum cum ea, soluite & adducite mihi. Et si quis vobis aliquid dixerit, dicite: Dominus his opus habet, & confestim emittet eos. Hoc autem totum factum est, vt adimpleretur quod dictum est per Prophetam dicentem: Dicite filiae Sion: Ecce Rex tuus venit tibi mansuetus, sedens super asinam & pullum filium sub iugalis. Euntes autem discipuli fecerunt sicut praeceperat illis Iesus. Et adduxerunt Asinam & pullum & imposuerunt super illos vestimenta sua, & eum super illa collocarunt. Plurima autem turba strauerunt vestimenta sua in via. Alij vero caedebant ramos de arboribus, & sternebant in via. Porro turbæ quæ præcedebant, & quæ sequebantur, clamabant dicentes: Hosanna filio Dauid, benedictus qui venit in nomine Domini, Hosanna in altissimis.

ENARRATIO TEXTVS.

Cum

CUM hoc de aduentu Domini festum sit omnium primum ordine, quod in Ecclesia celebratur, operæ precium est, ut admoneamur quæ in singulis festis spectanda sint: ne aut cum impio & prophano mundo eis in contumeliam Dei abutamur, aut minus pie, quam par est, eadem celebremus non sine multorum scandalo. Sunt autem in vniuersum tria in singulis festis considerata: Historia, quæ festi fundamentum est: beneficium, cuius historia meminit: & festi verus legitimusq; vsus. Ut enim historia mentem erudit: ita beneficium Dei, cuius memoriam confirmat historia, fidem alit & confirmat: ex qua fide gratitudo manat quæ Deum pro accepto beneficio celebrat mente, voce, confessione & moribus: in qua gratitudine verus festi vsus conspicitur.

Hæc tria omnibus festis accommodanda sunt. Quare cum hoc festum sit institutum de aduentu Domini, historia aduentus, quæ ad conceptionem, natiuitatem, doctrinam & facta Christi præcipuos articulos nostri symboli pertinet, discenda est: beneficium Dei, quod est per sacrificium expiatorium saluare perditam ouem, est recolendum: illa mens erudienda, hoc fides alenda & confirmanda est: ut inde mentis gratitudo nascatur, qua Deum, qui filium dare dignatus est, mente, voce, confessione & moribus celebramus. Porro ut nobis præsens festum reddatur cum in Dei gloriam, tum in nostri instructionem utilius, tres locos ordine tractabo, qui sunt:

I. De

AD V
I. De aduentu
II. Descriptio
III. De moribus
atq; adeo
meditatione

DE

Quo magis & cer
dem, & nostri saluta
tu Domini nostri Ie
cuius diuo Bernardus
que sunt: Quis sit qui
quando: & qua.

I. Venit secundum
alij filius, equalis
nitate. Hinc discamus
dignitas & potentia. &
homo de semine Abrabe
la Prophetarum & res
nor patre in vera lux
qua nature societate
cum accedere non per
sus, qui idem Deus est
persona in duabus natur
saluare, quia Deus: &
stram assumpsit, ut pro
2. Unde venit?
venit, qui omnia imple

- I. De aduentu DOMINI.
- II. Descriptio Regis Christi & eius regni.
- III. De ciuibus huius Regis, eorum officio, atq; adeo de vero vsu & salutari meditatione aduentus Domini.

D E P R I M O.

Quo magis & certius erudiamur in Dei laudem, & nostri salutarem instructionem de aduentu Domini nostri Iesu Christi, sex circumstantias cum diuo Bernardo pensandas in eo proponamus, quæ sunt: Quis sit qui veniat: vnde: quo: ad quid: quando: & qua.

I. Venit secundum Gabrielis testimonium altissimi filius, æqualis altissimo patri in vera diuinitate. Hinc discamus quanta sit eius maiestas, dignitas & potentia. Venit semen mulieris verus homo de semine Abraham & David, iuxta oracula Prophetarum & testimonia Apostolorum: minor patre in vera humanitate. Ex quo discamus, qua naturæ societate nobis coniunctus sit: vt ad eum accedere non pertimescamus. Venit ergo Christus, qui idem Deus est verus & homo verus, vna persona in duabus naturis subsistens, qui & potest saluare, quia Deus: & vult, quia naturam nostram assumpsit, vt pro nobis victima fieret.

2. Unde venit? è cælo venit, è sinu patris venit, qui omnia implet, & vbiq; inuisibiliter adest:

est: venit & in utero virginis conceptus Spiritus sancti opera, nutritur sanguine virginis, nascitur, educatur, circumciditur, &c.

3. Quo venit? in mundum venit, qui per ipsum factus est: in propria venit, & sui eum non receperunt, venit in inferiores partes terræ. Atque hoc est sine controuersia magnum illud mysterium, de quo Apostolus 1. Tim. 3. Deus manifestatus est in carne, iustificatus est in spiritu, conspectus est ab angelis, prædicatus à gentibus, fides illi habita est in mundo, sursum receptus est in gloriam.

4. Ad quid venit? Causas aduentus Domini in mundum, vox Dei prænunciat: Typi figurant: oracula Prophetarum clamant: verba & facta aduenientis Domini comprobant: Apostolica testantur præconia: ac omnium sanctorum læta confitetur Ecclesia.

Vox Dei ad serpentem fuit Gen. 3. Semen mulieris conteret caput tuum, quod Apostolus explicans ait: Christus apparuit ut destruat opera Diaboli. Huius vocis sententiam sæpe sanctis patribus idem Deus inculcauit, & potissimum Abrahamo, dicens: In semine tuo benedicentur omnes gentes. Ex his ergo intelligitur, quod propter duo aduenerit Christus: primum, ut destrueret opera Diaboli, alterum ut benedictionem adduceret super filios Abrahamæ, hoc est, super omnes qui Christum fide receperint, sicuti Abraham fecit. Nam cum Adam se, & totam posteritatem suo lapsu regno Sathane

manci-

AD
mancipasset, ac in
coniecisset, requireb
ritas penam lætem
genere humano insti
nita potius potuit
iratum placare,
sua fide, venit in m
suum se recipit, de
paris placat, faci
lus.

Hoc ipsum ma
trum, agnus po
super populum, ac
crificium Aarona
ceremonijs.

Oracula Prop
causas aduentus Do
clamant: ut Esaiæ 5
& aduersus nostros po
pter præuocationem
pter iniquitates m
iniquitates omnia
rima testimonia 2
causa omitto.

Verba & facta
proband: Venite inque
& operati estis, &
credit in me non per
bebit. Item: Pro

mancipasset, ac in maledictionem commeritam coniecisset, requirebat iusticia Dei, vt aut commeritas pœnas lueremus, aut satisfaceret aliquis in genere humano iusticiæ Dei. Verum cum nulla finita potentia potuit Diabolum superare, & Deum iratum placare, prodiit Filius Dei de arcana sua sede, venit in mundum, fit homo, nostram causam in se recipit, destruit regnum Diaboli, ac iram patris placat, factus pro nobis victima & sacerdos.

Hoc ipsum multi figurant typi : vt sacrificia patrum, agnus phasæ, aspersio sanguinis vaccæ ruscæ super populum, atq; adeo arca fœderis, totum sacrificium Aaronicum cum omnibus suis ritibus & ceremonijs.

Oracula Prophetarum innumera has ipsas causas aduentus Domini consentientibus suffragijs clamant : vt Esaia 53. Vere languores nostros tulit, & dolores nostros portauit, ipse vulneratus est propter prauaricationes nostras, & attritus est propter iniquitates nostras. Dominus coniecit in illum iniquitates omnium nostrum. Huiusmodi sunt plurima testimonia Prophetarum, quæ breuitatis causa omitto.

Verba & facta Christi aduenientis idem comprobant : Venite inquit, ad me omnes qui laboratis & onerati estis, & ego vos refocillabo. Item : Qui credit in me non peribit : Sed vitam eternam habebit. Item : Pro ijs sanctifico meipsum : hoc est,

C

me ho-

me hostiam Deo patri offero pro ipsorum peccatis expiandis: quod non solum multa miracula, quæ fecit, quibusq; opera Diaboli destruxit, conuincunt: verumetiam mors ipsa, & eam secuta gloriosa victoria.

Apostolica testimonia quis potest numerare? Paulus dicit: Mortuus est pro peccatis nostris, & resurrexit propter iustificationem nostri. Idem scribit: Eum qui non nouit peccatum fecit peccatum, ut nos fieremus iusticia Dei in ipso. Ioannes Baptista clamat: Ecce agnus Dei qui tollit peccata mundi. Iohannes Apostolus: Iesus Christus purgat nos ab omni iniquitate nostra. Idem summam beneficiorum Christi complectens, scribit: Christus apparuit ut destruat opera Diaboli.

Deniq; vniuersa Christi Ecclesia has ipsas Aduentus Christi causas leta per spiritum Christi confitetur, ita canens: Tu ad liberandum suscepturus hominem, non horruisti virginis uterum. Te deuicto mortis Aculeo aperuisti credentibus regna cælorum, &c.

Verum si de tempore quæris, respondet Apostolus Paulus: Postquam venit plenitudo temporis, emisit Deus filium suum natum ex muliere, factum sub lege, ut eos qui erant legi obnoxij redimeret, ut adoptionem filiorum reciperemus. Venit ergo nec serius, nec tardius quam venire debuit. De hoc aduentus Domini tempore prædixerunt Prophetæ

AD
phete Iacob; &
cenda erunt de
Unumq; vi
hæc quoq; diligenter
ei occurrere. Sicut i
strammit semel i
salutatis animas
bus cogitatur leg
& multisq; im
sonem. Ero vobis
culi: Atq; tum
viorum & mor
nabantur medio
iudicem, & sum
mum: de quo Ad
ra audiemus. Atq;
n breuiter dictum

DE

Secundus locu
habet de scriptio
qua descriptio con
qui adducit Ena
pan non temere
Dei & consilio ar
nuntiatum fuisse.
docet de conditio
gni. P. 1. 1. 1.

phetae Iacob, & Daniel : de qua re plura dicenda erunt die natiuitatis DOMINI.

Unum restat, via videlicet per quam venit? & hæc quoq; diligenter requirenda, vt possimus recta ei occurrere. Sicut itaq; ad operandam salutem nostram venit semel in carne visibilis: ita quotidie ad saluandas animas singulorum vbicunq; eius verbum cogitatur, legitur, prædicatur, in spiritu venit, & inuisibilis: imo illic semper adest iuxta promissionem: Ero vobiscum vsq; ad consummationem sæculi: Atq; tum rursus apparebit visibilis index viuorum & mortuorum, vt qui ipsum antea aspernabantur medicum & saluatorem, tum sentient iudicem, & suorum scelerum vindicem, iustissimum: de quo Aduentu proxima die Dominica plura audiemus. Atq; hoc pacto de Aduentu DOMINI breuiter dictum sit.

D E S E C V N D O.

Secundus locus, quem continet textus Euangelij, habet descriptionem Regis Christi, atq; eius regni: quæ descriptio confirmatur Zachariæ testimonio, quod adducit Euangelista, vt sciamus hanc pompam non temere institutam: Sed ex voluntate Dei & consilio arcano Trinitatis longe antea prænunciatam fuisse. Multa enim hæc pompa nos docet de conditionibus regis Christi, & eius regni. PRIMVM enim hæc CHRISTI pompa
C 2 equitan-

equitantis in Ierusalem discrimen facit inter Christum regem, & mundi reges, eorumq; diuersa regna. Satis enim arguit hæc contemta pompa, quod Christus nec mundanus Rex sit, nec regni eius administratio sit mundana: Nam reges mundi, vt à suis magnifici æstimentur, splendide ornantur: ita regnorum mundanorum administratio splendorem & magnificum requirunt apparatus. SECUNDO docet hæc historia, quod sub hac vili pompa lateat omnipotentia & diuinitas quædam. Nam cum ait: soluete, & adducite mihi. Item: Dominus his opus habet. Item: Confestim dimittet eos, significat Christus rex noster se diuina sua virtute omnia, quæ vult, efficere posse: atq; adeo hominum corda, & voluntates in sua habere manu.

Et si igitur regnum Christi in hoc mundo apparet contemtibile: Tamen si regis potentiam & diuinitatem respicis, nihil eo augustius, nihil potentius, nihil deniq; gloriosius.

Porro vaticinium Prophete tria continet, primum exhortationem ad Ecclesiam iam deiectam & plane consternatam: Lætare, inquit, & exulta filia Sion. Hinc docemur, quod ad deiectos & consternatos, planeq; contritos spiritu pertineat Euangelium. Deinde continet hoc vaticinium mandatum Dei, vt huic regi homagium præstemus, quem admodum secundus quoq; Psalmus hortatur cum ait: Osculamini filium. Tertio continet hoc vaticinium descriptionem personæ Christi, nimirum quod

AD
quod sit Rex Ecclesie
venit: ac si dicat,
Rex, de quo etiam
gnum Dei quod Dia
didit. Hinc regem m
vt eum fugiam
num, id potius ple
tamq; ab eo pro
eum pauperem et
conditionem refe
roluit, vt nos spi
beet.

DE
Huius Regi
Christi & turba de
bemus, modo inter
mus. Primum itaq;
mus dñam: hoc est
demandatum est
in gloriam Christi
faciemus. Deinde
per asinam: id quo
facultates nostras
conferemus. Rame
& cognoscimus Chri
bimus, & agnosce
regnum perpetuum
vt nullis mortu

quod sit Rex Ecclesie promissus : Ecce ait Rex tuus venit : ac si diceret, hic est tandem ille promissus Rex, de quo tot extant testimonia, qui restituet regnum Dei, quod Diabolus inuasit, ac peccato perdidit. Hunc regem mansuetum & mitem esse dicit, ut eum non fugiamus tanquam crudelem tyrannum: sed potius plena cum fiducia accedamus, petamusq; ab eo promissam salutem. Quod autem eum pauperem esse prædicat, id ad præsentis vitæ conditionem referendum est : Qui ideo pauper esse voluit, ut nos spiritu pauperes ditet, & æternum beet.

D E T E R T I O.

Huius Regis ciues sub persona discipulorum Christi & turbae describuntur, quos nos imitari debemus, modo inter ciues regni Christi censerì velimus. Primum itaq; cum discipulis Christo adducemus asinam: hoc est, nos quibus ministerium verbi demandatum est, omnia quæ nobis præcepta sunt, in gloriam Christi, & regni eius propagationem faciemus. Deinde vestimenta nostra sternemus super asinam: id quod tum demum faciemus, quando facultates nostras ad conseruationem ministerij conferemus. Ramos quoq; cedemus de arboribus, & obijciemus Christo : hoc est, Christum prædicabimus, & agnoscemus perpetuum regem : cuius regnum perpetuo instar palmæ florere optabimus, ut nullis oneribus ærumnarum huius mundi succumbat.

cumbat. Clamabimus Hosanna: hoc est, ex fide inuocabimus, & confitebimur hunc Regem certi quod eius regnum sit benedictum in excelsis.

Hinc iam breuiter colligamus quis sit verus vsus, & salutaris meditatio huius festi de salutaris Christi aduentu. PRIMV sitaq; vsus est, vt studeamus, vt hic Rex ad nos veniat. Quomodo hoc fit? Vera pœnitentia accersitur, solida fide retinetur, puro cultu delectatur. SECVNDVS vt admoneamur gratitudinis, vt ipsum mente, voce, confessione & moribus celebremus: qui nostra caussa ad nos venit: qui factus homo dedit se ipsum pro peccatis nostris, vt eriperet nos de præsenti sæculo malo iuxta voluntatem Dei & patris nostri: Cui gloria in sæcula sæculorum, Amen.

DOMINICA SECUNDA ADVENTVS

Euangelium Lucæ 21.

ERunt signa in Sole, & Luna, & Stellis, & in terris anxietas gentium per desperationem, resonante mari & fluctu, extabescentibus hominibus præ timore, & expectatione eorum, quæ superuenient orbi terrarum. Nam virtutes cœlorum mouebuntur, & tum videbunt filium hominis venientem in nube cum potestate & gloria magna. His autem fieri incipientibus, suspicite, & attollite

tollite capita vestra
redemptio vestra. Et
Videte ficum, & om
dunt iam gemmas, c
tis, quod iam inestet
deritis hoc fieri, si
Dei amen dico v
hæc antequam om
& terra transibit
transibunt. Cane
grauentur corda
& curis huius vi
pentina dies illa
perueniet in om
omnis terræ. Vi
orantes, vt digni
nia quæ futura sunt
minis.

ENARRA

Quænammoda
clesia mem
ne recoluit: ita h
ipsum aduentu tract
dei vestre, quo mente
Dominum, qui primo
saluator in se credent
vivos & mortuos: v
repperunt, & salua
nentur una respo

tollite capita vestra quoniam appropinquat redemptio vestra. Et dicit illis similitudinem: Videte ficum, & omnes arbores, cum protrudunt iam gemmas, cernentes ex vobis ipsis scitis, quod iam instet æstas: Ita & vos cum videritis hæc fieri, scitote quod instet regnum Dei. Amen dico vobis, non præteribit ætas hæc antequam omnia facta fuerint. Cælum & terra transibunt, verba autem mea non transibunt. Cauete autem vobis, ne quando grauentur corda vestra crapula & ebrietate, & curis huius vitæ, & superueniat in vos repentina dies illa: tanquam laqueus enim superueniet in omnes, qui sedent super faciem omnis terræ. Vigilate ergo omni tempore orantes, ut digni habeamini fugere ista omnia quæ futura sunt, & stare ante filium hominis.

ENARRATIO TEXTVS.

Quemadmodum proximo die Dominico Ecclesia memoriam aduentus Christi in carne recoluit: ita hæc Euangelica lectio de secundo ipsius aduentu tractat & pertinet ad articulum fidei nostræ, quo mente & ore confitemur eundem Dominum, qui prius venit, ut esset mediator & saluator in se credentium, venturum ad iudicandū viuos & mortuos: ut illi qui Christum in hac vita receperunt, & saluatorem agnouerunt, æterna donentur vita resuscitatis corporibus: & qui cum

spreuerant indulgentes suis affectibus in contumeliam Dei, dignis cruciatibus afficiantur æternum. Constituantur autem huius Euangelicæ lectionis tres loci:

I. De aduentu Christi ad iudicium.

II. Usus & fructus præmonitionis de eodem aduentu.

III. Exhortatio Christi ad discipulos ut sint parati sine impedimentis.

DE PRIMO.

Occasionem huic concioni de aduentu Christi ad iudicium præbuit colloquium Christi & discipulorum eius de templo Hierosolymitano. Nam cum admirarentur discipuli ornatum templi, ipse Dominus respondit fore ut ita vastaretur aliquando, ne relinqueretur lapis super lapidem. Hoc audientes discipuli interrogant de tempore. Quibus respondens, signa quæ præcederent excidium Hierosolymitanum exposuit, illos confirmans ne animum desponderent propter imminencia mala: hinc occasione sumpta transit ad vniuersale, & supremum iudicium, & quæ signa illud sint præcessura enumerat.

Verum quo omnia nobis fiant illustriora, primum circumstantias quinque, quas textus completitur, examinabimus. Deinde ipsum iudicium ex scripturis describemus.

Circumstantiarum itaque prima est temporis.
Tempus

*Tempus enim mon
ne confirmat. Sicut a
que aduentum Domini*

*PRIMUM in fo
tur, quod male sit fut
explicat. Sol obtenebr
tes sol eclipses: &
um, dum videlicet
dendent, hoc est, v
nris signa præteri
fiatur atas. Nam
vel luna eclipses.*

*SECUNDUM
anxietas gentium
Mattheus & Ma
gens contra gentem: &
erit locus tutus à bell
gia plenum esse mun*

*TERCIUM
aeris, tempestatum
inustitatorum quoru
torum. An non &
viti quam plurima*

*QUARTUM ge
tem manat, quod e
& expectatione eoru
rarum.*

*QUINTUM ge
buntur, hoc est, etiam*

Tempus enim monstrat à signis, & comparatione confirmat. Sunt autem plura signorum genera, quæ aduentum Domini ad iudicium præcedunt.

PRIMUM in sole & luna & stellis conspicitur, quod quale sit futurum Mar. 13. cap. his verbis explicat: Sol obtenebrabitur, hoc est, erunt frequentes solis eclipses: & Luna non dabit splendorem suum, dum videlicet patitur eclipsin: & stelle cælo decident, hoc est, videbuntur decidere. Huius generis signa præterijisse quamplurima hæc nostra testatur ætas. Nunquam enim tot contigere vel solis vel lunæ eclipses.

SECUNDUM signum imminentis iudicij, est anxietas gentium præ desperatione, hoc est, vt Matthæus & Marcus interpretantur: Insurget gens contra gentem, & regnum contra regnum, nec erit locus tutus à bellis. An non huius generis signis plenum esse mundum testatur hic dies?

TERTIUM generis signa sunt maris, fluctuum, aeris, tempestatum, horrendorum tumultuum, & inusitatorum quorundam & vehementium ventorum. An non & huius generis signa nostra ætas vidit quam plurima?

QUARTUM genus signorum ex secundo & tertio manat, quod est extabescencia præ timore & expectatione eorum, quæ superuenient orbi terrarum.

QUINTUM genus: virtutes cælorum mouebuntur, hoc est, erunt inusitati aspectus in Cælo, &

in terris terræmotus. Breuiter Cælum & Terra irati iudicis faciem quodammodo referent, vt peccatores istis iræ Dei signis moti agant pœnitentiam & conuertantur ad Dominum.

Hæc signa in hunc modum ad extremum iudicium applicat Dominus: [Videte ficum & omnes arbores, quum iam emiserint folia, vos eas cernentes ex vobisipsis agnoscitis, quod iam prope sit æstas: Ita & vos cum videritis hæc fieri, agnoscite quod prope sit regnum Dei. Nam hæc signa è creaturis omnibus, quæ sursum ac deorsum feruntur, erunt veluti præcones, quorum voce citabuntur homines ad horribile illud tribunal, qui hic in mundo lasciuientes suam ipsorum salutem neglexerunt, & veluti Ebræi Christum salutis autorem contemserunt.

Præter hæc quintuplicia signa, quorum textus meminit, sunt & alia Matth. 24. Marc. 13. 2. Thes. 2. Danie. 2. & 7. Apoca. 17. quæ omnia sunt veluti quædam aspectabiles conciones de pœnitentia, quibus Deus inuitat homines, vt confugiant ad filium suum Dominum nostrum Iesum Christum, in quo solo salus est.

SECUNDA circumstantia est, quod is qui est filius Dei & hominis, Iesus Christus, sit futurus iudex. Unde & p̃ij & imp̃ij habent quod discant. P̃ij quidem, vt sciant illum futurum iudicem, qui omnibus in se credentibus vitam æternam promiserat addito iureiurando:

Amen dico vobis

*vobis, Omnis qui credit
beat vitam æternam.
confirmata nequaquam
vt vel agat pœnitentiam
nie, & inde salute per
vel muerit hunc q
adiudicatum ipfos
denum cum suo ma
horrendum in manus
TERTIA circum
in nube gloriosus &
tea, sed Dominus non
non iam inuitaturus
impetentes æternam
dex iustus.*

*QUARTA circum
potens, cum potestate &
suum, quod & possit
at æterna vita donare
QUINTA circum
Christi ad iudicium
tinet) exprimit: [App
qua voce, vt Christus
bene in hoc mundo sit
tea à vanitate huius m
complementum benefici
am, esse plenam redem
cum qua coniuncta est
cum æterna letitia. E*

vobis, Omnis qui credit in me non pereat, sed habeat vitam eternam. Hæc promissio iuramento confirmata nequaquam fallere potest. Impij vero, vt vel agant pœnitentiam relicta impiorum colluuiæ, & ita de salute per Christum parta gaudeant, vel meminerint hunc quem renuerunt saluatorem adiudicaturum ipsos æternis cruciatibus, vt tum demum cum suo magno malo discant, quam sit horrendum in manus Dei viuentis incidere.

TERTIA circumstantia est, quod sit venturus in nube gloriosus & tremendus, non seruus, vt antea, sed Dominus: non iudicandus, sed iudicaturus: non iam inuitaturus homines ad pœnitentiam, sed impœnitenes æternis pœnis puniturus: idq; vt iudex iustus.

QUARTA circumstantia, quod sit venturus potens, cum potestate & gloria magna, vnde discendum, quod & possit damnare rebelles, & valeat æterna vita donare credentes.

QUINTA circumstantia causam aduentus Christi ad iudicium (quantum quidem ad pios attingit) exprimit: [Appropinquit redemptio vestra,] qua voce, vt Christus indicat non fore, vt Ecclesia bene in hoc mundo sit habitura, non enim potest antea à vanitate huius mundi liberari: Ita significat complementum beneficiorum Christi erga Ecclesiam, esse plenam redemptionem ab omnibus malis: cum qua coniuncta est perfecta fruitio æterni Dei cum æterna læticia. Hæc ergo pertinent ad piorum consolatio-

consolationem. Verum quantum ad impios attinet, iste dies aduentus Domini erit dies iræ & calamitatis, non liberationis: caliginis & tenebrarum, non lucis: mœroris, non læticiæ: exitij non salutis.

Cæterum iudicij forma, Matth. 25. his verbis describitur: Cum autem venerit filius hominis in maiestate sua, & omnes angeli cum eo: tunc sedebit super sedem maiestatis, & congregabuntur apud eum omnes gentes, & separabit eas ab inuicem, sicut pastor segregat oves ab hædis, & statuet oves quidem à dextris suis, hædos autem à sinistris. Tunc dicet Rex ijs, qui à dextris erunt: Venite benedicti patris mei & possidete regnum vobis paratum à constitutione mundi. Esuriui enim & dedistis mihi manducare, &c. & ijs, qui à sinistris erunt, dicet: Discedite à me maledicti in ignem æternum, qui paratus est Diabolo & Angelis eius. Esuriui enim, & non dedistis mihi manducare, etc. Atq; ita impij ibunt in supplicium sempiternum: iusti vero in vitam æternam. Et in Apoca. cap. 20. Sedebit super thronum magnum candidum, à cuius conspectu fugit terra & cælum, & mortui magni & pusilli stabunt in conspectu throni: & tunc aperietur liber vitæ, & libri conscientiarum, & iudicabuntur ex his, quæ scripta sunt in libris, secundum opera ipsorum: qui bona egerunt, ibunt in vitam æternam: qui vero mala, in ignem æternum.

Porro in sententia iudicij duo spectanda sunt: A parte Dei, benedictio: à parte hominum, bona opera. Cum

AD V
ra. Cum dicit: Venite
cat eos gratis saluari p
receperunt. Nam in fo
mines, in gratiam Dei
ficantur. Item cum ac
cit Dominus, non quod
pter alias causas, nem
re & fidei & timoris De
æternarum, quas fi
magis eos, ad pie fami

DE S

Cur Christus præmon
um aduentu, explicat
cipiens, suscipite & atten
omnia signa admonebunt
penitentia in hac vita: se
demus cervicibus nostris
nam, nihilominus peni
genus nostris affectibus
principes? quid docti? q
rustici? quid deniq; fere
Christi præmonitione
prædium rusticarum, quæ
non huius vitæ commodat
saluti animæ

DE T

ra. Cum dicit: Venite benedicti patris mei, significat eos gratis saluari propter Christum, quem fide receperunt. Nam in solo Christo benedicuntur homines, in gratiam Dei recipiuntur, & gratis iustificantur. Verum cum ad bona opera prouocat, id facit Dominus, non quod sint causæ salutis: sed propter alias causas, nempe, quia sunt testimonia veræ fidei & timoris Dei: Deinde vt compensatione ærumnarum, quas ferunt in hac vita, proposita, magis eos, ad pie sancteq; viuendum excitet.

D E S E C V N D O.

Cur Christus præmonuerit suos de suo ad iudicium aduentu, explicat cum ait: [Cum hæc fieri incipient, suspicite & attollite capita vestra.] Hæc omnia signa admonebunt nos perpetuæ cuiusdam pœnitentiæ in hac vita: sed quid nos facimus? Videmus ceruicibus nostris imminere diem extremam, nihilominus pœnitentiam differimus, indulgemus nostris affectibus. Quid faciunt nobiles? quid principes? quid docti? quid indocti? quid ciues? quid rustici? quid deniq; fere omnes? Quis serio de hac Christi præmonitione cogitat? pluris facimus prædium rusticarum, quam regnum Dei: imo quis non huius vitæ commoda vel perexigua anteponit salutem animæ?

D E T E R T I O.

Quia

Quia Christus praevidit, quibus malis mundus esset inundaturus sub sui aduentus tempus, exhortationem instituit: ut cum vitent, quæ tum maximam mundi partem à salute promissa excludent: tum se strenuos præbeant milites, qui vigilijs & precationibus pugnent contra hunc mundum sub vexillis vnius Iesu Christi. Quo autem ad vtrumq; sint paratiores, interponit rationes: nam & diem illum repente superuenturum ait, & isto pacto eos omnia euasuros mala, & constituendos coram Dei filio pronunciat.

Ait ergo: [Attendite vobisipsis, ne quando grauentur corda vestra crapula & ebrietate, & curis huius mundi.] Hæc sunt ergo vitanda, crapula, ebrietas, & cura huius mundi, impia scilicet & prophana, quæ fidem Christi extinguit. His malis cum omnes mundi ordines implicari, & inuolui manifestissimum sit, eo magis hæc Christi exhortatio in conspectu nobis esse debet: ne mundi malis moribus decepti pereamus.

Deinde, cum subiungit Dominus: [Vigilate omni tempore deprecantes,] docet quibus rebus occupari eos oporteat, qui superuentura mala cupiunt effugere. Requirit in summa fugam malorum, & ardens bonorum studium: vtrumq; coniungit Apostolus ad Titum scribens: Abnegantes omnem impietatem, & mundanas concupiscentias sobrie, iuste, & pie viuamus in hoc sæculo, expectantes beatam spem, & aduentum glorie magni DEI, cui si

Tit: 2.

AD
cui sit laus, imper
lorum, A M E N.

DOM
TERTIA
Enarr.

IOHANNES
cere facta Ch
suis, dixit illi:
alterum expe
dixit illis: Ite, &
auditis & videt
claudi ambulant
di audunt, mor
latum accipiunt
atus est quisquis n
Euntibus autem il
ba de Iohanne: C
videretis? Nam
a vento? Age, q
hominem molli
ce qui mollia
sunt. At quid e
tam? Certo dic
Propheta: Hic est
Ecce mitto nunci
am, qui preparatur

ENARRA

cui sit laus, imperium, & gloria in secula seculorum, A M E N.

DOMINICA

TERTIA ADVENTVS

Euangelium Matth. II.

IOHANNES autem cum audisset in carcere facta Christi, misit duobus discipulis suis, dixit illi: Tu es ille qui venturus es, an alterum expectemus? Et respondens Iesus dixit illis: Ite, & renunciate Iohanni ea, quæ auditis & videtis: Cæci visum recipiunt, & claudi ambulant, leprosi mundantur, & surdi audiunt, mortui excitantur, & pauperes lætum accipiunt Euangelij nuncium: Et beatus est quisquis non fuerit offensus in me. Euntibus autem illis, cœpit Iesus dicere turbæ de Iohanne: Quid existis in desertum ut videretis? Num arundinem, quæ agitur à vento? Age, quid existis ut videretis? num hominem mollibus vestibus amictum? Ecce qui mollia gestant, in domibus Regum sunt. At quid existis videre? num Prophetam? Certo dico vobis, & excellentiorem Prophetam: Hic est enim de quo scriptum est: Ecce mitto nuncium meum ante faciem tuam, qui præparaturus est viam tuam ante te.

ENARRATIO TEXTVS.

Hoc

Hoc Euangelium describit nobis regnum Christi, illudque depingit proprijs suis coloribus, quantum scilicet ad externam eius formam, quæ in oculos incurrit, attinet. Nam si eius arcanam vim respicis fidei oculis, est longè splendidissimum & gloriosissimum: Hic itaq; solummodo de eius externa specie agitur. Præcursor incarceratur: Unde monemur, quod Christi Regnum sub cruce sit constitutum, mittuntur discipuli dubitantes, sed ad Christum solum. Christus Rex ipse inter pauperes, cæcos, surdos, leprosos versatur: Hi curantur, & recipiunt lætum salutis nuncium, quod mundi potentes, nobiles & sapientes contemnunt. Breuiter, vt hoc Euangelium Regnum Christi depingit: ita confirmat Iohannis ministerium, & Christum verum esse Messiam promissum patribus certis indicijs euincit. Verum vberioris doctrinæ causa præsens Euangelium in quatuor locos distribuatur: Qui sunt:

- I. Et fors, & officium ministrorum verbi indicatur.
- II. Interrogatio Iohannis.
- III. Responso Christi.
- IIII. Encomion & laudatio Iohannis.

DE PRIMO.

[Iohannes autem, cum audisset in vinculis opera Christi, ad ipsum mittit duos de discipulis suis.] Iohannes vinculis constrictus sortem ministrorum verbi

AD
verbi exemplo suo
Christum mittens
veroi ostendit De
primum de sorte
Iohannes tortat
accusat ihera: Se
istoria, Mat. 14. Ill
ANNES reprebe
licet ipsi habere
in carcerem, ac
Istud premium
tyranno. Nam
hominis vulnus
non aliud expecta
manus conuertat,
eundem modum
potissimum tyranni
vi agit penitentiam
non aliud expectet
tem. Quam autem
exemplum docet
ria, cum veteris
martyres clarent:
Apostolorum perse
crucifixo: & alia
nos commonefaciunt
rum in hac vita. Se
præclaram pronunti
veram et diuinam

verbi exemplo suo docet: Et idem, discipulos suos ad Christum mittens, verum officium ministrorum verbi ostendit. De utroque igitur ordine dicam, ac primum de sorte eorum in hac vita.

Iohannes hortatur homines ad pœnitentiam, & accusat scelera: Sed quid illi euenit? Hoc docet historia, Matt. 14. Illic enim narratur, quod cum IOHANNES reprehendisset Herodem, ac dixisset non licere ipsi, habere uxorem fratris sui, coniectus sit in carcerem, ac tandem supplicio capitis affectus. Istud prœmium retulit sanctus Baptista ab impio tyranno. Nam quemadmodum Medicus, si furiosi hominis vulnus attingit, illudque curare conatur, non aliud expectare potest, quam ut furiosus in se manus conuertat, ac malum pro bono reddat: Ad eundem modum minister verbi, si hominis impij & potissimum tyranni alicuius peccatum reprehendit ut agat pœnitentiam, & sanetur à peccati plaga, non aliud expectet, quam minas, maledicta, mortem. Quam autem verum hoc sit, non solum Ioannis exemplum docet: verumetiam totius Ecclesiæ historia, cum veteris, tum noui testamenti. Hinc tot martyres clarent: hinc tot Prophetarum neces: hinc Apostolorum persecutio: Pauli trucidatio: Petri crucifixo: & alia atque alia aliorum supplicia, quæ nos commonefaciunt de sorte sanctorum ministrorum in hac vita. Sed felix est crux, quam Christus præclaram pronunciat. Beata crux, quæ est via ad veram et diuturnam victoriâ per Christum Iesum.

D

Quare

Quare non debent ministri Euangelij propter persecutionem cessare in officio: sed Iohannis exemplo incitati, strenue facere officium, quod in his potissimum situm est. PRIMVM prædicent Christum, & monstrent agnum tollentem peccata mundi. Deinde arguant peccata. Sunt enim organa Spiritus sancti, qui mundum per ipsos peccati arguit, sicuti in Iohanne videmus. Tertio, Pia, sanctaq; sua vita ministerium suum ornent. Quarto, Minas mundi cum Iohanne contemnant, parati ad ferenda potius quævis supplicia, quam vt in officio cessatores esse videantur. Quinto, si contigerit eis in carcerem mitti, & rapi ad supplicia propter officium rite præstitum, quid hic facient? negabunt Christum? Minimè. Sed ad Christum discipulos mittent, non metuentes eos, qui corpus occidere tantum possunt: sed potius eum, qui vt perdere corpus & animam: ita saluare vtrumq; potest. Hæc sint breuiter de primo loco dicta.

DE SECVNDO.

[Tu es ille qui venturus est, an alium expectemus?] Huic legationi & interrogationi occasionem præbuit error discipulorum Iohannis de Messia: Illi enim partim externa facie Christi offensi (sicut apparet ex responsione Domini) partim amore Magistri decepti, existimabant Iohannem Messiam esse. Hunc errorem, vt adimat discipulis suis Iohannes, mittit eos ad Christum, vt interrogent illum, sit

lum, sit ne ipse
standus, vnde
ninus eruditior
Messias, non
nes discipulos
de Christo: sed
consolat. Disce
de nobis sentire
mus: Discamus
superioribus
recta ad Christi

Sed quid respo
te Iohannis, qua
clandi ambulant
unt: mortui resurg
& vocata est quæ
Hoc responsum
tato monstrant
desse in hac vit
almonitionem n
Christi atq; eius
Probatio, quod
est. Quicunq; sua
dis recte inceden
nem, surda audit
bus, hoc est, con
per sensum pecc

lum, sit ne ipse Messias, an alius adhuc sit expectandus, utq; isto pacto, dictis & factis Christi plenius erudirentur de Christo, quod ipse sit verus Messias, & non Iohannes. Non ergo mittit Iohannes discipulos suos ad Christum, quod dubitet ipse de Christo: sed ut dubitantium discipulorum saluti consulat. Discamus igitur nos à Iohanne, humiliter de nobis sentire, ne quid nobis arroganter tribuamus: Discamus à discipulis, obedientiam prestare superioribus nostris, & potissimum ijs, qui nobis recta ad Christum voce & vita mittunt.

D E T E R T I O.

Sed quid respondet Christus? [Euntes renunciate Iohanni, quæ auditis & videtis: Cæci vident, claudi ambulant, leprosi mundantur, surdi audiunt, mortui resurgunt, pauperes Euangelizantur, & beatus est qui non fuerit scandalizatus in me.]

Hoc responsum quatuor continet: signa indubitato monstrantia verum Messiam: imaginem Ecclesiæ in hac vita: ad quos Euangelium pertinet: & admonitionem ne quis offendatur externa facie Christi atq; eius Ecclesiæ.

Probatio, quod ipse Iesus sit verus Messias, hæc est. Quicumq; sua virtute cæcis visum præbet, claudis recte incedendi facultatem, leprosis sanationem, surdis auditum, mortuis vitam, & pauperibus, hoc est, contritis & anxijis conscientijs propter sensum peccati, annunciat Euangelium, is

D 2

absq;

absq; omni dubio verus est MESSIAS: Nam
 Esaias ita de Messia vaticinatur: Pusillanimes,
 confortamini, nolite timere, ecce Deus vester ultio-
 nem adducet retributionis. Deus ipse veniet, &
 saluabit nos. Unde illum cognoscemus? Respondet
 Propheta. Tunc aperientur oculi cecorum: & au-
 res sordorum patebunt: & saliet, veluti ceruus,
 claudus: & aperta erunt lingua multorum. Idem:
 Spiritus Domini super me, eo quod vnxit me ad
 Euangelizandum pauperibus, vt mederer contritis
 corde, & prædicarem captiuis libertatem, & clau-
 sis apertionem. Cum igitur me videtis, iuxta Pro-
 phetarum vaticinia ista præstare mea virtute, cur
 me non agnoscitis Messiam? Atq; ita Christus hac
 demonstratione se verum Messiam esse conuincit,
 & suum officium esse docet, miseris & afflictis
 opem ferre.

Imago præterea Ecclesiæ, & regni Christi, hic
 conspicitur contemta coram mundo. Auditores
 Christi sunt pauperes, egroti & contemti coram
 mundo. His Christus annunciat salutis viam, &
 medetur illorum morbis. Et quemadmodum tum
 sanabat corporum morbos: ita hodie peccatorum
 conscientias peccato vulneratas sanat, & affert læ-
 ticiam cordibus spiritualem: id quod vere sentiunt,
 qui in vera inuocatione vocem Euangelij audiunt.

Cum dicit, pauperes Euangelizantur, ostendit ad
 quosnam pertineat Euangelium: nimirum ad pau-
 peres, hoc est, contritos corde ob peccatorum suorum
 scdita-

scdita-
 tus contribulatu
 Deus non despicit
 contritos corde.
 contrito & humi
 milium & vinctu
 tur solapertinet
 cata, dolent & e
 cium propositum
 unleta annua
 consolatio in co
 etum, que ad il
 tiam & credun
 peccatorum, don
 putata, tanquam
 donatur Spiritu
 Christo effecti, inc
 quotidie satagunt,
 abundant. Paul. i
 Admonitio D
 non fuerit,] hic
 pulos offensos frui
 nere monet omne
 offendantur: vt
 v. m. vel receptum
 omnia temporib
 a deo offensa est se
 rit doctrinam Eue
 nitati religiosali

fæditatem. Unde in Psalmo: Sacrificium Deo spiritus contribulatus, cor contritum & humiliatum Deus non despicias. Item alius Psalmus: Qui sanat contritos corde. Et Esaias 57. Deus habitat cum contrito & humili spiritu, ut viuificet spiritum humilium, & viuificet cor contritorum. Ad eos igitur solos pertinet Euangelium, qui sentiunt sua peccata, dolent & expauescunt iudicium Dei, & abijciunt propositum peccandi. Est proinde Euangelium leta annuntiatio de remissione peccatorum, & consolatio in corde per verbum & Spiritum sanctum, quæ ad illos solos pertinet, qui agunt pœnitentiam & credunt Euangelio, accipiunt remissionem peccatorum, donantur iusticia Christi, qua illis imputata, tanquam iusti apparent in conspectu Dei, donantur Spiritu sancto, & iam noua creatura in Christo effecti, incipiunt Deo ex fide obedire, & quotidie satagunt, ut in omni cognitione & sensu abundant, Phil. 1.

Admonitio Domini: [Beatus qui in me offensus non fuerit,] hic primum significat Iohannis discipulos offensos fuisse in persona Christi. Deinde in genere monet omnes, ne externa facie regni Christi offendantur: ut vel non recipiant EVANGELIUM, vel receptum reiiciant, quemadmodum multi omnibus temporibus offenduntur: Cicero sua ætate adeo offensus est seruitute populi Dei, quod noluerit doctrinam Ecclesiæ recipere. Sua cuique inquit, ciuitati religio Læli est, nostra nobis: stantibus Hie-

D 3

roso-

rosolymis pacatisq; Iudeis: Tamen istorum religio sacrorum, à splendore huius imperij, gravitate nominis nostri, maiorum institutis abhorrebit: nunc vero hoc magis, quod illa gens, quid de imperio nostro sentiret, ostendit armis, quam cara dijs immortalibus esset docuit, quod est victa, quod elocata, &c.

Hæc quatuor hodie etiam Papiste iactant: Splendorem, gravitatem nominis, instituta maiorum, & dominium. Verum Christus hic monet, ne istis larvis sinamus nos decipi: sed potius adiungamus nos pusillo & contempto gregi, qui vocem pastoris Christi audit. Multo enim consultius est cum Nohe & paucis alijs Arcam intrare, & à diluvij periculo liberari, quam cum maxima & florentissima parte mundi perire: Melius est, cum bulceroso Lazaro in sinu Abrahæ gaudere, quam cum diuite epulone inferni tormentis cruciari.

DE QVARTO.

[Illis abeuntibus cæpit Iesus dicere ad turbas de Iohanne. Quid existis in desertum videre, &c.] Hoc Iohannis encomion eò pertinet, ut ipsa turba magnifaciat ministerium Iohannis, ac ipsius voci tanquam cælesti credat. Coniungit autem Christus in hoc encomio omnia quæ probum Apostolum decet, & commendat illum à quatuor virtutibus: Primum à constantia: Confert enim ipsum rupi immobili, quæ non agitur à ventis, instar arundinis.

nis. [Num
stis videre?] q
hannes: sed in
tempestatibus
Euangelij pro
veritatem defle
ti faciunt hodi

Deinde con
videlicet, quo
res alicui: no
hominum v
& functione
impedit, nec
Hoc in genere
tinet: ut ita v
conspiciatur, v
quo minus officii
TERTIO co
tia prophetia:
Prophetis.

QVARTO
fugatur: [Hi
ego mitto Ange
præparabit viam
legatus Messia
viam parat, præ
plum suo quodam
angelij: devent
sto adducere b

nis. [Num arundinem quæ agitatur à vento, existis videre?] quasi diceret, nequaquam talis est Iohannes : sed instar firmæ rupis potius, quæ nullis tempestatibus & fluctibus cedit. Debet ergo verus Euangelij præco, nec terrore hominum, nec favore à veritate deflectere: id quod prob dolor, nimis multi faciunt hodie.

Deinde commendat Iohannem à vitæ genere: videlicet, quod agat vitam non mollem, vt adulatores aulici: non splendorem quærit, vt qui gratiam hominum venantur, sed vitam degit, suo munere & functione, dignam: quæ nec inuocationem Dei impedit, nec ipsum in officio languentem reddit. Hoc in genere, etiam ad omnes verbi ministros pertinet: vt ita viuant, ne vel mollities in moribus conspiciatur, vel alijs vanis rebus impediantur, quo minus officium faciant.

TERTIO commendat Iohannem ab excellentia prophetiæ: præponit enim ipsum omnibus alijs Prophetis.

QUARTO, commendat eum, à legatione qua fungitur: [Hic est enim de quo scriptum est: Ecce ego mitto Angelum meum ante faciem tuam, qui præparabit viam tuam ante te.] Est ergo Iohannes legatus Messie & præcursor, qui regi aduenienti viam parat, prædicatione pænitiæ. Huius exemplum suo quodam modo imitari debent ministri Euangelij: debent Christo parare viam: debent Christo adducere homines: debent vnicam monstrare

D 4

salutis

*salutis viam Christum Iesum, cui honor & gloria
in secula seculorum AMEN.*

DOMINICA

QUARTA ADVENTVS

Euangelium Iohan. I.

HOC est testimonium Iohannis, quando miserant Iudæi ab Hierosolymis sacerdotes & leuitas, vt interrogarent eum: Tu quis es? Et confessus est & non negauit: Et confessus est, inquiring: non sum ego Christus. Et interrogauerunt eum: Quid ergo? Helias es tu? Et dicit: non sum. Es tu Propheta ille? Et respondit: Non. Dixerunt ergo ei: Quis es, vt responsum demus ijs, qui miserunt nos? Quid dicis de teipso? ait: Ego vox clamantis in deserto. Dirigite viam Domini, sicut dixit Esaias Propheta. Et qui missi fuerat, erant ex Phariseis. Et interrogauerunt eum, ac dixerunt ei: Cur ergo baptizas, si tu non es Christus, neque Helias, neque Propheta ille? Respondit eis Iohannes dicens: Ego baptizo aqua, sed in medio vestrum stat, quem vos nescitis, ipse est, qui cum me sequeretur, antecessit me: cuius ego non sum dignus, vt soluam corrigiam calceamenti. Hæc in Bethabara facta sunt trans Iordanem, vbi Iohannes Baptizabat.

ENARRATIO TEXTVS.

Occa-

Occasio
audiens
docendi rationem
idq; sine aucto-
rare viam Do-
ma totam Iuda-
sum Regem &
risai moni, mi-
interrogatum
non quod ipse
sed potius id
vt lucrosas &
autoritatem
bi commissi-
satis nostri Pa-
Summa autem
nem an sit Chris-
missus Christo
dirigere viam
confirmans effe-
loci huius Eua-
I. Testi-
II. Deser-
III. Quid
D
In testimonio
I. Qui vi-

nis, quando
ymis facer-
arent eum:
& non ne-
on sum ego
Quid ergo?
u Prophe-
nt ergo ei:
i miserunt
o vox cla-
mini, sicut
tuerat, erat
eum, ac di-
ones Chri-
le: Respon-
izo aqua,
nescitis,
cessit me:
a corrigi-
facta sunt
izabat.

VS.

Occa-

Occasio huius Euangelij hæc fuit: Pharisei audierunt, quod Ioannes institueret nouam docendi rationem, & inueheret ceremonias novas, idq; sine autoritate Pontificum: quod iuberet parare viam DOMINO: quod reciperet ad Baptisma totam Iudeam: quod clamaret adesse promissum Regem & Messiam. His rebus auditis Pharisei moti, mittunt ad ipsum in desertum nuncios interrogatum, qua autoritate id faciat. Id fecerunt, non quod ipsius doctrine aures præbere cuperent: sed potius ideo, vt Christum, & ipsum perderent: vt lucrosas ceremonias retinere possent: vtq; suam autoritatem, nulla habita ratione salutis populi sibi commissi, retinerent: quorum exemplum strenue satis nostri Papistæ sibi imitandum proponunt.

Summa autem hæc est, quod interrogent Iohannem an sit Christus: Ille autem, vt verus Christi minister, Christo testimonium præbuit, & iussit eos dirigere viam Domini, suam vocationem tacite confirmans esse diuinam. Docendi gratia, tres sint loci huius Euangelij.

- I. Testimonium Iohannis de Christo.
- II. Descriptio Iohannis adeoq; omnis pij ministri verbi Dei.
- III. Quid sit parare viam DOMINI.

DE PRIMO.

In testimonio Iohannis sex considerata sunt.

- I. Qui mittantur, & cur mittantur. Mittun-

D 5

tur au-

tur autem Pharisei, à Phariseis: sanctissimi in specie, à sanctissimis: qui videbantur sibi esse columnæ Ecclesiæ Dei: qui habuerunt prærogatiuam successionis: qui titulum Ecclesiæ sibi solis arripuerunt. Sed ecce, qui capita Ecclesiæ videbantur, hostes sunt Christi. Unde discamus nec titulis, nec successionebus, sed soli diuinæ voci credendum esse. Obseruamus quoq; artem Satanicam, quam à suo magistro didicerant hi Pharisei, non enim hic interrogant, quod faueant Christo aut Iohanni, vt videri volunt: sed vt perdant vtrunq; vt serpens in Paradiso fecit.

2. Cui datur testimonium? Christo. Quis dat testimonium? Iohannes. Hinc duo disce: Primum: quod ministerium verbi debeat hunc scopum habere, vt Christo perhibeat testimonium. Secundum, quod ars Christiana sit, contra Satanae technas pura Christi confessione niti.

3. Coram quibus datur testimonium? Coram mundo & hostibus Christi: Unde discendum est, quod debeat pius confiteri Christum coram toto mundo, cum discrimine famæ, rerum & vite: ad quod cum promissio, tum comminatio nos inuitabunt. Promissio est: Qui confessus fuerit me coram hominibus, confitebor & ego illum coram patre meo cælesti. Comminatio, Quemcunq; puduerit mei coram hominibus, eius & me pudebit coram patre meo cælesti.

4. Summa testimonij Iohannis de Christo hæc est,

est, quod Christi
verus Messias
ipse est qui
veram humani
me fuit Iohannis
[Medius autem
Respondet ad
pronunciat. B
sue officium e
5. Unus
debeamus
amplecti, ve
guine suo nos
gnum, Baptis
6. Phari
anorum, id est
vera pietatis d
vis moribus se
sonam totius gen
dicantur. Ne
personas absen
tant: Ita Phari
tum conficiend
dicti, vi, qui et
tamen sanctissimi
D E
[Ego sum rex
Iohannes despo

est, quod Christus sit homo, quod sit Deus, quod sit
verus Messias, remissor peccati. Nam cum dicit,
[ipse est qui post me venturus est,] indicat ipsius
veram humanitatem: Cum vero addit: [qui ante
me fuit] ipsius diuinitatem fatetur. At cum ait:
[Medius autem vestri stetit, quem vos nescitis,]
Respondet ad questionem, & Iesum Messiam esse
pronunciat. Baptismi lauacrum, concionatur Mes-
sia officium esse, peccatum remittere.

5. Usus & fructus huius testimonij, quod nos
debeamus testimonio Iohannis credere & Christum
amplecti, verum peccatorum remissorem, qui san-
guine suo nos lauit à peccatis: cuius rei efficax si-
gnum, Baptismum nobis contulit: de quo alias.

6. Pharisei sunt imago personarum Christi-
anorum, id est, hypocritarum, qui non possunt ferre
veræ pietatis doctrinam: Sed fingunt se pios exter-
nis moribus se sanctissimos simulant, sed aliam per-
sonam intus gerunt: inde est quod tales hypocritæ
dicantur. Nam ut hypocritæ in fabulis sunt, qui
personas absentes habitu et gestu externo repræsen-
tant: Ita Pharisei, pietatis absentis larvam tan-
tum conspiciendam præbent: Unde hypocritæ sunt
dicti, ut, qui etsi re vera in corde sint impij: foris
tamen sanctissimi appareant.

D E S E C V N D O.

[Ego sum vox clamantis in deserto:] PRIMVM
Iohannes definit omnes Prophetas, Apostolos &
ministros

ministros verbi, quod sint vox. SECUNDO, quod non sint vox inanis, sed clamantis, id est, prædicantis. TERTIO, in deserto, id est, in mundo vniuerso. QUARTO, admonentur auditores dignitatis illius vocis. Est enim vox non hominis: sed Dei clamantis &c. QUINTO, quod Iohannes allegat Esaiæ testimonium. Nihil enim pius concionator asserere debet sine testimonio sacrarum literarum: Testimonium autem præsens desumptum est ex cap. 40. SEXTO, admonentur quoque concionatores, ne Deo tribuant alienam vocem: Qui enim id faciunt, non Dei ministri sunt, sed Diaboli flabella: quos non secus atque lupos fugere decet.

DE TERTIO.

Parare viam Domino est, eodem Iohanne Baptista teste; pœnitentiam agere: nec sine magna causa est Iohannes vsus hac figura loquendi, quæ proprie pertinet ad regna mundana. Solent enim Regibus aduenturis viæ præparari: quo accedere possint sine periculo & offendiculo. Hoc ipse Esaias exponit, cum ait: Omnis vallis exaltabitur, & omnis mons & collis humiliabitur, et erit præruptum in reclinatum, & loca confragosa in planiciem. Hæc spiritualiter intelligenda sunt, de impedimentis omnibus, interioribus & exterioribus: quæ impediunt, quo minus rex noster Christus ad nos veniat. Interiora impedimenta sunt, ignoratio Dei, cupiditates, prauitas, stulta confidentia, &c. Exteriora im-

ra impedimen
Satan in doct
vt breuius di
est in mundo
les (id est, qu
prædicatione
prauis affectus
studium form
que, vt id fia
ment in deser
est lucerna p
vt aduenient
nostri gratia
veram pœniten
humiliatum Chr
offeramus munus
id est, confessionem
morum.

Verum, quia
plurimum apposit
& Iohannis, de
cionis Iohannis
Euangelio, hoc est
Domini. Quomodo
cum videt min
venire ad Baptis
vipera, quæ
tura iræ. Nihil
Abraham. Di

ra impedimenta sunt, scandala omnia quæ obijcit Satan in doctrina, Sacramento & moribus. Verum ut breuius dicam, montes (id est, quicquid altum est in mundo) destruendi sunt concione legis. Valles (id est, qui spiritu contriti sunt) attollendi sunt prædicatione Euangelij. Sentes, id est, mala vita, prauis affectus sunt amputandi noua obedientia, & studio formandi vitam secundum verbum Dei: atque, ut id fiat, requiritur primum, ut sint qui clament in deserto. Deinde opus est sana doctrina, quæ est lucerna præparantium viam. Tum requiritur, ut adueniente Domino, id est, lucente in cordibus nostris gratia Dei, præbeamus nos obsequentes per veram pœnitentiam, et exhibeamus nos ciues Dei, homagium Christo Domino præstantes. Postremo offeramus munera & vitulos labiorum nostrorum, id est, confessionem: idq; mente, voce, confessione & moribus.

Verum, quia hæc intelligi non possunt sine exemplorum appositione: breuiter sententiam Prophetæ & Iohannis, declarabimus exemplis. Summa concionis Iohannis fuit: Agite pœnitentiam, credite Euangelio, hoc est quod ex Esaia dicit, Parate viam Domini. Quomodo id fecit? Montes depressit: Nam cum videret multos ex Phariseis & Sadduceis venire ad Baptismum suum, dixit eis: Progenies viperarum, quis demonstrauit vobis fugere à ventura ira? Nolite dicere intra vos: patrem habemus Abraham. Dico enim vobis, quod potest Deus de lapidibus

Math 3 lapidibus istis suscitare filios Abrahæ. Iam enim securis ad radicem arboris posita est. Omnis arbor quæ non fructum bonum facit, excidetur, & in ignem mittetur. Vide hic, quomodo Iohannes montes humiliat. Primum, cum vocat eos, progeniem viperarum, taxat illorum cor prauum, sanguinis cupidum, & ingratum: Deinde tollit caussam, de qua maxime gloriabantur. Ex eo enim superbiebant quod erant filij Abrahæ: Sed hoc nihil prodesse ait. Nam Deus non est personarum acceptor: neque enim qui ex carnali semine Abrahæ sunt, mox sunt filij: sed qui Abraham imitantur fide & obedientia, hi sunt eius filij, quemadmodum Christus apud Iohannem testatur: eos filios Diaboli appellans, qui se filios Abrahæ esse gloriabantur. Tertio comminationem addit nisi resipiscant. [Securis, inquit, ad radicem arboris posita est:] hoc est ultio diuina non procul abest, ut omnis arbor mala excidatur & in ignem mittatur. Ita & alij ministri verbi montes demoliri debent, monstratis peccatis hominum, sublata gloriationis materia, & propositis pœnis, quæ omnes, qui non conuertuntur, manent. Deinde valles exaltabunt: quomodo id? Quemadmodum Iohannes fecit, monstrato Christo, dicens: Ecce agnus Dei, qui tollit peccata mundi. Cum dicit Ecce, inuitat ad fidem: cum addit, Agnus Dei, qui tollit peccatum mundi? reconciliationis materiam exprimit. Tertio, sentes amputat, dum ait, Agite fructus dignos pœnitentia.

Simile

Simile ex
mus: P. R. I.
crisin in Dan
cidio secure
proposita pat
erat pauper, a
ues plumas
cam uen, qu
uerat apud e
us comedens
dormiens, et
ad diuitem
dines, & suo
David audire
est qui fecit hoc
Uiam Hebreum
accepisti in uxore
cisbo aduersus t
exprobrat. David
ationis, ne put
& comminatio
gunt ille mons e
uerit Nathan
adeo ut diceret
Dominus, vallem
transfudit peccat
sentes quosq; am
filij, continet cum
Ad emendam

Simile exemplum in Nathan Propheta habemus: PRIMVM montem deiecit, hoc est, Hypocrisin in Davide: Qui commissio adulterio & homicidio secure vixit, tanquam re bene gesta: Idq; fecit proposita parabola de duobus viris, quorum vnus erat pauper, alter diues. Diues habebat oues & boves plurimas: pauper autem nihil habebat nisi vnicam ouem, quam emerat, & nutrierat, & quæ creuerat apud eum cum filijs eius, simul de pane illius comedens, et de calice eius bibens, et in sinu eius dormiens, eratq; illi sicut filia: Sed cum peregrinus ad diuitem venisset, accepit hanc pauperis ouem diues, & suo hospiti apposuit parcens suis. Cum hoc David audiret, indignatus est dicens: Filius mortis est qui fecit hoc. Respondit Nathan: Tu es ille vir: Uriam Hetheum occidisti gladio, & uxorem eius accepisti in uxorem tibi. Ecce ego ait Dominus, suscitabo aduersus te malum. En quomodo Nathan exprobrat Davidi peccatum, tollit materiam gloriationis, ne putet se non puniendum, eò quòd Rex sit: & comminatur illi pœnas. Hic deiectus est magnus ille mons & hypocrisis: verum, cum animaduertit Nathan Dauidem deiectum & iacentem, adeo vt diceret cum magno eiulatu: Ego peccaui Domino, vallem hanc subleuat dicens: Dominus transtulit peccatum tuum, non morieris. Deinde sentes quoq; amputat, dum proposita pœna morte filij, continet eum in officio.

Ad eundem modum Petrus in Actis, primum concio-

Simile

concione legis cristas Iudæorum deprimit, & montes humiliat: peccatum illis inculcat, docet nihil prodesse, quod sint de posteritate Abrahamæ, proponit comminationes pœnarum, nisi resipiscant. Mox ubi audit eos compunctos corde & peccati conscientia deiectos, erigit eos proposito Christo: iubet eos pœnitentiam agere, & in Christi nomen baptizari. Deinde quoq; cauet, ne sentes succrescant, promittendo eis Spiritum sanctum.

Hæc exempla sunt illustria, & ad primi hominis conuersionem congruunt. Superbit Adam secutus nouum doctorem Diabolum. Hunc primum Deus prosternit obiurgatione, proposita peccati magnitudine: mox deiectum erigit, data promissione seminis, quod erat contritum caput serpentis.

Similiter Dominus superbos Phariseos humiliat, afflictam Magdalenam exaltat, atq; ad piam sanctamq; hortatur vitam, dicens: fides tua te saluam fecit: vade in pace.

Ceterum ministri verbi qui hoc pacto nec depriment montes, nec attollunt valles, nec sentes amputant, non sicut Dei, sed vt Diaboli & ventris mancipia faciunt. Multi quidem in genere declamitant contra adulteria, incestus, vsuras & alia vicia: Sed pauci sunt, qui in os crimina obijciunt, vt Iohannes Herodi, Phariseis & Hypocritis: vt Christus suis auditoribus: vt Ambrosius Theodosio. Quare hoc non faciunt? Partim, quia vere non cogitant cuius vice funguntur: partim, quia metunt sue vitæ & fortunæ.

fortunis. Veru-
tatem opponat
missionem, quæ
seruis, & filijs
ministri. Pra
aliorum sancto-
plo, subindeq;
addat, vt ea fi-
gloria, Cui bon-

IN F
TIVITA
GE

E Xijt decre-
leretur tot
facta est pra
omnes, vt p
uitatem. Ascend
de ciuitate Naz
Dauid, quæ vo
de domo & f
cum Maria, de
pregnans. Accid
pletur dies pa
primogenitum ac
uitq; eum in pra
in diuersorio. Et
dem vigilantes,
super gregem su-

fortunis. Verum contra hanc cæcitatem & timidi-
tatem opponant vocationis suæ mandatum & pro-
missionem, qua Christus promisit se affuturum suis
seruis, & sibi imputat factum, quicquid ipsius sit
ministris. Præterea, se confirmabunt Iohannis &
aliorum sanctorum ministrorū constantia et exem-
plo, subindeq; Deum precabuntur, vt sibi animum
addat, vt ea facere audeant, quæ ipsius intersint
gloriæ, Cui honor in secula seculorum, Amen.

IN FESTO NA- TIVITATIS CHRISTI, EVAN- GELIVM LVCE II.

EXijt decretum à Cæsare Augusto, vt cen-
feretur totus orbis. Hæc descriptio prima
facta est præside Syriæ Cyrenio. Et ibant
omnes, vt profiterentur in suam quisq; ci-
uitatem. Ascendit autem & Ioseph à Galilæa,
de ciuitate Nazareth, in Iudæam in ciuitatem
Dauid, quæ vocatur Bethlehem, eo quod esset
de domo & familia Dauid: vt profiteretur
cum Maria, desponsata sibi vxore quæ erat
prægnans. Accidit autem, cum essent ibi, com-
pleti sunt dies pariendi. Et peperit filium suum
primogenitum ac fascijs eum inuoluit, reclina-
uitq; eum in præsepi, quod non esset eis locus
in diuersorio. Et pastores erant in regione ea-
dem vigilantes, & excubantes excubias nocte,
super gregem suum: & ecce Angelus Domini,
E astitit

astitit illis, & claritas Domini circumfulsit illos & timuerunt timore magno. Et dixit illis Angelus. Ne timeatis: Ecce enim, annuncio vobis gaudium magnum, quod futurum est toti populo, quia natus est vobis hodie servator, qui est Christus Dominus, in ciuitate David. Et hoc vobis signum: Inuenietis infantem fascijs inuolutum, positum in præsepi. Et subito facta est cum Angelo multitudo militiæ cœlestis laudantium Deum & dicentium: Gloria in altissimis Deo, ac in terra pax, hominibus bona voluntas.

ENARRATIO TEXTVS.

HÆC Historia est confirmatio articuli nostri Symboli, qui est: natus ex Maria virgine. Qui articulus nouam natiuitatem proponit, quæ antiquam & Adamicam & corruptam sanctificat in eis omnibus, qui hunc Christum fide apprehendunt. Et tamen hic Articulus de natiuitate Christi, vel pueris Christianis debet esse notissimus: Tamen magnas ob causas certum ei festum ab Ecclesia deputatum est: ut nimirum historia cum suis circumstantijs explicetur & discatur: non tantum ut oblectemur pulcherrima huius historiæ narratione: sed multo magis, ut in conscientijs confirmandis & erigendis, huius summi articuli vsus conspiciatur. Non enim sacræ historiæ legendæ sunt ut humanæ, sed ut vsus earum perpetuo cogitemus et exer-

exerceamus
solandos: ut
beamus. Por
quibus plur
sunt hi.

I. Hist

II. Vsu

In historia
rum primum
post Roman ca
396 anno impe
ad bodiernum an
Sed cur Euangelij
re decreti Calari
P R I M O, vti
raticinia de ve
simpliciter, sine
tum Messiam
miliis conteret
tur in semine tuo
go concipiet, & c.
Domino meo & c.
Alia raticinia te
gni Christi pradi
de Iuda, donec v

exerceamus ad nos docendos, instituendos & consolandos: utq; per lectionem scripturarum spem habeamus. Porro locos duos tantum constituamus, in quibus plurimi alij, ut patebit, delitescunt, & sunt hi.

- I. *Historia Christi nati cum suis circumstantijs & membris.*
- II. *Usus & praxis huius historie.*

DE PRIMO.

In historia nouem membra consideremus, quorum primum est de tempore: Natus est Christus post Romam conditam 751. anno: à mundo condito 3963. anno imperatoris Augusti 42. à Christo nato ad hodiernum diem, nunc expleti sunt anni 1560. Sed cur Euangelista adeo perspicue meminit temporis, decreti Caesaris, ducis Cyrenij? Tres sunt causse. PRIMÆ, vaticinia prophetica: Sunt autem vaticinia de venturo Christo duplicia. Alia enim simpliciter, sine certi temporis præscriptione, venturum Messiam annunciant: qualia sunt: Semen mulieris conteret caput serpentis. Item: Benedicentur in semine tuo omnes gentes. Esaia. 7. Ecce virgo concipiet, & cætera. David: Dixit Dominus Domino meo &c. Baalam. Ex Iacob orietur stella. Alia vaticinia tempus & annum passionis, & regni Christi prædicunt. Iacob: Non auferetur Scepter de Iuda, donec veniat Zilo, id est, filius eius, scilicet

E 2

mul-

mulieris : ac si dicat Semen mulieris quod est promissum, ut destruat opera Diaboli, tum demum veniet, ubi Sceptrum de Iuda ablatum fuerit. Cum ergo hic Lucas meminit Augusti, tributi, & peregrini ducis, significat iam iam adesse tempus, in quo nasci Christum oportuerit, iuxta vaticinium Iacob. Daniel quoque annum crucifigendi Christi & resurgendi expressit cap. 9. Scias ergo & intelligas, quod ab exitu sermonis, de reducendo populo, & edificanda Hierusalem usque ad Christum ducem hebdomadae septem, & hebdomadae sexaginta duae: post hebdomadas vero sexaginta duas, occidetur Christus: & in una hebdomada roborabit pactum multis, & in dimidia hebdomada cessare faciet sacrificium.

Hic clarè Daniel praedicat tempus occidendi Christi. Sed tria sunt hic observanda: Quid hebdomada: Quando inchoanda supputatio: & cur 70. hebdomadas in tres ordines digerat.

Hebdomada in hoc loco intelligenda est, non de dierum hebdomada, sed annorum: sicut Levit. 25. ut una hebdomada 7. annos contineat, & 70. hebdomadae annos 490.

Sed quando inchoanda supputatio? Ab exitu sermonis. Hunc exitum sermonis alij aliter intelligunt. Quidam eum ad Cyri decretum referunt, qui exactis 70. annis captivitatis, concessit populo Iudaico libertatem redeundi & edificandi templum. Verum quia à vicinis impedita fuit edificatio 42.
annis

annis usque ad
Haggaeus &
edificatione
nem inchoat
putatione se
rum usque ad
70. hebdomada
sti, excepta di
& dimidio, q
stantum, in
cum historijs
tionem, temp
Secunda
adhuc Messian
tis saeculis polit
TERTIA ca
sit natus & ex
promisit fore liber
bus serpente.
Secundum,
in peregrinati
vaticinium Mi
Mich. 5. cap. 1
tum Ierusalem Chr
nibus manserunt
cutione. Idem Tol
dem sententiam
mundus cum non
Ex his consequi
danum.

annis vsq; ad decretum Longimani, quo tempore Haggæus & Zacharias etiam vaticinati sunt de adificatione templi processura, sunt qui supputationem inchoant à 2. anno Longimani. Si priorem supputationem sequimur erunt 70. hebdomades annorum vsq; ad natum Christum. Si posteriorem, erunt 70. hebdomades annorum vsq; ad baptismum Christi, excepta dimidia hebdomada, id est, tribus annis & dimidio, quo tempore Christus confirmavit testamentum, iuxta dictum Danielis. Hæc si conferas cum historijs, inuenies Lucam iuxta hanc computationem, tempus nascentis Christi signasse.

SECUNDA causa, vt Iudæi refutentur qui adhuc Messiam expectant, prorsus deleta iam multis sæculis politia Mosaica.

TERTIA causa, vt nos simus certi, quod vere sit natus & exhibitus Christus, quem olim Deus promisit fore liberatorem generis humani e faucibus serpentis.

Secundum, de loco. Nascitur in Bethlehem, & in peregrinatione: In Bethlehem quidem propter vaticinium Micheæ, quod allegat Matth. cap. 2. ex Michæ 5. cap. In peregrinatione vero, vt significetur Ecclesiam Christi in hoc mundo in peregrinationibus mansuram, idq; non sine contemptu & persecutione. Idem Iohannes indicat, ter repetendo eandem sententiam: tenebræ eum non apprehenderunt: mundus eum non cognouit: sui eum non receperunt. Ex his consequitur, Regnum Christi non esse mundanum.

E 3

Terti-

Tertium, de parentibus. Secundum humanitatem nascitur in coniugio quidem, sed ex virgine: cuius rei gravissimæ causæ sunt. Prima est promissio: Semen mulieris conteret caput serpentis. Item: Ecce virgo pregnans pariet filium. Secunda, est necessitas: Nemo enim natus secundum naturæ cursum, est sine labe & peccato. Ergo debuit Messias ex virginis sanguine, sine semine virili per spiritum sanctum concipi, ut esset purus ab omni labe peccati, sicuti verum Emanuelem Deum & hominem decuit.

QVARTVM, quia Christus verus Deus & verus homo est: ex primo capite Iohannis dicendum est de diuinitate Christi, & explicandæ circumstantiæ temporis, modi, rei, loci, facti, causæ. Si itaq; quæris: quando fuit Christus secundum diuinitatem? Respondet Iohannes: In principio erat verbum, id est, verbum fuit ante initium omnium creaturarum rerum. Non est igitur creatura Christus. Si quæris: quomodo fuit? Respondet: Et verbum erat apud Deum: ergo alia persona est à Deo patre. Si quæris quid fuit? Respondet: Et verbum erat Deus: quo dicto significatur, quod vna sit essentia diuina. Si quæris: quid egit? Respondet: Omnia per ipsum facta sunt. Si quæris: quid agit? Respondet: Illuminat omnem hominem veniens in hunc mundum. Si quæris: quo venit? Respondet: In mundum venit, in sua venit. Si quæris: quomodo venit? Respondet: Verbum caro factum est. Si quæris:

cur

*cur venit: Respon-
deri, quod quæ-
ritur? Respondet:
men erat Iohannes
de diuinitate*

*QVINTVM, quia
aliud, quam natu-
ram signum
expirari voluit
nabula in spi-
ritu in spiciat
tanquam ob
hic abusus o
Biblicem sen-
Christus rex in
Domino. Sic &
pij abundant opi-*

*SEXTVM, quia
primus testam
claritate osten-
ditur. Terti-
liunde Deo red-*

*SEPTIMVM, quia
[Nolite timere: E-
um inquit quod
est vobis hodie fa-
in ciuitate David
tis infantem par-
pio.]*

cur venit: Respondet: Ut daret potestatem filios Dei fieri, quotquot in ipsum credunt. Si quæris: quando venit? Respondet: fuit homo missus à Deo, cui nomen erat Iohannes, &c. Hæc breuiter meminisse de diuinitate Christi profuerit.

QVINTVM, de cunabulis Christi, quæ nihil aliud, quam mundi contemptum et paupertatem extremam significant, quam paupertatem Christus experiri voluit, vt nos diuites redderet. In hæc cunabula inspiciant arrogantes, ac deponant fastum: huc inspiciant pauperes, ac desinant desperare, tanquam ob paupertatem spreti. Obseruandus est hic abusus omnium rerum conditarum à Deo: Bethlehẽm seruit lucro: Diuersorium hospitibus: Christus rex in stabulum reijcitur omnium rerum Dominus. Sic & hodie Ecclesia spernitur, dum impij abundant opibus, honoribus & potentia.

SEXTVM, de apparitionibus Angelorum: qui primum testantur adesse Dominum: Secundo, ipsa claritate ostendunt, qualis sit rex recens natus Christus. Tertio, qualia sint eius beneficia, & qualis inde Deo reddatur gloria, hymno declarant.

SEPTIMVM, de concione Angeli ad pastores. [Nolite timere: Ecce enim euangelizo vobis gaudium magnum quod erit omni populo, quia natus est vobis hodie saluator, qui est Christus Dominus in ciuitate David. Et hoc vobis signum: Inuenietis infantem pannis inuolutum positum in præsepio.]

E 4

Hæc

Hæc concio omnium, quæ vnquam antea in mundo factæ sunt, est excellentissima, cuius partes sunt plurimæ.

PRIMA: Iubent angeli vt pastores non timeant: quare ostendunt Christum aduenisse, vt tollat maledictionem legis, & peccatum, propter quod venit in homines maledictio.

SECUNDA: concio Euangelij: [Annuncio vobis gaudium magnum.] Cum magnum dicit, distinguit hoc à mundi gaudio, quod durat ad breue tempus & debili fundamento nititur. Verum hoc gaudium, quod Angeli annunciant, magnum dicitur quatuor de causis: Primum propter materiam quæ magna est, nempe reconciliatio nostri cum Deo. Secundo propter diurnitatem & stabilitatem: perpetuo enim durat & manet constans. Tertio propterea quod ad paucos tantum non pertinet: sed ad omnes qui hanc annunciationem gaudij, fide recipiunt. Quarto quia spirituale est, pertinens ad totius hominis salutem.

TERTIA: causa & materia huius gaudij: Quia inquit, hodie vobis natus est saluator qui est Christus Dominus.

QUARTA: monstrat locum. In ciuitate, inquit, David, hoc est, Bethlehem.

QUINTA: signum verbo additur. Ait enim Hoc vobis erit signum: inuenietis infantem, pannis inuolutum, positum in præsepio. Hoc signum duo facit. Primum deducit eos rectè ad puerum ne ipsum queren-

quærentes ab
unt pannis
ponunt. Secu
regni huius
splendorem
angelico

OCTAV

revelatur pa
Unum, Christi
rum, Christi
illud: pauper

NON

ria in excessi
voluntas.] H

tur fructum D

confitit: Primi
do, Pax fit homi

erga homines de

Primum ergo
cellis Deo: Signi

gloriam tribue
dum erat condi

gloriam tribuer
tum factum est,

glorificauerit. Si
bueret Tribuere

alicui verum vi
quis iuste sapien
tur ipsi à iudici

quærentes aberrant: Etsi enim omnes matres inuoluunt pannis suos infantes, tamen in præsepis non ponunt. Secundo discernit regnum huius pueri, à regnis huius mundi. Nam regna mundi externum splendorem habent: atq; hæ sunt partes concionis angelicæ.

O C T A V V M, de natiuitate Christi: Primum reuelatur pastoribus: Unde duo discenda sunt. Unum, Christi regnum non esse mundanum. Alterum, Christi regnum pertinere ad pauperes, iuxta illud: pauperes Euangelizantur.

N O N V M, de carmine angelico, quod est: [Gloria in excelsis Deo, in terra pax, hominibus bona voluntas.] Hæc concio miro compendio complectitur fructum Dominicæ natiuitatis, qui in tribus consistit: Primum enim Deo redditur gloria. Secundo, Pax fit hominibus. Tertio, Bona voluntas Dei erga homines declaratur.

Primum ergo cum angeli dicunt: [Gloria in excelsis Deo:] significant quod nemo possit Deo veram gloriam tribuere sine cognitione Christi. Homo quidem erat conditus in hunc finem, vt Deo conditori gloriam tribueret: sed per lapsum primorum parentum factum est, vt nec recte agnouerit Deum, nec glorificauerit. Si quæris: Quid est Deo gloriam tribuere? Tribuere alicui gloriam nihil aliud est, quam alicui veram virtutem tribuere. Ut cum Rex aliquis iuste, sapienter, fortiter, clementer agit, tribuitur ipsi à subditis gloria, hoc est, subditi ipsius fa-

E 5

Eta ap-

Et approbant, ac cum singulari benevolentia ipsum deprædicant. Proinde simili modo Deo tribuitur gloria quando agnoscuntur & vere sentiuntur ipsius virtutes, sapientia, iusticia, fortitudo, misericordia, veritas & aliæ.

Sapientia Dei in eo conspicitur, quod hominem, quem condiderat in suam gloriam, repararet rursus, ut imaginem, quam per peccatum perdiderat, per filium suum, natum ex virgine, recuperet : ac ita gloriam sapientiæ Deo tribuat.

Iusticia pervidetur ex eo, quod hominem qui peccauerat, noluerit in gratiam recipere sine compensatione iniuriæ. Nam cum aut hominem æternum perire ob suum peccatum necesse erat, aut aliquem in humano genere satisfacere Deo oportebat, qui sustineret pœnas pro toto genere humano, Deus dedit filium qui assumpsit humanam naturam in qua satisfecit iusticiæ Dei : Quare laus iusticiæ merito Deo, Christo Domino nato, tribuenda est.

Fortitudinis commendatio est, quod serpentem & eius semen, per Christum superauerit, atq; adeo ipsius regnum deleuerit, quantum quidem ad omnes eos attinet, qui hunc natum Iesum fide apprehenderint.

Misericordia in eo relucet, quod humanum genus perditum & oppressum tyrannide Diaboli, & ingentibus ærumnis et calamitatibus, morte, inferno & damnatione per filium, & propter filium in gratiam recipiat : Hæc Dei misericordia omnia opera

opera Dei ex
& homines
inuiti agnos
Veritas in
quarum mem
sis enim in p
Semen mulier
penis hanc
Propter h
est itaq; pot
ficia. Hæc gl
mum agnos
Deinde cum
mente, voce, c
camus. Quatio
inuitatus.
Deinde, cum a
tu præcipuum b
mundum veni
& hominem.
& hominem.
gratiam propter
pionum oblatu
one ac perpetua
dulcissimi sunt fru
um Spiritus, bon
exitus. Hanc pac
entiam, securitas
quàm pestes fug

opera Dei excedit, quam perpetuò & angeli boni, & homines electi prædicabunt, imo diaboli etiam inuiti agnoscent.

Veritas in eo patefit, quòd promissionum antiquarum memor, exhibeat quod olim promisit. Lapsus enim in peccatum primis parentibus promisit Semen mulieris, quod erat contritutum caput serpentis: hanc promissionem nunc implet dato filio.

Propter has ergo virtutes, Deo gloria tribuenda est: idq; potissimum ab ijs, qui sentiunt ipsius beneficia. Hæc gloria tum demum ei tribuitur, cum primum agnoscimus hoc Dei mirandum beneficium. Deinde cum filium fide amplectimur. Tertiò, cum mente, voce, confessione & moribus Deum prædicamus. Quarto, cum quam plurimos ad agnitionem inuitamus.

Deinde, cum dicunt angeli: In terra pax: notatur præcipuum beneficium Christi, propter quod in mundum venit, nimirum, ut pax fieret inter Deum & hominem. Hæc pax est mutuus consensus Dei & hominum. Dei quidem recipientis homines in gratiam propter filium: Hominum vero, fide accipientium oblatum beneficium cum gratiarum actione ac perpetua animi gratitudine. Huius pacis dulcissimi sunt fructus: Accessus ad Deum, gaudium Spiritus, bona conscientia, letus de hac vita exitus. Hanc pacem turbant peccata contra conscientiam, securitas, neglectus verbi. Quare non secus quam pestes fugienda sunt.

Postre-

Postremo loco addunt: [*Hominibus bona voluntas,*] hoc est, postquam Deus hominibus per Christum reconciliatus est, fauet ipsis & vera paternaque storga ipsos complectitur, tanquam carissimos liberos, quos sibi adoptatos in Christo caros habet. De hoc beneplacito loquitur etiam David in Psal. 5. Quoniam tu benedices iusto Domine, sicut scuto beneplacito munis eum. Cum David hoc loco beneplacitum Dei confert scuto, monstrat eius verum usum & fructum. Significat enim quod fauor Dei sit nobis vice clypei, quo munimur aduersus impugnantium nos tela. Diabolus sua ignita in nos tela vibrat: sed hoc scuto tuti sumus. Atq; ita de alijs.

DE SECVNDO.

Usus duplex est: Generalis, qui ex tota historia petitur, & specialis, qui petitur ex singulis partibus. Generalis ergo est, vt discamus nostrum verum saluatorem Deum & hominem ex virgine natum recipere & amplecti, opponendo eum omnibus miserijs nostris, peccato, morti, maledictioni, iræ Dei & inferno certi, quod hic filius Dei & Mariæ, sit secundum vaticinium Esaie, Nobis natus & nobis datus: Idq; vt sit iusticia & salus omni in ipsum credenti. Specialis vsus est multilex: Primus, vt à parentibus Christi, obedientiam erga magistratū discamus. Secundus, vt à pastoribus discamus, obtemperare testimonijs de Christo, Christum quærere, & redire ad opera vocationis. Tertius, vt ab angelis di-

lis discamus,
tis: vnde omni
runt in mini
per tam bene
mus ab angelis
Christi. Post
cum angelis ca
honor & glori

FER
DA NA

E Cce ego
pientes, &
cidetis, cr
los flagell
persequimini de
at super vos om
est super terram
sanguinem Za
cidistis inter te
vobis: venient
istan. Hierusa
Prophetas, & la
quoties volui con
modum gallina
alas, & nolui t
mus vestra dele
quaquam me vi
Benedictus qui

*lis discamus, primum annunciare Christum igno-
tis: vnde omnes pii ministri verbi consolari se pote-
runt in ministerio, quod idem doceant, quod antea
per tam heroicis spiritus traditum est. Deinde disca-
mus ab angelis & pastoribus confessionem huius
Christi. Postremo discamus glorificare Deum &
cum angelis canere, Gloria in altissimis Deo, cui sit
honor & gloria in secula seculorum, Amen.*

**FERIA SECVN-
DA NATIVITATIS CHRISTI,**
Euangelium Matthæi 23.

Ecce ego mitto ad vos Prophetas, & sa-
pientes, & scribas, & illorum aliquos oc-
cidetis, crucifigetisq; & illorum nonnul-
los flagellabitis in synagogis vestris, &
persequimini de ciuitate in ciuitatem, vt veni-
at super vos omnis sanguis iustus, qui effusus
est super terram à sanguine Abel iusti, vsq; ad
sanguinem Zachariæ filij Barachiz, quem oc-
cidistis inter templum & altare. Amen dico
vobis: venient hæc omnia super generationem
istam. Hierusalem, Hierusalem quæ occidis
Prophetas, & lapidas eos qui ad te missi sunt,
quoties volui congregare filios tuos, quemad-
modum gallina congregat pullos suos sub
alas, & noluisti? Ecce relinquetur vobis do-
mus vestra deserta: Dico enim vobis, haud
quaquam me videbitis posthac, donec dicatis:
Benedictus qui venit in nomine Domini.

ENAR-

Priusquam accedamus ad textus enarrationem, quia hic dies diuo Stephano dicatus est, dicam quare sanctorum festa in Ecclesia Dei celebrari soleant: & quid nobis in extemplo diui Stephani spectandum sit.

Festa celebrantur in Ecclesia Dei non Ethnico more, sicuti apud Papistas, ut sanctos tanquam patronos & intercessores inuocemus: id quod non potest fieri, sine horrendo sacrilegio & contemptu filij Dei: Sed sunt multæ aliæ grauissimæ causæ, cur quorundam sanctorum festa in Ecclesijs nostris retineri sit utile, & sunt potissimum sex.

P R I M A, ut perpetua historia Ecclesiæ aspiciatur, quæ nobis & vitæ regula esse debet, & admonitio de providentia Dei. Si enim historias prophetarum hominum, in quibus alicuius virtutis larua apparuit, incundum est legisse: multo iucundius erit profecto, eorum historias legere, in quibus viue verarum virtutum icones refulserunt, ut in Paulo, Petro, Maria, Stephano, Magdalena, latrone, & alijs multis.

S E C U N D A, ut testimonia de doctrina, de ministerio docendi, & de Ecclesia considerentur. Sunt enim edita miracula, factæ sunt mirande vocationes ad ministerium Ecclesiæ, illustrata est doctrina per vniuersam Ecclesiam. In his testimonijs pulcherrimum est videre perpetuum consensum veræ Ecclesiæ in scriptis Prophetis, Apostolicis, & in

Sym.

Symbolis, &
Ecclesiæ & on
dacia, & imp

TERTIA

gantur, quise
ostenderit praj
cines fecerit ein
Ecclesiæ & ver

QUARTA

stram: Cum leg
se diuinitus, v
clamant ad D
fiduciam concip
Sic ergo vnusqu
ligat. Magdalena
recepit Deus in
enormibus peccat
ram: Legitur & ego
am, ut me in gati
rendum lapsum
lapis non despe
et sui similes, nec

QUINTA

exemplum imitand
tionum mole, sed
cuius exemplum in
nes non veritate est
cionator ipsius ex
temnere. Abrah

Symbolis, & dijudicare inter veram doctrinam Ecclesiae & omnium temporum corruptelas, mendacia, & imposturas.

TERTIA, ut Deus celebretur, & ei gratiae agantur, quod se patefecerit, tradiderit doctrinam, ostenderit praesentiam suam in Ecclesia, & nos ciues fecerit eius coetus, qui habet testimonia verae Ecclesiae & veri cultus.

QUARTA, ut exempla confirmant fidem nostram: Cum legimus ipsos exauditos & adiutos esse diuinitus, ut in Psalmo 33. dicitur: Iste pauper clamauit ad Dominum, Dominus exaudiuit eum, fiduciam concipimus, ut & nos inuocantes iuuat. Sic ergo unusquisque nostrum statuatur & apud se colligat. Magdalenam latronem, Paulum poenitentes recepit Deus in gratiam, non obstantibus eorum enormibus peccatis, quibus Deum antea offenderant: Igitur & ego ad eundem Dominum confugiam, ut me in gratiam recipiat. Petrum post horrendum lapsum venia dignatus est: Ergo & ego lapsus non desperabo. Est enim semper sibi constans et sibi similis, nec est personarum acceptio apud eum.

QUINTA, ut in vocatione singuli sanctorum exempla imitemur. Paulus non fractus est persecutionum mole, sed constanter Euangelium docuit: cuius exemplum imitentur ministri verbi. Iohannes non veritus est Herodis minas: quare pius conuersionator ipsius exemplo discat mundi furores contemnere. Abraham ex fide sancte instituit suam domum,

domum in vero timore Dei & inuocatione: ab hoc ergo discant omnes pii patresfamilias: & sic alia exempla accommodentur.

SEXTA, vt Sanctorum dulcis sit apud nos memoria, & laudetur eorum virtus, quod donis Dei bene vsi sint, quod sint domicilia Dei & testes de eo, quod sint ornatu ingentibus virtutibus, quod sint nobis viua exempla conuersionis, fidei, pœnitentiæ, constantiæ, patientiæ & aliarum virtutum.

Hæ sex causæ, sunt grauissimæ, propter quas & memoria Sanctorum, exemplo veteris Ecclesiæ retinetur, & eorum festa celebrantur. Quæ cum obseruantur, omnia in gloriam Dei & nostram ipsorum salutem cedunt.

Iam pauca de Stephano dicenda sunt, in cuius historia has circumstantias cogitemus: religionem, officium in Ecclesia, defensionem suæ religionis, constantiam in confessione, inuocationem Christi, consolationem, & vitæ exitum.

Religio Stephani: Stephanus fuit Christianus, vir plenus fide & Spiritu sancto, plenus gratia & fortitudine. Vbi enim vera fides, ibi Spiritus sanctus, quo maiora incrementa fides capit, eo magis se præsentem testatur Spiritus sanctus, accendens motus in cordibus congruentes cum lege Dei. Contra, vbi Spiritus sanctus non sentitur efficax, ibi neq; fidem veram adesse, manifestum est. Habemus ergo hic, quod in Stephano imitemur, nempe fidem efficacem, cui testimonium præbet Spiritus sanctus:

Aus: non imi
habent & i
bus & ruu
Officium
ministrare &
sanctorum pa
eum sedulum
Etum gubern
agendi regula
rum curator
dem, sine qu
rite fieri pote
rent se regi Sp
exicipiant, vel
sem, vel torpea
vel quod vere pa
sed omnem fide
um sua admini
quod memora
mandata est: r
bus præfecti sun
ribus scateant.
Quomodo defe
sus est Stephanus
Non in periculo abi
vt multi: sed cons
propugnator: non
rum, que tumet
ritate Pharisæi

Etus: non imitantur fidem Stephani, qui eam in ore habent & interim inuoluuntur prauis cupiditatibus & ruunt quocunq; cæci affectus eos abripiunt.

Officium Stephani in Ecclesia fuit pauperibus ministrare, & seruare thesaurum Ecclesiæ in vsum sanctorum pauperum: in quo officio non dubium est eum sedulum fuisse. Nam habuit Spiritum sanctum gubernatorem, veram fidem & charitatem, agendi regulam. Hunc ergo sibi proponant pauperum curatores & Diaconi: Primum adferant fidem, sine qua nulla diligentia, & nullum officium rite fieri potest. Deinde in administratione declarent se regi Spiritu sancto, ne vel durius pauperes excipiant, vel ad gratiam hominum bona dispendent, vel torpeant in officio, vel etiam furentur ipsi, vel quod vere pauperum est transferant in alios: sed omnem fidem in officio præstent, cogitantes Deum suæ administrationis inspectorem: statuentes quod membra Christi sint, quorum cura ipsis demandata est: vere sentientes templa Dei esse, quibus præfecti sunt, vtut paupertate, morbis & vlceribus scateant.

Quomodo defenderit Religionem quam professus est Stephanus, ostendit 6. & 7. cap. Actorum. Non in periculo abiicit confessionem: non dissimulat, vt multi: sed constans est & fortis suæ religionis propugnator: non ipsum impedit multitudo sectarum, quæ tum erant plurimæ: non frangitur auctoritate Phariseorum ac summorum virorum in Iu-

F dæa: sed

dea: sed Sectis se fortiter opponens, solus impetum totius populi sustinet, & longa oratione suam religionem defendit: quod exemplum nos quoque imitemur.

Constantia eius in confessione inde apparet, quod non minis, non excommunicatione, non lapidatione absterretur a confessione: sed, ut inuictus miles confessionem in medijs periculis retinet. Hoc nobis quoque in exemplum propositum est.

Inuocatio Christi, cum iam obrutus lapidibus iacet, ostendit & fidem, & testatur de vera charitate huius viri. Intercedit enim pro suis interfecto-ribus, neque frustra pro illis intercessit. Nam Paulus, qui custos erat vestium eorum, qui Stephanum lapidabant postea conuersus est.

Consolatio in hac inuocatione sentitur. Nam filium Dei, pro quo ista sustinuit, vidit stantem a dextris Dei pro se interpellantem, qua consolatione pœ-næ acerbitas non parum mitigata est. Hunc proinde si nos in nostra cruce imitemur, vere sentiemus præsens Dei auxilium consolantis nos suo sancto Spiritu.

Exitus vite ipsius letissimus fuit. Nam in hac precatione: Domine Iesu suscipe Spiritum meum, expirauit & obdormiuit in Domino, atque ita ipse cursum consummauit, fidem seruauit, ac iam coronam, ut strenuus victor cum gloria obtinet. Hunc ergo & nos morituri nobis proponamus.

Nunc textum Euangelij videamus, cuius summa est.

ma est. Christi
bi, & comm
cendi causa
I.

II.

III.

III.

[Ecce ego
& scribas, &
ex illis flagella
quem de ciui
suis ad Iudeos,
deposui, & si
aliquando spon
Mittit quiden
recipientes ve
antem inde qu
sed malitie hom
trahentem per
persequuntur im
Matth. 23. ubi a
bus propter nom
ut quisquis voc
flare Deo, &

ma est. Christus prædicit pericula ministrorum verbi, & comminatur pœnam persecutoribus. Nos docendi causa quatuor locos tractabimus, qui sunt:

- I. Prædictio persecutionis ministrorum verbi.
- II. Exaggeratio peccati persecutorum.
- III. Comminatio pœnæ.
- IIII. Exprobratio ingratitude eorum, qui Christum invitantes se ad pœnitentiam respuunt.

DE PRIMO.

[Ecce ego mitto ad vos Prophetas & sapientes, & scribas, & ex illis occidetis & crucifigetis, & ex illis flagellabitis in Synagogis vestris, & persequemini de ciuitate in ciuitatē.] Hoc loquitur Christus ad Iudæos, qui tum videbantur ipsa Dei Ecclesia esse, & significat quanta rabie persequentur aliquando suos legatos, Prophetas & Apostolos. Mittit quidem Deus suum verbum, vt saluentur recipientes verbum, eiq; fidem adhibentes. Quod autem inde quidam fiant deteriores, hoc non Deo, sed malitiæ hominum imputandum est, qui Deum trahentem per verbum sequi nolunt. Cur autem persequentur impij Apostolos, explicat Dominus Matth. 10. vbi ait: Et eritis odio omnibus hominibus propter nomen meum. Ioh. 16. Sed venit hora, vt quisquis vos interfecerit, arbitretur se cultū præstare Deo, & hæc facient vobis quia non nouerunt

F 2 patrem,

patrem, neq; me. Hic causam ponit, cur impij ita in pios insaniant, videlicet quod Deum ignorent: quæ Dei ignoratio facit, ut ipsi parricidæ putent se sacras victimas offerre Deo, cum fideles occidunt. Atq; adeo ruunt ignorantes Deum in hypocrisin, ex hypocrisi in parricidium, donec compleverint mensuras scelerum suorum: Quid ergo facit Christus? Venit ad ægrotos: illi autem ut phrenetici, in Christum se conuertunt quem de medio sublatum cupiunt. Monstrat ille per suos morbum: Illi contra, morbum non agnoscunt: quare & Medicum contemnunt, & eius legatos persequuntur.

DE SECUNDO.

[Ut veniat super vos omnis sanguis iustus, qui effusus est super terram à sanguine Abel iusti etc.] Quam graviter peccant persecutores Ecclesiæ, ostendit. Dicit enim eos fore reos totius sanguinis sanctorum, qui vnquam effusus est, non secus, atq; ipsi sua manu omnes pios & sanctos, atq; adeo ipsum Christum trucidassent: Nam inter omnes impios quedam impietatis cognatio est, quæ facit pœnas æque graues, & reatum æqualem.

DE TERTIO.

[Amen dico vobis, venient hæc omnia super generationem istam.] Hæc tametsi proprie dicuntur de persecutoribus Iudæis: tamen in vniuersum ad omnes Ecclesiæ persecutores pertinent. Iuramentum,

tum, quod in
num quod i
plicia, vtut
quod pñ, qu
gloriose lib
supplicij: &
persecutorib
lorum certa
dere, vt D
nemur: qu
audiuimus

[Hierusal
tas etc.] Hæc
lem primum ex
tum Christi erg
quod sua propri
commendantur.
Cum enim
exprobrat ingr
ficiam recipere
tionem habueri
libertatem ag
nam non magna
angelum, illis es
rant fructibus.
Affectum su
dum se gallina

tum, quod interponit Dominus nos docet duo: Primum quod impij vere aliquando rapiantur ad supplicia, vtut diu differri videatur iudicium. Deinde, quod pij, qui persecutionem patiuntur, aliquando gloriose liberentur, traditis suis hostibus perpetuis supplicijs: Unde discant pij non succensere impijs persecutoribus, sed potius commiseratione super illorum certa damnatione tangi, & pro illis intercedere, vt Dominus eos conuertat, ne omnes damnentur: quemadmodum Stephanus fecit, vt supra audiuiamus.

DE QVARTO.

[Hierusalem Hierusalem qui occidis Prophetas etc.] Hæc verba Christi compellantis Hierusalem primum exprobrationem habent. Deinde affectum Christi erga eos declarant. Tum significant quod sua propria culpa pereant. Postremo pœnam comminantur.

Cum enim dicit: Quoties volui te congregare, exprobrat ingratitudinem, quòd nec oblatum beneficium recipere voluerint, nec suæ salutis vllam rationem habuerint, tantum abest, vt benefactoris liberalitatem agnouerint, aut ei grati fuerint. Utinam non magna pars eorum, qui hodie audiunt Euangelium, illis esset similis: id quod sane suis declarant fructibus.

Affectum suum erga ipsos declarat Dominus, dum se gallinæ confert, quæ suos pullos intimè amat

F 3 & nihil

Et nihil non agit, quòd eos ab inimicis auibus tueatur. Absit à pijs cordibus, sentire Christum apud se aliud statuisse de Iudæis, voluntate aliqua arcana, quàm quod lacrymis, & ore testatus est. Nam horrendum est, cogitare in Christo contradictorias voluntates esse, qui ipse damnat cor duplex. Verè igitur illorum salutem voluit, iuxta dictum Prophetæ: Nolo mortem peccatoris, sed ut conuertatur & viuat.

TERTIO loco, cum ait Dominus, ET NOLVISTI, apertè testatur Iudeos sua culpa perijisse, & repugnasse Christo ex propria malitia, qui eis salutem obtulit. Non dicit, Et Deus noluit te recipere in gratiam: sed, TV NOLVISTI: Quare hinc duo discamus: Primum, ut cautiore facti Iudeorum damno, verbo Dei præbeamus aures, & inuitanti nos Christo nos obsequentes præbeamus, nec reluctemur Spiritui sancto, qui voluntates omnium mouet, qui audiunt Euangelium. Alterum, quòd, quicunq; verbum audientes, ei non obtemperent, pereant sua culpa: quorum interitus & damnatio non est ascribenda ulli fato, aut voluntati arcane Dei, quasi quorundam salutem non vellet.

QUARTO, cum subiungit: [Ecce relinquetur vobis domus vestra deserta.] Hæc pænæ comminatio, etsi in specie pertinet ad Iudeos persecutores, quibus vastationem minatur religionis, politiarum & æconomiarum: In genere tamen ad omnes persecutores Euangelij pertinet. Comminatur autem illis,

illis, ut aliq
omnes Prop
conditionem
cut in N
contestam
tis omni

Sinus er
modo velim
pœnitentia
ris genitib
inuocation
ritu sancto
lorum, A

FERI
NATIV

Dicit le
sus P
quem
& recu
us, & dixit: I
dit? Hunc e
Iesu: Domine,
si velim cum i
te? tu me leq
ter fratres, qu
tur. Et non

illis, ut aliqui saltem ex ipsis resipiscant. Nam omnes Propheticae comminationes habent tacitam conditionem, scilicet, Nisi egeritis paenitentiam: sicut in Niniuitis videmus, & Christum audimus contestantem, his verbis: Nisi paenitentiam egeritis omnes simul peribitis, Lucae. 13.

Simus ergo admoniti hac comminatione, ut nos, modò velimus effugere iram Dei, seriam agamus paenitentiam, & Christum saluatorem nostrum veris gemitibus imploremus, ut nos in vera fide & inuocatione conseruet, Cui cum Deo Patre & Spiritu sancto sit laus, honor & gloria in saecula saeculorum, A M E N.

FERIA TERTIA

NATIVITATIS DOMINI,

IOHAN. 21.

Dicit Iesus Petro: Sequere me. Conuersus Petrus, vidit illum discipulum, quem diligebat Iesus, sequentem, qui & recubuit in cœna super pectus eius, & dixit: Domine: quis est ille qui te tradit? Hunc ergo cum vidisset Petrus, dicit Iesu: Domine, hic autem quid? Dicit ei Iesus: si velim eum manere donec veniam, quid ad te? tu me sequere. Exijt ergo sermo iste inter fratres, quod discipulus ille non moreretur. Et non dixerat ei Iesus: non moritur:

F 4

Sed,

Sed, si eum velim manere, donec veniam, quid ad te? Hic est discipulus ille, qui testimonium perhibet de his, & scripsit hæc, & scimus quod verum est testimonium eius.

ENARRATIO TEXTVS.

Summa huius Euangelij est: Postquam Christus iter interrogasset Petrum an se amaret, mandat illi vt se sequatur: significans, quod se sua morte esset glorificaturus. Præterea correcto errore Petri, Euangelista aliorum discipulorum sensum corrigit, qui malè intelligentes verba Domini, putarunt falso Iohannem non moriturum. Postremò asserit, Euangelium à Iohanne scriptum de Christo verum esse. Porro huius Euangelij quatuor constituentur loci: qui sunt.

- I. Colloquium Christi & Petri, et mandatum Christi, vt Petrus se sequatur.
- II. Ut vocatio cuiq; sua commendatur: Ita damnatur curiositas.
- III. Correctio erroris discipulorum orti ex malè intellectis verbis Domini.
- IIII. Commendatio Euangelij à Iohanne scripti.

DE PRIMO.

Et cum hoc dixisset, dicit Petro: Sequere me. Quia Petrus ter negauit Christum, voluit Dominus terna confessione eum in suum statum & Apostolatum

stolatum restituere. Nam par erat, vt qui toties negasset suum Dominum, hac ratione & veluti disciplina castigaretur, ac probaretur, & vt nota fieret eius conuersio. Tria autem sunt, quæ hic cum Petro agit Dominus: Primum ter illum interrogat an se amet: cui Petrus ter quoq; respondet, vt hac terna confessione, apud alios ternam negationem ablueret, ac in suum ita locum restitueretur. Deinde ter commendat illi Apostolatus officium, dicens: Pasce oues meas, hoc est, esto Apostolus meus, qui doctrina Euangelij, Sacramentis & sancta vita mihi congreges oues. Habemus hic, munus Apostolatus, adeoq; omnium ministrorum verbi, esse pascere oues Christi. Adhæc Metaphora ouium significatur, qualisnam sit cætus ille hominum, qui ouium appellatione signatur. Primum ergo quædam de pascendi ratione, Deinde de ouibus quædam hic dicenda sunt.

Christus pascit, & Apostoli aliq; ministri verbi pascunt: sed non similis omnium ratio est. Christus enim vt Dominus, ouium Pastor Apostoli vt serui. Christus intus suo spiritu: Apostoli externo ministerio. Nam eos, qui feritate morum vrsi aut leones erant, cicurant, intus Domino per Spiritum suum operante: ac ita in ouile Christi, hoc est, in regnum Christi introducunt: idq; adhibitis clauibus Ecclesiæ Christi, à Christo, vero pastore datis. Sunt autem hæ clauis aliæ nullæ, quàm verbum & fides: verbum adhibet minister, fidem ad prædicationem

verbi intus adhibet Spiritus Christi. Nam prædicatione verbi Dei, de peccatorum remissione impetranda per Christum, unica clavis est ad aperiendum regnum cælorum. Quod si is, qui audit, adiungat etiam veram fidem, & Euangelio verè assentiatur, accedit etiam clavis altera. His duabus clavisbus recluditur regnum cælorum, & impetratur condonatio peccatorum. Hoc ita esse ostendit legatio Christi, in qua, quod per claves figuratè dicitur, claris & significantibus verbis exprimitur, cum ait: *Euntes prædicate Euangelium omni creaturæ: Ecce habes priorem clavem. Verùm cum addit: Qui crediderit saluus erit, alteram ostendit clavem: Sunt ergo hæ duæ claves verbum & fides, quibus recluditur regnum cælorum: Verbum applicatur foris per ministrum: sed virtute Spiritus receptum gignit fidem, qua intratur in ouile Christi.*

Deinde, cum pastores intromiserint oves in ouile Christi, debent eas pascere verbo & Sacramentis: aberrantes ab ouile, pedo, hoc est, obiurgationibus reuocabunt: laborantes & ægrotas consolationibus refocillabunt, & semper excubias agent circa gregem suum, ne lupi veniant & disrumpant ouile, & dispergant oves. Hæc omnia commisit Dominus Petro atq; alijs Apostolis imo omnibus ministris Euangelij, quando dixit Petro: *Pasce oves meas.*

Sed cur oves appellat, quos Christo adducunt Apostoli? Tres causas potissimum inuenio, quarum prima est, quod mansuetos esse oporteat, qui Christo

dant

dant nomina
milia censu
num, rapar
bidinem hu
nos affectu
Secunda
pastoris voc
pij solum Ch
eius nec for
magni nomi
Tertia ca
pastorem, qu
flum in vita
us vitam vita
per patientiam
flera cuius in cr
participes: quem
pauit, vna et
ergo pijs verbis
Christi. Et oves
vnicam vocem
gloria.
Tertium quo
significat quali
rus, cum ait: [Cui
quo voleas: qui
nus tuas, & ali
les.] Significatur
confessionem de

dant nomina. Non enim decet eos, qui in Christi familia censerī volunt, imitari truculentiam leonum, rapacitatem luporum, astutias vulpium, libidinem hircorum, sordes porcorum, aut alios ferinos affectus exprimere.

Secunda causa est, quod quemadmodum oves sui pastoris vocem norunt, & alienam refugiunt: Ita pii solum Christum doctorem agnoscent, & eos, qui eius vocē sonant, audient, & non alios quantumvis magni nominis, imò etiam si fuerint angeli de cælo.

Tertia causa est, quod quemadmodum oves suum pastorem, quocunq; iuerit, sequuntur: Ita pii Christum in vita, in cruce, in gloria, sequi debent, ipsius vitam vitæ regulam intuebuntur, ipsius crucem per patientiam, quoties opus est, sustinebunt, ac postea cuius in cruce socij erant, gloriæ quoq; erunt participes: quemadmodum Paulus ait: Si cum illo patimur, unà etiam cum illo glorificabimur. Hinc ergo pii verbi ministri discant rectè pascere gregem Christi. Et oves sint mansuetae: audiant sui pastoris unicam vocem: eumq; sequantur in vita, cruce & gloria.

Tertium quod agit hic Christus, est quod Petro significet quali mortis genere sit Deum glorificaturus, cum ait: [Cum esses iunior cingebas te, et ibas, quo volebas: quum autem senueris, extends manus tuas, & alius te cinget, & transferet quo noles.] Significatur his verbis, quod Petrus ob Christi confessionem debeat aliquando crucis supplicium subire:

subire : quod Irenæus & pleriq; veterum testantur, Romæ factum esse regnante Nerone.

His subiungit Christus mandatum suum ad Petrum, & iubet vt se sequatur, non amplius abijciat confessionem, sicut antea : sed strenuè vsq; ad mortem se inuictum militem Christi præstet : hoc vnusquisq; nostrum sibi dictum putet.

DE SECVNDO.

[Conuersus Petrus, vidit illum discipulum, quem diligebat Iesus, sequentem, qui & recubuit in cæna super pectus eius: hunc ergo cum vidisset, dicit Petrus Iesu : Domine hic autem quid ? Cui Iesus : Si eum velim manere donec veniam, quid ad te ? tu me sequere.] Petrus audiens à Domino quod esset aliquando subiturus Christi nomine durum supplicium, non tam quid sibi faciundum præscribitur spectat, quàm est sollicitus de alijs : est quidem paratus ad ferendam crucem Christi nomine: sed interim accedit ex infirmitate carnis quædam curiositas, qua ea inuestigat, quæ ad se non spectant. Tanta enim hominum imbecillitas est, vt semper in nostris aduersis respiciamus ad aliorum fælicitatem: qua re facimus ipsi nobis crucem acerbiorè & difficiliorem. Libenter vellemus, ne alijs nobis essent fæliciores. Dulce enim, iuxta prouerbum, commune naufragium. Verùm, cum Dominus hanc curiositatem taxat in Petro, sciamus hanc reprehensionem ad nos quoq; pertinere. Ut autem istud vitium

in Apo-

in Apostolo
quasi dicat:
sed potius bo
feras quicqu
Ita vult Dom
nem in timore
infeliciores e
Nam quilibet
cem, quæ fer
Paulus qui
onem patien
pers crucis e
Etia, vniqu
est. Sit quere
filium. Quier
prophorum i
mur: quem admo
propria agere, h
vocationis spon
quing; sunt in
mum, vocatio
charitas debent
Tertio, si quid a
solatium petas
Quarto, vocation
Christi commodu
liciter in vocatio
dit, Deus rogat
adhibeat. Hoc

in Apostolo corrigat, ait : quid ad te ? me sequere, quasi dicat: Noli respicere ad aliorum felicitatem, sed potius hoc specta, ut tuum officium facias, ac feras quicquid tibi Dominus ferendum imposuerit. Ita vult Dominus, ut nostram curemus vocationem in timore Domini : non vult, ut putemus nos infeliciores esse, si alij nobis videntur feliciores. Nam qualibet vocatio suam habet adiunctam crucem, quæ ferenda est æquo animo. Omnes, inquit Paulus qui volunt pie vivere in Christo persecutionem patientur. Nemo ergo, modo pius fuerit, expers crucis erit. Quare curiositate prophana abiecta, unusquisq; maneat in vocatione, qua vocatus est. Sit quietus, & propria agat, iuxta Pauli consilium. Quietos vult nos esse, ne instar hominum prophanorum in alienis negotijs nimium occupemur: quemadmodum multi hodie faciunt. Vult nos propria agere, hoc est, vult unumquemq; quæ suæ vocationis sunt, curare. Ut autem id fieri possit, quinque sunt in quaque vocatione spectanda. Primum, vocatio debet esse legitima. Deinde fides & charitas debent esse actionum regulæ in vocatione. Tertio, si quid aduersi in vocatione contigerit, consolationem petas à conscientia legitimæ vocationis. Quarto, vocationem ad gloriam Dei & Ecclesiæ Christi commodum referes. Postremo, quia nihil feliciter in vocatione absq; benedictione diuina succedit, Deus rogandus est, ut manus auxiliatrices adhibeat. Hoc si feceris in vero timore Dei, senties sanè

sanè tuam vocationem non inutilem Ecclesiæ Dei fore.

DE TERTIO.

[Exijt inter fratres sermo, quod discipulus ille non moreretur.] Vide quàm facilis est in errorem lapsus. Christus dicit: si eum volo manere, quid ad te? Discipuli autem hoc intellexerunt, quasi sine conditione dixisset: Volo illum manere, & non mori, donec veniam. Hic ergo admonemur diligentia in lectione sacrorum librorum, ne aliena, quàm quæ dicuntur, illinc extruamus. Amplectamur itaq; quæ clara & perspicua sunt: quæ cum conditione, aut obscure dicuntur, conferamus cum clarioribus locis: & imploremus Deum, vt nobis det clauem veræ scientiæ, quò intelligamus ea sine errore, quæ nostræ salutis interfunt. à quæstionibus inutilibus, nihil facientibus ad edificationem, abstineamus, scientes hanc simplicitatem gratam Deo, iuxta dictum: Altiora te ne quæsieris.

DE QVARTO.

Ipsè Euangelista claudit suum Euangelium dicens: [Hic est discipulus iste, qui perhibet testimonium de his, & scripsit hæc, & scimus, quod verum est testimonium eius. Hæc est veluti quædam obsignatio Euangelij à Iohanne scripti. Cum dicit, Scimus, significat Euangelium esse certum, verum et infallibile. Hoc Euangelium vocat testimonium, quia de

quia de Chris
autem finem
nes, exponit
tem scripta
fuit ille filius
per nomen
nempe munda
ipsum, cui gl

DO
INFRA
TA

E Terant
per his, q
xit illis Si
trem eius
& in resurrecti
signum cui con
animam, pen
multis cordib
Prophetissa fi
profferat in
viro annis sept
dua annorum
non discedebat
cationibus seru
hora superueni
mino, & lo
expectabant

quia de Christo & eius beneficijs testatur. In quem autem finem suum Euangelium scripserit Iohannes, exponit ipse in fine cap. 20. cum ait: [Hæc autem scripta sunt, ut credatis quod Iesus est Christus ille filius Dei, & ut credentes vitam habeatis per nomen eius.] Est ergo duplex finis Euangelij: nempe noticia Iesu Christi, & salus per fiduciam in ipsum, Cui gloria in sæcula, A M E N.

D O M I N I C A
INFRA OCTAVAM NATIVI-
TATIS CHRISTI, Lucæ 2.

ET erant Pater & Mater eius mirantes super his, quæ dicebantur de illo. Et benedixit illis Simeon, & dixit ad Mariam matrem eius: Ecce positus est hic ad ruinam, & in resurrectionem multorum in Israel, & in signum cui contradicitur. Quin & tuam ipsius animam penetrabit gladius, ut retegantur ex multis cordibus cogitationes. Eterat Anna Prophetissa filia Phanuel de tribu Aser: Hæc processerat in multam ætatem, & vixerat cum viro annis septem à virginitate sua. Et hæc vidua annorum ferme octoginta quatuor, quæ non discedebat de Templo, ieiunijs ac deprecationibus seruiens die ac nocte: & hæc eadem hora superueniens, vicissim confitebatur Domino, & loquebatur de illo omnibus qui expectabant redemptionem Hierosolymis.

Et

Et ut perfecerunt omnia secundum legem Domini, reuersi sunt in Galilæam, in ciuitatem suam Nazareth: Puer autem succrescebat, corroborabaturq; Spiritu, & implebatur sapientia, & gratia Dei erat super illum.

ENARRATIO TEXTVS.

Hoc Euangelium est pars rerum gestarum die purificationis beatæ virginis in Templo, postquam parentes Iesu secundum legem Mosi obtulissent & constituissent puerum coram Domino. Est autem summa huius partis, quòd Simeon & Anna testimonium dent Christo, & agnoscant illum regem & Messiam promissum: cui impius quidem mundus sese oppositurus est in proprium malum: p̃j vero amplectentur ipsum sibi in resurrectionem & salutem. Constituamus autẽ tres locos, qui sunt.

- I. Admiratio parentum Iesu.
- II. Testimonium Simeonis & Annæ de Christo.
- III. Argumentum humanitatis Christi.

DE PRIMO.

Parentum Christi admiratio ostendit, quòd ratio nihil percipiat rerum diuinarum. Debemus ergo voci Dei credere, eamq; admirari, potius quàm abnegare. Admirantur autem quòd Deus nunc secundum suum æternum ac arcanum consilium miserit Messiam, quem tot Prophetæ, Patriarchæ, & Reges

N
Reges expect
angelicum:
qua etiam in
Hac ad
quæ reuer
Spiritus sanct
Christi cogni
quoq; propo
quæ ratio no
amplecti de
stra noua c
prophetis, e
deniq; rebu
nem. Nam i
fecit, qui quot
gusq; admiratio
Porro Ioseph
Maria fuerit ei
datum Dei vol
matrem, & q
si Paulus dic
taq; & ap̃t̃ taq;
Sine patre quid
lem: sue matre
admirabilem &
à patre sine ma
principium Eua
nuper audiuim
D

Reges expectauerant : Admirantur testimonium angelicum : Admirantur senis Simeonis vocem, qua etiam in fide confirmantur solidius.

Hæc admiratio sancta quædam est cogitatio, qua reuerenter considerant & amplectuntur Spiritus sancti vaticinium: vnde magis magisque in Christi cognitione proficiunt. Hoc exemplum nobis quoque proponendum est. Non mox repudiabimus quæ ratio non capit : sed sancta cum admiratione amplecti debemus diuina oracula, & vt fides nostra noua capiat incrementa, omnia adminicula ex prophetijs, ex miraculis, ab exemplis, ab omnibus denique rebus colligemus in maiorem admirationem. Nam ille demum in schola Christi bene profecit, qui quotidie cum augmento fidei magis magisque admiratur.

Porro Ioseph hic dicitur pater Christi, eo quod Maria fuerit ei desponsata, & quod Ioseph mandatum Dei habuerit curandi hunc puerum & eius matrem, & quia putatus est vulgo esse pater Christi. Paulus dicit ad Hebræ. quod Christus est ἀπατὴρ & ἀμήτωρ, id est, sine patre & sine matre: Sine patre quidem secundum natiuitatem carnalem : sine matre vero secundum natiuitatem illam admirabilem & æternam, qua filius Dei natus sit à patre sine matre ab æterno : de qua natiuitate principium Euangelij Iohannis concionatur, sicuti nuper audiuius.

DE SECVNDO.

G

In te-

In testimonio Simeonis, quatuor consideranda sunt. Primum, benedicit eis: qua re Simeon declarat suum affectum erga Christum & eius regnum, nimirum, quod cupiat bene huius noui regis nouo regno: atq; hoc fecit Simeon consuetudine sanctorum Patriarcharum, qui solebant senes, bene precari iunioribus. Est enim benedicere Hebraica phrasi nihil aliud, quam felicem successum optare ac bona precari. Hinc singuli discamus, primum Christum confiteri. Deinde eius regno bene precari, quod pertinet ad secundum praeceptum, & ad secundam petitionem.

Alterum, quod considerandum est in testimonio Simeonis, est vaticinium, quod duo complectitur: Primum, quod Christus sit futurus multis in ruinam, ut in ipsum impingentes cadant multi & pereant, non ipsius culpa, sed ipsorum, qui hunc Christum amplecti nolunt. Sed quaeret aliquis: Quomodo Christus positus sit in ruinam incredulis, qui iam sunt perdit. Bis pereunt impij, primum propria infidelitate sunt perdit. Deinde, quia oblata salute se ultro priuant. Perinde enim faciunt, ac si quis ob furtum esset adiudicatus morti semel, & deinde Regis filium pro se intercedentem conspueret, spreta per illum oblata liberatione: Hic merito bis perditus dici posset, cum ob proprium furtum, tum quia liberatorem suum aspernaretur in maius supplicium. Quamuis ergo omnes impios, qui Christi nomen non audierunt, certus manet infidelitatis
suae in-

suae interitu
Christum re
grauius pu
Domini, &
Mitius erg
die, quam i
quod idem
rum in Isra
ficia, res
bonorum.

T E R
onis testim
Christi cui
cens: [Et ta
us.] Hac re
tineant, tame
gest Maria,
hac admonitio
ritus sancti
sustinendos
m. male ex
di. Deinde, ut
nihilominus e
ipsius filius ej
Hac itaque f
ipsius glorios
hec verba a
enim vaticin
sit in hoc

sua interitus: Tamen illi qui scientes & volentes Christum respuunt secundam ruinam sentient, & gravius punientur. Servus enim sciens voluntatem Domini, & non faciens, vapulabit plagis pluribus: Mitius ergo erit Turcis & Ethnicis in extremo die, quam illis, nisi egerint pœnitentiam. Alterum, quod idem Christus sit futurus resurrectio multorum in Israel, id est, liberatio à peccato, donatio iustitiæ, resurrectio à morte, & hæreditas omnium bonorum.

TERTIVM, quod considerandum est in Simeonis testimonio, est apostrophe ad virginem matrem Christi cui prædicit crucem & persecutionem, dicens: [Et tuam ipsius animam pertransibit gladius.] Hæc verba etiamsi propriè ad Mariam pertineant, tamen ad totam Ecclesiam, cuius typum gessit Maria, referenda sunt. Maria opus habuit hac admonitione propter duo: Primum, ut hoc Spiritus sancti oraculo admonita, componeret se ad sustinendos tristes euentus, cum videret filium suum, malè excipi à suis, ac tandem in crucem suspendi. Deinde, ut ita munita aduersus futuros insultus, nihilominus certa fiducia exultaret, quod tandem ipsius filius esset futurorum hostium victor. Hac itaque freta fiducia astitit cruci, forti animo ipsius gloriosum triumphum expectans. Deinde hæc verba ad Ecclesiam totam pertinent. Hoc enim vaticinio indicatur, quod ipsa ECCLESIA sit in hoc mundo futura sub cruce, quæ se

exemplo virginis futuræ gloriæ spe erigere debet.

QVARTVM, quod est in hoc Simeonis testimonio considerandum, est quod Simeon dicit disceptationes ex multorum cordibus reuelandas: qua voce significat multos fore, qui apertè se declarabunt esse hostes Christi, & rursus multos qui Christum confitebuntur, idq; vsq; ad extrema pericula & sanguinis effusionem. PRIMVM nos consoletur aduersus scandalum crucis. ALTERVM in nobis fiduciam alat.

In testimonio Annæ duo considerata sunt: Primum Prosopographia personæ Annæ, quam commendat à prophetico spiritu, id est cognitione rerum spiritualium seu regni Christi, à parentibus, ab ætate, à castitate, à sedulitate precandi.

Hæc eò pertinent, vt sanctissimæ matronæ maiorem authoritatem concilient, vt plus vni sanctæ matronæ credamus, quam maximæ phariseorum & sacerdotum turbæ, qui hunc Christum non agnoscunt.

Imitemur igitur nos potius paucos pios, quam innumeram Impiorum turbam, quæ Euangelium persequitur. Obseruemus quoq; hic imaginem Ecclesiæ Christi, quæ est grex pusillus, non præferens splendorem mundi: sed faciem verbi cælestis.

Alterum est confessio Annæ, quæ tria continet.

1. Quod cum Simeone confitebatur Christum, & simul melodia aliqua Christum prædicabat: vnde pii discant, vt se mutuo hortentur ad de prædicandas laudes Dei.

2. Do-

2. Doce
phariseis
omnibus q
salem.

3. Ape
agnoscit. In
men illud p
serpentis, a
gno Diabol

Pueru
ritu, imple
per illum. H
te progressu
it, ac indies
& ma cum a
rum quia diu
stum est bon
Quemadmo
In secundum
animi creuer
qui nostri can
extinuit sua
fuit: Itaque
riam verum p
hoc factum es
ne. Docent
nitudine eiu

2. Docet populum. Cessantibus enim scribis & phariseis mulier sancta prodit & loquitur de illo omnibus qui expectabant redemptionem in Hierusalem.

3. Apertè Christum *λυτρωτὴν* & redemptorem agnoscit. Intellexit enim istum infantem fuisse semen illud promissum, quod contritum esset caput serpentis, ac ita hominem perditum eriperet è regno Diaboli.

DE TERTIO.

Puerulus autem crescebat & roborabatur Spiritu, implebaturq; sapientia & gratia Dei erat super illum. Hoc est, Quemadmodum puer Iesus ætate progressus est: Ita diuina natura in ipso se exeruit, ac indies magis magisque proficiebat sapientia, & una cum ætate creuerunt in eo animi dotes. Verum quia diuinitati nihil potest accedere, manifestum est hæc ad humanam pertinere naturam. Quemadmodum enim corpore adoleuit paulatim: Ita secundum animam indies magis magisque dotes animi creuerunt. Neq; hoc à Christo alienum est qui nostri causa formam serui assumpsit, in qua & exinanitus fuit: Nam vt propter nos exinanitus fuit: Ita rursus paulatim creuit, donec in suam gloriam iterum per resurrectionem ingressus est. Neq; hoc factum est sine nostra doctrina & admonitione. Docemur enim, illum ideo creuisse, vt nos de plenitudine eius accipiamus gratiam pro gratia. Ad-

G 3 monemur

monemur & nos exemplo filij Dei, vt perpetuis incrementis studeamus, vt indies magis magisque abundemus in vera Dei cognitione et omni sensu: vt & vero iudicio & affectu probemus quæ sint pia, sancta & honesta, & veros fidei fructus quotidie edamus: idq; ita vt dies sequens præcedentem superet. Nam qui non progreditur in cognitione Dei, & sensu pietatis, ipse retrogreditur. Nam in eo paulatim extinguitur fides, & rursus in corde ipsius sepelitur Christus, vnde fit vt iterum in peccata contra conscientiam ruat. Exemplum habemus in Dauid. Is enim sapientia spiritali supra omnes suæ ætatis homines profecerat, & gratia Dei erat cum illo. Sed quid factum est? factus est sedens in suo regali solio paulo languidior: Extinguebatur paulatim ille ardor & zelus gloriæ Dei, qui fuit in illo dum contra Goliath pugnavit, & eum vicit: & cum in periculis versabatur quotidie persequente ipsum Saule. Quid inde factum est? Conspicitur mulier decora & pulchra: affectus excitantur sine ullo impedimento. Ardor enim spiritus iam prorsus friguit: voluntas cedit affectui, ac deinde ruit in peccatum contra conscientiam commissio adulterio, cui mox addidit optimi ciuis parricidium: quæ scelera, postea per integrum annum hypocrisis texit, etsi simulauit pietatem, quæ tamen Spiritu Dei absente exulabat.

Huiusmodi sunt multa alia exempla, quæ monent nos, vt Iesum puerum hinc imitemur, ne excidamus

damus gratia
Dei erat si
pientia sal
sum, vt de
fecerimus
nemus per
Ut enim g
libus fatia
gratia &
strenue la
videamus
estis Christi
nem firmam
Huc per
extinguere. S
exercitum, vt
Dei, Patris, Fi
honor gloria, i

DIE
SIONI.

ET pot
otto, vt
est non
erat a
concupiscit
ENA

damus gratia. Ut ergo is crevit sapientia, et gratia Dei erat super illum: ita nos quoq; crescamus sapientia salutaris, & rogemus fontem sapientiae Iesum, ut de sua plenitudine, nobis largiatur: Quod si fecerimus, futurum est ut gratia Dei, quam obtinemus per & propter Christum, super nos maneat. Ut enim gratia Dei sola facit, ut in donis spiritualibus faciamus quotidie progressus: Ita retinetur gratia & manet, quando ipsi non torpemus, sed strenuè laboramus, ut gratiam accepisse frustra non videamur. Huc illud Apostoli: Participes facti estis Christi, si modo incoactam fiduciam usq; ad finem firmam tenuerimus.

Huc pertinet & illud Pauli: Spiritum nolite extinguere. Suscitanda sunt igitur dona Dei crebris exercitijs, ut indies magis proficiamus in gloriam Dei, Patris, Filij & Spiritus sancti. Cui soli Deo sit honor, gloria, in secula seculorum, A M E N.

DIE CIRCVMCISIONIS DOMINI, EVANGELIUM LUCÆ 2.

ET postquam consummati sunt dies octo, ut circumcideretur puer, vocatum est nomen eius IESVS, quod vocatum erat ab Angelo, priusquam in utero conciperetur.

ENARRATIO TEXTVS.

G 4

Hoc

HO C festum de Circumcisione Domini, tres ob causas in Ecclesia institutum est. Quarum prima est, ut sciatur Historia. Secunda, ut beneficium Dei erga genus humanum, quod historia commendat, intelligatur. Tertia, ut beneficio diuino rectè utamur, cum in Dei gloriam, tum in nostram salutem & aliorum adificationem.

Historia est, quod Christus Dominus die octavo à sua natiuitate carnali, iuxta legem Moysi sit circumcissus, & nomen ei, quod ab Angelo prædictum erat, sit inditum, vocatusq; sit Iesus.

Beneficium, quod historia commendat, est quòd pro nobis id factum sit, quemadmodum Paulus docet: *Factus est sub lege, ut eos, qui sub lege erant, redimeret.*

Usus deniq; in his consistit, ut cognito beneficio, Deo grati simus, nostram fidem hoc facto confirmemus, ac exemplo Dei Patris & filij ipsius Iesu Christi studeamus de omnibus bene mereri. Porro, ut hæc nobis informandis de hoc beneficio efficacius seruiant, duos locos tractabo, Qui sunt:

I. De Circumcisione.

II. De suauissimo nomine Iesu.

DE PRIMO.

Ut hanc de Circumcisione distinctius intelligamus doctrinam, hæc ordine nobis explicanda videntur: quomodo Deus soleat hominem de sua instituere voluntate: Qualis res fuerit Circumcisio illa

illa carnalis
stabit Sacra
stamentum
sit spiritua
ni vnquam

Deus a
sub lege, &
tus est bon
ere rebus:
bili sensu:
quodam
vult De
becillitati.

Menti v
tatem homin
lis, qua idem
& menti offer
paradiso polunt
num dedit:
num, nempe
m & mali.

nam feminis,
Superato dilu
eius signum ad
promissa semin
sionis in perpet
sit liberatione
prestitit: sed
gnauit. Moys

illa carnalis, quæq; in illa sint spectanda, vnde constabit Sacramentorum cum veteris, tum noui Testamenti ratio: Cur Christus sit circumcissus: & quæ sit spiritalis illa circumcisio, sine qua salus nemini vnquam contingit.

Deus ante lapsum & post lapsum, ante legem, sub lege, & post Christum exhibitum, semper solitus est hominem de sua voluntate duabus instituere rebus: vna perceptibili mente, altera, perceptibili sensu: vt id, quod menti offertur intelligendum, quodammodo sensibus externis percipiatur. Ita voluit Deus clementissimus humanæ consulere imbecillitati.

Menti verbum proponit, per quod suam voluntatem homini patefacit: sensibus signa aspectabilia, quæ idem docent visibiliter, quod verba sonant & menti offerunt. Hominem formatum Deus in paradiso posuit, ei verbum suæ voluntatis testimonium dedit: verbo adiecit duplex signum externum, nempe arborem vitæ, & arborem scientiæ boni & mali. Post lapsum hominis dedit promissionem seminis, cui signa externa sacrificia adiecit. Superato diluuiio, promissionem voce proposuit ac eius signum arcum cælestem fecit. Abrahamo fit promissio seminis, cui promissioni signum circumcissionis in perpetuam rei memoriam adiecit. Promisit liberationem de seruitute Aegyptiaca, quam & præstitit: sed hanc promissionem agnoscere obsignauit. Moysi promissionem commendauit, sed addi-

to veluti sigillo Testamento sanguinis vacca rufa.
Tandem Deus dat Filium, & per illum promittit
credentibus vitam æternam, quam promissionem,
duobus augustissimis Sacramentis, Baptismo &
cæna Domini, confirmavit. Breviter : semper suo
verbo Dominus aliquod externum adijcere testi-
monium solet, ut et mente et sensu, quasi palpemus
quæ sit eius erga nos voluntas. Quicquid enim ab
homine percipitur, id fit aut mente aut sensu, aut
utroq; simul : Verum Deus, ut certiores simus de
nostra salute, verbum menti, signum externum sen-
sibus proponit, & nihil non facit, quod in nostram
salutem cedere iudicat. Atq; ita Deus hominem de
sua voluntate instituere solet.

Hoc iacto fundamento, quale nam signum fue-
rit circumcisio illa carnalis & aspectabilis, facile
intelligitur, modò verbum, cui hoc signum additum
est, in medium producamus. Nam signum nihil ali-
ud est, quàm promissionis, quæ verbo continetur,
efficax quoddam Symbolum & authentica obsig-
natio.

Quodnam est igitur verbum, cui circumcisio
additur? Dominus Gene. 17. promittit se fore Deum
Abrahami & seminis eius: requirit ab Abrahamo
fidem huius promissionis : iubet ut ambulet coram
se & sit perfectus, hoc est, ut omnia postponat obe-
dientiæ erga se, retinens fidem & bonam conscien-
tiam. Huic promissioni & mutuo pacto ipse Deus
externam circumcisionem adiecit, ut in carne
Abra-

Abrahæ test
Abrahamum
pacti, quod
tuum post
scilicet
ut sit in signu
Videmus
datum signi
missionis, in
tur in Circu
sionem, man
dem promiss
sio. Atq; hæc
Etandæ, quæ
hoc modo.

Circumcisio ca
proprie virilis
cum nomine in
hoc divini fauor
fiducia erigit.
cogitanda, id est
Rom. 4. Est e
gratiam favore
Stephanus in Ac
appellat. Quia er
fides sequitur, qu
erit factus. Circu
hominis verosip

Abrahæ testimonium esset mutui intra Deum & Abrahamum fæderis. Ait enim Dominus: hoc est pactum, quod obseruabitis inter me & vos, & sementuum post te. Circumcidetur inter vos omne masculinum, & circumcidetis carnem præputij vestri, ut sit in signum fæderis, inter me & vos, &c.

Videmus ergo hic promissionem præcedere, mandatum signi sequi, Signum præscribi, & fidem promissionis, iuxta pacti rationem, exigere. Unde colligitur in Circumcisione esse quatuor, videlicet, promissionem, mandatum Dei, signum aspectabile, & fidem promissionis, quam necessario requirit promissio. Atq; hæc quatuor in Circumcisione sunt spectanda, quæ in eiusdem definitione includi debent hoc modo.

Circumcisio carnalis mandata à Deo, est resectio præputij virilis membri, quo Deus suum pactum cum homine initum confirmat, & vicissim homo hoc diuini fauoris testimonio confirmatus, se viua fiducia erigit. Quare Paulus Circumcisionem σφραγίς, id est, signaculum iusticiæ fidei appellat Roman. 4. Est enim veluti externa promissionis de gratuito favore Dei obsignatio: Eadem de causa Stephanus in Actis Circumcisionem, testamentum appellat. Quia ergo promissio necessariò præcedit & fides sequitur, quæ in promissionem respicit, mutuū erit fædus. Circumcisio: Dei quidem promittentis, hominis vero fide promissam gratiā recipientis: quæ promiss-

promissionis fides signo externo confirmatur: Atque hæc est Circumcisionis vera ratio. Iam duo necessario adiicienda sunt: vnum, cur in seminali membro illud signum esse voluerit Dominus. Alterum, quare etiam nunc non duret, cum promissio sit æterna.

Præcisio eius membri, quod est genituræ instrumentum, significat primum totam naturam nostram, ut est propagata ab Adam, corruptam esse. Deinde significat eandem amputandam & rescandam. Caro enim & sanguis non possunt intrare in regnum cælorum. Tertiò, significabat venturum esse semen promissum, quod adferret nouam natiuitatem, qua homines nascerentur filij Dei. Atq; ita si generalem rationem Circumcisionis spectes, est testimonium & obsignatio gratiæ: si Symbolum, est naturæ deprauatæ et mundandæ nota: si externam hominum societatem, est signum seu tessera, quo Ecclesia à prophanis cætibus discernitur.

Sed quare etiam nunc non durat Circumcisio, cum promissio nondum cessauit? quia vnum signabatur per circumcisionem exhibendum, quod iam exhibitum est: nempe semen mulieris, quod est Christus Dominus de purissimo virginis sanguine natus. Quare etsi res promissa manet: signum tamen circumcisionis mutatum est in Baptismum: ut sicuti circumcisio figurabat venturum: ita Baptismus testetur exhibitum Christum. Qui ergo adhuc circumcidi

emendi vult
non credit ex
Ex his qu
iudicare, qu
veteris testam
quatuor conc
signi vsus, &
mentiratione
cramentum d
tum & insti
nem suam te
ens signum,
tetur, eamq;
verum in sign
analogia sign
Baptismo analog
admodum aqua
fortibus: Ita Ch
tias nostras à m
Sed cur Chri
num pecc
exponit cum ait
misit Deus filium
sub lege: ut eos qu
ut natus est prop
voluit Circumci
crucis peractam
Circumcisionem
stitutum.

circumcidi vult, Christum venturum expectat & non credit exhibitum.

Ex his quæ iam de Circumcisione dixi, facile est iudicare, quæ sit sacramentorum, cum noui, tum veteris testamenti ratio, Ut enim in circumcisione quatuor concurrunt: promissio, mandatum de signo, signi usus, & fides promissionis: ita in omni Sacramenti ratione eadem concurrere necesse est: ut Sacramentum diuinum, sit signum visibile, mandatum & institutum à Deo, quo ut Deus erga hominem suam testatur promissionem: ita homo accipiens signum, vicissim suam erga Deum fidem profitetur, eamq; usu signi & cogitatione confirmat: verum in signis singulis, spectanda est singularis analogia signorum ad res signatas: ut aqua in Baptismo analogia ad rem signatam, hæc est: quemadmodum aqua foris hominem abluit ab externis sordibus: Ita Christi sanguis intus abluit conscientias nostras à mortuis operibus. Atq; ita de alijs.

Sed cur Christus Circumciscus est cum sit extra numerum peccatorum? Hoc Paulus Galat. scribens exponit cum ait: Quando venit plenitudo temporis, misit Deus filium suum natum ex muliere, factum sub lege, ut eos qui sub lege erant, redimeret: Quare ut natus est propter nos: ita & circumciscus: neq; voluit Circumcisionem abolere ante suam in ara crucis peractam victimam: qua re testatus est, Circumcisionem, Sacramentum fuisse diuinitus institutum.

Iam

Gal. 4.

Iam pauca adiicienda sunt de spirituali Circumcisione, quæ vocatur in scriptura Circumcisio cordis in spiritu, non manu facta, quæ significatur per illam externam, ut res inuisibilis per rem aspectabilem. De hac præcepit Dominus, Deu. 10. Circumcidite præputium cordis vestri, & cervicem vestram ne induretis amplius. Sed Paulus ad Phil. 3. omnium luculentissimè hanc spirituales definit Circumcisionem, cum ait: Nos Circumcisio sumus, qui Spiritu Deum colimus & gloriamur in Christo, & non in carne confidimus. In his Pauli verbis, sunt duo spectanda: causa & effectus, seu actiua Circumcisio & passiva. Causa est ipse Christus, atque adeo actiua Circumcisio est, qua filius amputat quicquid est peccati & maledictionis in nobis, quæ Circumcisio sentitur in omnibus pijs omnium ætatum. Effectus seu passiva Circumcisio, est, qua renati amputant indies magis ac magis reliquias peccati, & student novæ vitæ, omnibus vitijs, quantum fieri potest, amputatis. Verum Paulus optimo ordine distribuit effectus, & tres statuit. 1. Ut colamus Deum spiritu. 2. Ut gloriemur in Christo. 3. Ut abijciamus fiduciam carnis abnegando nos ipsos. Ultimo loco positus, primus est ordine consequentiæ: quem secundus sequitur, & hunc qui primo loco ponitur.

Proinde circumcidere nos oportet omnia membra cum interiora, tum exteriora. Interiora: ut sunt mens, cor, voluntas. Mens circumcidenda est, abiectione

Etione erroris
affectus am
Deum. Exter
&c. ut iam
quum præf
perent.

Nomina
ne, sicuti nu
dem ut essen
ut sint Bap
nomina aua
fædus, quod

More igitur
est nomen in C

Solita autem
vel ex arbitrio

nunc ex virtute

nunc ex affectu

aliqua signifi

Nam Deus qu

hominibus non

Cui ergo filia

Propter officium

Sic enim iussu De

men eius Ies

peccatis eorum

adiecit salvand

Etione erroris, & vera Dei noticia : à corde vitiosi affectus amputari debent: voluntas, conuersione ad Deum. Exteriora: vt sunt aures, oculi, labia, mores, &c. vt iam non amplius deprauatæ naturæ obsequium præstent : sed Spiritui regenerationis obtemperent.

DE SECVNDO.

Nomina solebant imponi pueris in circumcissione, sicuti nunc Baptizatis imponuntur. Tunc quidem vt essent circumcissionis testimonia : nunc vero vt sint Baptismi collati signa. Quare quoties nostra nomina audimus, debemus reuocare in memoriam fœdus, quod cum Deo in Baptismo iniuimus.

More igitur aliorum puerorum, Christo impositū est nomen in Circumcissione, & vocatus est Iesus.

Solita autem sunt imponi infantibus nomina, vel ex arbitrio hominum: idq; nunc ex cognatione, nunc ex virtute clarorum hominum, nunc ex casu, nunc ex affectu: vel ex mandato Dei : idq; non sine aliqua significatione rei vel præteritæ, vel futuræ. Nam Deus qui falli nequit, non frustra imponit hominibus nomina.

Cur ergo filius virginis I E S V S est nominatus? Propter officium quod in mundo erat habiturus: Sic enim iussu Dei angelus ait Matt. I. Vocabis nomen eius I E S V M, quia populum suum liberabit à peccatis eorum. Iesus enim saluator est. Angelus adiecit saluandi genus, nimirum à peccato: ergo à morte, damnatione, ira Dei, inferno : ergo placat patrem.

patrem, restituit imaginem Dei & donat aeterna vita credentes. Hæc enim omnia coniuncta sunt cum peccati condonatione. Verum ut usum huius nominis IESV certiore teneamus, ad quatuor partes eum renocabo.

PRIMA est, quod admoneat nos perditos esse sine hoc IESV, id est saluatore. Quare nos peccati admonet & pœnitentie.

SECUNDA, quod monstret nobis salutis fontem: nam qui saluari vult hinc hauriat necesse est. Quare nos fidei in hunc saluatorem admonemur.

TERTIA, quod sit nostra consolatio, contra desperationem, magnitudinem peccati, indignitatem, particularitatem, potentiam & vires Diaboli: hinc hypostasis fidei nascitur.

QUARTA admonet nos obedientie & gratitudinis, ne nostra culpa, salute per ipsum parta excidamus, Cui gloria in secula seculorum. Amen.

DIE EPIPHANIÆ DOMINI, EVANGELIVM

MATTH. 2.

CVM autem natus esset IESVS in Bethlehem ciuitate Iudææ, temporibus Herodis Regis: Ecce magi ab Oriente accesserunt Hierosolimam, dicentes: Vbi est ille, qui natus est rex Iudæorum? vidimus enim illius stellam in Oriente, & accessimus ut adoremus eum. Auditis enim his Herodes Rex

Rex turba
vrbs cum i
cibus & se
Christus
Bethleher
Propheta
quaquam
te enim m
turus est p
clam acce
illis, quor
ire in Bet
inquire d
nunciate m
At illi aud
la, quam vide
donec progr
erat puer. Cui
sunt gaudio m
inuenient pu
prostrati, ad
sauris suis o
Thus & Mi
fomis, ne reu
am viam reuer

ENARE

Hoc festum
mini hoc
enim de Ad
brata sunt ab

Rex turbatus est, & tota Hierosolymorum
 vrbs cum illo, & conuocatis omnibus pontifi-
 cibus & scribis populi, percontatus est eos, vbi
 Christus nasceretur. At illi dixerunt ei: In
 Bethlehem Iudææ. Sic enim scriptum est per
 Prophetam: Et tu Bethlehem terra Iuda, ne-
 quaquam minima es inter principes Iuda: Ex
 te enim mihi proditurus est dux, qui governa-
 turus est populum meum Israel. Tum Herodes
 clam accersitis Magis, accurate perquisiuit ab
 illis, quo tempore stella apparuisset. Et iussis
 ire in Bethlehem, dixit: Profecti illuc, accurate
 inquire de puero. Vbi vero inueneritis, re-
 nunciate mihi, vt et ego ueniā, & adorem illum.
 At illi audito rege, profecti sunt. Et ecce stel-
 la, quam viderant in oriente, præcedebat illos,
 donec progressa staret supra locum, in quo
 erat puer. Cum autem vidissent stellam, gauisi
 sunt gaudio magno valde. Et ingressi domum
 inuenerunt puerum cum Maria matre eius, &
 prostrati, adorauerunt illum, & apertis the-
 sauris suis obtulerunt ei munera, Aurum &
 Thus & Mirrham, & oraculo admoniti in
 somnis, ne reuerterentur ad Herodem, per ali-
 am viam reuersi sunt in regionem suam.

ENARRATIO TEXTVS.

Hoc festum vocatur in Ecclesia Epiphania Do-
 mini, hoc est, apparitionis Domini. Postquam
 enim de Aduentu & natiuitate Domini festa cele-
 brata sunt ab Ecclesia, visum fuit sanctis patribus

H

hoc

hoc etiam festum addere, vt docerent Ecclesiam de varijs Domini in carne apparitionibus. Quadruplicem autem rationem assignant, cur hoc festum Epiphania vocant: quarum prima est, quod hoc die apparuerit Magis, quærentibus Christum ductu stellæ. Secunda, quod hoc die reuolutis 29. annis ab eius natiuitate, apparuerit eius gloria in Baptismo per testimonium Patris de cælo sonantis: Hic est filius meus dilectus, & per visibilem Spiritus sancti super eum apparitionem. Tertia, quod eodem die, elapso à Baptismo anno, apparuerit ipsius gloria in nuptijs, dum vertit aquam in vinum. Quarta, quod 31. ætatis suæ anno rursus apparuerit gloria ipsius, dum quinq; millia hominum saturauit panibus septem. Hæ omnes apparitiones eò pertinent, vt & Christum probent verum Messiam & saluatorem in se credentium esse, & in nobis confirment fiduciam, vt certo statuamus nos salutem per ipsum consecuturos. Atq; hæc de ratione festi: nunc ad ipsum Euangelium accedamus, quod continet historiam primi generis apparitionum Christi, nimirum quomodo Magis apparuerit, hoc est, Ethnicis, vt sciamus Christum cum suis beneficijs ad Ethnicos quoq; pertinere. Est autem summa huius narrationis Euangelicæ, quod Magi venerint Hierosolytam quæsitum recens natum regem: sed cum eum non illic inuenissent, profecti sint, secuti ductum stellæ, quæ eos præcedebat donec venerunt Bethlehẽm, vbi inuentum puerum honorabant & offerebant

hant mu
aliam vi
locos in h
I.

II.

Præ
quarum
& admo
Nato C
dis, remi
natum Rege
Hic tria
rum conditio
Tempus
RIBVS H
Iuda, & i
Hæ collatio
tempore, quo
ipsum aduoc
mat, vt certu
rum Messiam
conditio, quæ
tibus: vnde
tus in Be

*hant munera : quo facto diuinitus admoniti per
aliā viam reuersi sunt in regionem suā. Duos
locos in hoc Euangelio tractabimus, qui sunt :*

*I. Historia cum suis circumstantijs & do-
ctrinis, quæ sunt plurimæ.*

*II. Usus historiæ & spiritualis significatio
oblationis Magorum.*

DE PRIMO.

*Præsentis historiæ circumstantiæ sunt multæ,
quarum singulæ peculiāres continent doctrinas
& admonitiones.*

*Nato Christo in Bethlehem temporibus Hero-
dis, veniunt Magi ab Oriente, vt adorent recens
natum Regem.*

*Hic tria veniunt perpendenda, tempus, Mago-
rum conditio, & finis aduentus.*

*Tempus significatur, cum dicitur TEMPO-
RIBVS HERODIS : cessauerat enim sceptrum à
Iuda, & iuxta vaticinia Christus nasci debuit.
Hæc collatio vaticiniorum de natiuitate Christi &
tempore, quo natus est, vt confutat Iudæos, qui
ipsum adhuc expectant : ita piorum fidem confir-
mat, vt certò sibi persuadeant hunc ipsum esse ve-
rum Messiam, quem Magi quærent. Magorum
conditio, quod fuerint non ex Iudæis : sed ex gen-
tibus : vnde discimus, quod hic nouus REX na-
tus in Bethlehem etiam ad gentes pertineat:*

H 2

quæ

quæ Magorum exemplo monentur, vt Christum quærant & adorent.

Magi præterea dicebantur: qua appellatione eorum dignitas & officij excellentia significatur. Est enim Magus Hebraica vox, & dicitur à meditando & docendo, quæ duo ad reges & sacerdotes potissimum spectarunt: Unde Persæ suos reges & Sacerdotes Magos appellarunt. Quid hinc docemur? Christus in præsepi reclinatus iacet contemptus à suo populo: Magi vero ab Ethnicis oriundi veniunt vt adorent: qua re significatur regnum Christi etsi non sit de hoc mundo, esse tamen regnum magnificum & gloriosum, imo cæleste, quod multi agnoscent, non offensi eius externa & humili coram mundo specie.

SECUNDA circumstantia est, quòd Magi veniant Hierosolymam, & illic quærant recens natum Christum. Iudæi qui libros Propheticos in manibus habuerunt, quibusq; commissa erant oracula Dei, stertunt securi, Christum non quærent: interea illi, qui eorum iudicio ad Ecclesiam Dei non pertinebant, quærent. Sed vbi? In Regia ciuitate Hierusalem, quo cum venissent & nihil de hoc rege audirent, non parum quassata est illorum fides: nihilo minus tamen, se signo erigunt. Dicunt enim: vidimus eius stellam. Didicerant haud dubiè ex reliquijs scholæ Danielis, quòd quando Christus esset nasciturus, talis stella tempus nascentis significaret.

TER-

TER
randa :
enim pr
non esse
cælestem
præsepe
Etia : Ita
proponit
contemp
despectu
perseuer
Quida
alij aliud
bus propri
rat, nempe
rit in intima
fiscibus
non circularit
vt dux vias
ante popula
Splendor qu
notu tantum
Non ergo fuit
sunt qui in fir
fuit ? similis
Angelum De
dum Epiphan
ma stella, vt
& ipsum Ch

TERTIA circumstantia est diligenter consideranda: nam monstrat qualis rex sit Christus. Ut enim præsepe, in quo iacuit, arguit regnum ipsius non esse de hoc mundo: Ita stella de cælo apparens cælestem illum esse regem docet. Et quemadmodum præsepe docet ipsum humilem esse in mundi conspectu: Ita stella, eius regni Maiestatem aspiciendam proponit, in fidei nostræ profectum, ne eum nobis contemptibilem prauus & malignus gentis suæ despectus reddat: quæ gens adhuc in sua ignorantia perseverans Christum persequitur.

Quidam hic quærent, qualisnam fuerit stella: et alij aliud sentiunt, sed hoc manifestum est, quod tribus proprietatibus ab alijs perpetuis stellis differat, nempe situ, motu & splendore. Situs, quod fuerit in intima aëris regione, alioqui certum iter proficiscentibus monstrare non potuisset. Motus, quod non circulariter monebatur: sed rectà progressa est ut dux viæ, non secus atq; columna nubis & ignis, ante populum exeuntem de Aegypto, præcessit. Splendor quoq; differentiam facit: quia aliæ stellæ, noctu tantum micant, hæc etiam interdiu eluxit. Non ergo fuit naturalis & perpetua stella, quales sunt quæ in firmamento sunt. Quid ergo, Cometa ne fuit? Similis quidem Cometæ apparet fuisse: sed Angelum Dei fuisse non dubium est, quemadmodum Epiphanius testatur. Hic enim apparuit in forma stellæ, ut & Christi regnum ostenderet cæleste, & ipsum Christum veram stellam ac facem prædi-

caret, qui hominem solus à tenebrarum regno in suum gloriosum regnum introducit, prætenſa ſui verbi face, & illuſtrante ipſius Spiritu corda hominum: vnde Zacharias Chriſtum appellat Orientem ex alto, illuminantem eos, qui ſedent in umbra mortis. Et Iohannes: Erat lux vera, quæ illuminat omnem hominem venientem in hunc mundum.

QVARTA circumſtantia eſt de Herode, & tota ciuitate Hieruſalem. Herodes turbatur & tota Hieroſolyma cum eo. Herodes metuit regnum à ſe translatum iri in recens natum Regem. Non enim intellexit Chriſti regnum fore cœleſte, & non de hoc mundo: vnde Eccleſia canit: Hoſtis Herodes quid times? non adimit terreſtria, qui regna dat cœleſtia. Hieroſolymitanorum ingratitude & oſcitantia notatur, qui tædio malorum fracti, abiecerant iam ſpem redemptionis & ſalutis promiſſæ. Potius voluerunt cum impio Herode ſub ſeruitute viuere quàm nouum regem, qui æternam libertatem adferret, recipere. Sed ea eſt hominum deprauata natura, quòd ſatius iudicent retinere aliquam tranquillitatem carnis, quàm cum aliquo periculo Chriſtum ſalutis authorem recipere.

QVINTA, concilium Herodis & ſacerdotum continet, cum prophetia Micheæ Prophetæ. Herodes alioqui religionis & Prophetiarum contemtor iam turbatus, vbi Chriſtus naſceretur quærit. Nam audita interrogatione magorum, mox coniicit regem illum, de quo quærun, Meſſiam eſſe, olim di-

uinitus

uinitus pr
cerè ex ſ
Michea
ſcriptur
ciunt in
detur: ſ
ſtas dep
proponit
res, doct
fremunt
iam bla
tentur m
eſſe, aſſu
perſonam
vbi ventum
lum eſſe ſolu
Saluatorem,
neminem ſal
ſtificatus ſi
doctrina &
Chriſti offici
parum abſi
cere & purè,
admodum ſa
cum Simone
tanquam p
& eum cum
ita non ſat

uinitus promissum. Sed quid Sacerdotes? Etsi sincerè ex scriptura respondent, producto in medium Micheæ testimonio, tamen postea se furiose toti scripturæ opposuerunt. Scripturam enim magnificiunt impij, donec suis affectibus aduersari non videtur: sed quando peccatum accusat, quando cristas deprimit, quando mortem, & damnationem proponit, quando deniq; aliquid contra receptos mores, doctrinam, & traditiones tentatur, ibi mox fremunt impij, non amplius agnoscitur Christus, iam blasphemus appellatur. Papistæ nostri hodie fatentur nobiscum Christum vnigenitum filium Dei esse, assumpsisse naturam humanam, vnam esse personam subsistentem in duabus naturis: verum ubi ventum est ad Christi officium, & dicimus illum esse solum Iesum, solum Christum, hoc est, solum Saluatorem, solum pontificem & intercessorem, & neminem saluari posse, nisi qui sola in illum fide iustificatus fuerit: Hic fremunt, quia illorum mores, doctrina & traditiones non possunt stare cum hoc Christi officio: ideo partim corrumpunt scripturas, partim abijciunt, & eos, qui Christum docent sincere & purè, gladio & igne persequuntur, quemadmodum scribæ & sacerdotes, qui hic primum cum Simeone & Anna sincerè responderunt, postea tanquam phrenetici, fidem CHRISTI abiecerunt, & eum cum suis ministris persecuti sunt. Atq; ita non satis est si P A P I S T Æ cum sinceris

Doctōribus in primis principijs conueniant : sed oportet esse in toto fundamento & omnibus fidei articulis constantem consensum : Non ergo scrutemur scripturam in nostri perditionem, sicuti Herodes fecit : non negligenter, vt scribæ & Pharisei, qui monstrant quidem viam : sed quam ipsi non ambulant, qui similes fuerunt fabris Arcæ Nohe, quam cum ædificassent, ipsi perierunt : Nohe autem cum suis est saluatus, sicuti hic Magi saluati sunt, perditis scribis & sacerdotibus : Sed scrutemur scripturam cum Simeone, Anna, Maria, & alijs qui inde salutem adepti sunt.

Iam paucis Prophetiam Micheæ videamus : Ita enim ait : [Et tu Bethlehem terræ Iudæ, nequaquam minima es inter duces Iudæ. Ex te enim exibit dux, qui pascet populum meum Israel, & egressus eius ab initio à diebus æternitatis.] Hoc Micheæ testimonium multa de Christo docet : Primum locum natiuitatis eius monstrat. 2. Eius officium docet, quod est Dominatorem agere in Israel ad pascendum populum suum. 3. Incarnationem eius, qua verus homo sit natus, ostendit : Nam cum dicit AB INITIO, indicat incarnationem Christi, qui iam ab initio mundi promissus fuit, vt suo tempore secundum carnem nasceretur. 4. Cum ait, à diebus æternitatis, significat eius diuinam naturam, qua ante conditum mundum fuit. 5. Quod vna persona sit in duabus naturis subsistens. Cum enim ait egressus seu egressiones eius, nomen plurale ad naturam

naturam
re: EIVS
videmus
culos con
SEX
qui cum
non est
lium ada
quam v
querit te
or de M
puerum,
dem adora
pes Herode
cipuum, ne
gratia per a
ma ratio su
u illorum con
annis quæ
ita Dominu
vnum quide
dere. Hinc di
sie & consilia
primum.
SEPTIM.
gorum, qui
runt munera
sanè, quorum
mus, Prim

naturam diuinam & humanam pertinet: Singulare: EIVS personæ unitatem subindicat. Atq; ita videmus Prophetam præcipuos nostræ fidei articulos coniunxisse, qui fusius ab alijs enarrantur.

SEXTA circumstantia est de astutia Herodis, qui cum prudenter se egisse putat maxime desipit: non est enim prudentia, nõ est astutia, non est consilium aduersus Dominum. Clam vocat Magos, tanquam vna cum illis natum regem amplecteretur: querit tempus apparitionis stellæ, quasi inde certior de Messia fieri vellet: iubet vt cum inuenerint puerum, sibi renuncient: ac si vna cum ipsis eundem adorare cuperet. Ecce quantum hic sudat vulpes Herodes, sed consilium quod erat in hac re præcipuum, nec ipse nec Iudæi secuti sunt. Si honoris gratia per aliquot viros deduxisset Magos, facilis ratio fuisset ad inueniendum infantem: sed Deus illorum consilia infatuauit. Hodie, imò multis annis quæsiuerunt Papistæ perdere religionem: sed ita Dominus infatuauit illorum consilia, quod ne vnum quidem hominem Lutherum potuerint perdere. Hinc discamus quod Deus sit custos suæ Ecclesiæ & consilia impiorum perdat iuxta Psalmum primum.

SEPTIMA circumstantia est de oblatione Magorum, qui Christo inuento, regi Iudæorum obtulerunt munera, Aurum, Thus, & Mirram: munera sanè, quorum illa terra fertilis erat. Hic duo discamus, Primum, quod nos qui Christo homagium

H 5

præsta-

stamus, debeamus aliquid de nostris facultatibus conferre ad conseruationem ministerij. Alterum, de prouidentia Dei, qui isto munere voluit tanquam viatico, ad exilium prospicere puero recens nato, et parentibus eius vnde discamus, quod Deus nolit suam Ecclesiam deferere.

OCTAVA circumstantia, quod magi in somnis admoniti, per aliam viam reuersi sint in regionem suam: quare & Herodes delusus est, & Deus declarauit, quod suorum etiam dormientium curam habeat.

DE SECVNDO.

Singulae circumstantiae huius historiae aliquam doctrinam suppeditant Ecclesiae, sicuti vidimus: nunc autem quantum ad vsum generalem attinet, duo discamus à Magis: quorum prius est, quærerere Christum ductu stellæ. Alterum, inuento Christo munera offerre. Ductum stellæ cum ipsis sequimur, quando nobis lucernam pedibus nostris, solum verbum Dei proponimus, & eum in verbo suo quærimus: inuento Christo munera offerimus cum Magis, Aurum, Thus, & Mirrham, quando aurum, hoc est, puram fidem & castam vitam: Thus, id est, confessionem, inuocationem, gratiarum actionem: Mirrham, id est, patientiam sub cruce & afflictione exhibemus. Præterea offeremus Mariæ, id est, Ecclesiae Christi & ministerio verbi, & Ioseph, id est, ijs qui præsunt Ecclesiae, munera: hoc est, promouebi-

*mouebimur
tibus, vt q
do, per Ch
ria in sac*

*D C
PRIN*

*E T
dec
man
fili,*

*illi, reman
cognouerunt
esse in comit
rebant eum
cum non inu
solymam, o
duum, inu
doctorum,
eos. Stupeba
super intellig
admirati sunt
li, cur fecerit
dolentes quæ
est quod quæ
in his quæ
illi non inte
est ipsis, &*

mouebimus ministerium totis viribus & facultatibus, vt quàm optimè habeat Ecclesia in hoc mundo, per Christum Iesum Dominum nostrum, cui gloria in secula, A M E N.

D O M I N I C A
PRIMA POST EPIPHANIAM,
 EVANGELIUM LUCÆ 2.

ET cum factus esset Iesus annorum duodecim, ascendentibus illis Hierosolymam, secundum consuetudinem diei festi, consummatisque diebus cum redirent illi, remansit puer Iesus Hierosolymis, & non cognouerunt parentes eius. Cæterum rati eum esse in comitatu, venerunt itinere diei, & querebant eum inter cognatos & inter notos. Et cum non inuenissent eum, reuersi sunt Hierosolymam, quærentes eum. Et accidit post triduum, inuenerunt illum sedentem in medio doctorum, audientem illos, & interrogantem eos. Stupebant autem omnes qui eum audiebant, super intelligentia & responsis eius: & viso eo admirati sunt. Et dixit mater eius ad illum. Fili, cur fecisti nobis sic? Ecce pater tuus & ego dolentes quærebamus te, & ait ad illos: Quid est quod quærebatis me? An nesciebatis, quod in his quæ Patris mei sunt, oportet me esse? Et illi non intellexerunt sermonem quem locutus est ipsis, & descendit cum eis, venitque Nazareth, eratque

eratq; subditus illis. Mater autem eius conseruabat verba omnia hæc in corde suo. Et Iesus proficiebat sapientia, & ætate, & gratia apud Deum & homines.

ENARRATIO TEXTVS.

HIC textus pars est historię de gestis Christi, & continet quid egerit 12. suę ætatis anno, videlicet, quod specimen quoddam suę vocationis exhibuerit, disputando et differendo, cum legis doctõribus. Quid autem egerit Dominus à tempore quo oblatus sit in templo, vsq; ad 12. annum, & quid deinde à 12. ad 30. ferè, sacra historia non meminit: quare id scire nostra non interest, sufficit enim nobis, ista cognoscere, quæ Deus voluit patefacere, vt quæ nos erudiunt, in Dei cognitione, & vera pietate. Illis igitur omiſſis quæ ociosi monachi scripserunt de infantia & puerili ætate Christi, Euangelium præsens iuxta gratiam, quam Dominus dedit, explanabimus.

Est autem summa huius historię. Christus duodecim annos natus, cum parentibus suis in festo Paschatos proficiscitur Hierosolymam: qui in reditu amissus inquiritur, inuenitur inter doctores, & à parentibus reprehensus defendit se superioris mandato: nempe Dei, quod oportuerit se ipsius negotia curare, atq; ita descendit cum illis, est subditus, proficit sapientia, ætate, gratia apud Deum & homines.

I. Exem-

- I. Exemplum Ioseph, Mariæ & Christi, proficiscentium Hierosolymam nobis proponitur.
- II. Tentatio Mariæ & Ioseph ex amissione Iesu pueri.
- III. Cura & officium parentum erga liberos, & liberorum vicissim obedientia erga parentes.
- IIII. Profectus Christi in sapientia, ætate & gratia.

DE PRIMO.

[Et cum factus esset annorum duodecim, ascendentibus illis Hierosolymam secundum consuetudinem diei festi.] Hic primum quædam de festis Iudæorum sunt admonenda. Deinde exemplum Ioseph, Mariæ & pueri spectandum.

Deus in veteri testamento instituit varia & multiplicia festa, ut populum suum de præstitis beneficijs admoneret, erudiret rudes, & omnes in vero Dei cultu contineret: Verum non omnia festa erant æque solennia. Quotidie mane & vespere fiebant sacrificia. Singulis septimanis, septima dies celebris erat. Habebant singuli menses peculiare festum. Tria præterea solennia festa singulis celebrabantur annis.

Quotidie mane & vespere fiebant oblationes in memoriam æterni cultus debiti Deo, addebantur preces a pijs, reuocabant in memoriam promissionem se-

nem seminis, in quam fide intuebantur in omnibus suis oblationibus. In huius locum Ecclesia substituit matutinas & vespertinas preces.

SEPTIMO quoque die hebdomadis memoria celebratur creationis rerum adhibitis sacrificijs & gratiarum actione : in cuius locum Ecclesia substituit diem primum septimanae, in memoriam secundae creationis, hoc est regenerationis, quae fit per resurrectionem Domini quae primo die hebdomadis contigit : atque ideo ab Ecclesia Apostolica iste dies, Dominicus dictus est.

Singulis mensibus in exordijs mensium, hoc est, in Neomenia festum celebrabatur in memoriam conseruationis : Nam cum viderent lunam semper seruare ordinarios motus & illuminationes, voluit Deus, ut pro toto gubernationis beneficio gratiae Deo agerentur : atque ideo hoc festum Neomeniarum instituit. Hoc festum etsi Christianos non obligat : tamen non minus nos gratos esse oportet Deo, quam pii Iudaei fuerunt.

Singulis annis tria solennia festa habebant, quae sunt, Pascha, Pentecoste, Scenopegia. Pascha erat institutum in memoriam liberationis ab Aegyptiorum seruitute : Pentecoste in memoriam datae legis in monte Zina : Scenopegia, in memoriam habitationis populi in deserto quadraginta annis in tabernaculis, ut hac ceremonia reuocarent totum beneficium liberationis ab Aegypto in memoriam. In locum horum trium festorum Iudaicorum, substituit Eccle-

*Ecclesia Pa
mini, qui
tecosten,
per visibil
raculosa li
in memor*

*Porro
debeant
lem iuxta
Iesus se si
ut suo ex
ministeriu
re pius deca
sciplina, ad*

*Verum di
uina auctorit
& ordinis can
nationem obli
nobis Christu
cras ipsius ca
assidue audia
obligant, mo
scandalum.*

*Quemadmo
Ioseph, & pue
cas, singulari
magnificare
interesse, ac
tiam & piet*

Ecclesia Pascha in memoriam resurrectionis Domini, qui nos de seruitute Diaboli liberauit: Pentecosten, in memoriam confirmationis Euangelij, per visibilem exhibitionem Spiritus sancti, & miraculosa linguarum dona: Et Natalitia Domini in memoriam dati & exhibiti Christi.

Porro in tribus illis solennibus & annuis festis, debebant omnes masculini sexus venire Hierusalem iuxta legem Mosi: cui legi hic Ioseph & puer Iesus se subiiciunt, cum ut legi satisfacerent, tum ut suo exemplo nos excitarent ad reuerentiam erga ministerium & pias ceremonias, quas ideo seruare pios decet, quia sunt paedagogia quædam & disciplina, ad conseruandam religionem utilis.

Verum discernendum est inter ceremonias diuina authoritate institutas, & eas, quæ grauitatis & ordinis causa institutæ sunt: Ad illarum obseruationem obligamur iure diuino. Requirit enim à nobis Christus ut baptizemur singuli semel, ut sacra ipsius cæna participemus sæpe, ut eius verbum assidue audiamus. At humanæ ceremoniæ non ita obligant, modo absit contumacia, contemptus & scandalum.

Quemadmodum igitur hîc audimus Mariam, Ioseph, & puerum Iesum festa, ceremonias Iudæicas, singulari religione obseruasse: ita nos discamus magnifacere ceremonias nostras, & illis libenter interesse, ac alios nostro bono exemplo ad obedientiam & pietatem inuitare.

DE

[Consummatisq; diebus, cum redirent, remansit puer Hierusalem &c. Hic incipit Euangelista describere tentationem Mariæ & Ioseph: in qua tentatione, quatuor sunt circumstantiæ pensandæ: Prima recitat aliquot occasiones huius tentationis. Secunda tentationem ipsam & crucem Ioseph & Mariæ describit. Tertia factum illorum in hac tentatione exponit. Quarta consolationem habet.

PRIMA occasio indicatur his verbis. Remansit puer Iesus in Hierusalem. Quare inquires, non significauit parentibus? Primum vt significaret se non esse tantum Mariæ filium: sed Dei quoq;, quod plus est, ideoq; non tam parentem matrem, quam aeternum patrem respexit. Deinde vt suo exemplo doceat pueros, non expectandum esse consilium parentum, vbi obedientia Deo præstanda agitur. Deo enim plus quam parentibus debetur. Tertio, vt parentes suos maioris diligentie admoneat, atq; adeo omnes qui liberos habent, vt diuinitus sibi commissum depositum obseruarent diligentius. Quarto, vt ipsi, Maria & Ioseph, disciplina hac castigatoria admoniti, cogitarent serio, qualesnam sua natura essent: nempe ignaui & segnes, non per omnia suo satisfaciētes officio.

SECVNDA indicatur occasio, cum dicitur: Et non cognouerunt parentes eius. Hic taxatur apertè negligentia parentum Iesu, quæ negligentia fuit
non

non leue
corde virg
gisse, cui
cerit san
commiss
suam mi
nus hun
virgo ex
do prom
TE
catur cu
mitatu. E
Iam ip
Quarentes
unt. Amis
profecto crux
grauior crux.
nissima crux.
Sed quid
stissimus Ioy
rusalem, inge
sum inter doct
Hic rursus
quam tenebr
Hac in no
scripta sunt, n
tentatione &
noster precio
audimus ven

non leue peccatum: vnde nec leuis crux extitit in corde virginis, sensit partem gladij suum cor tetigisse, cuius duodecimo anno, antea mentionem fecerit sanctus Simeon. Cogitabat tantum thesaurum commissum sibi à Deo vt illum obseruaret: contulit suam miseriam cum miseria Eue. Nam vt illa, genus humanum à Diabolo seducta perdidit: Ita virgo existimauit se sua negligentia amisisse mundo promissum saluatorem.

TERTIA occasio tentationis & crucis indicatur cum dicitur, existimantes ipsum esse in comitatu. Ex negligentia enim error nascitur.

Iam ipsa, satis dura tentatio & crux sequitur. Quærentes Iesum integro triduo, ipsum non inueniunt. Amissus non inuenitur inter cognatos: gravis profectò crux. Amissus non inuenitur inter notos: grauior crux. Quæsitus triduo non inuenitur: grauissima crux.

Sed quid faciunt in hac acerbissima cruce mestissimus Ioseph, afflictissima virgo? Redeunt Hierusalem, ingrediuntur templum, inueniunt amissum inter doctores sedentem & disputantem.

Hic rursus concipiunt consolationem & tanquam è tenebris inferni liberantur, viso puero Iesu.

Hæc in nostram doctrinam & consolationem scripta sunt, non enim aliter nobis accidit in nostra tentatione & cruce. Amittitur Christus thesaurus noster preciosus. Quæ occasio? negligentia. Non audimus verbum, non inuocamus, raro Sacramen-

to cœnæ utimur, in nullis deniq; pietatis studijs nos exercemus. Hanc negligentiam sequitur error, labimur ex vno peccato in aliud: ex vna hæresi in aliam. Hinc tandem nascitur mala conscientia, quæ parit desperationem. Quid in his ærumnis faciendum? querendus est Christus, is solus hisce malis mederi potest. At ubi quæso querendus est? inter cognatos & notos nostros? nequaquam. Ubi ergo? In sancta ciuitate Hierusalem, id est, in Ecclesia. Apud quosnam? Apud eos qui verbum habent. Hic ubi amissum Christum inueneris, retinendus est fide, inuocatione, & sanctis moribus: ne nos rursus deferat, & nos amisso Christo pereamus, sicut Iudas fecit.

DE TERTIO.

Quia factum Ioseph & Mariæ monet nos de cura & officio parentum erga liberos: similiter factum pueri Iesu monet, de officio puerorum & obedientia erga parentes, de utroq; ideo breuius dicam, quia de ea re solet in Catechesi diligentius doceri.

Quantum igitur ad parentes attinet, has sequentes admonitiones necessarias esse iudico.

PRIMUM cogitent parentes, se ideo generare liberos, ut liberi nati sint ciues Ecclesiæ, ac Deum vnà cum ipsis colant, & ubi ipsi obdormierint in Domino, Dei cultores suo loco relinquant. Utinam non pauci essent, qui hoc seriò cogitarent.

DEIN-

DEIN
ros, nisi p
& sepe
insidias
mus mu
rum: se
antur, c
benedicti
TE
quem ip
it, in luc
ipsum D
ferat.

Qua
pori debent
aliquando
Anime deb
tatis & ciui
Deum ob
nibus conse
tissimum in
vtramq; con
te liberos in
Confirmatur
stituens ait:
te habeto D
Hic primu
lio: Deinde
auscultet e

DEINDE statuunt se omnem operam perdituros, nisi pueros suos in timore Domini educauerint, & sepe opem diuinam implorauerint, contra tot insidias, quas Diabolus struit teneræ ætati. Audimus multos conqueri de inobedientia puerorum suorum: sed non animaduertunt, quòd diuinitus puniantur, quòd velint suos pueros probos efficere, sine benedictione Domini, quam rarò seridò implorarunt.

TERTIO cogitent, quàm nobilis res sit, puer, quem ipse Dominus in vtero matris formauit, aluit, in lucem produxit, donauit corpore & anima, vt ipsum Deum archetypum tanquam in tabella referat.

QUARTO sciant hæc ordine curanda esse: corpori debent nutrimentum, educationem, vestes, & aliquando virgas, vt liberos in officio contineant: Animæ debent doctrinam, eamq; duplicem, pietatis & ciuilitatis. Illa bonam conscientiam apud Deum obtinent, hac bonam famam coram hominibus consequuntur. His enim duabus rebus potissimum in hac vita studere debemus. Paulus vtramq; complectitur cum ait: Parentes educate liberos in disciplina & correptione Domini. Confirmatur Thobie factò, qui filium suum instituens ait: Omnibus diebus vitæ tuæ in mente habeto DEVM, & caue ne peccato consentias. Hic primum pietatis studium commendat filio: Deinde ne consentiat peccato, hoc est, ne auscultet eis qui se ad peccandum inuitant.

Requirit ergo à filio sanctam quandam ciuitatem.

Postremo cogitent parentes quam multa cumulent peccata & committant, qui, vt par est, non faciunt officium in educandis liberis suis. Primum naturæ legem violant, quæ omnibus dicit officium suum esse, piè & honestè prolem educare. Deinde contra Deum peccant, mandatum enim Dei & auctoritatem contemnunt. Is enim cum iubet piè honestèq; liberos educari, contemptor Dei est qui imperata recusat. Tertiò contra dignitatem suam. Deus enim parentes, loco quodammodo suo vult esse, quantum ad externam disciplinam attinet: sed hanc dignitatem vilipendunt, qui officium negligunt.

Hæc peccata multiplices pænæ sequuntur, spirituales & corporales, in ipsis parentibus & in liberis. Atq; adeo in tota posteritate.

Iam puerorum officium erga parentes quale sit, Iesu pueri exemplum euidenter docet: adeo vt non magnopere sit necessum aliunde præcepta petere.

Primum, ascendit Hierusalem cum parentibus, vnde discant boni pueri cum parentibus Deum colere, ac sacros cætus amare, ac reuerenter interesse ceremonijs Ecclesiæ.

Deinde disputat, querit, audit. Hinc nostri pueri discant, querere quæ ignorant, disputare de dubijs, & audire recta docentes: Quamuis autem Christus non disputauit de quo dubitauit: non quæsiuit, quod ignorauit: non audiuit rectius docentes: Tamen exemplum nobis prodest. Deberent ergo pueri
pij,

pij, reuer
quid dubi
Præte
pter ver
discant,
tes, in m
edicta p
Post
est illis
ri paren
& hone
magnifi
ta: Ita vi
ris habent
que etiam
Nam vt plu
piunt maiora

Quia de
dicta sunt, t
cam. Iuxta
bat atque sap
naturam, qua
atque sapien
nam imitare
coram Deo
tem vt fiat
la seculorum

pij, reuersi domum cum parentibus disputare, si quid dubij haberent de rebus auditis, &c.

Præterea Christus parentes, cognatos, notos, propter verbum Dei amittit. Hinc nostri quoq; pueri discant, pluris Deum facere, quàm carnales parentes, in maiori precio habere verbum Dei vini, quàm edicta parentum.

Postremò, Christus redit cum parentibus, & est illis subiectus. Hinc pueri nostri discant reuereri parentes, ac ijs obtemperare in omnibus quæ pia & honesta sunt. Hæ virtutes puerorum, vt habent magnificas promissiones de bono successu in hac vita: Ita vitia cum his virtutibus pugnantia in pueris habent comminationes & pœnas grauissimas, quæ etiam ad posteritatem eorum se extendunt. Nam vt plurimum nepotes veluti hæreditate accipiunt maiorum vitia.

DE QVARTO.

*Quia de quarto loco nonnulla die ab hinc octauo dicta sunt, tantum vnum & alterum verbum dicam. Iuxta diuinam naturam Christus non crescebat ætate, sapientia & gratia: sed iuxta humanam naturam, quam quia veram assumpsit, in ea creuit ætate, sapientia & gratia. Cuius exemplum vti-
nam imitemur vt cum ætate, sapientia & gratia coram Deo & hominibus accresceremus. Hoc autem vt fiat, donec nobis Christus, cui gloria in sæcula sæculorum, A M E N.*

DOMINICA

SECUNDA POST EPIPHANI-

AM, EVANGELIVM IOHAN. 2.

ET die tertia nuptiæ fiebant in Cana Galilææ, & erat mater IESV ibi. Vocatus est autem & IESVS, ac discipuli eius ad nuptias. Et ubi defecisset vinum, dicit mater Iesu ad eum: Vinum non habent, dicit ei Iesus: Quid mihi tecum est mulier? nondum venit hora mea. Dicit mater eius ministris: Quodcumq; dixerit vobis, facite. Erant autem ibi lapideæ hydriæ sex positæ secundum purificationem Iudæorum, capientes singulæ metretas binas aut ternas. Dicit eis Iesus: Implete hydrias aqua. Et impleuerunt eas vsq; ad summum. Et dicit eis: Infundite nunc, & ferte architriclino, & tulerunt. Postquam autem gustasset architriclinus aquam in vinum versam, neq; sciret vnde esset, sed ministri sciebant qui hauserant aquam, vocat sponsum, & dicit ei: Omnis homo primo loco bonum vinum ponit, & cum inebriati fuerint tunc id quod deterius est. Tu seruasti bonum vinum vsque ad hoc tempus. Hoc edidit initium signorum IESVS in Cana Galilææ, & manifestauit gloriam suam, & crediderunt in eum discipuli eius.

ENARRATIO TEXTVS.

HOC

HOC
qua
dit. Nam
nam decla
sua doctri
gnat. Nat
quod nat
enim ma
ostendit,
Certitudi
gnat, nan
qua celest
doctrina te
eius confir
Loc autem
erunt quatuor
I. De
II. De
III. De
III. De
De nuptiis
1. Inter quas pe
probat. 2. Qua
aggredi. 3. Q
at. 4. Curia

HOC Evangelium pars est historiae Christi, in qua suam gloriam in nuptijs manifestam reddit. Nam vini miraculo, & suam naturam diuinam declarat, & officium insinuat, & veritatem suae doctrinae, tanquam diuino quodam sigillo obsignat. Naturam quidem suam diuinam eo declarat, quod naturas rerum verbo permutat, ad ipsius enim mandatum aqua fit vinum. Officium vero ostendit, quod imploratus opem ferat indigentibus. Certitudinem doctrinae hoc miraculo veluti obsignat, nam ne quis de certitudine doctrinae ipsius, quae caelestis est, dubitet, diuinum edit opus, quod doctrinae testimonium reddit, vnde discipuli in fide eius confirmantur.

Loci autem, quos in hac concione tractabimus, erunt quatuor.

I. De nuptiarum solennitate.

II. De ipso coniugio iam inito & confirmato.

III. De praesenti miraculo, cum suis circumstantijs.

IIII. De exemplis vitae quae hinc sumi possint.

DE PRIMO.

De nuptijs dicturus haec ordine tractabo.

1. Inter quas personas, natura et pietas nuptias approbat. 2. Qua via futuri coniuges debeant nuptias aggredi. 3. Qualis consensus, & quorum esse debeat. 4. Cur in caetu Ecclesiae publico stipulationem

I 4

publi-

publicam fieri conueniat. 5. Quale conuiuium nuptiale esse deceat.

In personis matrimonium ineuntibus spectanda sunt quatuor, cognatio, affinitas, religio & naturales vires, quæ in coniugio requiruntur. Quantum ad cognationem & affinitatem attinet, arcendi sunt à matrimonio, qui se inuicem attingunt gradibus consanguinitatis, & affinitatis, in Leuitico prohibitis. Præterea etiam violare gradus à magistratu civili prohibitos, nequaquam licet. Qua autem religione fieri nuptias expediat, factum Abraham aliorumq; sanctorum, interdictum Pauli, pericula, imò in multis horrendi lapsus ostendunt. Abraham, cum suo Isaac uxorem diligere instituit, mandauit procuratori domus suæ Eleezer, vt non acciperet filio suo, de filiabus Cananæorum: sed abiret ad cognationem suam & inde acciperet uxorem filio suo Isaac. Sciuit enim Abraham, quantum mali in familia pariat dispar religio. Hinc enim contentiones, hinc blasphemie, hinc impedimenta cultus & inuocationis Dei.

Interdictum Pauli est, ne ducamus iugum cum infidelibus: quod non solum de doctrina intelligendum est: sed de omni vitæ consuetudine. Qui tetigerit picem, inquit, Salomon, coinquinabitur ab ea. Neq; enim fieri potest, vt qui cum impio conuersetur, non aliquid labis ipse etiam contrahat.

Pericula & multi horrendi lapsus ex dispari coniugio sequuntur, testis Salomon est, qui propheta-
narum

narum mali
Testis est
fuit quod
sit, ac tan-
potest imp

His acci-
esse nequit
gionem. T
unt omnia
cum propt
fiteri non

Quarò
matrimoniu
morbo & fr
qui in natur
benevolentiam

Viam, qua
gredi, docet
enim trias
fit, non inter
contractus.

rentes Rebecca
consensus & I
uit Laban longo
solicitat, quoniam
cuius consensus

quartum pra
Ita vult etiam
vt de nuptiis

narum mulierum conuictu factus est idololatra: Testis est Achab, qui impiæ Iezabelis consilio adeo furit quòd Prophetas Dei trucidare non veritus sit, ac tandem ruit in æternum exitium: tantum potest impiæ mulieris malitia.

His accedat puerorum educatio, quæ legitima esse nequit, quando parentes diuersam colunt religionem. Tum enim aut pueri omnino prophani fiunt omnis religionis contemptores, aut hypocritæ, cum propter alterum parentum, quod sentiunt, confiteri non audent.

Quartò requiritur in personis, quæ contrahent matrimonium, ne altera alteram fallat, vt cum vel morbo & frigidityte exhaustæ sint vires, vel alioqui in natura defectus sit, vt quis ad matrimonij beneuolentiam reddendam non fuerit idoneus.

Viam, qua futuri coniuges debeant nuptias aggredi, docent exempla, pietas & honestas. Hac enim tria simul docent, quòd non à leuitate vt sæpe fit, non inter pocula, non à libidine inchoandus sit contractus. Abraham petit suo filio coniugem, parentes Rebecca consentiunt. Postea queritur puellæ consensus, & Isaac eam in uxorem ducit. Iacob seruit Laban longo tempore parentes puellæ de nuptijs sollicitat, quorum voluntati accedit virginis pudicus consensus. Pietas quoq; idem suadet: nam vt quartum præceptum præcipit honorari parentes: Ita vult etiam vt hic honor parentibus deferatur, vt de nuptijs liberorum statuunt, vtq; liberi nihil

in hac re tentent cum contumelia parentum. Hoc etiam ipsum omnibus dicitur natura, ut honesta sit hæc copula, quæ non nisi per mortem finire aut dissolui potest.

Postquam autem hac via omnia legitime tentata sunt, propius rem accedere oportet, et audiendus mutuus contrahentium consensus, qui minimè coactus esse debet, sed liber, ut neutra pars se coactam dicere iure possit. Quanquam enim à parentibus recte sit initium: tamen parentibus non licet inuitos cogere. Nam præterquam quòd coactum matrimonium non sit verè matrimonium, accedit hoc mali, quòd raro in talibus res benè succedat.

Cur autem in cætu Ecclesiæ stipulationem publicè fieri conveniat, quatuor sunt causæ. 1. Ut sciant qui contrahunt hunc statum in Ecclesia locum habere. 2. Ut voce ministri instituantur futuri coniuges in hoc sui coniugij auspicio. 3. Ut testis sit Ecclesia stipulationis factæ, ne cum scandalo vivant, ac si contubernium potius esset, quàm coniugium. 4. Ut inuentur publicè precibus totius Ecclesiæ, quo inceptum matrimonium cedat in gloriam Deo, ipsis in commodum, adeoque toti Ecclesiæ in ædificationem per piam in sancto coniugio conversationem.

Restat ut de conuiuio nuptiali breuiter aliquid dicatur, in quo quid abesse, quidq; adesse oporteat, considerandum est. Abesse omnino oportet, à Christianis nuptijs. 1. crapulam. 2. superbiam. 3. immodicos

*modicos sum
quales solent
dimentum
geant conui
Deus offen
tis præbetu
pietas. 2. l
crebra vot
dictione se
nuptijs sui
tate huius*

*Postquam
breuiter nunc
monio nonnulla
Primum causa
Deinde quoniam
amabilis & d
Causas fin
pij narrant: qua
rium. Nam cum
mutuum adiunct
esse, quo melius
vitæ feramus.
trahere matrim
tum est, ut g
SECUND
enim Deus isti*

modicos sumptus. 4. turpes & scurriles sermones, quales solent esse impudicorum tibicinum. 5. impedimentum pietatis, ne videlicet eo tempore indulgeant conuiuio, quando sacra in templis fiunt, vnde Deus offenditur, proximus scandalizatur, & multis præbetur occasio lapsus. Contra adesse debent. 1. pietas. 2. honesta hilaritas. 3. sancta colloquia. 4. crebra vota, vt Deus hunc suum statum sua benedictione secundet: Hæc enim legimus in sanctorum nuptijs fuisse vsitata, quare etiam Deus sua bonitate huiusmodi nuptias est prosecutus.

DE SECVNDO.

Postquam iam de nuptijs quædam signauimus, breuiter nunc de ipso inito & confirmato matrimonio nonnulla adijciam, & tantum duo faciam. Primum causas finales coniugij commemorabo. Deinde quibus virtutibus consuetudo coniugalis amabilis & dulcis reddatur exponam.

Causas finales matrimonij quatuor esse omnes pij norunt: quarum PRIMA, est mutuum adiutorium, Nam cum Salomon dicit: Væ soli, significat mutuum adiutorium & societatem necessariam esse, quo melius & tranquillius ærumnas huius vitæ feramus. Propter hanc causam possunt contrahere matrimonium senes, quorum corpus effectum est, vt gignere non possint.

SECVNDA causa, est procreatio sobolis: vult enim Deus isto pacto humani genus seruari. Atq; ideo

ideo ad primos parentes dixit : Crescite & multiplicamini, & replete terram.

TERTIA causa est, ut sit Ecclesia domestica, in qua parentes, tanquam Prophetæ, dignitate prophetica sunt ornati, ut suos liberos de Deo & religione doceant & liberi, tanquam plantulæ quædam, perpetua doctrina & exhortationibus irrigentur, ut tandem fiant arbores dulcissimum fructum fidei producentes.

QUARTA causa, est vitatio scortationis in hac corrupta & deprauata natura, ita enim ait Paulus : Propter fornicationem, unusquisque uxorem suam habeat. Est enim coniugium remedium contra impurissimum scortationis & adulterij scelus, in quo multa & horrenda scelera concurrunt : Primum enim contumax violatio legis diuinæ est. 2. Legis naturalis est peruersio. 3. Legum civilium turpis & fœda transgressio. 4. Regenerationis cœnum est. 5. Plagium est horrendum : non enim nostri iuris sumus : sed eius qui suo precioso sanguine nos redemit. 6. Resurrectionis debonestamentum est. Quid enim fœdius est, quàm turpissimo scelere fœdare corpus, quod olim ad æternam resurget gloriam. 7. Est horrenda templi Dei prophanatio. I. Corinth. 6. Cum autem hîc tot peccata concurrunt, non est quod quisquam manus vltices Dei se euasurum putet.

Ceterum consuetudo coniugum amabilis & dulcis redditur hisce quinque : Pietate, virtute, mutua

tua inueni
pie prestib
Pietas
stabilis &
bet, quare
coniuges
cilia f
Virtu
tuam obl
tur, consu
Mutu
ter alteri
Nam in ha
cidunt, quæ
rendi tumu
Mutuas a
ra virtute fac
tia inuospici
tanus, aut
Operit enim
Officium
lene & suave
animaduertur
in officio, si
que excitantur
æqualia redd
Hæc quin
nium acerbis

tua ἐπιεικεία, mutuo amore & vtrinq; sedulo & piè præstato officio.

Pietas iure primum locum tenet. Nulla enim stabilis & firma amicitia est, nisi à Deo ortum habet, quare pietatem præluere necesse est: cum enim coniuges decreuerunt Deo obedire, omnia postea facilia fiunt.

Virtus & morum probitas inter coniuges, mutuam oblectationem parit. Hæc enim cum exercetur, consuetudinem vitæ reddit amabiliorem.

Mutua ἐπιεικεία, qua æqui boniq; consulimus alter alterius mores et errores, omnino est necessaria. Nam in hac imbecillitate naturæ multa errata incidunt, quæ nisi mutua condonatione teguntur horrendi tumultus orirentur.

Mutuus amor ex pietate ortum habens, & vera virtute facit, ut non nimis acutè in aliorum vitiis introspeciamus: sed multa aut non animaduertamus, aut si animaduuerimus, amore tegamus. Operit enim multitudinem peccatorum charitas.

Officium vtrinq; piè & sedulo præstitum iugum leue & suaue reddit. Cum enim coniuges se mutuo animaduertunt, & vident parem diligentiam in officio, fit & suauior consuetudo et magis vtrinq; excitantur ad officia præstanda, ut alter alteri æqualia reddat.

Hæc quinq; ubi non adsunt, vitæ consuetudo omnium acerbissima est, imò ipsa morte durior. Quare
pū

pj coniuges dent operam, vt hæ virtutes perpetuo in sua vita conspiciantur.

DE TERTIO.

Explicatis locis, qui præbuerunt occasionem huic miraculo, nunc ipsum miraculum cum suis circumstantijs videamus. Sunt autem circumstantiæ plures, vt sunt tempus, occasio, intercessio matris & responsio, apparatus miraculi, miraculum ipsum, confirmatio miraculi, vsus & fructus eiusdem.

Tempus notatur, quod & tertio die, ex quo in Galileam peruenerat factum sit, & omnium primum miraculorum, quæ Dominus edidit, fuerit. Tempus igitur monet, vt singulari diligentia hoc miraculum perpendamus.

Occasio miraculi quadruplex è textu colligi potest. 1. Ipse nuptiæ in Cana celebratæ. 2. Matris Iesu inuitatio ad nuptias. 3. Defectus vini. 4. Cor virginis ad iuuandum promptissimum.

[Deficiente igitur vino, Mater Iesu ad filium dicit: vinum non habent: Cui Iesus, quid mihi tecum est mulier? nondum venit hora mea.] Mater quidem hoc dicit vel commiserationis causa, vel vt filius opem ferat præsentî necessitati, quacumq; tandem ratione: sed Christus matri durius respondet, idq; maximas ob causas. Non hic dignatur eam matris titulo, sed mulierem simpliciter eam appellat. Deinde ait: Quid mihi tecum, nondum enim venit hora mea. Dominus hic longius prospicit: videt enim

E
enim quæ sup
in uocatione
pria essent D
translatu
perpetuam
tradit, ne i
honorem ob
vulgarem
causa leui
cum: sed vt
alios sancto
quod suum
ere: sed sibi
pie ergo super
celi, aduocata
tis, atq; adeo
demonis Mari
dus. Nondum
pe se nequaqu
& sibi rem cu
ferret.
Quid hic ma
dixerit vobis, fa
pertinet. Concipit
præsentî necessitati
cir ministris: Qui
nobis suppeditat
cuius & typus
Quid ergo Eccl

enim quæ superstitiones aliquando erant oriturae de inuocatione Mariæ virginis. Videt quod quæ propria essent Dei & mediatoris, in illam impiè essent translaturi hypocritæ. Quare hoc duriori responso perpetuam & grauem doctrinam omnibus sæculis tradit, ne immodicus sanctorum cultus sui officij honorem obscuret: atq; ideo matrem propriam in vulgarem mulierum ordinem cogit. Non ergo de causa leui matrem ita alloquitur: Quid mihi tecum: sed vt inter suum officium & matrem, adeoq; alios sanctos discernat. Non vult partiri officium, quod suum est proprium, & matri partem attribueret: sed sibi soli vendicat saluatoris officium. Impiè ergo superstitiosi virginem salutarunt reginam cœli, aduocatam, vitam, dulcedinem, matrem gratiæ, atq; adeo salutem mundi. Nulla enim pars redemptionis Mariæ ascribenda est. Quod autem addit, Nondum venit hora mea, duo insinuat, nempe se nequaquam incogitantia vel torpore cessasse, & sibi rem curæ futuram, vbi opportunitas se offerret.

Quid hic mater Iesu? quodcunq;, ait ministris, dixerit vobis, facite: hoc ad apparatus miraculi pertinet. Concipit tantum mater bonam spem, vt præsentī necessitati succurrat filius. Quod autem dicit ministris: Quicquid iusserit vos facere, facite, nobis suppeditat generalem doctrinam in Ecclesia, cuius & typus & membrum est beata virgo. Quid ergo Ecclesia hinc discit? vt cum beata

virgine

virgine iubeat ministris adeoq; omnibus Christianis, ut Christo obtemperent faciendo quicquid ille iusserit, ut parum rationi consentaneum esse videatur.

Iam Dominus oblata opportunitate iubet ministros ut hydrias, id est, vasa aquaria sex, quæ illic erant destinatae purgationi superstitiosæ Iudeorum, quarum singulæ capiebant binas aut ternas metretas, hoc est, omnes simul circiter sex Amer vini capiebant, has inquam hydrias iubet Dominus implere aqua usq; ad summum: quo facto iubet dari Architriclino. Nam arcana virtute Christi, vinum iam erat quod modo fuit aqua: quod cum gustasset architriclinus, dicit sponso: [Omnis homo primum bonum vinum ponit, & cum inebriati fuerint, tum id quod est deterius. Tu autem seruasti bonum vinum usq; adhuc.] Hoc additum est ad confirmationem miraculi: testatur enim architriclinus, hoc vinum multò nobilius fuisse, quàm id quo antea vsi sunt.

Iam sequitur vsus & fructus miraculi, [Et manifestauit (inquit Euangelista) gloriam suam, & crediderunt in eum discipuli eius.] Destinatum igitur erat hoc miraculum duabus rebus, nempe manifestandæ Christi gloriæ, & fidei discipulorum confirmandæ, Quæcunq; enim miracula mundo ostendit Christus, totidem diuinæ eius gloriæ testimonia fuerunt, & totidem doctrinæ ipsius ac fidei in auditoribus obsignationes.

Hic

Hic est
v eius glo
tica sigilla
na fiducia
securant gl
stigia Dia
monet De
christi &
& prodig
possit eti
credat m
stant &
mant.

Quia in b
fit mentio, nu
singulis peten
Primum
mus exemp
xus & insa
sunt.

Alpso &
in nostra comu
timore Dei
nis Dei ad bon
domi eos, qui
A miracu
Christus ab

Hic est ergo verus vsus miraculorum Christi, ut eius gloria illustrata, & per illa veluti authentica sigilla confirmata ipsius doctrina, in ipsum viua fiducia recumbamus. At miracula quæ vel obscurant gloriam Christi, vel fidem extinguunt, præstigia Diaboli sunt, à quibus, ut nobis caueamus, monet Dominus Mat. 24. Surgent, inquit, Pseudochristi & Pseudoprophetæ, & dabunt signa magna & prodigia: Ita ut in errorem inducantur, si fieri possit etiam electi: Ecce prædixi vobis. Nemo ergo credat miraculis, nisi quæ gloriam Christi manifestant & veram in ipsum fidem alunt & confirmant.

DE QVARTO.

Quia in hoc Euangelio multarum personarum fit mentio, nunc quid doctrinæ & admonitionis, à singulis petendum sit, breuiter ostendam.

Primum igitur ab omnibus his conuiuiis discamus exemplum frugalis hilaritatis, à qua absit luxus & insania: de qua re in primo loco plura dicta sunt.

A sponso & sponsa discamus, Christum recipere in nostra conuiuia, quod tum demum fit, quando in timore Dei, & cum gratiarum actione vtimur donis Dei ad honestam hilaritatem, & relinquimus domi eos, qui non sunt inuitati.

A miraculo discant sponsus & sponsa, quod, si Christus ab ipsis ad nuptias inuitetur, mutaturus
K sit aquam

fit aquam in vinum, hoc est, omnia amara in dulcia conuertat, eos prosequatur sua benedictione, adeo vt nihil sit ipsis defuturum.

A Christo discamus pro nostris facultatibus iuuare sponsum & sponsam, hoc est, Ecclesiam ornare quibuscunq; id tandem poterimus modis.

A Christo, rursus res, quæ in abusu & superstitione fuerunt, transferre ad bonum piumq; vsum, vt glorie Dei & Ecclesie in ædificationem seruiant. Hydrie hic seruierunt superstitioni Iudaica: sed Christus eis vtitur ad illustrandam suam gloriam, & in ædificationem Ecclesie. Ita bona Ecclesiastica, quæ olim erant in abusu, nunc in meliorem vsum conuerti deberent.

A Maria discamus affici aliorum commiseratione & inopia, & innocare Deum, vt pauperibus sua adsit benedictione.

Ab Architriclino discamus, purgatis mentibus Christi facta approbare.

A ministris discamus Christo iubenti operas obtemperare, & non tam spectare quid iubeat, quàm facere quod iubeat.

A Christo, Maria, & discipulis simul discamus familiaritatem cum hominibus colere, boni consilere illorum tenuitatem. Discamus etiam pauperum honestas nuptias nostra præsentia honorare, & facultatibus cum res postulat, iuuare.

Hæc copiosius diximus de hoc Euangelio, quia hæc materia, quam continet, non nisi semel in anno tractari

tractari solet. Dixi de ratione nuptiarum, & de matrimonio, ostendi quoq; quantum peccatum sit violatio sexti præcepti: Exposui miraculum cum suis circumstantijs, & quid doctrinæ & admonitionis exempla personarum in hoc Euangelio nobis commendent. Deus autem pater Domini nostri Iesu Christi det nobis suam gratiam, ut hoc miraculo confirmati Deo Patri, Christo, & Spiritui sancto veram tribuamus gloriam, in vero timore Dei & fide, cui soli immortalis & viuo Deo sit honor, gloria & imperium, in omnia secula seculorum, AMEN.

DOMINICA TERTIA POST EPIPHANIAM.

EVANGELIUM MATTHÆI 8.

CV M descendisset autem de monte, secutæ sunt eum turbæ multæ: Et ecce leprosus accedens adoravit eum dicens: Domine, si velis, potes me mundare: protensaq; manu tetigit illum, dicens: Volo, mundus esto, ac protinus mundata fuit illius lepra. Et dicit illi Iesus. Vide, ne cui dixeris, sed abi, ostende teipsum sacerdoti, & offer munus, quod iussit offerri Moses in testimonium ipsis. Porro cum ingressus fuisset Iesus Capernaum, adiit eum Centurio obsecrans eum, & dicens: Domine, famulus meus decumbit

K 2

domi

domi paralyticus, ac grauitur discutiatur. Et dicit illi Iesus: Ego cum venero, medebor illi: Et respondens Centurio, dixit: Domine, non sum idoneus, ut tectum meum subeas: Imo tantum dic verbum, & sanabitur famulus meus. Nam & ego sum homo alterius potestati subditus, & habeo sub me milites, & dico huic, vade, & vadit, & alteri, veni, & venit, & seruo meo, fac hoc, & facit. Hæc autem cum audisset Iesus, admiratus est, & ait sequentibus se: Amen dico vobis, ne in Israel quidem tantum fidei reperi. Dico autem vobis, quod multi ab Oriente & occidente venturi sunt, & accumbent cum Abraham, & Isaac, & Iacob in regno cælorum: filij vero regni eiicientur in tenebras exteriores, illic erit ploratus & stridor dentium: & dixit Iesus Centurioni: Abi, & quemadmodum credis, ita fiat tibi, & sanatus est famulus eius in hora illa.

ENARRATIO TEXTVS.

Hoc Euangelium proponit nobis affectum Christi erga genus humanum, & præcipue erga eos, qui ad ipsum in anxietate & cruce confugiunt. Quod enim verbis promisit, dicens: Venite ad me omnes, qui laboratis & onerati estis, & ego reficiam vos, & inuenietis requiem animabus vestris, id hic facto declarat. Nam postquam in monte patris verbum docuisset, descendit, & opere quod docuit, complet suam doctrinam miraculis confirmans.

mans. Duo siquidem miracula hic edit: verbo sanat leprosum, mandato absentem centurionis filium curat. Horum miraculorum usus est, ut & Christum verum Messiam esse comprobent, & eundem velle afflictis se inuocantibus opem ferre testentur, non secus atq; huic leproso & centurioni se inuocantibus opem tulit. Caterum quo nobis præsentia miracula ad maiorem instructionem seruiant, quatuor locos tractabo, qui sunt:

- I. Generalis doctrina de omnibus miraculis Christi.*
- II. De leproso & eius curatione, & circumstantijs.*
- III. De Ethnico Centurione, eius fide, & cura pro famulo.*
- IIII. Laudatio fidei huius Ethnici.*

DE PRIMO.

Quia Euangelica historia multa miracula Christi, quibus suam gloriam manifestat, doctrinam confirmat, & fidem in auditoribus auget, continet: volo breuiter generalem doctrinam tradere, cuius usus erit in omnibus particularibus miraculis Christi: Cur autem Dominus addat suo sermoni miracula, proximo die Dominico dictum est, & iam statim breuiter in principio repetij. Verum vt plenam doctrinam miraculorum habeamus, plura sunt excutienda, quæ vt in certum claudantur numerum, quinque quæstionibus omnia subiiciam: Quæ

K 3

perso-

personæ: qui fines: quis modus: & quis usus: curq;
hodie non edantur miracula.

Personæ sunt triplices: Primum, morbis & tyrannide diaboli oppressæ: deinde spectatores miraculorum. Postremo Christus miracula edens.

Fines sunt plures. 1. Ut Christus suam gloriam manifestet. 2. Ut doctrinam suam obsignet. 3. Ut hominum fides confirmetur, qui miracula cernunt. 4. Ut Deus glorificetur visis ipsius stupendis operibus. 5. Ut paulatim regnum Diaboli destruat. Quæcunq; miracula eduntur contra hos fines, damnantur, ut præstigiæ Diaboli, Matth. 24.

Modus varius est: nunc enim solo verbo edit miraculum, ut hîc: nunc, ut precium sui corporis ostendat, manum applicat: nunc ad Deum præmissa gratiarum actione se conuertit: nunc sola virtute sine verbo, ut aquam in vinum conuertit. Ad modum etiam pertinet fides eius, qui miraculo iuuatur, ut in hoc Euangelio legitur.

Usus triplex est: ut miraculose sanatus non amplius peccet: ut spectatores fiduciam de sanatore concipiant: utq; nos, qui miracula Domini legimus, de gloria Christi & de doctrina confirmemur, & simul fidem in ipsum concipiamus, quod non secus erga nos affectus sit, quàm fuit erga illos.

Sed cur iam nulla miracula fiunt? Cæcus planè est, qui nulla miracula hodie conspicit. Ecclesia Christi est exiguus grex, quem Diabolus rex tenebrarum & Papa Antichristus persequuntur, &

omnes

omnes nervos intendunt eò, vt veram Christi religionem extinguant : id tamen non possunt. Unum Lutherum totus mundus persequebatur, sed pilum de capite ipsius non tetigerunt. Quare? Miraculose ipsum atq; adeo pusillum suum gregem defendit Deus. Hæc præsentia Dei in Ecclesia satis miraculosa est, vt non alia miracula quærere sit necesse. Deinde miracula & virtutes sanationum corporum & visibiles donationes Spiritus sancti solummodo in primitiua Ecclesia edebantur, vt in perpetuum in omnem posteritatem Christi gloriam, doctrinam, & nostram fidem confirmarent. Quorum vsus apud nos est, vt sciamus ea fuisse authentica quedam sigilla, quibus Deus suam doctrinam in perpetuum confirmatam & obsegnatam voluit.

DE SECVNDO.

In leproso qui sanatur, spectentur sex : Infirmitas, personæ conditio, fides, innuocatio, patientia, confessio.

Infirmitas leprosi pœna peccati est: quare ipsum iræ diuinæ admonet, & iusti Dei iudicij. Est enim omnis crux, omnis calamitas, & quicquid aduersi nobis in hac vita accidit, veluti concio quedam diuina, qua Deus accusat peccatum, ostendit suam iram : quam Dei iustissimam iram cum homo cogitat seriò, sine cognitione Christi in desperationem ruit : vnde sæpe fit, vt homo vel sibi manus adferat, vel paulatim tabescat dolore :

K 4

Consci-

Exm Jasp. rationis.
 Conscientia enim peccati, nunquam vel ad momen-
 tum illum tranquillum finit. Hoc vno declaremus
 exemplo. Oedipus rex Thebanus, orta in suo re-
 gno Pestilentia, cogitat aliquod atrox scelus à se
 vel suis perpetratum esse: Vocat Theresiam sacer-
 dotem, iubet vt sua augurandi arte monstret au-
 thorem tam atrocis sceleris, propter quod tota re-
 publica adeo graui pestilentia infestetur: Depre-
 hendit tandem Oedipus seipsum et non alium istud
 graue scelus perpetrasse. Sustulerat enim de propria
 matre, quam ignarus in vxorem duxerat, liberos:
 Nam puer expositus est à parentibus vt interime-
 retur: sed pastor, cui hoc mandatum erat, parcit
 puero eleganti, qui tandem vir factus bella gessit
 pro Thebanis faeliciter, & pro re bene gesta & re-
 gnum tradiderunt, & reginam Iocastam in vxo-
 rem dederunt: ducit ergo ignarus propriam ma-
 trem in vxorem. Postquam autem hoc peccatum
 Oedipo innotuit per sacerdotem, & conspexit to-
 tum regnum grauissima peste infestari propter su-
 um factum, de ira Dei cogitat. Huius cogitatione
 adigitur in desperationem. In hac desperatione pri-
 mum adimit sibi oculos ne hunc solem aspiciat. De-
 inde conscientia sceleris excarnificatus magno ei-
 latu iubet, vt astantes à se discedant, ne vel vmbra
 sua noceat bonis. Postea fugiens à regno, vixit cæ-
 cus & mendicus, donec desperatione absorptus pe-
 rijt. Mater Iocasta peccati conscientia impatiens do-
 loris, mox vbi innotuit culpa, sibi vitam laqueo fi-
 niuit:

nuit: Adeo horrendum & fœdum malum est peccatum, quando homo illud cordis oculis vere intuetur.

Personæ leprosæ conditio admodum dura fuit: nam separatim à cœtu populi Dei illum vivere oportuit. Quo ingenti dolore haud dubiè multi contabuerunt. Nam non solum à societate hominum fuerunt exclusi: verumetiam consolatione per verbi prædicationem destituti erant. Præterea quinq; notis erant ab alijs hominibus distincti, quæ res non parum auxit dolorem. Prima nota, vestimentum dissolutum & dissectum. Secunda, caput detectum. Tertia, os coopertum. Quarta, habitatio semota ab hominum consuetudine. Quinta, publica proclamatio, qua immundus proclamabatur, ut indignus qui inter Israelitas in populo Dei versaretur. Atq; hæc conditio fuit huius leprosi: his malis si non accessisset fides in Christum, prorsus dolore fuisset extinctus.

Accedit ergo Christum, concipit fidem, & tamen etsi sensit se damnationem meruisse: tamen liberali promissione Christi se erigit. Audiuerat haud dubie hanc vocem Christi: Venite ad me omnes qui laboratis & onerati estis. Audiuerat haud dubiè à Iohanne de Christo: Ecce agnus Dei qui tollit peccata mundi. Leprosus ergo hic cognito medico spem sanitatis concipit, certa fiducia in Christum recumbens.

Ex hac fide Christum inuocat, est enim fidei

K 5

germa.

1. Nota

2.

3. 4.

5.

Math: 11

Jo: 1.

Ro: 10.

germanus fructus inuocatio, ut quæ sine fide fieri nequit, iuxta illud: Quomodo inuocabunt, in quem non crediderunt.

Verum in inuocatione singulare patientiæ exemplum proponitur. Ait enim Christo leprosus. Domine, si vis potes me mundare? Quemadmodum Dauid expulsus regno cum conditione petijt se restitui, si ita Deo bonum videretur: Ita hic leprosus hoc beneficium corporale relinquit in manu Domini, qui melius nouit quæ nobis expediunt, quam nos ipsi.

Hæc præterea oratio insigne confessionis Christi exemplum habet. Scribæ & Pharisei persequebantur eos, qui Christum confitebantur: sed hic pauper, contemptus, leprosus, vel frementibus principibus & sacerdotibus, Christum confitetur, statuit Christum omnipotentem esse, adeoque verum Messiam: cuius constantem confessionem & nos imitari decet.

Iam leprosi huius curatio spectanda est, in qua plures sunt circumstantiæ examinandæ, quarum singulæ peculiæ doctrinas habent. Manu corpus leprosi tangit: promittit alacriter quod petit leprosus: verbo iubet eum mundum esse: effectus, hoc est, mundatio à lepra sequitur continuò: mundato dat triplex præceptum, ut nemini dicat, ut ostendat se Sacerdoti, ut offerat munus secundum legem.

Manus extensio et attactus corporis leprosi immensæ gratiæ & bonitatis Christi symbolum fuit, quo

quo facto
Nam cum
horruisse
Verum
singulari
Cum
leprosus
a. u. d. se
Prom
diuinam
& fidem
auget. Uel
luit in celo
nos consolab
[Et conf
ipsum mirac
sum: quo bene
tat, quod is
spirituali lep
Mandata
quam dicat: o
di beneficii Ch
re non pariam
referre benefi
entia potius
est sacrificium
Secundum
[Uade, osten
in testimonio

quo facto mirum in modum leprosi fidem auxit. Nam cum videbat filium Dei non solum non abhorruisse instar aliorum hominum à suo colloquio: Verumetiam suam immundiciem manu tetigisse, singulari Spiritus gaudio est perfusus.

Cum hoc contactu coniungitur promissio, *Volo*: leprosus ait, si vis. Christus, volo, respondet. Hinc autem se leprosus conclusit se mox sanatum iri.

Promissioni addit, *Mundus esto*: qua voce suam divinam potentiam declarat, confirmat doctrinam, & fidem in spectatoribus, & historiae lectoribus augeat. Velle enim Christi facere est: omnia quae voluit in caelo & in terra, fecit. Hæc Christi potentia nos consolabitur aduersus potentiam Diaboli, &c.

[*Et confestim est mundata lepra eius.*] Hoc ipsum miraculum est & beneficium erga leprosum: quo beneficio tanquam symbolo quodam notat, quod is paratus sit ad purgandos omnes à sua spiritali lepra, qui ad ipsum fide accedunt.

Mandata sequuntur, primum ne leprosus cuiquam dicat: huic mandato, zelo quodam prædicandi beneficii Christi leprosus non obtemperat, in qua re non parum peccauit. Debat enim non gratias referre benefactori iuxta suum sensum: sed obedientia potius, qua nullum aliud Christo acceptius est sacrificium.

Secundum & tertium mandatum sequuntur: [*Vade, ostende te sacerdoti, & offer munus tuum in testimonium ipsis.*] Hoc fecit Christus, ut legi

legi Mosis hoc pacto satisfaceret, in qua committitur sacerdotibus iudicium de lepra, ut infectos de cœtu reijciant, & sanatos recipiant publico suo testimonio. Quod autem offerre sanati iubentur, ideo factum est, ut ista oblatio esset symbolum gratitudinis illorum, qui sanitatem adepti essent erga Deum.

Papistæ, qui ex hoc loco confessionem auriculari extruunt cum enumeratione peccatorum, stulti sunt, & fœde deprauant scripturam, eam in alienum sensum detorquentes. De confessione, quam nos retinemus in nostris Ecclesijs, aliàs dicendum est.

DE TERTIO.

Historia continens beneficium Centurioni exhibitum, plurimas doctrinas, quas numeris distinguam, quo melius teneri possint, habet.

1. Obseruanda est imago duplicis populi, Iudaici & Ethnici. Primum sanatur Iudæus. Deinde Ethnicus: Unde docemur beneficia Christi promiscuè ad omnes pertinere, non esse distinctionem Iudæi, & Græci. Ut enim omnes peccauerunt & egent Gloria Dei: Ita omnibus Christus suum beneficium offert fide recipiendum.

2. Diuersa conditio Iudæi & Ethnici non caret doctrina. Iudæus erat pauper, Ethnicus diues. Non ergo Christus respectum habet præsentis fortunæ, non contemnit pauperem, non reijcit diuitem. Iudæus erat plebeius, nobilis vero Centurio. In regno ergo Christi non habent rationem maiorum stemmata: sed

ta: sed in Christum fides, qua omnes siue nobiles siue ignobiles, filij Dei nascuntur. Iudæus erat in mundo contemptus, Centurio aulicus honoratus: sed ex fide æstimat Dominus quis sit apud se honoratior.

3. Iam ex circumstantijs quæramus qualis fuerit fides Centurionis: quod Ethnicus fuerit extra populum Dei peculiarem satis humiliat ipsum. Posset quidem gloriari apud homines de centuriatus dignitate: sed hæc gloriatio nullum locum habet apud Deum. Nam ut ait apud Hieremiam Dominus, Qui gloriatur, in me gloriatur, qui facio misericordiam, iudicium & iusticiam: non ergo Centurio sine pœnitentia accedit Christum: sed agnita sua miseria, opem Christi implorat pro famulo, idq; ex vera fide, qua re ipsius etiam charitas erga proximum declaratur. Cum autem dicit: non sum dignus ut intres in domum meam: item, tantum dic unum verbum & sanabitur puer meus, & se peccatorem fatetur, & Christum diuina natura præditum agnoscit, in quem & credit. At cum subiungit: Nam & ego homo sum sub potestate constitutus &c. significat quàm facile sit Christo diuina virtute etiam absentes iuuare solo verbo & voluntate, cum ipse sit homo sub aliena potestate constitutus, possit famulis præscribere quæ facienda, & ipsi imperata faciunt.

4. Hic quæstio oritur de aliena fide. Centurio credit: Sed famulus eius sanatur: Unde certam hanc doctrinam colligimus, quod pii sua fide possint alijs

alijs impetrare corporalia beneficia. sed an aliquis aliena fide saluari possit salute aeterna, questio apud Christianos nulla est: Nam illi sciunt neminem saluari sine propria fide, quæ quidem acquiri potest cum p̄i pro alijs orant, ut Deus ipsis largiatur fidem.

DE QVARTO.

In hoc præconio fidei Ethnici plura sunt consideranda. Primum admonitio Christi, quæ ad eius humanitatem refertur. Indicat enim affectus humanos, sed sine peccato. 2. Iurat se non inuenisse tantam fidem in Israel. Iudæi enim non solum verbum, verumetiam signa requirebant: sed hic Ethnicus modicum doctrinæ gustum cum haberet, solo verbo est contentus. Mariæ fides perfectior erat: sed ex perfectiori instructione & certioribus & pluribus signis. Maior igitur est Centurionis fides secundum aliquam partem, non secundum absolutam fidei rationem. 3. Docemur hoc loco, quod oporteat fidem crescere, & quotidiana incrementa sumere. 4. Docet hic Christus de vocatione gentium, ut ipsæ cum Abraham, Isaac & Iacob colligantur in vnam Ecclesiam, per fidem in Christum. 5. Prædictio reiectionis Iudeorum propter suam incredulitatem, cum interminatione pænæ. 6. Cum dicit Centurioni, vade, fiat tibi ut credidisti, significat omniaabilia credenti, quemadmodum Christus alibi testatur, Cui honor & gloria, in sæcula sæculorum, Amen.

DOMI-

DO
QVAB
AM,

ET c
funt
gnu
ope
bat. Et
lum dice
dicit illis
cia: Tum
& facta es
nes admir
quia venti

ENAI

Hoc Evan
ponit d
lis, eſq; iuu
ſum tribul
bulatimis, ex
eundem mo
cet, quod in pe
cum Apollis
nobis petiti
Euangelij, qu
in navi præ
pet mare &

DOMINICA

QUARTA POST EPIPHANIAM, EVANGELIUM MATTH. 8.

ET cum ingressus esset Iesus nauim, secuti sunt eum discipuli sui: & ecce motus magnus factus est in mari, adeo vt nauis operiretur à fluctibus, ipse vero dormiebat. Et accedentes discipuli excitauerunt illum dicentes: Domine, serua nos, perimus. Et dicit illis: Quid timidi estis exigua præditi fiducia? Tunc excitatus increpauit ventros & mare, & facta est tranquillitas magna. Porro homines admirabantur, dicentes: Qualis est hic, quia venti quoq; & mare obediunt illi.

ENARRATIO TEXTVS.

HOc Euangelium rursus indolem Christi nobis ponit ob oculos, quæ est suis adesse in periculis, eosq; inuare, secundum Psalmi dictum: Tecum sum in tribulationibus. Item: Inuoca me in die tribulationis, exaudiam te, & honorificabis me. Ad eundem modum Apostolorum exemplum hic docet, quod in periculis sit faciendum, videlicet vt cum Apostolis Christum nostra fide excitemus, quò nobis petentibus opem ferat. Hæc est autem summa Euangelij, quòd Christus periclitantibus discipulis in naui præ tempestate subito orta, excitatus increpet mare & ventum, vnde tranquillitas magna secuta

secuta est, & admiratio in spectatoribus. Locos autem tres tractabimus, qui sunt :

I. Varietas tentationum piorum in hoc mundo.

II. Historiæ præsentis explicatio, cum suis circumstantiis.

III. Pulcherrima imago Ecclesiæ Christi in hoc mundo.

DE PRIMO.

Quia hoc Euangelium meminit tentationis in naui, volo breuiter indicare tentationum genera, quibus homines sollicitantur : idq; ideo, vt agnitis periculis, quæ nos vndiq; circumstant, simus vigilantiores ne tentationibus fracti abijciamus confessionem ac gratia excidamus. Sicuti enim Christi discipuli inter maris fluctus tentabantur de vita: Ita singuli Christiani, omni fere hora de salutis suæ naufragio solliciti esse debent.

Tentationum genera sunt multa: Aut enim tentatio Deum authorem habet, aut à diabolo proficiscitur, aut ab hominibus venit, aut in ipso qui tentatur causam habet, aut res circumstantes molestant.

Deus tentat, vt nobisipsis reddamur probationes: non enim tentat, vt sciat, quem nihil latet: sed vt scire nos faciat, quantum in pietate profecerimus. Et tentat Deus in moribus, & in doctrina, et in signis iræ. In moribus tentauit Abraham, quando iussit eum mactare filium suum vnigenitum

Isaac

Isaac in b
Deo in r
bipsi pro
preferre
mundi.
datis D
regulis
spontan
volente
tioni, f
Dei
do per
gmata e
loquitur.
Propheta
dixit sig
locutus est.
Deos adve
modum c
Prophete
Dominus
gatis eum,
vestra. Ha
bationis e
dum hodie
hereses pl
illum ven
quando in
ra, mari

Isaac in holocaustum: Verum Abraham obediendo Deo in re adeo dura & difficili, factus est sibi ipsi probator, & vidit verum suæ fidei fructum, præferre obedientiam erga Deum omnibus rebus mundi. Sic hodie pii diuinitus tentantur, dum mandatis Dei propositis, omnium virtutum morumq; regulis certissimis probatores sibi redduntur per spontaneam obedientiam. At contra qui scientes & volentes ruunt in peccata, & succumbunt tentationi, fiunt rei iræ Dei donec resipiscant.

Deinde in doctrina quoq; tentat nos Deus, quando permittit Pseudopphetas venire, & varia dogmata erronea proponere: de quo tentationis genere loquitur Moses Deut. 13. Si surrexerit in medio tui Propheta aut qui somnium se vidisse dicat, & prædixerit signum atq; portentum, & euenerit quod locutus est, & dixerit tibi: eamus & sequamur Deos alienos, & seruiamus ijs (hoc est si nouum modum colendi Deum instituat) non audies verba Prophetæ illius & somniatoris, quia tentat vos Dominus Deus vester, vt palam fiat, vtrum diligatis eum, an non, in toto corde & in tota anima vestra. Hæc tentatio Deo ascribitur quatenus probationis est & non seductionis. Ad eundem modum hodie dat nobis verbum: sed permittit oriri hæreses plurimas, vt eo pacto nos tentet probetq; an illum verè ex viua sinceraq; fide diligamus. Aliquando in signis tentat Dominus, dum in cælo, terra, mari horrenda suæ iræ signa proponit, quæ signa

L mirum

mirum in modum piorum animos concutiunt. De hoc tentandi genere loquitur Moses Exod. 20. Nolite timere, ut enim tentaret vos venit Deus, & ut terror illius esset in vobis & non peccaretis.

Diabolus tentat defectione à doctrina presumptione in officio, idolatricis cultibus & multis alijs modis: de quibus dicendum est Dominica secunda quadragesimæ.

Homines, cum hostes, tum amici tentant nos varijs modis, doctrina, hypocrisis, exemplo, consilio, promissione, comminatione.

Inuenit etiam homo in seipso, à quibus tentatur, ut sunt peccatum hæreditarium. Deinde multi affectus inde pullulantes, qui nos sollicitant, ut aliquid contra Deum tentemus. Tentatur interdum homo à dotibus aut animi aut corporis, quales sunt pulchritudo, robur, ingenium, artificium, &c. Hoc tentationis genere, qui superari nolit, cogitet omnia diuinitus collata in Dei gloriam & aliorum commodum.

Res quoq; circumstantes sepe piorum mentes tentant et perturbant, quarum quedam ante nos sunt, ut quæ imminet: quedam post, ut quæ præterierunt: quedam à dextris, ut quæ iucunda sunt: quedam à sinistris, ut quæ tristia existant. Ante nos, mors minatur, iudicium Dei horrendum excruciat, infernus os patens habet. Post nos, seu retro & à tergo sunt præterita peccata, quæ conscientiam hominis cruciant. A dextris sunt diuitiæ, honores, potentia,

tentia, quæ multos homines in æternum exitium præcipitant. A sinistris sunt paupertas, probra, contemptus, infamia, pericula in terra, mari, domi, foris. Hæc tentationum genera sunt grauissima, quæ superantur fide, inuocatione, crebris suspirijs ad Deum pro auxilio, morum innocentia, breuiter, perpetua seri- q; pœnitentia. Hæc de tentatione volui hoc loco dicere, vt nos excitetur ad vigilantiam & precationem ne intremus in tentationem.

DE SECVNDO.

In huius miraculi historia sequentes sunt considerandæ circumstantiæ.

1. Tentatio fidei. Discipuli habent secum in nauî Dominum, atq; adeo nauigant securius: sed hæc securitas, non ita diuturna fuit. Nam tempestate orta, nauis fluctibus obruitur: vnde factum est, vt qui paulo antea securi nimium fuerunt, iam fluctibus maris desperabundi obijciantur. Quare nemo nimium fidat secundis, sed in rebus secundis metuat.

2. In hoc periculo grauissimo Christus dormiuit, cum vt vires laboribus fatigatas somno recrearet ac reficeret, tum vt discipulorum fidem exploraret, non quod ipse scrutator cordium quicquam ignoraret, sed vt ipsi sibi discipuli fierent notiores. Præterea etiam ideo Dominum dormisse credendum est, vt in discipulis maior fides excitaretur, & maiore timore perculsi discipuli Christum vehementius inuocarent, ac in maximo periculo præsens auxilium

L 2 maioris

maioris facerent. Nam si Christus vigilasset, opem laborantibus vt in graui periculo sua sponte, sine discipulorum precibus tulisset. Etsi autem omnia, quæ ad nostram sunt salutem necessaria, ex sua bonitate & paterno erga suos affectu dare paratus est: non tamen nisi rogatus dare solet. Est enim oratio ordinarium instrumentum ad impetranda omnia, quæ nobis à Deo necessaria sunt: idq; ea de causa, vt ipsum quidem verum Deum creatorem, & fontem omnis boni veneremur, nos vero impotentes creaturas (vt quæ sine Deo nec quicquam habemus, nec quicquam valemus) agnoscamus.

3. Praxis fidei hic conspicitur: Fides enim non est ociosus assensus aut cogitatio: sed est fortis gigas, qui vincit mundum, vt Iohannes inquit: Hæc est victoria quæ vincit mundum, fides vestra. vincit quidem fides: sed per victorem quem possidet. Hæc fides habet mundum, hostem, hoc est, peccatum, mortem, diabolum, pericula, carnem. A parte peccati stat lex, conscientia, desperatio. A parte fidei stat Euangelium, sacrificium Christi, certa fiducia. Cum ergo suo fulmine, fumo, igne, vaporibus, tonitru te adoritur lex accipiat fides Euangelium, illudq; legi opponat.

Cum ergo lex dicat: Omnis qui non fecerit omnia quæ scripta sunt in libro legis, maledictus est, oppone Euangelium: omnis qui credit in filium habet vitam eternam.

Mors cum minetur mortem, oppone ei mortis victorem

victorem I
brans, ait:
Etoria tua
me non g
à morte
est, nan
tam: ta
Dial
gum fa
tiam de
iudicati
cat, quis
ciam mof
qui non m
remus iust
Pericula
enim veluti
iudicium d
nem filium
Caro sou
subiatio sp
habere locu
tem nostran
Potuit e
exprobrare
habent, al
sunt pecca
do aduer
Quicunq;

viſtorem Ieſum Chriſtum, qui morti viſtæ exprobrans, ait: Ubi mors aculeus tuus? ubi ò inferne victoria tua? Idem apud Iohannem ait: qui credit in me non guſtabit mortem in æternum: ſed tranſibit à morte ad vitam: Mors igitur pio homini utilis eſt, nam eſt tantum tranſitus ad meliorem vitam: tantum abeſt vt pijs formidabilis eſſe debeat.

Diabolus quidem accuſat & magnum Catalogum facinorum textit: ſed oppone ipſi Chriſti ſententiam de ipſo, qui ait: Princeps huius mundi iam iudicatus eſt, & illud Pauli: Deus eſt qui iuſtificat, quis eſt qui condemnet? ſi obijcit nobis iniuſticiam noſtram, Reſpondeamus cum Paulo: Eum qui non novit peccatum, fecit peccatum vt nos fieremus iuſticia Dei in ipſo.

Pericula ſimiliter peccati nos coarguunt. Sunt enim veluti concio iudicij Dei de peccato, Reſponde iudicium à Dei domo incipere, & Dominum omnem filium quem recipit caſtigare, idq; in bonũ filij.

Caro ſollicitat ad deſperationem: ſed tu carnem ſubijcito ſpiritu, & dic ipſius iudicium hic nullum habere locum: atq; ita mille occurrunt, quæ ſalutem noſtram impedire volunt.

Potuit ergo Nero, peccato, legi, morti, carni ita exprobrare? nequaquam: nam ſoli filij Dei hoc ius habent, alij tenentur captivi ſub peccato, quia ſervi ſunt peccati, vt qui peccatum faciunt illi indulgendo aduerſus ſpiritum, imo ſpiritu extincto prorsus.

Quicunq; ergo vult peccato, legi, morti, Diabolo,

L 3

carni

carni etc. exprobrare, videat an sentiat veram penitentiam, videat an habeat fidem & bonam conscientiam: Deniq; videat an ita sit compositus, quod omnia vite commoda postponat obedientie erga Deum abiecto peccandi proposito.

4. *Christus duo reprehendit in discipulis. Primum pusillanimitatem, quia non debebant timere eo presente: cuius cum tot miracula vidissent, facile didicisse potuerunt eum non perire posse, cui Christus presens adest. Deinde fidei paruitatem, quia non crediderunt eum posse tantum dormiendo, quantum vigilando, quantum mari, quantum terre, qui terre erat & maris creator.*

5. *Ut autem dormiendo declaravit se hominem esse: ita hic imperando ventis se Deum esse docet, utrumq; seruit fidei nostre tenuitati. Humanitas enim voluntatem erga nos, diuinitas vero facultatem docet, que duo ad omnem actionem proaereticam requiruntur.*

6. *Christus, ut breuiter complectar, hac historia ostendit, se vere velle salutem hominum, & praesertim eorum, qui se inuocant. Nam ut vult se in periculis a nobis inuocari: Ita etiam vult paternum suum erga nos affectum dum a periculo liberat, declarare.*

DE TERTIO.

Hec allegoria est suauissima, pingitur enim hic fors & imago Ecclesie. Mare est mundus: Navis est Ecclesia: ventus est Diabolus: pius cœtus credentium

dentium discipuli sunt: Christus est veritas: Evangelium fides.

Primum hic observa, antequam Christus cum discipulis in nauim ingreditur, mare tranquillum est, hoc est, mundus securè stertit in suis peccatis. Verum post ingressum Christi in nauim, excitatur tempestas valida, adeo ut nauis videatur obrui. Sed quid? Adest qui imperet mari & ventis Christus Dominus: hinc ergo primum discamus, extra hanc nauiculam, id est, Ecclesiam, non esse salutem. Verum hic diligenter spectandum, ne hostilem nauim pro vera agnoscamus. Hostilis nauis foris quidem est ornatior, intus capacior: sed habet vera nauis suum ornatum interius, & multo augustiorem habet gubernatorem Spiritum sanctum, habet naucle-ros omnes pios, habet verbum Dei, Sacramenta in vero usu & obedientia erga ministerium: his thesauris contenta est hæc nauis in tantis fluctibus.

2. Obseruetur, quòd hæc nauis non versetur in tranquillo mari: sed turbetur fluctibus, qui ipsam huc illuc impellunt: id quod verissimum esse ipsa mundi historia docet. Deus condito mundo, hanc nauiculam in medio posuit: verum Diabolus hostis filij Dei, mox illam turbauit procellis: postea miserandis modis iactata est vsq; ad tempora Nohe: post Nohe ad Abrahamum: inde ad tempora Mo- sis: tum ad Christum, qui, ut hanc nauim saluaret, venit in mundum. Neq; adhuc conquieuerunt fluctus eius. Sed quænam causa est, cur mundus

L 4 hanc

hanc nauiculam ferre nequeat? quia Ecclesia mundi opera arguit, hoc est, mundi sapientes stulticie accusat? iustos peccati reos paragit: diuites non beat, sed infelices & miseros pronunciat, nisi pietas vera diuitijs praesit moderatrix. Atq; hoc est quod Christus promisit fore, cum ait: Spiritus sanctus mundum peccati, iusticiae, iudicii arguet. Quid peccauit Abel in Cain, qui ipsum horrendo occidit? Respondet Iohannes: opera eius fuerunt bona & fratris mala. Quid Nohe? quid Ieremias? quid Esaias? quid Christus: deniq; quid tot sancti martyres inde vsq; ab initio mundi? mundum de tenebris ad lucem deducere voluerunt, vt renunciatis mundanis concupiscentijs pie, honeste, iusteque homines in mundo viuerent. Hanc gratiam mundus suis benefactoribus referre solet: fluctibus enim vult obruerre eos: sed non succedunt illi omnia ex voto: non potest nauiculam hanc funditus perdere: nam ex sanguine martyrum noui nascuntur martyres.

Discamus igitur hinc sanctam aduersus scandalum persecutionis & paucitatis artem. Si offendit te iactatio naus, respice ad Christum, qui praesens in naui adest. Si paucitas te turbat, respice ad Arcam Nohe, ad Sodomitas, ad reliquum mundum totum: ea quae sunt optima, nunquam placuerunt, nisi paucissimis. Ecclesia in principio exigua fuit: in medio maxima: in fine ita rursus exigua erit, vt videatur operta fluctibus, malicia Diaboli, prauis doctrinis demoniorum & sceleratis moribus.

Disca-

*Discam
sum nost
abest: se
disciplin
sancto,
A M E*

*D
QVI*

A

*illius in
cum, ab ip
fructum fe
accidente
illi: Dom
in agro
vero dixi
tem dixit
gamus ea
zizania, et
finite parit
in tempore
te primu
los ad co
gregate i
E N*

Discamus proinde in his fluctibus excitare Christum nostra inuocatione, qui à sua naui nunquam abest : sed eam Spiritu sancto, verbo, Sacramentis, disciplina gubernat: Cui vna cum Patre & Spiritu sancto, honor & gloria sit, in sæcula sæculorum, AMEN.

DOMINICA
QVINTA POST EPIPHANIAM,
 EVANGELIVM MATTH. 13.

Aliam parabolam proposuit eis, dicens: Afsimilatum est regnum cœlorum homini seminanti bonum semen in agro suo, sed dormientibus hominibus, venit illius inimicus, & seminavit Zizania inter triticum, abijtq;. Cum autem germinasset herba & fructum fecisset, tunc apparuerunt zizania. Accedentes autē serui patrisfamilias, dixerunt illi: Domine nonne bonum semen seminas in agro tuo, vnde igitur habet zizania? Ille vero dixit illis: Inimicus homo fecit. Serui autem dixerunt illi: Vis igitur abeamus & colligamus ea? at ille dixit, non: ne dum colligitis zizania, eradicetis cum illis simul & triticum: finite pariter crescere vtraq; vsq; ad messem, & in tempore melsis dicam messoribus: colligite primum zizania, & colligate ea in fasciculos ad comburendum ea: triticum vero congregate in horreum meum.

ENARRATIO TEXTVS.

L 5

Occa-

Occasionem huic Euangelio præbuerunt audientes Christi, quorum alij fuerunt hypocritæ, qui sibi tamen non parum placuerunt, quod accenserentur gregi Christi: Alij fuerunt sinceri & boni, sed quia viderunt confusam bonorum cum malis simul mixturam, non parum turbabantur illorum mentes. Ut ergo & illos suæ hypocriseos & pænæ olim sequenturæ admoneret, & hos proposita futura separatione & mercede, ad constantiam & infatigam fiduciam erigeret, hanc Dominus proponit parabolam. Cuius hic sensus est, quod bonis mali permixti esse debeant in Ecclesia, donec hic mundus steterit, qui tandem in fine sæculi sunt à se invicem separandi, ut pijs merces, impijs vero commerita reddatur pæna. Pertinet proinde hoc Euangelium eò, ut hypocritas terreat, ac proposita pæna inuitet ad pœnitentiam: & consoletur pios, eosq; ad tolerantiam malorum armet. Porro loci huius Euangelij quatuor sunt.

- I. Quale sit regnum Christi in hoc mundo.
- II. De hostibus huius regni.
- III. Oratio discipulorum Christi contra hostes, & cur Deus patiatur hostes in Ecclesia.
- IIII. De pœnis hostium Christi & præmijs piorum.

DE PRIMO.

Regnum cælorum varia in scriptura significat.

PRI-

PRIM
tentiam
est aliu
Deus
Nam
vendit
iam f
quat
beat
tatem
sum C
lorum
gnum
fructum
atq; tunc
dis gaudi
QUART
in eterne
promitti
veniant,
Iacob in
lem Eccl
boni &
consumm
pitur reg
de quo
dicam.
seminau
seminans

PRIMUM enim cum Iohannes dicit agite pœnitentiam: appropinquat enim regnum cœlorum, non est aliud regnum cœlorum, quam vitæ nouitas, qua Deus nos instaurat in spem beatæ immortalitatis. Nam ereptos è seruitute peccati & mortis, sibi nos vendicat, vt in terra peregrinantes cœlestem vitam iam fide possideamus. Cum ergo dicit, appropinquat regnum cœlorum, significat restitutionem ad beatam vitam, adeoq; veram & æternam felicitatem in Christo proponi. **DEINDE** significat ipsum Christi Euangelium, quo cives in regnum cœlorum aggregantur, vt cum dicit Dominus: Regnum cœlorum intra vos est. **TERTIO** significat fructum prædicati Euangelij in cordibus piorum, atq; tunc est, vt Paulus Roman. 14. definit, iusticia, gaudium, spiritus & pax in conscientijs nostris. **QUARTO** significat ipsam futuram felicitatem in æterna vita post iudicium: vt cum Christus promittit fore, vt multi ab oriente & occidente veniant, & accumbant cum Abraham, Isaac & Iacob in regno cœlorum. **QUINTO** ipsam visibilem Ecclesiam significat in hoc mundo, in qua sunt boni & mali permixti vsque ad messem, hoc est, consummationem seculi. In hac significatione capitur regnum cœlorum in hoc præsentī Euangelio: de quo regno nunc pauca ex præsentī parabola dicam. [Simile est regnum cœlorum homini qui seminauit bonum semen in agro suo, &c. [Homo seminans, est **CHRISTVS** verus **DEVS** & re-

& verus homo: Ager est mundus: semen sunt filij regni. Horum trium singula plura docent.

Primum enim cum Christus dicitur seminator, hæc significantur. 1. Quanta sit Ecclesiæ dignitas, quæ authorem habet filium Dei. 2. Quod sapientes mundi non seminent Ecclesiam, id enim solius Christi est, quare nec sapientia mundi conseruatur. 3. Quod officium Christi sit seminare, hoc est, docere iusticiam, & salutem æternam. 4. Quod nullus possit semen bonum fieri, id est, iustificari & innouari ad vitam æternam sine Christo seminatore.

Deinde cum Christi ager dicatur mundus, plura nobis cogitanda offeruntur. 1. Quod non vnum aliquod regnum mundi, non Italia, non Græcia, non Iudæa, non deniq; vlla natio sub sole possit sibi soli vendicare, quod sit ager Domini: Nā totus mundus est ager ille, in quem suum semen coniicit Christus seminator. Quare vt nulla natio, adeoq; nullus homo potest iuste conqueri, se de regno cælorum exclusum esse: ita nullus populus poterit hanc gloriam sibi soli, vt dixi, vendicare. 2. Hic conspicitur, quod immensa sit Dei misericordia offerentis omnibus per vastum orbem Christi beneficia, hoc est, sapientiam, iustificationem, sanctificationem, & redemptionem. 3. Cur ager dicatur, obseruandum: Nam hac Metaphora significatur quod cultura sit necessaria. Nam vt ager hic prædicatione pœnitentiæ est arandus: Ita sanguine & spiritu Christi irrigandus est, alioquin semen suffocatur & perit.

Semen

*Semen est b
crescit. Quid
vt offert grati
ingem requiri
angelum Chr
Et fœnetur E
tibus carne
inde semen di
triticum ipsu
Dei, seu Euan
renascimur in*

*Hæc ergo
Ecclesiæ Dei in
quod Ecclesiæ no
Dei: Quare vana
Ecclesiæ seminator
doctrinis non adiff
gelio Iesu Christi
rij sunt Christi s*

D E

*Hæc parabol
suos habitum in
ma promissio habet
bitur semini malici
Ecclesiæ Historia i
usq; diem. Vbi est
Vbi Isaac, ibi eti
Esau aliquis: V*

Semen est hic & id quod seminatur, & id quod crescit. Quid seminatur? Euangelium Christi, quod ut offert gratuitam remissionem peccatorum: ita iugem requirit penitentiam. Hoc semen, id est, Euangelium Christi, ager excipit fide: sed spiritu sancto fouetur & conseruatur, ne obrutum tempestatibus carne & cruce intermoriatur & pereat. Deinde semen dicitur id quod e semine nascitur, nempe triticum ipsum, hoc est filij Dei. Est enim verbum Dei, seu Euangelium, semen illud incorruptibile quo renascimur in filios Dei.

Hac ergo descriptio est regni caelorum, id est, Ecclesiae Dei in hoc mundo. Unde primum docemur quod Ecclesia non sit opus hominis alius, quam filij Dei: Quare vanus est Papa cum gloriatur se huius Ecclesiae seminatore esse. Deinde, quod humanis doctrinis non aedificetur Ecclesia, sed tantum Euangelio Iesu Christi, quod qui purum docent, cooperarij sunt Christi seminantis.

VANVS
PAPA
non semi-
nator sed
corruptor
ecclesiae.

DE SECVNDO.

Hac parabola docet quod regnum Christi sit suos habiturum hostes, quemadmodum etiam prima promissio habet Gen. 3. Semen serpentis insidiabitur semini mulieris. Hoc quam verum sit docet Ecclesiae Historia inde a promissione seminis in hunc usque diem. Vbi est Abel, ibi est etiam aliquis Cain: Vbi Isaac, ibi etiam Ismael: Vbi Iacob, ibi etiam Esau aliquis: Vbi David, ibi Saul: Vbi Christus, ibi Iu-

ibi Iudas: Ubi Paulus, ibi Nero aliquis, nec est quod aliud speremus. Perpetuo enim sathanas insidiatur Ecclesie Christi, quā aut prorsus abolere, aut prauis doctrinis & moribus contaminare conatur.

Sed quando veniunt hostes? cum homines dormiunt, venit inimicus homo & seminat Zizania. Hoc somno, cum ministri verbi, tum auditores taxantur. Ministri verbi dormire dicuntur, cum non fideliter faciunt officium docendo quæ salutaria sunt: monendo eos, qui segniores videntur: obiurgando eos, quos viderint non recta via incedere ad veritatem Euangelij: consolando pauidas conscientias: & confutando erronea dogmata, quæ cum fundamento, hoc est, articulis fidei pugnant. Auditores quoque dormire dicuntur, cum vel segniter verbum audiunt: vel frigent & paulatim deficiunt, quemadmodum hodie videmus multos facere.

Cum ita dormiunt homines, venit inimicus Homo, idque ideo, quia hostis Christi est, cuius regnum, hoc est, Ecclesiam vastare cupit, & suum regnum dilatare mendacio & homicidio.

Quid facit inimicus homo? seminat in agro Domini. Quid? 1. falsam & hereticam doctrinam pugnantem cum articulis fidei: idque cœpit in paradiso, & deinceps omnibus ætatibus. Ubique enim vera & sincera Euangelij doctrina prædicatur, ibi quoque hic inimicus adest, ut fontes saluatoris salutares suo veneno inficiat, ne homines ex fontibus puris saluatoris salutem hauriant. 2. Seminat verbi contem-

contemptum
Zizania, id e
Sophista. 3.
hi omnes con
lum illum

Sed quia
Eto Zizania
Diabolus a
dit? Nullo
personam i
tus Dei &
baptistis vi
Dei & arca
Sathane præf

Atque ita hic
Ecclesia habeat
est, in externa
tiam hostibus
bus Ecclesie di
multorum aut
offendatur ca
tot hostium in

D.
Serui patren
[Nonne bonum
Per hunc acc
significatur or
& scandala in

contemptum in multis. Ex his seminibus nascuntur Zizania, id est filij nequam, ut sunt 1. Hypocritæ. 2. Sophistæ. 3. Tyranni. 4. Blasphemi. 5. Scelerati: atq; hi omnes coniunctis copijs Ecclesiam, hoc est, pusillum illum Christi gregem oppugnant.

Sed quid est quod dicit, inimicum hominem iacto Zizaniorum semine in agro domini abire? an Diabolus ab Hypocritis, Sophistis, Tyrannis discedit? Nullo pacto: sed ideo abire dicitur, quia aliam personam induit: non vult videri hostis, sed spiritus Dei & angelus lucis, quemadmodum in Anabaptistis videre est, qui iactant quidem Spiritum Dei & arcanas revelationes, cum tamen meris Sathanae prestigijs fallantur.

Atq; ita hic secundus locus primum docet, quod Ecclesia habeat suos hostes etiam in medio agro, hoc est, in externa societate Ecclesiæ. 2. Monet ne assentiamur hostibus. 3. Ut discamus hostes à veris ciuibus Ecclesiæ discernere. 4. Monet ne nos exemplo multorum aut deficiamus ab Ecclesia prorsus, aut offendamur calamitate Ecclesiæ, quæ in hac vita tot hostium iniurijs exposita est.

DE TERTIO.

Servi patremfamilias accedunt & dicunt, [Nonne bonum semen seminasti in agrum tuum?] Per hunc accessum servorum ad patremfamilias, significatur oratio piorum pro Ecclesia contra sectas & scandala in Ecclesia: Pij enim ut perpetuò precantur

cantur bona, & salutaria Ecclesie: Ita deprecantur mala & nociua: id quod in Psalmis Dauidicis passim videre licet. Rogate, inquit, quæ ad pacem sunt Hierusalem: Ita prosperentur diligentes te. Contra, hostes confundantur ait, & pereant qui volunt mihi malum. Item Psalm. 7. Conuertatur labor eius in caput eius, atq; in verticem eius iniquitas ipsius descendat.

Sed quomodo hoc stare potest cum Christi præcepto, qui iubet vt oremus pro maledicentibus nobis & iniuriam nobis facientibus? Oratio Ecclesie contra hostes habet semper annexam conditionem penitentiae & conuersionis. Est enim sensus, vt aut conuertantur per penitentiam, aut confundantur & pereant: ne perpetuo blasphemias in Deum crepent & sanctis Dei sint molesti. Orandum est ergo pro hostibus vt conuertantur, quod si non conuertantur, orandum est contra eos vt confundantur, frustrati suis consilijs, quibus struunt Ecclesie Christi insidias.

[Visne inquit famuli, vt eamus & eradice-
mus ea?] quibus ait, non: Sed sinite vtraq; cresce-
re, ne forte colligentes Zizania eradicetis simul &
triticum. Primum hic sciendum est, quod Christus
neq; de pastorum, neq; Magistratum officio disse-
rat: sed tantum offendiculum tollit, quo turbantur
infirmi, dum vident in Ecclesia multos esse impu-
ros. Pastoribus enim commissus est gladius spiritu-
alis, quo separant impuros ab Ecclesia, dum eos ex-

commu-

communi
scant, &
Magistr
laris, vt
punit &
gistrati
menit.
quæ fe
neant,
sed ad
mus, r
stus ho
sed tam
ant, cum
loco collig
qui tam p
penitentiam
scandalum
Quod con
cæum Ec

[Et in
gite prim
ad combu
reum me
rum ab in
seculi. Dei
vero aggre

communicant, quo pudore suffusi tandem resipiscant, & boni eorum contagione non coinquentur. Magistratui est etiam gladius commissus, sed secularis, ut vocant, quo turbatores humanæ societatis punit & eiicit. Quanquam autem Pastores & magistratus vel maximè sedulo fecerint officium: tamen ita nunquam purgabunt Ecclesiam, quin aliquæ feces impuræ doctrinæ & prave vitæ remaneant, quod quum videmus, non debemus offendi: sed admoniti hac parabola purgare quantum possumus, reliqua Deo committentes. Non enim Christus hoc dicto indulget alendis sordibus in Ecclesia: sed tantum fideles suos hortatur ne animo deficient, cum malos secum ferre cogantur? Ex hoc ergo loco colligamus. 1. Quanta sit misericordia Dei, qui tam patienter malos in Ecclesia fert ut agant pœnitentiam. 2. Quod his consolemur nos contra scandalum paucitatis obedientium Euangelio. 3. Quod confutentur Anabaptistæ, qui negant illum cætum Ecclesiam esse, in quo sunt multi scelerati.

DE QVARTO.

[Et in tempore messis dicam messoribus: Colligite primum Zizania, & colligate ea in fasciculos ad comburendum, triticum vero congregate in horreum meum.] Hic concionatur de separatione piorum ab impijs, quæ est futura in consummatione sæculi. Deinde prædicit fore, ut impij puniantur: Pij vero aggregentur in regnum Dei. Quemadmodum

M

enim

enim Zizania colliguntur & igni mandantur: Triticum vero colligitur & in horreum seruandum reponitur: Ita in fine sæculi futurum est, ut impij tradantur æternis pœnis cruciandi, pii vero liberentur & donentur æternæ vitæ possessione. Hoc sine parabola Christus Mat. 26. ita exprimit in sententia extremi iudicij, ubi impijs dicturus est: Ite vos maledicti in ignem æternũ. Pii vero: Venite benedicti Patris mei, & possidete regnum vobis paratum ab initio. In summa impijs lata duplex pœna nominatur, maledictio, et ignis æternus, quia enim contempserunt beneficium Christi gratuito sibi oblatum, maledictioni omnium creaturarum subiicientur, quæ pœna quam sit horrenda, nulla lingua explicare potest. Deinde duplici punientur igne, nempe malæ conscientie, cuius ingens cruciatus nunquam finietur: et igne corpus vrente, non consumente: nam æternis pœnis corpus destinatum, perpetuum ignem sentiet. Si hæc serio cogitaremus, non ita frigidi essemus in rebus salutis nostræ.

In sententia piorum duplex proponitur præmi-um, nempe benedictio paterna, & regni Dei hæreditas. Illa opponitur maledictioni, hæc æternis pœnis: Duplex ergo argumentum hinc sumamus: vnum à pœnis impiorum, alterum à præmijs iustorum, vtrumq; efficax est (modo ritè cogitetur) ad operandum in nobis timorem Dei, & veram perpetuamq; pœnitentiam.

Hoc ergo pacto tota hæc parabola hunc habet scopum,

scopum, ut relinquat impius viam suam qua peccat, relinquat iniquus cogitationem suam, qua de remissione peccatorum desperat, & secundum Prophetam dictum conuertatur ad Dominum, quia multus est ad ignoscendum. In hoc M V L T O nihil deest, sed est in eo omnipotens misericordia & misericors omnipotentia, Cui gloria in secula, A M E N.

DOMINICA

SEPTVAGESIMÆ, EVANGELIUM MATTH. 20.

Simile est regnum cœlorum homini patri-
familias, qui exijt primo statim diluculo,
ad conducendos operarios in vineam su-
am. Conuentione autem facta cum ope-
rarijs in singulos dies denario, misit eos in vi-
neam suam. Et egressus circiter horam terti-
am, vidit alios stantes in foro ociosos, & illis
dixit: *Ite & vos in vineam meam, & quodcunq;*
iustum fuerit, dabo vobis. Illi autem abierunt.
Rursum autem exijt circiter sextam & nonam
horam, & fecit similiter. Circa vndecimam
vero exijt, & inuenit alios stantes ociosos, ac
dixit illis: Cur hic statis totum diem ociosi?
Dicunt ei: quia nemo nos conduxit: Dicit illis:
abite & vos in vineam meam, & quicquid fue-
rit iustum, accipietis. Cum autem vespera facta
esset, dicit Dominus vineæ procuratori suo:
M 2 voca

voca operarios, & redde illis mercedem, incipiens à postremis vsq; ad primos. Et cum venissent qui circa vndecimam horam venerant, acceperunt singuli denarium. Venientes autem & primi, arbitrati sunt, quod plus essent accepturi, & acceperunt ipsi quoq; singuli denarium. Et cum accepissent, murmurabant aduersus patremfamilias, dicentes: Hi nouissimi vnam horam fuerunt in opere, & illos pares nobis fecisti, qui portauimus pondus diei & æstus. At ille respondens, dixit: Amice, non facio tibi iniuriam. Nonne denario pactus es mecum? Tolle quod tuum est, & abi. Volo autem huic nouissimo dare sicut & tibi. An non licet mihi facere quod volo in rebus meis? An oculus tuus malus est, quod ego bonus sum? Sic nouissimi erunt primi, & primi nouissimi: Multi enim sunt vocati, pauci vero electi.

ENARRATIO TEXTVS.

HÆC parabola imaginem Ecclesiæ nobis ob oculos ponit. Nam in ea ostenditur quomodo in Ecclesia, quæ vineæ confertur, agitur. Quemadmodum enim operarij se habent ad vineam: sic se habent homines ad Ecclesiam. Operarij autem in vineam alij maturius, alij serius vocantur: alij multum diuq; alij parum breuiq; laborant tempore: sic hominum alij citius, alij tardius prædicatione Euangelij Ecclesiæ aggregantur: alij minus, alij magis laborant. Præterea, vt paterfamilias alijs
ex con-

ex conductu dat mercedem diurnam, alijs ex gratia tantundem: ad eundem modum cœlestis pater æque in omnes munificus est, qui in Ecclesia sua laborant. Deinde vt paterfamilias superbos & contumaces abire iubet, & eos qui ipsius liberalitatem boni consulunt, fouet: Ita Deus pater, eos qui querunt mercedem operum, reijcit, cum eos, qui ex gratuita ipsius beneuolentia pendent, æterna donat vita. Atq; ita sensus huius Euangelij est, quod nemo debeat suis operibus vel fidere, si sunt multa: vel desperare, si sunt nulla: sed tantum ex bonitate Dei pendeat, ambulans in timore Domini. Porro loci tres constitui possunt.

- I. Quod quilibet Christianus conductus sit in vineam Domini, vt laboret.*
- II. Generalis doctrina de bonis operibus, & mercede bonorum operum.*
- III. De dicto Christi: Sic erunt nouissimi primi, & primi nouissimi: multi sunt vocati, pauci vero electi.*

D E P R I M O.

Ecclesia Dei sæpe in scripturis vinea Domini dicitur: idq; primum, quia Dominus eam elegit, & dignatus est fœdere gratiæ & æternæ salutis, innumerisq; beneficijs prosecutus est, plantauit & coluit. Tota Ecclesia vinea est: singuli autem Christiani palmites sunt, qui & alia ratione operarij dicuntur. 2. Hæc appellatio ostendit, quanti Dominus

M 3 suam

suam Ecclesiam aestimet : nulla enim possessio vinea preciosior est. Nam nulla plus operæ & assidui laboris flagitat. 3. Cum Ecclesiam vineam suam appellat Dominus, suam curam & sollicitudinem erga nos commendat. 4. Significat hæc appellatio nos assiduo cultu & continua cura indigere, & manum à Domino adhiberi oportere, si veros & fructuosos palmites habere velit. 5. Quod qui in Ecclesiam recepti sint, debeant fructum bonum producere. Ut enim non labruscas, sed vuas vini palmites producant : ita Christiani non carnis, sed Spiritus opera facient.

Iam quomodo quilibet Christianus in vinea Domini laborare debeat, spectandum est. Ut enim in vinea varia sunt officia, alius enim plantat, alius rigat, alius putat, alius alligat, alius pedamenta ponit, alius fodit, alius terram stercoret : Ita in Ecclesia diuersæ sunt vocationes & officia, pro quorum varietate in Ecclesia laborandum est. Dominus ordinat singulis labores suos pro sua voluntate. Ut enim paterfamilias in vinea vni dat falcem, alij ligonem, alij cultrum siue securim : Ita in Ecclesia alius concionator, alius magistratus, alius paterfamilias, alius in schola doctor, alius discipulus, alius artifex, &c. à Deo ordinatur.

Verum hic quilibet in suo labore tria spectabit. 1. An suus labor sit utilis in vinea, & mandatus à patrefamilias. 2. Quid vitandum sit inter laborandum. 3. Quid, quomodoq; faciendum.

An la-

An labor tuus sit utilis & mandatus à patrefamilias, scias ex duobus, præcepto nimirum & vocatione. Præceptum habet omnis labor, qui ad hanc vineam plantandam, rigandam, fouendam, conseruandam facit, hoc est, labor qui gloriæ Dei, ædificationi Ecclesiæ, & hospitij Ecclesiæ, id est, politijs & œconomijs deseruit, diuinitus præceptus est in prima tabula, & in quarto præcepto. Deinde non sufficit laborem præceptum esse, nisi legitima sit vocatio facta ad laborandum. Qui enim sibi sumit laborem in vinea sine vocatione, temerarius est, & nullum fructum edit.

*Inter laborandum vitare oportet. 1. Ne superbi-
as, si plus quam alius, aut etiam melius tibi labo-
rare videaris. 2. Ne spectes mercedem operæ præsti-
tæ: sed præceptum patrisfamilias, qui vt labores, in
vineam te collocauit. 3. Ne minus laborantes contem-
nas. 4. Ne murmures contra patrēfamilias, si libera-
lis videtur in eos, qui te minus laborasse videntur.*

*Quid inter laborandum spectandum & assidue
cogitandum. Primum vnumquemq; cogitare opor-
tet, se non ad otium, sed ad laborem introductum esse
in vineam Domini. Nullus enim in vinea Domini
relictus est locus segnitiei aut torpori: nullus sine
patrisfamilias offensione, quod sibi iniunctum est
in alium reijcere potest: Quare strenuè laboret, qui
in hanc vineam introductus est sine fraude. Nam
maledictus est, qui facit opus Domini fraudulēter.*

2. Inter laborandum cogitet, se stare in conspectu

M 4

Domini-

Domini, qui non solum videt externas actiones, sed etiam secreta cordium, & ex cordis affectu opus æstimat, potius quàm ex operis effectu. 3. Hæc Domini inspectio ad sollicitè agendum, laborantem sollicitabit, ut alacri animo æstum & pondus diei ferat. 4. Sola bonitas patrisfamilias Dei præcipientis laborem spectanda est, sola inuitabit ad strenuè præstandum officium. 5. Ubi omnia feceris, dices te inutilem seruum esse. Nam si vel superbias, quòd prior veneris in vineam Domini, vel contempnas alios, qui te minus laborasse videantur, vel murmures contra patremfamilias, qui equè liberalis est in alios atq; in te, audies: [Amice, non facio tibi iniuriam, nonne denario pactus es mecum? tolle quod tuum est, & abi. An non licet quod volo facere in meis? An oculus tuus malus est, quod ego bonus sum?] Tria hic taxantur in murmuratore. 1. Quod confidat dignitati sui laboris. 2. Quod liberalitatem in patrefamilias non admiretur & prædicet, sed culpet potius. 3. Quod inuideat alijs liberalis patrisfamilias benignitatem: tales sunt omnes, qui iusticiam ex operibus sectantur vacui fide.

DE SECVNDO.

Ut doctrinam de bonis operibus distinctius intelligamus, tria sunt nobis perpendenda: PRIMVM, quæ requirantur ad boni operis rationem. DEINDE, quæ sint causæ bonorum operum. TERTIO, cur Deus adeo multas & præclaras promissiones adiecerit

adiecerit bonis operibus, & cur ea mercede dignetur.

Quantum ad primum attinet, quinque requiruntur, ut aliquod opus ab homine factum merito bonum dici possit. 1. Præceptum. 2. Spiritus Christi. 3. Fides. 4. Finis verus. 5. Gratia qua boni consulti-
tur defectus.

Quod autem ad boni operis rationem requiratur præceptum, manifestum est ex his quatuor: ex conditione nostra, ex mandato, ex prohibitione, ex cultus diuini ratione.

Nostra conditio est, quod simus serui Dei, & is Dominus Deus noster: Quare ut ipsius est præcipere nobis facienda: ita nostrum est ipsius voluntatem sequi, tanquam regulam certissimam officij nostri.

Idem docet mandatum Ezech. 20. In præceptis meis ambulate, & iudicia mea custodite, & facite ea. Esaia 48. Ego Dominus Deus tuus docens te vtilia, ambulare te faciens in via qua ambulas. Hierem. 33. Speculatorem dedi te domui Israel, audies ex ore meo sermonem, & annuntiabis eis ex me.

Prohibitio est manifesta Deut. 12. Non facietis singuli quod sibi rectum videatur. Ezech. 20. In præceptis patrum vestrorum nolite incedere.

Cultus Dei ratio requirit, ut opus quod placeat, sit præceptum: unde Dominus pronunciat se frustra coli mandatis & doctrinis hominum. Et Esaia 29 vnum ex flagitijs nominatur, propter quæ, mala

M 5 mina-

minatur populo suo Dominus, quod coluerint ipsum mandatis hominum: Quare Paulus Col. 2. omnem ἐδολοθησκειαν manifestè damnat.

Hinc ergo patet, quod ad boni operis rationem requiratur præceptum Dei. Sit ergo verbum Domini lucerna nostra, quæ nobis præluceat in omnibus nostris actionibus.

Secundo requiritur ad boni operis rationem spiritus Christi. Quicumque enim Spiritu Dei aguntur, hi sunt filij Dei. Spiritus carnis commaculat opus, adeo ut qui in carne sunt, Deo placere non possint. Opus est ergo spiritu regenerante nos in novos homines, sine quo nec nos, nec opera nostra placent.

Tertio requiritur fides: Fide enim persona reconciliatur Deo & fit iusta. Propter fidem ergo placent quoque opera. Nam sine fide impossibile est placere Deo. Quicquid enim non fit ex fide peccatum est.

Quarto requiritur finis verus ad operis bonitatem, quemadmodum hæc verba Augustini testantur: Noueris (inquit) non officijs, sed finibus à vicijs discernendas esse virtutes: officium autem est, quod faciendum est: finis vero propter quod faciendum est. Cum itaque facit aliquid homo, ubi peccare non videtur, si non propter hoc facit, propter quod facere debet peccare conuincitur: esse autem finem vltimum omnium actionum nostrarum gloriam Dei decet, cui multi alij sæpe subordinantur.

QVINTO, ad boni operis rationem requiritur gratia,

gratia, c
fide iusti
multas
ipsius
vitiis
Ista
tionem
bonum
si, cau
moneb
Dignit
Ne
retinem
Ne
omnes cr
lus ait: Ha
Secv
mand. De
sumus no
cioso sang
TERT
quit, ubi pe
Unde Pau
corum cum
deli deter
bens fides
QV
Propter i
hominum.

gratia, qua boni consulitur defectus. Nam tametsi fide iustificatus, non satisfacit legi Dei, imo sentit multas maculas in omnibus suis operibus: tamen ipsius opera verè placent Deo, & quod est in illis vitium tegit gratia.

Ista ergo quinque requiruntur ad boni operis rationem, sine quibus opus nequaquam coram Deo bonum dici potest: Nunc quod secundo loco promissi, causas recitabo, quæ nos ad bene agendum permonebunt, & sunt in vniuersum tres, *Necessitas, Dignitas, Præmium.*

Necessitas quintuplex est: mandati, debiti, fidei retinendæ, vitiationis pœnarum & conuersionis.

NECESSITAS prima, est mandatum Dei, cui omnes creaturæ rationales obedire debent. Et Paulus ait: *Hæc est voluntas Dei sanctificatio vestra.*

SECUNDA necessitas, est debitum, de quo Roman. 8. *Debitorum sumus Dei, non carnis: non enim sumus nostri iuris: sed eius qui redemit nos suo precioso sanguine.*

TERTIA necessitas, est fides, quæ retineri nequit, ubi peccatis contra conscientiam indulgemus. Unde Paulus: *Si quis suorum & maximè domesticorum curam non habet, fidem abnegauit, & infideli deterior est. Milita militiam honestam, habens fidem & bonam conscientiam.*

QUARTA necessitas, est vitatio pœnarum. Propter iniquitates, inquit David, corripis filios hominum.

QV IN.

QVINTA necessitas, est conuersio. Vno ego, dicit Dominus, nolo mortem peccatoris: sed vt conuertatur & viuat. Cum enim fit conuersio, homo viuificatur & regeneratur in nouum hominem, vt iam spiritu facta carnis mortificet, Roma. 8.

Secunda causa bonorum operum, est dignitas. Nam iustificati sunt filij Dei: sunt templum Dei sanctum: sunt reges & Sacerdotes, vncti à Spiritu sancto, qui induti iusticiam, Deum mente, voce, confessione, & moribus prædicare debent.

Tertia causa, est præmium, hoc est, compensatio patientiæ & obedienciæ credentium erga Deum. Nam Deus promittit præmium, quod nos ex fide expectare debemus, non intendentes operibus à nobis præstitis: sed promissionibus gratuitis. Ita Moses Hebr. 11. legitur respexisse ad remunerationem. Cum ergo Deus promittit remunerationem, duo faciemus. Primum nostri operis indignitatem & imperfectionem agnoscamus. Deinde Deum promittentem in suis promissis veracem statuemus, freti promittentis bonitate, non operis dignitate.

Perpendendum tertio loco proposui, cur Deus adiecerit promissiones bonis operibus, & cur ea mercede dignetur: Huius rei causæ potissimum sunt quinque.

PRIMA, vt sint testimonia prouidentiae Dei. Vult enim sciri Deus & bona corporalia res esse ab ipso creatas & non casu spargi, sed ab ipso Ecclesiæ dari & conseruari, iuxta dictum: Esurientes im-

tes implevit bonis & diuites dimisit inanes.

SECUNDA, vt sint testimonia, quod velit Deus etiam in hac vita seruare Ecclesiam: vnde I. Tim. 4. Pietas habet promissiones presentis vitæ & futuræ.

TERTIA, quia vult Deus & necessitatem corporalem esse commonefactionem de fide, inuocatione, spe, gratiarum actione, & vult hæc bona fide peti & expectari per patientiam.

QUARTA, vt sint commonefactiones de promissione gratiæ. Beneficia enim corporalia, fidelibus sunt gratiæ obsequio.

QUINTA, quia Deus vult vtrumq; fieri: & Ecclesiam esse subiectam cruci, & inter ipsa pericula seruari in hac vita. Utrumq; Esai. 37. indicatur: Domine Deus noster salua nos de manu Zennacherib, vt cognoscant omnia regna terræ, quod tu solus sis Dominus.

DE TERTIO.

Sententia, qua hanc parabolam claudit Dominus diligenter obseruanda est: [Sic nouissimi erunt primi, & primi nouissimi.] Quare? Multi enim sunt vocati pauci vero electi.

Huius sententiæ propositio, quæ est paradoxon rationi, vt erigit pusillanimes agnoscetes suam infirmitatem: Ita Hypocritas superbos tumentes opinionione iustitiæ & sanctitatis deiicit, & veluti diuino quodam fulmine prosternit. Sed qui sunt primi?

Qui

Qui nouissimi? primi apud seipsos sua opinione & operum suorum aestimatione, erunt nouissimi apud Deum, id est, nullius precij, imo homines sententia Dei damnati. Nouissimi apud seipsos, sunt qui serio agnoscunt suam vilitatem & infirmitatem, vt qui nihil sentiant se habere meriti, hi erunt primi apud Deum, hoc est, Deo accepti, modo firma fide in Christum mediatorem recumbant.

Ratio sententiae huius, [Multi sunt vocati pauci vero electi,] duo docet: vnum, quanta sit bonitas et misericordia Dei vocantis omnes ad agnitionem sui filij per Euangelium. Alterum, quanta sit ingratitudo hominum, è quibus adeo pauci inueniuntur qui sunt electi, hoc est, sinceri, pij, & agentes pœnitentiam seriam. Sunt enim pauci qui suis operibus, adeoque sibi totis renunciant, qui soli Deo fidunt, & eum mente, voce, confessione, & moribus glorificant. Hæc ergo sententia nos primum monet, vt agnoscamus beneficium Dei, qui nos vocat per Euangelium. Secundo, vt detestemur ingratitudinem mundi, non acceptantis oblata beneficia. Tertio, vt adiungamus nos pœnitentia, fide & vera inuocatione illis paucis, qui sincere Euangelium recipiunt in gloriam Dei, Cui honor in secula, A M E N.

DOMINICA
SEXAGESIMÆ, EVANGELIUM
LIVM LVCAE 8.

CVM

CVM
& e
eum
sem
men suum
circa via
cœli com
petram, &
morem.
enata spi
dit in ter
centuple
aures ad
autem eum
ista parabo
nosse myste
parabolas, v
res non intel
Semen est ser
sunt, qui a
tollit sermo
feruentur.
cum audier
nem, & hira
credunt, &
Quod autem
erunt, & al
ptatibus vi
fructum. C
qui in cor
nem retine
am.

CV M autem turba plurima conueniret, & è singulis ciuitatibus properarent ad eum, dixit per similitudinem: Exijt qui sementem faciebat, ad seminandum semen suum, & inter seminandum, aliud cecidit circa viam, & conculcatum est, & volucres cœli comederunt illud. Et aliud cecidit super petram, & enatum aruit, quia non habebat humorem. Et aliud cecidit inter spinas, & simul enatæ spinæ suffocauerunt illud. Et aliud cecidit in terram bonam, & enatum fecit fructum centuplum. Hæc dicens, clamabat: Qui habet aures ad audiendum, audiat. Interrogabant autem eum discipuli eius, dicentes, quæ esset ista parabola. At ille dixit: Vobis datum est nosse mysteria regni Dei, cæteris autem per parabolas, vt videntes non videant, & audientes non intelligant. Est autem hæc parabola: Semen est sermo Dei: qui autem iuxta viam, hi sunt, qui audiunt, deinde venit Diabolus, & tollit sermonem de corde eorum, ne credentes seruentur. Nam qui supra petram, ij sunt, qui cum audierunt, cum gaudio suscipiunt sermonem, & hi radices non habent, qui ad tempus credunt, & in tempore tentationis recedunt. Quod autem in spinas cecidit, hi sunt, qui audierunt, & à sollicitudinibus & diuitijs ac voluptatibus vitæ euntes, suffocantur, nec referunt fructum. Quod autem in bonam terram, hi sunt, qui in corde honesto ac bono audientes sermonem retinent, & fructum afferunt per patientiam.

E N A R-

ENARRATIO TEXTVS.

HOc Euangelium continet pulchram imaginem Ecclesie militantis in hoc mundo, et nascentis ex incorruptibili semine, verbo Dei, in cuius visibili cœtu, quales, & quàm multiplices sint auditores, seminis naturalis similitudine depingit: Idem enim euenire semini cœlesti testatur, quod semini naturali iacto in terram, accidere solet. Nam vt non omne fert fructum, quod ab agricola in terram iacitur, sed vix quarta pars: Ita verbum Dei varios habet auditores, in quorum paucissimis salutarem producit fructum, Loci tres sunt:

- I. Parabola explicatio.
- II. Genera auditorum verbi Dei.
- III. De dicto Domini: Qui habet aures ad audiendum, audiat.

DE PRIMO.

Cause cur Dominus in parabolis locutus sit tur-
bis plures sunt. Prima esse potest prædictio Prophe-
tarum. Prophetæ etenim prædixerunt fore, vt Chri-
stus adueniens in parabolis esset docturus. Fuit au-
tem antiquissima docendi ratio, parabolis & Sym-
bolis docere. 2. Quia hoc genus docendi mirificè in
oculos, & animos hominum incurrit. 3. Quia quæ
huiusmodi imaginibus & symbolis traduntur, me-
moriæ iuuant, vt doctrina per ista, veluti symbo-
la ad posteritatem omnem transmittatur. 4. Para-
bolæ quoq; duriores obiurgationes molliunt, & ve-
luti

luti velo quo
stea autem e
& idem qu
rim nemin
Porro
Semen, fru
Semin
men in te
operatur.
cuntur: e
quod &
operatore
scamus: i
videmus ex
men, eo pr
men in terr
adhibitis sapi
mittere, v
ra cuperent
seminator
Dei: quare
primis hanc
scamus, eff
pœnis plebe
men in terr
paratum m
cultu, solit
quo semina
Semen e

luti velo quodam tegunt, vt minus offendant : postea autem animo perceptæ & intellectæ erudiunt, & idem quod perspicua doctrina efficiunt, & interim neminem traducunt.

Porro partes huius parabolæ sunt : *Seminator, Semen, fructus, terra.*

Seminator Deus est, qui tametsi per homines semen in terram mittit : tamen ipse vna adest & operatur. Quare ministri verbi coadiutores Dei dicuntur : quo nomine significatur vtrumq; scilicet quod & Deus suo modo operatur, & homines co-operatores suam operam Deo collocant. Hic duo discamus : Primum, esse preciosum & nobile semen, videmus enim in mundo, quo praeclarius fuerit semen, eo prudentiores & peritiores adhiberi, qui semen in terram iaciunt. Si reges mundi dicerentur adhibitis sapientibus mundi, hoc semen in terram mittere, omnes admirarentur, omnes singulari cura cuperent hoc semen cognoscere : sed hic iam adest seminator Deus : adsunt Oeconomi mysteriorum Dei : quare necesse est, & seriam & nobilem in primis hanc esse sationem. Alterum, quod hinc discamus, est, magnum flagitium esse, grauissimisque poenis plectendum : vel huius seminatoris Dei semen in terram, id est, in cor prius aratro legis præparatum non recipere : vel receptum non maximo cultu, solitudine, ac diligentia fouere vt crescat, quo seminatori gratissimum ferat fructum.

Semen est ipsum verbum Dei, non hominis quod

N

semere

semen filius Dei vnigenitus attulit è sinu Patris. Hoc semen viuum est, quare si fructum aliquando non proferre videtur, non seminis, sed terræ culpa est. Hoc semen qui vel vitiant, vt hæretici faciunt: vel suffocant, vt Hypocritæ: vel vi opprimunt: vt tyranni: vel adulterinum substituunt, vt Papistæ, sentient olim iusti Dei iram, qui vt semen purum dedit: ita idem purum & minime vitiatum vult seruari, quod apud suam Ecclesiam deposuit in thesauris Prophetarum & Apostolorum reconditum.

*Fructus, quem hoc semen producit, seminis vt decet, naturam imitatur, postquam excreuit. Primum enim ex eo in terram iactò nascitur pœnitentia, hoc est, vitæ prioris sceleratæ mutatio. Quemadmodum enim nobile aliquod semen, terræ visceribus conceptum sua virtute suffocat vrticas quæ prius terram occuparunt? Ita hoc semen herbas malas, quas in corde hominis seminauit Diabolus, hoc est, peccata suffocat vera contritione, vt non amplius vt antea fructum ferant lethalem ad damnationem. Deinde hoc semen vnâ cum salutarî pœnitentia producit fidem, cuius fructus est Deo gratissimus. Ex hac fide tanquam è spica proueniunt semina, hoc est, filij Dei, iuxta illud: Qui credunt, dedit hanc dignitatem, vt filij Dei fierent. Hi, vt inquit Petrus, renati sunt, non ex corruptibili semine: sed incorruptibili per sermonem viuientis Dei, & manentem in æternum. Filij Dei itaq; ex semine incorruptibili Dei nati proferunt suum fructum, nempe
bona*

bona opera
ager Dom

Ex se
ditorum
enim i
visceri
cescent
rante
tione t
non ag
à volu
quia in
rit: Si in
tur sine
rit, fructum
audire
de quib
Pr
la signi
culcatum
[Qui se
Diaboli
dentes
currunt
quod ne
& sic
& dura

bona opera & patientiam, quibus vsq; ad messem, ager Domini fecundus floret.

DE SECVNDO.

Ex seminis conditione iacti in terram genera auditorum verbi Dei quatuor colligere est. Semen enim iactum in terram, aut non concipitur terræ visceribus, aut concipitur cum fructu, sed mox flaccescente, & pereunte & concipitur cum fructu durante vsq; ad messem. Atq; hæc varietas ex conditione terræ provenit. Nam si in viam cadit semen, non agit radicem, sed aut conculcatur pedibus, aut à volucribus deuoratur. Si in petricosa loca cadit, quia in altum radices non mittit, enatum mox perit: Si inter spinas cadit, à spinis suffocatum moritur sine vtilitate. Si in terram bonam iactum fuerit, fructum fert, eumq; copiosum. Hinc esse quatuor auditorum genera, manifestè Dominus concludit: de quibus nunc ordine dicendum est.

PRIMUM auditorum genus hoc modo parabola significatur. [Aliud cecidit super viam, & conculcatur est.] Parabola à Domino ita explicatur. [Qui secus viam, hi sunt, qui audiunt, deinde venit Diabolus, & tollit verbum de corde eorum, ne credentes salui fiant.] In hac explicatione multa concurrunt diligenter perpendenda. I. Quæ causa sit, quòd non ferat fructum, nimirum quia terra dura & sicca est, hoc est, corda audientium sunt saxeæ & dura, adeo ut verbo non cedant.

N 2

autem

autem corda peccandi consuetudine, impunitatis spe, cogitationibus Epicureis, exemplis peccantium infinitis, & diaboli dolis. Quod autem Dominus ait sermonem seminatum fuisse in cordibus eorum, perinde est ac si dicat, vitio hominum & prauitate fieri, quod de corde auditorum eripiatur. Deo proinde iniuriam faciunt, qui illi suam damnationem ascribunt. Ille enim in omnes misericors semen mittit in terram, hoc est, mittit qui Euangelium doceant: sed hominum culpa euenit, quod sine fructu conculcetur. 2. Diligenter obseruandum est, quod Diabolus dicatur venire, & tollere sermonem de corde: Unde colligimus, hunc salutis nostræ hostem, ut sationis tempore solent famelicæ aues, simul ac prodit in medium doctrina, instare & irrumpere ad eam rapiendam, priusquam humore concepto germinet. Hoc Sathanæ perpetuum studium esse, historia omnium temporum docet, ac Petrus testatur, cum ait: eum tanquam leonem rugientem quærere quem deuoret. Sicuti enim primis nostris parentibus aduersatus est, idq; per verbi diuini ablationem de corde ipsorum: ita hodie simili studio incumbit, ut verbum prædicatum infructuosum apud auditores maneat. 3. Est obseruandum, quod Euangelium sit salutis prædicatio. Nam cum dicit Diabolum tollere verbum de cordibus auditorum, ne salui fiant, satis indicat verbum Dei nostræ salutis destinatum esse. 4. Obseruanda est hic magna fidei laus, dum nostræ salutis causa, aperta voce Christi

Christi hic
ant. Quer
gelij homi
lata salu
lium est
5. Ut m
tem obl
crandu
virtute
gana su
S E
notatur
aruit, qu
mino exp
hi sunt, ca
monem: hi
pne credun
crux non
in Ecclesi
propter E
emorian
proh ab
purgata
Euangel
cos offen
authorit
sius eos
quod cum
cum igne

Christi hic vocatur, ut credentes, inquit, salui fiant. Quemadmodum enim salus ministerio Evangelij hominibus offertur: Ita sola fide recipitur oblata salus & retinetur: Unde Apostolus: Evangelium est potentia Dei in salutem omni credenti.

5. Ut magna nostra ingratitude taxatur, qua salutem oblatam per verbum contemnimus: Ita execrandus est eorum error, qui verbo vocali suam virtutem adimere conantur, qui sane Diaboli organa sunt ad impediendam hominum salutem.

SECVNDVM auditorum genus hac parabola notatur. Aliud cecidit super petram & enatum exaruit, quia, non habuit humorem: Parabola à Domino explicatur his verbis. Nam qui super petram, hi sunt, cum audierint, suscipiunt cum gaudio sermonem: hi tamen radices non habent, qui ad tempus credunt, & tempore tentationis recedunt: dum crux non premit & persecutio, non infimum locum in Ecclesia habent: Verum ubi persecutio oritur propter Evangelium, succumbunt, & in ipsis fides emoritur sine fructu, huius generis auditores sunt, proh dolor, plurimi. Cum primum in hoc regno repurgata doctrina Evangelij esset, plurimi visi sunt Evangelium serio amplecti: sed cum viderent amicos offendi: cum animadverterent non parum suae auctoritati apud Papistas decedere, & iam pressius eos crux tangeret, obliti dulcedinis Evangelij quòd cum gaudio prius susceperant, ab eo turpiter cum ignominia summa & animarum suarum hor-

N 3

rendo

rendo interitu discedunt miseri, quibus satius fuisset nunquam bonum Euangelij gustasse, quam vt cum tanta ignominia gratia et salute rursus exciderent.

TERTIVM auditorum genus parabola hac pingitur, [Et aliud cecidit inter spinas, & simul enatae spinæ suffocauerunt illud.] Parabolam Dominus interpretans, ait: [Quod autem in spinas cecidit, hi sunt qui audierunt, & à sollicitudinibus & diuitijs ac voluptatibus vitæ euntes, suffocantur nec referunt fructum.] In hac explicatione Domini plura sunt considerata. Primum quod hoc genus hominum sit idoneum ad fouendam intus sementem, hoc est, quod vera pœnitentia sint ad Dominum conuersi, credant & ament verbum Dei. Deinde, quod aliunde proueniat corruptio seminis, hoc est, verbi Dei in corde hominis seminati, nempe à spinis. Quemadmodum semen bona terra conceptum enatum, sepe spinarum complexu corrumpitur, vt prorsus pereat ante messem: Ita multi in principio pii & colentes Deum, spinis ante finem vitæ suffocantur: spinis, inquam, sollicitudinum, diuitiarum & voluptatum. Tertio obseruandum hic est, quod Dominus hic ponat tria genera spinarum, quæ sementem cœlestem, postquam in culmum assurrexit, suffocant: vt sunt sollicitudines seu curæ huius sæculi, vt Matthæus habet, diuitiæ, seu vt Matthæus & Marcus habent, deceptio diuitiarum & voluptates vitæ.

Cum ergo hæ sint spinæ, quibus verbum Dei suffocatur,

focatur, & nemo nostrum sit, qui non ingenti spinarum copia, & quasi densa sylva refertus sit, danda est opera, ut si spinas ipsas omnino euellere non possimus, saltem aculeos ipsorum retundamus, ne diuinam sementem confodiant & perdant.

Quantum igitur ad PRIMVM spinarum genus attinet, ita retunditur, si toti huic mundo cum suis concupiscentijs renunciemus, & utamur hoc mundo tanquam non utentes: quemadmodum monet Paulus.

SECUNDVM genus non nocebit, si Salomonis consilio vsi fuerimus, qui ait: Si diuitiae affluunt, noli cor apponere. Item Pauli, qui ait: Præcipe diuitibus in hoc sæculo, ne superbiant, nec sperent in diuitiarum incertitudine, sed in Deo viuente, qui præbet nobis abundè omnia ad fruitionem: sed ut bene agant, & diuites esse studeant in bonis operibus, & sint liberales erga alios.

TERTIVM genus spinarum, voluptatis vitæ est, quæ in delitijs, pompa, gloria mundi, delicatis cibis & vestibus, & rebus venereis positæ sunt, quæ omnes & singulæ semen diuinum suffocant, ut fructum vitæ æternæ producere nequeat. Has ergo spinas diligenter caueant quibus salus æterna curæ est.

QUARTVM genus auditorum hac parabole parte notatur. [Et aliud semen cecidit in terram bonam, & dedit fructum emergentem atq; crescentem, & attulit vnum triginta, & vnum

N 4 sexagin-

sexaginta, & vnum centum.] Explicatur parabola à Domino, his verbis: [Quod autem in terram bonam cecidit, ij sunt, qui corde bono & benigno audientes sermonem retinent, & fructum afferunt in patientia.] In hac explicatione quinque; obseruanda sunt, quæ bonam terram, in quam iactum est semen Domini, definiunt. 1. Est corde bono & benigno recipere semen & verbum audire. 2. Retinere semen, id est, non obliuisci verbi auditi, sed illud perpetuò meditari. 3. Est fructum facere in vera pietate, sanctitate, charitate & vocationis munere. 4. Quòd hunc fructum in patientia ferre oporteat, ne videlicet ullis rebus sinamus à fide, & fructu producendo nos abduci. 5. Quod non omnes æque multum fructus proferant, ait enim Dominus: vnum triginta, vnum sexaginta, vnum centum, hoc est, qui credunt Euangelio, pro mensura fidei fructificant, alij plus, alij minus. Hoc in fructibus discrimen docet & consolatur: docet quidem, quod semen Dei non debeat esse infrugiferum, modò salutare ipsum nobis esse cupiamus: consolatur vero eos, qui benigno & bono sunt corde, & multum fructus cupiunt producere in horreum Dei: sentiunt tamen se viribus destitui, & non posse sexagesimum aut centesimum prouentum reddere. Hi non despondent animum, nam paterfamilias etiam inferiores dignatur suo honore & bonitatis elogio.

Quisquis ergo suæ salutis amans est, studeat fructum facere, pro suæ vocationis ratione: & quando se

do se parum producere animaduertit, petat opem à patrefamilias, & in ipsius confidat bonitatem, qui non abiicit eum, qui vel minimum fructum profert.

DE TERTIO.

[Dum hæc diceret, ait Euangelista, exclamans alta voce, ait: Qui habet aures ad audiendum, audiat.] Quoniam autem exclamat Dominus, significatur & ipsius affectus erga homines, quod cupiat eos saluos fieri, & hominum surditas ad audiendum ea quæ salutis sunt. Deinde cum ait, [Qui habet aures ad audiendum, audiat,] haud obscure indicat, se duo genera auditorum habere, quorum quidam sunt surdi, non quod non audiant externis auribus, sed quod in intima cordis non reponant quæ audiunt. Huius generis auditorum quanta sit copia, docent scelerati mores multorum, qui fidem in ore habent sine fructu omni in vita & moribus: quidam sunt auriti, qui, quod auribus externis capiunt, in intima cordis reponunt, fructum seminis pro mensura fidei producentes. Verum sciendum, neminem sua industria sibi aures, quibus fructuosè verbum Dei audire possit, formare & aptare: sed oportere aures ipsas à Domino perforari. Cum enim verbum foris in auribus sonat, adest Spiritus sanctus in verbo efficax, qui aures cordis aperit ad audiendum, & recipiendum verbum, modò ipsi nostra malitia spiritui aperienti non reluctemur. Tametsi enim solus Dominus aures aperire potest, &

N 5

omni-

omnibus se paratum exhibet: tamen illis solis aperiuntur, qui sua contumacia Domino non resistunt: Quare nostrum est, perpetuis suspirijs ad Dominum clamare, ut aures nostras aperiat, corda præparet, affectus purget, quo verbum audiamus in nostram salutem & gloriam Dei: Cui honor & gloria in secula, AMEN.

DOMINICA

QUINQVAGESIMÆ EVANGELIUM MATTH. 3.

Tunc autem accedit Iesus à Galilæa, ad Iordanem ad Iohannem, ut baptizaretur ab illo. At Iohannes prohibebat illum, dicens: Mihi opus est, ut abs te baptizer, & tu venis ad me? Respondens autem Iesus, dixit ad illum: Omitte nunc, sic enim decet nos, ut compleamus omnem iusticiam. Tunc omittit illum. Et baptizatus Iesus ascendit protinus ab aqua: & ecce aperti sunt illi cœli, & vidit spiritum Dei descendentem tanquam columbam, & venientem super ipsum. Et ecce vox de cœlis dicens: Hic est filius meus dilectus, in quo mihi bene complacitum est.

ENARRATIO TEXTVS.

HOC festum institutum est in Ecclesijs nostris propter historiam Baptismi Christi, quæ historia præcipuum factum, quod vnquam in mundo contigit,

QVI
contigit, conti
priusquam C
bilis cum
gò delectat
mus hic m
sua incun
etiam sola
storie min
cedimus
sunt dilue
nam hoc f
rum ordin
tempore an
stionem res
nostram salu
dinatio in Da
non omittere
nere.
Ad poste
niat maxima
de causis. Pr
storie. Hæten
uitate Domini
ne. 4. de obli
templo cum
duodecimo a
quod fuerit
mo eius, qu
sequitur de

contigit, continet : neq; vnquam continget maius, priusquam Christum viderimus venientem in nubibus cum Angelis suis & potestate magna. Si ergo delectat nos maiorum heroum historia, habemus hic maximi herois historiam, quæ non solum sua incunditate oblectat animos legentium, verum etiam sola, plura commoda affert, quam omnes historie mundi adferre possunt. Priusquam autem accedimus ad huius historie expositionem, duæ nobis sunt diluendæ quæstiones : Quarum prior est, cur nam hoc festum in Ecclesiastica nostrarum Ecclesiarum ordinatione sit institutum : Posterior, cur hoc tempore anni potius quàm alio. Ad priorem quæstionem respondeo. Historia Christi, textitur propter nostram salutem, ideo voluit etiam Ecclesiastica ordinatio in Dania hanc potissimam historie partem non omittere : sed certo tempore anni eam proponere.

Ad posteriorem dico, quod hoc tempore conueniat maximè eam historiam tractare, idque duabus de causis. Primum propter ordinem & seriem historie. Haftenus enim ordine audiuius. 1. de natiuitate Domini. 2. de circumcisione. 3. de apparitione. 4. de oblatione in templo. 5. de disputatione in templo cum ageret 12. annum. Quid autem egerit à duodecimo anno vsq; ad 29. nihil scriptum est, nisi quod fuerit subiectus suis parentibus. 6. de Baptismo eius, qui hoc anni tempore optime recitatur. 7. sequitur de ieiunio. 8. de tentatione. 9. de doctrina & mi-

& miraculis. 10. de passione. 11. de resurrectione. 12. de ascensione in cælum. 13. de missione Spiritus sancti, qua Christi doctrina confirmata est. 14. sequuntur reliquo tempore anni conciones variae, in quibus beneficia Christi Ecclesiae commendantur, proponuntur pietatis exempla, inuitantur homines ad piam sanctamque vitam. 15. de iudicio extremo & premijs piorum & pœnis impiorum. Hæc sunt præcipua membra historię Christi, quæ optimo ordine, prout res gestæ sunt, singulis annis in nostris Ecclesijs tractantur. Est præterea alia causa, cur hoc anni tempore de Baptismo Christi agit nostra Ecclesia, nimirum ut doceatur qualenam vestimentum deceat Christianos contra Diabolicum illum & Ethnicum furorem, & debacchandi ritum, qualis hætenus in usu fuit in multis locis Christiani orbis non sine graui Dei offensa. Atque hæc præsentī festo dicta sufficiant. Loci tres:

- I. Historia Baptismi Christi, cum suis circumstantijs.
- II. Usus historię in Ecclesia.
- III. Nostri Baptismi ratio & usus.

DE PRIMO.

In Baptismo Domini plures sunt perpendendæ circumstantiæ, & potissimum hæc quinque. 1. Quæ personæ hic agunt. 2. Locus. 3. Colloquium Christi & Iohannis. 4. Baptizatio Christi. 5. Euentus, seu id quod contingit baptizato DOMINO. De his

his quinque
PRIMO
hannem
qui in Spi
viam Do
propheti
propheta
ciem Do
stus ipse
tam esse
Deinde
sum Chri
hic due pe
mūdus m
ta Dei: Chri
quia & sum
bis hic infu
thoritas Bat
per eos, qui
SECUNDO
signatur cel
memini su
quæ olim in
inde nos cu
mi spiritua
PRIMO
git cum po
promissam
aqua ab al

his quinque circumstantijs ordine dicam.

PRIMA: [Tunc venit Iesus à Galilea ad Iohannem.] Hic duas personas habemus, Iohannem, qui in Spiritu Helix missus erat ad præparandam viam Domini: Unde pater eius Zacharias spiritu prophetico de eo dixit adhuc infante: Et tu puer propheta altissimi vocaberis, præbis enim ante faciem Domini parare vias eius. Ea de causa Christus ipse pronunciat Iohannem plus quam Prophetam esse, vt quo nullus maior de muliere natus sit. Deinde habemus hic alteram personam, nempe ipsum Christum, Deum & hominem. Adsunt ergo hic duæ personæ, quibus nihil præclarior habet hic mūdus vniversus. Iohannes fuit summus Propheeta Dei: Christus æterni Dei æternus filius: quorum quia & summa dignitas & authoritas existit, nobis hic insinuatur quanta sit, & dignitas & authoritas Baptismi, qui à Deo profectus, celebratur per eos, quibus nihil habet mundus præstantius.

SECUNDA: Venit ad Iordanem. Hic locus signatur celebrati Baptismi. Iordanis non frustra meminit Euangelista, vult enim, vt miracula quæ olim in Iordane contigerunt, respiciamus, vt inde nos colligamus quæ sit vis & efficacia Baptismi spiritualis.

Primum itaq; occurrit miraculum, quod contigit cum populus duce Iosua ingrederetur in terram promissam. Nam Iordanis fluius contra naturam aquæ ab altera parte stetit vt murus, præbuitq; populo

pulo Dei iter, vt siccis transfiret pedibus, secutus arcam Domini, quam sacerdotes Dei præferebant ante populum. Isto typo significatum est nos è regno Sathanæ, in regnum Dei transferri per Baptismum, præcedente Christo qui vera propitiationis arca est.

Helias pallio diuisit Iordanem ac transgressus fluuium in cælum subuectus est. Naaman Syrus leprosus ablatus in Iordane ad iussu Prophetæ, sanitati est restitutus. Ut autem Helie factum transitum in cælum per Baptismum fieri adumbrat: Ita Naaman Syri purgatio spiritualem per Baptismum fieri mundationem à peccatis figurat. Nam quod foris figurat Baptismus, id intus sua virtute operatur dominus. Cum igitur hic sit Iordanis mentio, meminerimus quid spiritualiter de Baptismo nostro significet.

TERTIA, At Iohannes prohibebat illum, dicens: [Mihi opus est, vt abs te baptizer, & tu venis ad me? Respondens autem Iesus dixit ad illum: Omitte nunc, sic enim decet nos, vt compleamus omnem iusticiam. Tunc omittit illum.] In hoc colloquio plura sunt spectanda membra: Primum de prohibitione, qua Christum obnoxè prohibebat & oratione & manu. Duo quidem hic diligenter perpendit Iohannes, sed tertium negligit. Perpendit se indignum esse, vt qui soluat corrigiam calceorum Christi, nedum eius nudum corpus abluat. Deinde perpendit quod Christus sit immunis à peccato, atque
ideo

ideo indica
luatur in
glexit: ne
sti. Debeb
tem suæ
aliquid
mediato
nunc, sic
Tu missi
zatis se
quod no

Hic e
gnosceret
ministerio
stum cum e
luere valet.
vocatione no
sed vigen

QV
nus filius
catis, & ex
zatur: pluri
voluit per
& hoc qu
esse. 2. Ut
tis, sepult
passionem
Zebedæi
stis baptiz

ideo iudicat ipsum non indigere Baptismo, ut eo abluatur in signum pœnitentiæ. Tertium, ut dixi, neglexit: nempe quod esset & sui officij, & officij Christi. Debat enim officium intueri, & non dignitatem suæ personæ: debbat indicare Christum non aliquid moliri posse, quod non spectaret ad officium mediatoris. Atq; ideo audit à Christo: [Omitte nunc, sic enim decet nos implere omnem iusticiam.] Tu missus es tu baptizes: ego autem veni ut baptizatis salutem conferam: faciamus ergo vterq; quod nos deceat.

Hic ergo tria à Iohanne discamus: Primum agnoscere nos indignos esse, quibus ullum in Ecclesia ministerium committatur. Deinde agnoscere Christum eum esse, qui solus à maculis peccati nos abluere valet. Tum mandato Christi obedire in nostra vocatione non impediens nos indignitate nostra, sed urgente officium mandato Domini.

QUARTA: [Et baptizatus Iesus.] Hic æternus filius Dei, sanctus, immaculatus, purus à peccatis, & excelsior cœlis, baptizatur. Sed cur baptizatur? plures possunt assignari causæ: Primum enim voluit per Baptismum inaugurari ministerio Dei, & hoc quasi fœdere ostendere, se ministrum Dei esse. 2. Ut Baptismus externus esset figura mortis, sepulturæ & resurrectionis suæ: vnde & suam passionem baptismi nomine designavit, cum filiis Zebedei responderet Matth. 10. dicens: Potestis baptizari Baptismo quo ego baptizor? Tertio, ut san-

ut sanctificatas relinqueret aquas omnibus baptizandis. Non enim Sacramenta Ecclesiæ consecrantur murmure sacerdotis, tanquam magica incantatione: sed Sacramentorum conficitur consecratio institutione, facto, promissionibus Christi, ac nostra obedientia erga ipsum. Quartò, Baptismum nobiscum communem habere voluit, ceu certissimum vnionis & societatis, quam nobiscum habere dignatus est, testimonium & pignus: Unde Paulus probat nos esse filios Dei, qui Christum per Baptismum induimus: Quotquot, inquit, Baptizati estis, Christum induistis. Quinto, ipse facere voluit, quod omnibus facere imperauit, quemadmodum ait Augustinus. Optimè enim is docet, & imperat, qui suæ doctrinæ typus est, & imperata primus facit.

QVINTO, euentus consideretur. Nam quæ contigerunt Baptizato Christo & orante, sunt omnium maxima miracula, quæ vnquam contigerunt. Primum aperitur cælum, quare significatur, & quòd solus Christus sit via in cælum, quem induimus in Baptismo, & quòd cælum clausum maneat omnibus, qui Christum viam vnicam in cælum non agnoscant. Deinde vidit spiritum Dei descendentem quasi columbam, & sedentem super eum. Hæc dulcissima imago est beneficiorum Christi. Nos omnes in diluuiio peccati perditum eramus, sed Christus venit nobis arca, qui nos in se recipit, eripit à diluuiio, in cuius testimonium venit columba, & quiescit super eum. Huius rei typus erat Arca Noë, & columba

QV
columba qu
ore habuit
tus sanctu
absorpti d
lus, hoc e
habitat.
filius m
hic audi
esse. Qui
gis stupe
detestan
angelum
lum, no
quid quæ
Etus. En
salutem
Ideo dilect
mus: sed in
lum propte
ra enim su
adoptamur
In quo com
placatus e
sunt alto
Deus sit
Deum offe
ciliatio no
Sanguis e
quitate. 3.

columba quam emisit, quæ reuersa ramum oleæ in ore habuit, in signum siccati diluuij: Ita hic Spiritus sanctus in specie columbæ apparens, testis est absorpti diluuij peccatorum: sed in sola Arca est salus, hoc est, in Ecclesia Christi, vbi Spiritus sanctus habitat. Tertio audita est vox de cælo dicens: hic est filius meus dilectus per quem placatus sum. Ecce hic audimus patrem cælestem præconem Euangelij esse. Quid quæso potest admirabilius esse? quid magis stupendum? ô deploranda cæcitas hominum, ô detestanda surditas. Pater cælestis sonat suum Euangelium de cælo, & nos cæci non intuemur cælum, nos surdi non audimus vocem docentis. Sed quid quæso docet? Hic est, inquit, filius meus dilectus. En testimonium Patris de filio, huic crede, si salus tibi curæ est, is natura est filius, nos gratia. Ideo dilectum appellat, non quod nos dilecti non simus: sed in dilecto, in quo solo nos charos habet: illum propter se amat, nos vero propter illum. Natura enim sumus filij iræ Ephes. 2. per Christum vero adoptamur in filios: Unde sequitur in concione Dei: In quo complacitum est mihi, id est, per quem sum placatus & humano generi reconciliatus. Hic tria sunt alto animo perpendenda: 1. Quod sine Christo Deus sit nobis iratus, idq; propter peccatum quo Deum offendimus. 2. Quod solus Christus sit reconciliatio nostri: Ipse enim est propitiatio pro peccato. Sanguis enim Iesu Christi purgat nos ab omni iniquitate. 3. Quod hæc Paterna beneuolentia & re-

O concili-

conciliatio sit fide accipienda ac Baptismo ob-
gnanda. Hanc fidem sequi debet noua obedientia
& gratitudo erga Deum. Ecce habes summam Eu-
angelij, ad quam in omni vita & mortis hora re-
spicere debemus. Non enim aliunde solida consci-
entiae consolatio sumi potest. Atq; hæc sint breuiter
dicta de narratione Euangelica.

DE SECVNDO.

Etsi vsus ex ijs quæ dicta sunt facile colligi potest,
tamen quedam hic capita recitabo. Primum ergo
sciamus, quod noster Baptismus hic consecratur, &
sanctificetur aqua Baptismi per Christum, qui aqua
Baptizari dignatus est. Deinde totum spectaculum
nobis ob oculos tanquam in imagine Ecclesiam Chri-
sti depingit, hic conspicitur Iohannes doctor in Ec-
clesia, ubi enim verbum Dei non est, ubi non audi-
tur docentis vox, illic Ecclesia monstrari non potest.
Deinde Christus Baptizatur. à bene enim instituta
Ecclesia, vsus Sacramentorum abesse non potest.
Tertio Christus Baptizatus orat, cuius exemplum
membra ipsius imitantur, et Deo verum cultum ex
fide præstant. Quarto, filius stat in medio: vox
Patris sonat de cælo: Spiritus sanctus requiescit
super Baptizatum: idem reuera hodie fit in nostra
Ecclesia. Deus enim Pater, filius & spiritus san-
ctus suæ Ecclesiæ adest, & per vocem prædicanti-
um testatur suam beneuolentiam erga Christi Ec-
clesiam. Per filij præsentiam testatur, quod nos in
filios

filios adoptauerit, & per spiritum sanctum testatur se gubernare Ecclesiam suam: unde nos hanc fiduciam concipiamus, quod portæ inferorum non sint præualituræ aduersus eam.

DE TERTIO.

Pleraq; quæ ad nostrum Baptismum pertinent, sunt in superioribus locis explicata: Quare breuiter quedam attingam, quæ præcipuè scire, necessarium est, atq; duo dicam: quale sit signum Baptismus. & quæ sit eius vera meditatio.

Quale ergo signum est Baptismus? Primum est testimonium gratiæ, eiusq; & exhibitæ, & applicatæ baptizato nimirum quod Deus sit illi placatus per Christum: quod sane testimonium requirit fidem. Deinde est symbolum hoc signum, quod quadam comparatione docet: Est enim signum virtutis spiritualis Christi, nimirum quod Christus sua morte, sepultura, & resurrectione sit nostri liberatio à morte, & sepulchro, & donator vitæ æternæ. Deinde est symbolum vitæ nouæ coram Deo, quemadmodum Pau'us Rom. 6. docet his verbis. Quotquot baptizati sumus in Christum Iesum, in mortem eius baptizati sumus, consepulti igitur sumus cum ipso per Baptismum in mortem, vt quemadmodum Christus excitatus est ex mortuis, ita & nos in nouitate vitæ ambulemus.

Præterea, coram hominibus est tessera quedam

O 2

profe-

*professionis, qua testamur nos esse membra Christi,
& hostes Diabolorum.*

Meditatio pia Baptismi in his rebus posita est.

PRIMUM statuere oportet, quod Baptismus
noster sit firmissima quædam obsignatio, & Sacra-
mentum nostræ reconciliationis cum Deo.

DEINDE, Baptismus debet nobis esse perpe-
tua quædam admonitio, quod hæc reconciliatio sit
facta per sanguinem, mortem, sepulturam ac resur-
rectionem Christi.

TERTIO admonebit nos mortificationis carnis,
& viuificationis spiritus, adeoque perpetuæ in hoc
mundo pænitentiae & futuræ per Christum glorifi-
cationis.

QUARTO, admonebit nos, quod regeneratio-
nis beneficium sit donum & opus totius Trinita-
tis, in cuius nomine baptizamur, ut ipsi adhærea-
mus, ac colamus per totam vitam, Cui honor &
gloria, in sæcula sæculorum, Amen.

DOMINICA

PRIMA IN QVADRAGESIMA,

EVANGELIUM MATTH. 4.

TVnc Iesus subductus fuit in desertum à
Spiritu, ut tentaretur à Diabolo. Et cum
ieiunasset dies quadraginta ac noctes quadra-
ginta, tandem esuriit. Et accedens ad eum ten-
tator, dixit: Si filius Dei es, iube ut lapides hi
panes fiant. At ille respondens, dixit: scriptum
est:

est: Non solo pane victurus est homo, sed omni verbo quod egreditur per os Dei. Tunc assumit illum Diabolus in sanctam ciuitatem, & statuit eum super pinnaculum templi, dicitq; illi, si filius es Dei, præcipita te deorsum. Nam scriptum est: Angelis suis mandaturus est de te, ac manibus tollent te, ne quando impingas in lapidem pedem tuum. Dixit illi Iesus: Rursus scriptum est: Non tentabis Dominum Deum tuum. Rursus assumit illum Diabolus in montem excelsum valde, & commonstrat ei omnia regna mundi, & gloriam illorum, & dicit illi: Hæc omnia dabo tibi, si prostratus adoraueris me. Tunc dicit illi Iesus: Abi Sathan: scriptum est enim: Dominum Deum tuum adorabis, & illum solum coles. Tunc dimittit illum Diabolus, & ecce Angeli accedebant ac ministrabant ei.

ENARRATIO TEXTVS.

Quemadmodum proximo die Dominico audiuimus historiam Baptismi Christi, in qua maximæ res continentur: Ita hoc Euangelium etiam partem historię Christi continet, videlicet de eius ieiunio & tentatione: quibus rebus Deus singulari sapientia suum filium humiliari voluit, & ostendere quàm verum sit quod olim prædixit: nimirum quod vt serpens insidiaturus esset calcaneo seminis mulieris, hoc est, quod Christi personæ ac eius regno esset Sathan positurus insidias (id quod hæc historia verissimum esse ostendit) ita idem se-

men contritum esset caput serpentis: Cuius rei specimen quoddam in hac historia videmus. Hæc omnia eò referenda sunt, ut & Christi obedientiam sub cruce discamus, & sciamus qualem clypeum oporteat opponere tentationibus & iaculis Diaboli. Loci duo.

I. De ieiunio.

II. De tentatione.

DE PRIMO.

In hoc loco duo spectanda sunt: Primum quænam sit ratio ieiunij in genere. Deinde quid sentendum sit de Christi ieiunio in specie.

Ieiunium est abstinentia ad tempus à cibo & potu, qua corpus affligitur & veluti mortificatur. Et est triplex: Indifferens, pium, & impium.

Indifferens ieiunium est cum vel præ inopia, vel valetudinis causa, vel ingenti aliquo animi mœrore abstinetur à cibo & potu. Hoc per se nec placet nec displicet Deo, verum prout fides & patientia adfuerint, placere & displicere putandum est.

Ieiunium pium, Christianum & acceptum Deo, est abstinentia non solum à cibo & potu, qua corpus premitur & mortificatur: verumetiam ab omnibus alijs rebus, quæ carni ullam voluptatem adferre possunt, eò pertinens, ut plenum sit spiritus imperium per veram pœnitentiam, piam orationem, & seriam renunciationem omnium iniuriarum, quibus proximus lædi potest. Nam corporis afflictio

afflictio per
ni propter
tentia. H
est tres
& inter
fuit ieiun
& certè
spiritum
cumber
Est
um, du
quod qu
tande ca
ante sacra
caro hac a
officij noui
ret ad medi
sui muner
ieiunium
ieiunium
Solenne
quod magis
rum indic
dus, sect
uocatione
que obpe
neantur.
& Propri
runt gra

afflictio per ieiunium, est symbolum mœroris animi propter peccatum, & testimonium veræ pœnitentiæ. Huius fines sunt (propter quos & acceptum est) tres: Mortificatio carnis: Excitatio spiritus: & intensius omnis pietatis studium. Huiusmodi fuit ieiunium Pauli, cuius meminit. 2. Corin. 6. & certè deberent p̃i homines sancto ieiunio sæpè spiritum excitare, ne carnis concupiscentijs succumberent.

Est autem hoc sanctum & Christianum ieiunium, duplex, Priuatum & solenne. Priuatum, est quod quis sua sponte sibi imponit, vel pietatis excitandæ causa, (quale vt sæpè aliàs, ita potissimum ante sacram synaxin, à quolibet Christiano, cuius caro hac castigatione indiget, institui vellem) vel officij noui capeffendi gratia, vt se quis eo præparet ad meditationem officij, oretq; vt Deus auspicijs sui muneris propitius aspires. Huiusmodi fuit olim ieiunium Moysi in monte, & Helie in deserto, & ieiunium Christi in deserto, cuius hîc fit mentio.

Solenne ieiunium, pium & Christianum, est quod magistratus pius siue gubernatores Ecclesiarum indicunt, vel vt præsens malum, vt pestis, gladius, sectæ, seditioes, &c. vera pœnitentia & inuocatione Dei tollatur aut mitigetur: vel vt mala, quæ ob peccata grassantia imminere videntur, caueantur. Huius generis ieiunia à sanctis regibus & Prophetis sæpè indicta sunt, quæ D E O fuerunt grata propter pœnitentiam, fidem, inuo-

ocationem,

cationem, charitatem meditationem beatæ vitæ, & huiusmodi alia, quæ in Christiano ieiunio adesse solent, & omnino debent. De hoc duplici ieiunio, priuato & solenni, tenenda est hæc regula, quod vt priuatum liberum est in arbitrio cuiusq; positum: Ita solenne mandato magistratus, charitatis lege, & publici commodi necessitate obligat, quare illud contumaciter violare grande peccatum est.

Impium seu Pharisaicum ieiunium, est abstinentia à certo cibi genere, quæ putatur cultus Dei esse per se, & res Deo grata propter ipsum opus, ideoq; meritoria. Quasi vero Deus moraretur externa opera, vbi conscientia est impura: & ieiunium per se esset in eo genere operum, quæ Deo immediate & simpliciter probantur, quemadmodum ea quæ in lege sua, hoc est, Decalogo præscribit, & non potius esset externum quoddam exercitium, & quedam corporalis exercitatio, alium finem spectans, nimirum vt pœnitentiæ, orationi, carni domandæ, charitati, meditationi beatæ vitæ subseruiat. Merito ergo Prophetæ huiusmodi Hypocritica ieiunia damnant, in quibus plurima horrenda scelera concurrunt: Ut opinio cultus, fiducia operis, necessitas, coactio, delectus ciborum necessarius, modus ieiunandi, quo vel porci saginari possint, meditatio fraudis & iniuriæ proximorum.

Potest autem hoc ieiunium Pharisaicum diuidi in duo genera, vt vnum statum, aliud arbitrarium dicatur. Statum ordinarium est & certo tempori anni

anni affix
le ieiunium
porum,
rum em
quibus
multipl
Arb
suo, quæ
illius f
minum
nium,
ac Dem
Hæc
de Christi
sta: [Tunc
tentatur
ginta diebus
vixit.] Hæc
statum à
cus, nempe
quod quidam
cibo vixerit
potuerit de
tanto spaci
quadragesimæ
Sed cum
raculo te
propter fig
te ieiunauit

anni affixum, quale apud Papistas quadragesimale ieiunium, ut vocant, & ieiunium quatuor temporum, Apostolorum, quibus suffragia Apostolorum emere voluerunt, & huiusmodi plurima in quibus nihil, præter meram superstitionem & multiplicem impietatem, fuit.

Arbitrarium ieiunium, est quod aliquis arbitrio suo, quo Deum sibi debitorem faciat, deligit: quale illius fuit qui iactabundus in oratione sua ad Dominum ait: Ieiuno bis in Sabbato, ubi suum ieiunium, ut opus sanctum & meritorium prædicat, ac Deum admonet, ne eius obliuiscatur.

Hæc sint dicta in genere de ieiunio, nunc pauca de Christi ieiunio adiiciam. De hoc ita ait Euangelista: [Tunc ductus est Iesus in desertum à spiritu ut tentaretur à Diabolo, & cum ieiunasset quadraginta diebus & quadraginta noctibus, postea esuriit.] Hic primum tempus notatur, nimirum quod statim à Baptismo ieiunauerit. Deinde notatur locus, nempe desertum. 3. Modus ieiunii, videlicet quod quadraginta diebus & noctibus absq; omni cibo vixerit. 4. Miraculum, quod & tanto tempore potuerit absq; cibo viuere, & quod non esurierit tanto spacio, nam non sensit famem priusquam quadraginta dies & totidem noctes præterierant.

Sed cur Christus hoc fecit? Primum, ut hoc miraculo testaretur de sua diuina potentia. Deinde propter figuram. Moses enim typus Christi, in monte ieiunauit quadraginta dies & totidem noctes.

3. Ut satisfaceret pro gula primorum parentum & nostra. 4. Propter vocationem. Hoc enim visitatum Deo est, cum velit aliquem arduo officio præfici, eum ieiunio & cruce veluti præparare: Sicuti in Mose & Helia videmus. 5. Ut esset exemplum nobis ut nos sobrii perpetuo in timore Domini viuamus.

Est igitur usus ieiunii Christi agnoscendus, qui est multiplex. 1. Ut cogitemus quantum fuerit humiliatus filius Dei. 2. Ut exemplo filij Dei sobrie orationi studeamus. 3. Ut illi gratias agamus qui nostro nomine tantum ieiunium sustinuit.

Deinde ab altera parte cauendus est abusus, ne videlicet abutamur hoc sancto Christi ieiunio, quod fit, si vel præceptum vniuersale faciamus ex hoc Christi factum: vel putemus nos fieri participes ieiunii Christi per nostrum fictum ieiunium: vel suspicemur ieiunium nostrum peccatorum remissionem mereri ex opere operato, sicuti Thomas Aquinas sacrilegè docet: vel iudicemus cum Ambrosio hoc quadragesimale ieiunium à pontificibus Ecclesiæ impositum, esse necessitatis, ita ut nemo pius habeatur, nisi qui hoc ieiunium seruauit. Hæ omnes opiniones pugnant ex diametro cum ipso fidei fundamento, quod est, solius Christi merito saluari credentes.

At dicunt: Omnis Christi actio nostra est instructio, is autem ieiunauit quadraginta dies, ergo nos debemus hoc factum Christi imitari. Verum quidem est, quod dicunt, omnis Christi actio nostra est instru-

instructio,
actio su n
sti differe
Christi a
res. Mo
enim ip
vaculose
nostram
confirm
redempti
Hæ salu
Atq; i
structio, j
ad mores
ptum per
Licetne erg
licet, modo se
dixi in sanct
Et sane ape
tate opus es
ptionis, quod
proponi in
actio & ne

[Accede
tentationib
dacia Sath
regnum Chr

instructio, sed non est verum, quod omnis Christi actio sit nobis imitanda, id quod ex actionum Christi differentiis manifestum est. Sunt enim actiones Christi alie morales, alie miraculose, alie peculiare. Morales vitam ac mores nostros instruunt, est enim ipse perfectissimum virtutum exemplar. Miraculose, inter quas hoc ieiunium numero, mentem nostram de veritate doctrine Christi informant & confirmant. Peculiare seu piaculare sunt, quae ad redemptionis & expiationis beneficium pertinent: Haec salutis fiduciam in nobis fouebunt & alent. Atque ita omnis Christi actio est quidem nostra instructio, sed non omnis imitanda, sed tantum quae ad mores & vitam, iuxta legis decalogi praescriptum pertinent.

Licetne ergo ieiunium quadragesimale ieiunare? licet, modo seruentur in eo conditiones, quas supra dixi in sancto & Christiano ieiunio seruandas esse. Et sane aperte fateor isto tempore singulari sobrietate opus esse, ad meditandum beneficium redemptionis, quod tum solet in nostris Ecclesiis quotidie proponi in enarratione passionis Dominicae: sed coactio & necessitas abesse debent.

DE SECVNDO.

[Accedens ad eum tentator, &c.] In his Christi tentationibus videre licet: Primum, quanta sit audacia Sathanæ, & studium eius ad destruendum regnum Christi. Nam ne quidem filio Dei pepercit, sed

sed eum accedit, tentat, & quemadmodum regnum Dei in Paradiso inuasit, & superior est factus: Ita nouum paradysum, regnum Christi molitur destruere, ac eius regem telis tentationum adoritur. Deinde hic licet videre, quàm sit humiliatus filius Dei, ut non solum sit afflictus ieiunijs, verumetiam tentationibus Sathanae sit petitus.

Ceterum, ut nos hinc salutarem instructionem accipiamus, primum de tentationibus Christi dicam. Deinde quare sit tentatus. Postremò, quid nobis doctrinae & consolationis sit petendum ex tentationibus Christi.

In singulis tentationibus Christi, quæ tres hic numerantur, quatuor spectemus. 1. Quæ occasio. 2. tentationis modus. 3. tentationis finis. 4. modus victoriæ.

Quantum itaq; ad primam attinet tentationem, eius occasio hisce Euangelistæ verbis indicatur: [Et cum ieiunasset quadraginta diebus & quadraginta noctibus, postea esuriit.] Ecce qualem occasionem nactus est aduersarius. Christus ieiunat: parat se ad officium capeffendum, sed Sathan aliud molitur, & ex bono facto Christi, eius perdendi materiam captat. Hoc perpetuum Sathanae studium fuit, ut & benefactis sanctorum & peccatis abutatur illis in perniciem: sed nouit Deus qui sunt sui & potest eos è tentatione eripere.

Tentationis modus sequitur, ait enim tentator: [Si filius Dei es, dic ut lapides isti panes fiant.] Finis hu-

Q
nis huius t
culum fac
comprobo
tur Dom
go hæc te
filijs pro
præfente
Mod
[Script
omni ve
mus in
Sathana
sit perit
Christus
corporali
dictio diuina
enim: Come
autem hoc
in loco con
non erat pa
aquam de p
atq; omni
medio fami
suppeditat
mus in Ise
Christo. Ha
tempore m
Hæc promi
da est fide,

nis huius tentationis fuit, Christo persuadere periculum facere, an Deus miraculo suam diuinitatem comprobare vellet: quod si non faceret, ut suspicaretur Dominus se Deo curæ non esse. Pugnat ergo hæc tentatio cum prouidentia Dei, qua Deus suis filiis prouidet omnia, quæ sunt ipsis ad salutem & præsentem vitam necessaria.

Modus victoriæ sequitur: Cui respondens dixit: [Scriptum est, non in solo pane uiuit homo, sed in omni verbo quod procedit de ore Dei.] Hic videmus in verbo Dei victoriam esse sitam aduersus Sathanam. Sathan vult persuadere Christo, quod sit periturus nisi ex lapidibus panes faciat: sed Christus negat hominem viuere solo pane seu cibo corporali. Cibus enim non nutrit, nisi accedat benedictio diuina, à qua panis robor capit. Scriptum est enim: Comedent & non saturabuntur. Scripturam autem huc adductam à Christo habes Deut. 12. Quo in loco consolatur Moses populum in deserto, ubi non erat panis: Sed Deus Manna de cælo dedit & aquam de petra. Hanc promissionem Christus sibi atq; omnibus pijs applicat, significans fore, ut in medio famis Deus suis sit adfuturus & necessaria suppeditaturus. Huius promissionis exempla habemus in Israelitis, Helia, Elizeo, Mose, & hic in Christo. Huc illud Prophetæ: Non confundentur in tempore malo & in diebus famis saturabuntur. Hæc promissio, cum ad nos quoq; pertinet, arripienda est fide, & opponenda est Sathanæ, ne nos tentatione

tatione famis enertat. Atq; hæc de prima tentatione Christi & eius usu sint breuiter dicta, secunda sequitur.

Occasio secundæ tentationis hisce verbis describitur: [Tunc assumpsit eum Diabolus in sanctam ciuitatem & statuit eum supra pinnaculum templi.] Ecce occasionem, ecce artificium Sathanæ, qui ex re qualibet perdendi materiam petit.

Modus tentationis additur: [Si filius Dei es, mitte te deorsum: scriptum est enim, Angelis suis mandabit de te, & in manibus tollent te, ne forte offendas ad lapidem pedem tuum.] Finis, vt Christus tentaret aliquid contra vocationem, ac ita in se iram Dei prouocaret, quemadmodum primi parentes fecerunt. Nam postquam vidit malignus iste, quod Christus scriptura se erigit, conatur scripturam mendacijs suis inuoluere. Psalmus ille, quem citat Sathan, loquitur de prouidentia Dei, quod velit Deus quemlibet pium in suis vijs, hoc est, in suo vitæ genere & vocatione legitima conseruare: non præcipit, vt aliquid temerariè faciamus contra vocationem. Sed quomodo Christus hoc Sathanæ telum ignitum extinxit? Verbo. ait enim. Rursus est scriptum: Non tentabis Dominum Deum tuum. Hæc habemus Deu. 6. vbi tentare Deum significat aliquid audere per diffidentiam siue in rebus prosperis siue aduersis: quare talis tentatio aduersatur fidei et Dei timori. Qui enim in reb. prosperis securus viuunt et deponit timorem Dei, is certè tentat Deum
contra

contra prim
succumbit.
etiam tent
missiones.
tur foris
tentand
populus
temur, et
sibus on
fortiter
minum
Tertia
[Iterum
sum valde
riam illor
cruce Christi
mundi propon
ruat contra
dabo tibi, si
Christus fier
nem victoria
Sathanam, q
nores. Deinde
cens: [Scriptu
bis, & illi
Deut. 6. in
Præcipit ei
ei seruiam
bulam: Pro

contra primum præceptū: rursus qui in calamitosis succumbit, quasi Deus nullam nostri curam gereret, etiam tentat Deum vocando in dubium eius promissiones, Ecclesia hodie vexatur cruce, & experitur foris pugnam et intus terrorem, hic certè non est tentandus Deus: non est dicendum, si sumus eius populus: si verum est hoc Euangelium quod profitemur, cur ergo non hoc tempore nos iuuat? cur hostibus omnia tam prosperè succedere permittit? hic fortiter cum Christo dicamus, Non tentabis Dominum Deum tuum. Sequitur tertia tentatio.

Tertiae tentationis occasio hisce verbis indicatur: [Iterum assumpsit eum Diabolus in montem excelsum valde, & ostendit ei omnia regna mundi, et gloriam illorum.] Vide, in prima tentatione abusus est cruce Christi ad ipsum tentandum: nunc illi regna mundi proponit, ut illorum gloria perstringatur ac ruat contra Deum. Tentatio hæc est: [Hæc omnia dabo tibi, si cadens adoraueris me.] Finis fuit, ut Christus fieret idololatra: sed contra hanc tentationem victoria potitur Dominus, primum repellendo Sathanam, qui ausus est sibi arrogare diuinos honores. Deinde perfodiendo ipsum gladio Dei, dicens: [Scriptum est: Dominum Deum tuum adorabis, & illi soli seruias.] Hæc scriptura habetur Deut. 6. in qua duo sunt: præceptio & prohibitio. Præcipit enim, ut vnum Deum adoremus, & ei seruiamus diuinis cultibus iuxta primam tabulam: Prohibet ne ullis creaturis istum honorem tribua-

tribuamus, siue Diabolis, siue hominibus, siue Angelis. Sit hæc regula nobis perpetuò in conspectu aduersus omnes Papistarum dolos.

Sed cur tentatus est Christus? 1. Ut nos tentati sciamus nos habere pontificem per omnia tentatum. Deinde, ut nos eius exemplum erudiat, ne sinamus Diabolum ullis rebus nos auocare à vero timore Dei. Cum ergo vult nobis persuadere, quòd non simus Deo curæ, quando premimur cruce & multis ærumnis, respiciamus ad filium Dei, & gladio, quo ipse usus est, reprimamus hostem. Cum nos sollicitat, ut aliquid tentemus contra vocationem, vnde coniici possumus in salutis & vitæ discrimen, opponamus gladium Dei. Cum magnis præmijs nos inuitat ad idololatriam, caueamus ne istis hamis nos in nassam damnationis pertrahat. Breuiter in tota vita laboremus, ut crescamus in vera Dei cognitione, & muniamur aduersus Sathanam præsentia filij Dei, Cui victori nostro vna cum patre & spiritu sancto sit gloria in sæcula, A M E N.

DOMINICA SECUNDA IN QUADRAGESIMA MA EVANGELIUM MATT. 15.

ET digressus illinc Iesus, secessit in partes Tyri & Sidonis. Et ecce mulier Cananæ, quæ à finibus illis venerat, clamabat ad illum, dicens: Miserere mei Domine fili

filii David
tur. Ille v
cedentes
Dimitte
sponden
perditas
adorau
At ille
mere p
autem
telli ed
minoru
xit illi
cut vis,

EN

Hoc eni
net, ex
gentes recipi
pit & inu
apud Dom
Petrus ait:
sonarum acc
met Domini
illi. Est au
ut omnes
quicunq;
uocant per
recipiantur
decreti exer

filii David : filia mea misere à Dæmonio agitur. Ille vero non respondit ei verbum. Et accedentes discipuli eius, rogabant illū, dicentes: Dimitte illam, nam clamat post nos. At ille respondens, dixit : non sum missus nisi ad oves perditas domus Israeliticæ. Illa vero venit & adoravit eum, dicens : Domine succurre mihi. At ille respondens, dixit: Non est honestum sumere panem filiorum, & obijcere catellis. Hæc autem respondit : Certe Domine, etenim catelli edunt de micis, quæ cadunt de mensa dominorum suorum. Tunc respondens Iesus, dixit illi: ô mulier magna est fides tua, fiat tibi sicut vis, & sanata fuit filia eius ex eo tempore.

ENARRATIO TEXTVS.

HOc Euangelium ad nos gentes præcipuè pertinet, exemplum enim huius mulieris Ethnicæ, gentes recipi docet. Nam ut eam inuocantem recepit & inuit: ita nos quoq; vult recipere. Non enim apud Dominum est acceptio personarum, ut & Petrus ait: In veritate comperio, quod non sit personarum acceptor Deus : sed in omni gente, qui timet Dominum & operatur iusticiam acceptus est illi. Est autem hoc immotum decretum Dei, quod ut omnes impænitentes abijciat & damnet: Ita quicumq; agunt pænitentiam, & ex fide Deum inuocant per mediatorem vnicum Iesum Christum recipiantur, & sola bonitate Dei saluentur. Cuius decreti exemplum videmus in hac muliere quæ sub

P cruce

cruce inuocat, exauditur, & fide iustificata saluatur, Iuxta illud Iohelis. Omnis qui inuocauerit nomen Domini saluus erit, Loci tres:

- I. Quæ vera & salutaris pœnitentia.
- II. Cur Christus hanc mulierem repulerit.
- III. Viua imago veræ Ecclesiæ.

DE PRIMO.

Omnino necessarium est rectè doceri homines de vera pœnitentia, ea enim nisi adfuerit, nemo saluari potest: ideo dicam clarè & distinctè quid sit salutaris pœnitentia: quomodo fiat: & quibus absoluetur partibus.

Christiana & salutaris pœnitentia absq; omni dubio, est conuersio hominis ad Deum, vt fiat noua creatura iuxta ipsius voluntatem, quantum fieri potest in hac infirmitate, viuens. Vel vt clarius dicam, salutaris pœnitentia est verus dolor de offensa Dei, cum voto ac spe veniæ propter victimam filij Dei, & voluntate singulariq; studio omne posthac peccatum vitandi, Deoq; totam vitam posthac approbandi.

Hanc esse veram definitionem salutaris pœnitentiæ vnico Ezechielis testimonio ostendi potest. Hic enim Propheta cap. 18. ita ait? Conuertimini & agite pœnitentiam ab omnibus iniquitatibus vestris, & non erit vobis in ruinam iniquitas: proijcite à vobis omnes iniquitates vestras, & facite vobis cor nouum & spiritum nouum.

Hoc

Hoc test
nitatio ad
niet ad m
promissio
tium est
tentiam
ijcite à v
et odium
Deum, f
uerit po
habemus
vobis co
creatura
Hinc comp
fit dolor v
nis, ardente
Deo in poster
illustri exen
rendum la
nitentiam
sam. Prima
magnam mi
am miseriam
& agnoscent
tum ac sp
ducia. Qu
fides, qua
tis verbis i
mo: Spiritu

Hoc testimonio tria continentur: Primum est invitatio ad pœnitentiam. Nemo, inquit Dominus, veniet ad me, nisi quem pater traxerit. Secundum est promissio: non erit vobis in ruinam iniquitas. Tertium est pœnitentiæ descriptio: Agite, inquit, pœnitentiam: Vult nos ergo dolere de offensa Dei. Projicite à vobis omnes iniquitates vestras: ergo fugam et odium peccati requirit. Cum ait, Convertimini ad Deum, fidem requirit, sine qua nemo ad Deum converti potest: fide enim, ut inquit Paulus, accessum habemus ad Deum. Præterea cum additur, Facite vobis cor novum et spiritum novum, ut nova simus creatura, postulat, iuxta Dei voluntatem, viuentes. Hinc conficitur quod vera & salutaris pœnitentia sit dolor verus de offensa Dei, cum voto ac spe veniæ, ardentiq; studio omne peccatum vitandi, ac Deo in posterum totam vitam approbandi. Hoc in illustri exemplo clarius videamus. David post horrendum lapsum in adulterium & homicidium, pœnitentiam agit iuxta formam in Psalmo expressam. Primum ait: Miserere mei Deus secundum magnam misericordiam tuam. Hic & dolet ob fixam miseriam, quod Deum adeo indigne offenderit, & agnoscit DEVM misericordem: vnde votum ac spes in eo extitit, ac vix in Messiam fiducia. Quantus autem fuerit dolor, quantaque fides, qua superavit dolorem, idem Psalmus multis verbis indicat. Cum autem addit in eodem Psalmo: Spiritum novum crea in visceribus meis, se no-

uam creaturam fieri optat. Huiusmodi multa sunt exempla: vt Adam, Manassis, Petri, latronis, Magdalene, &c. quæ nos cogitare oportet, vt illorum exemplo & erudiamur de vera pœnitentia, & seriam pœnitentiam cum illis agamus.

Etsi autem ex ijs, quæ diximus, mediocriter intelligi potest, quomodo fiat vera pœnitentia: tamen illud distinctius declarare volo. Nihil enim homini magis necessarium est, quàm vt vera pœnitentia reconcilietur Deo & saluetur. Vt igitur sciamus quomodo vera pœnitentia agatur, obseruanda sunt septem puncta.

1. Noticia Dei requirentis obedientiam. Hæc sumitur ex decalogo: Ego sum Dominus Deus tuus qui eduxite te de terra Aegypti, &c. Hic requirit Deus agnitionem sui: deinde sequitur, qualem obedientiam postulet: Non habebis Deos alienos coram me. Tertio comminationes additæ testantur, quòd damnet inobedientiam: Visitans (ait) iniquitatem patrum in filios, in tertiam & quartam generationem. Postremo etiam de Deo sciendum est, quòd sit misericors, secundum vocem Euangelij. Antequam igitur ad veram pœnitentiam pateat aditus, requiritur noticia Dei requirentis obedientiam, iudicantis & damnantis serio inobedientiam & rursus misentis & recipientis peccatores in gratiam propter mediatorem.

2. Hanc noticiam sequi debet examen factorum nostrorum ad legem Dei, & singula præcepta seorsim

sim sunt considerata. Primum ergo in hoc examine vide, an Deum habeas cui soli fidas, an ipsum timeas, an ames, an totis viribus colas, an ipsius nomen sit tibi sacrosanctum, an ipsum prædices, celebres, inuoces, quemadmodum primæ tabulæ præcepta præcipiunt. Ad eundem modum examen instituendum est, in secunda tabula de proximo, &c. Ex hoc examine venies in cognitionem tuæ turpitudinis, & iustæ damnationis propter Dei offensam: huiusmodi examen à nobis requirit, quoties scriptura nos hortatur ad pœnitentiam.

3. Hoc examine inito ex agnitione peccati, & iudicii Dei oritur vehemens pavor in conscientia, quem pauorem augment circumstantiæ iudicii Dei, quæ sunt præsentès calamitates, tyrannis Diaboli, infernales pœnæ, mors æterna & damnatio.

4. In hoc ingenti pauore, nisi fides succurreret, infiniti homines perirent. Nam in hoc pauore, ex contemplatione misericordiæ Dei promissæ propter Christum, concipitur fiducia remissionis peccatorum. Atq; ita homo tanquam ex inferno eluctatur & apprehendit manum filij Dei, qui se ex inferno eripit. Hic mens promissiones Dei cogitat, intuetur filium Dei pendentem in cruce pro tuis & meis peccatis: Audit vocem Iohelis consolatione plenissimam: Conuertimini ad Dominum Deum vestrum, quia graciosus & misericors est, tardus ad iram & velox ad pietatem & parcens super malitia.

litia. Harum promissionum exempla considerentur
ut nos istis confirmemur.

5. Cognita hac Dei misericordia peccator concipit spem veniæ, & incipit palam suum deplorare peccatum, confitetur Deo suam turpitudinem & confugit seria oratione & ardenti corde ad misericordiam Dei.

6. Qui hoc pacto per hos gradus ascendit : Primum agnoscens Deum, ipsius iudicium & misericordiam sicuti iam expositum est, is hac fiducia absoluitur à peccato suo, & iustificatur coram Deo, non sua iusticia, sed Christi, quæ omni credenti imputatur : Nam vera nostri iustificatio, est credentis personæ in Christum absolutio à peccato, imputatio iusticiæ Christi, & acceptatio ad vitam æternam gratis propter Christum.

7. Iustificatus fide & adoptatus in filium & regeneratus agit gratias Deo, celebrat Deum & totam vitam in posterum emendat.

Verum ut hæc clarius à nobis intelligi possint, proponam exemplum salutaris pœnitentiæ, de qua audistis, & sumam Manassæ regem Iuda, in cuius pœnitentia salutaris hæc omnia conspiciuntur, quemadmodum in ipsius oratione apparet.

PRIMUM enim cum inquit, Domine omnipotens Deus Patrum nostrorum Abraham & Isaac & Iacob, quem omnes paudent & tremunt à vultu virtutis tuæ, & insustentabilis est ira comminationis tuæ super peccatores, immensa vero & imperue-

imperuestigabilis misericordia promissionis tuæ, quoniam tu es Dominus altissimus, graciosus, misericors & multum miserens & pœnitens super malitias hominum.

In his verbis Manassis, est 1. Agnitio Dei. 2. debite obedientie testificatio. 3. Iudicij diuini in peccatores confessio. 4. Misericordie noticia & prædicatio.

DE INDE secundum sequitur, videlicet examen factorum Manassis ad normam legis, ita enim ait: Peccaui super numerum arenæ maris, multiplicatae sunt iniquitates meae Domine.

TERTIO, quantus pauor fuerit in corde ipsius ostendit, cum ait: & non sum dignus intueri & aspicere altitudinem cæli præ multitudine iniquitatum mearum.

QUARTO in his pauoribus erigit se cogitatione misericordie, & ait: Et nunc flecto genua cordis mei precans ad te Domine, qui promisti pœnitentiam & remissionem peccatorum, qui peccauerunt tibi.

QVINTO sequitur veniæ precatio: Quare peto rogans te: Remitte mihi Domine, remitte mihi, & ne simul perdas me cum iniquitatibus meis, neq; in æternum iratus reserues mala mihi, quia tu Deus, Deus, inquam, pœnitentium, & in me ostendas omnem bonitatem tuam.

SEXTO, hæc precatu statuit se exauditum & iustificatum, quare & addit: Quia indignum saluabis me secundum magnam misericordiam tuam.

P 4 Hic

Hic Manasses iustus fide factus, noua est creatura.

SEPTIMO, hanc gratuitam iustificationem sequitur emendatio in tota vita. Unde sequitur in ipsius oratione: *Et laudabo te semper omnibus diebus vitæ meæ, quoniam te laudat omnis virtus cælorum, & tibi est gloria in sæcula sæculorum, Amen.*

Hanc rationem agendi pœnitentiam omnes sancti semper sunt secuti. Dauid agnoscit Deum, agnoscit iudicium Dei, agnoscit misericordiam, suum factum examinat, pauet ob peccatum, erigit se fiducia misericordie, precatur veniam, iustificatur fide, iustificatus Deum celebrat. Hæc in Psalmo 51. conspiciuntur.

Audiuimus quid sit pœnitentia, & quomodo fiat, iam quæ sunt eius capitales partes tenendum est, & numerantur tres, quæ sunt contritio, fides, & noua vita.

Ad contritionem requiruntur prima tria, quæ sunt agnitio Dei, examen facti & pauor conscientie ob peccatum.

Ad fidem tria proxima, cogitatio misericordie, petitio veniæ & iustificatio.

Ad nouam vitam requiritur vltimum, quod in cordis, oris, & vitæ institutione secundum legem Dei consistit.

DE SECVNDO.

Scribitur in hoc Euangelio, quòd Christus repulerit

lerit hanc mulierem. Quare hoc facit? quare dicit se tantum missum esse ad oves quæ perierunt de domo Israel? An non idem Dominus est, qui dicit. Venite ad me omnes, qui laboratis & onerati estis? &c. Respondeo: Dominus hoc fecit non sine magnis causis. 1. Hoc fecit ut mulieris fides hac mora exerceretur & cresceret. 2. Ut esset exemplum pietatis aduersus pertinaces Iudæos, qui Christum contempserunt. 3. Ut ostenderet Dominus se velle vinci à nobis assiduitate precumstrarum. 4. Ut hoc exemplo doceret præsentis spectatores veram pietatis indolem. Sed Dominus aliam causam assignat, cur hanc mulierem repulerit: dicit enim, [Non sum missus nisi ad oves quæ perierunt de domo Israel.] Respondeo: Hoc non dicit Christus quasi negaret gentibus accessum ad gratiam suam. Fuit enim illa mulier gentilis, sed aliæ causæ sunt. 1. Vult hic notare obstinatum malitiam & ingratitude Iudæorum qui Christum peculiariter ad se missum non agnouerunt. 2. Quod verbum Dei ipse Christus ante mortem suam prædicaret Iudæis, qui post mortem daret mandatum prædicandi gentibus. Nam Dominus prohibuerat prædicari Euangelium inter gentes ante suam mortem. Verum postea cum à morte excitatus esset, dedit hoc mandatum Apostolis: *Ite in mundum vniuersum & prædicate Euangelium omni creaturæ, &c.* Hoc mandatum manifeste ostendit, quod Christi beneficia ad Iudæos & gentes pertineant, hoc est, quod omnes ex Iudæis &

gentibus qui Christum recipiunt, & veram pœnitentiam agunt, sint participes beneficiorum Christi, ita vt ipsius sanguine omnia illorum peccata sint abolita, & tandem in extremo die surgant ad beatam immortalitatem & vitam æternam. Verum qui Christum recipere recusant, viuentes absq; pœnitentia, illi absq; misericordia æternis pœnis cum diabolo punientur: Nam sic vt Dominus fuit, est & erit misericors omnibus agentibus pœnitentiam absq; omni conditione personarum: ita fuit, est & erit implacabilis iudex eorum, qui pœnitentiam non agunt, non moratur siue simus reges, siue nobiles, siue ciues, siue rustici.

DE TERTIO.

Pulcherrima imago Ecclesiæ Christi, & singulorum membrorum describitur in hac Cananea muliere. Primum enim quemadmodum hæc Cananea mulier obruitur calamitate: ita & tota Ecclesia & singula eius membra. Hinc Paulus: Omnes qui volunt piè viuere in Christo persecutionem patiantur. Hoc Christus docet cum iubet nos tollere iugum suum. Vult enim nos Deus fieri conformes suo filio in afflictionibus & ærumnis, qui olim sumus illi futuri conformes in gloria, Rom. 8. 2. Ecclesia in his calamitatibus orat opem, nam nullum aliud asylum habet Ecclesia, quam orationem ad Deum, qua impetratur auxilium. 3. Christus videtur auertere aurem, dum non statim impetramus quæ volumus.

lumen. 4.
nit precar
trauerit
Por
scant b
1. 7
hoc est
2. 1
3 S
emplo:
men pi
propter
plosora
4 A
lem, qui
saturetur,
5. Futur
dit, quæ pi
est: tanta
gloria in
D O
TERTI
E
E Ter
mut
locu
bæ.

lumen. 4. Ecclesia exemplo huius mulieris non desinit precari, sed perseverabit in oratione donec impetruerit quod petit.

Porro singula membra Ecclesiæ hinc quod discant habent.

1. *Unusquisq; nostrum se agnoscat Cananæum, hoc est, impium & indignum gratia Dei.*

2. *Clamet cum hac muliere, miserere, miserere.*

3. *Si tentaris, persiste tamen huius mulieris exemplo: si non hodie aut cras te exaudierit, tuæ tamen preces non erunt inanes, sed verè exaudientur propter Christum, si ex fide, huius mulieris exemplo, oraueris.*

4. *Agnosce te canem cum hac muliere: sed talem, qui ex micis cadentibus de mensa Domini sui saturetur, ideoq; in oratione persistito.*

5. *Futurum est & tibi, quod huic mulieri accidit, quæ prius canis dicebatur, mox pro filia agnita est: tanta est misericordia Domini, Cui honor & gloria in secula seculorum, A M E N.*

DOMINICA

TERTIA IN QVADRAGESIMA,

EVANGELIUM LUCÆ II.

ET erat eijciens dæmonium, & illud erat mutum, cumque eiecisset dæmonium, locutus est mutus, & admiratæ sunt turbæ. Quidam autem ex eis dixerunt: per Beelze-

Beelzebub principem dæmoniorum eijcit dæmonia. Et alij tentantes, signum de cælo quærebant ab eo. Ipse autem cum sciret cogitationes eorum, dixit eis : Omne regnum aduersus seipsum diuisum, desolatur, & domus supra domum cadit. Quod si Sathanas quoq; aduersus seipsum diuisus est, quomodo stabit regnum eius? quia dicitis : per Beelzebub me eijcere dæmonia. Quod si ego Beelzebub præsidio eijcio dæmonia, filij vestri cuius præsidio eijciunt? ideo ipsi iudices vestri erunt. Porro si digito Dei eijcio dæmonia, profecto peruenit ad vos regnum Dei. Cum fortis armatus custodit atrium suum, in pace sunt ea quæ possidet. Vbi vero fortior eo superueniens, vicerit eum, vniuersa arma eius aufert in quibus confidebat, & spolia eius distribuit. Qui non est mecum contra me est, & qui non colligit mecum, dispergit. Cum immundus spiritus exierit ab homine, ambulat per loca arentia, quærens requiem, & non inueniens, dicit : Reuertar in domum meam vnde exiui. Et cum venerit, inuenit eam scopis mundatam atq; ornatam, tunc vadit, & assumit septem alios spiritus secum, nequiores ipso, & ingressi habitant ibi, & fiunt extrema hominis illius peiora primis. Factum est autem cum hæc diceret, extollens vocem quædam mulier de turba, dixit illi : Beatus venter qui te portauit, & vbera quæ suxisti. At ille dixit : Quinimo : Beati qui audiunt sermonem Dei, & custodiunt illum.

ENAR-

EN
H
pferit h
regnum
est, quo
teret ca
cum a
Diabol
cipit, p
nitur.
se Chri
obfessum
primum
de se ip
humani ge
hic ingrat
impy Iuda
mò in fin
Christo oca
nem. Nam
te portauit
unt verbum

I.

II.

HOC Euangelium, dilecti, clarè ostendit, cur Christus venerit in hunc mundum, & assumpserit humanam naturam, nimirum ut & nouum regnum inchoaret, & regnum Diaboli aboleret, hoc est, quod Deus dicit Genes. 3. Semen mulieris conteret caput serpentis, quod Iohannes interpretatur, cum ait: Christus apparuit, ut destrueret opera Diaboli, hoc est, regnum Diaboli, quod à peccato incipit, peccato edificatur, damnatione æterna absoluitur. Huius Sathanae regni destructorem declarat se Christus in hoc Euangelio, dum liberat hominem obsessum à Diabolo. Nam cum Diabolum expellit, primum significat se potentiorē diabolo esse. Deinde se ipsius hostem declarat. Tum signo ostenditur hinc ingratitudo mundi erga suum saluatorem, cum impij Iudæi adscribunt Sathanae opera Dei. Postremo in fine huius Euangelij, mulier clamans dat Christo occasionem monstrandi veram beatitudinem. Nam dum mulier clamat: Beatus venter qui te portauit, Is respondet: Quinimo beati qui audiunt verbum Dei, & custodiunt illud.

Loci quatuor:

- I. Differentia regni Sathanae & regni Christi
- II. Contentio inter Iudæos & Christum, in qua Iudæi reprehendunt Christi factum, ipse vero illud defendit.

III. Quid

III. *Quid futurum sit illis, qui Christum
receptum rursus reijciunt obtempe-
rantes Sathana.*

IIII. *Quæ sit vera beatitudo & felicitas.*

DE PRIMO.

[*Erat Iesus eijciens demonium.*] Hæc verba
apertè testantur duo diuersa esse regna Christi &
Sathana, & esse maximam differentiam inter hæc
duo diuersa regna, adeo vt nunquam inter ea con-
uenire possit. Cum ergo diabolus & Christus sunt
duo potentissimi diuersorum regnorum reges, de
vtroq; dicemus, vt intelligatur quantum mali est
in Sathana regno, & quantum boni & felicitatis
in Iesu Christi salutari regno.

De Diabolo hæc quatuor puncta considerata
sunt: 1. Quis sit. 2. Quid faciat. 3. Cur faciat. 4. Cur
Deus permittat vt faciat.

Quis ergo est? Quantum ad naturam, est creatu-
ra Dei sicuti Angeli Dei: quantum ad studium &
peruersitatem, quam ex se habet, est mendax, la-
tro, fur: qui perpetuo homicidio & mendacio gau-
det & nihil magis expetit, quam humani generis
aternum interitum. Quod talis sit Diabolus, docet
fraus eius, qua primos homines decepit.

Quid facit Diabolus? Videmus in hoc Euange-
lio, quod hunc miserum hominem reddat cæcum &
mutum. Considera, quæso, hic Diaboli crudelem ty-
rannidem aduersus hunc miserum. 1. Aures obtu-
rat illi.

rat illi. Qu
pit? Quia
esse, verb
auditu
Euange
Dei in s
bum in
sine fide
cari. Ne
manet j
fiteatur
minem
Paulus
ore fit co
rum cæcu
Dei enarra
cum ait: Cæ
annunciat
huic miser
Quare
natus est, e
Christi tant
possit. 3. Q
nus inflam
ternum dan
bolus, vt le
Sed cur
mines vexe
ruimus, qui

rat illi. Quare? ne verbum Dei audiat. Cur hoc cupit? Quia scit Diabolus primum gradum in cælum esse, verbum Dei audire. Nemo enim adultus sine auditu verbi Dei vnquam salutem consecutus est. Euangelium enim, vt inquit Paulus, est potentia Dei in salutem omni credenti. 2. Cor obsidet, ne verbum in eo locum habeat. Quare hoc facit? Quia scit sine fide, quæ ex verbi auditu est, neminem iustificari. Nam, vt Christus dicit, qui non credit, ira Dei manet super eum. 3. Reddit mutum. Quare? ne confiteatur Christum suum saluatorem, nam scit neminem saluum fieri sine oris confessione: sic enim Paulus Roma. 10. ait: Corde creditur ad iusticiam ore fit confessio ad salutem. 4. Reddit hunc miserum cæcum ne videat. Quare? Ne videat opera Dei enarrantia gloriam Dei, vt David testatur cum ait: Cæli enarrant gloriam Dei, & opera eius annunciat firmamentum. Ecce occludit Sathan huic misero homini omnes vias salutis.

Quare hoc facit iste malignus? 1. Quia ipse damnatus est, & nullam salutis spem habet. 2. Odio Christi tanto laborat, quod ipsius regnum ferre non possit. 3. Odio implacabili, aduersus humanum genus inflammatur, adeo vt cupiat omnes secum æternum damnari. Ideo Petrus inquit, 1. Pet. 5. Diabolus, vt leo rugiens circumit, querens quæ deuoret.

Sed cur Deus hoc permittit Sathanæ, vt ita homines vexet? 1. Hanc pœnam nostro peccato meruimus, quicquid enim mali nobis acciderit, nobis
ipsis

ipsis adscribemus, & causam in nobis ipsis quæremus. 2. Deus hoc permittit, ut intelligamus quanta sint beneficia Christi erga Ecclesiam. Nemo enim melius intelligit libertatis aut sanitatis commoda, quam qui aliquando carceris mala & morbi molestias expertus est. 3. Ut Christum inuocemus contra diabolum, qui solus eum superare potest. 4. Ut fide nos aduersus illum muniamus iuxta illud: Cui fortes resistite in fide. Est enim fides victoria mundi, ut ait Iohannes: Hæc est victoria quæ vincit mundum, fides vestra. 5. Ut præsentia Christi liberati à Sathane tyrannide, & agnoscamus Christum in nobis habitare iuxta illud, I. Reg. 17. Ut sciat omnis terra quod sit Deus in Israel, id est, in Ecclesia, & Deum prædicemus qui nos liberat.

De Diabolo audiuius, quis sit, quid faciat, cur Ecclesie exitio studeat, & cur id Deus permittat: Nunc de rege Christo audiamus, de quo dicam, quis sit, quid faciat, & cur faciat.

Quis est Christus? Deus & homo, à patre ante sæcula natus, æternus Deus cum æterno Patre & Spiritu sancto, quemadmodum in symbolo confitemur: descendit de cælo propter nostram salutem, & assumpsit humanam naturam, ut sua morte liberaret nos ab æterna morte & supplicio.

Quid facit? Hoc docet nos præsens Euangelium. 1. Aperit huic surdo aures: Deinde eijcit ex illo diabolum: soluit linguam, ut loqui possit: oculos quoque aperit. Hoc ipsum quotidie facit in sua Ecclesia. 1. Aperit

Aperit au
tur libent
apertas
benter,
tas esse
endum
aperit.
mus: n
opus D
tis in e
diabolu
dus est
guam;
inuoces.

Cur au
hominu
mo concept
Quia est
hostis sui
spoliet, ac
Ex his
ter regnu
peccatum
vita. In re
Christi est
gno Sath
perpetua. I
Christi est
Diabolus ca

Aperit aures, ut audiamus verbum. Quicumque igitur libenter audit verbum Dei, sciat aures suas apertas esse: & qui contra non audit verbum libenter, sciat suas aures adhuc à Sathana obturatas esse. Quare qui nondum habet aures ad audiendum verbum, confugiat ad Christum, qui solus aperit. 2. Cor à Diabolo liberat, ut credere possimus: nam Iohannis 6. docet Christus, quod fides sit opus Dei, ita enim ait: hoc est opus Dei, ut credatis in eum quem ipse misit. Si ergo non credis, adhuc diabolus occupat cor tuum: quare Christus adeundus est qui solus eum superare potest. 3. soluit linguam, ut iam ore etiam confitearis, prædices & inuoces.

Cur autem hoc facit Christus? 1. Quia est amans hominum, quorum naturam assumpsit, quando homo conceptus & natus est ex Maria virgine. 2. Quia est hostis Diaboli. 3. Quia officium eius est, ut hostis sui Diaboli regnum inuadat, ipsum hostem spoliet, ac omnes in se credentes donet vita æterna.

Ex his iam apparet quantum sit discriminis inter regnum Diaboli & Christi. In regno Diaboli est peccatum & mors: In regno Christi est iusticia & vita. In regno Sathane est damnatio: In regno Christi est absolutio à damnatione & salus. In regno Sathane sunt tenebræ: In regno Christi est lux perpetua. In regno Sathane est cruciatus: in regno Christi est gaudium: In regno Sathane conspicitur Diabolus cum damnatis omnibus: In regno Christi

Q sancti

sancti fruuntur conspectu Dei & immortalitatis gloria, per Christum Iesum. Hinc ergo admoneamur & quanto cum studio fugiendum sit regnum Sathane, & quanta diligentia conandum sit, ut ciues constituamur beati regni Christi.

DE SECVNDO.

Iudæi videntes hoc factum Christi, tanquam legati Sathane, se totis viribus Christo opponunt, & dicunt: In Beelzebub principe demoniorum eicit demonia. Vide quanta sit mundi malitia. Dei opus diabolo adscribit, quo in peccatis suis moriatur. Quis mortalium tanta insania insurgeret aduersum Christum, nisi spiritu Sathane excitaretur? Verum Christus illam contumeliam Dei nequaquam fert, sed fortissimis argumentis istam Diabolicam contumeliam confutat.

PRIMUM argumentum: Nemo potest per vnum Diabolum alium eicere. Ergo vos improbe asseritis me in nomine Beelzebub eicere demonia. Nam si vnus Diabolus alij diabolo vim faceret, et eum eiceret, non esset stabile regnum diaboli. Nunc autem videmus regnum Sathane maxime stabile & firmum esse. Nam omne regnum contra se diuisum desolabitur. Ubicunq; enim est discordia, ibi certus expectandus est interitus.

SECVNDVM argumentum est: Si ego in nomine Beelzebub eicio demonia, vestri quoq; filij in eodem nomine eijciunt demonia. Sed hoc, vestro ipsorum

forum iudicio, est falsum. Nam vos Dei virtute illos demonia eijcere fatemini: Quare improbe facitis, cum me demonia in nomine Beelzebub eijcere asseri is.

TERTIVM argumentum: In digito Dei, id est, potentia diuina eijcio demonia, ergo falso diabolo adscribitis opus meum.

QVARTVM argumentum: Fortis à fortiori superatur, diabolus à me superatur. Nam illum eijcio, illius spolia capio, igitur sum illo fortior. [Cum fortis armatus custodit atrium suum, in pace sunt ea quæ possidet.] Quis est ille fortis armatus? Serpens antiquus. Custodit atrium suum, dum habitat in incredulis, dum hominum sensus excæcat, ne Christum agnoscant: atq; tum omnia quæ possidet, sunt in pace, quando scilicet silet verbum Dei, & sonant humanæ traditiones. Verum quum gladius stringitur, quod est verbum Dei, mox diabolus cogitur cedere. Nam Christus, qui in verbo est, potentior est Sathana.

QVINTVM argumentum: [Qui non est mecum, contra me est, & qui non colligit mecum, dissipat.] hoc est, Diabolus dissipat Ecclesiam, & ego colligo Ecclesiam, ergo inter me & Diabolum non conuenit. Quod autem Diabolus dissipet Ecclesiam, probat pulcherrima similitudine.

DE TERTIO.

[Cum immundus spiritus exierit de homine,] hoc

Q 2 est,

est, cum Diabolus, qui & ipse immundus est, & animos hominum coinquinare multis modis solet, exierit de homine, quemadmodum iam de misero hoc qui obsessus erat, mea virtute eiectus est: Quid tum facit? [Ambulat per loca inaquosa, quærens requiem, & non inueniens, dicit: Reuertar in domum meam vnde exiui.] Ambulat per loca inaquosa, id est, per corda non irrigata flumine spiritus sancti. Quid est quod quærat requiem, & non inueniat? Hoc dicto significatur eius studium, non enim satis est ei nocuisse, nisi magis noceat. Tanto perdendi homines studio laborat, non contentus est multa corda possidere, nisi ad ea redeat, à quibus antea expulsus: vnde dicit: [Reuertar in domum meam vnde exiui.] His verbis significatur, quod non sinat intentatos eos, qui fide purgati sunt, sed conetur rursus in eorum corda intrare, quò eos à regno Christi abducatur: quod cum fit, fiunt nouissima hominis illius peiora prioribus, quia fit de nouo hostis Christi, expellit Spiritum sanctum, & grauiores pœnas luet, nisi rursus per veram pœnitentiam eiecerit Diabolum. Obseruemus ergo quàm periculosum sit ijs, qui semel Christo dederunt nomina, & rursus se iugo Diaboli subiiciunt. Hi enim vt grauissimè in Spiritum sanctum peccant: Ita etiam grauissimæ pœnæ sunt ipsis metuendæ. Quare qui salutis suæ vlla tanguntur cura, citò resipiscant, & strenuè aduersus Sathanam militent, ne eos rursus in peccatorum diluuium præcipitet.

DE

[Fact
quedam
&c. At
bum D
nemus
Quidam
mulier.
contra
cipio m
bum co
reliquu
remia
runt cum
redire m
Quando fa
fuerunt no
&c. Ad
Missas au
runt in m
que charit
pro suo be
tius volun
volumus
omissis au
unt verbu
verba sun
nem.

Quodna

DE QVARTO.

[Factum est cum hæc diceret, extollens vocem quædam mulier de turba dixit illi: Beatus venter, &c. At ille dixit: Quinimo, Beati qui audiunt verbum Dei, & custodiunt illud.] Hic primum observemus diversa hominum iudicia de verbo Dei. Quidam admirantur & amant verbum, ut hæc mulier. Quidam malè loquuntur de verbo, ut illi, contra quos hic Christus agit. Nam semper à principio mundi fuerunt tales auditores verbi. Cain verbum contempsit: Abel amavit. Nohe amavit, & reliquus totus mundus contempsit. Tempore Hieremiæ paucissimi verbum Prophetarum, receperunt cum fructu: plerique ad veterem idololatriam redire maluerunt. Hinc apud Ieremiam dicunt: Quando sacrificamus reginæ cæli (id est, soli) omnia fuerunt nobis prospera: Abundauimus frumento &c. Ad eundem modum nostri dicunt: quando Missas audiimus, dedimus Monachis, omnia fuerunt in meliori precio, maior erat timor Dei maiorque charitas. Hanc gratiam refert mundus Deo pro suo beneficio. Dat nobis verbum salutis: nos potius volumus humana somnia. Offert gratis: nos volumus Monachorum nugis mereri. Sed istis omisissis audiamus Christum: Beati inquit, qui audiunt verbum Dei & custodiunt illud. Hæc pauca verba sunt & habent additam magnam promissionem.

Quodnam est illud verbum Dei? Aliud esse non

Q 3 potest

potest quam quod Prophetæ tradiderunt : Christus suo confirmavit sanguine : Apostoli docuerunt. Quodnam est illud ? Eius summam habet puerilis nostra doctrina Catechismus, & sunt decem præcepta: Symbolum: doctrina de Sacramentis, & quam singulis diebus dominicis auditis ex Euangelio, hoc est, ut vno dicam verbo, quam Prophetæ, Christus & Apostoli docuerunt. Hoc verbum vult audiri, ergo vult ministros esse & pastores, qui hoc verbum docere possunt Nam cum det verbum, offerat salutem, quæ fide ex auditu percipitur, necessarium est, ut sint qui hoc verbum doceant.

Verum, quia non satis est docere & audire verbum, nisi custodiatur, addit Dominus: [Et custodit illud.] Quid est custodire verbum? Est verbum auditum discere, retinere, ei; credere, & ex fide Deo veram obedientiam præstare. Ita Abraham pater noster fecit, audiuit verbum, retinuit, ei; obediuit, & ex fide tantam obedientiam præstitit, quod potius, mandante Deo, voluerit suum unigenitum filium mactare, quàm Dei præceptum violare. Sed quis est inter nos, qui Deo hanc obedientiam præstat ? filij volumus Abraham dici, sed nolumus Patris vestigijs insistere. Quid illis promittit qui audiunt & ei obediunt? [Beati sunt, inquit, qui audiunt verbum, &c.] Beati, id est, sunt ab omni miseria liberi, à peccato & damnatione. Beati, id est, donati vita & gloria æterna per Iesum Christum Dominum nostrum, qui cum Patre & Spiritu

Q
vini sancti
AMEN.

D

P
q
t
f

bijt au
discipu
dies I
Iesus, &
se, dicit
vt edant.
ipse enim
dit ei Phi
nes non
quippiat
ipsum Ar
hic, quib
piscis, se
Dixit au
bant, Er
discubue
millia. A
tias egiss
li vero d
bus quant

*ritu sancto vivit vnus Deus, in secula seculorum,
A M E N.*

DOMINICA

LÆTARE, IOHAN. 6.

Post hæc abiit Iesus trans mare Galilææ, quod est Tiberiadis, & sequebatur eum turba multa, quia videbant eius signa quæ faciebat super his, qui infirmabantur. Subijt autem in montem Iesus, & ibi sedebat cum discipulis suis. Instabat autem Pascha festus dies Iudæorum. Cum sustulisset ergo oculos Iesus, & vidisset quod multa turba veniret ad se, dicit ad Philippum: Vnde ememus panes vt edant isti? Hoc autem dicebat tentans eum, ipse enim sciebat quid esset factururus. Respondit ei Philippus: Ducentorum denariorum panes non sufficiunt eis, vt vnusquisq; pusillum quippiam accipiat: Dicit ei vnus ex discipulis ipsius Andreas frater Simonis Petri: Est puer hic, qui habet quinq; panes hordeaceos & duos pisces, sed hæc quid sunt inter tam multos? Dixit autem Iesus: facite vt homines discumbant, Erat autem gramen multum in eo loco: discubuerunt ergo viri numero ferme quinque millia. Accepit autem panes Iesus, cumq; gratias egisset, distribuit discipulis suis: Discipuli vero discumbentibus. Similiter & ex piscibus quantum volebat. Vt autem impleti sunt,

Q4

dicit

dicat discipulis suis, colligite quæ superfuerunt fragmenta, ne quid pereat. Collegerunt ergo & impleuerunt duodecim cophinos fragmentorum ex quinque panibus hordeaceis, quæ superfuerant his qui comederant. Illi ergo homines cum vidissent quod Iesus fecerat signum, dicebant: Hic est vere Propheta ille, qui venturus est in mundum. Iesus ergo cum cognouisset quod venturi essent, ac rapturi ipsum, ut facerent ipsum regem, secessit iterum in montem ipse solus.

ENARRATIO TEXTVS.

Summa huius Euangelij est, quod Christus doctrinam, quam tradit Matth. 6. Primum quaerite regnum Dei & iusticiam eius (id est, Dei) & cætera adiunguntur vobis, hic facto suo & exemplo confirmet: ut nos verbo Christi & miraculo eius edocti, curam ventris abijciamus & sequamur Christum in desertum, eique omnem curam pro nobis relinquamus, iuxta eius mandatum: Iacta in Dominum curam tuam, & ipse te enutriet. Vult ergo totum hoc Euangelium docere, quod qui verbum Dei audiant, ament & conseruent, non sint perituri fame, quia Christus eorum in se curam recipit. Loci tres.

I. Quod Deus habeat curam illorum, qui se sequuntur.

II. Circumstantiæ præsentis miraculi, & eius apud nos vsus.

III. Fa-

III. Factum huius turbæ volentis Christum
regem creare : Item de Christi fuga.

DE PRIMO.

In hac prima doctrina multa perpendenda se
offerunt, quorum singula aliquam doctrinam &
admonitionem suppeditant : vt sunt Christi profe-
ctio, operatio, ardor turbæ ad ipsum audiendum,
quid turbam mouerit, quæ utilitas inde ad turbam
peruenerit, & quid nos ab exemplo turbæ & fa-
cto Christi discere debeamus.

Profectio Christi narratur his verbis: [Abijt Ie-
sus trans mare Galilææ, quod est Tiberiadis.] Fuit
autem Tiberias vrbs in honorem Tiberij impera-
toris ab Herode extructa apud Iordanem. In hac
profectione Christi, obseruandus est finis & exem-
plum. Finis fuit vt latè propagaret suum Euange-
lium, doctrina & miraculis. Exemplum est, vt nos
Christum imitemur, quisquis in sua vocatione, non
parcentes nobis: sed nocte dieq; per terram, per ma-
re nostræ studeamus vocationi respondere. Neq; hoc
exemplum est ministris verbi imitandum tantum,
sed omnibus, iuxta rationem vocationis cuiusq;.

Quid in hac profectione agit Christus? Marcus
cap. 6. dicit Christum misertum fuisse eorum, quia
erant sicuti oues non habentes pastorem, & cepit
eos docere multa. Matthæus addit, quod toto die
fuerit occupatus in sanandis ægrotis. Hic quatuor
se offerunt perpendenda. 1. Affectus Christi. 2. Causa

istius affectus. 3. Quales simus sine ministerio verbi. 4. Quis finis ministerij.

Cum Christus miseretur turbæ, monemur ut cogitemus quam paterne sit erga nos affectus, ut qui nostris calamitatibus afficiatur. Hoc est, quod Apostolus dicit ad Hebræos: Nos habemus pontificem qui potest compati infirmitatibus nostris. Cur autem misertus sit turbæ narratur à Marco: Quia inquit erant sicut oves, non habentes pastorem. Sed quales sunt oves sine pastore? Miserae, expositæ furum & luporum iniurijs. Cum autem hoc diceret Dominus, populus per falsos doctores erat abductus à vero Dei cultu in varias superstitiones, quarum fructus est animarum interitus: quemadmodum nos olim in Papatu experti sumus, ubi pro vero cultu Dei fuerunt in Ecclesiam inuictæ horrendæ superstitiones, ut inuocatio sanctorum, prophanatio Sacramentorum, purgatorium & aliæ nugæ, quæ hodie vtinam in multorum animis non residerent. Hinc ergo discemus quales sint homines sine ministerio verbi, nempe quod sint veluti oves in deserto vagantes: ubi omni momento periculum graue illis immineat à furibus et lupis, imo ut vno verbo dicam: Ubi non est verbum Dei, ibi nulla salus. Discamus & hic finem ministerij verbi. Homines sine verbo sunt sicuti oves vagantes sine Pastore. Ergo verbum est illis veluti baculus pastoralis, quo homines è deserto ad suum pastorem congregantur. Est & velut pabulum quo reficiantur & alantur. Est

& re-

& reme
ter, est
vitam
mus.
facile
Ar
indica
multi
ab vr
ximu
dire,
tur, h
Cu
cat lo
videba
cum test
dine qu
Christi e
cogitati
qua Don
Ex eo
hoc per
tionem d
ore docu
verbo ac
qui vsq;
beneficia
bentes, qu
Quom

& remedium, quo animæ nostræ sanantur. Breuiter, est semen immortale, per quod renascimur ad vitam æternam, quando verbo prædicato credimus. Quanta igitur sit diuini verbi necessitas hinc facile intelligitur.

Ardor populi ad audiendum Christum hic etiam indicatur. Sequebatur, inquit Euangelista, eum multitudo magna: Idq; in locum desertum procul ab urbibus, ubi nec cibus nec potus erat. Vide maximum ardorem, quo populus gestit Christum audire, ut nullam curam corporis sui habere videatur, hora multa præterijt, inquit Marcus.

Cur autem Christum ita secuta sit turba, explicat Iohannes in hodierno Euangelio, cum ait: Quia videbat signa quæ faciebat. Signa autem fuerunt cum testimonia potentiæ diuinæ in Christo, tum doctrinæ quedam signacula, & summæ beneuolentiæ Christi erga homines iudicia: Nam in horum trium cogitationem deuenerunt per signa & miracula quæ Dominus fecit.

Ex eo ergo, quod hæc turba sit Christum secuta, hoc percepit commodum, quod in salutis suæ cognitionem deuenerit. Nam cum doctrinam suam, quam ore docuit, stupendis miraculis confirmauit, fidem verbo adhibuerunt, qua fide illi omnes saluati sunt, qui usq; ad finem perseuerarunt. Deinde et corporalia beneficia perceperunt multi. Nam sanauit malè habentes, quemadmodum referunt alij Euangelistæ.

Quomodo iam huius turba exemplum est nobis imitan-

imitandum? 1. Hanc turbam imitamur, si verbum Dei diligenter audiamus, & ei credamus conuicti miraculis Christi, quibus veritatem suæ doctrinæ confirmavit. 2. Imitabimur etiam hanc turbam in eo, quod regulæ à Christo Matth. 6. traditæ obediatur: ita enim Christus ait: Quærite primum regnum Dei & iusticiam eius, & cetera adiicientur vobis. Hic ordo est diligenter ab omnibus pijs observandus. PRIMÆ cura debet esse regni Dei, & iusticiæ Dei. DEINDE etiam suo loco pro vocationis ratione est laborandum. Nam ita scriptura ait: In sudore vultus tui vesceris pane tuo. Et in Psalmo dicitur: Labores manuum tuarum manducabis. Paulus quoque dicit: Qui laborat, manducet. Ita labor omnibus præscribitur, sed iuxta rationem cuiusque. Alius est enim labor pastoris, alius agricolæ, alius regis, alius cancellarij & senatoris. Verum cauendum est omnibus, ne ordine inuerso laborent, quod faciunt illi, qui primam quidem curam ventris habent, postremam vero mentis. Qui ergo magistratum gerit, sic cogitet: Meus Christus dicit: primum quærite regnum Dei & iusticiam Dei, & postea reliqua huic vitæ necessaria. Huic præcepto mei Domini obtemperabo, certus quod verè, quod promisit, sit præstaturus, ut ratio & mundus totus obmurmuret, & hunc ordinem à Christo præscriptum conetur euertere. Deus aues pascit: cur me ipsi obedientem non pasceret? Dat corpus: cur non vestem? dat animam: cur non cibum?

bum? dat æterna: cur non temporalia? Quicunq;
 ergo pius est, debet hanc regulam Christi sequi:
 Quærite primum regnum Dei & iusticiam eius, et
 cætera adjicientur vobis. Verum, proh dolor, multi
 contra hanc regulam peccant. Primum enim, qui
 non solum ipsi verbum Dei non audiunt, sed alijs
 impedimento sunt, vt non audiant, quemadmodum
 impij mariti faciunt, qui suas vxores à verbo reti-
 nent, auaritiæ suæ explendæ gratia. Hi suo temera-
 rio ausu irrumpunt in officium Dei, & Christi præ-
 ceptum malignè contemnunt: vnde quicquid agunt
 malè succedit. Primum volunt corpori prospicere,
 deinde si quando vacat, animæ exiguam curam ha-
 bent. Colligo, inquit aliquis, vxori meæ & liberis.
 Rectè facis, & probo tuum studium, natura enim
 hoc docet, & ratio dictat, vt maritus vxoris &
 prolium curam habeat, & Paulus dicit: Qui negli-
 git suos, est infideli deterior: sed collige iuxta Chri-
 sti regulam, & huius turbæ exemplum. Primum
 quære regnum Dei: Deinde in vocatione tua sis di-
 ligens. Si aliter feceris, liberi tui non gaudebunt ex
 tuis laboribus. Nam maledictus labor est tuus, &
 maledictus fructus laborum tuorum erit, nec pro-
 derit liberis tuis. Est enim hoc dictum verissimum:
 Ex male quæsitis non gaudet tertius hæres. Expe-
 rientia docet, quod malè à parentibus parta, liberi
 vt plurimum cum meretricibus in ganeis, in pota-
 tionibus, in contentionibus & litibus assumere
 turpiter soleant. Quare si pietas nobis cordi est,
 Christi

Christi regulam & huius turbæ exemplum imitemur : quod si fecerimus, sentiemus liberalem manum Dei erga nos.

DE SECVNDO.

Iam videamus præsentis miraculi circumstantias, quæ multæ sunt. Primum dominus dicit Philippo : Unde ememus panes vt manducent hi? Cur hoc additur ab Euangelista? hoc autem dicebat tentans eum, hoc est, vt experiretur quid haberet fidei, qui antea viderat aquam in vinum conuersam esse in Cana Galilææ.

Sed quid respondit Philippus? [Ducentorum denariorum panes non sufficiunt eis, vt vnusquisq; modicum accipiat.] Hic Philippus immemor miraculorum, quæ antea viderat, rationem suam in consilium adhibet, quasi diceret: Magna turba est, requiritur ad eam saturandam magna pecunia, & nos nihil ferè habemus frustra enim de pane emendo disputatur, deliberatio frustra adhibetur, dum impossibilitas impedit.

Sed venit alius discipulus Andreas, & dicit puerum adesse qui habeat quinq; panes hordeaceos & duos pisces : sed hæc nihil ad tantam turbam. Hic discipulus etiam desperat.

Sed quid ad hæc Christus? Dicit ergo eis : facite homines discumbere. quasi dicat cum hoc sit impossibile vestro iudicio, vt tanta turba hic conseruari possit, ne fame pereat : Ego qui illis dixi & vobis:

Quærite

Quærite primum regnum Dei & iusticiam eius, & cætera omnia adijcientur vobis, ostendam factò, meam promissionem non esse vanam: vos saltem iubete turbæ, vt ad comedendum discumbat.

Hic discipuli magistro obtemperant, & viri numero, quasi quinq; millia se ad comedendum componunt, expectantes miraculosam saturitatem.

Cum ita discumberent, accepit Iesus panes illos quinq; hordeaceos & pisces, ac primum facta benedictione, & actis gratijs, distribuit discumbentibus quantum volebat. Postquam autem saturati sunt, dixit discipulis suis: Colligite quæ supersunt fragmenta, ne quid pereat. Et illi obtemperantes collegerunt duodecim cophinos fragmentorum. Videtis miraculum, quo Christus suam diuinam potentiam, suam promissionem & suum officium confirmat.

Quid nos hinc discere debemus? Multæ sanæ doctrinæ hinc peti possunt.

PRIMUM confirmatur id quod in primo loco audiuius, videlicet, quod qui Christum sequantur, non sint fame perituri: quemadmodum iam audiuius.

DEINDE hoc miraculo confirmatur affectus Christi erga eos qui se sequuntur, de qua re etiam in prima doctrina audiuius.

Præterea confirmatur hoc miraculo, quod contra rationis iudicium Christus possit iuuare quando vult. Nam vt regnum Christi & regnum mundi sunt diuersa: ita alia fieri possunt in regno Christi,
quam

quam in regno mundi. Nam qui regno Christi præsidet, omnipotens est, cuius velle est fieri, Omnia enim quæ voluit, ut inquit David, fecit in cælo & in terra. Cum igitur proponit nobis Euangelium miranda Dei opera, de resurrectione mortuorum, de vita æterna, de æternis impiorum pœnis, & huiusmodi alia, non adhibebimus in consilium rationem nostram, ut ab illa quæramus quid fieri possit: sed solum verbum Dei interrogabimus. Si enim Deus aliquid dicit, mox veniet nobis in mentem eius potentia & veritas: quia potens est, nihil est ei impossibile: & quia verax, quidquid dicit ratum & firmum erit. Dicit enim, Cælum & terra transibunt, verba autem mea non transibunt.

Docemur & hoc miraculo & Christi factò, quòd Deus res modicas piorum augere velit sua benedictione. Non enim in magna rerum copia sita est saturitas, sed in benedictione Domini, quæ sola diuites facit. Unde Christus Lucæ 12. Non in abundantia cuiusq; vita eius ex ijs quæ possidet. Et David Psal. 121. Et abundantia diligentibus te. Sæpissime accidit quòd pauper aliquis timens Deum, melius pascitur pane & olere, quàm diues impius ex preciosis ferculis & dulcissimo vino. Pauper Lazarus melius pascebatur micis, quæ ei vix dabantur, quàm diues epulo ex suis delicatis cibis. Hæc diligenter cogitemus singuli, ac expectemus promissionem Domini, ut nostris laboribus benedicat, & nostrum panem augeat. Is enim iussit orare & dicere: Pa-

re: Pane
Adh
diuina
no, &
consec
per ve
docet
agnosc
as ag
egente
hortor
quotie
dictur
locus.

[Cum
fecerat
qui vent
nouisset
rent se
Hic
terum
miracul
factum
ut cum
cula esse
ergo rect
in turba
ex mirac

re : Panem nostrum quotidianum da nobis hodie.

Adhæc docet nos Christi factum, ut usurpaturi diuina beneficia, gratias agamus Deo pro suo dono, & petamus ut suum donum sua benedictione consecrare velit. Creatura enim Dei sanctificatur per verbum & orationem, quemadmodum Paulus docet 1. Timoth. 4. Verum fit ut multi, quia non agnoscunt diuina beneficia, & multo minus gratias agunt datori, vel in magna rerum copia sint egentes, vel magna premantur paupertate. Quare hortor vos ut hoc Christi exemplum imitemini, quoties bonis Dei donis uti volueritis. Atq; hoc sit dictum de præsentī miraculo. Sequitur iam tertius locus.

DE T E R T I O.

[Cum vidissent (dicit Euangelista) quod Iesus fecerat signum, dicebant: Hic est verè ille Propheta qui venturus est in mundum. Iesus ergo cum cognouisset quod venturi essent ut raperent se, & facerent se regem, fugit iterum in montem ipse solus.]

Hic duo proponuntur exempla, vnum turbæ, alterum Christi. In turbæ duo videmus, vñ quod ex miraculo agnoscit Messiam, id quod rectè à turbæ factum est, Nam Propheta Isaias prædixit fore, ut cum veniret in mundum Messias magna miracula esset editurus, per quæ agnosceretur. Hactenus ergo rectè iudicauit turbæ. Alterum, quod videmus in turbæ, est error iudicij turbæ, quæ cum videret ex miraculo Iesum esse Messiam, voluit eum in re-

R

gem cre-

gem creare. Sed Christi regnum non est mundanum, sicuti ipse Pilato dixit: Regnum meum non est de hoc mundo. Voluit quidem turba grata esse Christo, sed non secundum scientiam, suam declaravit gratitudinem. Unde nos discamus gratitudinem erga Deum ab hac turba, verum quia illa erravit in facto, nos verbum Dei pro regula gratitudinis amplectamur.

Cæterum cum Christus cognouisset imperitum turbæ cælum, volentis se in regem creare, fugit in montem & non patitur se regem à turba creari. Quid nos hinc discamus? PRIMVM, quod modo dixi, quod regnum Christi non sit mundanum. DEINDE quod nullum honorem expetere debeamus contra nostram vocationem. Unusquisq; sit contentus eo dignitatis gradu, ad quem vocatus est, & non inuadat alienam functionem gloriæ cupiditate, Verum hæc tria spectemus, quisq; in sua vocatione. Primum laboremus strenuè in timore Dei. 2. Non quæramus vulgi laudes, si quid boni egerimus. 3. Hoc sit nostrum propositum, vt Deo & ipsius Ecclesiæ seruiamus in timore Dei. Qui aliter agunt, nihil recte faciunt: offendunt Deum: suam superbiam producunt, quos Deus sæpè sinit labi, vt ipsorum stulticia innotescat, ac ita suæ arrogantiae pœnas luant. Quod ne nobis quoq; accadat, rogemus Deum, vt nos suo spiritu gubernet, Cui soli & eterno Deo sit honor, laus & gloria, in secula seculorum, Amen.

D O-

D O M I N I C A

I V D I C A , I O H A N . 8 .

QVis ex vobis arguet me de peccato? Porro si veritatem dico, quare vos non creditis mihi? Qui ex Deo est, verba Dei audit: propterea vos non auditis, quia ex Deo non estis. Responderunt ergo Iudæi, & dixerunt ei: Nonne bene dicimus nos, quod Samaritanus es tu, & dæmonium habes? Et respondet Iesus: Ego dæmonium non habeo, sed cohonesto patrem meum, & vos ignominia affecistis me. Ego autem non quæro gloriam meam, est qui quærat & iudicet. Amen amen dico vobis, si quis sermonem meum seruauerit, mortem non videbit in æternum. Dixerunt ergo illi Iudæi. Nunc cognouimus quod dæmonium habes. Abraham mortuus est & Prophetæ, & tu dicis: si quis sermonem meum seruauerit, non gustabit mortem in æternū. Nunquid tu maior es patre nostro Abraham, qui mortuus est, & Prophetæ mortui sunt? quem teipsum facis? Respondet Iesus: si ego glorifico me ipsum gloria mea nihil est. Est pater meus qui glorificat me, quem vos dicitis Deum vestrum esse, & tamen non cognouistis eum, ego autem noui eum: & si dixerò quod nō nouerim eum, ero similis vestri mendax: sed noui eum, & sermonē eius seruo. Abraham pater vester exultauit ut videret diem meū, & vidit, atq; gaudius est. Dixerunt ergo Iudæi ad eum: quinquaginta annos nondum

R 2

habes,

habes, & Abraham vidisti? Dixit eis Iesus: Amen amen dico vobis, antequam Abraham nasceretur, ego sum. Tollebant ergo lapides Iudæi ut iacerent in eum. Iesus autem abscondit se, & exiuit e templo.

ENARRATIO TEXTVS.

HOC Euangelium continet singularem doctrinam de Christo, & eiusdem doctrinæ oppositionem per Christi hostes. Quemadmodum enim Christus suam personam, officium & doctrinam defendit, & monstrat verum salutis fontem: Ita Iudæi Christi hostes se opponunt personæ, officio, & doctrinæ Christi, & contra illum agunt tribus armis, quibus Sathanas inde usq; ab initio mundi usus est. Arma autem illa tria hæc sunt: Hypocrisis (vduagartis hellighed) Sophistica (fraagloff) & tyrannis (offueruold) Habet ergo hoc Euangelium duplicis regni descriptionem, videlicet Christi & Sathanæ. Ut enim Christus hic suum regnum tueretur: ita Sathanæ satellites sui Domini partes agunt. Verum quia nostra interest potius quid dicat Christus, quàm quid contra sentiat Sathanas, ex verbis Christi duas doctrinas huius Euangelij proponam, & quid ad singulas responderint ac fecerint hostes Christi, declarabo.

Loci duo.

- I. Quod quemadmodum Christus sit verus Messias: Ita omnis qui eum non audit à Deo non sit.

II. Quod

II. Quod qui verbum Christi seruet, à morte æterna liberetur. Et in his duabus præcipuis huius Euangelij doctrinis, contentionem inter Christum & Iudæos exponam, in qua expositione multæ particulares doctrinæ se offerunt.

D E P R I M O.

Primæ doctrinæ partes sunt duæ: vna quòd Christus sit verus Messias, altera, quod qui Christum non audit, à Deo non sit. De priori parte ita habet textus: [Quis ex vobis arguet me de peccato? Si veritatem dico, quare vos non creditis mihi?] Doctrinam Christi reprehenderunt Iudæi, quia Sathanas & eius ministri oderunt veritatem. Christus suam doctrinam vitæ innocentia, Prophetarum testimonijs, & varijs miraculis confirmavit, vt et agnosceretur à Iudæis verus Messias esse, & ab illis crederetur Christo in salutem. Cum ergo illi instinctu Sathane, odio Christi & amore suæ falsæ doctrinæ, quam à maioribus acceperant, se Christo totis viribus opponerent, Christus contra sitiens salutem humanam, suam innocentiam, doctrinam & officium defendit, vt saltem quosdam ex suis hostibus lucrifaciat Deo, & à damnationis præcipitio reuocet. De innocentia ergò suæ personæ primum quærit. [Quis (inquit) ex vobis arguet me de peccato?] quasi diceret. Palam vixi inter vos ab infantia mea ita innocenter, vt nemo vestrum possit

R 3 me vl-

me vllius peccati arguere. Hoc autem cum sit proprium Messie, quare me Messiam olim promissum non agnoscitis? Nam solus Messias est absq; omni peccato. Cum ergo nemo vestrum poterit me peccati conuincere, stultè facitis qui non solum me non agnoscitis Messiam: verumetiam me vt peccatorem condemnatis. Huc addit de doctrina sua: [Si veritatem dico vobis cur non creditis mihi,] quasi dicat: Cum doctrinam meam innocentia vitæ, testimonio Prophetarum, & multis miraculis ita veram esse doceam, vt velitis, nolitis, eam veram esse fateamini, cur non creditis mihi? prorsus insanus est, qui id quod verum esse nouit, tanquam falsum persequitur, sed ea est natura hominum: qui malè institutus est à puero, difficulter ab errore reuocatur, adeo à teneris assuescere multum est. Verum hic quid à Christo & à Iudæis discamus? A Christo quidem discant omnes ministri verbi, vitam suam instituerè & ita docere, vt nemo quicquam habeat, quod vel in vita, vel in doctrina arguere possit. Tametsi enim solus Christus purus erat ab omni peccato: tamen qui eius Euangelium docere volunt cum fructu, debent publicis criminibus carere. Poeta enim rectè dicit:

Turpe est doctori cum culpa redarguit ipsum.

Quomodo enim, quæso, sacerdos potator, potatores reprehendere poterit? quomodo audebit scortator scortatores & adulteros castigare? quomodo auarus auaritiam? Usurarius vsuram? Contentiosus, lites?

sus, lites? Superbus superbiam damnare? in summa qui alios vult arguere, ipse debet esse sine culpa. Qui autem dicunt: facite ut doceo, & nolite facere ut ago, non sunt Christi ministri, sed Sathana. Nam ne mo docere censendus est, nisi vita exprimat, quod verbis docet. Ita enim Paulus docet Timoth: Esto forma gregis, id est, quod voce doces, vita exprime, ut doctrinae exemplum viuum in te conspiciant auditores tui. Unde et de se Paulus dicit: Estote imitatores mei, sicuti ego Christi. Deinde qui audiunt Euangelium, debent aliquid ab his Iudæis discere, non quidem ut cum illis se Christo & suis doctoribus opponant: sed ut eorum damnatione admoniti penitentiam agant & Christi beneficio saluentur.

De altera parte primæ doctrinæ, ita ait textus: [Qui à Deo est verba Dei audit, propterea vos non auditis, qui ex Deo non estis.] Causam assignat cur Iudæi tam malignè doctrinam Christi contempserunt, videlicet, quod non fuerint à Deo sed à Sathana. Non loquitur hic de humana natura, quæ verè à Deo est, sed de malitia hominum, quæ est à Diabolo. Hæc enim malitia facit, quod homines verbum Dei non libenter audiant. Hic unusquisq; se examinet & de se ipso statuatur, num à Deo sit aut à Diabolo. Qui etenim verbum Dei libenter audit, habet testimonium Christi, quod sit à Deo: contra, qui verbum contemnit & persequitur, verè est à Diabolo: tametsi hoc libenter non volunt audire homines impij. Sed quemadmodum hîc

R 4

Iudæi

Iudæi Christum, qui sibi hoc indicauit, persequebantur & calumniabantur: ita hodie ministros Euangelij persequuntur, qui voce illorum declarantur à Diabolo esse. Quid ergo hic dicunt Iudæi? Responderunt & dixerunt ei: [Nonne bene dicimus nos, quòd Samaritanus es tu, & demonium habes?] Hæc est ars Sathanæ, quando non potest inficiari veritatem, confugit ad conuicia: Ita & hodie fit, quando non possunt homines negare, quin verbum Dei sit, quo illorum impietas arguitur, statim confugiunt ad conuicia, & aliquid quærunt, quod in ministris Euangelij reprehendant. Sed quid facit hic Christus? Respondit: [Ego dæmonium non habeo, sed honorifico patrem meum, & vos inhonorastis me: Ego autem non quæro gloriam meam, est qui quærat et iudicet.] In hac responsione Christus primum negat se habere dæmonium, quod ex eo confirmat, quòd quærat gloriam Dei, quod non faciunt qui pacta cum Diabolo fecerunt. Deinde conuicium in Iudæos retorquet, cum inquit: [Et vos inhonorastis me, qui Deum honoro.] Qui enim eos conuicijs afficiunt qui Deum honorant, à Diabolo eos duci necesse est. Præterea cum addit: [Ego non quæro gloriam meam, est qui quærit & iudicat,] remouet à se inanis gloriæ cupiditatem, & se in suo officio Patri commendat. Ex hac Christi responsione, ministri verbi tria discant. 1. Tueri se, quantum fieri possit, à conuicijs quibus afficiantur, ne illorum ministerium vilescat, vbi ipsi in contemptum venerint. 2. Conuiciato-

uicatoribus sua peccata obijcere, quod nō tam contra homines, quā contra Deum ipsum belligerantur. 3. Suam gloriam non querere, sed Dei, & certō sibi persuadere, quod Deus ipsorum innocentiam tueatur.

D E S E C V N D O.

De secunda doctrina ita sonant verba Domini: [Amen amen dico vobis, si quis sermonem meum seruauerit, mortem non videbit in æternum.] Hæc verba sunt bene perpendenda, quæ summum beneficium Christi erga homines continent, videlicet quod qui sermonem Christi seruauerit, non sit visurus mortem in æternum. Verum quò hæc melius intelligamus, volo ordine explicare quid contineant. Primum enim hîc obseruandum est iuramentum Christi. 2. Quales simus sine Christo. 3. Quid per illum consequi liceat. 4. Quomodo beneficiorum Christi participes fieri valeamus.

Iuramentum eò pertinet, vt confirmet nos de veritate Dei contra omnes humanas & Diabolicas doctrinas, contra sensum carnis, atq; adeo contra totum regnum Diaboli, quod Sophistica, Hypocrisi & tyrannide constat. Non enim fieri potest, vt filius Dei fallat, qui tanto iureiurando fidem suæ doctrinæ fecit.

Quales sumus sine Christo? per Christum fit, vt non videamus mortem in æternum: quare sine Christo, æternæ mortis sumus rei. Est autem vt quadruplex vita: ita & quadruplex mors.

R 5

P R I-

PRIMA vita est naturæ, qua naturaliter in hoc mundo vivimus. Hæc vita bona quidem per se est, quia est donum Dei, quod promittit in quarto præcepto: sed variat pro conditione hominum. Abraham quidem fuit bona, quia is ea usus est in gloriam Dei: Neroni verò fuit mala, quia ea usus est, cum in contumeliam Dei, qui eam dedit, tum in suam ipsius condemnationem. Huic vitæ naturali opponitur mors naturalis: quæ mala quidem per se est, quia est pœna peccati: sed pro conditione hominum variat. Nam ut Abrahamo hæc mors fuit transitus ad vitam meliorem, quare ei bona fuit: ita Neroni fuit ianua gehennæ, igitur ei mala erat.

SECUNDA vita est peccati, qua scilicet vivit peccatum in homine & regnat per concupiscentias suas, ut in omnibus impijs. Hæc perpetuò mala est, quia ad damnationem tendit. Huic opponitur mors peccati, qua mortificatur peccatum in nobis, quod fit quando in vera pœnitentia & timore Dei vivimus. Hæc mors peccati semper est bona, quia est transitus ad vitam æternam.

TERTIA vita est gratiæ, qua vivit Christus in nobis per gratiam: hæc semper bona est, quia est donum Dei, & via ad gloriam. Huic opponitur mors gratiæ, hoc est, priuatio gratiæ, quod fit, quando relabimur in peccata, & abijcimus fidem. Hæc semper est mala, quia est via ad gehennam.

QUARTA vita est vita æterna, qua pij vivent cum Deo & Angelis in æterna beatitudine: hæc
vita

vita maximè bona est. Huic opponitur mors æterna quæ est æterna damnatio. Huic morti æternæ obnoxij sunt omnes sine Christo, nisi enim Christi beneficio ab hac morte liberemur, erit nobis perpetuum peccati stipendium: sicut Paulus dicit Rom. 6. Tales ergo sumus sine Christo, hoc est, miseri, damnati, & rei æternæ mortis.

Sed quales per Christum euadimus? Hoc Christus iuramento astruit, nimirum quod ab æterna morte liberati donemur æterna vita, in qua erit gaudium sine fine.

Quomodo Christi beneficiorum reddimur participes? Respondet hoc Euangelium: [Amen, amen dico vobis, si quis sermonem meum seruauerit, non videbit mortem in æternum.] In verbo igitur Christi magnus thesaurus est, qui hoc seruat habet Christum, qui solus est via ad vitam. Quid est seruare verbū Christi? Est illud audire, illud discere, eiq; credere, iuxta illud: qui credit in filium habet vitam æternam. Quare? quia qui credit, iustificatur fide sua, hoc est, absoluitur à peccato, donatur iusticia Christi, & acceptatur propter Christum ad vitam æternam. Qui igitur vitam æternam cupit, hæc obseruet quæ iam dicta sunt, viuat in perpetua penitentia, audiat verbū Christi, ei credat, & vsq; ad mortem in fide perseueret: ita futurū est, vt hæc naturalis mors sit illi transitus futura ad æternam vitam.

Sed quid Iudæi dicunt ad hanc Christi salutarem doctrinam? Christus dicit, [qui custodierit sermonem meum,

meum, non videbit mortem. Iudæi respondent: Nunc cognouimus quod demonium habes: Abraham mortuus est & Propheta, & tu dicis: Si quis sermonem meum seruauerit, non gustabit mortem in æternum, nunquid tu maior es Abraham patre nostro, qui mortuus est, & c. quem te ipsum facis?] quasi diceret: Si sermo tuus adeo est efficax, vt te audientes non gustent æternam mortem, sanè maior es Prophetis & Patriarcha nostro Abraham, qui mortui sunt: sed hoc est falsum: non enim es maior Abraham. Est igitur falsum quod dicis, qui custodierit sermonem meum, non gustabit mortem in æternum: quare blasphemus in Deum es, & habes demonium. Christus respondet, & ait: [Si ego glorifico meipsum, gloria mea nulla est, (scilicet vestro iudicio) est pater qui glorificat me.] Sententia horum verborum est: Filius vnigenitus Dei est maior seruis Dei & filiis Dei adoptiuis: Ego sum filius Dei vnigenitus, quemadmodum Pater ipse de me testatur voce sua & operibus. Propheta autem & Abraham sunt serui Dei et filij Dei adoptiui: Quare sum ego maior, quàm Abraham & Propheta, non est ergo mirum, si sermo meus est efficacior quàm illorum. Deinde Sophistica sunt vsi, nam quod Christus dixit de æterna morte, illi de naturali morte interpretati sunt, sed malignè. Quare Christus pergit eos reprehendere, dicens: [Si dixero, quod non noui eum, ero similis vobis mendax.] Nam vos dicitis vos nouisse quem non nouistis. Sed
quid

quid est
Pater, F
lum. 3. v
Veru
bantur:
ista iac
ultauit
est.] E
antequ
ab æter
credide
aliter
triplici
ipsum, q
tantum,
mus hodie
sanctis, qui
qui credu
lis corpor
visio est
Docet Ch
vestigijs
tur. Na
credidit
Christum
Christum
brabam.
quaginta
sti.] Ac s

quid est nosse Deum? Est 1. scire quis sit, nempe Pater, Filius, & Spiritus sanctus. 2. credere in illum. 3. iuxta ipsius voluntatem vitam instituere.

Verum quia Iudæi de patre Abraham gloriabantur, pergit Christus ostendere, quàm vana sit ista iactantia, & ait: [Abraham pater vester exultavit ut videret diem meum, vidit, & gauisus est.] His verbis tria docet Christus. 1. Quod fuerit antequam assumeret humanam naturam, nempe ab æterno æternus Deus. 2. Quòd Abraham in se crediderit. Nam credere in Christum, est spiritualiter Christum videre. Videtur autem Christus tripliciter: corporaliter tantum, ut Iudæi viderunt ipsum, qui hic cum eo colloquebantur: spiritualiter tantum, ut Abraham, & nos, qui in illum credimus hodie: corporaliter & spiritualiter simul, ut sancti, qui cum Christo in terra versati sunt, & nos qui credimus, post resurrectionem mortuorum oculis corporeis ipsum videbimus. Media & ultima visio est salutaris, prima autem non est salutaris. 3. Docet Christus his verbis, quòd Iudæi non insistant vestigijs patris sui Abraham, de quo adeò gloriantur. Nam Abraham agnovit Christum, & in eum credidit, & gauisus est de eo: Iudæi autem nec in Christum credunt, nec de illo gaudent, imò potius Christum damnant, quare falsò gloriantur de Abraham. Sed quid respondent ad hoc Iudæi? [Quinquaginta annos nondum habes, & Abraham vidiisti?] Ac si dicerent: Abraham mortuus est ante duo mil-

duo millia annorum & ultra, non igitur ipsum videre potuisti, qui nondum fuisti. Christus respondet: [Amen amen dico vobis, antequam Abraham foret, ego sum.] Tria aperte de Christo docent hæc verba. 1. Quod sit verus Deus. 2. Quod sit verus homo. 3. Quod Deus & homo Christus non sint duæ personæ, sed vna tantum diuina persona, quæ humanam naturam assumpsit, vt fieret victima pro mundi peccatis. Sed quid ad hoc Iudei? [Tulerunt lapides, vt iacerent in eum.] Hic describitur extremum refugium Sathanae, quod est vis & tyrannis. Hactenus egerunt contra Christum conuicijs, Hypocrisis, Sophistica: nunc tandem arma capiunt. [Sed Christus abscondit se & exit de templo.] Quo facto duo docet, vnum quod Ecclesia diuinitus custoditur aduersus tyrannidem Diaboli & mundi. Alterum, quod non velit suum verbum, nec se in suo verbo esse apud eos, qui ipsum palam persequuntur: sed tantum apud eos, qui se recipiunt & amant. Huic vero mediatori cum Patre & Spiritu sancto, sit honor, laus & gloria, in sæcula sæculorum, AMEN.

DOMINICA

PALMARVM, MATTH. 21.

Et cum appropinquasset, &c.

ENARRATIO TEXTVS.

Hoc

Hoc Euangelium bis in anno legitur, nempe Dominica prima Aduentus, & Dominica Palmarum, sed non eadem de causa. Nam Dominica Aduentus legitur, quia Prophetia Zachariæ concionatur in eo de Aduentu Christi in mundum, qui futurus erat rex et saluator in se sperantium. Hodie autem legitur propter historiam, quæ hoc die gesta est, nempe sexto die antequam pateretur.

Summa autem Euangelij est, quod Christus super asinam & pullum eius adductos per discipulos sedens equitauit versus Hierusalem, cui populus acclamabat Hosanna filio David, & palmas strauerunt in via & vestes suas. Deinde quod ingressus eiecerit ementes & vendentes, &c. Loci sunt tres.

- I. Descriptio Regis Christi & eius regni.
- II. De ciuibus huius regis et eorum officio.
- III. De ijs quæ in templo contigerunt, postquam eò Christus est ingressus.

DE PRIMO.

De hoc lege Dominica prima Aduentus, qui ibi est secundus locus.

DE SECVNDO.

Hic fuit tertius Dominica prima Aduentus: vnde petatur explicatio vsq; ad paragraphum, de vsu Aduentus.

DE TERTIO.

Tertius locus est historia eorum, quæ contigerunt in

runt in templo, postquam eò Christus ingressus est. Hæc historia in quatuor partes distribui potest, quæ sunt.

1. Eiectio ementium & vendentium in templo, & eius facti ratio.
2. Sanatio claudorum & cæcorum in templo.
3. Defensio puerorum clamantium Hosanna filio David.
4. Fremitus principum, sacerdotum & scribarum aduersus Christum.

DE PRIMA PARTE.

Narrat Euangelista, quod Dominus ingressus sit templum, & eiecerit ementes & vendentes. Deinde quod causam sui facti addat, cum inquit: [Domus mea, domus orationis vocabitur, vos autem fecistis illam speluncam latronum. In facto tria perpendenda sunt. 1. facti occasio. 2. factum ipsum. 3. significatio facti. Occasio facti fuit inexplibilis auaritia sacerdotum, qui ideo hæc ordinarunt, vt qui vellent offerre, haberent ad manum venale quicquid cuperent. Horum auaritia cum sit damnanda, cauere sibi debent ministri Euangelij, ne artes expilandi plebem querant, quemadmodum in Papatu factum est, vbi Missas, indulgentias, & alias nugas habuerunt venales in propriam & aliorum damnationem. 2. Perpendendum est Christi factum, nam hoc facto testatur se regem, summum pontificem, & diuini cultus præsidem esse, alioqui priuata

pruata authoritate manum non admouisset, sed voce tantum dolorem animi declarasset. Hoc factum Christi imitari debet & magistratus pius, et præsides cultus diuini, ne extent in templis Christianorum pollutiones cultus diuini. Alij, quibus non est ea authoritas, debent dolere, & voce testari, quod cultus diuini corruptelas improbent. 3. Significatio huius facti est perpendenda, nam vt templum pollutum erat: ita significauit spiritualem fore templi purgationem per suam mortem, & resurrectionem gloriosam.

Deinde in causa huius facti, quæ exprimitur hisce verbis: [Domus mea domus orationis vocabitur, vos autem, &c.] duo discamus: Primum, quòd templum sit visibilis sedes diuini cultus. Etsi enim omnis locus est pijs templum, siquidem licet ubiq; Deum inuocare, tamen templum communis locus est, in quo conuenire & precari, & alia, quæ ad pietatis externam disciplinam attinent, exercere oportet. Alterum, vt nos habeamus templa destinata cultui diuino in honore, & seruemus ea munda ab idolis & idolorum cultu. Verum adeo, prohdolor, adhæret multis Papistica superstitio, vt ne idolum de suo templo tolli permittant. Sed de hac re aliàs plura.

DE SECUNDA PARTE.

Secunda pars rerum gestarum à Christo in templo est, quòd claudos & cæcos ad se venientes sanauit:

S

uerit:

uerit : quo facto testatur primum, quòd sit verus Messias. Nam Propheta Isaias prædixit, vt cum venisset Messias, talia miracula ederet. 2. Significat hoc factum officium Messie, quod est destruere opera Sathane: nam cum morbum tollit Christus, causam etiam amouet: causa autem morbi omnis est, peccatum. 3. Usus templi indicat symbolo, nam sanatio, à corporalibus morbis, symbolum est purificationis animarum à spirituali contagione. Proinde eò destinatum esse templum debet, vt nos à spiritualibus morbis purgemur, quod fit dum verbo, quod illic prædicatur, credimus, & credentes abluimur à peccatis nostris sanguine Iesu Christi, sicut Iohannes dicit : Sanguis Iesu Christi emundat nos ab omni iniquitate.

DE TERTIA PARTE.

Cum pueri clamarent in templo Hosanna filio David & obiurgarentur à Phariseis, Christus puerorum patrocinium sumit, & eorum factum scripture testimonio comprobatur: Nonne legistis, inquit, ex ore infantium & lactentium perfecisti laudem.

Hic habemus quod discamus ab vtrisque; hoc est, à pueris & à Christo. A pueris primum discant nostri pueri Christum agnoscere & prædicare. Christus enim cum dicit regnum cælorum pertinere ad pueros, profecto vult puerorum fide & voce laudari & celebrari. Sed prohi dolor, multi sunt pueri, qui non solum ignorant Christum, verum etiam adeò

corru-

corruptè sunt educati, vt nihil aliud didicerint quam iurare, mentiri, turpiter loqui, & alias nequitias exercere, qui non solum ipsi aliquando suæ nequitiae dabunt pœnas: verum etiam parentes ipsorum à Deo punientur, qui pueros ipsis in pietate erudiendos dedit, adeo sacrilegè neglexerunt. Deinde discamus à pueris, Christum confiteri in medio hostium eius. Hic aderant Pharisei & scribæ præcipui gubernatores Reipub. istius, qui Christum persequebantur & irascebantur omnibus, qui Christo aliquem honorem exhibuerunt: Verum hac sæuitia non sunt absterriti pueri, sed quo magis prohibebantur, eo magis clamabant. Ea enim est vis fidei, quod vbiq; sit, non possit celari, sed semper prorumpat in Dei laudes. Hoc officium ab omnibus requiritur, iuxta illud Pauli dictum Rom. 10. Corde creditur ad iusticiam, ore fit confessio ad salutem.

A factò Christi discamus primum quod velit eos, qui sibi credunt, tueri. Deinde, quod exemplo Christi ratione vocationis debeamus innocentiam aliorum tueri, & præcipuè patrocínio nostro pijs adesse, ne ab impijs opprimantur.

DE QVARTA.

Fremitus principum, sacerdotum & scribarum aduersus Christum, longè ante prænunciatus fuit voce Dei & Prophetarum: Nam cum Deus Gen. 3. prædicit fore, vt semen serpentis calcaturum sit semen mulieris, significat quod Sathan, & eius

S 2 mem-

membra homines prophani & impij sint Christum & Ecclesiam persecuturi. Et David Psal. 2. non solum hunc fremitum Iudæorum aduersus Christum Spiritu præuidit, cum ait. Quare fremuerunt gentes & populi meditantur inania: verumetiam ex dicto Genesis promittit futurum, vt semen mulieris, id est, Christus, & omnes in illum credentes, sint superaturi Sathanam & ipsius membra. Quæ autem in re consistat ista victoria, David in eodem Psalmo indicat, cum ait: Beati omnes qui confidunt in eo. Quare nos Sathana & eius membris renunciemus, & firma fiducia recumbamus in Christum victorem Sathana & donatorem æternæ vite, cui honor & gloria, in sæcula, A M E N.

DE COENA

DOMINI, I. COR. II.

EGO accepi à Domino, quod & tradidi vobis, quod Dominus I E S V S in ea nocte qua traditus est, accepit panem, & postquam gratias egisset, fregit, ac dixit: Accipite, edite: Hoc meum est corpus, quod pro vobis frangitur, hoc facite in mei commemorationem. Ad eundem modum & poculum, peracta cœna, dicens: Hoc poculum nouum testamentum est in meo sanguine: hoc facite, quotiescunq; biberitis, in mei commemorationem. Quotiescunq; enim comederitis panem hunc, & de poculo hoc biberitis, mortem Domini

mini ann
quis eder
Domini
nis Do
fic de p
Nam q
ipfi edi
mini.

E

H
tractet
gi possi
retur, h
scipulis;
am. Quæ
esse, cur ne
magnific
na dilig
admirat
in grand
voluit t
Ecclesie
tis per ip
deris in
Christi
cœna dis
hoc temp

mini annunciabitis, donec venerit. Itaq; quisquis ederit panem hunc, aut biberit de poculo Domini indigne, reus erit corporis & sanguinis Domini. Probet autem homo seipsum, & sic de pane illo edat, & de poculo illo bibat. Nam qui edit aut bibit indigne, iudicium sibi ipsi edit & bibit, non dijudicans corpus Domini.

ENARRATIO TEXTVS.

HOc festum ideo institutum est, vt historia institutionis cœnæ Dominicæ hoc die in Ecclesia tractetur, quò verus huius sacræ cœnæ vsus intelligi possit. Nam cum Christus pridie, antequam pateretur, hanc cœnam institueret, mandatum dedit discipulis, vt hanc cœnam in sui conseruarent memoriam. Quare necesse est, magnas & graues causas esse, cur necessarium sit, huius cœnæ institutionem magnificare. Nisi enim causas institutæ huius cœnæ diligenter perpenderimus, non possumus satis admirari saluatoris nostri bonitatem, qui, cum esset in grauissimo dolore propter imminentem mortem, voluit tamen hanc instituere & eam commendare Ecclesiæ, in firmissimum Sacramentum nostræ salutis per ipsum partæ, in quo perpetuò conseruatur fœderis inter Deum & hominem sanciti sanguine Christi memoria. Verum vt nos possimus de hac cœna distinctius doceri, proponam tres locos, quos hoc tempore explicabo per Dei gratiam.

Loci tres:

S 3

I. In-

- I. Instituta huius cœnæ circumstantiæ, & significationes, vnde colligetur eius plena descriptio.
- II. Vera & legitima probatio eorum, qui hac cœna vtiliter vti volunt.
- III. Verus vsus legitimaq; meditatio huius cœnæ.

D E P R I M O.

Multa circumstantiæ sunt in Historia institutionis huius cœnæ, quas ordine ex textu proponam.

P R I M A est temporis: ita enim habent verba textus: [Dominus noster IESVS CHRISTVS in ea nocte, qua tradebatur.] Nam die Iouis serò, antequam die veneris sequenti crucifigeretur, hanc cœnam instituit, vnde duo colligamus. Primum quantum necesse est fuisse amorem Christi erga nos, qui cum sciret se postridie passurum, voluit tamen hanc perpetuam suorum beneficiorum memoriam instituere. Alterum, quòd huius cœnæ celebratio debeat à nobis fieri in vera pœnitentia, quemadmodum postea rursus dicetur.

S E C V N D A circumstantia est de conuiuio, qui fuerunt in hac cœna: in ea præsuit Christus: aderant discipuli boni & mali. Boni quidem fuerunt infirmi valde: malus fuit, solus proditor Iudas. Hinc docemur quòd Christus velit semper adesse huic cœnæ, & quod cœna hæc pertineat ad discipulos Christi, & tametsi impij quoq; se immiscant: cedit ta-

dit tamen hæc cæna illis in iudicium & damnationem, quemadmodum postea rursus dicitur.

TERTIA circumstantia est benedictionis: nam accepto pane gratias egit. Si filius Dei ante usum rerum egit gratias, quid nos decet?

QUARTA circumstantia est elementorum: nam pane & vino usus est in huius cæne institutione. Quemadmodum enim homo externus alitur pane & vino: ita spiritualiter internus homo alitur corpore & sanguine Christi.

QUINTA circumstantia est rerum, quæ inuisibiliter adsunt in hac cæna: Ut sunt verum corpus & verus sanguis domini nostri Iesu Christi.

SEXTA circumstantia est mandatum: mandat enim ut Ecclesia perpetuò hunc ritum celebrandæ cæne retineat: Hoc facite inquit.

SEPTIMA circumstantia est fœderis novi: [Hic, calix inquit, nouum testamentum est in meo sanguine.] Cur autem vocatur hæc cæna nouum testamentum, postea dicitur.

OCTAVA circumstantia est finis institutæ cæne, quæ his verbis exprimitur: [Hoc facite, inquit, in mei recordationem,] hoc est, quotiescunq; utimini hac cæna, memoriam beneficiorum, id est, passionis & resurrectionis meæ recolite, & annunciate mortem meam donec veniam.

NONA circumstantia ex octaua sequitur, nimirum quòd celebratio huius cæne pertineat ad adultos tantum, qui possunt doceri de morte Domini,

S 4

& qui

Et qui publicè gratias agere possunt Domino pro beneficijs suis.

Hæ sunt circumstantiæ huius cænæ diligenter perpendendæ: Nunc quæ sunt huius cænæ significationes ostendam. Nam vt agnus paschalis plures habuit significationes in veteri testamento: Ita & hæc sacra Christi cæna, quæ in locum agni paschalis successit. Vt ergo agnus paschalis 1. admonebat populum de beneficio olim præstito, id est, de liberatione à seruitute Aegyptiaca. 2. Confirmabat fidem vtentium. 3. Adumbrabat futuram victimam Christi. 4. Perpetui fæderis inter Deum & homines typus erat: Ita cæna hæc habet quoq; varias significationes: idq; partim respectu præteriti temporis, partim præsentis, partim futuri, partim æternitatis: quas significationes nunc exponam quàm possum clarissimè. Deus adsit & mihi docenti & vobis audientibus, vt in Dei gloriam cedat, & in nostri salutarem instructionem.

Quæ est significatio cænæ respectu præteriti temporis? Si tempus præteritum respicimus, est hæc sacra cæna commemoratio quædam historiæ de passionem Domini, iuxta Christi mandatum? [Hoc facite in mei commemorationem.] Quotiescunq; ergo vel ipsi accedimus ad cænam, vel alioqui intersumus cænæ celebrationi, debemus meminisse mortis, sepulturæ & resurrectionis Domini.

Quæ est significatio cænæ respectu præsentis temporis? Primum significat nos vniri & incorporari Christo

Christo, idq; spiritualiter. Ita enim Paulus docet, cum ait: [Calix benedictionis cui benedicimus, nonne communio sanguinis Christi est? panis quem frangimus nonne communio corporis Christi est?] hoc est, Communicatio corporis & sanguinis Domini facit nos habere quandam communionem cum Christo. Deinde significat nos quoq; vniri inter nos spiritu Christi, qui vna hanc cœnam communicamus. Cuius communionis symbolum vnus panis existit, vt Paulus testatur, cum ait: Quoniam vnus panis vnum corpus sumus multi. Quemadmodum enim panis, ex multis compactus est grans: ita qui vna communicant, in vnum corpus, cuius caput est Christus, spiritualiter coalescunt: atq; ideo Paulus hanc Christi cœnam vocat communionem. Hinc quidam ex sanctis patribus ait: Cœna dicitur communio. 1. Quia communicamus per ipsam Christo. 2. Quia participamus eius carnem & diuinitatem. 3. Quia communicamus & vnimur inuicem per ipsam.

Deinde significat hæc cœna nos spiritualiter alere & sustentari corpore & sanguine Christi. Ut enim panis et vinum corpora humana nutriunt, augent, conseruant, exhilarant: Ita corpus Christi & sanguis alit, auget, conseruat & exhilarat animas nostras ad vitam æternam, modò vera fides in nobis sentiatur.

Quæ est significatio huius cœnæ respectu futuri temporis? Hæc sacra cœna significat, quod virtute

S 5

corporis

COENA
quid si
significet

corporis Christi resuscitati ex mortuis nostra quoque corpora olim resurgant, ut fiant conformia glorioso corpori Christi. Unde Paulus: Si Christus resurrexit & nos resurgemus, ut fruamur perpetua præsencia Christi corporis in omni æternitate. Unde quidam sancti patres hanc cœnam vocarunt viaticum, quia admonebat ante mortem sumentes hanc cœnam, quod Christus esset ipsis via ex his ærumnis ad æternam beatitudinem.

Quæ est significatio cœnæ Domini respectu æternitatis? Est perpetuum fauoris Dei erga homines testimonium nullo tempore mutationi obnoxium, ac propterea vocat ipse Dominus hanc suam cœnam nouum testamentum, ut quod nulli vetustati unquam obnoxium fiat. Verum ut hoc intelligatur clarius, dicam breuissimè, quæ in omni testamento concurrant: & quomodo illa quæ in omni testamento concurrunt, etiam hic adsint: adhuc quid sit nouum testamentum.

In omni testamento sunt quinque. 1. Testator qui facit testamentum. 2. Bona quæ testator legat. 3. Scripti hæredes. 4. Mors testatoris. 5. Conditiones seruandæ à scriptis hæredibus. In hoc nouo testamento testator est Christus: hæreditas, vitæ æternæ possessio: Hæredes sunt filij Dei, id est, omnes qui credunt in Christum: Mors testatoris Christi intercessit. Nam mortuus est & sepultus, & resurrexit tertia die: conditiones seruandæ à scriptis hæredibus sunt, ut in Christum credant eique obtemperent, ac vi-

ac vitæ innocentiam tueantur vsq; ad finem, & si lapsi fuerint in peccatum, seriam ante mortem agant pœnitentiam. Hinc iam quid sit nouum testamentum concludamus hoc modo: Nouum testamentum est fœdus æternum, sancitum morte testatoris Iesu Christi de gratia Dei, remissione peccatorum & donatione vitæ æternæ, promissa omnibus gentibus & populis in Christum crucifixum credentibus.

D E S E C V N D O.

Cum Paulus dicit: [Probet se ipsum homo, & sic de pane illo edat & de calice bibat: nam qui ederit indignè, aut biberit indignè, iudicium sibi edit & bibit.] Hæc verba Pauli quatuor confirmant. 1. Quod vsus cænæ in Ecclesia debeat esse. 2. Quod sit necessaria ante vsum huius cænæ probatio. 3. Quod indignè vsurpans hanc cœnam grauissimè peccet. 4. Quod hæc cœna tantum porrigenda sit ijs, qui se probare possunt. De secundo tantum dicam, videlicet quomodo vnusquisq; se probare debeat, qui hac cœna vtiliter vti cupit.

Quomodo ergo debet se probare qui hac cœna vult vti? hoc Paulus docet 2. Cor. 13. his verbis: Vos ipsos probate num sitis in fide: vos ipsos probate. An non cognoscitis vosmetipsos, quod Christus sit in vobis? Ex quibus verbis intelligitur, quod iusta probatio in hoc sita est, vt vera sentiatur fides & Christi præsentia in nobis, hoc est, vt planioribus verbis

verbis dicam: Is probatus est, & dignè accedit ad sacram Christi cœnam, qui reuerenter in timore Dei, in vera pœnitentia, in vera fiducia, & cum pio proposito ad hanc cœnam accedit: & contra, qui sine reuerentia, sine timore Dei, sine vera pœnitentia, sine vera fiducia & cum proposito peccandi accedit, is indignè accedit, non dñjudicans corpus & sanguinem Domini, & sibi iudicium manducat. Quare omnis qui accedit hanc cœnam, & habet animum manendi in suis peccatis, is blasphemus est, & cum Iuda Sacramentum sumit.

Ut autem rudes homines, non temere præsument hanc cœnam adire, utilis est instituta disciplina confessionis & absolutionis in Ecclesijs nostris. Nam hæc disciplina multum inuat ad hoc, ut quis se legitimè probare possit.

Verum ut de confessione & absolutione rectè iudicare possimus: Primum sciendum est, quòd ut duplex est confessio, ita & duplex absolutio. Una confessio est coram Deo tantum, cum videlicet quis suum peccatum coram Deo confitetur, agnoscit se peccatorem, & petit veniam propter Christum. Sine tali confessione nullus adultus saluatur. Sic confessus est David, cum inquit: Miserere mei Deus, quia peccaui tibi: Ne intres in iudicium cum seruo tuo, quia non iustificabitur in conspectu tuo omnis viuens. Sic & Daniel confessus est, quando ait: Peccauimus & iniquè egimus cum patribus nostris. Sic publicanus, quando non audebat eleuare faci-

refaciem
cens: Deu
fessionire
& hæc
t.e. Quic
id est, a
defectu
ad ater
Etò abs
tione a
absolut
Magde
dicimur
torum,
debita
fessionis
Alia co
doctrina,
ministr
consolati
consci
bi debet
ipsum, d
dicare:
aduersu
let ob su
debet en
si dicat
Christi m

re faciem in cælum : sed percussit pectus suum dicens: Deus propitius esto mihi peccatori. Huic confessioni respondet absolutio, quæ fit per solum Deum, & hæc fit quando homo credit promissioni gratiæ. Quicumq; enim credit, est à peccato iustificatus, id est, absolutus à peccato. Nam cum peccatum sit defectus à lege & voluntate Dei, cum obligatione ad æternam mortem & damnationem, erit profectò absolutio liberatio hominis credentis, ab obligatione ad æternam mortem & damnationem. Sic absolutus est Manasses, David, latro in cruce, Magdalena. Ita nos quotidie absolvimur, quando dicimus ex vero corde: Credo remissionem peccatorum, & cum precamur ex fide: Remitte nobis debita nostra. Hoc dictum sit de primo genere confessionis & eiusdem absolutione.

Alia confessio est disciplina, cum homo consilij, doctrinæ, & confirmandæ fidei suæ causa accedit ministrum Ecclesiæ, agnoscit se peccatorem, petit consolationem, cupit erudiri verbo Dei, quò ipsius conscientia tranquilla reddi possit. Hic minister verbi debet eum, qui sic confitetur, erudire: & si novit ipsum, debet vitia, quæ in eo animadvertit, ipsi indicare: debet ostendere ei magnitudinem iræ Dei aduersus impænitentes, & rursus, si confitens dolet ob suum peccatum, & promittit emendationem, debet eum consolari promissionibus Euangelij: & si dicat se promissionibus credere, debet ei minister Christi nomine testari, quod habeat Deum propitium, &

um, & annunciare illi remissionem peccatorum in nomine Patris & Filij & Spiritus sancti, cum seria admonitione de peccato in posterum vitando, ne posteriora eius hominis fiant peiora prioribus. Atq; hæc sint dicta de secundo confessionis genere, & absolutione quæ ei respondet. De confessione publica, & absolutione publica alio tempore dicendum est, item de confessione quæ fit fratribus quos offendimus.

D E T E R T I O.

Iam restat, ut quis sit verus usus & quæ sit huius sacræ cænæ legitima meditatio, dicamus. Cum ergo hæc sacræ Christi cænæ sit sacramentum nostræ per victimam Christi redemptionis, hæc ordine sunt meditanda & seriò æstimanda in huius sacræ cænæ perceptione.

P R I M O in mentem communicantibus venire debet causa mortis Christi, nempe peccatum generis humani. Rom. 4. Mortuus est propter peccata nostra. Esaie. 43. Percussit eum propter iniquitates nostras.

S E C U N D O cogitandus est finis victimæ Christi, qui est ut nos redimeret à iure peccati & mortis. 2. Corinth. 5. Eum qui non novit peccatum, fecit peccatum, ut nos fieremus iusticia Dei in ipso. 1. Iohannis 1. Sanguis Iesu Christi purgat nos ab omni iniquitate. Iohan. 1. Agnus Dei tollit peccata mundi.

T E R-

TERT
tandum est
uersus pec
ri nisi host
QV
Dei, qui
recipere
QV
qui natu
pro nobi
Dei crui
nos cogit
in sui rec
Cum h
Dei nascit
& piacular
actio, confes
bus hæc cæn
Brenite
quod nos c
ipso fœdus
eius grati
nec nobis
STV

TERTIO, ex præstantia huius victimæ cogitandum est, quantam necesse est fuisse iram Dei aduersus peccatum, quæ non potuit ullis hostijs expiari nisi hostia filij Dei vnigeniti.

QUARTO cogitanda est maxima misericordia Dei, qui voluit nos miseros peccatores in gratiam recipere propter filij satisfactionem.

QUINTO cogitandus est ingens amor filij Dei, qui natura humana assumpta voluit fieri victima pro nobis & in se derivare iram Dei, & iusticiæ Dei crucis supplicio satisfacere. Hæc omnia vult nos cogitare filius Dei, cum iubet vt hæc cæna fiat in sui recordationem.

Cum hæc ita meditamur, ex contemplatione iræ Dei nascitur contritio, ex cogitatione misericordiæ & piacularis victimæ fides: ex quibus gratiarum actio, confessio, patientia & aliæ virtutes, de quibus hæc cæna nos admonet.

Breuitè vt ipse filius Dei nobiscum fædus facit quod nos clementer recipiat: ita nos vicissim cum ipso fædus facimus, quod ei credamus & beneficia eius grati accipiamus: quod vt verè faciamus, donec nobis huius cænæ institutor **IESVS CHRIS-**

TVS, cui cum Patre & Spiritu san-

cto, honor & gloria in sæcula,

A M E N.

PASSIO

PASSIO DO-
MINI NOSTRI IESV CHRI-
STI, IUXTA ORDINEM HISTORIÆ
*concinnata, ex collatione quatuor
Euangelistarum.*

ET cum hymnum cecinissent, egressus Ie-
sus ibat, vt solitus erat, trans torrentem
Cedron in montem oliuarum. Secuti sunt
autem illum & discipuli. Tunc dicit illis,
Omnes vos scandalum patiemini in me in ista
nocte. Scriptum est enim: Percutiam pastorem,
& dispergentur oues gregis. Postquam autem
surrexero, præcedam vos in Galilæam. Re-
spondens autem Petrus, ait illi, Etsi omnes
scandalum passi fuerint in te, ego tamen nun-
quam scandalum patiar, Ait illi Iesus, Amen
dico tibi, quod hodie in nocte hac, priusquam
bis gallus cecinerit, ter abnegabis me. At ille
vehementius dicebat, Immo si me oportuerit
commori tibi, non te abnegabo. Similiter au-
tem & omnes discipuli dicebant.

Tunc venit Iesus cum illis in villam, quæ di-
citur Gethsemani, vbi erat hortus in quem in-
troiuit ipse & discipuli eius. Nouerat autem &
Iudas proditor eius locum, quia frequenter
Iesus conuenerat illuc cum discipulis suis.
Tunc Iesus ait illis, Sedete hic donec vadam &
orem illic. Et assumpto secum Petro & Iacobo
& Iohanne duobus filijs Zebedæi, cœpit expa-
uescere, dolere, & grauiter angi. Et dicit illis,

Tristis

Tristis est
hic & vigi
tentation
me ad iac
dit in fa
orauit,
ra, dice
sunt tib
lix iste,
cut tu. I
dormier
Adeo n
Vigilat
nem. Sp
infirmas
cens: Pa
à me, nisi b
uersus inue
enim oculi
responder
orauit ter
si uis, tra
non mea
Appar
fortans e
orabat. I
nis decur
deprecati
perit eos
illis: Dorn
mitis? Su

Tristis est anima mea usque ad mortem. Manete hic & vigilate mecum, orantes ne intretis in tentationem. Et progressus pusillum ab eis ferme ad iactum lapidis, positisque genibus, proci- dit in faciem suam prostratus in terram, & orauit, ut si possibile esset, transfret à se ho- ra, dicens: Abba, pater mi, omnia possibilia sunt tibi, si possibile est, transeat à me ca- lix iste, veruntamen non sicut ego volo, sed si- cut tu. Et venit ad discipulos, & reperit eos dormientes, & dicit Petro: Simon dormis? Adeo non potuistis vna hora vigilare mecum? Vigilate & orate, ut ne intretis in tentatio- nem. Spiritus quidem promptus est, sed caro infirma. Rursus altera vice abiit & orauit, di- cens: Pater mi, si non potest hic calix transire à me, nisi bibam illum, fiat voluntas tua. Et re- uersus inuenit illos iterum dormientes. Erant enim oculi eorum grauati, neque sciebant quid responderent. Et relictis illis, iterum abiit, & orauit tertio eundem sermonem, dicens: Pater, si uis, transfer calicem hunc à me veruntamen non mea voluntas, sed tua fiat.

Apparuit autem illi Angelus de cœlo con- fortans eum. Et correptus labore, prolixius orabat. Et erat sudor eius sicut guttæ sangui- nis decurrentes in terram. Et cum surrexisset à deprecatione venissetque ad discipulos suos, re- perit eos dormientes præ mœstitudine. Et ait illis: Dormite posthac & requiescite, quid dor- mitis? Sufficit. Ecce appropinquauit hora, &

T filius

filius hominis traditur in manus peccatorum. Surgite, eamus ecce appropinquauit qui me tradit, orate autem ne intretis in tentationem.

Et continuo adhuc eo loquente, ecce Iudas vnus è duodecim, accepta cohorte & ministris à pontificibus ac Pharisæis & senioribus & scribis, antedens turbam multam, venit illuc cum laternis ac facibus cum gladijs & fustibus. Dederat autem hic proditor commune signum illis, dicens: Quemcunq; osculatus fuero is est, comprehendite illum, & abducite caute. Iesus itaq; sciens omnia quę ventura erāt super se, processit ac dixit eis: Quē quæritis? Responderunt ei: Iesum Nazarenum. Dicit eis Iesus, Ego sum. Stabat autem & Iudas qui prodebat eum cum ipsis. Vt ergo dixit eis, ego sum, abierunt retrorsum & ceciderunt in terram. Iterum ergo interrogauit eos: Quem quæritis? Illi autem dixerunt, Iesum Nazarenum. Respondit Iesus, dixi vobis quod ego sim. Si ergo me quæritis, finite hos abire, vt impleretur sermo quem dixerat: Ex ijs quos dedisti mihi non perdidi quenquam. Et appropinquauit Iesus Iudas, vt oscularetur eum, confestimq; accedens dixit: Rabbi aue, ac deosculatus est eum. Dixitq; illi Iesus: Amice ad quid ades? Iudas, osculo filium hominis prodis? Tunc accesserunt & manus suas iniecerunt in Iesum, & comprehenderunt eum. Videntes autem ij qui circa ipsum erant quod futurum erat, dixerunt ei: Domine percutiemus ne gladio? Simon ergo

ergo Petrus
eum, & p
abiecit a
nomen s
sus, ait,
gladium
acceper
tas quo
meum,
legione
quem
plebun
cum te
In illa a
rant ad
tus temp
exilis cu
dendum
cens in ter
nos. Sed
nebrarum
tem totu
ptura Pe
licto eo
tulus se
nudum,
Ille vero
Coho
dæorum
& abdux
nas erat

ergo Petrus cum haberet gladium, eduxit eum, & percussit summi sacerdotis servum, & abscidit auriculam eius dextram. Erat autem nomen seruo Malchus. Respondens autem Iesus, ait, Sinite hucusque. Et ait Petro: Immitte gladium tuum in vaginam. Omnes enim qui acceperint gladium, gladio peribunt. An putas quod non possum nunc rogare Patrem meum, & exhibebit mihi plus quam duodecim legiones Angelorum? an non bibam calicem quem dedit mihi Pater? Quomodo ergo implebuntur scripturae? quia sic oportet fieri. Et cum tetigisset auriculam serui, sanauit eum. In illa autem hora dixit Iesus ad eos qui venerant ad se, principes sacerdotum & magistratus templi & seniores. Tanquam ad latronem existis cum gladijs & fustibus ad comprehendendum me quotidie apud vos sedebam docens in templo, & non extendistis in me manus. Sed hæc est hora illa vestra & potestas tenebrarum, ut impleantur scripturae. Hoc autem totum factum est ut complerentur scripturae Prophetarum. Tunc discipuli omnes relicto eo fugerunt. Et unusquispiam adolescentulus sequebatur illum, amictus sindone super nudum, & comprehendit illum adolescentuli. Ille vero relicta sindone, nudus effugit ab illis.

Cohors igitur & tribunus ac ministri Iudæorum comprehensum Iesum ligauerunt, & abduxerunt eum ad Annam primum. Annas erat focer Caiphæ, qui erat pontifex anni

T 2 illius.

illius. Erat autem Caiphas is qui consilium dederat Iudæis, quod expediret vnum hominem mori pro populo. Et duxerunt eum ad Caipham pontificem, id est, principem sacerdotum, ubi omnes summi sacerdotes, scribe & seniores conuenerant. Sequebatur autem Iesum eminus Simon Petrus & alius discipulus usque ad atrium pontificis. Discipulus autem ille erat notus pontifici, & introiuit cum Iesu in atrium pontificis. Petrus autem stabat ad ostium foris. Exiuit ergo discipulus ille alter, qui erat notus pontifici, & dixit ostiariæ, & introduxit Petrum. Stabant autem serui & ministri, qui prunas congesserant inferius in medio aulae, quia frigus erat, & calefaciebant se. Erat autem cum eis & Petrus stans, & calefaciens se, ut videret finem. Ancilla ergo summi sacerdotis, quæ erat ostiaria ad lumen Petrum se calefacientem intuita, defixis in illum oculis dixit: Et tu cum Iesu eras, Num & tu ex discipulis es hominis istius? At ille abnegauit coram omnibus, dicens: Mulier non sum, Non noui illum, neque scio, quid dicas.

Pontifex ergo interrogauit Iesum de discipulis suis & de doctrina ipsius. Respondit ei Iesus: Ego palam locutus sum mundo. Ego semper docui in synagoga & in templo, quo omnes Iudæi conueniunt, & in occulto locutus sum nihil. Quid me interrogas? Interroga eos qui audierunt quid locutus sim ipsis. Ecce hi sciunt quæ dixerim ego. Hæc autem cum dixisset,

set, vnus
Iesu, dice
spondit e
malo, su
nas vin

Staba
calefac
tionem
nit, &
pit dice
Iesu N
discipu
es. Et i

Homo
post pu
horæ, ali
bant, dice
lilæus es,

Dicit ei v
cuius ab
te vidi in
ac deiera
dicitis.

lus itera
tuitus et
verbi D
gallus ce
foras fle

Princi
torum co
um contr

set, vnus assistens ministrorum dedit alapam Iesu, dicens: Siccine respondes pontifici? Respondit ei Iesus: Si mala locutus sum testare de malo, sin bene, cur me cædis? Miserat eum Annas vinctum ad Caiphā pontificem.

Stabat autem Simon Petrus in vestibulo & calefaciebat se. Et pusillum post primam negationem, cum exiret ad vestibulum gallus cecinit, & vidit eum altera ancilla, & rursus cœpit dicere ijs qui astabant ibi: Et hic erat cum Iesu Nazareno. Dicunt ergo ei, Num & tu ex discipulis eius es? Et alius dixit, Et tu de illis es. Et iterum negauit cum iureiurando, dicens: Homo non sum: sed neq; noui hominem. Et post pusillum, interuallo interiecto fere vnus horū, alius quidam affirmabat cum ijs qui astabant, dicens: Vere & tu ex illis es. Nam & Galilæus es, & loquela tua te manifestum facit. Dicit ei vnus ex seruis pontificis, cognatus eius cuius absciderat Petrus auriculam: Nonne ego te vidi in horto cum illo? Tunc cœpit execrari ac deierare, non noui hominem istum de quo dicitis. Et continuo adhuc illo loquente gallus iterum cecinit. Et conuersus Dominus intuitus est Petrum. Et recordatus est Petrus verbi Domini Iesu, qui dixerat ei priusquam gallus cecinerit bis, ter me negabis. Et egressus foras fleuit amare.

Principes autem sacerdotum & seniores & totum concilium quærebant falsum testimonium contra Iesum, vt morti eum traderent, &

T 3 non in-

non inueniebant, etiam cum multi falsi testes accessissent, non enim erant satis idonea testimonia. Nouissime autem venerunt duo falsi testes & testimonium falsum ferebant aduersus illum, dicentes : Nos audiui eum dicentem : Ego possum diruere & diruam templum hoc Dei, quod est manibus factum, & tribus diebus aliud sine manibus factum extruam. Et ne sic quidem satis idonea erant testimonia illorum. Et surgens summus sacerdos in medium, interrogabat Iesum, dicens : Nihil respondes ? Cur isti aduersum te dicunt testimonia ? Iesus autem tacebat, neque quicquam respondebat. Rursus princeps sacerdotum interrogauit & dicit illi : Tu es ille Christus filius benedicti ? Adiuro te per Deum viuum, vt dicas nobis an tu sis Christus filius Dei. Dicit illi Iesus : Tu dixisti, ego sum. Veruntamen dico vobis : Amodo videbitis filium hominis sedentem a dextris virtutis, & venientem in nubibus coeli. Tunc princeps sacerdotum discidit vestimenta sua, dicens : Blasphemauit, quid insuper egemus testibus ? Ecce nunc audistis blasphemiam eius, quid vobis videtur ? Illi vero omnes condemnauerunt eum, dicentes : Reus est mortis. Tunc viri qui tenebant Iesum illudentes ei, expuerunt in faciem eius, & colaphis eum caeciderunt. Alij vero cum obtexissent faciem illius, palmas in faciem eius dederunt maxime serui, dicentes : Vaticinare nobis Christe, quis est ille qui te percussit ? Et alia multa conuiciantes dicebant in eum.

Mane

Mane
principes
puli ac to
aduersus
duxerunt
Num tu
Si vobis
terroga
mittetis
sedens
omnes
citis me
deram
ore eius
vinctu
tradidit
adhuc ma
Tunc vi
damnatu
ginta arg
nioribus
noxium
debis. Et
& abiens
crepuit
ius. Prin
genteis,
corbona
lio autem
cede iniq
peregrino

Mane autem facto conuenerunt omnes principes sacerdotum & scribæ senioresq; populi ac totum concilium, & inierunt consilium aduersus Iesum vt eum morti traderent. Et duxerunt eum in concilium suum, dicentes: Num tu es ille Christus? dic nobis. Et ait illis: Si vobis dixerò, non creditis: quod si etiam interrogauerò, non respondebitis mihi neq; dimittetis. Ex hoc tempore erit filius hominis sedens à dextris virtutis Dei. Dixerunt autem omnes: Tu ergo es filius Dei? Qui ait: Vos dicitis me esse. At illi dixerunt: Quid adhuc desideramus testimonium? Ipsi enim audiuius ex ore eius. Et surgens vniuersa multitudo eorum vinctū abduxit Iesum à Caipha in prætorium, tradiditq; Pontio Pilato præfidi. Erat autem adhuc mane.

Tunc videns Iudas qui eum tradiderat quod damnatus esset, pœnitentia ductus retulit triginta argenteos principibus sacerdotum & senioribus, dicens: Peccaui tradens sanguinem innoxium. At illi dixerunt: Quid ad nos? Tu videbis. Et proiectis argenteis in templo, recessit & abiens laqueo se suspendit: Suspensus autem crepuit medius, & effusa sunt omnia viscera eius. Principes autem sacerdotum acceptis argenteis, dixerunt: Non licet eos mittere in corbonam, quia precium sanguinis est. Consilio autem inito, emerunt ex illis argenteis mercede iniquitatis agrum figuli, in sepulturam peregrinorum. Et innotuit omnibus habitantibus

T 4

tibus

tibus Hierosolymæ, ita vt appellaretur ager ille lingua illis vernacula Akeldama, hoc est, ager sanguinis, vsq; in hodiernum diem. Tunc impletum est quod dictum est per Ieremiam Prophetam dicentem: Et acceperunt triginta argenteos precium æstimati, quem æstimatum emerunt à filiis Israel, & dederunt æs in agrum figuli, sicut constituit mihi Dominus. Iudæi autem non introierunt in prætorium, ne contaminarentur, sed vt ederent pascha. Exiuit ergo Pilatus ad eos foras, & dixit: Quam accusationem adfertis aduersus hominem hunc? Responderunt & dixerunt ei: Si non esset hic nocens, haudquaquam tibi tradidissemus eum. Dicit ergo eis Pilatus: Accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quenquam. Vt sermo Iesu impleretur quem dixit significans qua morte esset moriturus.

Cœperunt autem illum grauitè accusare summi sacerdotes & seniores de multis dicentes: Hunc deprehendimus euerterentem gentem, ac vetantem tributa dare Cæsari, & dicentem se Christum regem esse. Introiuit ergo iterum in prætorium Pilatus, & vocans Iesum interrogauit eum, dicens: Tu es ille rex Iudæorum? Respondit Iesus stans ante eum: A temetipso hoc tu dicis, an alij dixerunt tibi de me? Respondit Pilatus: Num ego Iudæus sum? Gens tua & pontifices tradiderunt te mihi, quid fecisti? Respondit Iesus. Regnum meum non est
ex hoc

ex hoc mundo. Si ex hoc mundo esset regnum meum, ministri mei utiq; decertarent, ne traderer Iudæis, Nunc autem regnum meum non est hinc. Dixit itaq; ei Pilatus. Ergo rex es tu? Respondit Iesus. Tu dicis: Ego sum Rex. Ego in hoc natus sum, & ad hoc veni in mundum ut testimonium feram veritati. Omnis qui est ex veritate, audit vocem meam. Dicit ei Pilatus: Quid est veritas? Et cum hoc dixisset, iterum prodijt ad Iudæos, & dicit eis: Ego nihil inuenio noxæ in hoc homine. Et cum accusaretur à principibus sacerdotum & senioribus, nihil respondit. Pilatus autem rursus interrogauit illum, dicens: Non respondes quicquam? Ecce quam multa dicunt aduersum te testimonia, non audis? Et non respondit ei ad vllum verbū, ita ut miraretur præses vehementer. At illi inualescebant: Commouit populum, docens per vniuersam Iudæam, exorsus à Galilæa vsq; ad hunc locum. Pilatus autem audita mentione Galilææ, interrogauit, num homo Galilæus esset. Et ut cognouit quod ad Herodis ditionem pertineret, remisit eum ad Herodem, qui & ipse Hierosolymis erat per id tempus.

Herodes autem viso Iesu gauisus est valde. Tenebatur enim multo iam tempore cupiditate videndi illum, eo quod audiret multa de eo, & sperabat se signum aliquod visurum ab eo fieri. Interrogabat autem eum multis sermonibus. At ipse nihil ei respondebat. Stabant autem principes sacerdotum & scribæ acriter accu-

T 5 santes

santes eum. Spreuit autem illum Herodes cum exercitibus suis. Cumq; illuisset, indutum veste alba, remisit ad Pilatum. Et facti sunt amici inter se Pilatus & Herodes in eodem die, nam antea similtates inter eos intercesserant.

Pilatus autem conuocatis principibus sacerdotum ac magistratibus & plebe, dixit ad illos: Obtulistis mihi hunc hominem quasi auertentem populum, & ecce ego coram vobis interrogans, nullum crimen inuenio in homine isto, ex his de quibus accusatis eum, sed ne Herodes quidem. Nam remisi vos ad illum, & ecce nihil dignum morte actum est ei. Emendatum ergo illum dimittam.

In festo autem necesse habebat & consueuerat præses turbæ dimittere vnum vinctum quemcunq; postulassent. Habebat autem tunc vinctum insignem, videlicet latronem, qui dicebatur Barrabas, qui cum seditionis autoribus coniectus fuerat in carcerem, qui per seditionem quandam in ciuitate factam homicidium patrauerat. Et cum acclamasset turba, cœpit flagitare vt faceret quemadmodum semper fecerat ipsis. Itaq; congregatis illis respondit Pilatus. Consuetudo est vobis vt vnum dimittam vobis in Pascha: Vtrum ergo vultis dimittam vobis, Barrabam, an Iesum regem illum Iudæorum qui dicitur Christus? Sciebat enim quod propter inuidiam tradidissent illum summi sacerdotes. Sedente autem illo pro tribunali, misit ad eum vxor eius, dicens: Nihil tibi cum

cum iusto illo, multa enim passa sum hodie in somnis propter eum. Principes autem sacerdotum & seniores concitauerunt turbas, persuadentes ut sibi potius dimitti peterent Barrabam, Iesum verò perderent. Respondens autem praeses ait illis: Vtrum vultis vobis è duobus dimittam? Et exclamavit simul vniuersa turba, dicens: Tolle hunc, & dimitte nobis Barrabam. Iterum autem Pilatus locutus est ad eos, volens dimittere Iesum, & ait: Quid igitur vultis faciam Iesu, quem dicitis regem Iudaeorum? At illi rursus clamauerunt omnes: Crucifige, crucifige eum. Ille autem tertio dixit ad illos: Quid enim mali fecit? Nullum crimen capitale comperio in eo. Castigatum ergo dimittam illum. At illi magis clamabant dicentes: Crucifigatur. Et instabant vocibus magnis, postulantes ut crucifigeretur. Et inualescebant voces eorum ac summorum sacerdotum.

Tunc ergo apprehendit Pilatus Iesum, & flagellauit. Milites autem praesidis abduxerunt eum intro in atrium, quod est praetorium, & conuocant ad eum totam cohortem, exutumque induunt purpura siue chlamide coccina, & plectentes coronam de spinis imponunt capiti eius, dantque harundinem in dexteram eius, & genu flexo ante eum, illudentes ei coeperunt salutare dicentes: Ave rex Iudaeorum: Et dabant ei alapas. Et cum expuissent in eum, acceperunt harundinem, & percutiebant caput eius,

eius, & positis genibus adorabant illum.

Exiuit iterum Pilatus foras, & dicit eis: Ecce adduco eum vobis foras, vt cognoscatis, quod nullam causam in eo inuenio. Exiuit ergo Iesus foras gestans spineam coronam & purpureum pallium, Et dicit eis: Ecce homo. Cum ergo vidissent eum pontifices & ministri clamabant, dicentes: Crucifige, crucifige. Dicit eis Pilatus: Accipite eum vos, & crucifigite. Ego enim non inuenio in eo causam. Responderunt ei Iudæi, Nos legem habemus, & secundum legem nostram debet mori, quia filium Dei se fecit. Cum ergo audisset Pilatus hunc sermonem, magis timuit. Et ingressus est iterum in prætorium, & dicit ad Iesum, Vnde es tu? Iesus autem responsum non dedit ei. Dicit ergo ei Pilatus, Mihi non loqueris? Nescis quod potestatem habeam crucifigendi te, & potestatem habeam absoluendi te. Respondit Iesus: Non haberes potestatem aduersus me vllam, nisi tibi datum esset è supernis, propterea qui me tradidit tibi maius peccatum habet. Ex eo quærebat Pilatus absolvere eum. Iudæi autem clamabant, dicentes: Si hunc absolueris, non es amicus Cæsaris. Quisquis se regem facit, contradicit Cæsari.

Pilatus autem cum audisset hunc sermonem, produxit foras Iesum, seditq; pro tribunali in loco qui dicitur lithostrotos, Hebraice autem Gabbata. Erat autem parasceue paschæ hora ferme sexta. Et dicit Iudæis: Ecce rex vester.

Illi

Illi aut
eum. Di
gam? I
regem
dens
fieret.
fieret
luit m
sum a
spon
super
Di
sediti
carce
gellat
vt cru
Acci
eum pur
prijs &
cem vt
runt q
næum,
trem A
coeger
erunt i
quebat
mulier
eum. Co
liæ Hier
vobis ip
ecce ven

Illi autem clamabant, Tolle, tolle, crucifige eum. Dicit eis Pilatus, Regem vestrum crucifigam? Responderunt pontifices, Non habemus regem nisi Cæsarem. Tunc ergo Pilatus videns quod nihil proficeret, sed magis tumultus fieret, volens turbæ facere satis, adiudicauit vt fieret quod illi postulabāt. Et accepta aqua abluuit manus coram populo, dicens: innocens ego sum à sanguine huius iusti, vos videbitis. Et respondens vniversus populus dixit: Sanguis eius super nos & super filios nostros.

Dimisit autem illis Barrabam, qui propter seditionem & homicidium coniectus fuerat in carcerem, quem poposcerant. Iesum autem flagellatum & illusum tradidit arbitrio illorum vt crucifigeretur.

Accipientes autem Iesum milites, exuerunt eum purpura, & induerunt eum vestibus proprijs & abduxerunt eum baiulantem suam crucem vt crucifigerent. Exeuntes autem inueniunt quendam prætereuntem, hominem Cyrenæum, nomine Simonē, venientem ex agro, patrem Alexandri & Rufi. Hunc apprehendentes coegerunt, vt tolleret crucem eius. Et imposuerunt illi crucem, vt portaret post Iesum. Sequebatur autem illum multa turba populi ac mulierum quæ plangebant & lamentabantur eum. Conuersus autem ad illas Iesus dixit: Filix Hierusalem nolite flere super me, sed super vobis ipsis flete & super filijs vestris. Quoniam ecce venient dies in quibus dicent: Beatæ steriles

riles & ventres qui non genuerunt & vbera quæ non lactauerunt. Tunc incipient dicere montibus, cadite super nos, & collibus, operite nos, quia si in humido ligno hæc faciunt, in arido quid fiet? Ducebantur autem & alij duo cum eo facinorosi, vt interficerentur.

Et ducunt eum in locum qui dicitur Hebraice Golgatha, quod est si interpreteris, caluariæ locus & ibi dederunt ei acetum siue myrrhatum vinum cum felle mixtum bibere. Et cum gustasset, noluit bibere.

Et crucifixerunt eum in Golgatha, & cum eo duos latrones, vnum à dextris & alterum à sinistris eius, medium autem Iesum. Et impleta est scriptura quæ dicit: Et cum iniquis deputatus est. Erat autem hora tertia dum crucifixerunt eum.

I E S V S autem dicebat, Pater remitte illis nesciunt enim quid faciant.

Scriptit autem & titulum Pilatus, id est, inscriptionem causæ illius, & posuerunt super crucem ad caput I E S V, Erat autem scriptum I E S V S N A Z A R E N V S R E X I V D Æ O R V M. Hunc ergo titulum multi Iudæorum legerunt, quia prope ciuitatem erat locus, vbi crucifixus est Iesus: Et erat scriptum literis Hebraicis, Græcis & Latinis. Dicebant ergo Pilato pontifices Iudæorū, Noli scribere Rex Iudæorum, sed quod ille dixerit: Rex sum Iudæorum, Respondit Pilatus, Quod scripsi, scripsi.

Milites

Milites ergo cum crucifixissent Iesum acceperunt vestimenta eius, & fecerunt quatuor partes, unicuique militi partem, & tunicam. Erat autem hæc tunica inconsutilis, à summo contexta per totum. Dixerunt ergo inter se: Ne scindamus eam, sed fortiamur de illa cuius sit, ut scriptura impleretur, quæ scripta est per Prophetam dicens: Partiti sunt sibi vestimenta mea, & super vestem meam miserunt sortem. Sedentes autem seruabant eum ibi. Et milites quidem hæc fecerunt. Et populus stabat spectans.

Stabant autem iuxta crucem Iesu mater eius, & soror matris eius Maria, vxor Cleophæ, & Maria Magdalene. Cum vidisset ergo Iesus matrem ac discipulum astantem, quem diligebat, dicit matri suæ: Mulier ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

Qui autem præteribant, conuicia iaciebant in eum, mouentes capita sua, & dicentes: Væ qui demoliris templum, & in tribus diebus extruis. Serua temetipsum. Si filius Dei es, descende de cruce. Similiter & summi sacerdotes illudentes inter sese cum scribis & senioribus & populo dicebant: Alios seruauit, seipsum seruare non potest. Si hic est ille Christus, rex Israel, ille Dei electus, seruet seipsum, descendatque nunc de cruce, ut videamus & credamus ei. Confidit in Deo, liberet eum nunc si vult eum: Dixit enim, Filius Dei sum.

Idip-

Idipsum autem & latrones qui crucifixi erant cum eo exprobrabant conuiciantes ei. Illudebant autem ei & milites accedentes, & acetum offerentes ei atq; dicentes: Si tu es rex ille Iudæorum, saluum te fac. Vnus autem de his qui pendebant facinorosorum, conuitia dicebat in eum, dicens: Si tu es Christus teipsum serua & nos. Respondens autem alter, increpabat eum, dicens: Ne tu quidem times Deum, quod in eadem damnatione es? Et nos quidem iuste, nam digna factis recipimus, hic vero nihil mali gessit. Et dicebat ad Iesum: Domine memento mei cum veneris in regnum tuū, Et dixit illi Iesus: Amen dico tibi, hodie mecum eris in paradiso.

Ab hora vero sexta, tenebræ factæ sunt super vniuersam terram, vsq; ad horam nonam, & obscuratus est Sol. Et circa horam nonam clamauit Iesus voce magna, dicens: Eli, Eli, lammaazabathani? quod est, si quis interprete-
tur. Deus meus, Deus meus cur deseruisti me? Quidam autem illic stantium cum audissent, dicebant: Ecce Heliam vocat iste. Sciens autem Iesus quod omnia iam consummata essent, vt consummaretur scriptura, dicit: Sitio. Vas igitur erat positum aceto plenum, & continuo accurrens vnus ex eis, cū acceptam spongiam impleisset aceto & hysopo, imposuit harundini, obtulitq; ori eius vt biberet, & cum cæteris dicebat. Sinite, Videamus an veniat Helias ad deponendum eum. Cum ergo accepisset Iesus acetum, dixit, Consummatum est. Et iterum clama-

clamauit voce magna, dicens: Pater in manus tuas commendo spiritum meum. Et cum hæc dixisset inclinato capite tradidit spiritum.

Et ecce velum templi scissum est medium in duas partes à summo vsq; ad imum, & terra mota est, & petræ scissæ sunt, & monumenta aperta, & multa corpora sanctorum qui dormierant, surrexerunt, & egressi è monumentis post resurrectionem eius, venerunt in sanctam ciuitatem, & apparuerunt multis.

Centurio autem qui astabat ex aduerso illi, & qui cum eo erant custodientes Iesum, videntes quod sic emisso clamore expirasset, visoq; terræmotu, & his quæ facta fuerant timuerunt valde & glorificauerunt Deum, dicentes. Vere hic homo iustus erat & filius Dei. Et omnes turbæ eorum qui simul accesserant ad spectaculum istud, & viderant quæ contingebant, percutientes pectora sua reuertebantur.

Stabant ibi omnes noti eius procul, & multe mulieres quæ secutæ erant eum à Galilæa, hæc videntes. Inter quas erat Maria Magdalene, & Maria Iacobi parui, & Iose mater, & Salome mater filiorum Zebedæi, quæ etiam, cum esset in Galilæa, secutæ fuerant illum, & ministrauerant ei, aliæq; complures, quæ simul à Galilæa ascenderant cum eo Hierosolymam.

Iudæi ergo, quoniam parasceue erat, vt non remanerent in cruce corpora Sabbato, (erat magnus dies ille Sabbati) rogauerunt Pilatum vt frangerentur eorum crura, & tollerentur.

V Vene-

Venerunt ergo milites, & primi quidem fregerunt crura, & alterius qui crucifixus est cum eo. Ad Iesum autem cum venissent, ut viderunt eum iam mortuum, non fregerunt eius crura, sed vnus militum lancea latus eius fodit, & continuo exiit sanguis & aqua. Et qui vidit, testimonium perhibuit, & verum est testimonium eius. Et ille scit quod vera dicit, ut & vos credatis. Facta sunt enim hæc ut scriptura impleretur, Os non comminuetis ex eo. Et rursus alia scriptura dicit: Videbunt in quem pupugerunt.

Post hæc autem cum vespera facta esset, quoniam erat parasceue, quæ præcedit sabbatum, venit Ioseph Arimathiensis, oriundus ab Arimathæa ciuitate Iudeorum, vir diues, senator & bonus & iustus, qui non consenserat consilio & facto eorum. Erat enim & ipse expectans regnum Dei. Nam & discipulus erat Iesu, sed occultus propter metum Iudeorum. Hic sumpta audacia ingressus est ad Pilatum, & petijt ab eo, ut tolleretur corpus Iesu. Pilatus autem admiratus est, si iam mortuus esset. Et accersito ad se Centurione, interrogauit illum, an iam dudum mortuus fuisset. Et cognita re ex Centurione, donauit corpus Iesu ipsi Ioseph, iubens reddi illum. Et Ioseph mercatus est sindonem. Venit autem & Nicodemus, qui venerat primum ad Iesum nocte, ferens mixturam myrrhæ & aloes, ad libras ferme centum. Acceperunt ergo corpus Iesu depositum, & in-

uolue-

uoluerunt illud in sindone munda, obuinxeruntq; linteis cum aromatibus, sicut mos est Iudæis sepelire. Erat autem in eo loco, ubi crucifixus est, hortus, & in horto monumentum Ioseph nouum, quod is exciderat in petra, in quo nondum quisquam positus erat. Ibi ergo, quia parasceue erat Iudeorum, & sabbatum illucescebat, quod in propinquo esset monumentum, posuerunt Iesum. Et aduoluto saxo ingenti ad ostium monumenti, abierunt. Erat autem ibi Maria Magdalene, & Maria Iose, sedentes contra sepulchrum, & aliæ mulieres, quæ & ipsæ venerant cum Iesu de Galilæa spectantes, ubi & quemadmodum positum erat corpus eius.

Reuersæ vero parauerunt aromata & unguenta, ac sabbato quidem quieuerunt secundum præceptum.

Postero autem die, quæ sequitur post parasceuen, conuenerunt principes sacerdotum & Pharisei ad Pilatum, dicentes: Domine recordati sumus, quod impostor ille dixit adhuc uiuens: Post tres dies resurgam. Iube ergo muniri sepulchrum usq; in diem tertium, ne quando veniant discipuli eius & furentur eum, dicantque plebi surrexit à mortuis, & erit nouissimus error peior illo priore. Ait illis Pilatus: Habetis custodiam. Ite, munite sicut scitis. Illi autem abeuntes munierunt sepulchrum obsignato lapide, adhibitis custodibus.

ENARRATIO TEXTVS.

V 2

Cum

Cum nullum opus magis sit admirandum, quam opus redemptionis, quæ est passio & mors Domini nostri Iesu Christi, iuxta dictum Petri in prioris primo: Non redempti estis caducis rebus auro & argento: sed precioso sanguine agni immaculati & incontaminati, nempe Iesu Christi, decet nos charissimi fratres & sorores, summo studio incumbere, ut huius mirandi operis historiam cognoscamus, præsertim cum nobis commendetur in articulis fidei nostræ, ubi profiteamur nos credere in filium Dei Dominum nostrum Iesum Christum, qui est passus sub Pontio Pilato, crucifixus & mortuus, &c. idq; in eum finem, ut ex noticia historie, in nobis fides per Spiritum sanctum excitetur, unde fiat, ut huius mirandi operis fructus ad nos pertingat.

Cæterum quò distinctius & clarius de hoc admirando opere dicere possim, diuidam totam doctrinam de passione Domini in tres locos seu articulos, qui sunt:

- I. Quotupliciter Dominus est passus.
- II. Passio Domini æstimatio & fructus.
- III. Pia & salutaris meditatio passionis Domini.

DE PRIMO.

Quia nos peccauimus anima & corpore, & debuit fieri satisfactio pro utroq; Dominus noster Iesus Christus passus est & anima & corpore: Idcirco dicam

dicam de vtriusq; passione, animæ videlicet & corporis Domini.

Quod sit in anima passus testatur ipse & voce et signo. Voce cum dicit: Tristis est anima mea vsq; ad mortem: & in cruce: Deus meus Deus meus cur deseruisti me. Huc pertinet & Prophetia Dauid de Christo: Dolores inferni circumdederunt me, id est, maximis doloribus afficiebar. Signo testatur dolorem apud sepulchrum Lazari Iohan. II. & in horto. Apud sepulchrum cum cogitat tyrannidem Diaboli in genus humanum et generis humani miseriam. Nam omnes dolores animi, quos perpeffus est Christus 33. annis vsq; ad mortem eius, sunt pars passionum quibus afficiebatur filius Dei. In horto testatur maximam fuisse animæ suæ tristitiam, dum præ doloris acerbitate sudauerit sanguineas guttas. Naturale quidem est, quod homo lachrimetur & sudet interdum in ingenti dolore, audito subitaneo malo: sed nullus vnquam inuentus fuit, qui sudorem sanguineum præ dolore sudauerit, nemo enim tantum dolorem sustinere posset.

Si queritis causas huius ingentis doloris, scitote non vnā esse, sed multas: quarum hæ sunt præcipuæ.

P R I M A: cogitatio tyrannidis in humanum genus, & maximæ miseriæ, qua omnes homines propter defectionem à Deo premebantur.

S E C V N D A: cogitatio iræ Dei, quam ipse sustinere debuit propter peccata nostra quæ in se recepit.

U 3

pit.

pit. Tametsi enim ipse fuit immunis ab omni peccato: tamen in se recepit reatum peccatorum totius mundi. Unde Iohannes: Agnus Dei tollit, id est, in suo corpore gestat, peccata mundi, sensit igitur verè filius Dei iram Patris: qui sensus tantum dolorem in sanctissima anima excitauit quòd sanguinem sudauerit.

TERTIA: cogitatio supplicij, quod in sanctissimo suo corpore mox sequenti die, se perpeffurum præuidit, & contumeliæ qua afficeretur.

QUARTA: cogitatio ingratitude maxime partis orbis terrarum. Præuidit enim fore quòd multi sapientes, multi potentes, & alij omnino essent hoc suum supplicium pro illis redimendis susceptum aspernaturi, imò se & suos persecuturi: præuidit etiam quòd maxima pars eorum, qui Christianum nomen portant, suis sceleribus effecturi essent, ut hoc suo beneficio se ipsi ingrati priuarent. Hæ quatuor causæ acerbissimum dolorem in corde Christi excitarunt.

Hunc dolorem Domini & nos cogitare debemus, quò ad fidem & pietatem excitemur, ne cum ingrato mundo pereamus.

Hæc sint breuiter dicta de animæ Christi cruciatu: nunc de corporis supplicio dicam. Etsi enim corporis ipsius cruciatus incepit in præsepi, quādo matri Domini nullus erat locus in diuersorio: & postea cum octaua à natiuitate sua die, sanguinem in circumcisione effudit: & deinde vsq; ad tempus,
quo

quo victima est factus in ara crucis pro nobis: Hoc tamen tempore dicam de eo supplicio quod sustinuit postremum. Etsi autem iam ex historia, quam recitavi, facile à quouis intelligi potest, quam varijs modis sit afflictus in sanctissimo suo corpore Dominus: tamen quòd latè in historia sparsum est, in breuem summam contraham & distribuam pro ratione locorum, in quibus est affectus supplicio. Sunt autem hæc loca: hortus, domus Caiphæ, sacerdotum conciliabulum, domus Herodis, prætorium, galgata, hoc est, locus extra urbem, vbi sumebatur supplicium de latronibus.

Quid passus est in horto? Osculo traditus est: manus militum in eum iniectæ sunt: comprehensus est & vinctus: tanquam fur & latro abductus est: vbi & illum omnes ipsius discipuli deseruerunt.

Quid est passus in domo Caiphæ? Illuditur falsis testimonijs, & conuicijs obruitur, & à ministro sacerdotis alapa ceditur.

Quid patitur in concilio sacerdotum? falsis testimonijs grauatur, illuditur, expuitur in faciem eius, colaphis ceditur, obtecta facie percutitur, & iubetur vaticinari quis illum percusserit.

Quid patitur in domo Herodis? Contemptum tyranni & totius aulæ ipsius, & in extremi contemptus testimonium, indutum Iesum veste splendida remisit Herodes ad Pilatum.

Quid patitur in prætorio? Illic accusatur: producuntur aduersus eum falsi testes: petitur vt crucifigatur:

gatur à militibus Pilati induitur purpura in maiorem contemptum: corona spinea imponitur capiti ipsius: datur arundo in dexteram eius: & genuflexione illuditur hoc scommate, *Aue rex Iudæorum*: expuebatur in faciem eius dabantur illi alape: percutiebatur sanctissimum caput eius fustibus: & tandem ad petitionem sacerdotum & totius populi adiudicatur cruci, mortis generi contemptissimo.

Quid patitur iam condemnatus? Imponitur humeris ipsius lignum crucis, in quod erat affigendus: crucifigitur inter duos latrones, ut ipse inter eos maximè facinorosus iudicetur: crucifixo datur vinum Myrrhatum cum felle mixtum: & tandem in his grauissimis cruciatibus moritur. Hinc apparet quàm acerbum supplicium sustinuerit filius Dei Dominus noster Iesus Christus.

Sed quarum rerum nos admonebit supplicij grauitas? sane multarum, & præcipuè quatuor.

P R I M V M enim magnitudo iræ Dei aduersus peccatum conspicitur. peccatum enim nostrum ita pronocauerat iram Dei, ut non potuerit placari nisi per filium Dei, qui humana natura assumpta, nostram vicem sustinet & satisfacit iusticiæ Dei.

S E C V N D O hic conspicitur fœditas peccati. Nam pro delicti qualitate supplicia quoq; variant. Latro rota punitur: fur patibulo: homicida gladio: puer delinquens virga: verum filius Dei turpissimam mortem & execrabilem in lege **D E I** perpeffus est. qua re significatur, quam abominabile

minabile sit peccatum in conspectu DEI.

TERTIO conspicitur hic humiliatio filij Dei qui infra omnes creaturas deiectus fuit, qua humilatione testatur amorem suum erga genus humanum, cuius redimendi causa tanta sustinuit.

QUARTO conspicitur horrendum & implacabile odium Iudæorum aduersus sibi missum saluatorem. Tametsi autem nihil est hic factum præter consilium Dei: Nam longè antea passio Christi est præfigurata et prædicta à sanctis Dei Prophetis, ut Petrus dicit in prioris primo: tamen Iudæi hoc non fecerunt, ut Dei consilio obtemperarent, sed ut suo odio satisfacerent. Ea enim est mundi natura, quòd eos, qui sua scelera acerbius reprehendunt, è medio sublato cupiat, quòd licentius peccare liceat. Hæc sint breuiter dicta de primo loco.

DE SECVNDO.

Vidimus qualis fuit Christi passio, nunc quod secundo loco promisi, ostendam quæ sit passionis Christi æstimatio coram Deo, & quis fructus in de proueniat.

Quæ est ergo eius æstimatio coram Deo? Passio Domini nostri Iesu Christi est sacrificium propitiatorium, in quo æternus filius Dei homo factus, & sacerdos perpetuus à Deo constitutus, obtulit se per spiritum æternum æterno Patri, ut ista sua oblatione placaret iram Dei, & satisfaceret pro culpa & pœna humani generis, ut omnes, qui in illum cre-

dunt & credituri sunt, per eundem sanctificentur ad vitam æternam, iuxta illud Iohan. 17. Pro illis sanctifico me ipsum. Hinc patet quæ sit æstimatio passionis Domini, & quid fructus inde ad nos homines perueniat, modò in Christum viua fiducia recumbamus. Christus mediator inter nos & Deum constitutus, sacrificio suo, id est, morte & passione placat iram Dei, ipse sacerdos seipsum offert Deo, idq; vt nos à reatu damnationis liberet. Videmus proinde quinq; esse in hoc sacrificio. 1. Sacerdos est ipse Christus. 2. Victima seu res quæ offertur est ipse sacerdos. 3. Deus est cui hoc sacrificium offertur. 4. Mundus est pro quo fit hæc oblatio. 5. Pactum & fædus est, quòd hæc oblatio fidelibus tantum cedat in salutem.

Sed qui fieri potest, vt vnus Christi mors sit satisfactoria pro totius mundi peccatis? Ecce agnus Dei inquit Iohan. qui tollit peccata mundi. Nam ex indiuidua & ineffabili vnione diuinæ & humanæ naturæ in vna persona est dignitas, æstimatio & meritum infinitum omnium operum & passionum Christi. Cum ergo dicitur, Filius hominis redemit nos per meritum passionis suæ, opus infiniti precij & valoris nominatur, quia is filius hominis, qui est passus, etiam est Deus. Item mors hominis est satisfactio, quia est mors hominis, qui est Deus. Obedientia filij hominis est nostra iusticia, quia est obedientia hominis, qui est Deus. Ita filius hominis remittit peccata, quia est Deus. Caro Christi est
cibus

cibus vitæ, quia est caro hominis, qui est Deus. Tamen si autem diuina natura in Christo non est passa, sed humana tantum, ut Petrus ait: Christus est passus carne: tamen Passio est personæ, adeo ut quicquid contumeliæ factum est humanitati Christi, id totum in contumeliā personæ cesserit, iuxta illud: Dominum gloriæ crucifixerunt: vnde Ecclesia confitetur filium Dei passum esse, quia in humana natura assumpta est passus.

Quæ sit æstimatio passionis Domini coram Deo dictum est, & quis sit eius fructus in genere, nunc autē quò fructus passionis Domini conspiciatur melius, eū in partes distribuam: Sunt igitur hi fructus.

PRIMVS, Deo præstita est obedientia. Phil. 2. Humiliauit seipsum factus obediens vsq; ad mortem crucis.

SECVNDVS, Diabolus est victus: In hoc (inquit Iohannes) apparuit Christus, ut destruat opera Diaboli, iuxta primam promissionem: Semen mulieris conteret caput serpentis.

TERTIVS, homo à peccatis saluatus est & iustificatus. Ecce, inquit Iohannes, agnus Dei, qui tollit peccata mundi. Item Rom. 4. Mortuus est propter peccata nostra. 2. Cor. 5. Eum qui non nouit peccatum fecit peccatum, ut nos fieremus iusticia Dei in ipso: hoc est, Christum fecit pro peccato hostiam, ut ipsius iusticia nos iustificemur coram Deo.

QUARTVS, æquatio Iudæorum & gentium, iuxta illud Ephe. 2. Ipse enim est pax nostra qui fecit utraq;

utraque; vnum, & interstitium maceriae soluens inimicitias per carnem suam, legem mandatorum in decretis abolens, ut duos conderet in semetipsum in vnum novum hominem, faciens pacem ut reconciliaret ambos in vno corpore Deo per crucem.

QVINTVS, Mors abolita est, Hosea 13. Ero mors tua o mors. Breuiter, Christi victima est nostra redemptio. Nam est precium persolutum pro nobis, quo Deus placatus est, homo redemptus, Diabolus victus, atque adeo omnia in caelo & in terra vni capiti Christo subiecta sunt, Ephes. 1.

DE TERTIO.

Pia & salutaris meditatio passionis dominicae ad sex partes reuocari potest, quas Christiani non tantum hoc tempore, verum toto suae vitae tempore meditari debent. Harum enim partium pia meditatio non solum confutat eos, qui in Papatu putant se satisfecisse officio, si toties dominicam orationem & salutationem Angelicam recitauerint, procumbentes coram idolis erectis in superstitiosum cultum: verumetiam mirum in modum pios confirmat & consolatur. Proponam igitur ordine sex partes huius meditationis.

PRIMA: veniet nobis in mentem, quantum necesse sit iram Dei fuisse ob peccatum hominum, quae non potuit placari ullius creaturae opere: sed necesse fuerit vnigenitum filium Dei mori, quod iram Dei hac iusta pro peccato satisfactione soluta placeret.

SE-

SECUNDA: *veniet nobis in mentem quàm immensa & imperuestigabilis fuerit misericordia Dei patris, qui potius voluit filium vnigenitum sustinere acerbissimam mortem, quàm genus humanum à se conditum perdere. Forte cogites Deum potuisse alia ratione genus humanum liberare. Tu quis es qui Deum vis docere quid potuerit? cogita de iusticia Dei & misericordia simul. vt enim misericordia mouit illum ad saluandum, ita iusticia eum mouit vt fieret iusta iniuriæ compensatio. Homo peccauit, debuit ergo aut perire aut satisfacere: non autem potuit purus homo satisfacere iusticiæ Dei, neq; debuit alius quam homo. Sapientia ergo Dei hic inuenit ex misericordia remedium, vt filius Dei æternus fieret homo, quò & posset, quia Deus, & deberet, quia humanam naturam in se recepisset, satisfacere iusticiæ Dei. Ita in Christi passione apparet mixta cum misericordia iusticia, & vtramq; temperauit sapientia.*

TERTIA: *veniet in mentem summus & innarrabilis amor filij Dei erga genus humanum, qui voluit in se deriuare iram Patris ac sustinere tam ignominiosam mortem: idq; pro inimicis suis, vt Paulus testatur Rom. 5.*

QUARTA: *veniet tibi in mentem vera ratio, qua tibi possit applicari fructus passionis dominicæ vt tibi sit salutaris. Fit autem hæc applicatio verbo, fide, & Sacramento. Verbo offertur quasi manu Dei beneficium passionis Domini, vbi & quoties præ-*

prædicatur Euangelium Iesu Christi, & ministræ
verbi, vice Dei omnibus, qui audiunt Euangelium,
fructum passionis Domini ostendunt. Deinde cum
ita offertur quasi manu Dei beneficium passionis
Domini, debet fide recipi quasi manu quadam ho-
minis, quam fidem Spiritus sanctus efficit in homi-
nibus audientibus & obtemperantibus Euangelio.
Præterea Sacramento utroq; baptismo & cœna
Domini obsignatur, ac eius vis & usus tanquam in
tabellis pingitur, quemadmodum heri audiuius.
Cum igitur recitas articulum fidei de passione Do-
mini, firmiter statue & certissimè crede, quod pro
te mortem filius Dei subierit, quod cum feceris,
mortis Domini es particeps, adeo ut tota Christi
obedientia tua sit absolutio à peccato & tua iusti-
cia. Est autem duplex obedientia in Christo conside-
randa, Obedientia crucis, & obedientia legis, quæ
eius erat perfectâ impletio. Ut obedientia crucis est
expiatio peccati: ita obedientia legis nobis imputa-
tur in iusticiam. Roma. 5.

QVINTA: cum ita participes sumus effecti
passionis Domini per fidem, in mentem nobis veni-
et, qualisnam sit sors piorum in hac vita. Quemad-
modum enim Christus est passus: ita vult & reli-
quos pios pati, ut sint conformes imaginis filij Dei.
Unde Paulus Rom. 6. Ideo enim compatimur, ut
vnâ cum illo glorificemur.

SEXTA: Veniet nobis in mentem quid Chri-
stus à nobis, quos suo sanguine redemit, requirat,
Nam

Nam cum iam ab ipso redempti sumus, debemus ei obedire. Quid vult ipse? 1. vt renunciemus hosti ipsius Diabolo. 2. Ut fugiamus peccatum ne rursus scientes & volentes Deum nostris peccatis offendamus. 3. Ut sanctitati & pietati studeamus & seruiamus illi in vero timore omnibus diebus vitæ nostræ. Quod si fecerimus, finem fidei reportabimus salutem animarum æternam, quam donet nobis Deus Pater per IESVM CHRISTVM Dominum nostrum, A M E N.

HISTORIA RESURRECTIONIS DOMINI NOSTRI IESV CHRISTI, EX COLLA- tione quatuor Euangelistarum con- cinnata.

CVM præterisset Sabbatum, Maria Magdalene, & altera Maria quæ Iacobe dicitur, & Salome, & Ioanne, & cæteræ quæ cum eis erant, quæ venerant cum Iesu de Gallilæa, emerunt & parauerunt aromata, vt venirent & vngerent Iesum. Nam sabbato quieuerant secundum præceptum.

Vespera autem sabbatorum quæ luceſcit in vnâ sabbatorum, id est, mane profundo crepusculo, cum adhuc essent tenebræ primo die sabbatorum, veniunt exorto sole ad monumentum, portantes quæ parauerant aromata.

Et

Et ecce terræmotus factus est magnus, angelus enim Domini descendit de cœlo, & accedens deuoluit lapidem ab ostio, sedebatq; super eum. Erat autem aspectus eius sicut fulgur, & vestimentum eius candidum sicut nix: Præ timore autem eius concussi sunt custodes, & facti sunt veluti mortui.

Mulieres autem dicebant ad inuicem: Quis reuoluet nobis lapidem ab ostio monumenti? Nam erat magnus valde. Et cum respexissent, vident lapidem esse reuolutum à monumento, Et ingressæ in monumentum non inuenerunt corpus Domini Iesu. Currit ergo Maria Magdalena, vt hæc nunciet. Et factum est dum mulieres mente consternatæ essent de hoc, quod non inuenissent corpus Iesu, ecce duo viri steterunt iuxta illas in vestibus fulgurantibus. Cum expauissent autem & declinarent vultum in terram, dixerunt ad illas. Quid queritis viuentem cum mortuis? Non est hic, sed resurrexit. Recordamini vt dixerit vobis cum adhuc in Galilæa esset, dicens, quod oportuerit filium hominis tradi in manus hominum peccatorum, & crucifigi, & die tertio resurgere. Et recordatæ sunt verborum eius, & regressæ à monumento, nunciauerunt postea hæc omnia illis vndecim, & cæteris omnibus. Et dicebant ad Apostolos hæc, & visa sunt apud illos ceu deliramentum verba illarum, neque crediderunt illis. Cū vero currit Maria Magdalena (vt dictum est) venit ad Simonem Petrum

trum & alterum illum discipulum, quem amabat Iesus, & dicit illis: Sustulerunt Dominum e monumento, & nescimus vbi posuerint eum.

Surgens ergo Petrus exijt & ille alius discipulus, & venerunt ad monumentum. Currebant autem duo simul, & ille alius discipulus præcucurrit citius Petro, venitq; prior ad monumentum, & cum se inclinasset, vidit posita lintheamina, non tamē introiuit. Venit ergo Simon Petrus sequens eum, & introiuit in monumentum, & videt lintheamina sola posita, & sudarium quod fuerat super caput eius, non cum lintheaminibus positum, sed separatim inuolutum in vnum locum. Tunc ergo introiuit & ille alius discipulus, qui venerat prior ad monumentum, viditque & credidit. Nondum enim nouerant scripturam, quod oportuisset eum a mortuis resurgere. Discipuli ergo abierunt rursus ad semetipsos. Et Petrus mirabatur, quod acciderat.

Maria autem stabat ad monumentum foris plorans. Dum ergo fleret, inclinauit se in monumentum, & vidit duos Angelos amictos albis sedentes, vnum ad caput & alterum ad pedes, illic vbi posuerant corpus Iesu. Dicunt ei illi. Mulier quid ploras? Dicit eis, sustulerunt Dominum meum, nec scio vbi posuerunt eum. Hæc cum dixisset conuersa est retrorsum, & videt Iesum stantem, nec sciebat quod Iesus esset, dicit ei Iesus: Mulier quid ploras? quem quæris? Illa existimans quod hortulanus esset,

X

dicit

dicat ei: Domine si tu asportasti eum, dicito mihi ubi posueris eum, & ego eum tollam, dicit ei Iesus: Maria, Conuersa illa dixit ei: Rabboni, quod dicitur Magister. Dicit ei Iesus: Noli me tangere, Nondum enim ascendi ad Patrem meum, Sed vade ad fratres meos & dic eis, Ascendo ad Patrem meum & Patrem vestrum, & Deum meum & Deum vestrum. Hæc est illa Maria Magdalene, de qua Iesus eiecerat septem demonia, cui cum surrexisset apparuit primum, mane primo die sabbati. Illa autem profecta renunciauit discipulis, qui cum illo fuerant, lugentibus ac flentibus, quod vidisset Dominum, & ea dixisset sibi. Et illi cum audissent quod viueret ac visus esset ab illa, non crediderunt.

Ingressæ autem mulieres in monumentum, viderunt adolescentem à dextris, amictum stola candida, & expauerunt. Erat autem Angelus Domini. At ille dicit eis: Nolite timere vos, scio enim quod Iesum Nazarenum qui crucifixus fuit quæritis: Non est hic, surrexit enim sicut dixit. Venite & videte locum ubi posuerant Dominum. Et abeuntes, cito dicite discipulis eius & Petro, quod surrexit à mortuis, & ecce præcedit vos in Galilæam, illic eum videbitis sicut dixit vobis. Ecce dixi vobis. Et abeuntes celeriter fugerunt à monumento cum timore & gaudio magno, & currebant ut renunciarent discipulis eius. Habebat autem illas tremor & stupor, neque cuiquam quicquam dicebant timebant enim. Cum autem issent ad renunciandum

dum discipulis eius, ecce Iesus occurrit illis dicens: Auete. Illæ autem accesserunt & tenuerunt pedes eius & adorauerunt eum. Tunc ait illis Iesus: Nolite timere. Ite renunciate fratribus meis ut eant in Galileã, & ibi me videbunt.

Quæ cum abissent, ecce quidam è custodibus venerunt in ciuitatem, ac renunciauerunt principibus sacerdotum omnia quæ acciderant, Et congregati cum senioribus, consilio habito, pecuniam copiosam dederunt militibus, dicentes: Dicite, Discipuli eius nocte venerunt, & furati sunt eum nobis dormientibus. Et si hoc auditum fuerit à præfide, nos persuadebimus ei, & securos vos faciemus. At illi accepta pecunia, fecerunt sicut erant edocti, & diuulgatus est hic sermo apud Iudæos usque in hodiernum diem.

ENARRATIO TEXTVS.

HO C festum summum omnium festorum est, in quo proponitur nobis articulus de resurrectione Domini ex mortuis, idque tertio die, iuxta scripturas, qui per suam gloriosam resurrectionem, ut victor mortis, peccati, Diaboli, ita redemptor omnium, qui in se credere non recusauerint, factus est. Solet autem in hoc festo dici ex historia resurrectionis, de beneficio seu fructu eiusdem & de usu, quæ omnia hoc præsens Euangelium continet: Narratur ab Angelo quòd Christus resurrexerit. Hæc est historie summa: Iubentur mulieres non timere.

X 2

Hic

1. Thim. 2. Hic est fructus huius beneficii: ac mulieres Christum excitatum quærunt, quarum exemplo nobis salutaris resurrectionis Domini usus commendatur: quare non frustra Paulus Timotheo scribens, ait: Memento quod Iesus Christus resurrexit à mortuis. Nam ut dicit idem Apostolus Rom. 10. Si in corde tuo credideris, quod Deus eum suscitauit ex mortuis, saluus eris. Ceterum quod nobis hic articulus fidei nostræ reddatur confirmator, tres locos tractabo in hac concione, qui sunt:

I. Quotuplex sit probatio resurrectionis Domini.

II. Cur tertia die resurrexerit.

III. Quis sit resurrectionis Christi fructus.

D E P R I M O.

Triplici testimoniorum genere confirmatur resurrectio Domini, nam sunt testimonia antecedentia, coniuncta & consequentia, de quibus ordine dicam.

Ut antecedentia testimonia resurrectionis Domini diligenter expendamus admonet Christus Lucæ 24. ubi ita ait: Sic scriptum est, & sic oportuit Christum pati & resurgere tertia die & prædicari in ipsius nomine penitentiam & remissionem peccatorum omnibus gentibus. Sed ubi hoc scriptum est? ipse respondit & ait: In Mose, Prophetis & Psalmis de me scriptum est. Proinde in Mose, Prophetis & Psalmis debemus quærere testimonia

nig

nia antecedentia resurrectionis DOMINI.

*In Mose est duplex genus testimoniorum de resurrectione Domini. Nam & clavis dictis prænunciatur, & figuris multis adumbratur. Clara sunt hæc dicta: Semen mulieris conteret caput serpentis, *Gen: 3.* id est, Christus diabolum superabit, quod non fieri potuit, nisi per resurrectionem Christi ex mortuis. Nam si Christus mansisset in sepulchro, diabolus victor fuisset Christi. Donec enim iacuit in sepulchro Christus, nulla Christi victoria, id est, nullus triumphus erat. Verum dum aperto sepulchro prodijt de sepulchro vivus Dominus, se victorem Sathanae & triumphatorem declaravit. Huc & illud dictum pertinet: In semine tuo benedicentur omnes *Gen: 12.* gentes terræ. Ut ergo in morte maledictio: ita in vita Christi benedictio conspicitur. Adumbratur etiam figuris in Mose. Adam dormiens & postea excitatus, figura fuit morientis & resurgentis Christi. Sic enim ait Augustinus: præfigurata est in protoplasto Adam Christi resurrectio, quia sicut ille post soporem surgens Evam de latere suo fabricatam agnovit: ita Christus è morte resurgens, ex vulnere lateris sui ædificavit Ecclesiam. Isaac quoque *Gen: 22.* impositus rogo ut cremaretur, liberatus tamen per Angelum, typus fuit Christi oblatus in cruce, & postea è morte exempti virtute diuina. Ioseph coniectus in carcerem & postea eductus ad summos honores figurabat mortem & resurrectionem Domini. *Gen: 39.**

In Prophetis quoq; sunt et dicta & figura de hac resurrectione. Isaias cap. 53. Si posuerit pro peccato animam suam, videbit semen longæum, & voluntas Domini in manu eius dirigetur. Daniel apertè dicit Christum occidendum, & tamen perpetuo regnaturum. Hoseas quoq; dicit, tertia die viuificabit nos. Figuræ inter multas sunt hæ. Sampson obseratis portis clauditur in ciuitate: Dominus obsignato clauditur monumento. Sampson fractis seris subtractisq; portis securus euadit: Christus ruptis inferni potestatibus liber egreditur. Sicut perit nauis, nisi Ionas perditum detur: Ita perit mundus, nisi Christus patitur. Et sicut Ionas fuit in ventre piscis tribus diebus & postea in terram eiectus est: Ita Christus triduum in terra erat & postea viuus de sepulchro prodijt.

In Psalmis quoq; sunt testimonia & figura resurrectionis Christi. Psalmus 2. totus agit de regno & sacerdotio Christi: Psalmus. 15. Non dabis sancto tuo videre corruptionem. Psal. 22. concionatur de passione Domini & resurrectione. Psal. 110. De torrente in via bibet, propterea exaltabit caput. Idem Dauid adumbrat mortem & resurrectionem Domini. Dauid toties fugiens, & tandem ad regnum euectus, typus fuit humiliationis Christi per mortem, & glorificationis per resurrectionem. Huiusmodi probationes mortis & resurrectionis Domini, multe sunt in Mose, Prophetis & Psalmis, sed pauca recitavi ob temporis angustiam. Huc accedit

cedit quod Christus sæpiſſimè præmonuit ſuos de ſua morte & reſurrectione.

Coniuncta testimonia ſunt etiam duplicia, nempe clara dicta & ſigna. In hoc Euangelio Angelus dicit: [Surrexit & non eſt hic.] Signum conſpicitur, vacuum ſepulchrum: terræmotus: oſtendit ſe Dominus primum Magdalenæ: Deinde pluribus Apoſtoliſ: tum 500. fratribus: & 40. diebus cum ſuis verſatur diſcipuliſ: & tandem multis conſpicientibus viſibiliter aſcendit in cælum, vnde mittit decimo die à ſua aſcenſione Spiritum ſanctum iuxta promiſſionem qui conuicit Chriſtum verè in cælum aſcendiſſe triumphatorem mortis & inferni.

Conſequentia testimonia ſunt etiam duplicia, vox Apoſtolorum, quæ varijs miraculiſ eſt confirmata, ac poſtea testimonium totius Eccleſiæ conſitentis Chriſtum ſuum Dominum & mediatorẽ. Deinde ſunt ſigna quoq; alia. Internum eſt ſpiritus Chriſti in corde credentium, qui illiſ testimonium reddit quòd Chriſtus viuat. Externa ſigna ſunt Baptiſmus & Cæna: Nam Baptiſmo figuratur mors, ſepultura reſurrectio Chriſti, vt Pauluſ docet Rom. 7. Cæna Domini quoq; reſurrectionem Chriſti nobiſ commendat. Hiſ testimonijs antecedentibuſ, coniunctiſ & conſequentibuſ, qui non credit, olim videbit iudicem in nubibuſ venturum, quem hîc in terra non agnouit ſaluatorem.

DE SECVNDO.

Cur tertia die surrexit? Cur non diſtulit ad ex-

X 4 tremum

tremum diem, vt nos vnà cum illo surgeremus? Tertia die resurrexit primum propter prophetias. Fuit enim prädicitum ab Hosea Propheta, & præfiguratum in Iona, vt tertia die resurgeret. Deinde vt satisfaceret suis promissionibus. Promisit enim discipulis, quòd postquam esset traditus gentibus, et illusus ab illis, occideretur, & tertia die resurgeret. Non autem anteuertit tertium diem, vt omnibus constaret eum verè mortuum fuisse. Ostendit ergo se iacens in sepulchro 40. horis verè mortuum. Cur autem non distulerit resurrectionem in extremam diem, in promptu sunt grauissimæ causæ.

P R I M A, quia scriptum erat: Non dabis sancto tuo videre corruptionem. Non enim debuit corpus Christi in sepulchro putrescere. 1. quia erat ex castissimæ virginis sanguine factum operante Spiritu sancto. 2. quia dum versaretur in mundo illud purum & incontaminatum seruauit: indignum proinde fuisset tale corpus fieri vermium escam.

1 Pet. 1.

S E C V N D A causa, cur non distulit resurrectionem, est spes nostra. Ita enim Petrus ait: Benedictus Deus & pater Domini nostri Iesu Christi, qui regenuit nos in spem viuam, per resurrectionem Christi ex mortuis.

T E R T I A causa, vt esset primus resurgentium, vt enim Adam erat primus qui apparuit in mortali corpore, propter peccatum: ita Christus primus debuit apparere immortalis corpore iustificante & sanante nostra corpora ab æterna morte.

Tametsi

Tametsi autem omnes resurgemus, & alij quidam præter Christum resurrexerunt: tamen maximum discrimen est inter Christi resurrectionem & aliorum. Primum enim Christus resurrexit propria virtute: id nemo præter illum solum potuit vnquam facere. Deinde alij qui excitati sunt, vt filius viduæ, filia Archisynagogi & Lazarus, ac alij, surrexerunt iterum morituri: at Christus resurrexit ad immortalitatem. Præterea differt Christi resurrectio ab aliorum resurrectione, fructu & efficacia, Christus enim virtute sua excitat alios, id quod erat significatum in horto vbi erat sepultus, & resurrexerat iam oriente sole. Postremo & tempore differt Christi resurrectio à nostra: Christus enim, vt iam ostensum est & symbolum profitetur, surrexit tertia die, nostra vero resurrectio differtur ad extremum diem: Tum enim apparebit æterna vita & sempiterna iusticia, quam daturus est omnibus suis, id est, in se credentibus. Hæc sint dicta de secundo loco, cur Christus resurrexerit tertia die, quomodo illius resurrectio à nostra differat, vt per resurrectionem Christi viuam spem concipiamus æternæ & incorruptibilis hæreditatis in cælo.

D E T E R T I O.

Iam tertius locus de fructu resurrectionis Christi restat, qui est copiosior & abundantior, quam vt humana lingua explicari possit. Paulus dicit omnia per Christum esse instaurata in cælo & in terra.

X 5

Pri-

Primum enim Christus prodiens de sepulchro, apparet victor, triumphator mortis, inferni & Sathanae, atq; ita satisfacit promissioni olim de illo editae: *Gen: 3.* *1 Jon: 3.* Semen mulieris conteret caput serpentis: quod explicans Iohannes ait: Christus apparuit ut destruat opera Diaboli. Verum quantum ad nos homines, propter quorum salutem de cælo descendit, factus homo, mortuus est & resurrexit, quadruplex fructus resurrectionis Christi spectandus est. Nam resurrectio Christi. 1. est nostra iustificatio. 2. est virtus qua in nobis domatur peccatum. 3. Exemplum nouitatis vitæ & causa. 4. est causa nostræ resurrectionis eiusq; pignus certissimum. De hoc quadruplici fructu ordine dicam.

Apoc: 22. PRIMVS itaq; fructus resurrectionis Domini est iustificatio nostri, de quo fructu Paulus Rom. 4. Mortuus est propter peccata nostra, & resurrexit propter iustificationem nostri. Et Daniel cap. 9. Auferetur iniquitas & adaugetur sempiterna iusticia. Quanti autem precij sit hic fructus perpendendum est, quo nobis magis dulcescat. Nos nascimur in peccato & rei iræ Dei Ephes. 2. Nos omnes natura filij iræ sumus: peccati stipendium est mors, Rom. 6. ab hac morte per resurrectionem Christi liberamur. Nam per Christum absolvimur à reatu peccati, atq; adeo à morte æterna. Hinc illud in Apocalypsi: Beatus & sanctus qui habet partem in resurrectione prima, in his secunda mors non habet potestatem, sed erunt sacerdotes Dei & Christi,

sti, & regnabunt cum illo. Ut enim prima mors per Adam est: ita resurrectio prima est per Christum. Huc & illud: Beati qui lauant stolas suas in sanguine agni, ut sit potestas eorum in ligno vitæ, & per portas intrent ciuitatem.

SECUNDVS fructus resurrectionis Domini est, quod ea sit virtus, quæ in credentes transfunditur, qua sit ut possint à vicijs ad virtutem surgere. Hæc virtus nobis in baptismo confertur, & confirmatur cæna Domini, modò nos ipsi nobis non defuerimus. Porro hæc virtus sentitur in ijs tantum, qui ex immortalī semine sunt regeneriti. 1. Pet. 1.

TERTIVS fructus est exemplum, nam ut Paulus inquit: Christus resurrexit, ut nos in nouitate vitæ ambulemus. Qui ergo vicijs suis indulgent, qui viuunt sceleratè & impurè, testantur suo facto, quòd Christum contemnant: Cuius resurrectio nobis, ut vitæ degendæ speculum proposita est. Nam illi existimant Christum flagellatum, spinis coronatum, fudisse sanguinem in ara crucis, ut liceat ipsis indulgere omnibus furoribus, tyrannidi, superbiæ, libidinibus, & hoc pacto, quantum in se est, de nouo crucifigunt Filium Dei. Nos igitur, qui non solum dici, verumetiam esse cupimus qui dicimur, hoc est, Christiani, id quod res est cogitemus, videlicet quòd Christus mortuus sit pro peccato expiando eorum; qui illum fide recipiunt, & in vera pænitentia viuunt per mortificationem veteris homi-

1 Cor. 1.

hominis, & viuificationem noui hominis. Quatuor sunt mala, quibus grauantur homines, ignorantia, reatus peccati, vicia & concupiscentiæ ingenitæ, & metus damnationis æternæ. Contra ignorantiam Christus est nobis sapientia, dum nos per Euangelium docet de sua erga nos voluntate: Nisi enim verbo Dei de voluntate instrueremur, perpetuis tenebris nostra mens inuolueretur, quæ tenebræ luce Euangelij depelluntur.

Contra reatum peccati est Christus nobis iusticia: nam ipsius obedientia nobis imputatur credentibus, ut iam non ut peccatores, sed ut iusti in Dei conspectu appareamus.

Contra vicia & concupiscentias carni ingentitas, Christus est nobis sanctificatio, dum virtute suæ resurrectionis per spiritum sanctum nos sanctificat.

Contra metum damnationis æternæ, est Christus nobis redemptio. Hæc quatuor Christi beneficia Paulus coniungit 1. Cor. 1. his verbis: Christus factus est nobis à Deo sapientia, iusticia, sanctificatio & redemptio. Qui ergo extremum & vltimum beneficium expetit, debet per priora, tanquam per gradus ad illud properare, vbi enim Christum quis didicit, debet in eum credere: vbi credit, debet eius spiritu sanctificari, id est, exemplo resurgentis Christi, nouam vitam viuere. Hanc nouam vitam tandem sequetur plena liberatio in extremo iudicio, quando reddet vnicuique iuxta facta sua. Sit ergo hic tertius fructus resurrectionis domini, de quo modo dixi

diu, vi
plum v
Christo
Qu
quod f
qua an
ribus
catur
prolix
stus re
1. The
est &
per en
ra, in
cem ex
rection
rectione
ctionis
quæ pr
iudici
Huc &
dei qu
Domini
Deus e
est, re
æternæ.
Atq;
Domini
de resurr

dixi, videlicet vt in noua vita iuxta ipsius exemplum viuamus. Hinc illud Pauli: si surrexistis cum Christo, quæ sursum sunt sapite &c. *Colof: 3.*

QVARTVS fructus resurrectionis Domini est, quod sit & causa & pignus nostræ resurrectionis, qua animæ mortuorum coniungentur rursus corporibus in secundo Christi aduentu, cum veniet iudicaturus viuos & mortuos. Hinc Paulus 1. Cor. 15. prolixè disputat, & hoc argumentum tractat: Christus resurrexit à mortuis, ergo & nos resurgemus. 1. Thes. 4. Nam si credimus, quod Iesus mortuus est & resurrexit, sic & Deus eos qui obdormierunt per eum, adducet cum illo. Et Iohan. 5. Veniet hora, in qua omnes qui in sepulchris sunt audient vocem eius & prodibunt, qui bona egerunt, in resurrectionem vitæ, qui vero mala fecerunt ad resurrectionem iudicij. Hic fit mentio duplicis resurrectionis, scilicet vitæ & iudicij. Resurrectio vitæ est quæ promittitur ijs, qui bene fecerunt. Resurrectio iudicij est, quam comminatur ijs qui malè fecerunt. Huc & illud Pauli Rom. 10. Hoc est verbum fidei quod prædicamus: si confessus fueris ore tuo Dominum Iesum, & credideris in corde tuo, quod Deus eum suscitauerit ex mortuis, saluaberis, id est, resurges ad resurrectionem vitæ & salutis æternæ.

Atq; hæc sunt breuiter dicta de resurrectione Domini, vnde primum confirmanda est fides nostra de resurrectionis Articulo. Deinde confutandus est error

error Iudeorum, qui negant Christi resurrectionem. Tum admonebimur de fructu resurrectionis, ut per eam & nos à peccato in hac vita resurgamus, & tandem in extremo die resurgamus ad resurrectionem vitæ per Christum Dominum nostrum, cui cum Patre & Spiritu sancto sit honor, laus & gloria, in secula seculorum, Amen.

FERIA SECUNDA PASCHATOS, LVCÆ 24.

ET ecce duo ex illis ibant eodem die in castellum, quod aberat spacio stadiorum sexaginta ab Hierusalem, nomine Emaus, & ipsi confabulabantur inter se de his omnibus quæ acciderant. Et factum est dum confabularentur ac disputarent, & ipse Iesus appropinquans ibat vna cum illis. Ceterum oculi eorum tenebantur, ne eum agnoscerent, in alia enim forma apparuit eis. Et ait ad illos. Qui sunt hi sermones quos confertis inter vos ambulantes, & estis tristes? Ac respondens vnus, cui nomen Cleophas, dixit ei, Tu solus peregrinus es Hierusolymis, qui ignores quæ facta sunt illic his diebus? Quibus ille dixit, Quæ? Et dixerunt ei, de Iesu Nazareno, qui fuit vir Propheta, potens opere & sermone coram Deo & toto populo, & quomodo eum traderunt summi sacerdotes & Principes nostri in condemnationem mortis, & crucifixerunt eum.

eum. Nos autem sperabamus eum esse illum, qui redempturus esset Israel. Atqui super hæc omnia tertius dies est hodie quod hæc facta sunt. Sed & mulieres quædam ex nobis attonitos reddidere nos, quæ diluculo peruenerunt ad monumentum, & non inuento corpore eius, venerunt dicentes se etiam visionem angelorum vidisse, qui dicerent eum viuere. Et abierunt quidam eorum, qui erant nobiscum ad monumentum, & ita repperunt sicut mulieres dixerant, ipsum vero non viderunt. Et ipse dixit ad eos : O stulti & tardi corde ad credendum in omnibus quæ locuti sunt Prophetæ. Nonne hæc oportuit pati Christum, & intrare in gloriam suam ? Et exorsus à Mose & omnibus Prophetis interpretabatur illis in omnibus scripturis quæ de ipso erant. Et appropinquauerunt castello quo ibant. Et ipse præ se ferebat se longius ire. Et coegerunt illum, dicentes : Mane nobiscum, quoniam vergit ad vesperam, & inclinatus est dies. Et intrauit ut maneret cum illis. Et factum est dum accumberet cum eis, accepit panem, & benedixit ac fregit, & porrigebat illis. Et aperti sunt oculi eorum, & agnouerunt eum, & ipse euauit à conspectu eorum. Et dixerunt inter se, Nonne cor nostrum ardebat in nobis, dū loqueretur nobis in via, & aperiret nobis scripturas. Et surgentes eadem hora regressi sunt Hierosolymam, & inuenerunt congregatos vndecim, & eos qui cū illis erant, dicentes : Surrexit Dominus vere, & apparuit Simoni.

Simoni. Et ipsi narrabant quæ gesta erant in via, & quomodo fuisset agnitus ipsis ex fractione panis, nec his illi crediderunt. Erat autem vespera die illo, qui erat vnus sabbatorum, & fores erant clausæ, vbi erant discipuli congregati, propter metum Iudæorum.

ENARRATIO TEXTVS.

Summa huius historię est, quòd Christus eodem die, quo resurrexerat, apparuerit duobus discipulis proficiscentibus Emaus (fuit autem Emaus vicus duobus fere milliaribus distans à Hierusalem) Et cum illis disseruerit de Messia, quos cum instruxisset atq; illis fractione panis se notum reddidisset, non apparuit illorum oculis. Verum illi iam certi facti de resurrectione ipsius, mox redeunt Hierosolymas atq; omnia quæ acciderant, narrauerunt discipulis vndecim. Ut autem nos hanc historiam intelligamus facilius, eam distribuam in quatuor partes, quæ sunt:

I. Quid egerint hi duo discipuli antequam Christus ad eos venerit in itinere.

II. Colloquium Christi & discipulorum in via.

III. Quid acciderit in domo.

IIII. Quid fecerint illi discipuli instructi à Domino.

Hæ partes singulæ habent suas doctrinas & admonitiones, quas in singularum explicatione ostendemus.

DE

DE PRIMA PARTE.

Duo ex illis ipso die, quo resurrexerat Dominus, ibant in castellū, quod erat in spacio stadiorum 60. quæ faciunt septem millia passuum, & passus quadringentos, hoc est, plus minus duo milliaria. Hæc occasio fuit colloquij: & cum ita irent colloquebantur de Christo. Hinc duo nos discamus. Primum occasionem non negligendam esse exercendæ pietatis. Deinde ubi hanc nacti fuerimus, non esse alienis negotijs & friuolis interrumpendam. In his discipulis videmus tria, 1. Signum pietatis. 2. Fidei infirmitatem. 3. Admirationem eorum quæ acciderant.

Quod de Christo & eius gestibus sint locuti piæ, ex eo conuincitur, quod isto suo colloquio Christum ad se alliciant. Infirmitas fidei fuit quod tametsi antea prophetias de Christo audierant: tamen tardiores fuerunt ad perfectè credendum. Ita fides Christiana habet suam conceptionem & suam teneritudinem, quæ fouenda est donec adolescat colloquijs de Christo. Admirati sunt quoq; de ijs quæ acciderant, nihil enim maiori admiratione dignum est, quam mortuum de sepulchro viuum prodire. Hæc admiratio erat mixta spe & metu seu assensu & dubitatione. Quemadmodum enim carnis sensus & rationis iudicium ad dubitandum sollicitauit eos: ita igniculus fidei, qui in ipsis erat, restitit dubitationi, etsi admodum languidè. Ita fit sæpe in Christianis. Caro vna ex parte adoritur & homi-

T

nem

nem in diffidentiam pertrahere conatur: Spiritus ex altera parte se carni opponit, nunc languidus, nunc fortius. Verum ne succumbat spiritus, colloquijs de Christo, id est, meditatione & audicione Euangelij, alijsq; pijs exercitijs est excitandus. Hoc ergo exemplo confirmatur dictum Prophetæ Isaia 42. qui ait de Christo: Arundinem quassatam non perfringet, nec linum fumigās extinguet, in veritate proferet iudicium. Hæ duæ similitudines docent, quomodo Christus agat cum suis, in quibus aliquam pietatis scintillulam repererit. Arundinis quassatæ similitudine significat se nolle eos, qui semisfracti sunt, frangere omnino & conterere: sed leuare potius & sustinere, ut quidquid boni in ipsis fuerit, conseruet atq; adaugeat. Hi duo discipuli semisfracti fuerunt & non procul à casu, adeo vento carnis agitabantur: sed Christus ne cadant sua subleuat gratia. Deinde Metaphora lini fumigantis sumpta est ab elychnis, quæ propter fumum quem edunt, non extinguuntur, modò adsit qui manum admouet: ita ubicunq; emicat aliqua pietatis scintilla, Christus adest & eam fouet atq; excitat, ut clarius ardeat, sicuti in his duobus discipulis videmus. Hinc maxima nobis haurienda est consolatio. Et si nos infirmi homines vacillamus ac claudicamus, tamen si iam quassati aut luxati sumus: tamen nos non statim abiicit quasi prorsus inutiles, sed diu perfert quoad firmiores & constantiores reddiderit, modò horum discipulorum exemplum imitemur.

DE

PASCHATOS. 311
DE SECUNDA PARTE.

[Et factum est cum fabularentur & inter se
quererent, ipse Iesus appropinquans ibat cum illis.]
Hoc Christi factum primum confirmat promissio-
nem Christi, quæ est: Ubicumq; fuerint duo vel tres *Math: 18.*
congregati in nomine meo, in medio eorum sum. Hoc
tametsi non fit corporaliter semper, tamen verè spi-
ritualiter fit, id quod hac sua corporali præsentia,
Dominus vult significare. Hinc ergo discamus, de
quo in priori historiæ huius parte admonui, quòd
quicumq; piè de Christo inquirunt, aperiunt Christo
ianuam ad se iuuandos, ac ipsum doctorem suis pijs
exercitijs accersunt, sicuti contra prophani homines
impuris suis sermonibus, ei ianuam, quo minus ad
se veniat, occludunt. Hoc confirmatur, non solum
hoc exemplo, verumetiam dicto Prophætæ Isaïæ
66. Ad quem respiciam, nisi ad pauperculum &
contritum spiritu & trementem sermones meos.

Sed quid est quod dicit Euangelista: [Oculi eo-
rum tenebantur, ne eum agnoscerent.] Hinc mone-
mur de nostra imbecillitate, neq; enim oculi nostri
neq; aures suo funguntur officio, nisi eam faculta-
tem eis diuina concesserit clementia. Si ita se ha-
bet res cum oculis corporeis, multo magis in oculis
mentis verum est. Hinc tria discamus. Unum,
quòd nullæ sint sensuum aut mentis nostræ vires,
nisi facultas illis diuinitus detur. Alterum,
ne nostra mente & nostris sensibus abutamur

in contumeliam creatoris. Quod si fecerimus, metuenda est pœna, ne omnem mentem & sensum nobis adimat. Tertium, vt ab eo petamus & illuminationem et conseruationem sensuum, in ipsius gloriam.

Et ait ad illos: [Qui sunt hi sermones, quos confertis ad inuicem ambulantes, & estis tristes.] Hæc satis ostendunt, quod antea dixi, eos versatos fuisse inter metum & spem, sed tamen non metum superasse. Verum Dominus hîc vacillantes confirmat, iuxta illud Pauli: Dominus non sinit vos tentari supra, id, quod potestis: sed faciet cum tentatione etiam euasione, vt possitis sustinere. Hîc duo illi discipuli succubuiſſent, & illorum fides fuisset extincta tentatione, id quod illorum tristitia testatur, nisi Christus mox aduenisset, & illorum ruinam erexisset: horum exemplo & Christi factis, & nos consolemur & erigamus.

[Et respondens vnus, cui nomen Cleophas, dixit: Tu solus peregrinus es in Hierusalem, & non cognouisti quæ facta sunt in hisce diebus?] Miratur Cleophas, quod solus ignorat, quod toti ciuitati notum erat, & omnibus qui illuc ad festum Paschæ confluxerant peregrinis.

Quibus ille. [Quæ? De Iesu Nazareno, &c.] Responsio Cleophæ quatuor habet. 1. Confessio est de Christo, & testimonium de ipsius innocentia: [qui (inquit) vir Propheta, potens in opere & sermone coram Deo & omni populo.]

Hæc descriptio tria de Christo habet. Primo loco quod

quod Christus sit Propheta, id est, doctor voluntatis Dei à Deo missus. Deinde quod non fuerit vulgaris Propheta, sed potens in opere & sermone, id est, excellens vitæ sanctimonia, & docendi facultate. Tertio additur, [coram Deo & hominibus,] quo significatur Christum ita Propheticum munus obfusse, quod se sanctè in omnibus gesserit tanquam sub Dei oculis. Hæc Christi confessio magna fuit, etsi non plena. Pharisei, sacerdotes summi, Pilatus, Herodes Christum tanquam blasphemum occiderunt: Hi discipuli eum à Deo missum testantur, vnde nos hanc hauriamus doctrinam, quod in religione non sit sequendum potentum iudicium: sed verbi Dei regula. Illi offensi erant externa specie Christi: Hi veritatem Dei secuti, se quantum potuerunt, blasphemis istis opposuerunt.

SECUNDVM, quod est in Cleophæ responsione, est narratio passionis Domini: in qua, & à quibus sit damnatus, & quo mortis genere sit affectus testatur. [Summi, inquit, sacerdotes & principes nostri in damnationem mortis eum tradiderunt.] Hostes Christi aperte pronunciat summos sacerdotes & principes: vnde & nos monemur, palam accusare eos qui Euangelium persequuntur, ut Papa facit & multi tyranni in orbe terrarum. Deinde quo mortis genere sit affectus indicat, cum inquit: & crucifixerunt eum: Quo enim mortis genere etsi nullum fuit ignominiosius in mundo: tamen eo non est absterritus Cleophas, quod mi-

nus illum pro viro sancto habuerit.

Ro: 10. TERTIVM, quod est in Cleophæ responsione, est confessio fidei in Christum: Nos inquit, sperabamus quod ipse esset redempturus Israel, fatetur aperte Cleophas se in Christum credere, quem summi sacerdotes occiderunt: atq; hæc est indoles veræ fidei. Qui enim fide credit ad iusticiam, ore confite-
tur ad salutem.

QVARTVM, quod est in responsione Cleophæ, est fidei imbecillis confirmatio ex promissione Christi, & testimonio mulierum, visione Angelorum & discipulorum quorundam testificatione. Nam, cum tertium diem nominat Cleophas, id facit ideo, quia Dominus promiserat se tertio die resurrecturum. Hanc promissionem completam credit, etsi inter spem & metum iactatur: sed contra metum adhibet fidei fomenta ne prorsus extinguatur. Quod autem corpus à mulieribus non fuisse repertum narrat, & oblatam illis Angelorum visionem indicat, & quod de sepulchro vacuo dixerant mulieres, virorumq; testimonio idem fuisse probatum, eò pertinet, ut sibi certo persuadeat Christum surrexisse. Ita pius homo inter fidem & metum dubius, fidei adhibet fulcimenta & contra metum, pro sua virili luctatur.

Sed quid ad hæc Dominus? [O stulti, inquit, & tardi corde ad credendum omnibus quæ locuti sunt Prophetæ.] Hic primum fides nostra habet quod à Christo discat: Christus reprehendit quidem in illis disci-

discipulis cum discendi, tum credendi tarditatem, sed non abiicit imbecilles: Sed suo more eos potius paternè castigat & imbecilles iuvat, ne metu fracti fidei igniculum extinguant. Venit enim ut medicus esset infirmorum, non ut infirmos terrore occideret. Hinc nos discamus, quod Christus non velit ququam abijcere qui exiguam & imbecillem fidem habet, modo eam confirmari & augeri per verbum Dei permittat. Sed quid reprehendit in his duobus discipulis? Duo. Ignorantiam seu discendi ignauiam, & tarditatem ad credendum Prophetis. Ignauia impediuit intellectum: tarditas remorata est fidem. Etsi enim habuerunt perexiguam fidem, tamen oportuit eos maiores progressus fecisse, qui non solum ab ineunte aetate Prophetarum vaticinia de Christo audiuerant, sed & ipsum Christum prædicentem quo mortis genere erat afficiendus, & quòd tertio die iterum viuus de sepulchro erat egressurus. Hic & nostra taxatur ignauia, qui per tot annos audimus Euangelium, inter quos tamen multos inuenire est, qui nondum didicerunt symbolum Apostolicum, quibus admodum metuo, nisi maturè resipiscant.

Postquam Christus reprehendit, incipit docere, quod est boni magistri, ait igitur: [Nonne hæc oportuit pati Christum, & ita intrare in gloriam suam?] Hæc Domini docentis propositio est cuius hic est sensus: Christus debuit iuxta Prophetarum vaticinia pati mortem crucis, & postea

T 4

excita-

excitatus à mortuis in suam gloriam intrare. Pati quidem debuit propter peccata nostra: resurgere vero propter iustificationem nostri Rom. 4. Cum ergo fateamini me Christum esse, debetis etiam ex Prophetis scire, quòd me oportuerit mori & resurgere à mortuis. Hoc etiam ex Mose & Prophetis ostendit: sed Euangelista quibus scripturæ locis hoc fecit, non explicat. Non est tamen dubium, quin promissionem de Christo primum Adæ propositam exposuerit, quæ est: Semen mulieris conteret caput serpentis, & huiusmodi alias multas, quales heri audiistis. Moses mandato Dei erexit æneum serpentem in deserto, in quem qui aspexerunt, à suis sanabantur plagis: quem typum Christus explicans Iohan. 3. ait: Sicut Moses exaltauit serpentem in deserto: ita oportet filium hominis exaltari, ut omnis qui credit in eum non pereat, sed habeat vitam æternam. Verum cum hæc ex Mose & Prophetis recitat, appropinquant pagum, quo iter instituerant, & ille finxit se longius ire, at illi cogunt eum & rogant, ut apud se maneat. Hinc nos discamus, quo in loco habere debeamus eos, qui nos errantes obiurgant, & in viam sanæ doctrinæ reuocant. Non hic rursus obiurgant Christum, & eum stultum vocant, sed agnoscunt suam stulticiam, & præbent se dociles ei, quòd de errore suo & stulticia liberentur. Hoc omnes faciunt pii: contra, impij fremunt et aduersus eos insaniunt, qui se in viam reuocare conantur monstrato eorū errore, sicuti nuper audiuius Iudæos fecisse.

DE

DE TERTIA PARTE.

Iam quid in domo gestum sit, sequitur: [Et factum est (inquit Euangelista) dum discumberet cum eis, accepit panem, & benedixit ac fregit, & porrigebat eis. Et aperti sunt oculi eorum & cognouerunt eum.] Hic exponit Euangelista, quod discipuli agnouerint Dominum in fractione panis. Nam quoties Dominus sumebat cibum, habuit & peculiarem modum precandi, et singularem gestum porrigendi panis: quæ cum sæpe in Christo animaduertissent, agnouerunt ipsum, qui iam excitatus à mortuis eundem morem seruauit, quem antea. Quemadmodum itaq; discipuli hoc gestu agnouerunt Christum: ita nos eius exemplo discamus quoties pane vescimur, ipsi vitæ auctori gratiarum actionem offerre, quæ nota nos à prophanis hominibus discernet.

Porro agnitus Christus non apparuit oculis eorum: ipsi vero suauius de eo iam colloquuntur quam antea. [Nonne (inquiunt) cor nostrum ardebat in nobis in via, dum loqueretur nobis & aperiret nobis scripturas?] Hic obseruemus fructus verbi Dei in hominibus. Etsi autem Christus iam non apparet corporaliter & nobis loquitur: tamen loquitur nobis per ministros verbi, sicut ait: Qui vos audit me audit. Quis est ille fructus? quicumq; verbum Dei auribus & corde audit, in eo ignis quidam incenditur, & incipit ardere cor eius. ut ergo qui hunc ardorem in corde suo non sentit,

T 5

quando

quando verbum Dei audit, habet aures, sed non ad audiendum: & cor, sed non ad intelligendum: idq; suo proprio vicio, quia spiritui sancto resistit: ita qui hunc ardorem sentit in suo corde, habet testimonium loquentis spiritus Christi in se, & quod veram viuamq; fidem habeat. Quare monemur, vt in timore Dei summa cum reuerentia & desiderio verbum Dei audiamus.

DE QVARTA PARTE.

[Et surgentes eadem hora regressi sunt in Hierusalem, & inuenerunt congregatos vndecim, etc.]
Hæc docent, quod ardor ille, qui in nobis ad prædicationem verbi accenditur, non sit ociosus, sed se mox etiam foris ostendat. Nam qui Christum verè nouit, is etiam cupit vt alij etiam ipsum agnoscant, vt multi simul eum prædicare possint. Vt talis ardor in nobis accendatur, faxit saluator noster Iesus Christus, cui cum Patre & Spiritu sancto, sit honor in sæcula, AMEN.

FERIA TERTIA PASCHATOS, LVC. 24.

DVM autem hæc loquuntur, venit Iesus ipse, discumbentibus illis, & stetit in medio eorum, & dicit eis: Pax vobis, Et exprobrauit illis incredulitatem suam et cordis duritiem, quod ijs qui se vidissent resurrexisse, non credidissent. Expauesfacti vero & conter-

conterriti existimabant se spiritum videre. Et dixit eis: Quid turbati estis, & cogitationes ascendunt in cordibus vestris? Videte manus meas & pedes meos, quia ego ipse sum. Contrectate me & videte, quia spiritus carnem & ossa non habet, sicut me videtis habere. Et cum hæc dixisset, ostendit eis manus ac pedes & latus suum. Gausi sunt ergo discipuli viso Domino. Adhuc autem illis non credentibus, & præ gaudio mirantibus, dixit eis: Habetis hic aliquid edulij? At illi obtulerunt ei partem piscis assi, & aliquid de fauo apiario. Et accepit, & in conspectu illorum comedit, & dixit ad eos: Hæc sunt verba quæ locutus sum ad vos, cum adhuc essem vobiscum, quod necesse foret impleri omnia quæ scripta sunt in lege Mosi, & Prophetis & Psalmis de me, Tunc aperuit illorum mentem ut intelligerent scripturas, Et dixit eis: Sic scriptum est, & sic oportebat Christum pati & resurgere à mortuis tertia die, & prædicari in nomine eius pœnitentiam ac remissionem peccatorum in omnes gentes, initio facto ab Hierosolymis. Vos autem estis testes horum. Et dixit eis iterum: Pax vobis. Sicut misit me pater, ita & ego mitto vos. Hæc cum dixisset, flauit in eos, & dicit eis: Accipite Spiritum sanctum, Quorumcunq; remiseritis peccata, remittuntur eis, quorumcunque retinueritis, retenta sunt.

ENARRATIO TEXTVS.

Hæc

HÆc est quinta apparitio Domini ipso die Paschatos, qua apparuit discipulis confabulantibus de ipso. Primum enim apparuit Mariæ Magdalena, è qua septem eiecit demonia. 2. Apparuit mulieribus redeuntibus à sepulchro. 3. Apparuit Petro. 4. Cleopha & socio eius. 5. Ut hic textus habet, vndecim discipulis de illo confabulantibus.

Loci duo:

- I. Salutatio Christi & testimonia, quibus probatur eius resurrectio.
- II. Necessitas mortis & resurrectionis Christi, & eiusdem vsus, videlicet quodd oporteat in eius nomine prædicari pœnitentiam & remissionem peccatorum omnibus gentibus.

DE PRIMO.

[Iesus stetit in medio eorum & dixit eis : Pax vobis.] Discipuli mœsti loquuntur de Christo, qui illis adest iuxta promissionem: Ubicunq; fuerint duo vel tres congregati in nomine meo, ego ero in medio illorum. Etsi enim id non semper fit corporaliter, tamen verè fit. Non enim vnquam faciet contra suam promissionem. Quid autem adferat adueniens, ostendit eius salutatio, qua hic suos mœstos consolatur discipulos. Nam cum datus est Christus mœstis in consolationem, hic pacem offert dicens: **PAX VOBIS.** Hec pax, quam suis optat Dominus, non est vulgaris, sed diuina : non mundi, sed regni

regni cælorum : non inter hominem & hominem, sed inter Deum & hominem. Verum vt nos intelligere possimus, quantum sit bonum hæc pax, quam Christus suis offert, copiosius exponam, quæ in huius pacis consideratione concurrunt : vnde huius pacis plenam descriptionem colligemus.

Quia pax sancitur inter partes dissidentes, primum spectandum est quænam sint partes dissidentes. Sunt autem duæ: Deus & homo. Deus felix & beatus est sine homine : homo miser & damnatus est sine Deo, ergo Deus non opus habuit, vt pacem cum homine quæreret: sed homo sine pace cum Deo extremè miser est, atq; ideo nulla re magis opus habet, quam pace cum Deo.

Deinde cum partes dissident, necesse est aliquam offensam præcessisse. Hæc offensa non à Deo, sed ab homine initium sumit. Quænam est illa offensa? Peccatum. Hoc peccatum fuit quædam à Deo proditoria defectio ad Diabolum cui se homo subiecit. Quanta autem sit hæc offensa facile æstimare est ex eius magnitudine, multitudine, turpitudine & pæna. Magnitudo est quod creatura creatorem offendit & contempsit, qui hominis summum bonum fuit. Multitudo ex eius fructibus spectatur. Turpitudinem ex horrenda contaminatione humani generis quæ secuta est hanc offensam. Pæna maledictio & damnatio, vt taceam innumeras calamitates & ærumnas, quibus humanum genus in hac vita iacet oppressum.

Cogni-

Cognita offensa quæ fecit nos Dei hostes, tertio loco mediator considerandus est, qui certè debuit esse talis qui & Deum offensum placare posset, & qui illatam iniuriam iustè compensaret. Deum offensum creatura non potuit placare: iniuriam compensare Deus non debuit. Quærendus igitur fuit talis mediator, qui & potuit per potentiam & debuit per naturam. Cum talis non potuit haberi, æternus Dei filius altera persona in trinitate venit in mundum & assumpsit humanam naturam, & factus est homo, Iesus Christus. Hic Iesus Christus coniunctus est Deo Patri diuinitate, & homini per humanitatem. Quare potuit ut Deus, debuit ut homo, qui nostram causam in se recepit.

Hic mediator compensauit iniuriam, nam nostrum reatum in se recepit, pro quo pœnas luit in ara crucis, ac ita satisfecit iusticiæ Dei. Verum quia nos adhuc manemus peccato coinquinati, Christus tota sua vita in hoc mundo legi Dei, obediuit perpetuo, plenè & perfectè, quam iusticiam credentibus imputat, ut sint iusti in Dei conspectu: atq; ita victima sua iram Dei placat, & obedientia sua nos vestit, ut iusti appareamus in conspectu Dei.

Facta ^{mediatione} compensatione, reconciliatio inter Deum & hominem inita est, nam Pater placatus est per obedientiam filij.

Verum quia in omni reconciliatio[n]e necesse est inter eos, qui reconciliantur, aliquod pactum intercedere, hoc quoq; in hac cum Deo pace constituta

con-

conspicitur. Nam vt ex parte Dei est liberalis & paterna misericordie promissio, iuxta illud : *Ero Gen: 17. Deus tuus & seminis tui post te. Item: Hic est fili- Math: 3. us meus dilectus, in quo mihi complacui : Vno ego Ezech: 30. nolo mortem peccatoris, sed vt conuertatur & uiuat: ita ex parte hominis est fides qua paterna promissio accipitur, quaq; adoptamur in filios Dei per vnigenitum filium Iesum Christum.*

Ceterum quia in pactis adhiberi solent ob signationes, neq; hæ in hoc summo pacto omisse sunt. Sunt autem triplices ob signationes. Prima est iuramentum Christi : *Amen amen dico vobis, qui credit in Jo: 6. me, habet vitam æternam.* Secunda est ob signatio per Sacramenta, Baptismum & cœnam Domini, quæ sunt firmissima pacti inter Deum & hominem sigilla, quæ nunquam violabuntur, nisi homo sua culpa abiecerit fidem. Tertia ob signatio est Arrhabo spiritus, qui testimonium dat spiritui nostro, quod simus filij Dei. Huc etiam illud pertinet. 2. Cor. 1. *Ob signauit nos & dedit Arrhabonem spiritus in cordibus nostris.* Hæ sunt ob signationes & sigilla, quibus pax inita inter Deum & hominem ob signatur & confirmatur, vt rata sit.

Præterea, ne quis existimet hanc pacem ad paucos quosdam pertinere, obseruanda est eius promulgatio, quæ est vniuersalis. Christus enim ascensurus in cælum mandatum dedit discipulis, vt hanc pacem proclamarent per vniuersum orbem. Ita enim *Mat: 16. ait : Ite in mundum vniuersum, & predicate Euange-*

Euangelium omni creaturæ. Pertinet igitur hæc pax ad omnes qui vocem Euangelij recipiunt & in Christum credunt, perseverantes vsq; ad finem.

Math 24. Nam ita ait Dominus: Beatus qui perseverauerit vsq; ad finem. Non est enim satis benè incæpisse, nisi quis quotidianos faciat progressus.

Rom 5. Si queris huius gratissimæ pacis fructus, inuenias plurimos in hac vita, & post resurrectionem. In hac vita habes huius pacis beneficio accessum ad Deum tanquam ad Patrem clementissimum per Iesum Christum. Ita enim inquit Paulus: Fide iustificati pacem habemus cum Deo per Iesum Christum, per quem & accessum habemus ad gratiam hanc, in qua stamus. Secundus huius pacis fructus, est bona conscientia, antea enim peccati conscientia nos vexat: verum postquam hanc pacem sentimus, conscientia bona & læta redditur, sicut latronis in cruce, quando audiuit, hodie eris mecum in paradiso. *Luce 23.* Ad eundem modum cum audimus in Euangelio annunciari remissionem peccatorum credentibus, conscientia credentium redditur tranquilla. Cum hac bona conscientia coniunctum est gaudium spiritus, quo efficitur vt in medijs afflictionibus gloriemur, vt inquit Paulus. Verum hæc gloriatio & hoc gaudium spiritus augetur meditatione verbi, oratione, vsu sacramentorum, & alijs pijs exercitijs. Hunc fructum & quartus sequitur, nimirum fraterna dilectio. Cum enim intelligimus, & fide sentimus, nobis Deum communem patrem, per

per communem mediatorem nobis reconciliatum, incipimus nos inuicem diligere, tanquam huius thesauri communes heredes. Hunc quartum fructum sequitur quintus, qui est letus discessus ex vita quemadmodum Simeon conspecto autore huius pacis Christo ait: Nunc dimitte seruum tuum *in pace, quia viderunt oculi mei salutare tuum.* *Lucæ 2.*

Post resurrectionem huius pacis fructus erit perpetua iucunditas, perpetua laticia & fruitio conspectus Dei & sanctorum omnium, qui vixerunt inde vsq; ab initio mundi. Hunc fructum nemo in hac vita satis cogitare potest.

Postquam iam dictum est fusius quæ in hac pace concurrunt: nunc contraham in breuem summam seu descriptionem, quæ sit hæc pax. Pax igitur inter Deum & hominem est mutuus consensus Dei & hominis, Dei quidem hominem propter Christum in gratiam recipientis: hominis vero oblatam gratiam fide recipientis ac obedientiam erga Deum serio promittentis. Hæc sint dicta de pace, quam Christus hic offert, non solum discipulis undecim, qui tum aderant: verumetiam nobis & omnibus, qui hanc pacem volunt recipere, cum illis per Euangelij prædicationem offertur. Post hanc pacificam salutationem sequitur in textu, quomodo se Christus probauerit verè à mortuis surrexisse, & id ita prænunciatum in Mose, Prophetis & in Psalmis ostendit. Verum quia de his die Paschatos & heri audiistis: nunc tantum de necessitate &

Z

vsi

usu mortis & resurrectionis CHRISTI dicam.

DE SECVNDO.

Sic scriptum est & sic oportebat Christum pati & resurgere à mortuis tertio die, ac prædicari in nomine eius pœnitentiam & remissionem peccatorum omnibus gentibus initio factò ab Hierosolymis.

Primum ergo cum dicit: sic scriptum est, vult ut non ratio: sed scriptura apud nos valeat, quoties de regno Dei fit quæstio. Ubi autem hoc scriptum sit, addit inquiring: Necessè est impleri omnia in lege Moysi & in Prophetis & in Psalmis. Cum igitur quæritur de salute consulendus est Moyses, legendi sunt Prophetæ, & cognoscendi sunt Psalmi, deinde scripta Euangelistarum & Apostolorum. Quicquid cum istis scriptis pugnat repudiandum est, tanquam à Sathana profectum.

Quid scriptum est? quod oportuerit sic pati Christum & resurgere ex mortuis tertio die. Cum dicit, SIC OPORTEBAT, necessitatem mortis & resurrectionis Christi indicat.

Quare ergo oportebat? 1. Ut impleretur scriptura, quæ mentiri nequit. Ut enim Deus manet in æternum, ita eius verbum in æternum manet, & Christus dicit: Cælum & terra transibunt, verba autem mea non transibunt. 2. Oportebat hoc fieri, quia ita Deus decreuit. Nullo enim pacto fieri potest, ut quod Deus certo constituit, non procedat. 3.

Opor-

Oportebat Christum pati propter hominum redemptionem à pœnis æternis, quas suis peccatis meruerant. Nisi enim Christus fuisset passus, nos in peccatis sub ira Dei mansissemus. 4. Oportebat Christum pati propter gloriam qua postea coronandus erat. 5. Oportebat Christum pati, in nostri instructionem & consolationem: is cum caput sit, debuit præcedere cum in cruce, tum in gloria. 6. Oportebat Christum pati, ut figuris responderet veritas. Multæ enim figure veteris testamenti, mortem & resurrectionem Christi representabant, de quibus dictum est die Paschatos. Breuiter ut vno verbo omnia complectar, Christus passus, mortuus & excitatus est, ut placaretur Deus offensus, saluaretur genus humanum, & destrueretur regnum Diaboli.

Habemus quanta fuerit necessitas mortis & resurrectionis Christi, iam audiamus, quis sit fructus & usus huius admirandi operis. Id quod Dominus hisce verbis exponit: [Et prædicari in nomine eius pœnitentiam & remissionem peccatorum omnibus gentibus.] Ex his primum colligitur, quid sit Euangelium, & quæ eius summa. Euangelium est prædicatio pœnitentiæ & remissionis peccatorum propter Christum. Summa Euangelij est, quòd liberatio à peccatis & salus contingat per solum Iesum Christum. Verum ut planius nobis euadat quanta beneficia nobis offeruntur per Euangelium, quæ omnia sub his Christi verbis latent, paulo copiosorem descriptionem ex scripturis adferam.

Euangelium est vniuersalis prædicatio, in qua annuntiatur liberatio à maledictione legis & ira Dei, & proclamatur remissio peccatorum, salus ac vita æterna credentibus in filium Dei propter eiusdem victimam, secundum promissiones olim patribus factas, vt perpetuò gloria bonitatis Dei prædicetur, vtq; porro dignos Euangelio fructus edant homines per Christum liberati, tandemq; vita fruantur æterna.

In hac descriptione primum significatur à quibus malis per Euangelium liberamur, nempe à maledictione legis, iuxta illud Gal. 3. Christus factus est pro nobis execratio, hoc est, execrationem, quam nos meruimus nostris peccatis, is in se recepit, vt nos fieremus heredes iusticiæ & benedictionis. Hoc etiam testatur Paulus 2. Cor. 5. vbi ita ait : Eum qui non nouit peccatum fecit peccatum, vt nos fieremus iusticia Dei in ipso. Hoc est, Christus qui immunis erat ab omni peccato, factus est reus pro nobis. Ergo rectè dictum est, nobis per Euangelium annuntiari liberationem à maledictione legis. Deinde quia cum maledictione legis etiam ira Dei erat coniuncta, liberamur etiam ab ira Dei, cum credimus Euangelio. Qui non credit (inquit veritas) ira Dei manet super eum. Proinde qui credit, non amplius est sub ira, sed sub gratia. Iam vbi gratia regnat, nulla vis est tyrannidis Diaboli, nullus stimulus mortis æternæ, nullus metus inferni, ab istis ergo malis liberationē prædicat Euangelium.

Sed

*Sed quis
remissione
nam. N
damnat
in suo E
catorum
bis mer
Hal
gelium
nunc se
mirum
scriptu
habet
peccato
trus di
rum. Hoc
tet prædic
perpetr
stum, qu
tores ac
nescio
Christi
Christi
peccato
nem no
Et
lium es
nem oli
lapsum*

Sed quæ bona sunt quæ annunciat? Annunciat remissionem peccatorum, salutem & vitam æternam. Nos rei peccati sumus natura maledicti & damnati ad mortem æternam: sed iam Christus in suo Euangelio annunciat nobis remissionem peccatorum, salutem, & vitam æternam, quæ bona nobis meruit sua morte & gloriosa resurrectione.

Habemus à quibus malis liberamur per Euangelium, & quæ bona nobis offeruntur per idem: nunc sequitur quibusnam contingant ista bona, nimirum credentibus in filium. Hoc multis probatur scripturæ testimonijs: Qui credit, inquit Christus, *Jo: 6.* habet vitam æternam. Ut hanc præcedit remissio peccatorum: ita cum ea coniuncta est salus, Et Petrus dicit fidei nostræ finem esse salutem animarum. *1 Pet: 1.* Hoc ipsum hic significatur cum dicitur: Oportet prædicari pœnitentiam, qua scilicet ob peccatum perpetratum dolemus, & confugimus ad Christum, qui ait: Non veni vocatum iustos, sed peccatores ad pœnitentiam. *Mat: 2.* Post hæc sequitur, cuius beneficio tanta bona consequimur, propter victimam Christi, id est, propter mortem & resurrectionem Christi. Unde Paulus Rom. 4. Mortuus est propter peccata nostra, & excitatus est propter iustificationem nostri.

Et ne quis nouam doctrinam existimet Euangelium esse, adieci in definitione, secundum promissionem olim patribus factam: Nam & Adamo post lapsum facta est promissio, Genes. 3. & sæpè postea

Z 3

repeti-

repetita est & inculcata patribus spacio 4000. annorum donec Christus in carnem venit.

In fine adduntur fines. 1. liberatio à legis sententia per Christum. 2. vt liberati fructus dignos Euangelio edant. 3. vt prædicent hoc tantum beneficium. 4. vt tandem plenam redemptionem consequantur in vita æterna, per Dominum nostrum Iesum Christum, cui cum Patre & Spiritu sancto laus, honor, & gloria in secula seculorum, Amen.

DOMINICA PRIMA POST PASCHA,

IOHAN. 20.

CV M vespera esset die illo, qui erat vnus Sabbatorum, & fores essent clausæ, vbi discipuli erant congregati propter metum Iudæorum, venit Iesus, stetitq; in medio, & dicit eis: Pax vobis. Et cum hæc dixisset, ostendit eis manus ac latus suum. Gauisi sunt ergo discipuli viso Domino. Dixit ergo eis iterum: Pax vobis. Sicut misit me pater, ita & ego mitto vos. Hæc cum dixisset, flauit in eos, & dicit eis: Accipite Spiritum sanctum, Quorumcunq; remiseritis peccata remittuntur eis: quorumcunq; retinueritis, retenta sunt. Thomas autem vnus ex duodecim, qui dicitur Didymus, non erat cum eis quando venit Iesus, Dixerunt ergo alij discipuli: Vidimus Dominum. Ille autem dixit eis: Nisi videro in manibus eius vestigium clauorum, & mittam digitum

tum meum in vestigium clauorum, & mittam manum meam in latus eius, non credā. Et post dies octo iterum erant discipuli eius intus, & Thomas cum eis. Venit Iesus ianuis clausis, & stetit in medio, & dixit: Pax vobis. Deinde dicit Thomæ: Infer digitum tuum huc, & vide manus meas, & admove manum tuam, & immitte in latus meum, & noli esse incredulus, sed credens. Respondit Thomas & dixit ei: Dominus meus, & Deus meus. Dicit ei Iesus: Quia vidisti me Thoma, credidisti, Beati qui non viderunt & crediderunt. Multa quidem & alia signa fecit Iesus in conspectu discipulorum suorum, quæ non sunt scripta in libro hoc, hæc autem scripta sunt, vt credatis, quod Iesus est Christus ille filius Dei, & vt credentes vitam habeatis per nomen eius.

ENARRATIO TEXTVS.

HOC Euangelium continet partem historie, quam scripsit Iohannes Euangelista de resurrectione Domini, in qua parte, visibili & carnali præsentia, voce, facto, & signis testatur Dominus se à mortuis surrexisse: Et commendans discipulis ministerium verbi, prædicat beatos fore, qui in se crediderint. In fine textus, additur causa finalis totius sacre scripturæ: ita enim inquit. Hæc scripta sunt vt credatis, & vt credentes vitam habeatis in nomine eius. Caterum quia satis dictum est superiori septimana de resurrectione Domini, nolo pluribus de ea hac vice agere: sed dicam de tribus

Z 4

alijs

alijs locis, qui in hoc continentur Euangelio. Loci:

I. De ministerio verbi & potestate Ecclesie.

II. De Thomæ confessione.

III. De fine sacræ scripturæ.

DE PRIMO.

Verba textus de verbi ministerio & potestate Ecclesie sunt hæc. [Pax vobis : sicut misit me Pater, & ego mitto vos. Hæc cum dixisset, inflavit, & dixit eis: Accipite Spiritum sanctum, Quorumcunq; remiseritis peccata, remittuntur eis, et quorumcunq; retinueritis, retenta sunt.] Hic habemus pauca verba, sed efficacia, quæ continent copiosam doctrinam, quam omnes Christiani scire debent. Quare vos hortor ut sitis attentis, quò hanc doctrinam percipere possitis. Ut autem id fiat commodius, distinguam hæc verba, quibus ministerium instituitur, in quatuor partes. PRIM A pars: Pax vobis. SECUNDA pars: sicut misit me pater, ita ego vos mitto. TERTIA pars: Inflavit & dixit: Accipite Spiritum sanctum. QUARTA pars: Quorumcunq; remiseritis peccata, remittuntur eis, & quorumcunq; retinueritis, retenta sunt. De his quatuor partibus ordine dicam.

PRIMA pars, nempe salutatio, PAX VOBIS, consolatur non solum discipulos qui tum aderant, verumetiam animum addit omnibus, qui sunt, & qui futuri sunt ministri verbi in Ecclesia.

Qui

Qui minist
hostem Di
vita insu
test, vita
cet quis
polluere
erronea
nam &
verbi e
nide, n
officio
Qui
Consola
& sim
ne vel
pediat
mundi de
tio minist
uersus
crisin e
SE
ita ego
Pater
iuxta il
tis. Ite
boli. Qu
serpent
Diabola
opere, o

Qui ministerium verbi in se recipit, statim habet hostem Diabolum, qui perpetuo ipsius doctrinae & vitae insidiatur. Si doctrinam corrumpere non potest, vitam contaminare studet, ut quod verbis docet quis, factis neget. Si vitam non potest Diabolus polluere, doctrinae insidiatur, ut homines decepti erronea doctrina damnentur. In multis & doctrinam & vitam contaminat. Deinde habet minister verbi etiam mundum aduersus se, qui nunc tyrannide, nunc hypocrisi, nunc sophistica se adoritur, ut officio suo non recte fungatur.

Quid faciat minister verbi in tantis periculis? Consolabitur se hac Christi voce: PAX VOBIS: & simul orabit Deum, ut se in hac pace contineat, ne vel doctrina, vel moribus cursum Euangelij impediat: pluris faciet pacem Christi, quam omnes mundi delitias & amicitias. Hæc sit ergo consolatio ministrorum Euangelij, qui pugnare debent aduersus diaboli insidias, mundi tyrannidem, hypocrisin & Sophisticen.

SECUNDA pars est: Sicut misit me Pater: ita ego mitto vos. Quomodo Pater misit filium? Pater misit Filium, ut regnum Diaboli aboleret iuxta illud: Semen mulieris conteret caput serpentis. Item: Christus apparuit ut destruat opera diaboli. Quid? An non solius Christi est conterere caput serpentis? An non solius Christi est destruere opera Diaboli? Vere solius Christi est: sed in hoc tanto opere, opus est duabus machinis: victima & do-

Z 5

ctrina.

Etrina. Christus est missus, vt solus sua victima iratū patrem placet, et Diabolum superet. Deinde quia hoc beneficium hominibus per doctrinam offertur, destruxit etiam opus diaboli per doctrinam. Proinde Christus missus erat ad duo, ad placandum Deum victima & ad docendum. Ad prius illud, solus Christus mitti idoneus fuit: ad posterius, hoc est, ad docendum missi fuerunt olim omnes Prophetae & postea Apostoli et homines omnes, qui legitime sunt vocati ad prædicandi munus. Quantum ergo ad docendum attinet, Christus mittit discipulos, quemadmodum ipse erat à Patre missus. Hinc duo colligamus. Primum discrimen inter regna mundi & Ecclesiæ administrationem, seu inter gubernatores mundi & gubernatores Ecclesiarum. Ministri enim verbi non mittuntur, vt dominantur in terra. Christus enim nullum dominium sibi vendicauit, nec mittuntur ad pompas huius mundi quas Christus contempsit: sed ad docendum Euangelium, ad erigendum regnum Dei, ad salutem annunciandam hominibus. Deinde hinc colligendum est quæ sit verbi, quod prædicant vocati ad ministerium, auctoritas: Sicut Pater, inquit, me misit: ita ego vos, vt non vestro, sed meo nomine loquamini. Huc illud dictum Domini ad discipulos, Matth. 10. Qui vos audit me audit: qui vos spernit, me spernit. Hinc habent, qui docent verbum consolationem: & qui audiunt grauem admonitionem. Nam cum docentes verbum pie in legitima vocatione, patiuntur ali-

aliquid ab
nem, quod
illis inu
tur: Qu
mum de
verbum
audire
stros in
Præter
Dei in
vel ipse
minis
sint eue
moribus

Te
ni & di
verba su
stus his
catur v
cacione
nec pena
omnis
Christi p
in discip
tum, si
rum mi
eritis m
mibi in

aliquid ab ingrato mundo habent ex eo consolationem, quod vice Christi fungantur, & Christus cum illis iniuriam patiat, qui se suo tempore vlciscetur: Qui vero audiunt verbum, admonentur primum de auctoritate verbi. Non enim secus audire verbum debent, quam si Christum ipsum loquentem audirent. Deinde admonentur, ut pios verbi ministros in precio habeant tanquam Christi legatos. Præterea admonentur pænæ, in quam iusto iudicio Dei incurrant, quicumque vel verbum prædicatum, vel ipsos ministros contemnunt. Debent quoque ministri verbi cogitare, in quem gradum dignitatis sint euecti, ne vel doctrinæ puritatem inficiant, vel moribus malis à se auditores alienent.

TERTIA PARS. [Et cum dixisset, insufflauit & dixit eis: Accipite Spiritum sanctum.] Hæc verba singularem doctrinam continent. Nam Christus his verbis ostendit, vnde verbum, quod prædicatur voce ministrorum, habeat suam vim & efficaciam, quæ sane non inclusa est in voce ministri, nec pendet ex sanctitate & dignitate hominis: sed omnis verbi vis & efficacia ex virtute spiritus Christi proficiscitur. Nam cum hic Christus sufflat in discipulos, ac iubet eos accipere Spiritum sanctum, significat Spiritum sanctum perpetuò affuturum ministerio verbi: Quasi dixisset: Ecce vos eritis ministri noui Testamenti, qui Ecclesiam mihi in mundo edificabitis, per prædicationem.

Eua-

Euangelij, & scio quàm sitis imbecilles ad tantum opus peragendum, præsertim cum Diabolus, mundus & ratio omnium hominum se vobis opponet. Quapropter, huic vestro ministerio volo adesse Spiritum sanctum, per quem vester labor erit efficax, is enim sua virtute faciet, vt verbum meum quod prædicabitis, non sit ad vos vacuum rediturum. Hic vtilem doctrinam & admonitionem colligamus. Doctrinam quidem, quòd Spiritus sanctus sit alligatus verbo, & velit per illud esse efficax: Consolationem vero, qua & qui docent, & qui audiunt se erigant præsentia Spiritus sancti aduersus suæ salutis hostes.

QUARTA PARS. [Quorum remiseritis peccata, remittuntur eis, & quorum retinueritis, retenta sunt.] His verbis instituit & sancit spiritua- lem illam Ecclesiæ potestatem, quam vocamus potestatem clauium, & ostenditur clauis qua aperitur & clauditur regnum cælorum.

Verum vt hæc vtilissima doctrina clarè ab omnibus intelligi possit, volo eam in quædam puncta distinguere, quæ sunt: vnde sit potestas Ecclesiastica, quid sit, penes quem sit, & in quo consistat. His punctis benè intellectis, nemo erit qui non dextrè intellecturus sit, quænam res & qualis sit potestas Ecclesiastica.

Unde ergo est hæc potestas? A Deo per Iesum Christum. Si enim hominem spectes, est ministerium purum? At si Christum, sublimis est potestas, qua
nulla

ulla inter
 istit. Na
 folio mai
 Qui igit
 Tu prim
 Qui
 tendi &
 angeliu
 ei vero
 Pen
 quando
 dedit cl
 posuit,
 cilla cl
 In qu
 Spiritus
 cax, &
 verbum
 ster ve
 hiber sp
 aperitu
 His
 perpend
 RV M c
 QVOR
 gratie
 nem op
 in vniue
 vocem 2

nulla in terra vel maior, vel vtilior, vel dignior existit. Nam Christus sedens ad dexteram patris in solio maiestatis suæ, hanc potestatem administrat. Qui igitur hanc potestatem contemnit, & eius fructu priuatur, & est in filium Dei contumeliosus.

Quid est potestas Ecclesiæ? Est potestas remittendi & retinendi peccata, hoc est, prædicandi Evangelium, cui qui credit aperitur regnum cælorum, ei vero qui non credit, ostenditur esse clausum.

Penes quem est hæc potestas? Penes Ecclesiam, quando enim Petro & alijs Apostolis Dominus dedit clauēs, apud ipsam Ecclesiam clauēs has deposuit, à qua ministri habent clauēs, tanquam ancilla clauēs suæ heræ habet.

In qua re consistit potestas clauium? In efficacia Spiritus sancti, qui in verbo & per verbum est efficax, & fidem in auditoribus verbi operatur: ita verbum est veluti vna clauis, quam adhibet minister verbi, & fides est altera clauis, quam adhibet spiritus sanctus, quæ clauēs cum adhibentur aperitur regnum cælorum.

His ita explicatis verba huius textus altius perpendamus. Primum igitur cum dicit: QVORVM CVNQUE: siste gradum & de hac voce QVORVM CVNQUE cogita. I. quòd promissio gratiæ sit vniuersalis. Hanc vniuersalem promissionem opposito tentationi de particularitate & te in vniuersalem promissionem includito. Deinde hanc vocem QVORVM CVNQUE multitudini peccatorum

torum oppone. Cum igitur tentaris ad desperationem ob peccatorum tuorum multitudinem, veniet in mentem hæc Domini promissio: *QVORVM CVN QVE &c.* Non dicit, si pauca peccata quis perpetraverit, aut si multa, neq; dicit si Iudæus est, si Græcus, nobilis, ignobilis, dives aut pauper: sed dicit *QVORVM CVN QVE*. Præterea hic locus monet, quod & publicè & priuatim possit fieri absolutio. Sic Petrus tria millia hominum publicè absoluit. Item priuatim Cornelium, sicut & Nathan Propheta Dauidem. Generali illa absolutione vtantur ministri verbi quoties Euangelium prædicant. Speciali quando ratio hoc postulat, hoc est, quando aliquis priuatum colloquium cum ministro verbi expetit, confirmandæ suæ fidei causa.

2. Ponitur in textu *PECCATA* sine addito, quare omnia peccatorum genera hic intelligi debent, quæ sunt quatuor. 1. viciositas naturæ. 2. pullulantes rami ex mala radice. 3. peccata errore commissa. 4. peccata voluntaria. Nullum plane peccatum est, quod non ignoscitur, si venia propter Christum petatur.

3. Verbum *REMITTERE* obseruandum est, pro quo Matthæus habet *Soluere*. Iubet Dominus vt discipuli peccata remittant & soluant. Remittant quidem vt debitum: soluant vero vt onus prægrauans. Peccata siquidem sunt debita, quia vt debita obligant ad solutionem: ita peccata ad satisfactionem pænæ nisi fiat remissio. Sunt & onera peccata,

Acto: 2.

Acto: 10.

2 Reg: 12.

cata, quia ut onus graue portantem deprimit, ut tandem sub eo cadat: ita peccata maledictionis onere & legis sententia opprimunt, donec Christus venerit & onus in se leuauerit. Sed quid? potest ne homo peccata soluere & remittere? Deus dicit Isaie 43. Ego sum ego sum ipse qui deleo iniquitates tuas & peccatorum tuorum non recordabor. Hoc testimonium conuincit quod solus Deus remittit peccatum. Rursus cum hic dicit Dominus, quorumcunq; peccata remiseritis, erunt remissa in cælo. Respondeo: Christi dictum manifeste indicat duplicem esse remissionem, vnā in terris à ministris verbi: Alteram in cælo, quæ à Deo solo fit. De hac posteriori loquitur Isaïas. Breuiter, Deus ut Dominus: ministri verbi, ut serui & nuncij remittunt, qui Domini sui voluntatem annunciant, quæ remissio fit voluntatis Dei annunciatione. Hoc probatur Num. 6. vbi ita ait Dominus: Sacerdotes ponent nomen Domini super filios Israel, sed ipse benedicam. soluere ergo sacerdotis, est indicare culpam à Deo remissam.

Sed quomodo retinent peccata? verbo & iuxta verbum, hoc est, quaecunque peccata indicaueritis verbo Dei esse retenta, retenta etiam erunt in cælo. Plura de hac re dixi in festo cænæ Dominicæ: Quare nunc ad secundum locum pergo, de quo breuissimè dicam.

DE SECVNDO.

De Thoma habemus duo in hac historia, nempe incre-

incredulitatem & confessionem. Incredulitatem indicat his verbis: [Nisi videro in manibus fissuram clauorum, &c. non credam.] Audiuit alios discipulos narrantes se vidisse Dominum, is autem immemor omnium predictionum Prophetarum & Christi, non credit. Adeo ratio hominis in rebus salutis se Deo & eius verbo opponit. Hactenus de eius incredulitate: sequitur de eius fide & confessione. [Post dies octo iterum erant discipuli & Thomas cum eis in vna domo, & venit Iesus clausis ianuis, & stetit in medio eorum & dixit, Pax vobis, & dixit Thomæ, infer digitum tuum huc, & vide manus meas, &c. & noli esse incredulus, sed fidelis.] Audita voce Domini, & conuictus manifesto signo, concipit fidem, ex qua hanc promittit confessionem, Dominus meus & Deus meus. A Thoma igitur duo discamus, vnde fides sit, & qualis vera fidei confessio. Fides est ex verbo & signo, sicuti nos habemus Euangelium verissimum Christi verbum, & signa duo augustissima, Baptismum & Cœnam Domini. Hæc fides concepta verbo & confirmata signo, veram edet confessionem, qualis hæc Thomæ est, qui hic clamat, Dominus meus & Deus meus. Hæc Thomæ confessio, si rectè perpenditur, quatuor continet. Primum enim agnoscit Christum eundem hominem esse, qui ante triduum fuit occisus à Iudeis. Deinde cum Deum appellat, eius diuinitatem fatetur. Tum cum non duos Dominos aut duos Deos, sed vnum Dominum & vnum Deum dicat, agno-

agnoscit unitatem personæ. Postremo, cum *Meus Dominus & Meus Deus* dicit, officium redemptionis profitetur, in quem & ipse *vinum* recumbit fide.

D E T E R T I O.

[*Beati qui non viderunt & crediderunt.*] Hæc *vniversalis doctrina* de credentibus est obseruanda, nam hic *Christus* disertè pronunciat beatos qui credunt, etiamsi oculis corporeis non viderint *Christum*. Huc pertinet tota scriptura, vt inquit, [*Hæc autem scripta sunt, vt credatis quòd Iesus est filius Dei, & vt credentes vitam habeatis in nomine eius.*] *Finis ergo scripturæ est vt credamus: finis fidei, vt credentes habeamus vitam aternam, quam donet nobis author vitæ Iesus Christus, cui cum Patre & Spiritu sancto sit honor in secula.*
A M E N.

D O M I N I C A
S E C V N D A P O S T P A S C H A,

I O H A N. IO.

E Go sum pastor ille bonus. Bonus pastor animam suam dat pro ouibus. Mercenarius autem, & qui non est pastor, cuius non sunt oues propriæ, videt lupum venientem, ac deserit oues, fugitq; & lupus rapit ac dispergit oues. Mercenarius autem fugit, quia mercenarius est, & oues non sunt illi curæ. Ego sum pastor ille bonus, & agnosco oues

a

meas,

meas, & cognoscor à meis. Sicut nouit me pater, ita & ego noui Patrem, & animam meam pono pro ouibus. Et alias oues habeo, quæ non sunt ex hoc ouili, illas quoq; oportet me, adducere, & vocem meam audient, & fiet vnum ouile, & vnus pastor.

ENARRATIO TEXTVS.

Occasio, cur hoc Euangelium proponitur in Ecclesia hoc tempore, hæc est. Audiuius in proximo Paschatis festo, in quem finem oportuerit Christum pati & resurgere ex mortuis, nimirum vt in nomine eius prædicaretur pœnitentia & remissio peccatorum omnibus gentibus: per quam prædicationem, destrueretur regnum Sathanæ, & erigeretur regnum Christi. Hoc autem cum aliter fieri non potest, quàm per fideles verbi ministros, quos scriptura pastores vocat, placuit Ecclesiæ, hoc die proponere Euangelium de summo pastore Iesu Christo, de eius cura erga oues: idq; ideo vt fideles verbi ministri huius pastoris exemplum, in doctrina, vita & cura pro ouibus imitentur. Hactenus de occasione cur hodie præsens Euangelium proponitur. Summa autem Euangelij est, quòd vt Christus se verum pastorem esse, & curam habere suarum ouium profitetur: ita ex aduerso lupos esse testatur, qui ouili suo insidiantur, quos videntes mercenarij fugiunt, ac oues lupis lacerandas relinquunt: contra quorum perfidiam Dominus promittit

tit se suas oves curaturum, & significat se adhuc alias habere oves, quas adducet, ut fiat vnum ouile & vnus pastor.

Locī tres :

I. De pastore Christo, alijsq; veris pastoribus.

II. De lupo, mercenario, & fuga mercenarij.

III. De ouibus Christi, earum nota, & unitate ouilis.

DE PRIMO.

In primo loco de pastore Christo habemus duos: vnum, quæ sit eius indoles, alterum, quæ sint eius beneficia erga Ecclesiam. Quantum autem ad Christum pastorem attinet, semper meminisse debemus confessionis Thomæ, quam ab hinc die octauo audiui-
mus. Is enim cum dicit Dominus meus & Deus meus, Primum confitetur eum quem alloquitur eundem hominem esse, qui erat crucifixus & mortuus, quem nunc verè à mortuis resurrexisse agnoscit. 2. Confitetur eundem hominem esse quoq; verum Deum: Dicit enim & DEVS MEVS. 3. Confitetur hunc hominem & Deum vnā personam: Non enim dicit Domini mei, sed Dominus meus. 4. Confitetur hunc ^{Ἰησοῦν} ^{& ἄνθρωπον} (personam vnicam, quæ est Deus & homo) esse suum saluatorem. Nam Dominus meus, qui mei curam habet, & Deus meus est, qui me in suam fidem & gratiam recepit. Confitetur ergo CHRISTVM

a 2

verum

1 Pt: 2.

verum Messiam & saluatorem mundi esse, adeoq;
verum illum pastorem olim promissum, de quo Za-
charia 10. Suscitabo pastorem in terra. Hunc Pe-
trus vocat pastorem & Episcopum animarum.
Hac dixi breuiter ex confessione Thomæ de Christo
pastore, vt quæ sit huius nostri pastoris indoles in-
telligamus. Iam verba Domini audiamus. [Ego
(inquit) sum pastor bonus.] Sed quid pastor bonus?
[pastor bonus ponit animam suam pro ouibus su-
is,] hoc est, pastor ille bonus est, qui adeo suas oues
diligat, quod potius velit mortem oppetere, quam
oues suas lacerationi & prædæ furum & luporum
relinquere. Hoc promissum etiam factò declarauit,
qui pro ouibus suis turpissimam mortem est per-
pessus.

Ps: 23.

Habemus quantus sit amor Christi erga suas
oues: Iam vt conspiciamus beneficia, quæ ex mera
bonitate præstat, similitudinem pastoris ouium
Christo pastori accommodabimus. Quid ergo facit
bonus ouium pastor? 1. colligit oues. 2. præcedit. 3.
educit eas in pascua. 4. pascit eas. 5. excubias su-
per eas agit. 6. regit. 7. defendit. 8. læsis medetur.
9. errantes castigat virga pastorea. 10. in sua redu-
cit pastas. Hac omnia beneficia Christus spirituali-
ter Ecclesiæ præstat.

PRIMUM ergo Christus pastor colligit oues.
Sed quomodo? per prædicationem Euangelij. Hoc
cœpit facere mox post lapsum primorum parentum,
nam in spiritu adfuit Prophetis & multas oues
sibi

sibi collegit. Deinde ipse venit ut ouem perditam quæreretur: & hodie dat prædicatores, qui suo nomine colligunt oues.

DEINDE præcedit oues. Quomodo? In cruce & in gloria. In cruce quidem, dum varias in hac vita arumnas perpeffus est, quas etiam sanctos experiri necesse est: In gloria, dum per resurrectionem à mortuis in gloriam cælestem intravit, quem suo tempore sequentur quotquot eius veræ oues fuerint.

TERTIO educit eas in pascua in amœnissima prata, ut David Psal. 23. loquitur: In pascuis herborum accubare me facit, ad aquas refectorias deducet me.

QUARTO, educit eas in prata pascit spiritu & verbo. Spiritu quidem, dum intus animum confortat: verbo vero dum prædicatur Euangelium, unde concipitur fides in hunc pastorem.

QUINTO, excubias super eas agit, & tanquam in specula sedet ut obseruet ne quis ex insidijs oues adoriatur. Hoc autem agit per suos Angelos, per fideles verbi ministros, per pium magistratum, breuiter, per bonos rectores in familijs, politijs, & Oeconomijs.

SEXTO, regit, scilicet Spiritu, verbo, & disciplina, unde: Dominus regit me & nihil mihi deerit, in loco pascuæ ibi me collocauit.

SEPTIMO, defendit, unde Paulus: Si Deus Rom: 8.
pro nobis, quis contra nos. Et David: Etiam si am- Psal: 23.

bulauero in valle umbræ mortis, non timebo malum, quia tu mecum es: Virga tua & baculus tuus ipsa me consolata sunt.

OCTAVO, læsis medetur: vt enim oues sepè spinis & venenis inficiuntur, quæ à perito pastore sanantur: Ita Christus pastor suas oues spinis malorum morum et veneno pestiferæ doctrinæ læsas curat & sanat, vnde Psalmus 146. Qui sanat contritos corde & alligat contritiones eorum, Ezech. 34. Ego pascam oues meas & ego eas accubare faciam, quod perierat requiram, & quod abiectum erat reducam, & quod confraetum fuerat alligabo, & quod infirmum fuerat consolidabo.

NONO errantes castigat virga, dum cruce premit, ac veluti capistrum iniicit. Hoc si non faceret bonus ille pastor, multæ huius mundi delicijs, felici rerum successu abducerentur à grege, & seipsas in ora luporum conijcerent. Unde Dauid de se inquit: *Psalm: 119.* Bonum est mihi Domine quod humiliasti me, vt discerem iustificationes tuas.

ULTIMO in sua reducit pastas. In hoc mundo Christus suas oues colligit, pascit, defendit, curat tanquam in deserto in peregrino regno: verum in extremo die suas oues in sua reducet, hoc est, in Patriam, vbi pij cum Christo perpetua pace & securitate fruuntur.

Dixi de Christo pastore, eius indole, cura & beneficijs erga oues, id est, omnes qui in se credunt: Nunc aliquid adijciam de pastoribus, qui sub illo sunt

sunt constituti, vt curam dominici gregis habeant. Et optandum esset, vt omnes doctrinam, vitam, & curam erga oues haberent, qualem summus ille pastor : verum quia id non fit, obseruanda sunt quatuor pastorum discrimina & genera.

U N V M genus est eorum, qui bene docent & bene viuunt, exemplum summi pastoris imitantes. Talis fuit Isaias, Hieremias, Ezechiel, & alij Prophetæ: talis fuit Paulus, Petrus: tales sunt hodie omnes pij Parrochi & Episcopi, qui doctrina, vita, confessione alijs prælucent. Hi à Dauide & Daniele comparantur stellis lucentibus in cælo, vbi Christi solis aeterno lumine illustrantur: Hi, vt Paulus ait, digni sunt duplici honore: Hi ædificant ciuitatem Dei vtraq; manu. Psal: 84.
Dan: 12.
1 Thim: 5.

S E C V N D U M genus eorum est, qui malè docent & male viuunt. Hi pessimi sunt qui vtraq; manu templum Dei destruunt: quales multos fore his postremis temporibus prædixerunt Petrus & Iudas Apostoli. 2 Pet: 2.

T E R T I V M genus eorum est, qui bene quidem docent: sed male viuunt. Hi quod dextra manu in Ecclesia ædificant, sinistra rursus destruunt, & sunt omnino similes fabris lignarijs qui arcam Nohe extruxerunt. Hi enim alijs parantes arcam, per quam à diluuiò sunt liberati, ipsi in medijs perierunt fluctibus. Talis olim fuit Iudas, et hodie multi inueniuntur. Dicunt quidem, facite sicut docemus, nolite opera nostra imitari. De his locutus

*Mat: 23
Ro: 3* est Christus cum scribæ & Pharisei sedent in Cathedrala Mosis, quæ dicunt facite, nolite facere opera illorum. Horum damnatio iusta est, sciunt enim & docent facienda, ipsi tamen non faciunt, Cum turpe est doctori, cum culpa redarguit ipsum. Bernardus igitur bene ait: Pastores debent impinguare pecus suis potius quam alienis exemplis.

QUARTVM genus est eorum qui male docent, sed bene viuunt, ita vt publicis criminationibus non sint obnoxij. Hi hypocritæ sunt & maximum damnum faciunt. Nam cum homines admirantur externam morum speciem, facile etiam pertrahuntur, vt doctrinam amplectantur: vt multi ex vobis in Papatu vidistis Monachos, qui non solum sibi sancti visi sunt: verumetiam alijs sua bona opera vendiderunt: ita & animabus hominum & facultatibus eorum insidiati sunt. Dixi de quatuor generibus pastorum seu doctorum in Ecclesia, quorum primum tantum laudabile est, & Christi regnum in multorum salutem ædificat, idq; iuxta doctrinam & mandatum summi pastoris Iesu Christi.

DE SECVNDO.

Iam sequitur secundus locus de lupo & mercenario, quorum ille oves Christi lacerat & perdit: Hic oves periclitantes, in luporum faucibus relinquit. Ita enim ait textus: [Mercenarius autem & qui non est pastor, cuius non sunt oves propriæ, videt lupum venientem, dimittit oves & fugit, & lupus

lupus rapit ac dispergit oves.] Hic nos scire oportet, quis nam sit ille lupus, de quo Dominus loquitur, & quæ sit eius in oves inuadendi ratio, & quando mercenarius fugere putandus sit.

Quis est igitur lupus de quo Dominus hic loquitur? Est Diabolus: Is enim cum primum homo conditus erat, eum adoritur, inuadit & in terram proster nit: ita hodie circumit famelicus, quærens quem deuoret, neq; cessabit donec hic mundus steterit.

Quomodo quæso inuadit oves Christi? Non vna via eas adoritur, sed ei est quadruplex inuadendi ratio: Vel enim sophistica, vel tyrannide, vel flagitijs, vel hypocrisi in oves Christi impetum facere consuevit.

Sophistica inuadit, quando vel vicia virtutum titulis ornat, vel pro veritate Dei errores ingerit, quò miseras oves Christi perdat. Innuocare sanctos, mereri vitam æternam operibus sunt grauissima vicia: Sed ea tanquam bona opera defendit, & sic de multis alijs.

Tyrannide inuadit Christi oves, quando facit vt vel victu & præsijs præsentis vitæ destituantur, vel aperto bello eos adoritur, vt Euangelij puritatem vel turbet, vel prorsus aboleat.

Flagitijs & scandalis oves Christi inuadit, quando multos pertrahit in crimina, per quæ excutitur Spiritus sanctus, & homines rursus fiunt Sathanz obnoxij. Quam multi hodie hac machina proster-

nantur, nemo est qui non videt, in quo pago non regnant inuidiæ, obrectationes, potationes, scortationes & alia horrenda scelera? Hæc cum videmus certum testimonium habemus Sathanæ inuadentis in ouile Christi.

Hypocrisi etiam inuadit in ouile Christi, quoties sua externa specie sanctitatis grauissima scelera tegit, quemadmodum in monachis olim factum est, & hodie ab ijs fit, qui Pharisaismum nondum deposuerunt.

Habemus iam quibus vñs lupus, qui est Diabolus inuadit in ouile Christi: iam de mercenarij fuga dicemus. Est enim mercenarius cuius non sunt propriæ oues, atq; ideo fugit videns accelerantem lupum.

Mat. 10. An non Christus interdum fugit? An non mandauit discipulis suis, cum persecuti vos fuerint in vna ciuitate, fugite in aliam? *Act. 9.* An non Paulus ipse fugit cum demissus est in corbe per murum? iam cum certum sit, nec Christum lupum fuisse, nec Apostolos reliquos, necesse est vt non de quauis fuga intelligendum sit quod Dominus hic de fuga dicit. Verum sciendum est quod sit fuga corporis & fuga animi: illa interdum licita est, hæc non. Sed quænam est animi? Cum aliquis ab officio præstando fugit, & hæc fuga quadruplex est iuxta quadruplicem lupi inuasionem in ouile Christi. Nam quicumq; verbi minister vlla de causa se non opponit Sophisticæ, tyrannidi, flagitijs, hypocrisi, is mercenarius est & non

non verus pastor. Pastor enim bonus. I. opponit se sophisticæ, defendendo veram doctrinam & reprehendendo, confutandoq; falsam : sed mercenarius ad hanc lupi inuasionem timet, non audet defendere veram doctrinam, ne aliquid de terrenis commodis amittat. Quare vel conuiet ad falsam doctrinam, vel saltem non vt deberet reprehendit, quod cum facit, fugere dicitur, non quidem corpore : sed animo, quia officium deserit. Secundò, Bonus pastor opponet se tyrannidi. Verum quia sunt duo pastorum genera : vnum civile, alterum Ecclesiasticum, vt civilis pastor armis, ita Ecclesiasticus precibus opponet se luporum tyrannidi. Qui hoc non facit mercenarius est, non pastor. Tercio bonus pastor opponet se flagitijs reprehendendo & excommunicando eos qui suis moribus Ecclesiam offendunt, quemadmodum Iohannes reprehendit Herodem, Christus Phariseos, & Prophetæ omnes sui sæculi vicijs se opposuerunt. Diabolus fideli adulterium persuasit, persuasit incestum, auaritiam, libidines, potationes. Hic pastor bonus non timet homines : sed Deum, & hominum vicia ex officio carpit. Contra mercenarius, de sua quiete sollicitus non audet aperire os. Si reprehendit, in genere id facit : non audet reos in faciẽ obiurgare cum Prophetis alijsq; veris pastoribus. Sed possit aliquis talis mercenarius obijcere. Ecce hic sum, non fugi. Respondet Augustinus : Quia tacuisti, fugisti : tacuisti, quia timuisti. Quarto, bonus pastor opponet se Hypocrisi, quando

quando detrahit laruam externorum hypocritarum, & ostendit quàm turpis sit facies peccati: sed mercenarius lupum hunc fugit, non audet offendere quenquam, ne in hominum odium incurrat.

Iam quæstio excutienda restat, Num fuga corporalis semper sit licita. Ad quam respondeo. Pastor aliquis qui de loco in locum fugit, vel rei augende gratia, vel tædij causa, vel ob ingratitudinem hominum, certè mercenarius est & non pastor. Verum si tyranni persequuntur & insidiantur vitæ alicuius, licet pio pastori fugere manus tyranni, vt postea, si id fieri potest, reuersus magis proficiat viuus, quàm mortuus prodesse potuit, verum hæc pietas regula esse debet.

DE TERTIO.

Tertius locus est de ouibus Christi, earum nota, & quòd sit vnum ouile & vnus pastor. Oues Christi sunt omnes, qui Christum audiunt, & eum veluti oues sequuntur, in vera simplicitate, innocentia, mansuetudine & obedientia. Neq; alie notæ sunt ouium Christi, quàm pietas erga Deum, charitas erga proximum, in vita puritas & in vocatione sancta quædam cura & industria. Quod autem dicit se alias oues habere, quæ adducendæ sunt in idem ouile, significat ex gentibus & Iudeis vnā esse sanctam Ecclesiam Catholicam. Et simul modum, quo adducentur oues, exprimit, cum ait: [Et audient vocem meam.] Prædicatio ergo Euangelij, & præ-

& prædicati Euangelij fides facit, vt ouili Christi aggregemur. Qui ex hoc loco statuunt fore, quòd antea iudiciũ tãtus sit futurus consensus in vera religione, vt nullæ sint futuræ hæreses, nulla schismata, toto cælo errant: Nam omnia vaticinia Prophetarum contrarium docent. Et Christus cum dicit: Putatis ne cum venerit filius hominis, quòd sit inuenturus fidem super terram, significat ob persecutiones fore, vt plurimi à fide deficient, & quo propior est dies Domini, eo magis sæuit Diabolus, vt sophistica, tyrannide, flagitijs, & hypocrisi pusillum Christi gregem turbet. Quare nos oremus Christum, pastorem animarum nostrarum, vt ipse velit nos in tantis periculis defendere in sui nominis gloriam. Cui cum Patre & Spiritu sancto sit honor, laus & gloria in sæcula, A M E N.

1. m. 18.

1 Pet. 2.

D O M I N I C A

TERTIA POST PASCHA,

IOHAN. 16.

Pusillum & non videbitis me, & iterum pusillum, & videbitis me, quia ego vado ad Patrem. Dixerunt ergo quidam ex discipulis eius inter se: Quid est hoc quod dicit nobis, pusillum & non videbitis me, & rursus pusillum, & videbitis me, & quia ego vado ad patrem? Dicebant ergo: Quid est hoc quod dicit pusillum, nescimus quid loquatur. Cognouit autem Iesus, quod vellent ipsum in-
terro-



terrogare, & dicit eis: De hoc quæritis inter vos, quod dixi pusillum & non videbitis me, & iterum pusillum, & videbitis me. Amen amen dico vobis, plorabitis & lamentabimini vos, mundus contra gaudebit. Vos autem mœrore afficiemini, sed mœror vester vertetur in gaudium. Mulier cum parit, dolorem habet, quia venit hora eius: cum autem peperit puerum, iam non meminit anxietatis, propterea quod gaudeat hominem esse natum in mundo. Et vos igitur nunc quidem mœrorem habetis, sed iterum videbo vos, & gaudebit cor vestrum, & gaudium vestrum nemo tollet à vobis. Et in illo die me non interrogabitis quicquam.

ENARRATIO TEXTVS.

HOC Euangelium pars est concionis Christi, quam habuit pridie antequam pateretur, in cœna coram discipulis suis, in qua concione multa docuit. Nam de officio suo, morte, cruce, resurrectione, & glorificatione verba fecit. Deinde de Ecclesia disseruit, quæ sit, & quæ sit eius in hoc mundo fortuna futura: quod sit habitura aduersarios qui eam impugnent: quod fide tandem sit superatura omnes suas ærumnas, ad hanc partem etiam præsens Euangelium pertinet. Consolatur enim discipulos suos, quos mœstos animaduertit ex prædictione suæ crucis: prænunciat fore, ut excitatus à mortuis, rursus sit eos visurus: & addit pulcherrimam de muliere parturiente similitudinem, cum qua similem fortu-

fortunam experietur Ecclesia. Quemadmodum enim tristis puerpera consolationem maximam capit ex prole nata: ita Ecclesia eluctata è præsentis vitæ ærumnis, plena tandem gloria cum Christo fruetur, modo in eius fide vsq; ad finem constans perstiterit.

Loci tres:

- I. Præmonitio Christi de sua morte & resurrectione.*
- II. Infirmitas Apostolorum, adeoq; omnium mortalium.*
- III. Crux Ecclesiæ in hoc mundo, & eiusdem gloriosa ac læta liberatio.*

D E P R I M O.

De morte & resurrectione Christi breuius dicam, quia nuper omnia copiosius audiuius. [Modicum, inquit, & non videbitis me, & iterum modicum & videbitis me, quia vado ad patrem.] Hic Christus paulo obscurius prædicit suam mortem & resurrectionem. Sensus autem est: [Modicum & non videbitis me, id est, mortuus ad triduum in sepulchro iacebo, vt me non videatis: [& rursus modicum & videbitis me, hoc est, excitatus à mortuis conspiciar à vobis 40. diebus, antequam visibiliter ascendam in cælum sublatus nube è conspectu vestro. Et hoc est, quod dicit, [Quia vado ad patrem,] id est, per mortem transitum faciam à cruce ad gloriam cælestem. Quid, an non post ascensionem adest suæ

suae Ecclesiae? Imo adest iuxta suam promissionem usq; ad consummationem saeculi, non quidem corporali modo, sed diuino & spiritali. Nam verbum Dei & gratia spiritus sancti, sunt speculum, in quo Christus vult aspici: & hic aspectus satis est, quo contenti esse debemus, donec ipse ad iudicium venerit, nam postea perpetuo fruemur eius conspectu.

Sed cur discipulos suae mortis & resurrectionis admonuit? Multae sunt sine sunt cause, quarum precipua est quam ipse assignat his verbis. [Hæc prædixi vobis, ut cum facta fuerint, credatis.] multum enim confirmantur animi hominum, cum vident euentum prædictionibus respondere. Neq; quicquam magis erexit Apostolos, quàm quòd viderent omnia respondere prædictionibus Christi: vnde & eius diuinitatem intelligere, & eius officium perspicere potuerunt. Deinde voluit Dominus his crebris præmonitionibus discipulorum suorum infirmitati consulere. Hoc enim est fidelis magistri, ut habita ratione captus eorum, quos docendos suscepit, illorum ruditati crebris inculcationibus earundem rerum, medeatur. Præterea quoq; ideo prædixit suam mortem & resurrectionem, quò discipuli scirent eum suam præsciuisse mortem & resurrectionem, & libenter usq; ad mortem Patri obtemperasse, ut nos à morte liberaret. Hæc Christi concio nobis quoq; accommodanda est, nam non dissimile nobis accidit. Modicum abesse à nobis videtur, dum nos sine consolatione relinquit luctantes sub cruce.

De-

Deinde rursus videtur, quando per Euangelium nos consolatur, & sui spiritus presentiam in nostris precibus testatur.

DE SECVND O.

Ruditas discipulorum Christi in rebus salutis his verbis describuntur. [Quid est (inquiunt) quod dicit nobis modicum & non videbitis me, & iterum modicum & videbitis me, & quia vado ad Patrem, nescimus quid loquitur. Valde mirum est, quod toties admoniti, non solum typis, figuris & ænigmatibus, verumetiam clavis verbis de morte & resurrectione Domini, non tamen intelligere potuerint. Quæ huius rei causa est? Duplex sanè causa est. Una, quòd opinio semel mente concepta, non facile euellatur, præsertim si altas radices egit. Iudæi atq; adeo ipsi discipuli Domini somniarunt Christi imperium ciuile fore, vt ipse Christus summus imperator, subiecto toto terrarum orbe, dominaretur, atq; ipsi discipuli proximi ab eo essent futuri, id quod satis filiorum Zebedæi mater declarauit, quando petijt, vt alter filiorum sederet Christo à dextris, *Math: 20.* alter à sinistris. Altera causa, est caligo in toto humano genere, qua fit vt nemo possit quæ Dei sunt percipere, nisi doctorem habeat Spiritum sanctum. Hinc nos discamus. 1. deplorare hanc nostram cæcitatem. 2. audire frequentius verbum, quo ab ista caligine ignorantie liberemur. 3. rogare ipsum Deum, vt ipse nos doceat, iuxta illud Psalm. 25. Deduc
b me in



me in veritate tua & doce me, quia tu es Deus salutis meae: bonus & rectus est Dominus, propterea docebit peccatores in via. Sed nobis cauendum est ne cum Dominus doceat, aures cordis ad eius vocem occludamus, quemadmodum omnes illi faciunt, qui verbum Dei sine fructu audiunt. Qui autem ita aures suas ad vocem Dei occludunt, tandem commereantur, ut perpetuo relinquantur in sua cecitate & ignorantia. Deus nos conseruet, ne in hanc ingratitudinis poenam incurramus, qua videmus multos esse horribiliter punitos. Multos enim inuenias quos si interroges post auditam concionem, quid perceperint, non habent verbum quod respondeant. Interrogati de sermonibus habitis in conuiuium aut in placito, possunt singula referre, ita ut ne vnum quidem verbum eos fugiat. Quae est ratio? In quibusdam hoc facit naturalis ruditas de rebus salutis: in quibusdam autem & poena, ut audientes non audiant, & intelligentes non intelligent. Quapropter, charissimi, mutare resipiscamus, imploremus opem diuinam, & quando sentimus tedium audiendi & discendi verbum Dei in nobis, mox cogitemus quod Diabolus struat nobis insidias, mox confugiamus ad orationem qua petamus à Deo, ut & doceat nos, & suo spiritu faciat suo verbo locum in nobis.

DE TERTIO.

[Amen amen dico vobis quod plorabitis & flebitis

bitis vos, mundus autem gaudebit. Vos autem contristabimini, sed tristitia vestra vertetur in gaudium.] Idem repetit, quod paulo antea dixit de sua morte & resurrectione. nam signo proposito triplici, quid eueniet indicat, sed obscurius. Ploratu discipulorum significatur mors Christi & sepultura. Gaudio mundi significatur triumphus Iudæorum occidentium Christum, nam illo mortuo, putabant se suamq; rempublicam securam fore. At cum subiungit, [Tristitia vestra vertetur in gaudium,] significat se ex mortuis resurrecturum, vnde rursus gaudium concipient discipuli. Hoc ipsum declarat proposita similitudine mulieris parturientis, quæ quidem dum parturit, graues dolores sentit: Verum postquam puerum natum videt, tantum percipit gaudium, quod doloris quem paulo antea sensit, prorsus immemor reddatur. Ad eundem modum discipuli Domini, mortuo & sepulto Domino, graues dolores animi sentiunt: sed mox excitato ex mortuis Domino, præ gaudio præteriti doloris obliuiscuntur. Atq; hoc est, quod dicit: Iterum autem videbo vos & gaudebit cor vestrum quod me à mortuis excitatum videbitis & gaudium vestrum nemo tollet à vobis, id est, postea non sum moriturus, vt ex mea morte concipiatis dolorem, sed perpetuò viuam, & ita vos Spiritu meo de noticia Dei instruam, vt non amplius sit vobis opus me quicquam interrogare. Ita simpliciter vidimus sensum textus: Nunc autem hæc omnia ad Ecclesiam omni-

b 2

um tem-



um temporum transferenda sunt, quæ in hoc mundo erit sub cruce, dum impij lætantur, verum tandem apparente Christo, plenum & perfectum gaudium in omni æternitate consequetur. Nam istud triduum, quo Dominus passus est & excitatus, imago est crucis Ecclesiæ, gaudij mundi, id est, impiorum persequentium Christum, & ipsum in suis membris occidentium, & gloriose liberationis Ecclesiæ, quæ tum futura est plena, quando Dominus veniet in nubibus, cum gloria & potestate magna, & assumet suos ad æterna gaudia, & impios tradet Diabolo æternis pœnis cruciandos.

Cum igitur hic locus admonet nos de cruce Ecclesiæ, & eius gloriosa liberatione: Dicam. 1. Quid sit crux & quàm varia. Deinde, quæ causæ crucis. Tum, discrimen inter crucem piorum & supplicia impiorum. Adhæc quo animo, pio sit crux ferenda. Postremo, vnde consolatio sub cruce petenda sit.

Quid est crux? Est quævis afflictio, cui membra Ecclesiæ Christi in hoc mundo obnoxia sunt. Cuius differentię quadruplices esse videntur. Nam crux pij hominis 1. vel est animi dolor afflictioq; corporis, idq; varijs de causis: vt ex accepto damno, tristi amicorum casu, siti, nuditate, carcere, tortura, vt
 Gen: 37. sanctus Iacob summum dolorem animi habuit propter amissum filium Ioseph: Ioseph corporis afflictionem in carcere expertus est: Lazarus extra
 Gen: 39. portam diuitis famem & corporis vlcera sensit, &
 Lm: 16. multi

multi p̄i hodie, varijs animi & corporis exercen-
tur ærumnis.

2. Vel est pugna acerrima carnis & spiritus in
pijs. Nam caro semper concupiscit aduersus spiri-
tum, interdum vincit, & prorsus videtur spiri-
tum prosternere, vt in Dauide videmus, qui victus ^{2 Reg. 11.}
carnis concupiscentijs in pessima scelera homicidij
& adulterij lapsus est, & nisi reuocatus fuisset ad
pœnitentiam, & rursus imperio spiritus fuisset sub-
iecta caro, æternum periisset. Hinc Paulus clamat:
Quis me liberabit de corpore mortis huius? gratia
Dei per Iesum Christum.

3. Vel est difficultas vocationis in Oeconomia,
politia & Ecclesia. Quantam crucem p̄i etiam ma-
riti & matronæ experiuntur, in educandis liberis,
in querendis necessarijs vitæ, norunt illi qui hoc ex-
perti sunt. Qui gerunt magistratum: vt reges, nobi-
les, consules, præfecti, non sunt immunes à cruce,
modo alioqui p̄i sunt. Ita quoq; p̄i Episcopi, parro-
chi & alij Ecclesiarum ministri sæpe ex difficultate
officij, grauem experiuntur crucem.

4. Vel crux est certi delicti pœna, sicut sunt mul-
tæ causæ calamitatum Ecclesiæ, de quibus causis
iam dicam.

Quæ sunt itaq; crucis Ecclesiæ causæ? Quædam
causæ crucis in nobis sunt: quædam extra nos. In
nobis sunt tres causæ crucis, quarum prima est pec-
catum inhabitans, hoc est, originale. Hoc peccatum,
nisi coherceretur, produceret fructus exitiales.

b 3

Secunda

Secunda est, concupiscentia inde pullulans, tanquam flamma ex igni, quæ flamma nisi aqua crucis extingueretur, incendium inferni excitaret. Tertia causa, in nobis sunt quotidiani lapsus, quos peccatum originis per suas concupiscentias gignit. Septies, inquit Salomon, in die cadit iustus & resurgit. Hos quotidianos lapsus reprimit crux nobis diuinitus imposita, ne cum hoc mundo damnemur in peccatis nostris.

Deinde sunt & extra nos cause crucis, sed diuersæ. Nam Deus ex paterna bonitate, nos sua virga visitat. Quemcunq; enim recipit, castigat, non alio affectu quam bonus Pater. Deinde Diabolus insidiatur Ecclesiæ, ut in Iob videmus: sed Deus ei limites præscribit, ultra quos progredi non valet. Præterea membra Diaboli, hoc est, tyranni & mali homines in mundo, qui Ecclesiæ molestias faciunt in hac vita. Sunt & aliæ cause crucis, quas omittam, & dicam de discrimine crucis piorum, & supplicij impiorum.

Quod est igitur discrimen inter crucem piorum & supplicium impiorum, postquam sepe in hoc mundo videmus pios & impios grauib; ærumnis affici? Sunt sane multa discrimina.

PRIMUM discrimen sumitur, à causis efficientibus. Nam ut afflictio piorum proficiscitur ex paterno amore Patris cælestis erga filios suos: ita supplicia impiorum ex ira & furore iusti iudicis Dei proueniunt, qui sceleratos punit, ut hostes et aduersarios.

Secun-

SECUNDVM discrimen sumitur, à causis finalibus. Pij enim cruce exercentur in illorum bonum : impij vero supplicijs afficiuntur in ipsorum malum, nisi resipiscant.

TERTIVM discrimen sumitur ab effectibus. Pij enim, vt Iob, Dominum benedicunt & inuocant sub cruce : impij autem fremunt aduersus Deum & indignantur : pij erudiuntur, impij confunduntur : pij probantur, impij perturbantur : pij sub cruce sperant, impij vero desperant.

QUARTVM discrimen à tempore petitur. Pij ad breue tempus, vt postea cum capite Christo glorificentur : impij vero perpetuo malo inuoluuntur : quorum præsens afflictio præludium est æternarum pœnarum in inferno.

QVINTVM discrimen à loco sumitur. Pij in hoc mundo tantum erudiuntur : impiorum ignis nunquam extinguetur, hic enim mala cruciantur conscientia, illic æterna ira Dei obruti, nunquam finienda luent supplicia. Ita habemus discrimina crucis piorum & afflictionis impiorum : Nunc pauca adiiciam de consolatione, qua pij se sub cruce erigere debent.

Unde ergo petenda est consolatio? I. Pius qui sub cruce premitur duo considerabit in sua afflictione, nempe iudicium & misericordiam. Iudicium quidem, quod propter sua peccata puniatur. Ideo Christus dicit. Noli peccare, ne quid deterius tibi accidat. Misericordiam vero, quod ideo puniatur, vt

b 4 conuer-

conuertatur & agat pœnitentiam, iuxta illud I. Cor. II. Cum iudicamur à Domino corripimur, ne cum hoc mundo damnemur. Fidelis ergo cum exercetur cruce, ex paterna misericordia consolationem petat.

SECUNDO, pius in cruce petet consolationem ab exemplis, cuiusmodi multa ad Hebr. II. recitantur: & Paulus sæpe nobis proponit exemplum Christi, cui nos conformes fieri oportet in cruce, ut olim cum illo glorificemur. Patitur enim pius cum Christo, tanquam eius membrum. Nam ut Christus passus est, primum, ut obediret Patri: deinde, ut vinceret & damnaret peccatum nostrum, ita & nos Deo obedire debemus sub cruce, & vincere & damnare peccatum nostrum: non quidem illud expiando ut ipse fecit, sed mortificando.

TERTIO, pius consolationem petet à finibus crucis: non enim castigatur pius cruce ut pereat: sed ut coerceatur, & veluti freno quodam retineatur ne à Deo deficiat.

Psalm: 91. QUINTO, pius consolabitur se ex præsencia Dei. Ita enim Deus inquit: Ego tecum sum in tribulatione. Nisi enim Deus nos sua præsencia in cruce tueretur, omnino desponderemus animum & abijceremus confessionem.

SEXTO, petet pius consolationem ex promissione liberationis, mitigationis pœnarum, & auxiliij diuini. Clamauerunt, inquit Psalmus, Patres nostri & exaudisti eos.

SEPTI-

SEPTIMO, petet pius consolationem ex collatione presentis afflictionis & futura gloria. Illa momentanea est: hæc aeterna. Hæc sint dicta de cruce piorum. Deus det nobis gratiam ut sub cruce Deum vera patientia glorificemus per Iesum Christum Dominum nostrum, Cui honor & gloria in sæcula sæculorum, AMEN.

DOMINICA QUARTA POST PASCHA,

IOHAN. 16.

Vado ad eum, qui misit me, & nemo ex vobis interrogat me, quo vadam. Sed quia hæc locutus sum vobis, mœstitudo implevit cor vestrum. Sed ego veritatem dico vobis, expedit vobis, ut ego vadam. Si enim non abiero, consolator ille non veniet ad vos. Sin autem abiero, mittam eum ad vos. Et cum venerit ille, arguet mundum de peccato, & de iusticia, & de iudicio. De peccato quidem, quia non credunt in me. De iusticia vero, quia ad patrem vado, & posthac non videbitis me. De iudicio autem, quia princeps huius mundi iam iudicatus est. Adhuc multa habeo, quæ vobis dicam, sed non potestis portare nunc. Cum autem venerit ille, qui est spiritus veritatis, ducet vos in omnem veritatem. Non enim loquetur à semetipso, sed quæcunq; audierit, loquetur, & quæ futura sunt, annuntiabit vobis. Ille me glorificabit, quia de meo accipiet,

b 5

& an-

& annuntiabit vobis. Omnia quaecumque habet pater, mea sunt, propterea dixi, quod de meo accipiet, & annuntiabit vobis.

ENARRATIO TEXTVS.

HOC Euangelium est pars concionis Christi, quam habuit post cenam pridie quam pateretur in qua ut die ab hinc octauo admonui, prae-monuit discipulos suos de sua passione, morte, resurrectione, & de Ecclesiae persecutione, consolatione et statu regni sui, qualis futurus esset usque ad consummationem seculi, disseruit, idque in eum finem, ut discipuli confirmarentur in fide, & ne abijcerent confessionem, propter crucem & scandala inde orta inter multos. Ista causa fuit etiam huius concionis, quam recitavi: cuius summa est, quod Christus polliceatur Ecclesiae aduocatum, doctorem, & gubernatorem Spiritum sanctum: Unde indicatur discrimen inter administrationem regni politici & regni Christi. Illud enim externis opus habet nervis, ut legibus, magistratuum ordinibus, publicis poenis, &c. Hoc, verbo, spiritu, disciplina paterna, & Sacramentis administratur. Loci tres:

- I. Utilitas & necessitas abitus Christi ad Patrem, in quo regnum Christi describitur.
- II. Quid efficiat Spiritus sanctus in mundo.
- III. De dicto: Multa habeo vobis dicere, sed non potestis portare modo.

DE

[Vado
interroga
imminet
Patrem
minus in
dum de
rum illi
tur tan
runt, ad
terra, no
gno Chr
[Qu
cor vest
facere n
Non em
rectio su
bis; Exp
cogitabi
hominis
rectio, &
vobis ad
Christus
Et or faci
mortuus
illum re
tuo cred
tuis, salu
intellexe

D E P R I M O .

[Vado ad eum qui misit me, & nemo vestrum interrogat me, quo vadis?] hoc est: Nunc mea mors imminet & victoria super morte, quam nactus ad Patrem ascendam. Quod ita obscure loquatur Dominus ideo facit, ut discipulos excitet ad inquirendum de sua morte & resurrectione diligentius. Verum illi nihil minus cogitarunt, quam ut traderetur tam turpi morti, quem illi Messiam agnouerunt, adeo cecutit ratio in rebus diuinis, repit hic in terra, non potest recte de rebus cœlestibus & de regno Christi cogitare.

[Quia, inquit, hæc dixi vobis, tristitia impleuit cor vestrum.] Hoc est, quia auditis me mentionem facere mortis & crucifixionis, tristitia afficimini. Non enim intelligitis, quid boni mea mors et resurrectio sit vobis apportatura. Sed veritatem dico vobis: Expedit vobis ut ego vadam, quasi dicat: non cogitabitis de mea morte, quasi de morte alterius hominis: sed hoc scitote, quod mea mors, mea resurrectio, & abitus ad patrem singularem vtilitatem vobis adferet. Vtilitas autem hæc in summa est. Ut Christus nobis natus, circumcissus, oblatu, & Doctor factus est: ita etiam passus est & excitatus ex mortuis in nostram salutem, modo firma fiducia in illum recumbamus: vnde illud, Rom. 10. Si in corde tuo credideris, quod Deus excitarit Iesum ex mortuis, saluus eris. Hanc vtilitatem abitus Christi, non intellexerunt discipuli: sed tantum somniarunt de re-

de regno mundano, in quo Christus ut summus Monarcha præsideret.

[Si enim non abiero paracletus non veniet ad vos,] quasi diceret, vestra causa patiar, vestra causa resurgam, vestra causa vadam ad Patrem : ut inde vobis paracletum, consolatorem & aduocatum mittam. His verbis duo innuit : Unum, quod Ecclesia sit habitura hostes in hoc mundo, & quod sit exercenda cruce. Alterum, quod in cruce & persecutione sit habitura consolatorem & aduocatum Spiritum sanctum, quem ipse donabit ei. Ita enim ait : [Cum autem abiero, mittam eum ad vos.] Hæc omnia eò pertinent, ut cum discipuli videant Christum tradi à Iuda, rapi ad supplicia, condemnari ad mortem turpissimam, animum aliquo modo erigant, freti his Christi promissionibus. Hinc & nos petamus consolationem, quoties in regnis mundi affligimur, et cogitemus discrimen inter regnum Christi & regnum mundi. In illo est Spiritus sanctus, aduocatus, & consolator, quem Pater dabit petentibus iuxta promissionem Christi : & dabit Spiritum sanctum petentibus : in hoc afflictio & miseria.

DE SECVND.O.

In secunda parte textus dicit, quid Spiritus sanctus faciat in mundo. [Cum venerit (inquit) ille, arguet mundum de peccato, & de iusticia & de iudicio. De peccato quidem, quia non crediderunt in me: de

me de iusticia
non videbitur
huius mundi
ba ad duo t
quod mox
ad reliquu
nem sacul
genda sun
consecutu
tus sanct
Apostolis
mundum
conuincet
esse peccat
sum reiect
nifesto sp
tia conuict
ter peccasse
prius pecc
fuerit, ost
Acto. 2. E
Quid facie
fessionem
peccasse, q
tius debui
Deinde
ritus sanct
mundus no
Spiritus sa

me: de iusticia vero, quia ad Patrem vado, & iam non videbitis me: de iudicio autem, quod princeps huius mundi iam iudicatus est.] Hæc Christi verba ad duo tempora referenda sunt, nempe ad illud quod mox consecutum est ascensionem Domini, & ad reliquum totum tempus, vsq; ad consummationem sæculi. Primum ergo dicam, quomodo intelligenda sunt hæc verba respectu temporis quod mox consecutum est ascensionem Domini, quando Spiritus sanctus visibiliter die Pentecostes datus est Apostolis. Primum dicit: [Spiritus sanctus arguet mundum de peccato,] hoc est, Spiritus sanctus clarè conuincet peccatum esse, quod mundus non putat esse peccatum. Mundus enim, id est, hostes à quibus sum reiectus, spretus & in crucem adactus, manifesto spiritus testimonio, ac propria conscientia conuictus fatebitur se errasse, & vehementer peccasse, quod in me non crediderit, quod sane prius peccatum esse non putauit. Hoc quam verum fuerit, ostendunt illi quos Petrus arguit homicidij Acto. 2. Hi enim conuicti de suo peccato, dicunt: Quid faciemus viri fratres: ita hi ad homicidij confessionem adacti sunt, & agnoscunt se vehementer peccasse, quod illum occiderint, in quem credere potius debuissent.

Deinde arguet mundum de iusticia, hoc est, Spiritus sanctus clarè conuincet iusticiam esse, quam mundus non putat esse iusticiam. Conuincet enim Spiritus sanctus coram mundo, quod Christus verè iustus

iustus fuerit, quod superbi Pharisei & mundus non putauit, verum Christus suo facto suam iusticiam confirmat. Hoc ita esse, ex subiecta ratione patet. Quia, inquit, [Vado ad Patrem, & amplius non videbitis me.] Hoc est, Cum mundus apertè in Ecclesia spectabit Spiritum sanctum per me in vos effusum, fateri cogetur me verè iustum fuisse, & non blasphemum & impium, propterea quod me dicerem Dei filium. Spiritus sanctus enim testabitur de mea innocentia.

Præterea arguet Spiritus sanctus mundum de iudicio, hoc est, Spiritus sanctus clarè conuincet iudicium esse factum, quod mundus non putat. Nam testabitur quod princeps huius mundi indicatus sit. Quid est hoc? Mundus qui me per ludibrium Christum dixit, & iussit vt de cruce descenderem, conuincetur per Spiritum sanctum, quem die Pentecostes in vos effundam, quod iniquè iudicauit. Nam Spiritus sanctus faciet, vt re ipsa intelligant & cognoscant, me Diabolo superato per resurrectionem, imperium exercere in mundo, cum nemo vobis resistere poterit. Hic est horum verborum sensus, si ea ad efficaciam spiritus in die Pentecostes referamus, id quod omnino fieri oportet. Neq; tamen ad illud tempus pertinent ita, quin etiam ad totum tempus vsq; ad sæculi huius consummationem referri possint ac debeant, quemadmodum nunc declarabo.

A. 2.

PRIMUM ergo Spiritus sanctus arguet mundum

dam de pec
catis nam
me. An erg
ritus sanct
Christum
contra pri
hoc solum
tinentur:
Ut ergo
sunt ita
missa sun
quod non
videmus
re. Sed qu
illum esse
piam pecc
iusticiam se
est sibi Eccl
est opus h
sed ex ver
Lex & E
angelum
ponit nob
custodiam
nandi. Et
luntatem
sis peccat
re. Ut erg
stra imbe

dum de peccato, hoc est, reum ostendet peccati. Cuiusnam peccati? quod inquit non crediderunt in me. An ergo non sunt alia peccata, quæ arguet Spiritus sanctus, quam infidelitas seu non credere in Christum? Sane sunt infinita & horrenda peccata contra primam & secundam tabulam. Quare ergo hoc solum posuit? Quia hoc manente, & cætera detinentur: & hoc discedente, & cætera remittuntur. Ut ergo cum infidelitate omnia reliqua peccata ad sunt: ita ubi fides est in Christum, omnia peccata remissa sunt. Nam credenti promittitur vita æterna, quod non fieret nisi peccata remissa essent. Hic ergo videmus, quam sit necessarium in Christum credere. Sed quid est in Christum credere? Est statuere illum esse pontificem & regem, qui sua morte expiavit peccatum, & resurrectione gloriosa adduxit iusticiam, seu quod suo sanguine, qui Deus & homo est sibi Ecclesiam acquisierit, Act. 20. Hæc fides non est opus hominis, sed Dei: non est nata ex ratione, sed ex verbo Dei. Porro verbum Dei est duplex: Lex & Euangelium. Lex tollit fiduciam nostri: Euangelium operatur fiduciam Christi. Lex enim proponit nobis iustam voluntatem Dei, videlicet ut custodiamus legem alioqui voluntate Dei damnandi. Euangelium proponit nobis gratiosam voluntatem Dei, quæ est quod Deus velit nos remissis peccatis, propter Christum in gratiam recipere. Ut ergo ex lege devenimus in cognitionem nostræ imbecillitatis, & ex hac in cognitionem volun-

voluntatis Dei iustæ, & iudicij, vnde et in desperationem: Ita ex noticia Euangelij deuenimus in cognitionem misericordiæ Dei propter Christum, datum, vt fieret victima, & tolleretur peccata omnium in se credentium, ex hac cognitione, operante Spiritu sancto, concipitur fides, qua abolentur omnia peccata & offertur Christi iusticia, vt non amplius vt peccatores damnemur: sed iusti & filij Dei, in conspectu eius appareamus, quibus vt hereditas vita æterna est promissa, iuxta illud: *Qui credit in filium habet vitam æternam, qui vero incredulus est filio, non videbit vitam, sed ira Dei manet super eum. Cur ita? quia in peccato suo manet, propter quod ad pœnas æternas obligatus est, iuxta illud: Qui non credit in filium, ira Dei manet super eum. Iræ nomine maledictio & pœna cum damnatione coniuncta significatur. Hinc patet quam necessaria fides sit, & quid efficiat.*

Deinde sequitur: [*Et arguet mundum de iusticia: quia vado ad Patrem, et amplius non videbitis me.*] Hoc est, Spiritus sanctus arguet mundum, quod non sectetur veram iusticiam, qua coram Deo consistere possimus: illa autem iusticia est Christi, videlicet quod ipse vadens ad Patrem, illic est pontifex & interpellator pro credentibus, nam Christum pati et interpellare apud patrem est credenti iusticia. Sed quia hoc non statuit infidelis mundus, arguitur à Spiritu sancto, is enim efficaciter conuincit, quod non aliunde possit hominibus iusticia

contin-

contingere, quam ex imputatione iusticiæ Christi, quæ illis contingit, qui in ipsum credunt. Hæc sunt noua & admiranda omnibus ijs, qui iusticiam fidei non intelligunt, sed somniant se iustos esse, vel externa obedientia legis, vel humanis traditionibus, vt olim Pharisei & hodie Papistæ faciunt. Hi non intelligunt, quod omnia opera mundi sint longè imperfectiora, quàm vt potentiam Diaboli & mortem superare possint. Sed quomodo probatur quòd Christi obedientia sit nostra iusticia? Id probatur firmissimis scripturæ testimonijs. Paulus Roman. 5. Quemadmodum per inobedientiam vnus, scilicet Adæ peccatores constituti sunt multi: Ita per obedientiam vnus Christi, iusti constituentur multi. Hanc Christi iusticiam nobis imputatam habemus, quando in eum credimus iuxta illud Rom. Corde creditur ad iusticiam. Item: Credidit Abraham Deo, & imputatum est ei ad iusticiam. Paulus Rom. 3. Arbitramur hominem iustificari fide absq; operibus legis. Hoc ipsum significat hic Christus, quum ait: [Arguet Spiritus sanctus mundum de iusticia, quia vado ad Patrem.] Hoc est: Spiritus sanctus non solum me iustum conuincet fuisse: verumetiam iusticiam eorum esse, qui in me crediderint, manifestabit.

Præterea sequitur: [Et arguet Spiritus sanctus mundum de iudicio, quia princeps huius mundi iudicatus est.] Hoc est, Spiritus sanctus conuincet inuito mundo, me semen illud esse, quod promissum

c

erat,

Ro: 10
Ro: 4.

Rom: 3.

erat, vt contereret caput serpentis, id est, quod iudicaturū erat principem huius mundi: cum quo etiam indicata & damnata sunt omnia eius membra. Nam si caput damnatum est, quid poterunt membra? Quare seuiat Diabolus contra pios quantum velit: nihil tamen potest. Insidiabitur quidem: sed non prosternet, donec fidem seruauerimus firmam & constantem. Ita enim ait Iohannes: Hæc est victoria, quæ vincit mundum, fides vestra. Per mundum significatur ipse Sathanas, cum vniuersa sua cohorte, tyrannis, sophistis, hypocritis & piaculis. Nam Christus per suum Spiritum confundit iudicium Sathanæ, qui per suos satellites condemnat Euangelium. Non enim cursum Euangelij impedit: etiamsi id sæpissimè facere conatur flumine sanguinis, inde vsq; ab initio mundi, & maxime post resurrectionem Christi.

Habemus quomodo spiritus sanctus arguet mundum: Nunc breuiter videamus, quid in Ecclesia faciat. Primum adest efficax in verbo & Sacramentis. Ubicunq; enim verbum Dei purè prædicatur, et Sacramenta iuxta institutionem Christi administrantur, illic adest & vult esse efficax in auditoribus verbi & participantibus Sacramenta. Qui autem verbum vel ociosè audiunt, vel Sacramentis vtuntur sine reuerentia, hi se opponunt spiritui sancto, & verbi & Sacramenti ministerium contemnunt in suum proprium malum & damnationem.

Deinde, vt hic textus docet, adest spiritus sanctus
Eccle-

Ecclesie, vt consolator, aduocatus, doctor veritatis.
 Nam nos in hoc mundo premimur varijs malis,
 contra quæ opus est consolatore, ne fracti aduersis,
 confessionem abiiciamus. Aduersarius noster Dia-
 bolus quotidie nos accusat: quemadmodum Iob ac-
 cusauit. Hic non consisteremus sine aduocato, qui
 testatur nos Deum habere propitium, qui non velit
 nos abicere propter nostra peccata, modo pœniten-
 tiam egerimus. Deinde multa & profunda igno-
 rantia laboramus, vt non possimus, quæ Dei sunt
 intelligere. quare opus habemus doctore Spiritu
 sancto, qui nos in omnem veritatem ducet, iuxta
 hanc Christi promissionem. Cum autem venerit spi-
 ritus veritatis, docebit vos omnem veritatem.

Venit autem Spiritus sanctus dupliciter, visibi-
 liter & inuisibiliter. Visibiliter venit in Apostolos
 die Pentecostes, quemadmodum suo tempore audie-
 mus. Inuisibiliter venit in corda hominum, quando
 prædicatur Euangelium & obsignat veritatem Eu-
 angelij in cordibus auditorum. De utroq; spiritus
 aduentu loquitur Christus. Nam quod in Apostolis
 præcessit visibiliter, id sequitur inuisibiliter, vbi-
 que purè docetur Euangelium.

Sed quæ spectat doctrina Spiritus sancti? [Non
 loquetur à semetipso, sed quæcunq; audiet loque-
 tur,] id est, Spiritus sanctus eandem doctrinam vos
 docebit, quam ego docui, & quæcunq; ventura sunt
 annuntiabit vobis. Hoc est, quale sit meum regnum
 futurum in hac vita & post resurrectionem

communem reuelabit vobis. Et me glorificabit quia de meo accipiet & annuntiabit vobis. Hoc est: Spiritus sanctus suo testimonio & efficacia gloriam
Mat. 16. mihi à Patre datam stabiliet : ita vt portæ inferorum nihil preualere possint aduersus regnum meum, nunquam enim poterunt meam obscurare gloriam.

DE TERTIO.

Nunc restat vt dicamus de dicto: [Adhuc habeo vobis multa dicere: sed non potestis portare modo.] Hoc loco abutuntur Papistæ, ac si Apostoli non plenam doctrinam tradidissent Ecclesiæ: idq; in eum finem astruunt, vt suas Missas, inuocationem sanctorum, rosaria, indulgentias, aquam lustralem, & alias Antichristi fraudes confirment. Verum Christus loquitur ad discipulorum captum, & de infirmitate quam habuerunt ante suam mortem, & de dono quod accepturi erant post resurrectionem in die Pentecostes. Quasi dicat: Multa dicerem vobis de meo regno & mysterijs alijs : sed iam nondum plenè edocti estis per Spiritum quem suo tempore dabo vobis, qui ducet vos in omnem veritatem, id est, in plenam de meo regno cognitionem. Hanc plenam veritatem consecuti sunt Apostoli ipso die Pentecostes, quam postea scriptis tradiderunt. Nos eandem veritatem petere debemus, & ea sola contenti erimus, si modo discipuli Spiritus sancti esse velimus, cui cum Deo Patre & æterno filio sit honor, laus & gloria in secula seculorum, A M E N.

D O-

DOMINICA

QVINTA POST PASCHA,

IOHAN. 16.

Amen amen dico vobis, quaecunq; petieritis patrem in nomine meo, dabit vobis. Hactenus non petistis quicquam in nomine meo. Petite & accipietis, ut gaudium vestrum sit perfectum. Hæc per proverbia loquutus sum vobis, venit tempus, cum iam non per proverbia loquar vobis, sed palam de patre meo annuntiabo vobis. In illo die in nomine meo petetis. Et non dico vobis, quod ego rogaturus sim Patrem pro vobis. Ipse enim pater amat vos, quia vos me amastis, & credidistis, quod à Deo exiuerim. Exiui à patre, & veni in mundum, iterum relinquo mundum, & vado ad Patrem. Dicunt ei discipuli eius: Ecce nunc aperte loqueris, nec proverbium ullum dicis. Nunc scimus, quod scis omnia, nec opus est tibi, ut quis te interroget. Per hoc credimus, quod à Deo existi.

ENARRATIO TEXTVS.

Sapienter hoc Euangelium hodie Ecclesie proponitur. Continet enim præcipuum Christianorum opus, quod & illorum proprium est. Soli enim Christiani hunc cultum inuocationis præstare possunt. Nam postquam proximo die Dominico traditum sit, quæ sit vera fides, quæ iusticia, quod iudi-

c 3

cium,

cium, breuiter quodnam sit regnum Christi, & in quibus situm sit: opportunè hoc die, de præcipuo cultu quem ciues regni Christi præstare possunt, qui est vera Dei inuocatio prædicatur. Et quia nullum exercitium piorum est magis necessarium, quam oratio, & nullum opus sit difficilius, quam rectè orare, volo hac concione tantum de oratione dicere: & quò facilius hanc doctrinam intelligamus, duo de oratione dicam, quæ sunt:

I. Quid sit Christiana oratio & quotuplex.

II. Quæ sint conditiones, quæ in omni oratione adesse debent.

His enim duobus locis explicatis, spero vt nemo sit futurus, modo se docilem præbuerit, qui non planè & clarè intelligat, quidnam sit Christiana oratio, & quā necessariò orandi cultus à nobis requiratur.

DE PRIMO.

Quid est ergo Christiana oratio?

Est simplex eleuatio mentis ad Deum, aliquid à Deo petentis, aut pro acceptis beneficijs gratias agentis. Quod autem sit simplex eleuatio mentis ad Deum, primum confirmatur Dauidis testimonio, qui precaturus ait Psal. 25. Ad te Domine leuaui animam meam. Deinde ex forma precandi nobis à Domino præscripta: Pater noster qui es in cælis. Præterea ex gestu precantium, qui solent oculos in cælum leuare inter precandum. Hoc igitur scire oportet, quod non sit tantum vocis strepitus oratio:

sed

Mat: 6.

Lm: 11.

sed quod sit eleuatio supplex cordis ad Deum, cum qua supplici cordis eleuatione verba quoq; ex ore procedunt.

Sed quotuplex est Christiana oratio? Est quadruplex. Deprecatio. (affbedelſſe) Adoratio (tilbedelſſe) ^{abbeſſing} postulat^{io} (faarbedelſſe) & gratiarum actio. Hæc quatuor orationis genera breuiter declarabo.

Deprecatio ergo est supplex eleuatio animæ hominis ad Deum, qua petitur liberatio ab ijs, quæ molestiam adferunt: Ut cum petimus nos liberari à tyrannide, violentia, morbis, fama & alijs quæ nobis aspera videntur.

Adoratio est supplex eleuatio animæ hominis ad Deum, qua beneficium aliquod petimus: ut cum petimus incrementa fidei, dilectionis, patientiæ, castitatis, & cum petimus ea quibus opus habemus ad huius vitæ sustentationem.

Postulatio est supplex eleuatio animæ hominis ad Deum, qua alius pro alio petit vel omnes pro se inuicem intercedunt: ut cum oramus pro morbo laborantibus, alijsue qui nostra prece indigent.

Gratiarum actio est supplex eleuatio animæ hominis ad Deum, qua Deo gratias agimus, vel pro beneficijs nobis ipsis, alijsue præstitis, vel pro malis nobis alijsue sublati. Iam tenemus quid Christiana oratio, & quod sint eius genera: nunc restat, ut de piæ orationis perpetuis circumstantijs dicamus.

In omni pia precatione, has quinque; perpetuas proprietates & circumstantias adesse oportet: quæ sunt, 1. affectus cordis in eo, qui precaturus est. 2. cogitatio causarum, quibus ad orandum impellamur. 3. quisnam sit inuocandus. 4. per quem exaudiamur. 5. quid petere ab optimo Deo oporteat. Nam hæ circumstantiæ facient nobis discrimen inter inanem Battologiam Ethnicorum, & efficacem precationem piorum. Quare rogo vos charissimi, ut diligenter has perpetuas orationis circumstantias & discatis, & perpendatis.

PRIMA CIRCVMSTANTIA pia orationis est affectus cordis, ut cor sit benè compositum inter precandum. Nam si honestas expostulat, ut corpus bene componamus, quando cum honorationibus hominibus nobis erit sermo: multo magis par est, ut cum coram Deo, in conspectu Angelorum, animus noster quàm optimè sit compositus. Qualis ergo debet esse eius affectus, qui cum fructu inuocare velit? Primum omnium exuat omnem cogitationem propriæ gloriæ, dignitatis & meriti. Deinde verè inopiam suam sentiat, statuaturque se prorsus omni ope destitutum, nisi Dominus ipse manus auxiliatrices porrexerit. Tum vera pænitentia se coram Deo prosternat. Postremo fiducia promissionum diuinarum accendatur ad precandum. Qui enim vel tumeat opinione propriæ virtutis, vel suam inopiam non sentiat, vel vera pænitentia se coram

ram Deo non prosternat, vel fide careat, cum Pharisæo orat, & non cum publicano, hoc est, non orat verè & efficaciter. Luce: 18.

SECUNDA circumstantia est causarum, quibus ad orandum commoueri debemus. Sunt autem multæ causæ, ex quibus quasdam recitabo, quò maius orandi desiderium in nobis excitetur.

PRIMA causa est mandatum Dei, cui obedire omnes creaturas decet. Inuoca me (inquit) in die tribulationis. Et Christi Apostoli sæpe ad orandum ex mandato Dei nos inuitant. Hanc causam diligenter cogitare debemus, quæ in nobis orandi affectum excitet. Psal: 50.

SECUNDA causa est promissio. Promisit enim Deus se exauditurum preces nostras, sicuti in hoc Euangelio dicitur: [Quicquid petieritis patrem in nomine meo dabit vobis.] Item in Psal. Inuoca me in die tribulationis & exaudiam te. Exaudire nihil aliud est, quam largiri petita. Psal: 50.

TERTIA causa est crux premens, id est, sensus cum nostræ, tum aliorum inopiæ. Hic debemus circumspicere, quid domi, quid foris nos premit: debemus perpendere pericula publica & priuata: debemus angustias Ecclesiæ militantis in hoc mundo contra Diabolum, & eius membra, cogitare: breuiter omnes necessitates vrgentes in hac vita animo cogitandæ sunt, quibus ad inuocandum excitabimur.

QUARTA causa est victoria in tentationibus:

Mat: 26.

Lc: 18.

unde Iacob: 1. Iubemur orare quoties tentationibus infestamur. Et Christus inquit: Orate ne intretis in tentationem. Non enim facile vel insidijs Diaboli, vel improbitate mundi, vel instigatione viciosa carnis superabitur, qui serio & assidue orat. Hinc Salomon: Turris fortissima nomen Domini, hoc est, inuocatio Dei aduersus omnia mala tutissimum est præsidium.

QVINTA causa, Sathanae variae technæ, qui nobis in doctrina & in moribus insidiatur. Paulus Ephe. 6. iubet nos gladium Spiritus, qui est verbum Dei, sumere contra Sathanam per omnem deprecationem & orationem.

SEXTA causa, fructus vberimus orationis crebrae. Nam consuetudo orandi nos in timore Dei & pietate conseruat. Non enim facile lapsui est expositus, qui perpetuis precibus munitus, pietatem serio meditatur: contra, qui orandi studium negligunt, varijs casibus sunt obnoxij. Pleriq; qui rapiuntur ad supplicia, ignorant formam precandi à Christo præsriptam: & si qui norunt, interrogati fatentur se rarius orasse.

SEPTIMA causa, exempla sanctorum, quorum præcipua cura in vita fuit Deum serio inuocare. Iudaicus populus ter in die orauit, mane, meridie, vespere. Sic & Daniel fecit, atq; adeo alij multi, quorum laudatur pietas. Sed inter nos multos inuenies, qui loco orationis, non solum mane, meridie, & vespere: verumetiam integris noctibus & diebus scelera

scelera perpetrant, ut molle puluinar Diabolo faciant, quo securius in illorum pectoribus quiescere possit. Has grauissimas causas serio nos cogitare oportet, quo veternum nostrum pellamus, & ad serio inuocandum excitemur.

Sed quidam his causis grauissimis præteritis in-
quiunt. Deus scit quibus indigemus, & ipse nobis bene vult. Nam est noster Pater, ergo non opus est, ut nos fatigemus precibus. Respondeo: Verum quidem est, quod Deus sciat quibus indigeamus, & vere est noster Pater, modo eius filij sumus per fidem: neq; ideo petimus, ut Deum doceamus quod ignoret. Sed rursus sciendum est, quod non vult turbari ordinem à se institutum. Ut enim instituit quod velit nos alere cibo & potu: quod tamen posset facere sine istis medijs: ita vult ut bona, quæ cum ad salutem nostram, tum ad huius vitæ sustentationem pertinent, impetremus precibus quæ ex fide manant. Non habetis (dicit Iacob 4.) quia non petitis: petitis & non accipitis, quia male petitis. Et Christus dicit: Dominus dabit Spiritum sanctum petentibus, non dicit ociantibus aut secure viuentibus. Petendum est igitur, modo salutaria nobis cupiamus. Agnoscendum est vtrumq; & Dei bonitas, qui paratus est ad dandum petentibus, & nostra inopia qui ne Spiritum quidem trahere valemus, nisi nos sustentet.

TERTIA CIRCUMSTANTIA est, quisnam sit inuocandus. De hac circumstantia non opus

opus esset dicere, nisi inuenirentur adhuc qui sanctos, nescio quos, inuocant. Quare dicam breuiter de hac summopere necessaria circumstantia. Et discrete dico, quod solus Deus sit inuocandus. Hic solus Deus est Pater, Filius & Spiritus sanctus. Filius ut idem Deus cum Patre & Spiritu sancto est inuocandus. Deinde est etiam inuocandus ut mediator inter nos & Deum. Quod solus Deus sit inuocandus, quatuor rationibus confirmatur, quarum prima est mandatum. Nam de solo Deo inuocando mandatum habemus. Nunc autem cum nihil placet Deo sine fide, & fides non potest esse sine verbo, sequitur neminem esse inuocandum, nisi de quo mandatum habemus.

Secunda est promissio. Nulla inuocatio habet promissionem, nisi quæ sit ad Deum: igitur temerè inuocamus id, quod non est Deus.

Tertia est exemplum. Nulla exempla sanctorum habemus, qui sanctos inuocarunt: Quare nos insistamus illorum vestigijs, & nulli deferamus hunc diuinum cultum, nisi cui debetur, hoc est, soli Deo.

Quarta est manifesta prohibitio: Dominum Deum tuum adorabis & illum solum coles. Quare certissimum tenendum est, quod Diabolus inuexerit inuocationem creaturarum, id est, sanctorum propter tres fines. Primum, ut Christo suum honorem eriperet. Deinde, ut ignominia afficeret demortuos sanctos. Præterea & perirent idololatæ qui sanctos

Etos inuocant. Moneo vos igitur qui adhuc in errore estis, vt resipiscatis mature, ne præter expectatorem incidatis in manus Dei viuentis. Neq; inuat, quòd quidam se hoc facere dicant bona intentione. Nam omnis intentio hominis in rebus salutis est mala, nisi quæ regitur verbo Dei & Spiritu sancto. Sic enim ipse Deus dicit: Præuæ sunt cogitationes hominis à principio. Et Paulus dicit: Animalis homo (id est, qui non habet Spiritum Dei) non percipit ea quæ sunt Dei.

QUARTA CIRCVMSTANTIA: per quem inuocandum. Scriptum est enim, quòd Deus non exaudiat peccatores. Est igitur nobis datus mediator, Iesus Christus, in cuius nomine inuocabimus, quemadmodum nos hodiè Christus in Euangelio docet: inquit. [Quicquid petieritis patrem in nomine meo, dabit vobis.] Huius ergo fiducia, non nostra dignitate freti inuocabimus, certi quod Deus per ipsum velit nos exaudire. Verum quia hæc Christi sententia est insignis & plena consolatione, volo eam distinctius explicare, nam multas admonitiones vtilis continet. Hoc dictum IN NOMINE ME O, id est, propter me, & in agnitione & fiducia mei, multa complectitur: Nam docet, monet, & consolatur.

Quid quæso docet? 1. Excludendam esse dignitatem nostram. Non enim freti nostra dignitate, sed Christi patrocínio inuocabimus. 2. Separandam esse à pia oratione Hypocrisin, Phariseus in sua oratione mul-

Joh. 9



Lm: 12.

ne multum gloriabatur de sua sanctitate: Non sum, inquit, ut ceteri homines: offero decimas de omnibus quæ possideo: ieiuno bis in Sabbato. Hic non in Christi nomine inuocauit, sed fretus sua sanctitate, verba fudit inania potius quam orauit. 3. Gloriationem Ethnicam deponendam esse. Ethnici enim putarunt se exaudiri cum ipsi prius id à Deo meruissent, ut Agamemnon putauit se exauditum iri propter suas Hecatombas. 4. Docet discrimen inter Christianam orationem, & aliorum omnium hominum. Sola enim fides in Christum facit discrimen inter orationem Christianorum & aliorum. Turcæ, Iudæi, Ethnici, & similes, putant se quidem inuocare, sed reuera non inuocant, quia fiducia mediatoris sunt vacui, nec agnoscunt illum Deum esse, qui est Pater, Filius & Spiritus sanctus.

Cuius rei monet hoc dictum, IN NOMINE MEO? Monet nos nostræ cecitatis. Nam cum Christus iubet nos petere in suo nomine, non est dubium, quin magna sint illa, quæ sunt à nobis petenda. Hoc ergo dicto admoniti, aperiamus oculos & circumspiciamus, quæ publica, quæ priuata: quæ interna, & quæ externa: quæ spiritualia, & quæ corporalia bona sunt petenda à nobis: & contra quæ mala sunt deprecanda.

Quomodo consolatur nos hoc dictum, IN NOMINE MEO? Consolatur nos contra duo orationis impedimenta maxima, quæ sunt indignitas & diffidentia. Contra indignitatem enim nostram, vult nos

nos

nos opponere suam dignitatem, cum ait: Petite in nomine meo. Contra diffidentiam vult nos suam promissionem opponere. Verum multi non accipiunt quod petunt, quia male petunt, fidem Christi negligunt, aërem potius verberant Battologia inani, quam cælum ardenti fidei affectu penetrant. Hi non possunt iuste conqueri, quod sæpe orent, & nihil impetrent. Quare ne in illorum inueniamur numero ex fide oremus.

QVINTA CIRCVMSTANTIA est de rebus, quas petere & quas deprecari oportet. Res petendæ sunt in discrimine triplici. Vel enim agitur gloria Dei, vel agitur salus nostra, vel bona ad huius vitæ commoditatem spectantia aguntur.

Gloriam Dei ante omnia propagari petimus, iuxta illam precationem: Sanctificetur nomen tuum. Verum hîc non debemus Deo modum præscribere, ipse enim scit optimè, quo modo sua gloria illustrari possit: sed vera fiducia petere, & persuadere nobis quod nos exaudire velit.

Salutem nostram etiam petimus, sed absq; omni conditione, quia habemus vniuersalem promissionem salutis. Omnis enim qui inuocauerit nomen Domini, hic saluus erit.

Verum bona, quæ ad hanc vitam faciunt, petamus cum duplici conditione, videlicet si vel gloriam Dei impetratio eius, quod petitur, non impedit, vel nostram salutem non remoratur.

Ad eundem modum mala, quæ cum his generibus

Joel: 2.
Art: 2.

bus bonorum pugnant, deprecanda sunt. Primi & secundi generis mala sunt deprecanda sine conditione, at ea mala, quæ nobis in hac vita molesta sunt, deprecanda sunt cum conditione non impeditæ gloriæ Dei & nostræ salutis. Omnia enim gloriæ Dei postponenda sunt. Hæc sint dicta de oratione. Deus det gratiam, ut radicem agant in cordibus nostris per Iesum Christum, cui honor & gloria, in secula seculorum, A M E N.

IN DIE ASCENSIONIS DOMINI,

MARCI 16.

Discumbentibus vndecim, apparuit Iesus, & exprobrauit illis incredulitatem suam, & cordis duritiem, quod his qui ipsum vidissent resuscitatum non credidissent. Et dicebat eis: Ite in mundum vniuersum, & prædicate Euangelium omni creaturæ. Qui crediderit & baptizatus fuerit, saluus erit. Qui vero non crediderit, condemnabitur. Porro signa eos qui crediderunt, hæc subsequenter. Per nomen meum dæmonia eijcient, linguis loquentur nouis, serpentes tollent, & si quid lethale biberint, non nocebit eis. Super ægrotos manus imponent, & bene habebunt. Itaq; Dominus quidem, postquam locutus fuisset eis, receptus est in cœlum, & consedit à dextris Dei. Illi vero egressi prædicauerunt ubiq; Domino coope-

cooperante, & sermonem confirmante per signa subsequencia.

ENARRATIO TEXTVS.

HOC festum in Ecclesia institutum est propter Articulum fidei nostræ, in quo profiteamur nos credere in Iesum Christum ascendentem in cælum, postquam à sua gloriosa resurrectione quadraginta diebus cum suis discipulis fuisset conuersatus. In hoc festo, vt in alijs, tria sunt perpendenda. Primum historia cum suis circumstantijs. Deinde beneficium quod nobis collatum est. Postremo, verus vsus & meditatio historiæ. Hæc tria se offerent in enarratione huius Euangelij: cuius summa est, quod Dominus quadagesimo die à sua resurrectione apparuerit discipulis suis, quibus, exprobrata illis prius incredulitate & cordis duritie, dat mandatum prædicandi Euangelium per orbem terrarum: & quis fructus ex prædicatione ea perueniet ad auditores, modo Euangelium fide receperint, ostendit. Præterea vt fides prædicationi illorum habeatur, promittit se miraculis doctrinam confirmaturum. Hoc dato mandato visibiliter in cælum ascendit, & sedet ad dextram patris. Verum discipuli, mandato eius obtemperantes, profecti sunt prædicatum Euangelium, quod Dominus sequentibus signis confirmauit. Hæc Euangelij summa est. Loci tres:

I. Reprehensio Apostolorum.

II. Institutio ministerij verbi.

d

Ascen-

III. Ascensio Christi in cælum.

DE PRIMO.

[Quadragesimo die à resurrectione apparuit discipulis, exprobrauitq; eis incredulitatem illorum & duritiem cordis, quod his qui viderant eum resurrexisse, non crediderunt.] Duo reprehendit in discipulis: duritiem cordis & incredulitatem, hoc est, radicem & eius fructum. Radix est duritia cordis, quæ cum ab origine sua, tum à propria viciositate sumit incrementa & vires. Non enim potest homo, non afflatus Spiritu sancto, quicquam eorum intelligere, quæ sunt Spiritus Dei. Huius pessimæ radicis fructus sunt plurimi & mali. Primus est, qui hîc præcipuè taxatur, incredulitas. Ex hac postea pessimi pullulant rami, vt inobedientia erga Deum, & quicquid est in hac vita scelerum & flagitiorum. Ex quibus & radicis virtus non suppressa intelligitur, & quanta incrementa incredulitas sumferit, animaduertitur. Nam hoc est firmissimum indicium, vbi peccatum regnat, illic incredulitas, veluti imperatrix, cor hominis occupat.

Præterea nos hinc discamus primum, vt nos imbecilles, exemplo Apostolorum imbecillium, non desperemus, etiamsi statim non possimus cœlestia mysteria percipere. Semper enim Ecclesia habet sua quædam vulnera, in quæ Dominus noster suum vinum & oleum infundat. Nec est quod quisquam speret se omnem imbecillitatem posse exuere, donec
hoc

hoc mortale corpus gestauerit. Verum quemadmodum olim populus Dei introductus in terram promissam, habuit vicinos hostes Philistæos contra quos perpetuum bellum gessit: Ita nos in Ecclesiam Christi introducti, & internos & externos hostes habemus, contra quos bellum gerendum est nobis, ne ignavia torpeamus. Alterum, quod hic discamus, est, ut ex Christi facto non abiicientis rudes discipulos & imbecilles cogitemus, quam habeamus clementem pontificem, qui non abiicit nos propter imbecillitatem, modo aliqua fidei scintilla in nobis fuerit. Deinde huius exemplo & nos discamus clementer & leniter cum imbecillioribus agere.

D E S E C V N D O.

Cum Christus ascensurus in cælum, mandatum dat discipulis, dicens: [Euntes in mundum vniuersum, prædicate Euangelium omni creaturæ. Qui crediderit & baptizatus fuerit, saluus erit. Qui vero non crediderit condemnabitur,] Instituit modum erigendi sui regni, & eius regni fructum indicat.

Duobus modis erigitur regnum Christi: verbo et Sacramento: cuius fructus est salus civium: Contra, omnes qui non fuerint in hoc regno ciues, damnationis sententiæ subiaceant. Hic videmus magnum esse discrimen inter regni mundi & regni Christi administrationem, neq; id mirum est. Mundi enim regnum carnale est, Christi vero spirituale. Illud legibus hominum, hoc verbo Dei erigitur & conseruatur.

d 2 Cate-

Ceterum quia verba Domini singulares doctrinas continent, volo ea paulo fusius & distinctius explicare, quò magis animum Christi erga nos, & beneficia Euangelij intelligamus.

Primum dicit: [Euntes in mundum vniuersum.] Vides mandatum, mittit enim discipulos suos, non ad vnā aliquam nationem: sed ad omnes homines late per orbem habitantes. Hinc diuitias misericordiae Dei & precium victimae Christi aestimemus. Misericordia Dei est, vt omnes, qui per peccatum damnati erant audiant vocem filij Dei de salute per Christum consequenda. Neq; enim hoc putandum est, quod Deus voluerit vocem filij hominis in vniuerso mundo sonare, vt fructu eius maxima pars destitueretur: sed potius vt audientes viuerent, & saluarentur per Christum, modo praedicationem Apostolicam fide reciperent.

Hoc clarius explicatur voce: praedicate seu proclamate. Quibus? Omni creaturae, hoc est, omnibus hominibus, absq; omni conditione personarum, nationum, sexuum. Est enim Deus amans hominum, & vult omnium salutem, iuxta illud: Vult omnes homines saluos fieri, & ad agnitionem veritatis venire. Sed quid debent Apostoli proclamare? Euangelium, hoc est, latum nuncium de victis hostibus generis humani, qui sunt peccatum, mors, Diabolus & infernus: de pace facta inter Deum & homines: de salute aeterna quam credentes in Christum hereditate consequentur. Haec summa est Euangelij, verum

verum ut hæc summa intelligatur melius, definitionem vberiore dabo, quam etiam breuiter scripturæ testimonijs declarabo.

Euangelium est doctrina diuinitus reuelata, in qua annuntiatur liberatio à peccato, maledictione & ira Dei, & proclamatur remissio peccatorum, salus & vita æterna credentibus in filium Dei, propter eiusdem filij Dei victimam, ut bonitas & misericordia Dei prædicetur, utq; liberati per filium fructus Euangelio dignos ex fiducia filij proferant.

Hæc definitio multa continet, quæ ordine recensimus & confirmabimus.

PRIMUM dixi, quod Euangelium sit doctrina diuinitus reuelata, id quod ex eo confirmatur, quod est Rom. 16. ubi Paulus Euangelium mysterium absconditum à sæculis pronunciat. Quibus verbis apertissimè significat, ex humana ratione non pendere Euangelium. Nam si ratio vlllo pacto potuisset suo acumine hanc doctrinam perspicere, nequaquã mysterium absconditum à sæculis dicendum fuisset.

DEINDE dictum est in definitione, quod in Euangelio annuncietur liberatio à peccato, maledictione legis & ira Dei. Dicit enim Daniel Prophe-
ta, Christum ablaturum esse peccatum. Et Paulus
maledictionem legis per Christi aduentum, aboli-
tam esse docet. Pater cælestis de cælo dicit se placatum propter filium. Hoc verissimum esse experiuntur etiam omnes pij, testimonium habentes Spiritus

d 3

sancti

Dan: 9.

Gal: 3.

Math: 3.

Rom: 8. sancti, per quem clamant: Abba Pater. Quod profecto non facerent, nisi certo statuerent, ablatum peccatum, maledictionem legis abolitam, & iram Dei placatam.

Jo: 3. TERTIO loco additur, quod in Euangelio proclametur remissio peccatorum, salus & vita aeterna. Ita enim ipse Dominus ait Luc. 24. Sic scriptum est & ita oportebat Christum pati, & predicari in nomine eius poenitentiam & remissionem peccatorum omnibus gentibus. Et in hodierno Euangelio dicit: Qui crediderit saluus erit. Et ipse Dominus dicit: Qui credit in filium habebit vitam aeternam. Quid multis? vniuersa scriptura remissionem peccatorum, salutem & vitam aeternam pollicetur omnibus amplectentibus Euangelium.

Jo: 3. Verum quia haec beneficia non contingunt omnibus: Cain enim, Iudas, Saul et multi alij perierunt, & hodie pro dolor, magna pars mundi ruit in aeternum exitium, additur in definitione QVARTO loco, quod haec beneficia contingant credentibus. Clare enim dicit dominus: Qui credit in me non peribit, sed habebit vitam aeternam. Ne quis autem hoc ex operum conditione pendere existimet, Paulus iustificari hominem sine operibus scribit, et idem pronunciat vitam aeternam donum Dei esse per Iesum Christum, id est, contingere credentibus in Christum, non suo merito, sed Christi beneficio.

Ro: 3.
Ro: 8. QVINTO additur: propter filij Dei victimam. Sic enim ait Paulus: Per redemptionem quae est in Christo

Christo Iesu. Vox enim ἀπολύτρωσις, qua Paulus
 utitur, significat redemptionem, quæ fit soluto pre-
 cio pro capitis pœna. Tale precium pro nobis soluit 2 Cor: 5.
 Christus, quando pro nobis factus est peccatum, ut
 nos fieremus iusticia Dei in ipso 2. Cor. 5.

SEXTO additur: ut bonitas & misericordia
 Dei prædicentur. Quod confirmatur exemplo cohor-
 tis Angelorum canentis nato Domino hunc hym-
 num: Gloria in excelsis Deo, & in terra pax, & ho-
 minibus bona voluntas. Hoc ideo esse factum exi-
 stimemus, ut omnes qui hunc Christum agnoscunt,
 discant castissimorum Angelorum exemplo bonitatē
 & misericordiā Dei prædicare, præsertim cum na-
 tura clamitet reddendam esse gratiam benemeritis. Ln: 2.

POSTREMO in definitione Euangelij additur:
 ut fructus Euangelio dignos edant liberati per Eu-
 angelium. Dicit enim Paulus Ephe. 2. Nos in Christo
 Iesu creatos ad bona opera in quibus ambulandum
 est. Et idem Paulus dicit nos in luce debere ambu-
 lare, cum simus lucis filij. Quomodo enim, quæso
 conuenit, nos ex seruitute peccati exemptos esse, &
 tamen peccato seruire & eius iugo premi? Apparuit,
 inquit Paulus, gratia Dei salutaris omnibus ho-
 minibus, ut abnegatis omni impietate & humanis
 desiderijs, sobriè, piè & iuste viuamus in præsentī
 sæculo. Eph: 5. Tit: 2.

Cum igitur firmis rationibus ostendimus per
 Euangelium tolli peccatum, maledictionem &
 iram Dei, & succedere in horum locum iusticiam,
 d 4 salutem

salutem & vitam æternam propter Christum, dum in ipsum credimus, & quòd velit nos Deus, propter hoc beneficium suam bonitatem prædicare, ac in tota vita gratitudinem ostendere, sequitur Euangelium esse, sicuti dixi, doctrinam diuinitus reuelatam, in qua annuntiatur liberatio à peccato, maledictione legis & ira Dei, & proclamatur iusticia, salus & vita æterna, omnibus credentibus in Christum, propter eiusdem victimam, vt bonitas & misericordia Dei prædicetur, & vt liberati per Euangelium dignos Euangelio fructus edant.

Hæc de Euangelio sint dicta. Quod autem additur de Baptismo, quo beneficium Euangelio applicatur & ob signatur, dictum est Dominica prima quadragesimæ, & sepè aliàs.

DE TERTIO.

Iam sequitur locus, qui est proprius huius festi-
nam quòd Dominus in cælum ascenderit, narrat Euangelista. Quare de ascensione Christi in cælum, quæ est articulus fidei nostræ pauca dicam, idq; clarissimè.

In hoc ergo articulo de ascensione Domini sunt tria nobis inprimis spectanda. 1. Descensus. Nam prius quam ascenderit, descendit. 2. Ascensio. 3. Fructus ascendentis Christi.

In descensu Christi de cælo in terram duo spectanda sunt: Donum & exemplum. Donum quidem, quòd Christus de cælo descenderit, & humanam

nam

nam naturam assumpserit, vt per suam victimam, peccata nostra expiaret. Per Christi enim victimam placatus est Pater, & propter mediatorem Christum ita humiliatum, omnes credentes recipiuntur, & sunt filij & heredes Dei. Ideo enim Dominus descendit de cælo, ideo se humiliavit & deiecit, vt nos ascenderemus ex terris ad cælos, & vt exaltaremur ad æternam vitam & gloriam. Exemplum vero, vt & nos descendamus & humiliemur. 1. Petri 2. Christus passus est pro nobis, nobis relinquens exemplum, vt sequamur vestigia eius.

Ascensus Christi in cælum qualis fuerit, ostendit scriptura. Ascendit visibiliter, corporali & physico motu, & nubes suscepit eum in cælum. Unde illud: Ascendit supra omnes cælos, Ephe. 4. Neq; enim ascendendo humanam naturam in diuinam mutauit, aut ita diffundit, vt sit vbiq; cum diuinitate, etsi inseparabilis est vnio.

Fructus ascendentis Christi est multiplex, sicuti ex varijs scripturæ locis colligere est facile.

PRIMVS ergo fructus est, quod Christus sit triumphator suorum hostium, qui sunt peccatum, mors, Diabolus, infernus. Hos enim hostes deuicit, & super eis triumphum egit per suam gloriosam ascensionem. Deleuit peccatum, quando est factus victima pro peccato. Deleto peccato, exarmata est mors, nam peccatum est aculeus mortis. Destructa morte: Diabolus suas vires & arma amisit. Porremo, quia infernus tantū eos deuorat, qui sub peccato,

cato, morte et diabolo sunt: sequitur Christum peccati, mortis, et diaboli victorem infernum quoque deuicisse.

SECUNDO ascendit, ut sit nobis caput, quod in celum prius ascendit, quo nobis viam monstret, unde Iohan. 14. Ego ab eo paratum vobis locum, & assumam vos ad me.

TERTIO ascendit, ut de caelo spargat radios suae virtutis in vniuersum mundum. Ephes. 4. Ascendit supra omnes caelos ut omnia impleat. Non ergo ascendit ut abesset: sed ut praesenti virtute regat caelum & terram, & adsit suae Ecclesiae usque ad consummationem saeculi.

QUARTO ascendit, ut det dona hominibus. Ephe. 4. Ipse autem dedit, alios quidem Apostolos, alios Prophetas, alios Euangelistas, alios doctores. Hoc est, ascendit ut sit efficax in ministerio, illud virtutibus admirandis confirmans & obsignans in cordibus hominum.

QUINTO ascendit, ut habeamus in caelo aduocatum, i. Iohan. 1. Si quis peccauerit, habemus aduocatum apud patrem Iesum Christum iustum, & ipse est propitiatio pro peccatis nostris.

SEXTO ascendit, ut ad se corda nostra trahat, Matt. 6. Ubi est thesaurus tuus, illic & cor tuum. Collo. 3. Si surrexistis cum Christo, quae sursum sunt quaerite, ubi Christus sedet ad dextram Patris. Debet ergo nostra conuersatio esse in caelo, ubi noster saluator in gloria sedet, cui cum Patre et spiritu sancto sit honor, laus & gloria, in saecula saeculorum, Amen.

DO-

DOMINICA

SEXTA POST PASCHA,

IOHAN. 16.

CVM venerit paracletus, quem ego mit-
tam vobis à patre, Spiritus veritatis, qui
à Patre procedit, ille testimonium per-
hibebit de me. Quin & vos testes estis,
quia ab initio mecum estis. Hæc loquutus sum
vobis, ne quid offendamini. Alienos à synago-
gis facient vos. Sed veniet tempus, ut quisquis
interficiat vos, videatur cultum præstare Deo.
Et hæc facient vobis, quia nō nouerunt patrem
neq; me. Sed hæc loquutus sum vobis, ut cum
venerit tempus illud, reminiscamini eorum
quod ego dixerim vobis. Hæc autem vobis ab
initio non dixi, quia vobiscum eram.

ENARRATIO TEXTVS.

Est & hoc Euangelium pars concionis Christi,
quam habuit ad discipulos pridie quàm pate-
retur: cuius summam nuper audiuius. Hic autem
textus continet promissionem aduocati Spiritus
sancti, qui aderit Ecclesiæ, quando ipsa ab impio
mundo persecutionem patietur. Nam Christus futu-
rum esse pronunciat, ut tanta rabie ferantur aduer-
sus Ecclesiam impij homines, & præsertim Iudæi,
ut religionis zelo ruant toto impetu contra pios:
adeoq; persuadeant mundo cultum quendam Dei
esse pios trucidare, eosq; extra suos cætus eijcere.

Huius

Huius autem furoris causam esse ait ignorantiam & cecitatem, nimirum quod nec Dei iram aduersus peccatum agnoscant, nec beneficia Christi intelligant.

Loci tres :

- I. Officia Spiritus sancti & ministrorum verbi in Ecclesia.*
- II. Admonitio, ne p[ro]p[ter] scandalo offensi abijciant confessionem & fidem.*
- III. De cruce piorum & eorum gloriosa liberatione.*

DE PRIMO.

*[Cum autem venerit paracletus, quem ego mit-
tam vobis à patre, is testabitur de me : sed & vos
testabimini.] Hæc verba primam doctrinam huius
Euangelij continent, nimirum quod Spiritus san-
ctus & Apostoli, adeoq; eorum successores debeant
testari de Christo.*

*De Spiritu sancto hæc sunt colligenda ex textu.
1. quod sit vnus Deus cum Patre & filio. 2. quod sit
distincta persona à Patre & filio. 3. quod procedat
à Patre & filio. 4. quod detur Ecclesiæ à Christo.
Cur autem detur Ecclesiæ exponitur, nimirum vt
sit paracletus, vt sit doct[or] veritatis, vt testetur de
Christo : de quibus officijs breuius ideo dicam, quia
hæc sunt repetenda die Pentecostes.*

*Cur vocatur paracletus seu aduocatus ? Ut hac
appellatione innuitur Ecclesiæ persecutio & accu-
satio siue condemnatio à prophano mundo : Ita ex-
presse*

preſſe ſignificatur, quòd non ſit deferenda à Chriſto tempore perſecutionis: ſed Chriſtus mittat ei aduocatum, nempe Spiritum ſanctum.

Conditiones autem aduocati ſunt quatuor: Prima, vt adſit reo, id eſt, ei qui vim aut iniuriam patitur, ſeu accuſatur ab impio mundo. Secunda, vt cauſam hominis adeoq; totius Eccleſiæ in ſe recipiat tanquam ſuam. Tertia, vt doceat & admoneat errantem & inſtruat ne cauſa cadat. Quarta, vt conſoletur afflictum. Proinde cum Spiritus ſanctus aduocatus dicitur, ſignificatur quod ſit Eccleſiæ patronus, cauſam eius in ſe recipiat, doceat ac conſoletur Eccleſiam.

Deinde dicit textus, quod ſpiritus ſanctus ſit futurus Doctor veritatis: quo nomine primum indicatur quod homines ſuoſte ingenio veritatem ſalutarem aſſequi non poſſint. Deinde quod veritatis doctrina non ſit legis ſed Euangelij: legis enim doctrinam ratio aliquo modo ſuoſte ingenio intelligit. Tum quod Spiritus ſanctus in docentibus & diſcentibus ſit efficax. Facit enim vt docentes intelligant veritatem, & diſcentes recipiant. Proinde admonemur, vt hunc doctorem veritatis imploremus, vt nobis clauem ſcientiæ donet: caueamusq; ne noſtra impuritate ipſum caſtiſſimum illum Spiritum à nobis pellamus. Nam cum ſit ſanctus, id eſt, mundus, caſtus & ſanctos efficiens, non habitat in corde impuro, id eſt in eo quod in ſuis ſordibus ſe inuoluit, & vt ſus in volutabro ſe coinquinat.

Adhæc

Adhæc dicit : hic Spiritus sanctus testabitur de me. Cuius officij participes etiã erunt ministri verbi.

Sed quid testatur Spiritus sanctus de Christo, & quid de eodem testabuntur ministri verbi? Primum testatur Spiritus sanctus et ministri verbi de Christo, quod sit verus Deus secundum scripturam, vnus in diuinitate cum patre & Spiritu sancto, sicuti nos in symbolo profiteamur. Secundo testatur Spiritus sanctus, quod Christus sit verus homo, iuxta symbolũ: Qui conceptus est de Spiritu sancto, natus ex Maria virgine. Tertio testatur Spiritus sanctus, quod Christus, etsi Deus & homo: tamen vnus sit Dominus, vnus Christus, vna persona, quemadmodum symbolum testatur, & Christus ipse de se, cum ait: Nemo ascendit in cælum, nisi qui descendit de cælo filius hominis, qui est in cælo. Quarto testatur spiritus sanctus de Christi officio, quod sit pontifex & rex. Pontifex quidem, qui vltima Patrẽ placauit, qui sua intercessione nos Deo adducit. Rex vero quod hostes nostros deuicerit, peccatum, mortem, Diabolum, infernum, & ad iudicium sit venturus iudicatum viuos & mortuos. Hæc quatuor spiritus testatur de Christo: hæc quatuor nobis in symbolo de Christo commendantur: hæc quatuor omnes sinceri ministri Dei testabuntur de Christo, donec venerit ad iudicium.

DE SECVNDO.

[Hæc locutus sum vobis vt non scandalizemini.]

Signi-

Significat Christus in quem finem ita multum de Ecclesia, de Spiritu sancto, de sua morte & resurrectione dixerit: nimirum ut his confirmati, non cum reliquo mundo scandalizentur. Hæc admonitio admodum necessaria est omnibus temporibus, nam mundus est plenus scandalis. Væ, inquit Christus, *Math: 18.* mundo à scandalis: significans graua supplicia manere eos, qui ob scandalum ab Euangelio deficiunt. Ut autem vnusquisq; nostrum recte iudicare possit de scandalo, plenam doctrinam de scandalo proponam.

Scandalum in genere est, quicquid impedit hominem à recto Euangelij cursu, hoc est, dictum, vel factum, vel apparentia, ut ita dicam, externa, quod cuidam, vel causa, vel occasio offensionis est, ut à recto salutis cursu, vel impediatur, vel deflectat.

Huius scandali plura sunt genera. Est enim vnum scandalum, quod datum vocant. Alterum quod acceptum nominatur, quæ qualia sunt definitionibus & exemplis declarabo.

Datum igitur scandalum est, quod oritur aut ex facto dictone in se malo, aut ex facto dictone in se indifferenti, id est, nec bono nec malo, sed intempestiue commissio. Vtrumq; grauius prohibitum est voce Dei, & Christus pronunciat melius esse hominem demergi in medium maris, quàm vlli esse scandalo. *Mar: 9.* Exempla sunt hæc: Arrius negauit diuinam naturam in Christo, qua re plurimos offendit, & fuit & sibi & alijs multis causa æternæ damna-

psal: 141. *damnationis. Dauid suo adulterio scandalo fuit omnibus sui regni incolis, qui nisi resipisset, æternum periisset. Contra hoc scandalum orat Salomon, cum inquit: Custodi me à laqueo, quem posuerunt mihi, & à scandalo operantium iniquitatem. Hoc scandalali genere maxima pars mundi offensa hæret in damnatione, & quotidie multi præcipites dantur in ruinam hoc scandalo offensi, cum priuatim, tum publicè. Priuatim offenduntur pueri, serui, coniuges. Pueri vident parentes à cultu Dei abstinere, abstinere & ipsi: audiunt ipsos parentes iurare, iurant & ipsi eorum exemplo: audiunt eos impudicè loqui, illi mox exemplum imitantur: iniqua enim tenacius hærent: vident potantes, fallentes, iniquè cum proximis agentes, illi quoq; vt discipuli easdem artes discunt: sed vae illis per quos hæc scandala fiunt. Illi enim seminarium Ecclesiæ Christi turbine & tempestate scandalorum deiciunt & calcant.*

Ln: 17. *Hoc domesticum scandalum, est semen omnium malorum in mundo. Ea enim quæ pueri à parentibus discunt, retinent senes, & eadem quoq; suos pueros docent. Quare parentes qui Deum timent, summa cura cauere debent, ne suis pueris sint scandalo. Piè igitur loquantur, rectè omnia agant, Deum colant, & suos pueros ad simile studium inuitent, ac eos in correptione & admonitione Domini erudiant, quemadmodum Paulus monet: & perpetuò meminerint huius dicti Christi, quod est Marci 9. Quisquis offenderit vnum ex paruis istis, qui credunt*

eph: 6.

dunt in me, bonum esset ei potius, si circumponeretur saxum molare circa collum eius, & proijceretur in mare.

PRÆTEREA hoc scandalum etiam committitur cum à magistratu, tum à subditis. Ut cum Hieroboam vitulum adorandum prostituit in Samaria: cum idem tyrannide sanctos DEI Prophe- 3 Reg: 12. tas persecutus est. Est autem hoc scandalum gra- uissimum in ministris Ecclesiarum, cum illi vel pra- ua doctrina, vel impura vita, multis præbent occa- sionem malè loquendi de Euangelio, & pluribus in- firmis efficacem occasionem lapsus præbent: ut sunt auari, scortatores, potatores, homicidæ & alij, qui suis moribus offendunt Ecclesiam, qui sanè à cor- datis Episcopis deponi deberent, ne sua ruina plures secum in lapsum traherent. Neque subditi hîc excu- sari debent: videmus enim qualis sit mundus: om- nes corrupti sunt. Quis non ebrietate offendit? Quis non temeraria iurandi consuetudine scandalizat? quotusquisque non aliquem laqueum struit ad of- fendiculum?

Verum quia scandalum datum non est simplex. Aliud enim, ex malo datur dicto aut facto. Aliud datur ex facto nō in se malo, sed intempestive facto: sciendum est quod primum genus absq; omni condi- tione fugiendum sit omnibus quibus salus æterna curæ est. Verum quantum ad illud scandalum atti- net quod datur ex in differenti re, non semper fugien- dum est, sed iuxta hoc hominum discrimen est agen- dum.

dum. Quidam homines sunt firmi, ut qui iam norunt Christianam libertatem: Quidam sunt infirmi, qui habent initia religionis, sed non sunt satis edocti de Christiana libertate: Quidam sunt obstinati & indociles & contumaces. Primum genus non offenditur usu rerum indifferentium, imo potius gaudet de Christiana libertate. Tertium genus offenditur quidem, sed eos non curabis: sunt enim hostes Christi. Neq; ab usu rerum indifferentium abstinebis propter ipsos, multo minus abstinendum est à veris virtutibus: ut sunt verus cultus Dei, vera inuocatio, vera filij confessio, Neq; à vera doctrina, sed Christi exemplo, inuitis etiam portis inferorum, verum Euangelium doce & profiteri. Sic enim Christus fecit: sic Propheta: sic Apostoli, adeoque omnes pii omnibus temporibus. Solet communiter dici, quod qui recte iudicat, recte docet & recte facit, non debeat propter scandalum abstinere ab eo quod rectum est. Hoc sane verissimum est & confirmatur Christi & Apostolorum exemplis. Verum de medio genere hominum, hoc est, de infirmis, notanda est regula Pauli: Priusquam offendam infirmum meum fratrem, non vescar carnibus in eternum: Ad eundem modum de alijs rebus adia-phoris iudicandum est. Nam in omnibus nostris factis, ratio mutue charitatis & ædificationis habenda est.

1 Cor. 8.

Verum hoc datum scandalum, de quo iam dictum est, habet & aliam differentiam à discrimine per-

Personarum sumptam. Aliæ enim personæ in aliqua dignitate constitutæ sunt : aliæ obscuræ privatam vitam de gentes. Scandalum quod datur à persona in aliqua dignitate constituta, multo est gravius, quam quod datur à privata persona, quæ non in dignitate aliqua est, atq; ideo meretur graviora supplicia, cum propter personam ipsam, quæ suum locum in quem à Deo euectæ est commaculat, tum propter homines alios, quibus lapsus causam præbuit efficaciorẽ suo exemplo malo. Ut enim quo ingentius fuerit saxum cadens ab alta rupe, eo plura fragmenta facit: ita quo dignior fuerit persona, & in sublimiori dignitatis culmine constituta, eo plures in lapsum secum trahit cum cadit. Ut minister verbi peccans ebrietate, scortatione, homicidio, aut alio flagitio, maiori offendiculo est, quam miles, aulicus, aut nauta, siue rusticus, atq; ideo maiori pænâ cohorendus & puniendus est, nam plures secum in ruinam trahit. Ad eundem modum de alijs indicandum est. David in regno Iudaico, non solus adulter & homicida erat : attamen eius peccatum ob maius scandalum inde ortum, in conspectu Dei aliorum delictis multo fuit atrocius, Quare & gravioribus pænis, præsertim corporalibus est punitus. Multo gravius peccat ebriosus paterfamilias, quàm servus. Nam ille exemplum domesticum est, hic ut contemptus, non nisi ab improbis in exemplum trahitur. Atq; hætenus de dato scandalo.

Acceptum scandalum est, quod aliquis sibi su-

mit à rectis factis aliorum, aut alijs rebus & est duplex: Humanum & Diabolicum. Humanum partim impiorum, partim piorum est. Impiorum quidem, quando impij offenduntur aut rectè factis piorum, aut libero adiaphororum vsu, aut etiam externa Ecclesie forma. Nam cum impij vident cruce premi pios, & esse veluti reiectamenta in mundo, occasionem inde maioris ruinæ accipiunt impij. Ut Iudæi qui offendeabantur humilitate Christi & calamitate Ecclesie, quemadmodum & hodie offenduntur multi vulneribus Ecclesie. Contra, pij accipiunt scandalum, quando vident impios florere: quando Ecclesia à tyrannis opprimitur: cum multi innocentes trahuntur ad supplicia: cum hæresibus turbari Ecclesiam animaduertunt. Verum hoc scandalum rursus superant, partim confirman- te eos Spiritu sancto: partim exemplis Ecclesie Christi: partim ardentibus precibus. Nec vllum præstantius est aduersus huius generis scandala remedium, quàm opponere perpetuam consuetudi- nem Dei, qui in hoc mundo ideo finit Ecclesiam su- am obrui varijs calamitatibus, vt olim glorificetur cum filio suo dilecto Domino nostro Iesu Christo.

Gen: 9. Diabolicum scandalum est, cum homines præpo- sterè captant, quæ ad peccandi licentiam obtinent. Cham absq; dubio ita proteruè insultauit Patri, vt sibi impunè peccandi licentiam acquireret. Tales hodie videmus permultos, qui vicia sanctorum Pa- trum plus quam studiosè conquirunt: vt incestum Loth,

Loth, ebrietatem Nohæ, concubinatum Abrahæ, *Gen: 19.*
 adulterium & homicidium David, periurium Pe- *Gen: 16.*
 tri, durius iugum quod imposuit Aegyptijs Ioseph, *2 Reg: 11.*
 rapinam Zachæi, vt sine pudore ad omnem nequi- *Gen: 47.*
 tiam se prostituunt: imò ex hominum vicijs quæ- *1n: 19.*
 runt, quomodo se obdurent ad Dei contemptum.
 Quare non immeritò hoc genus scandali Diaboli-
 cum vocatum est, vt quod calumnijs fulcitur in con-
 tumeliam Dei.

D E T E R T I O.

Tertius locus est de persecutione seu cruce Eccle-
 siæ. De quo loco vide supra Dominica tertia à Pa-
 schate.

D O M I N I C A

P E N T E C O S T E S, E V A N G E -

L I V M I O H A N. 14.

SI quis diligit me, sermonem meum serua-
 bit, & Pater meus diliget eum, & ad eum
 veniemus, & mansionem apud eum facie-
 mus. Qui non diligit me, sermones meos
 non seruat: & sermo quem auditis non est me-
 us, sed eius qui misit me patris. Hæc loquutus
 sum vobis, apud vos manens. Paracletus autem
 ille, qui est Spiritus sanctus, quem spiritum mit-
 tet Pater in nomine meo, ille vos docebit om-
 nia, & suggeret vobis omnia, quæcunq; dixi
 vobis. Pacem relinquo vobis, pacem meam do
 vobis, non quomodo mundus dat, ego do vo-
 e 3 bis.

bis. Ne turbetur cor vestrum, neque formidet. Audistis quod ego dixi vobis, Vado, & venio ad vos. Si diligeritis me gauderitis utique, quod dixerim: Vado ad patrem, quia pater maior me est. Et nunc dixi vobis, priusquam fiat, ut cum factum fuerit credatis. Posthac non multa loquar vobiscum. Venit enim princeps mundi huius, & in me non habet quicquam. Sed ut cognoscat mundus, quod diligo patrem. Et sicut mandatum dedit mihi pater, sic facio: Surgite, eamus hinc.

ENARRATIO TEXTVS.

HO C festum, quod Pentecosten, id est, quinquagesimam vocamus, est institutum in memoriam confirmati Euangelij die quinquagesimo à resurrectione Christi. Nam eo die Dominus noster mittit de cælo Spiritum sanctum, qui sedet super Apostolos visibiliter instar flammæ ignis, qui non solum Apostolos in omnem veritatem, iuxta promissionem Christi ducit: verumetiam toti mundo confirmat Iesum in cælo esse, qui inde hoc stupendo facto suam confirmat doctrinam. Sicut enim quinquagesimo die post Pascha Iudaicum, quod primum comederunt in Aegypto, lata est lex: & eius doctrina magnis miraculis confirmata est, quemadmodum scribitur Exodi 19. Ita post verum Pascha, id est, post occisum agnum Dei, qui est Iesus Christus, voluit Deus Euangelium filij sui confirmare hoc miraculo facto, id est, visibili donatione spiritus sancti, quemadmo-

admodum in vespertina concione fusus audiemus.

Iam Euangelium dulcissimum accedamus, quod est etiam pars illius longæ concionis, quam habuit Dominus ad discipulos pridie quàm pateretur. Summa autem textus, quem audistis, est, quod Christus tradat veram notam fidei & dilectionis Dei, & eiusdem fidei & dilectionis fructus, nimirum ut discipuli sint pacatis conscientijs per Spiritum sanctum, quem promittit patrem missurum in suo nomine. Monet etiam Christus de sua contra Sathanā victoria, ut vel ex hac victoria cognoscat mundus quàm charus sit Patri. Pertinent autem hæc omnia ad confirmandos discipulos, ne scandalo crucis à confessione deficiant. Loci quatuor:

- I. Vera nota fidei & dilectionis Dei.
- II. Fructus & usus seruati verbi Dei.
- III. Promissio Christi de Spiritu sancto paraclete.
- IIII. De pace quam suis promittit Christus.

DE PRIMO.

[Si quis diligit me, sermonem meum seruabit.] Hæc verba diligenter obseruemus. Veram enim notam fidei et dilectionis Dei ostendunt. Qui diligit Christum, libenter ipsum audit: libenter seruat quod audit: libenter facit quod seruat. Hæc enim natura coniuncta sunt. Videmus inter homines hunc morem esse, quod non sine tædio eos audiant, erga quos non optimè sunt affecti: Contra, nihil ma-

gis expeti, quàm vt audiant cum summa animi obseruantia eos, quos intimè amant, præsertim cum sciant sapienter & prudenter, multa salutaria & vtilia ab illis dici.

In: 13.
Jo: 3.
Matth: 16.
 Sed quis est sermo Christi? Primum, agere pœnitentiam. Ita enim & eius præco Iohannes Baptista, & ipse suam concionem est orsus. Hinc eius affectus erga nos indicatur: nam sine pœnitentia impossibile est saluari. Unde dicit: Nisi pœnitentiam egeritis, omnes peribitis. Secundo, credere Euangelio, hoc est, statuere Christum sibi talem esse, qualis nobis per Euangelium annuntiatur, id est, saluator, iustificator & redemptor. Huius fidei finis est salus animarum I. Petri I. & apud Iohannem: Qui credit in filium, habet vitam æternam. Tertio, ex hac fide fructum producere: PRIMVM, pietatem erga Deum seu cultum Dei. SECVNDVM, innocentiam vitæ & sanctificationem animi & corporis. TERTIVM, dilectionem proximi manantem ex vera fide & sincero corde & bona conscientia. QVARTVM, opus vocationis facere in timore, in gloriam Dei & vtilitatem proximi. Has omnes virtutes patientia vera ornat, quæ est quedam erga Deum sub cruce obedientia. Qui meus vult esse discipulus, inquit Dominus, tollat crucem suam & sequatur me.

Quid? Cur tam multa requiris, An non sola fide iustificamur & saluamur? Verum quidem est: Sed discernendum est inter salutis causas, & obedientiam

tiam quam requirit à suis Deus. Sola fide iustificamur: sed iustificati noui facti sumus homines, nempe filij Dei, qui iam exemplo Patris nouam & beatam vitam degere debemus.

Verum hîc quoq; tenendum est, quod vt duplex nota est filiorum Dei, ita etiam duplex est nota filiorum Sathanae. Nota filiorum Dei, alia est interna, alia externa. Interna est pœnitentia, fides, pietas, bona conscientia. Externa est auditus verbi, & honesta conuersatio inter homines. Nam vt Christus hic indicat amorem sui verbi, & auditum, notam esse suorum discipulorum: Ita Petrus honestam conuersationem requirit inter homines: Unde Deus glorificari & Ecclesia ædificari possit. At nota filiorum Sathanae interna est esse sine pœnitentia, sine fide, sine pietate, mala conscientia, imperium malorum affectuum. Externa est, externus contemptus verbi & improba vita. Has notas obseruate & vnusquisq; seipsum examinet, vtrum sit inter filios Dei censendus an inter filios Sathanae. Si inter filios Sathanae se senserit esse, reuocet quam primum gradum, ne citius opinione præcipitetur in iudicium. Si inter filios Dei se intellexerit esse, agat gratias Deo, petat, incrementa fidei, dilectionis & aliarum virtutum, petat se confirmari Spiritu sancto, ne Sathanae technis à pio sanctoq; cursu abducatur.

DE SECVNDO.

[Et Pater meus diligit eum, & ad eum veniet
e 5 mus

mus & apud eum mansionem faciemus. Hic recitantur dulcissimi fructus seruati verbi Christi.

PRIMVS est quod Pater diligit seruantes verbum Christi. Habet enim eos charos in dilecto, Ephe. I. Hoc quantum sit bonum, ex eo intelligi potest, quod qui in Christum non credunt, manent sub ira Dei, iuxta illud: Qui non credit in filium, manet ira Dei super eum. Vbi ira Dei est, ibi peccatum, mors, damnatio, infernus, Diaboli tyrannis, breuiter omne malum. Contra, vbi amor Dei ibi victi hostes sunt, ibi salus, ibi gaudium, ibi vita aeterna. Cogitemus ergo de hoc primo fructu seruati verbi Christi, vt eius cogitatione magis accendamus ad amorem verbi.

SECUNDVS fructus est: [Et ad eum, inquit, veniemus.] Quo aduētu nullus honor maior esse poterit. Si Deus Pater, Filius & Spiritus sanctus veniunt ad eum, qui seruat sermonem Christi, profecto sequitur, quod antea non venerint ad ipsum: sed fuerit ipse sub Diaboli potestate, & in regno tenebrarum, vbi mors ad damnatio regnant. Magna amicitia est, si rex venit ad subditum, magnus honor est à maiori visitari: sed huic honori nullus alius conferri potest, quod Deus Pater, Deus filius & Deus Spiritus sanctus veniant ad hominem diligentem Christum & seruantem sermonem eius.

TERTIVS fructus est, quod non solum Trinitas veniat ad hominem seruantem sermonem Christi: verumetiam faciat mansionem apud eum &
in eo

in eo maneat. Significat Christus hac dulcissima promissione, audientes verbum Christi & illud seruantes esse templa trinitatis, in quibus habitat Pater, Filius & Spiritus sanctus. Tametsi autem tota Ecclesia, vnum Dei templum dicitur: tamen singuli Christiani, singula Spiritus sancti templa sunt. Ecce quam magnifica est hæc promissio. Si quis promitteret misero homini magnum auri thesaurum, merito sane gauderet & exultaret, quod è paupere & misero, diues & felix esset factus. Verum hic longe maximus thesaurus promittitur, nempe inhabitatio Trinitatis in nobis quæ omnibus thesauris in infinitum præstantior est.

Sed quid facit Pater inhabitans in homine? quid filius? quid Spiritus sanctus? Pater homines in quibus habitat sua potentia protegit & tuetur aduersus furores Sathanæ, cum in omnes incredulos plenum imperium exerceat Sathan. Filius eosdem sua sapientia & luce docet & illuminat, contra omnes nebulas omnium tenebrarum. Spiritus sanctus eosdem sua sanctitate sanctificat, consecrat & vngit in Prophetas, reges, Sacerdotes, & sanctos Domini. In Prophetas quidem quia ea videmus oculis fidei nostræ, quæ nullus corporalis oculus intueri potest: ea audimus auribus fidei, quæ nulla auris corporalis percipere potest. De hoc Prophetico munere concionatur Iohel, quemadmodum Lucas etiam meminit Acto. 2. In reges, cum quia Dei filij effecti sumus per victoriam Christi, tum quia virtute Christi

Christi dominamur morti & inferno Luc. 22. Dispo-
no vobis regnum, quemadmodum Pater disposuit
michi. In Sacerdotes, quia cum credimus in Chri-
stum habemus ius offerendi Deo sacrificium lau-
dis: habemus libertatem inuocandi Deum per Chri-
stum vnicum mediatorem, & summum sacerdo-
tem: habemus authoritatem docendi verbum Dei,
sed quilibet pro suæ vocationis ratione. In sanctos
vero, quia per fidem in Christum, non aliter repu-
tamur puri, quam si legem perfectè impleuissemus.
Vide quam multiplices fructus adfert secum obser-
uatio & amor verbi Christi. Nulla maior dignitas,
nulla gloria, nullum decus magis eximium esse po-
test. Sed quid hinc discemus? vt digne viuamus
tanto honore, ne nostra impuritate Deum expella-
mus è cordibus: sed potius ipsum perpetuis laudi-
bus celebremus in vera pietate & sanctificatione.
Quod huius nos monere tanta dignitas debeat, do-
cet Petrus 1. Petri. 2. vbi ita ait: Vos estis genus
electum, regale sacerdotium, gens sancta, populus
quem sibi Deus vt proprium vendicat, vt prædica-
tis virtutes illius, qui è tenebris vos vocauit in ad-
mirabilem suam lucem. Qui quondam eratis non
populus, nunc estis populus Dei, qui quondam non
consecuti misericordiam, nunc estis misericordiam
consecuti. Hinc infert Apostolus: Abstinete ergo à
carnis cupiditatibus quæ militant aduersus ani-
mam, & conuersationem vestram habete honestam
inter gentes. Quod igitur beneficia Dei erga nos au-
dimus,

1 Pa: 2.

dimus , tot erunt nobis stimuli ad pie sancteq; viuendum. Quare cum Christus hic tanta promittit, & cū diuina trinitas in credentibus habitet, demus operam vt simus mundi & puri, quemadmodum decet templa Dei esse : simus spirituales reges, vt dominemur peccato, et non amplius seruiamus ei in concupiscentijs suis : simus sacerdotes, qui Deo viuas hostias offeramus, eumq; ex fide Christi inuocemus : simus sancti & segregati à prophanis mundi turbis, ne in pristinas sordes rursus incidamus.

D E T E R T I O .

[*Paracletus autem Spiritus sanctus, quem mittet Pater in nomine meo, ille docebit vos omnia.*] &c. *Hac est Christi promissio, qua pollicetur suis Spiritum sanctum. Antea audiuius, quæ sit Christianorum dignitas : Nunc quid cum hac dignitate coniunctum sit audiamus. Et quia hæc pro illorum dignitate explicare non possumus, volumus infantum more de singulis, quæ hic dicuntur in hac magnifica promissione balbutire. Continent igitur hæc pauca verba septem de Spiritu sancto puncta, quæ breuiter recitabo, & ad nostrum vsum accommodabo. Hæc enim puncta causas missi & dati Spiritus sancti continent.*

P R I M V M dicitur paracletus : *Hac de appellatione, etsi nonnihil dixi die abhinc octauo: tamen ea hodie repetere non forte erit inutile.*

Dicitur itaq; paracletus, hoc est, aduocatus, vt adsit

adsit afflictis, illos doceat, illos consoletur, illorum causam tanquam suam in se recipiat, ac tandem nos impellat, ut clamemus ac ex corde dicamus: Abba Pater, Miserere nostri propter filium tuum, quem nobis saluatorem dedisti. Atque hæc est prima causa dati Spiritus sancti.

Eph: 4. SECUNDA est, ut nos viuificet, atque ideo dicitur spiritus. Est autem duplex vita: una naturalis, qua omnia animantia viuunt: Hæc durat ad breue tempus nam morte tandem absorbetur. Alia vita Dei est, à qua dicit Paulus alienatos esse eos, qui non cognouerunt Christum. Huius vitæ author est spiritus ille Christi, quem suis promisit discipulis. Hæc non est momentanea: sed perpetua, ut quæ Dei æterni propria est. Hanc viuunt omnes qui in filium Dei credunt Gala. 2.

TERTIA causa missi & dati Spiritus sancti est, ut sanctificet, à quo effectu sanctus dicitur: sanctificat autem dum in nobis fidem operatur, dum nos regenerat, dum nostram mentem, affectus & voluntatem reformat: breuiter dum efficit ut simus nouæ creaturæ, iuxta Dei voluntatem viuentes.

QUARTA causa missi & donati nobis Spiritus sancti, est, ut inter nos quandam confirmet charitatem: Ideo à Patre ad filios mitti dicitur. Ut enim Pater intima storga & charitate complectitur suos filios: Ita nihil magis expetit, quam ut filij, Patris ingenium imitantes, fraternam inter se colant charitatem. Hoc facere decet eos, qui Deum

com.

communem Patrem agnoscunt : Qui vero id facere recusant, illi vel filij nunquam fuerunt, vel turpiter à Patris ingenio degenerauerunt.

QVINTA causa missi Spiritus sancti est, ut ab illo discamus qualiter Pater noster cælestis erga nos affectus sit. Ideo dicit Dominus: Et docebit vos omnia. Quid? an aliud docebit, quam quod Prophete & Moses docuerunt? An aliud quam quod in scriptura nobis commendatur? Nullo pacto. Eadem enim docebit. An non sufficit scriptura? sufficit quidem, quantum ad doctrinam attinet, non quantum ad nostrum captū? Nam etiamsi millies audiamus verbum: tamen inefficax est, nisi ille intus doceat. Unctio enim, ut inquit Apostolus, docet omnia.

SEXTA causa missi & donati Spiritus sancti indicatur hoc dicto, [In nomine meo:] quo dicto significatur vltimus finis donati Spiritus sancti, qui est, ut in Christum credentes saluentur. Nam cum Christus salus nostra sit, & Spiritus sanctus eius nomine mittatur non est dubium, quin nostræ salutis causa mittatur.

SEPTIMA causa est, ut Christi sermonem in nobis confirmet. [Ille vos, inquit, docebit omnia: ille suggeret vobis quaecunq; dixi.] Hæc de Spiritu sancto in Euangelio nostro, quod hodie in Ecclesia legitur, breuiter significantur, plura in symbolo adhuc breuius notantur: quæ sunt, quod Spiritus sanctus sit verus Deus, quod tertia persona sit in diuinitate, quod viuificet & sanctificet & quod in illum

viua

viua fiducia vt in Patrem & filium recumbere debeamus. Verum de his plura aliâs & quadam nuper audiuius.

DE QVARTO.

[Pacem meam relinquo vobis, pacem meam do vobis, non quomodo mundus dat ego do vobis.] Hæc promissio Christi etiam est magnifica, & maior sanè quam mundus intelligit. An non dicit Christus, sicuti nuper audiuius, in mundo pressuram habebitis, & vos eijcient de synagogis suis? Sic est. Ideo Christus distinguit inter duplicem pacem: pacem mundi & pacem suam. Pax mundi qualis sit, nemo non intelligit: At pax Christi qualis sit soli filij Dei intelligunt. Nam ea est de qua Euangelium sonat, de qua prima dominica à Paschate copiosè dixi. Verum vt breuiter ea repetam: Pax Christi est reconciliatio nostri cum Deo, remissio peccatorum, donatio Spiritus sancti ac vita æterna, iuxta orationem Ecclesiæ: Deus qui corda fidelium sancti spiritus illustratione docuisti, da nobis, quam mundus dare non potest, pacem, & vt corda nostra sint tranquilla. Hanc pacem donet nobis filius Dei, cui cum Patre & Spiritu sancto sit honor & gloria in secula, AMEN.

FERIA SECVNDA PENTECOSTES,

IOHAN. 3.

Sic

SIC Deus dilexit mundum, ut filium suum unigenitum daret, ut omnis qui credit in eum, non pereat, sed habeat vitam æternam. Non enim misit Deus filium suum in mundum ut condemnet mundum, sed ut seruetur mundus per eum. Qui credit in eum, non condemnatur, qui vero non credit, iam condemnatus est, quia non credit in nomen unigeniti filij Dei. Hæc est autem condemnatio, quod lux venit in mundum, & dilexerunt homines magis tenebras quam lucem, erant enim opera eorum mala. Omnis enim qui mala agit, odit lucem, nec venit ad lucem, ne arguantur opera ipsius. Qui autem operatur veritatem, venit ad lucem, ut conspicua fiant facta ipsius, quod per Deum sint facta.

ENARRATIO TEXTVS.

Heri audiimus confirmatum esse Euangelium Iesu Christi per stupendum miraculum, videlicet quod miserit Christus de cælo Spiritum sanctum in visibili forma, quem non solum senserunt Apostoli, verumetiam viderunt omnes qui eo die adfuerunt Hierosolymis: quemadmodum narrat Lucas Acto. 2. Hodie Ecclesia proponit Euangelium, in quo Christus tradit summam eius doctrine, ad quam confirmandam, datus erat Spiritus sanctus in die Pentecostes. Colloquitur autem Christus cum Nicodemo, qui fuit ex Phariseis & princeps Iudæorum, quemadmodum audiemus latius Do-

f minica

minica Trinitatis. Huic proponit Christus in textu, quem recitavi, salutis & damnationis causas, monstratq; unde sit & salutis origo & unde damnatio veniat. Dicit Christum ideo datum, ut credentes per ipsum saluentur: reliquos testatur herere in sua damnatione: quemadmodum clare videbimus in textus enarratione.

Loci:

- I. Commendatio dilectionis Dei & misericordie erga homines.*
- II. Instrumentum, quo hominibus applicantur beneficia Christi, signatur.*
- III. Consolatio piorum contra tentationem peccati & iudicii.*
- IIII. Discrimen inter credentes & non credentes.*

DE PRIMO.

[Ita Deus dilexit mundum ut filium suum unigenitum daret.] His paucis verbis commendatur nobis Dei dilectio & misericordia: idq; non nudis verbis: sed facto omnium maximo. Non est enim vera dilectio quæ vel in corde tantum latet, vel in lingua sedet: sed quæ ex intimo cordis affectu profisciscens, voce & facto se declarat. Quomodo ergo hic diligit Deus? Diligit adeo ut etiam filium suum pro mundo redimendo dederit precium redemptionis, ut sua morte, morti & damnationi addictos redimeret. De hac Dei dilectione loquitur Paulus Rom. 5. Commendat nobis suam charitatem Deus, quod cum

tum adhuc essemus peccatores, Christus pro nobis mortuus sit. Et Roman. 8. Si Deus pro nobis quis contra nos? qui etiam proprio filio non pepercit: Sed pro nobis omnibus tradidit eum. Quotidie maxima argumenta charitatis Dei erga homines contemplamur in tota vita & rerum gubernatione: Verum illa charitas, quæ ita in rebus huius vitæ relucet, vix est tenuis umbra illius summæ dilectionis, qua nos in filio (quem dedit in amarissimâ mortem pro nobis) completitur. Hæc Dei dilectio habet summam misericordiam coniunctam, de qua in multis locis Moses, Propheta & Psalmi concionantur: unde pauca testimonia desumam ad nos confirmandos de voluntate Dei erga nos. Moses Exod. 34. ita ait: Dominator Domine Deus misericors, & clemens, & multæ miserationis, & verax, qui custodis misericordiam in millia, qui aufers iniquitatem & scelera atq; peccata. Deutero. 5. Ego sum Dominus Deus tuus, & faciens misericordiam in multa millia diligentibus me, & custodientibus præcepta mea. Isaia 16. Et præparabitur in misericordia solium. Ionæ 4. Scio enim quia tu Deus clemens & misericors, patiens & multæ miserationis, & ignoscens super malitiam. David Psal. 2. Misericordia Domini plena est terra. Et Psal. 102. Secundum altitudinem cæli à terra corroborauit misericordiam suam super timentes se. Item Psal. 103. Misericordia Domini à sæculo usq; ad sæculum super timentes eum, & iusticia eius super filios filiorum. Item in

f 2

eodem

Psal. 33.

4

10

11

Math. 9.
Joel 2.
Sap. 15.

eodem Psalmo: Pius & clemens Dominus, lentus ira, & magnus misericordia, non secundum iniquitates nostras agit nobiscum, neq; secundum iniquitates nostras retribuit nobis, sed secundum altitudinem cæli à terra prævaluit misericordia eius super timentes eum. Sicut miseretur Pater filiorum: ita miseretur Dominus timentibus eum. Huiusmodi sunt multa scripturæ testimonia, quæ nobis dilectionem & misericordiam DEI inenarrabilem commendant, & eius dilectionis & misericordie amplitudinem, effectum & applicationem monstrant. Amplitudo enim misericordie Dei in his cernitur, quod se in millia extendat, quod impleat terram, quod excedat cælum & terram, quod Deus sit veluti Pater misertus filiorum. Effectus eius seu fructus cernitur in eo, quod tollat peccatum, quod iustificet peccatores, quod à pœna debita absoluat. Hæc misericordia in filio fundata est, quia sua victima iusticie Dei satisfecit, & sua obedientia erga legem Dei iusticiam nobis comparauit. Applicatio huius misericordie fit diligentibus Deum, timentibus ipsum, & custodientibus præcepta eius; hoc est, credentibus in Christum, qui ex fide nouam obedientiam præstant. Sed de hac re plura in secundo loco dicenda sunt: Nos hîc verba textus altius perpendamus. Ita, inquit, Deus dilexit mundum. Quis diligit? Deus. Quem diligit? Mundum. Hic siste gradum, & de hac voce cogita. Diligit mundum: ergo salutaris ipsius dilectio non ad solos Iude-

Iudæos pertinet, sunt enim pars mundi. Diligit mundum : ergo non paucos quosdam de mundo, ut sanctos & probos, qui in mundo sunt : imo Christus ideo venit in mundum, ut peccatores saluos faceret. Quid ergo per mundum significat ? Omnes homines qui sunt in mundo. Ecce, inquit Iohannes, *Jo: 1.* agnus Dei tollit peccata mundi. Item : Deus vult, *Thim: 2.* omnes homines saluos fieri. Quotiescunq; ergo audimus Deum mundum diligere, cogitemus nos partem mundi eius esse, quem diligit. Qui fit quod diligat, cum simus peccatores ? Deus duo in nobis inuenit. Unum quod ipse fecit : Alterum, quod à nobis profectum est. Quod simus homines constantes animo & corpore, ab ipso est : hanc suam creaturam diligit Deus. Quod autem simus peccatores, non ab ipso habemus, sed à nobisipsis profectum est : hoc odit Deus, & pro hoc expiando dedit filium, & vult ut illi, qui volunt misericordiæ ipsius esse participes, hoc in se mortificent perpetua pœnitentia. Sed quomodo Deus mundum diligit ? ut dederit filium pro eo, nempe ut ipse mundi peccatum in se reciperet, & pro eo moreretur in cruce. Magna sane dilectio, qua nulla maior esse potest. Verum hic ratio offenditur, quæ Dei consilium non intelligit, ac ita obijcit. An non Deus est omnipotens ? Est sane. Nonne omnia quæ vult potest ? potest profectò. An non ergo fuisset melius, si alio modo suam erga homines dilectionem ostendisset ? Respondet Augustinus. Si fecisset aliter neq; hoc placuisset. Placuit in-

f 3 quit

1. Cor. 1.

Psal. 119

quit Paulus, per stultam prædicationem saluos facere credentes. Quare nos, seposito rationis iudicio, dicamus cum Dauide: Lucerna pedibus meis verbum tuum. Deinde hoc sciendum est, quòd Deus non solum sit omnipotens: verumetiam iustissimus maxime misericors & sapientissimus. Lapsus erat genus humanum in peccatum. Quid hic requirebat iusticia? Certe vt secundum peccati magnitudinem puniretur genus humanum. Ut peccatum fuit infinitum (nam eo infinitum bonum offensus erat) ita requirebat Dei iusticia, vt vel infinitas pœnas lueret genus humanum, vel fieret iusta pro pœna compensatio. Hanc compensationem nemo potuit præstare, nisi Deus. Verum quia Deus non debuit pœnam, assumpsit humanam naturam filius Dei, & in ea satisfecit pro peccatis mundi. Atq; ita Deus se non solum omnipotentem: verumetiam iustissimum, maximè misericordem & sapientissimum declarauit. Solus enim ille eam inuenit viam, quam ratio inuenire non potuit. Dedit filium qui diuina potentia superauit peccatum, mortem, Diabolum & infernum, quia misericordia nos recepit, qui sua iusticia Dei iusticiæ satisfecit, qui sua sapientia viam salutis inuenit.

DE SECUNDO.

[Ut omnis qui credit in eum non pereat: sed habeat vitam æternam.] Hic instrumentum proponitur, quo nobis beneficia mediatoris Christi applicantur

cantur. Verum quia hæc verba sunt filij Dei, & præcipuus flos seu clenodium totius sacrae scripturae, volo ea singulatim perpendere & quid doctrinae ex singulis vocibus sit hauriendum ostendam.

P R I M V M inquit: *Omnis.* Hæc vox, *O M N I S*: medetur duabus grauissimis tentationibus, quarum una est de particularitate: Altera de indignitate propter multitudinem peccatorum. Multi sunt qui fatentur quidem Deum propitium esse multis propter Christum: sed dubitant an ad se quoque pertineat tantum bonum. Hæc grauis est tentatio, cui medetur filius Dei hac una voce, *O M N I S*. Nam si ad omnes se non extenderet beneficium Christi, nequaquam dixisset *O M N I S*: sed multi aut quidam. Demus ergo Christo laudem veritatis, & firmiter unusquisque statuatur, Christi beneficia ad se quoque pertinere. Deinde alia tentatio oritur ex cogitatione magnitudinis peccatorum, quam augment ærumnae præsentis vitæ. Huic quoque medetur Christus hac voce, *O M N I S*. Non enim dicit *omnis iustus*, vel *minora peccata committens*: sed *O M N I S*, scilicet qui in hoc vasto mundo inuenitur. Hoc confirmat etiam precium redemptionis. Sanguis Christi, inquit Iohannes, emundat nos ab omni iniquitate, id est, ab omni eo, quod à nobis iniquè perpetratum est contra legem Dei. Nemo ergo desperet propter magnitudinem morbi: Medicus Christus sapiens est, & efficax remedium contra omnes morbos habet suam mortem & obedientiam.

f 4

D E I N-

DEINDE sequitur secunda vox, QUI CRE-
DIT: qua voce distinguitur genus humanum in
duo genera hominum, quorum alij credunt, alij non
credunt. Credunt, qui statuunt Christum sibi propi-
tium esse, iuxta promissionem: Non credunt qui
contemnunt Euangelium, qui nolunt Christo fidem
adhibere: hi sua culpa non credunt. Beneficium qui-
dem se ad omnes extendit, & omnibus offertur
iuxta mandatum Christi: sed tantum à credentibus
accipitur iuxta mandatum & promissionem Chri-
sti: *Mar: 16.* Euntes in mundum vniversum, prædicate Eu-
angelium omni creaturæ, qui crediderit saluus erit.
Ecce omnibus offertur beneficium: sed soli creden-
tes illud apprehendunt: reliqui vero sua culpa pe-
reunt. *1 Tim: 2* Tametsi enim Deus sua misericordia vult
omnes saluos fieri: tamen vult iusto suo iudicio pe-
rire incredulos, quos saluari voluisset, si salutem
fide amplecti non recusassent.

TERTIA vox est, IN EUM: Is enim salua-
tur, qui in eum, id est, in Dei filium, verum homi-
nem & saluatorem mundi Iesum Christum credit.
Quid est in eum credere? est desperare de teipso,
& omnia bona sperare ab ipso.

QUARTA vox sequitur, NON PEREAT.
Hac voce duo indicantur. Primum, quòd omnes
non credentes in Christum damnationis sententiæ
subiaceant. Alterum, quòd solius Christi merito ho-
mines sola fide, ab hac damnationis sententia ab-
solvantur. Est ergo hoc maximum beneficium
Euange-

Euangelij, liberari à merito exitio & æterna damnatione.

QVINTA VOX, SED HABEAT VITAM ÆTERNAM: Hoc est summum Euangelij beneficium. Mors æterna debetur nobis ex nostro merito: vita æterna debetur nobis ex Christi merito, modo in eum firma fiducia vsq; ad finem recumbamus. Ex his iam firmum discrimen colligendum est inter legem & Euangelium: inter opera & fidem. Lex promittit vitam æternam: sed facientibus legem. Verum quia nemo legi satisfacere potest sequitur neminem per legem vitam æternam consequi. Euangelium promittit vitam æternam gratis omnibus qui in Christum credunt, quia Christus pro omnibus ijs legis iusticiæ satisfecit. Fides igitur accipit gratuitum beneficium, quod lex offert cum conditione impletæ legis. Verum nacti hoc beneficium fide, debemus opera facere, non vt illis mereamur cælum & vitam æternam, sed vt tanquam filij Dei, patri nostro præstemus veram obedientiam, & nostram fidem ex suis fructibus declaremus, in omni pietate & honestate.

DE TERTIO.

[Non enim misit filium suum Deus in mundum, vt condemnet mundum: Sed vt saluetur mundus per ipsum. Qui credit in eum non condemnatur: Qui autem non credit iam iudicatus est, quia non credidit in nomen filij vnigeniti Dei.] Hæc verba ter-

f 5

tium

tium locum continent, nempe consolationem & terrorem. Nam & consolatur credentes agnoscentes sua peccata: Et terret contumaces qui in Christum nolunt credere. Cum autem Dominus facile videret, quæ esset hominum infirmitas, & maxime eorum qui vere sententiam legis cogitant, & perspiceret haud paucorum contumaciam, sermonem suum virisq; accommodat. Illi enim dum audiunt mortis sententiæ subiacerere omnes qui legi plenam obedientiam non præstant, non possunt non pauescere ad legis minas: eos igitur consolatur Christus & ait: [Non misit Deus filium suum vt condemnet mundum, sed vt saluetur mundus per ipsum.] Loquitur de primo suo in mundum aduentu, qui fuit ad saluandum peccatores agentes pœnitentiam.

Mat. 11. Hac enim dulci inuitatione vsus est: Venite ad me
 Mat. 9. omnes qui laboratis et onerati estis, & ego reficiam vos. Item: Non veni vocare iustos, sed peccatores ad pœnitentiam. Quotquot ergo voci Christi obtemperant & pœnitentiam agunt, liberi sunt à iudicio condemnationis. Ita enim ait veritas: [Qui credit in eum non iudicatur,] scilicet iudicio condemnationis. Hac promissio consolabitur nos aduersus legis & conscientie sententiam. Is enim qui futurus est iudex viuorum & mortuorum, dicit clara voce: Qui credit in eum non iudicatur. Huius promissionis fiducia aduersus minas legis, terrores mortis, flammæ inferni, tyrannidem Diaboli in hora mortis erit nobis necessaria. non enim fieri potest vt
 ipsa

ipsa æterna veritas mentiatur. Hactenus de consolatione credentium : De terrore eorum, qui nolunt Evangelio credere, sequitur. [Qui autem non credit, iam iudicatus est, quia non credit in nomen unigeniti filij Dei.] Quid? An non ergo aliud futurum est iudicium? Imo ad iudicandum veniet filius hominis suo tempore, quemadmodum promisit. Quid ergo est quod dicit, iam iudicatus, id est, condemnatus est? Hoc dicto ostendit qualesnam sint omnes filij Adam sine fide, id est, sine Christo mediatore, videlicet quod sint iudicati, id est, condemnati, scilicet quantum ad causam attinet & materiam. Causa enim & materia damnationis in ipsis est, quæ est transgressio legis diuinæ & contumax rebellio aduersus Deum. Præterea legis sententia, olim à Deo, creato primo homine proposita, & deinde repetita in monte Sina, est quod maledictus sit omnis, qui non obedierit Deo iuxta ipsius mandatum. Ad hanc maledictionem obligati sunt omnes qui non credunt in filium Dei, qui solus eorum maledictionem in se recepit qui in se crediderint. Hoc ita esse significant quæ sequuntur. Hoc est autem iudicium, quod lux venit in mundum, & dilexerunt homines magis tenebras quam lucem. Hoc est, ideo homines condemnabuntur, quia lucem filij Dei fide non receperunt : sed potius in sua ignorantia permanere voluerunt, idq; ideo quia eorum opera erant mala.

DE QVARTO.

[Omnis

[Omnis enim qui malè agit odit lucem, & non venit ad lucem, ut non arguantur opera eius.] Fures cum furari volunt, tenebras amant: ita homines qui nondum ad benè agendum sunt nati per fidem Christi, toto impetu ad malè agendum feruntur, ideo lucem Euangelij oderunt: cum contra, qui sincerè agit benè sibi conscius, venit ad lucem, id est, sua opera manifestè facit, non veretur hominum conspectum. Id est, qui venit ad Christi lucem & eius spiritu bene facere didicit, is non manet diutius in ignorantie tenebris, sed ut lucis filius ambulare conatur. Hinc ergo discamus, primum differentiam inter credentes & non credentes. Discrimen enim ab operibus petendum est, sicuti Dominus in alio loco ait: Bona arbor bonum fructum facit: Mala vero malum producit fructum. Deinde etiam discamus, quòd lux Euangelij non ferat, ut veteribus tenebris inuoluamur. Huc tot Christi adhortationes & Apostolorum. Apud Matthæum ait Dominus: Sic luceat lux vestra coram hominibus, ut glorificent Patrem cœlestem. Et Paulus ait: Lucis filij estis tanquam in luce ambulate. Ad eundem modum & Petrus: Ad quem accedentes lapidem viuum, ab hominibus vero reprobatur, à Deo quidem electum & honorificatum, & ipsi tanquam lapides viui superædificamini domus spirituales, sacerdotium sanctum, offerentes spirituales hostias acceptas Deo per Iesum Christum. Nemo igitur cogitet per Euangelium datam esse licentiam peccandi.

Math: 7.

Math: 5.

Eph: 5.

1 Pet: 2.

di. Euangelium à peccato liberat, quare non vult vt liberati amplius peccati iugo se submittant. Si, inquit saluator, filius vos liberauerit, verè liberi eritis: Qui facit peccatum, seruus est peccati. Cum igitur liberi simus per Iesum Christum, libertate nostra ita vtamur, vt simus serui non peccati, sed Dei, per Christum Iesum Dominum nostrum, cui honor in secula, A M E N. Joan: 8.

FERIA TERTIA

PENTECOSTES,

I O H A N. IO.

A Men amen dico vobis, qui non intrat per ostium in stabulum ouium, sed ascendit aliunde, ille fur est & latro. Qui autem intrat per ostium, pastor est ouium. Huic ostiarius aperit, & oues vocem eius audiunt. Et proprias oues vocat nominatim, & educit eas: Et cum proprias oues emisit, ante eas vadit, & oues illum sequuntur, quia nouerunt vocem eius. Alienum autem non sequuntur, sed effugient ab eo, quia non nouerunt vocem alienorum. Hoc prouerbum dixit eis Iesus: Illi autem non cognouerunt quæ essent, quæ loqueretur eis. Dixit ergo eis iterum Iesus: Amen amen dico vobis, ego sum ostium ouium. Omnes quotquot ante me venerunt, fures sunt & latrones, sed non audierunt oues eos. Ego sum ostium, per me si quis introierit, seruiabitur, & ingredietur & egredietur & pascua inue-

inueniet, Fur non venit, nisi vt furetur, & mactet ac perdat. Ego vero vt vitam habeant, & abundantius habeant.

ENARRATIO TEXTVS.

HEri audiuimus de vita aterna, quam consequimur fide Christi: hodie nobis monstratur verum ostium & ostiarius, ne quis à vera vitæ æternæ ianua aberret & querat viam aliam, aut ostium per quod ad vitam peruenire non potest. Vt autem hunc Euangelij textum melius intelligamus, obseruanda est eius occasio, & scopus, vnde summa sententiæ colligetur. Occasio fuit: Christus sanauit hominem cæcum, qui cæcus à natiuitate fuerat: quo facto suam declarauit diuinitatem, & se Messiam olim promissum ostendit. Verum Pharisei & Scribæ, qui tum habebantur pastores populi Dei, offendebantur, vt qui Christo honorem Messie & pastoris verè promissi inuidebant: contra quorum impietatem Christus se tuetur & verum pastorem esse defendit. Scopus ergo est, vt monstret verum ouile, id est, veram Ecclesiam definiat, cuius ipse solus sit verus pastor. Habemus occasionem & scopum huius concionis: Summa autem est, quòd & confutat Scribas, qui se pro veris pastoribus venditarunt, & se asserit verum pastorem esse, in cuius ouili sunt quotquot audiunt ipsius vocem, & se sequuntur, & ab alienis, id est, à falsis pastoribus discedunt.

Locī duo;

I. De

I. De falsis pastoribus.

II. De vero pastore & ouili vero.

DE PRIMO.

[Amen amen dico vobis, qui non intrat per ostium in ouile ouium, sed ascendit aliunde, ille fur est & latro. Hæc descriptio est falsi Prophetæ, & vnus proposito exemplo, omnes falsos Prophetas intelligit. Falsus Prophetæ est, qui non intrat per ostium. Quid est non ingredi per ostium? Est aliam salutis viam proponere, quam solum Christum. Quicumq; igitur à Christo aberrat, ab ostio aberrat, & est falsus pastor. Arrius negauit Christi diuinitatem, aberrauit ergo ab ostio, Est enim Christus verus Deus. Fontinus Christi humanitatem negauit, aberrauit igitur ab ostio, Est enim Christus homo verus. Sabellius posuit in Christo duas personas, aberrauit igitur ab ostio, Est enim Iesus Deus & homo vnus Dominus et vnus Christus. Papistæ dicunt, quod non solo Christi merito saluemur, errant igitur ab ostio, Christus enim solus mundi saluator est. Pharisei & Papistæ obtrudunt nobis humanas traditiones loco Euangelij, quare ab ostio aberrant & intrant in ouile, id est, in Ecclesiam per aliam doctrinam, quàm Moysis, Prophetarum, Psalmorum & Apostolorum, hoc enim est ascendere aliunde. Obseruemus igitur hinc veram notam falsorum Prophetarum, quæ est aliunde, quàm per verum Christi Euangelium, & per Christum ipsum ascen-

ascendere in ouile, & sumere sibi docendi officium. Hi falsi doctores sunt fures & latrones. Latrones dupliciter sunt. Primum quia sentiebant suam doctrinam satis esse ad salutem, & eam esse quæ sola pasceret, cum tamen non sit intellectus verbi nisi aperiente Christo & veluti recludente ostiū. Secundo, quia nouas etiā traditiones comminiscabantur, quas putabant ad salutem conducere: Quemadmodum etiam à Papistis factitatum esse manifestum est, qui hoc opus, hanc missam, hoc rosarium, hanc inuocationem sanctorum, hunc ordinem docuerunt salutem mereri. Fures præterea sunt: quia primum dolo veram doctrinam auferunt. 2. Corinth. II. sicut serpens Euam seduxit astutia. Deinde, quia postquam veram doctrinam suffurati sunt, obtrudunt impiam doctrinam, qua manus impiorum confortant & contristant cor iusti Ezech. 13.

Sed quid est quod postea in textu sequitur: [Quotquot ante me venerunt fures sunt & latrones?] Nonne Moses, Elias, Esaias, Heliseus, Hieremias, Daniel, & multi alij venerunt ante Christum? si venerunt ante ipsum, fuerunt fures & latrones, sicuti hic Dominus clarè pronunciat. Illi venire dicuntur ante Christum qui sine Christo veniunt, qui sine ipsius doctrina, & Spiritu veniunt. Verum sancti Dei Prophetæ venerunt cum Christi spiritu & doctrina: ergo non ante Christum venerunt, nec fuerunt fures & latrones: sed veri pastores ouilis Christi. Hinc recte Augustinus: Cum illo
veni-

veniunt qui cum verbo Dei veniunt. Ego, inquit, *Joan: 14.*
 sum via, veritas & vita. Si ipse est veritas, cum
 ipso veniunt qui veraces fuerunt. Quotquot ergo
 veniunt sine illo, sunt fures & latrones, id est, ad
 furandum & occidendum veniunt sponte. Fures
 quidem sunt, quia quod alienum est, suum esse di-
 cunt. Latrones, quia & quod sunt furati, occidunt.
 Videte ergo quantum periculum sit à falsis doctori-
 bus: oves Christi sibi vendicant, ut fures: easdem
 occidunt, ut latrones. Merito ergo Christus in Eu-
 angelio hortatur omnes, ut caveant sibi à Prophe- *Math: 7.*
 tis falsis, id est, à falsis pastoribus, qui veritatem
 Dei non adferunt.

DE SECVNDO.

[Qui autem intrat per ostium, pastor est ovium.]
 Hic de bono pastore agit, & definit bonum pastorem
 esse, qui per ostium intrat. Sunt autem quatuor ge-
 nera bonorum pastorum. Primum enim Deus ipse
 pastor suarum ovium dicitur, iuxta illud Hiere. 22.
 Ecce ego congregabo reliquias gregis mei de omni-
 bus terris, ad quas eiecerant eas, & conuertam
 eas ad rura sua & crescent & multiplicabuntur.
 Item Psal. 23. Dominus pastor meus, nihil mihi de-
 erit, in loco pascuæ me collocabit. Deinde, Christus
 Deus & homo, est etiam pastor verus, sicut in hoc
 Euangelio testatur, & nuper audiimus. Ego sum
 pastor bonus: quod inde probavit, quod suas oves
 vita redemerit. Tertium genus pastorum, sunt pij

g

docto-

Hyr: 23

Jo: 21

doctores, de quibus loquitur Dominus apud Hieremiam: *Suscitabo inter eos pastores & pascunt. Et Christus Petrum pastorem facit, cum ait: Pasce oves meas.* Quartum genus pastorum est magistratus civilis. Unde David rex, pastor populi dicitur: & olim reges pastores populorum dicebantur. Verum de primo & ultimo genere pastorum non loquitur Dominus in hoc Evangelio: sed tantum de medijs generibus, hoc est, de se ipso & alijs pijs doctoribus Ecclesie: De quibus nonnihil dicam: sed brevius, quia nuper de hac materia dictum est. Bonus igitur pastor in genere est: Primum, qui intrat per ostium, id est, qui cum Christo venit & adfert verum Evangelium, quemadmodum Propheta & Apostoli olim fecerunt, & hodie omnes quotquot sincerè docent Evangelium. 2. pascit oves, non caduco, sed salutari pabulo, scilicet vivifico verbo Dei. 3. ostiarius hic aperit, id est, Christus facit ut verbum sit efficax & proficiat ouibus ad salutem. Nisi enim Christus aperit frustra laboratur, nec oves efficaciter pascuntur. 4. proprias oves vocat nominatim, hoc est, novit suas oves amat & cura singulari complectitur. 5. vadit ante eas. Quomodo? Doctrina, vita & cruce. Debet enim bonus pastor esse forma gregis in doctrina, vita & cruce. 6. oves illum sequuntur, scilicet in doctrinae puritate, in vite sanctimoniam, & patientia sub cruce. Sed quare oves sequuntur illum? 1. Quia vocem eius agnoscunt. 2. Quia ab alieno fugiunt. Nam eius vocem non novierunt.

uerunt. Habemus hic descriptionem non solum veri pastoris: verumetiam verarum ouium quæ in vno sunt ouili summi pastoris Dei. Quid est ouile? Est Ecclesia Catholica. Quæ sunt oues? omnes qui vocem pastoris audiunt, eum sequuntur & fugiunt ab alienis pastoribus, qui reuera non sunt pastores: Sed fures & latrones. Hic tenendæ sunt differentiæ veræ Ecclesiæ & falsæ Ecclesiæ. Veræ Ecclesiæ propriæ notæ sunt hæ, quas qui non habet, sciat se non esse de ouili Christi.

Quæ sunt istæ notæ veræ Ecclesiæ seu veri ouilis Christi? Prima est vox incorrupta doctrinæ cælestis, iuxta illud: Oves meæ vocem meam audiunt. 2. Usus Baptismi integer. 3. vsus cænæ dominicæ iuxta Christi institutionem. 4. vsus clauium iuxta mandatum Christi. 5. crux. 6. mutua ouium Christi charitas. 7. mutua pro se inuicem preces. 8. conseruatio ministerij verbi. Hæ sunt veræ notæ Ecclesiæ Christi, quas paucioribus verbis comprehendere licet: vt dicamus primam notam esse ouium Christi, incorruptam Euangelij vocem. Secundam, legitimum usum Sacramentorum. Tertiam, obedientiam erga ministerium verbi. In his enim tribus continentur octo illæ quas posui.

Habemus in genere, quis sit bonus pastor, & quæ sint veræ oues: nunc ea accommodemus ad exempla. Primum ad Christum summum pastorem & eius oues. Deinde ad alios verbi ministros qui sub Christo pastore, etiam dicuntur pastores.

Christus probat se bonum pastorem esse ex eo, quod vitam suam ponat pro ouibus, is enim de cælo descendit, ut quæreretur, quod perierat, ut sanaret quod languidum erat, & consolidaret vulnera ouibus à lupis inflicta. Hic præcessit oues doctrinæ puritate, vitæ innocentia & cruce: hic pascit oues saluifico pabulo Dei, id est, verbo Euangelij: hic oues errantes colligit: hic lupos pedo suo arcet: Breuiter, nihil charius habet salute suarum ouium. Huius oues sunt Abel, Abraham, Isaac, Iacob, David, Ioseph, Anna, Maria, Simeon & multi alij, qui relictò errore, voci Christi præbuerunt aures, eum sequentes in doctrina, vita & cruce, quem etiam suo tempore sequentur in gloria. Si enim cum illo patimur, cum illo glorificabimur. Huius oues sunt hodie quotquot Euangelio credunt, & Christum vera confessione & pietate colunt.

Quem autem fructum oues Christi à suo pastore, qui & ostium est & ostiarius, expectabunt, Christus ostendit, cum inquit: [Per me si quis introierit, saluabitur, & ingredietur & egredietur, & pascua inueniet.] Hoc est, si quis relictis tenebris, me lucem secutus fuerit, ingredietur scilicet fide, & egredietur confessione, pietate & charitate, & pascua inueniet scilicet per verbum vitæ in hoc mundo, & eternam beatitudinem in futura vita.

Deinde sunt boni pastores omnes pij ministri verbi, qui exemplum Christi in pascendis ouibus sequuntur. Talis fuit Helias, talis Hieremias, talis Esaias,

Esaias, tales Apostoli, tales hodie omnes qui Christum sincerè prædicant. & oues præcedunt doctrina, vita & cruce, qui lupos non fugiunt: sed arcent ab ouili Christi gladio spiritus & ardentibus precibus. Hi etiam habent proprias oues, eos qui eorum vocem audiunt, ac ipsos sequuntur in doctrina, pietate & patientia. Quid? An non oues ad solum Christum pertinent? Pertinent quidem. Quomodo ergo dicit eas pastorum esse, qui eas pascunt? Sunt pastorum si curam spectes: solius vero Christi si possessionem & verum dominium. Is enim suo precioso sanguine sibi oues suas acquisiuit. Verum quia nuper etiam audiuius concionem de pastore & ouibus, nolo hic plura dicere: sed commendo vos omnes summo pastori nostro Iesu Christo, cui cum Patre & Spiritu sancto sit honor & gloria in sæcula, AMEN.

DOMINICA TRINITATIS, EVANGE-

LIVM IOHAN. 3.

ERat homo ex Pharisæis, Nicodemus nomine, princeps Iudæorum. Hic venit ad Iesum nocte, & dicit ei: Rabbi, scimus quod à Deo veneris magister. Nemo enim potest hæc signa facere, quæ tu facis, nisi fuerit Deus cum eo. Respondit Iesus, & dixit ei: Amen amen dico tibi: Nisi quis natus fuerit è supernis, non potest videre regnum Dei. Di-

g 3

cit

cit ad eum Nicodemus : Quomodo potest homo nasci cum sit senex ? Num potest in ventrem matris suæ iterum introire ac nasci ? Respondit Iesus : Amen amen dico tibi, Nisi quis natus fuerit ex aqua & spiritu, non potest introire in regnum Dei. Quod natum est ex carne, caro est, & quod natum est ex spiritu, spiritus est. Ne mireris quod dixi tibi, Oportet vos nasci è supernis. Spiritus ubi vult, spirat, & vocem eius audis, sed nescis vnde veniat, & quo vadat: Sic est omnis qui natus est è spiritu. Respondit Nicodemus & dixit ei: Quomodo possunt hæc fieri ? Respondit Iesus, & dixit ei. Tu es ille magister Israelis, & hæc ignoras? Amen amen dico tibi, quod scimus loquimur, & quod vidimus, testamur, & testimonium nostrum non accipitis. Si terrena dixi vobis & non creditis, quomodo si dixerò vobis cœlestia, credituri sitis ? Et nemo ascendit in cœlum, nisi qui descendit è cœlo, filius hominis qui est in cœlo. Et sicut Moses exaltauit serpentem in deserto, ita exaltari oportet filium hominis, vt omnis qui credit in eum, non pereat, sed habeat vitam æternam.

ENARRATIO TEXTVS.

HO C festum merito nostri symboli seu fidei Festum dici poterit. Est enim institutum, vt doceatur in Ecclesia de Deo, qui est vnus & verus in essentia, trinus in personis, & de eius erga Ecclesiam

siam beneficijs. Nam postquam superioribus dominicis de Christo eiusq; beneficijs, de dilectione Patris mittentis filium in mundum, de missione Spiritus sancti ad confirmandum Christi Euangelium dictum est: commodum iudicauit Ecclesia hæc omnia simul coniungere, & de ijs hoc die docere: quò breuiter in memoriam, quæ fusiùs declarata sunt, reuocentur. Proponit autem Ecclesia hunc textum Euangelicum, quem audiuistis, sapienti consilio. Nam in eo beneficia Dei erga Ecclesiam proponuntur. Ut enim Pater filium mittit, vt fiat victima pro peccato: ita Spiritus sanctus datur, qui credentes ad vitam æternam regenerat. Est ergo summa presentis Euangelij, quod regenerati fide Christi, sint hæredes vitæ æternæ, beneficio & merito Christi, quem Pater misit. Ut autem certum teneamus ordinem, in hac concione dicam:

I. De noticia Dei.

II. De spiritali regeneratione.

III. De consolatissimo Christi dicto: Sicut Moses exaltauit serpentem in deserto: ita oportet exaltari filiū hominis, etc.

DE PRIMO.

Cum noscere Deum sit vita æterna, opera precium est, vt homines ad veram noticiam Dei aspirarent. Est autem noticia Dei duplex. Una est gentilis, naturalis & Philosophica, & hæc est imperfecta. Nam mundi sapientes, qui verbo Dei non

g 4

erant

TEXTVS.

*Symboli seu fidei
e institutum, vt de
vnius & vnius
e eius erga Eccle
siam*

erant instituti, in quatuor errarunt. 1. in substantia. 2. in personis. 3. in prouidentia. 4. in voluntate. Epicuræi ab omnibus exploduntur, qui negarunt vllum Deum esse. Sapientes, qui vnum Deum sunt confessi, errarunt in substantia: nam non putarunt hunc esse Deum, qui est Pater, Filius & Spiritus sanctus. Nec rectè iudicarunt de personis. Prouidentiam Dei quidam sustulerunt: quidem vniuersalem negarunt, putarunt enim Deum maxima curare, non autem hæc terrena. Voluntatem Dei de gratuita misericordia ignorarunt prorsus, at quòd punire velit aliquando contumaces propriæ conscientie testimonio admonebantur. Sed vnde gentes hanc qualemque, noticiam Dei habuerunt? Dauid & Paulus ex creatura eas hanc de Deo noticiam habuisse testantur. Paulus enim Roman. 1. ait: Id quod de Deo cognoscitur, manifestum erat ipsis. Deus enim eis manifestauit. Nam quæ eius sunt inuisibilia, dum per res creatas intelliguntur ex creatione mundi peruiidentur, æterna scilicet eius tum potentia, tum diuinitas, ad hoc, vt sint ipsi inexcusabiles. Dauid dicit: Cæli enarrant gloriam Dei & opera manuum eius annunciat firmamentum: Hoc est, Cælum quod videmus ostendit Deum opificem. Summa autem cognitionis Philosophicæ de Deo huc redit. Primum homo res conditas contemplan huc perducitur, vt aliquem esse fateatur à quo hæc omnia sint condita, & cuius virtute administrantur cuncta: inde vero ad æternam eius potentiam

Psalm: 19.

tentiam ac diuinitatem peruehatur necesse est. Si-
quidem eum, qui omnia condiderit, rebus omnibus
conditis antiquiorem, ac proinde æternum esse oportet:
& incredibilis ista vis quæ tantæ moli regendæ
sufficiat, excellentior sit necesse est quauis alia eti-
am præstantissima virtute. Id ipsum autem est,
quod Deum vocamus: qui rursus nisi vnus sit, cer-
te neq; is sit, qui omnia condiderit neq; qui omnia
administret, ac proinde nec æternus neq; omnipo-
tens, deniq; nec Deus fuerit. Hæc summa noticiæ
Dei est apud mundi sapientes: Cuius noticiæ vsus
est triplex. Primus, vt homines Deum ex creaturis
agnoscant. 2. vt agnitum venerentur. 3. vt non co-
lentes Deum agnitum sint inexcusabiles. Primus
& secundus proprius est finis noticiæ Dei. Tertius
est accessorius hominum culpa. Altera noticia Dei
est ex scriptura seu ex verbo Dei, quæ noticia sum-
matim in symbolo continetur Apostolico, quæ est,
vt credamus esse vnum Deum: vt credamus esse
tres personas in vna diuinitate: vt cognoscatur
voluntas Dei, & eius erga Ecclesiam beneficia: vt
modus à nobis intelligatur per quem beneficiorum
sanctæ Trinitatis participes fieri possimus.

Verum vt hæc Dei noticia plenior à nobis habe-
ri possit, quatuor membra de hac salutari Dei noti-
cia proponam & explicabo: quorum primum erit
confirmatio, quod tantum sit vnus Deus. Secun-
dum, ostensio quod sint tres persone in vna diuinita-
te. Tertium, quid in singulis personis sit spectan-

dum. Quartum, quinam sit salutaris vsus noticiae Dei.

P R I M V M, confirmatio petenda est ex testimonijs. Testimonia autem confirmantia unitatem Dei sumam ex Mose, Prophetis, Psalmis & Apostolicis scriptis. Moses Exod. 20. Deut. 5. ait: Ego Dominus Deus tuus qui eduxi te de terra Aegypti, non habebis alios Deos coram me. Deut. 6. Audi Israel, Dominus Deus noster Deus vnus est. Esaiæ 43. Ante me non est formatus Deus & post me non erit. Ego sum Ego sum Deus, & non est absq; me saluator. 44. Ego primus & nouissimus & absq; me non est Deus. Psal. 18. Quis Deus præter Iehouah, & quis fortis præter Deum nostrum. Paulus 1. Corinth. 8. Scimus quod non sit alius Deus quam vnus. 1. Tim. 2. Vnus est Deus. Hæc testimonia & multa alia, vnum esse Deum euidenter conuincunt, id quod etiam Catholica confitetur Ecclesia, dum ait: Credo in Deum vnum.

S E C V N D V M de personis. Esse autem tres personas in vna diuina natura, non multiplicata, sed vna numero manente, ratio non capit. Quare potius hoc ministerium est venerandum, quam scrutandum. Hinc Bernardus: Scrutari hoc temeritas est, nosse vero vita est æterna. Et Salomon: Scrutator maiestatis opprimitur à gloria. Quare hic rationem nostram sub verbo Dei captiuam teneamus, & scripturæ testimonijs de tanto mysterio credamus. Cur autem Ecclesia credat tres esse personas in
vna

una diuina natura, hæc est ratio : Unus tantum est Deus, quod iam multis testimonijs probatum est, Pater est Deus, Filius est Deus, Spiritus sanctus est Deus, Ergo Pater, Filius & Spiritus sanctus vnus est Deus. Quod autem Pater sit Deus, similiter Filius & Spiritus sanctus, probatur quadrupliciter. 1. ex claris scripturæ verbis. 2. ex operibus. 3. ex cultu qui debetur Patri, Filio & Spiritui sancto. 4. ex Ecclesiæ perpetuo consensu.

Clara scripturæ verba sunt Matth. 3. Pater sonat de cælo : filius stat in fluuio : Spiritus sanctus descendit, vt columba, super Christum. 1. Iohan. 5. Tres sunt qui testimonium perhibent in cælo, Pater, verbum & Spiritus sanctus, & hi tres vnum sunt.

Deinde idem opera ostendunt, Pater creat, Filius creat, & Spiritus sanctus creat : Pater iustificat, Filius iustificat, Spiritus sanctus iustificat : Pater omnia gubernat, Filius omnia gubernat, & Spiritus sanctus omnia gubernat. Hæc opera creationis, iustificationis, & gubernationis Dei sunt propria. Quare cum hæc Patri, Filio & Spiritui sancto communiter tribuantur, diuinam eorum naturam fateri necesse est.

Idem confirmat & cultus. Pater inuocatur, Filius inuocatur, Spiritus sanctus inuocatur : nunc autem solus Deus inuocandus est, & in solum Deum credere licet : Quare Pater, & Filius, & Spiritus sanctus Deus vnus est.

*Huc & testimonium Ecclesiæ pertinet. Hæc est
autem*

autem fides Catholica, vt vnum Deum in Trinitate, & Trinitatem in vnitatem veneremur, non confundentes personas, nec substantiam diidentes. Nam alia est persona Patris, alia filij, alia Spiritus sancti.

TERTIVM de ijs quæ spectanda sunt in personis. In personis spectanda sunt quinque. 1. essentia. 2. persona. 3. personalis distinctio. 4. opus. 5. voluntas.

Essentia seu natura eadem est Patris, Filij & Spiritus sancti. Non est enim aliud Pater, aliud Filius, aliud Spiritus sanctus: Nam vna est diuina essentia & natura simplex: atque ideo dicitur Pater esse in Filio & Spiritu sancto: Filius in Patre & Spiritu sancto: Spiritus sanctus in Patre & filio.

ALTERVM quod spectandum est in Trinitate, est persona, videlicet quod alia sit persona Patris, alia Filij, alia Spiritus sancti. In hac personarum Trinitate, nihil est prius, nihil posterius, nihil maius, nihil minus: idque nec tempore, quia omnes personæ sunt coeternæ: nec natura, quia omnes sunt vnius & eiusdem essentiae: nec dignitate, quia sunt coæquales: nec intellectu, quia simul intelliguntur.

TERTIVM, quod est spectandum in personarum Trinitate, est personalis distinctio. Hic primum obseruandum est, quomodo Deus à creaturis discernatur: Deinde, quomodo personæ diuinæ à se inuicem distinguantur. Distinctiones, quibus Deus à creaturis distinguitur, sunt hæc. 1. in vna & indi-
uidua

vidua natura non multiplicata, sunt tres personæ.
 2. Deus est mens aterna. 3. Deus est creator. 4.
 Deus est in mundo & supra mundum. 5. Deus est
 in omni loco & in nullo loco. Hæ quinque proprietates
 soli Deo competunt, & nulli creaturæ.

Personæ à se inuicem distinguuntur duplicibus
 proprietatibus, interioribus & exterioribus. Inte-
 riores sunt gignere, nasci, procedere. Solus pater
 gignit filium: solus filius nascitur è Patre: solus
 Spiritus sanctus procedit ab utroque. Exteriores pro-
 prietates sunt, mittere & mitti. Solus Pater mit-
 tit: filius & Spiritus sanctus mittuntur, sed diuer-
 simodè. Filius missus assumpsit humanam natu-
 ram, in qua victima factus est: Mittitur Spiritus
 sanctus in corda, ut nouam lucem in cordibus in-
 cendat.

QVARTVM, quod in personis considerandum
 dixi, est opus Trinitatis. Hic obseruanda est regu-
 la Augustini. Opera diuinitatis ad extra sunt in-
 diuisa: sed seruata cuiusque personæ proprietate. Pa-
 ter creat, Filius creat, Spiritus sanctus creat. Pa-
 ter regenerat, Filius regenerat, & Spiritus sanctus
 regenerat. Sed Pater creat per Filium, & res crea-
 tas Spiritus sanctus conseruat. Pater regenerat in
 Filio per Spiritum sanctum.

QVINTVM, quod considerandum in personis
 dixi, est voluntas: quæ qualis sit docent. 1. facta
 præterita & præsentia. 2. præcepta. 3. comminatio-
 nes & promissiones legales. 4. promissiones Euan-
 gelij.

geli 5. exempla. 6. ἀποστολὴν ἴα, seu quod non sit acceptor personarum. Hæc omnia simul docent, quod Deus irascatur peccantibus & velit eos punire, & quod velit peccatum remittere omnibus ad mediatorem confugientibus, & dare eis vitam æternam, nulla nationum, aut populorum habitatione.

Iam usus restat qui est multiplex. Primum igitur hæc recte formabunt iudicium nostrum de Deo. Talem enim Deum agnoscere debemus, qualem se patefecit verbo & testimonio, iuxta versiculum: Ecce Deum credas quod de se prædicat ipse. Secundo hæc docent nos recte sentire de creatione quæ est opus totius Trinitatis. 3. Recte sentire, de reparatione generis humani, quæ est etiam opus totius Trinitatis, ut supra dictum est. 4. Hæc confirmant Articulos fidei nostræ de Deo & Trinitate. 5. Hæc nos ad recte inuocandum instruunt. Inuocatio enim in hunc solum Deum est dirigenda, qui est Pater, Filius & Spiritus sanctus. 6. Nos hæc monent, ut sollicitè & sanctè viuamus, tanquam in Dei conspectu. Hæc sint de Deo & Trinitate dicta, quæ omnia in symbolo nostro breuiter indicantur.

DE SECVNDO.

[Nisi quis renatus fuerit ex aqua & Spiritu, non potest intrare in regnū Dei.] Hæc est secunda doctrina quam proposui, quæ ut melius intelligatur, duo sunt observanda. Primum cum quo loquatur Christus.

stus. Alterum, quæ fuerit huius dicti occasio. Qualis autem fuerit cum quo loquutus est Christus exponit textus. Fuit vir honestus & nobilis: fuit princeps Iudæorum fuit Phariseus, qui vixit inculpate secundum legem. Occasio autem fuit hæc. Nicodemus venit ad Christum nocte, qui, ut Phariseus, iudicauit se iustum ex legis operibus, sacrificijs & sabbatismis: quare mirabatur Iohannem nouam doctrinam proponere de iusticia & Baptismo, quam ipse legis doctor ignorabat. Huius igitur iudicium præuenit Christus hoc dicto. Nisi quis natus fuerit denuo non potest intrare in regnum Dei. Ad hæc verba stupefcit Nicodemus & ait: Quomodo potest homo cum sit senex iterum nasci? cui Christus: [Amen dico tibi nisi quis renatus fuerit ex aqua et spiritu, non potest intrare in regnum Dei.] Hic Christus dicit se non de carnali natiuitate, quemadmodum eum intellexit Nicodemus loqui: sed de spiritali, quam necessariam esse probat ex eo, quod prior nostra natiuitas sit immunda. [Quod natum (inquit) est ex carne, caro est.] Id est, quicquid nascitur in hac viciositate naturæ, immundum & reum est, atq; ideo regni Dei non est capax. Huc addit modum regenerationis: [Spiritus ubi vult spirat, et vocem eius audis, sed nescis vnde veniat, aut quo vadat: sic est omnis qui natus est ex spiritu.] Hoc est, quemadmodum ventus tum primū sentitur, quando spirat tametsi nemo nouit vnde veniat, aut quo vadat: Ita spiritalis hæc regeneratio fit

occul-

occulto quodam modo virtute Spiritus sancti, quæ cum facta est, sentitur per noui hominis novos motus.

Verum vt hæc intelligamus, obseruanda sunt organa & instrumenta huius spiritualis natiuitatis. 1. Semen huius natiuitatis est verbum Euangelij, quod annunciatu voce ministrorum. 2. Spiritus sanctus, qui in prædicatione Euangelij est efficax, operatur fidem, qua & assentimur verbo Dei, & statuimus nobis Deum esse propitium propter filium, & simul innouat naturam ad nouam obedientiam. 3. Cum hæc beneficia accipiuntur fide, tanquam in agrum cordis, homo regeneratus mox sentit in se motus Spiritus sancti, aqua foris adhibetur, tanquam sigillum internæ regenerationis, & testimonium collatæ gratiæ Christi. Huius regenerationis effectus conspiciuntur in mente, in affectibus, in voluntate, in externis operibus. Nam mens luce Dei illustratur, affectus purgantur, voluntas fit prompta, & obedientia noua omnium virium inchoatur. Breuiter, qui credit regeneratus est.

DE TERTIO.

[Sicut Moses exaltauit serpentem in deserto, ita oportet exaltari filium Dei, vt omnis qui credit in ipsum non pereat, sed habeat vitam æternam.] Historia exaltati serpentis in deserto est in quarto libro Moysis cap. 12. quam figuram hic Christus ad suam personam applicat dicens: Sicut Moses exaltauit

tauit serpentem. Hoc Christi dictum multa continet. PRIMVM enim aperte testatur, quod lex non tollat peccatum, Nam si lex tolleret peccatum, non opus esset expiatione per victimam Christi. Deinde cur sit datus Messias, & cur filius Dei assumpserit humanam naturam indicat. Datus est enim ut exaltaretur in cruce, & ita per eum salus mundo contingeret. Præterea ostendit hoc dictum, Christi regnum spirituale esse et æternum. Tum docet qualis sit iusticia, qua consistimus coram Deo, seu quomodo participes reddamur beneficiorum Christi, videlicet cum credimus in Christum exaltatum, id est, mortuum in ara crucis. Postremò dulcissima est consolatio hic proposita, quod gratia hæc, quæ est in cælum aditus, offeratur omnibus: Id quod indicat vniuersalis particula OMNIS qui credit. Nos igitur bonam spem concipiamus de salute, quæ omnibus offertur per IESVM CHRISTVM, Cui cum Patre & Spiritu sancto sit honor in sæcula sæculorum, AMEN.

DOMINICA

PRIMA POST TRINITATIS,

EVANGELIUM LVCAE 16.

Homo quidam erat diues, qui induebatur purpura & bysso, & epulabatur quotidie splendide. Erat autem quidam mendicus, nomine Lazarus, qui iacebat ad h ianuam

ianuam eius hulcerosus, cupiens saturari de micis, quæ cadebant de mensa diuitis. Sed & canes veniebant, ac lingeabant hulcera eius. Accidit autem ut moreretur mendicus, & deportaretur ab angelis in sinum Abraham. Mortuus est autem & diues, ac sepultus est, atq; in tartaro sublati oculis suis, cum esset in tormentis, vidit Abraham eminus, & Lazarum in sinu eius. Et ipse clamans dixit, Pater Abraham, miserere mei, & mitte Lazarum, ut intingat extremum digiti sui in aquam, ac refrigeret linguam meam, quia crucior in flamma hac. Dixit autem Abraham: Fili recordare quod receperis bona tua in vita tua, & Lazarus similiter mala. Nunc autem hic solatio fruitor, tu vero cruciaris. Et super hæc omnia inter nos & vos hiatus ingens firmatus est, ut ij, qui volunt hinc transire ad vos, non possint, neq; isthinc huc transcendere. Ait autem. Rogo ergo te Pater, ut mittas eum in domum patris mei: habeo enim quinq; fratres, ut testificetur illis, ne & ipsi veniant in hunc locum cruciatus. Ait illi Abraham: Habent Moysen ac Prophetas, audiant illos. At ille dixit: Non pater Abraham, sed si quis ex mortuis ierit ad eos, resipiscunt. Ait autem illi: Si Moysen & Prophetas non audiunt, neque si quis ex mortuis resurrexerit, credent.

ENARRATIO TEXTVS.

A Do-

A Dominica Aduentus huc vsq; proposita est doctrina de singulis articulis fidei nostræ: nunc in sequentibus dominicis, vsq; ad Dominicam Aduentus, agitur de miraculis Christi, de fidei natura verisq; fructibus: idq; ideo, vt miraculorum doctrina confirmetur Euangelij veritas, vtq; doctrina de fide, & fructibus eius nos ad bona opera excitet. Docet autē Christus de bonis operibus quinque modis. 1. Interdum enim simplici doctrina est contentus, vt cum dicit: Estote misericordes: agite pœnitentiam: facite fructus pœnitentia dignos. Interdum suum exemplum proponit, quod suos vult imitari, vt cum dicit: Discite à me, quia mitis sum & humilis corde. Interdum proponit parabolas: vt de bono villico, de virginibus decem, de semine in terram iacto, quales multe sunt passim in Euangelicis historijs. Interdum minis vtitur, vt cum dicit: Nisi abundauerit iusticia vestra, plus quam scribarum & Phariseorum, non intrabitis in regnum cœlorum. Item: Ue vobis scribæ, Pharisei, hypocritæ, &c. Interdum proponit præmia & pœnas in illustribus exemplis, quemadmodum in hoc Euangelio facit. Breuiter, nihil non agit Dominus, vt suos honestæ vitæ studiosos faciat.

Iam accedamus ad hodiernum Euangelium: Cuius summa est, quod Christus Dominus propositis duobus exemplis, debortetur ab impietate & crudelitate aduersus pauperes, & exhortetur ad pietatem & constantiam in ferendis arumnis

h 2

huius

huius vitæ. Nam vt diuitis Epulonis exemplo docet, quæ pœna maneat impios: ita pauperis Lazari exemplo hortatur ad pietatem & honestam vitam in timore Dei. Usus ergo erit, vt diuites & crudeles erga suos proximos videant, tanquam in tabula, quas pœnas olim luent, si non resipiscant mature. Deinde, vt pauperes, pijs & afflicti in hac vita huius pauperis Lazari exemplo se erigant, & patienter expectent liberationem & beatam requiem, si in fide ad mortem perseuerauerint. Loci tres:

I. Descriptio huius Epulonis, cum suis doctis.

II. Descriptio Lazari, cum suis consolationibus.

III. Dictum Domini: Habent Moysen & Prophetas.

DE PRIMO.

[Homo quidam erat diues, qui induebatur purpura & bysso.] In hoc primo loco quatuor sunt obseruanda: quæ sunt, 1. generalis reprehensio eorum, qui sunt crudeles in pauperes. 2. causa damnationis huius diuitis. 3. verus vsus diuitiarum. 4. status animarum impiorum post hanc vitam.

PRIMUM ergo cum hic Epulo damnatur, in genere reprehenduntur omnes, qui sunt duri in pauperes, & qui cum ipsi affluunt diuitijs, nulla cura pauperum tanguntur, quales multi sunt in mundo. Hæc reprehensio etiam ad eos pertinet, qui neq; consilio,

filio, neq; re ministerium verbi, aut egentia Ecclesie membra iuuant: quare vnusquisq; apud se cogitet, & huius Epulonis damnatione admonitus sapere discat.

Causa damnationis huius Epulonis non sunt diuitie & splendor vestium, & delicia in cibis, modo temperatae fuissent, quod ex ipso Euangelio patet. Nam pauper Lazarus in diuitis Abrahami sinum receptus est. Si enim diuitie fuissent efficaces causae damnationis, damnatus fuisset & Abraham: damnatus fuisset Dauid, & multi reges, & alij qui diuites fuerunt. Verum diuitie, splendor & huiusmodi alia, occasio possunt esse damnationis, quando videlicet homines istis abutuntur in contumeliam Dei & contemptum proximi, in superbiam & luxum. Sed quae fuerunt causae damnati huius Epulonis? tria horrenda mala quae in textu diserte notantur: quorum primum fuit securitas carnalis, quae habuit secum haec mala, quod non egerit poenitentiam, quod nullum sensum iudicii & irae Dei habuerit, quod nulla cura officij tangeretur. Nam haec perpetuo secum habet carnalis securitas. Alterum malum, propter quod damnatus fuit hic Epulo, erat luxus & crapula, quibus & corpora & animae grauantur, ne quid possint homines de rebus suae salutis cogitare. Tertium malum, quod causa fuit damnati Epulonis, erat neglectus Lazari, quae res satis indicat, quod nullam fidem habuerit: vbi enim fides vera est, non potest in miseros & egenos esse

crudelitas. Propter has tres causas damnatus est Epulo: cuius exemplo multi quotidie ad damnationem certam properant, qui suis diuitijs securitatem, crapulam & neglectum membrorum Christi fouent. Quare si nobis salus cordi est, maturè resipiscamus, caueamusq; ne donis Dei in nostram perniciem abutamur.

TERTIO loco, ex hoc exemplo colligendum est per contrarium, quis sit verus vsus diuitiarum: qui verus vsus in his quatuor est positus.

PRIMVS est, vt conferamus partem nostrarum facultatum ad conseruationem ministerij, hunc vsum confirmat primum finis hominis. Est enim homo conditus, vt Deum agnoscat & celebret. Quare & bona quæ habet ad istum finem referenda sunt. Deinde hunc vsum confirmant sepius repetita mandata Dei. Deus enim mandat, vt Ecclesiam nostris facultatibus iuuenimus. Præterea hunc vsum stabiliunt piorum regum & sanctorum aliorum exempla, qui nihil in votis magis habuerunt, quam suis diuitijs ministerium verbi ornare, & conseruare. Contra hunc primum & pium diuitiarum vsum peccant multi, inter quos sunt: Primum, qui suas diuitias conuertunt ad ruinam ministerij, quemadmodum multi tyranni olim & hodie faciunt. Deinde, qui auferunt bona Ecclesiastica & sibi occupant. Tum etiam, qui ex suis facultatibus nihil conferunt ad conseruandum ministerium verbi. Præterea & illi, qui vel precibus, vel artibus alijs bona

bona Ecclesiastica ad se honesto titulo transferunt, quasi essent Ecclesie ministri, cum sint prorsus canes muti, qui nec vnquam seruiuerunt Ecclesie, aut Reipub. nec possunt vnquam seruire, ventres pigri, & bestie inertes: qui tamen Prælati, Canonici & Vicarij & Abbates saluari volunt.

SECUNDVS verus & legitimus diuitiarum vsus est, vt earum partem conuertamus ad conseruandam & ornandam Rempubicam, in qua viuimus. Sunt enim Respublicæ Ecclesie hospitia: quibus etiam gratitudinem debemus, etiamsi alia commoda ad nos non peruenirent. Contra hunc vsum multi peccant, vt sunt: qui iusta tributa non soluunt: qui iniusta exigunt: qui tributa non conuertunt ad rerumpublicarum conseruationem, sed ad luxum & crapulam, & sæpe ad iniusta bella.

TERTIVS vsus rectus & legitimus diuitiarum est, vt vnusquisq; suum statum honeste tueatur sine sordibus. Contra quem vsum peccant primum, qui potationibus, commestationibus, vestibus suo statui non conuenientibus, suas res abliguriunt, quemadmodum multi faciunt. Deinde etiam auari, qui sordibus suis oblectantur, & suum statum honestè, vt decet, non tuentur, qui & malè vestiuntur, & malè edunt, cum interim eorum pecunia æruginè corrumpatur in arca.

QUARTVS diuitiarum verus vsus & legitimus est, vt partem aliquam in pauperes erogemus, & maximè in eos, qui cum paupertate pietatem

coniunxerunt. Est enim hæc potissima causa, cur Deus sinit esse pauperes inter nos, vt faciat periculum, an ipsius misericordiam imitari velimus, iuxta mandatum Christi: Estote misericordes, sicut Pater vester cælestis misericors est. Contra hunc vsum etiam multi peccant cum hoc diuite Epulone, cuius olim in supplicijs erunt socij, qui ipsum magistrum crudelitatis erga egenos in hoc mundo sunt secuti.

QUARTVM sequitur, quod in Epulonis exemplo considerandum dixi, videlicet, qualisnam sit status animarum eorum qui ex hac vita sine fide discedunt. Nam cum Christus dicit diuitem Epulonem apud inferos sublati oculis vidisse Abrahamum eminus, & petiisse intingi extremum digiti Lazari in aquam, ad refrigerandam linguam suam, depingit tabulam, quæ statum animarum impiorum post mortem repræsentat: in qua hæc notatur. 1. summus cruciatus & conscientie perpetuus vermis. 2. memoria crudelitatis quam exercuerant in miseros. 3. votum recreationis per eorum officia, in quos in hac vita crudeles erant. 4. quod non sit futurus finis tormentorum, & quod frustra expetatur vlla in tormentis refectio. Quod enim hic Dominus per colloquium Epulonis & Lazari depingit propter nostrum captum, id ipse Epulo in sua conscientia sensit, quam Dominus qui omnia nouit, ignorare non potuit. Hæc igitur impietatis pæna nos ad seriam penitentiam inuitet, ne inuiti ad pœnam pertrahamur.

DE

TRINITATIS.
DE SECVNDO.

461

[Et erat quidam mendicus nomine Lazarus, qui iacebat ad ianuam eius, vlceribus plenus, cupiens saturari de micis quæ cadebant de mensa diuitis, & nemo dabat.] In hoc Lazari exemplo multa sunt obseruanda, vnde nos & doctrinam & consolationem capere poterimus.


PRIMUM hic confirmatur concio Petri, qui dicit, iudicium à domo Dei incipere. Punit enim suos in hac vita Deus, vt tanquam freno quodam retineantur in officio. Si enim omnia succederent illis ex voto, ebrij facti fœlici rerum successu, à pietate deflesterent ad impietatem. Unde Moses de populo Iudaico dixit: Sedit populus manducare & bibere, & surrexit ad ludendum, hoc est, in idolatriam & alia scelera lapsus est. Quare memores simus dicti Pauli I. Cor. II. Cum iudicamur, id est affligimur, à Domino corripimur, ne cum hoc mundo damnemur. Ad paternum igitur Dei animum respiciamus, quoties duris afficimur in hac vita & cruce admoniti timeamus Deum piè & innocenter viuendo.

DEINDE hoc exemplo Lazari docemur non omnes coram Deo miseros esse, qui in hac vita sunt calamitosi: nec econtra omnes placere Deo, qui in hac vita videntur fœlices & beati. Lazarus in hac vita miser fuit: sed Deo erat charus. Epulo in hoc mundo fœlix: sed Deo displicebat. Quæ causa? Lazarus timuit Deum ex viua fide: Epulo autem

h 5 tem

1. Pet. 4.

Exod. 32.



tem DEVM non timuit: fide enim vacuus erat.

TERTIO, in Lazaro videmus exemplum providentiæ Dei. Iacet contemptus & spretus: verum cum nunc absq; omni consolatione iaceret, venerunt canes & linxerunt vlcera eius: quo significatur, quod Deus non sinat pios ita calamitatibus obrui, quin consolationes ærumnis admisceat. Neq; enim dubium, quin providentia Dei factum sit, vt canes venirent & lingerent vlcerosum in maiorem damnationem diuitis Epulonis & familiæ eius. Nam familia Domini sui impietatem est imitata, textus enim dicit, Et nemo dabat ei.

QUARTO, obseruemus hic communem sortem piorum & impiorum. Moritur Epulo, moritur & Lazarus. Mors quidem utriq; est communis, sed non mortis euentus. Epulo enim per mortem ad miseriam transiit: Lazarus vero ad felicitatem peruenit.

QUINTO, hic obseruetur in Lazaro Angelorum ministerium. Epulo viuum Lazarum contempsit: sed mortui animam Angeli deportant: qui in vita contemptus erat, in morte curatur & honoratur ab Angelis Dei. Neq; hoc in solo Lazaro accidit: sed quod de illo legimus, commune est omnibus pijs. Nam vt piorum animæ Deo curæ sunt: ita à sanctis Angelis in portum salutis & felicitatis deportantur.

SEXTO, in Lazari exemplo videmus qualis status sit animarum piorum post hanc vitam.

Depor-

Deportatur Lazarus in sinum Abrahamæ. Quid est
 sinus Abrahamæ? Sicuti Abraham ideo Pater fide-
 lium dictus est, quia penes ipsum depositum fuit æ-
 ternæ vitæ fœdus, quod fidei custodia seruatum fi-
 lijs suis primum, deinde cunctis gentibus quasi per
 manus tradidit, & filij eius vocantur, quicunq; e-
 iusdem promissionis sunt hæredes: Ita post mortem
 dicuntur in eius sinum colligi, quia eiusdem cum eo
 fidei fructum percipiunt. Nam quemadmodum filij,
 dum vespere ab operibus diurnis domi congregan-
 tur, & veluti in sinu paterno fouentur: ita pij post
 labores exhaustos in hac vita post mortem colli-
 guntur in beata requie, vbi bene & beatè habent
 vsq; ad resurrectionem mortuorum. Hic Abrahamæ
 sinus vocatur etiam Paradisus, vt in illo Christi
 dicto ad latronem: Hodie eris mecum in Paradiso: Luc: 23.
 vbi est, iuxta Psalmum, Abundantia leticiarum Psalm: 115.
 ex vultu Dei & perpetuæ iucunditates in dextera
 eius. Breuiter, Beati qui in Domino moriuntur,
 quia perpetuo cum Domino erunt, & perpetuo
 gaudio fruuntur.

Porro, quantum ad colloquium Abrahamæ &
 Epulonis attinet, sciendum est, quòd ista acciderunt
 spiritualiter. Ita enim apud se cogitauit Epulo in
 tormentis, & tale responsum accepit iste in propria
 conscientia.

SEPTIMO, observa in Lazaro imaginem Ec-
 clesiæ in hac vita. Est enim afflicta, & contemni-
 tur à potentibus & diuitibus huius mundi.

DE

[Habent Mosen & Prophetas, audiant illos.]
Hæc grauissima est admonitio inprimis utilis. Hoc enim dicto multi damnantur.

PRIMUM damnatur omnis, qui Mosen & Prophetas non recipit. Nam hi dati sunt diuinitus, ut ad Deum nos ducant, & salutis viam monstrent. Qui ergo hos non recipit, manet in sua damnatione.

SECUNDO damnantur recipientes, sed tamen pluris facientes humanas traditiones, & potius vitam instituunt iuxta præcepta hominum, quam iuxta præcepta Dei, contra apertum Dei interdictum. Ita enim ait apud Hieremiam cap. 20. In præceptis meis ambulate, & non in Præceptis Patrum vestrorum.

TERTIO damnatur hic Gregorius Papa, Anabaptiste & alij Enthusiastæ, qui nouas de cælo reuelationes quærent, ac magis fumis viciosi & melancholici cerebri, quam voci cælesti credunt: imo relinquunt verbum & prorsus abiiciunt.

QUARTO discamus hinc magnificare doctrinam Mosis, Prophetarum & Apostolorum, quæ lucerna nobis erit ad æternam salutem, modo eius ductum sequamur. Nullum enim habet mundus præstantiorem thesaurum, quam verbum Dei. Hoc Dauid pluris fecit, quam aurum præstantissimum: hoc Lazarus in mundo pauper, diues erat coram Deo: hoc Iob in medijs ærumnis se erexit.

Quare

Quare & nos charissimi, amemus verbum Dei, sciamus illud esse instrumentum quo nobis offertur thesaurus omnium preciosissimus Christus Iesus, & per illum vita æterna, quam donet nobis Pater cælestis per eundem Iesum Christum, cui honor & gloria, in secula seculorum, AMEN.

DOMINICA
SECUNDA POST TRINITA-
TIS, EVANGELIUM LVC. 14.

HOMO quidam apparauerat cœnam magnam, & vocauit multos, misitq; seruum suum hora cœnæ, vt diceret inuitatis: Venite, quia iam parata sunt omnia. Et cœperunt simul omnes se excusare. Primus dixit ei: Villam emi, & necesse mihi est exire, & videre illam, rogo te, habe me excusatum. Et alter dixit: Iuga bouum emi quinque, & eo ad probandum illa, rogo te, habe me excusatum. Et alius dixit: Vxorem duxi, & ideo non possum venire. Ac reuersus seruus renunciauit hæc Domino suo. Tunc iratus paterfamilias, dixit seruo suo: Exi cito in plateas & vicos ciuitatis, & pauperes ac debiles claudosque & cæcos introduc huc. Et ait seruus: Domine, factum est, vt imperasti, & adhuc locus est. Et ait Dominus seruo: Exi in vias & sepes, & compelle intrare, vt impleatur domus mea. Dico enim vobis, quod nemo virorum illorum qui vocati sunt, gustabit cœnam meam.

E N A R-

Sicuti proximo die Dominico, impedimentum salutis esse contemptum proximi in Epulone ostensum est: ita in hoc Euangelio, aliud impedimentum cauendum docemur, ne videlicet nostras possessiones & negotia, curasq; rerum mundanarum pluris faciamus, quam Euangelium Christi, neue sinamus nos commodis & voluptatibus huius mundi impediri & occupari, quò minus veniamus ad cœnam, ad quam per Euangelij prædicationem vocamur.

Porro occasio huius parabolæ, fuit vox cuiusdam Pharisei in conuiuio, ad quod Christus erat inuitatus. Nam cum Christus pronunciaisset retributum iri in resurrectione iustorum ijs, qui sunt liberales erga pauperes, Phariseus Christi sermonem approbaturus ait: Beatus qui comedit panem in regno Dei. Verum quia Christus huius Pharisei, & maximæ partis gentis Iudaicæ mores peruersos & præposterum studium vidit, proponit hanc parabola: in qua & Iudeorum iustam reiectionem, & gentium gratuitam receptionem pingit. Cuius parabolæ scopus & finis est, ne sinamus huius vitæ res caducas nobis impedimento esse, quò minus ad cœnam cœlestem inuitati per Euangelium veniamus.

Loci quatuor:

- I. Magnitudo misericordiæ Dei pingitur in hac cœna.

II. In-

- II. Ingratitudo mundi notatur in ijs qui vocati recusant venire.
- III. De coactione, quomodo cogat, & per quos.
- IIII. Comminatio pœnæ eorum, qui Euangelium non recipiunt.

DE PRIMO.

Quanta sit misericordia Dei erga genus humanum, multis indiçijs ostenditur. Nam non solum vox Dei: verumetiam ingentia Dei beneficia erga totum mundum, & præcipuè erga Christi Ecclesiam ineffabilem misericordiam Dei testantur. Misericordia (inquit David) Domini plena est terra. Psal: 33. Argumentum maximum huius misericordie est datus filius, vt mundum in extremam miseriam dimersum redimeret, idq; per suam mortem & passionem, quò homines ab hac miseria liberati, donarentur æterna vita, quæ hic cœna magna dicitur, & in Matthæo nuptiæ regis: ad quam cœnam magnam homines vocantur, ex mera Dei misericordia, quo in ea saturentur delicijs spiritualibus in omni æternitate.

Verum vt nobis magis dulcescant lauiticiæ huius cœnæ, circumstantias, quæ in textu notantur, proponam seorsim, & quid doctrinæ & admonitionis ex singulis petendum sit dicam.

PRIMA itaq; circumstantia in hac cœna spectanda, est de eo, qui ad hanc cœnam inuitat. Nam
inde

inde eius æstimatio dependet. Quis ergo instruit hanc cœnam? Num rex aliquis mundanus? Non: Imo magnificienda esset eius regis liberalitas & laude extollenda misericordia, qui miseris & pauperibus regale conuiuium & magnificè instructum pararet. Sed quis est? Deus Pater cœlestis Dominus dominantium & rex regum, solus diues & lauticijs abundans. Hæc circumstantia bonitatis & misericordie Dei clarissimum testimonium est.

SECUNDA circumstantia est, quod hic Paterfamilias Deus ad cœnam inuitet. Sed quid cœnæ nomine significatur? Ipsum Euangelium, eaq; omnia quæ cum Euangelio coniuncta sunt: ut est salus & vita æterna. Vide quanta misericordia hic reluctet. Sed quæ ratio est appellationis? Cur hæc tanta bona, cœna dicuntur? Id fit sane non sine magnis causis, quarum de numero sunt tres præcipuè. PRIMÆ quia Euangelium æternum gaudium, & nunquam finienda bona promittit. Ut enim cœna in extrema diei parte apponitur: ita bona quæ Euangelium offert, post multos exhaustos in ærumnis huius vitæ labores, credentibus ex mera Dei misericordia donabuntur. SECUNDA causa est, quia sicut vespera, quando cœna instrui solet, est finis diei: ita ætas, in qua per ministerium prædicationis omnes ad epulas diuinæ cœnæ inuitantur, extrema est. TERTIA, quia Euangelium extrema vox Dei est in mundo, post quam nulla alia est expectanda: sicut cœna vltimum in die cibum proponit. Nunquam

quam enim alia de cælo sonabit vox Dei : sed hæc eadem Euangelij vox sonabit vsq; ad iudicij extremi diem.

TERTIA circumstantia est in hac voce **MAGNA**, qua commendantur nobis diuitiæ misericordiæ Dei. Non enim Deus vnum & alterum regem & sapientem inuitat ad suam cœnam, sed totum mundum. Non prætermittit pauperes, non diuites negligit, non nobiles excludit, non rusticos aut ciues à suo conuiuio arcet, non paruos contemnit, non magnos fastidit : sed omnes promiscuè per orbem sparsos homines inuitat ad magnam illam cœnam. Nam textus & magnam cœnam esse, & multos inuitatos testatur.

QUARTA circumstantia est de modo inuitationis. Modus exprimitur hisce verbis: [Et misit seruum suum hora cœnæ vt diceret inuitatis.] Hic serui nomine intelliguntur Prophetæ, Apostoli & omnes pij doctores, quos inde ab initio mundi misit Deus inuitatum ad hanc cœnam. Ad hanc cœnam ipse Deus Patriarcham Nohe inuitauit. Hic inuitatus reliquum mundum vice Dei vocauit. Deinde cum ob suam ingratitude mundus diluuiio perijisset, inuitatur voce Dei Abraham ad hanc cœnam. Præterea cum mundi malitia creuisset super terram, vnum populum peculiarem elegit Deus, in quo sepe excitauit Prophetas, vt ad hanc cœnam inuitarent: idq; continuauit paterfamilias donec proprium filium misit Dominum nostrum Iesum Christum,

Gen. 6.

Gen. 12.

4

10

11

*Mat: 27.**Mar: 16.*

stum, quem inuitati suspenderunt in crucem. Qui excitatus à mortuis, misit Apostolos in vniuersum mundum, vt ad hanc lautissimam cœnam omnes gentes inuitarent.

QVINTA circumstantia est de hora cœnæ. Quenam est ista hora? Tempus gratiæ & tempus gloriæ. Tempus gratiæ est, quo annunciatu hominibus liberalitas & misericordia patrisfamilias, quod in tres partes distribuitur: In promissionem, exhibitionem & tempus secutum exhibitionem. Promissionis tempus fuit inde ab Adam vsque ad Christum natum fere 4000. annorum. Deinde exhibitionis tempus erat dum Christus i se in carne hic in terris versatus est, prædicauit, obtulit seipsum precium redemptionis pro inuitatis ad hanc cœnam. Tempus secutum exhibitionem est inde à missione Apostolorum in mundum vniuersum vsq; ad diem iudicii: in quo tempore & nos sumus, & inuitamur ad hanc cœnam voce ministrorum verbi. Tempus gloriæ est aternitas, quando in cœlesti gloria accubabimus non solum cum Abraham & Isaac sed cum Deo Patre, Deo Filio, Deo Spiritu sancto, & fruemur aeterno gaudio & leticia in Christo Iesu Domino nostro.

SEXTA circumstantia est inuitandi forma [Venite (inquit) quia parata sunt omnia.] Hoc est, vt in Baptiste & Christi inuitatione videmus: Agite pœnitentiam & credite Euangelio. Appropinquat enim regnum cœlorum. Hac inuitatio requirit pœnitentiam.

nitentiam, hoc est, prioris vite mutationem, ut discedamus à malo & faciamus bonum, & requirit fidem, id est, ut credamus hanc cœnam nobis apponi, non nostrum ob meritum sed ex mera misericordia propter filium, qui nobis à Deo datus est sapientia, iusticia, sanctificatio, redemptio. His enim donis & veluti vestibibus filij Dei in cœnam æternæ vite intrabimus. Nam sapientia sua Christus mentes nostras reformat: iusticia sua nos ornat, cum in eum credimus: sanctificatione sua nos purificat, ac tandem recipit in suum cœnaculum, ubi erat perpetua redemptio, gloria & fœlicitas. Atq; hactenus de primo loco, in quo commendatur nobis misericordia Dei quæ est à progenie in progeniem super omnes timentes eum, ut virgo mater Domini canit.

DE SECVNDO.

[Sed omnes cœperunt vno animo se excusare:]
 Recusarunt enim venire ad cœnam hanc cœlestem. Quemadmodum enim sus pluri facit cœnum in quo se commaculat, quam aurum aut preciosas gemmas: ita homines sordibus suis inuoluti fugiunt splendorem tantæ cœnæ. Qua in re tria deploranda sunt mala: Miseria generis humani, maxima ingratitudo, & corruptum iudicium. Miseria est, quod peccatis & maledictione oppressi homines, non solum non eluctari de suis malis conantur, verum etiam ipsis sordibus delectantur: tantum

i 2

abest,

Jo. 6. abest, vt remedium quærant. Atq; hoc est, quod Christus dicit : Nemo venit ad me, nisi quem Pater traxerit. Ingratitudo est, quòd homines inuitati ad gratuitam cœnam, id est, gratuitam liberationem à peccato, ab ira Dei, à maledictione legis, ab inferno, à Diabolo, ad remissionem peccatorum, ad fauorem Dei, ad iusticiam, ad cœlum, ad Deum vt cum illo beati viuant in omni æternitate, recusant tamen venire. Quis hanc ingratitude sibi deplorare potest. Corruptum iudicium est, quòd homines pluris faciant finita bona, quàm æterna: pauca, quàm multa: caduca, quàm firma: terrena, quàm cœlestia: conseruantia hanc vitam ad modicum tempus: quàm conseruantia animam & corpus in æterna vita. Stultus ne iudicatur, qui præfert lutum auro? Sanè stultissimus, vt qui nihil rectè iudicare possit. Multo stultior est, imo in infinitum stultissimus, qui præfert mortem vitæ, peccatum iusticiæ infernum cœlo, Diabolum Deo: Breuiter infinita mala infinitis bonis. Hoc nostrum corruptissimum iudicium agnoscamus, & petamus nostras mentes noua luce reformari, vt rectè intelligamus, quæ verè bona sunt: ordinatè appetamus, quæ rectè iudicamus, & vsq; ad finem perseueremus in quærendis ijs, quæ ordinatè appetimus.

Postquam autem hæc in genere dicta sunt de miseria generis humani, de ingratitude summa & corruptissimo iudicio hominum: textum videamus, qui varios modos excusationis continet. Primum dicit:

dicit: [Et omnes cæperunt vna sententia recusare.] Hoc est, maxima pars mundi ingrata contempsit gratuitò oblatum beneficium. [Primus ergo dixit: Agrum emi, necesse habeo exire & videre eum: rogo te, habe me excusatum.] Hic describitur primum genus hominum excusantium se: quo sub genere omnes continentur, qui potentia sua freti recusant venire ad hanc præclaram cœnam. Neq; tamen potentia est efficax causa huius excusationis: sed occasio tantum in ijs, qui suam potentiam à Deo esse non agnoscunt, qui sua potentia nituntur, hoc est, baculo arundinis. Nam cum peccatum, mors, infernus, Diabolus inuadit, hominum potentia non valet, hic enim sola potentia Dei valet, nempe Eu- Ro: 1. angelium Christi, quod Paulus definit esse potentiam Dei in salutem omni credenti. Quod autem hæc potentia, & agrorum possessio non sit efficax causa recusatæ huius opiparæ cœnæ, ostendunt exempla. Potens fuit David, & habuit agros plurimos. Potens fuit & Nero, & habuit agros. Quorum ille inuitatus ad nuptias venit: hic recusauit. Quare? Quia ille vsus est potentia in gloriam Dei: hic eadem est abusus in sui interitum. Nam ea deceptus recusauit venire ad hanc cœnam. Hic ergo mone- mur recte uti agris nostris, ne sint nobis impedi- mento, quo minus ad hanc cœlestem cœnam venia- mus: exempla omitto.

Alter vero dixit: [Iuga bouum emi quinq; & proficiscor ad probandum ea, rogo te habe me excu-
i 3 satum.]

satum.] Hic describitur alterum genus hominum
 excusantium se, quo minus ad cœnam venire pos-
 sint: sub hoc genere continentur diuites huius mun-
 di. Quid? an diuitiæ sunt causæ efficaces huius recu-
 sationis? Nequaquam. Fuit Abraham diues, fuit
 & Epulo diues, de quo nuper audiimus: sed Abra-
 ham nõ impeditus est, suis diuitijs. Nam pluris fecit
 hanc cœnam, quam terrenas diuitias. Contra, Epu-
 lo, ebrius fuit suis diuitijs, atq; ideo venire recusa-
 uit. Sunt enim diuitiæ quando à malis possidentur,
 veluti esca, qua illecti capiuntur & necantur: ideo
 Math: 13 Christus dicit eas spinas esse, et difficile pronunciat
 19 diuitem posse intrare regnum cœlorum. Plato Phi-
 losophus rectè dixit: Diuitias cæcas esse sine pruden-
 tia, et acutum cernere, quando sequuntur prudenti-
 am. Ita et nos possumus dicere, diuitias spinas esse
 sine pietate, & rosas quando pietatem sequuntur.
 Nam p̃i diuites suis diuitijs veluti rosas quibusdam
 ornant ministerium verbi, ornant Respub, et propri-
 am domum. Quicumq; ergo huius mundi diuitias
 habet, det operam, vt earum administratrix sit pie-
 tas & charitas, vt in sanctis Patriarchis & regi-
 bus, alijsq; multis p̃ijs et sanctis hominib. videmus.
 Et alius dixit: [Duxi uxorem, propterea non
 possum venire.] Hic describitur tertium genus ho-
 minum recusantium venire ad hanc cœnam: quo
 sub genere continentur omnes, qui huius mundi vo-
 luptatibus dediti Euangelium Christi non curant.
 Ducere uxorem non est per se aut malum, aut causa
 recusa-

recusationis : sed tantum occasio in quibusdam, qui non rectè utuntur dono Dei. Abraham habuit uxorem & multi pij, qui tamen non propterea recusarunt obtemperare Euangelio : Quare coniuges dent operam, ut Christum secum habeant, caueant ne occasionem mali à bono sumant. Hactenus audimus tria genera hominum excusantium se, quod non venirent inuitati, ad hanc cœlestem cœnam : sed ex his intelligemus cœnia quæ hominibus impedimento sunt, cur Euangelio non auscultent.

DE TERTIO.

Seruus reuersus domum, nunciat patrifamilias quæ responderunt, & rursus missus multis collectis pauperibus & claudis iubetur cogere homines ut intrent, quò impleatur domus conuiuij. In hac coactione nobis proponitur summa consolatio. Deus enim non solum promittit, non solum inuitat multos, non solum mandat : sed cogit & compellit intrare in suam cœnam. Sed quomodo compellit ? multis sanè modis. Parentes in familia cogent suos domesticos & disciplina domestica assuefacient eos, ut Christum audiant, piè & sanctè viuant. Hinc illud Pauli : Educate pueros in disciplina & correptione Domini. Magistratus similiter coget edictis, bonis ordinationibus, exemplo, sublatione idololatriæ : quemadmodum Ezechias & Theodosius fecerunt, qui instrumenta idololatriæ sustulerunt. Omnium autem maxime ministrorum

verbi est cogere comminationibus & obiurgationibus, quemadmodum Christum, Prophetas & Apostolos fecisse legimus.

DE QVARTO.

Jo: 3 [Nemo virorum illorum, qui vocati fuerunt & recusarunt venire, gustabunt cœnam meam.] Hoc est, omnes contemptores Euangelij excludentur de vita æterna. Nam ira Dei manet in omnes qui non credunt in filium. Hæc summa est quarti loci.

Cæterum vsus totius hodierni Euangelij triplex est. Primus, vt considerata magnitudine misericordie Dei, gratias agamus Deo per Iesum Christum. Secundus, vt caueamus ne vlllo prætextu nos subducamus ab obedientia erga Euangelium. Tertius, ne exemplo potentum, diuitum & voluptuariorum seducamur, & ruamus in proprium exitium: sed potius totis viribus demus operam, vt in hanc cœlestem cœnam includamur, per Dominum nostrum Iesum Christum, cui cum Patre & Spiritu sancto sit honor & gloria, in sæcula sæculorum, AMEN.

DOMINICA
TERTIA POST TRINITATIS,
EVANGELIUM LUCÆ 15.

Accedebant ad Iesum omnes publicani & peccatores, vt audirent illum. Et murmurabant Pharisei ac Scribæ, dicentes:

centes: Hic peccatores recipit, ac cibum capit cum illis. Dicebat autem ad illos parabolam hanc, dicens: Quis ex vobis est homo, qui habet centum oves, & si perdiderit vnam ex illis, nonne relinquit nonaginta nouem in deserto, & vadit ad illam quæ perierat, donec inueniat eam? Et cum inuenerit eam, imponit in humeros suos gaudens, veniensq; domum, conuocat amicos & vicinos, dicens illis: Gaudete mecum, quia inueni ouem meam quæ perierat. Dico vobis, quod ita gaudium erit in cælo super vno peccatore resipiscente, magis quam super nonaginta nouem iustis, qui non indigent pœnitentia. At quæ mulier habens drachmas decem, si perdiderit drachmam vnam, nonne accendit lucernam, & verrit domum, quæritq; diligenter, donec inueniat? Et cum inuenerit, conuocat amicas & vicinas, dicens: Gaudete mecum, quia inueni drachmam quam perdideram. Ita dico vobis, gaudium erit coram angelis Dei super vno peccatore resipiscente.

ENARRATIO TEXTVS.

Occasio hodierni Euangelij hæc est. Cum tanta esset bonitate Dominus noster præditus, vt neminem quantumuis afflictum & magnum peccatorem fastidiret, imo potius omnes ad se inuiteret, iuxta illud Matth. II. Venite ad me omnes, qui laboratis & onerati estis, & ego reficiam vos: factum est quod ipsi publicani, cognita hac Christi

i 5 mise-

miserericordia & bonitate, ad eum venirent, quò gratiæ omnibus liberalissimè oblata participes fierent. Atq; ideo Christus non voluit eos tantum voce consolari, sed etiam factò & conuersatione. Inuitatus promde ab ijs venit & comedebat cum illis: idq; ea de causa, vt eos Deo Patri lucrificeret, hoc est, conuerteret eos à vijs suis pessimis ad veram & salutarem pœnitentiam, quò à maledictionis reatu absoluti hæredes fierent vitæ aternæ per Iesum Christum. Hoc Christi factum obseruantes Pharisæi, vt erant superbi, tumentes sua Pharisaica, id est, falsa iusticia, murmurant, ac tacitè Christum violatæ legis diuinæ accusant. Sed quid ad hæc Christus? vtrosq; docet. Publicanos quidem, quòd venerit saluatum peccatores. Phariseos vero, cur cum peccatoribus conuersetur, vnde colligitur CHRISTI regnum pugnare cum Phariseorum opinione & Sathane regno. Nam vt Christi regnum est misericordia & remissio peccatorum, adeo vt angeli in cælo gaudeant super singulis peccatoribus pœnitentiam agentibus: ita Sathane regnum est crudelis immanitas & peccati inundatio quædam.

Loci duo:

- I. Murmur Phariseorum, & cur Christus sit conuersatus peccatoribus.*
- II. Docetur parabolis duabus, cur Christus in hunc mundum venerit, & quid nos facere oporteat, modo saluari velimus.*

DE

[Appropinquabant ei publicani & peccatores, ut audirent eum, & murmurabant scribæ & Pharisæi, dicentes : Hic peccatores recipit, & manducat cum illis.] Hic proponuntur nobis duo hominum genera, & eorum diuersa studia. Unum publicanorum & peccatorum, qui Christum accedunt, ut illum audiant, ut ad ipsius ouile aggregentur & saluentur. Postquam enim audierunt Christum nullos peccatores reijcere : sed omnibus gratiam, modo pœnitentiam agere non recusarent, offerre, ipsum accedere non dubitarunt, spe magna salutis concepta. Alterum Phariseorum & scribarum. Hi Christi factum & misericordiam erga peccatores improbarunt, atq; ideo murmurarunt, dicentes : Hic peccatores recipit & manducat cum illis.

Porro huius Pharisæici murmuris plures sunt cause, quarum nonnullas recitabo, ut videamus quo spiritu sint locuti, nosq; caueamus, ne simili morbo laborantes, aliorum salutem impedire videamur.

PRIMA ergo causa est inuidia, quæ propria est Diaboli & membrorum eius. Hæc enim eorum cordibus infixæ efficit, ne videre possint Christum & publicanos vnâ conuersari. Tanta enim inuidia erga publicanos laborarunt, quod noluerint eos bonorum conuersatione emendari. Huius generis Pharisei plures sunt hodie, quàm qui Phariseorum titulum agnoscunt.

SE

SECUNDA causa murmuris fuit intolerabilis superbia in Scribis & Phariseis, qua ut canes publicanos spreuerunt, adeo ut cibum capere cum illis, aut domum eandem cum illis intrare recusarint.

Ln: 18. TERTIA causa murmuris fuit opinio iusticiæ & sanctitatis. Nam ut se iustos ex paternis obseruationibus & sacrificijs iactabant (ut ille qui ait: Non sum sicut ceteri peccatores, nec ut ille publicanus: Ieiuno bis in Sabbato, &c.) ita eos, qui hanc sanctitatis larvam non habuerunt, strenuè tanquam anathemata & res abominabiles aspernabantur.

QUARTA causa fuit studium Christo infamiae notam inurere. Nam vulgo persuadere conabantur Christum talem esse, quales essent illi cum quibus versaretur.

1 Cor: 5. QUINTA causa fuit zelus legis diuinæ, sed falsus. Mandatum enim legis suo murmuri prætexuerunt. Lex enim præcipit Exod. 23. ne conuersentur cum Insulis terræ. Item Exod. cap. 34. Præcipitur ne vnquam cum habitatoribus terræ illius amicitiam iungerent, ne ipsis foret in ruinam, hoc est, ne illorum praua corrupti consuetudine idololatræ efficerentur & prophani legis diuinæ contemptores. Nam, ut Paulus inquit, Modicum fermentum corrumpit totam massam: & ut est in versiculo quodam: Morbida facta pecus totum corrumpit ouile. Ut vna vna à liuore alterius liuorem contrahit: sic & malo consortio homines facillè deteriores fi-

res fiunt. Sicut & Medæa quodam in loco dicit:
Malarum fæminarum ingressus me malam reddi-
dit. Huc & illud Salomonis : Qui tetigerit picem, *Eccl. 13*
coinquinabitur ab ea. Item : Qui communicauerit
superbo, induet superbiam. Et Syrac. Omnis homo
sibi similem sociat. Huiusmodi scripturæ testimonia
multa haud dubie congesserant Pharisei, vt Chri-
stum infamarent.

Sed quid dicemus ad istas scripturæ sententias?
 Pleræq; ex illis habent adiunctas causas prohibitæ
 cum peccatoribus conuersationis, & vt summam
 dicam, prohibent adducta scripturæ testimonia, ne
 infirmi, qui facile deteriores fieri possint, conuersen-
 tur cum ijs, qui conuerti nolunt, sed potius in hoc to-
 tis incumbant viribus, vt alios sibi nequitie suæ so-
 cios adiungant. Primum non potuit Christo conue-
 nire, non enim erat infirmus, vt peccatorum con-
 suetudine contaminari posset, quare interdictum le-
 gis non in illum quadrat. Dicit enim disertè lex,
 vnde reliqua dicta manant: Ne fortè peccare te fa- *Exod. 23.*
 ciant in me, si serueris dijs eorum, quod tibi certe
 erit in scandalum. Alterum non conuenit in publi-
 canos, quibus cum Dominus hic conuersatus legi-
 tur. Non enim Christum voluernt sibi suæ nequitie
 socium adiungere: verum accedebant vt audirent
 illum, & ex auditu fidem consecuti saluarentur.
 Cum ergo & Christus motus misericordia conuer-
 setur cum illis, vt eos adducat in stabulum ouium,
 vnde aberrarunt: & publicani sitientes salutem,
 cupiant

cupiant subleuari ab onere peccatorum suorum, quod senserunt grauissimum esse, iniuste aduersus Christum murmurant : quos in viam reuocare conantur propositis his parabolis : vna de centum oibus, altera de decem drachmis.

Iam ex ijs, quæ dicta sunt ad criminationes Phariseorum, oritur questio. Nam postquam responsum est scripturas, quæ malorum consuetudinem damnant, ad infirmos pertinere, queri potest cum nos infirmi simus, quid nos facere oporteat, an omnino & perpetuò fugere debeamus Phariseos. Ad hanc questionem respondeo : Sunt fugiendi & non sunt fugiendi. Imbecilles qui conscij sunt suæ imbecillitatis, quod videlicet sint faciles & proni ad lapsum edocti propria experientia, ipsi fugiunt conuersationem eorum, à quibus sibi metuunt, ne illorum pice inquinentur & scabie inficiantur. Nam, vt dicit Iustinus Martyr : Mens hominis ex malorum consuetudine scabiem quandam sibi acquirit & multis malis succis impletur. Hoc Patrum familiarum, magistratus & ministrorum verbi officium est, vt caueant ne tales ferantur, quorum conuersatione simplices reddantur deteriores. Paterfamilias nullum seruum debet ferre in sua familia, qui pueris suis sit scandalo. Magistratus gladio coercebit blasphemos. Ministri verbi obiurgationibus primum castigabunt impuros : quod si nihil ista via proficiunt, debent eos eijcere de Ecclesia per excommunicationem, vt pij & simplices sciant, quod sibi

cauere

cavere debeant ab istorum conuictu, quod autem huiusmodi fugiendi sint, & docet hoc Pauli dictum, 2. Tess. 3. Denunciamus autem vobis fratres per nomen Domini nostri Iesu Christi, vt subducatis vos ab omni fratre qui inordinate se gerit, & non ex tradita doctrina quam accepit a nobis. Hoc ergo sit dictum de infirmis, qui omnino sibi cavere debent ab improborum consortio. Verum quantum ad eos attinet, qui bene sunt instituti, & qui in officio sunt publico, quorum interest oves errantes ad Christum adducere, illi possunt, imo debent nonnunquam cum improbis conuersari, sicut Medicus conuersatur cum aegroto, non vt ipsius aegroti scabie inficiatur, sed vt sua arte & curandi peritia eum sanitati restituat. Ad eundem modum non modo licet, verum etiam necessitas officij, & fides in ministris verbi requirit, vt improborum maliciam retlegant & sanent quantum quidem fieri potest: verum si morbus fuerit incurabilis, sequentur medicorum exemplum, & quod curare non possint, amplius non curent: sed Deo totam rem cum dolore committant.

DE SECVNDO.

[Quis ex vobis homo qui habet centum oves etc.]
 Hac parabola docet Christus duo. Unum cur in mundum venerit: Alterum, quod ex priori pendet, cur conuerfetur cum peccatoribus: vnde sequitur confutatio murmurantium Phariseorum. Cur in mundum venerit, docet exemplo pastoris.
 Nam

Nam quemadmodum pastor in desertum vadit, ut quærat ouem amissam: ita Christus in mundum venit, ut homines per peccatum in desertum abductos quærat. Deinde quia officium est CHRISTI quærere peccatores, ut reuocentur ad salutem, quod sane fieri non potest, quin cum eis conuersetur: hinc sequitur improbandum esse murmur Phariseorum aduersus Christum, qui eum à legatione sua absterreere voluerunt, ne sanarentur infirmi. Aptè ergo alibi testatur: Non veni vocare iustos, sed peccatores ad pœnitentiam. Hæc summa est parabolæ de ouibus: eandem rem proponit parabola de muliere quærente pecuniam amissam. Iam parabolam de ouibus particulatim videamus, quò nobis fiat dulcior, perspecta Christi pastoris solitudine pro nobis.

Homo ille habens centum oves Christus Iesus est, verus pastor, qui animam suam pro ouibus posuit, Iohan. 10.

Per ouem errantem intelliguntur omnes qui se in deserto vagari intelligunt, id est, agnoscunt se peccatores, & cupiunt recipi, sicuti hic publicani fecerunt. Agnouerunt se peccatores, audiuerunt famam de vero pastore, atq; ideo ab illo recipi voluerunt, dum audiunt: Venite ad me omnes, qui laboratis & onerati estis, ego reficiam vos. Atq; ita textus nobis paradigma ouis errantis proponit in publicanis, qui vocem Christi audientes ad ipsum veniunt, ac suum errorem agnoscunt.

Per

Per nonaginta nouem oues intellige omnes homines in mundo, qui tametsi hæreant in suis peccatis & damnatione, tamen hoc non animaduertunt, imo se iustos & beatos putant, atq; ideo Christum audire recusant. Putant enim se iustiores esse, quàm vt Christo iusto opus habeant: putant se magis sanos, quàm vt Christi medici opera indigeant. Quod hi per nonaginta nouem oues intelliguntur, ipse textus apertè conuincit. Nam nonaginta nouem oues conferuntur scribis & Phariseis, id est, hypocritis, qui se iustos gloriabantur. Habemus quis sit pastor, quæ sit ouis errans, & quæ nonaginta nouem non errantes: Iam videamus 1. Quando errare cæpit ouis. 2. Quomodo venit pastor errantem quæsitum. 3. Quomodo inuentam reportet in stabulum, sanet & pascet. 5. Quid acciderit inuenta oue.

Quando ergo errare cæpit ouis? Primum cum abducta est per lupum in desertum. Hoc est, cum Sathan primos parentes à Deo abduxit. Deinde quoties reuocati homines à vijs suis pessimis sunt rursus insidijs Sathanæ abducti ab ouili. Ita & hodie, quoties à recta salutis via, vel in doctrina, vel in moribus flectimus, erranti oui comparamur.

Quomodo venit Christus pastor quæsitum ouem errantem? Venit primum in spiritu, idq; in sanctis Prophetis & Patriarchis, quoties eos excitauit, vt hominibus viam salutis monstrarent. Sic venit misso Moysè, misso Helia, Helizeo, Isaia & alijs multis,

k

Dein-

Deinde venit in carne, quando assumpsit humanam naturam, & est pro nobis passus.

Quomodo querit, & quæsitam reportat in stabulum? Querit errantem ouem prædicatione Euangelij, dum iubet prædicari Euangelium: & reportat in stabulum, quando credentes in Ecclesiam congregat. Subijt enim in desertum & inuentam ouem imposuit humeris, hoc est, credentes in se merito sue crucis in Ecclesiam perduxit.

Quomodo reportatam ouem in stabulum sanat & pascit? Sanat omnes contritiones eius suo sanguine, dum credentes in se absoluit à reatu, & donat sua iusticia. Pascit dum donat eos Euangelij pabulo, & eos fouet suo Spiritu. Hæc beneficia pastoris erga ouem errantem maxima sunt.

Sed quid accidit inuenta oue? Connocat amicos & vicinos, dicens: Congratulamini mihi, quia inueni ouem meam, quæ perierat. Quid autem hoc sit, exponit, cum ait: Dico vobis, quod ita gaudium erit in cælo super vno peccatore pœnitentiam agente, plus quam super nonaginta nouem iustis, qui non indigent pœnitentia. Ecce quid accidit quando peccator pœnitentiam agit. Ipsi angeli Christo pastori congratulantur. Gratulantur autem Angeli in cælo propter tria. Primum, quia homines cum illis conditi sunt ad celebrandum Deum, quod non potest fieri ab illis, qui non agunt pœnitentiam: Illi enim omnes laudes Dei, quantum in se est, impediunt. Deinde, quia vident regnum Christi augeri per
acces-

accessionem nouorum ciuium. Tertio, quia nihil magis illis gratum est, quam quòd videant regnum Sathanae aboleri, quod fit cum homines pœnitentiam agunt. Sed quinam sunt illi nonaginta nouem iusti, qui non indigent pœnitentia? an vllus igitur est absq; peccato? Certè nullus est sine peccato. Omnes enim aberrarunt & inutiles facti sunt. Sed peccatores sunt triplices. Sunt enim peccatores qui se iustos esse putant, & propterea dicuntur non opus habere pœnitentia: quod sane de ipsorum de se ipsis iudicio est intelligendum. Nam reuera nullus est, qui non indiget pœnitentia. Deinde sunt peccatores, qui sciunt se habere peccata, & nihilo minus pergunt in peccatis, non morantes accusantem legem Dei. Sunt quoq; peccatores, qui agnoscunt peccatum, id est, oderunt peccatum, atq; ideo agunt pœnitentiam, & confugiunt ad Christum. Primum & secundum genus intelliguntur per nonaginta nouem: per tertium intelligitur vna errans ovis. Nonaginta nouem non agentium pœnitentiam similitudinem referunt scribae & Pharisei. Publicani referunt ouem illam vnam errantem. Quid hic docemur? Maximam esse multitudinem eorum qui pereunt, & minimam esse quæ recipitur, id est, vix vnum ex centum singulis. Hinc illa CHRISTI querela: Multi sunt vocati, sed pauci electi, id est, probi, qui vocanti Christo per suum Euangelium obtemperant. Hoc in exemplis videmus. Ante diluuium maxima

Math: 20.
22.

Gen: 8.

k 2

pars

Gen 13. pars mundi secuta est Caini nequitiam, adeo quod
 tantum octo homines reperti sint iusti, qui per ar-
 cam saluati sunt. Deinde rursus per multos annos
Gen 19. Melchizedech & Abraham soli fuerunt p̄i ferè.
 Præterea ex magnis illis ciuitatibus Sodoma &
 Gomorrha et alijs, solus Loth cū suis filiabus euasit,
 reliquis propter sua peccata incendio interemptis.
 Neq; aliter hodie fit: à plurimis contemnitur Eu-
 angelium, à paucissimis recipitur. Hoc ergo pericu-
 lo admoniti agamus pœnitentiam, ne cum maxima
 parte ingratiſſimi mundi pereamus. Dominus cle-
 mens est ad nos recipiendos: Angeli expectant re-
 sipiscētiā: nostra propria salus agitur, quam
 Christus omnibus peccatoribus offert agentibus
 pœnitentiam, cui honor in sæcula, A M E N.

DOMINICA QUARTA POST TRINITA- TIS, EVANGELIUM LVCE 6.

Estote misericordes, sicut & Pater vester
 misericors est. Nolite iudicare, & non iu-
 dicabimini. Nolite condemnare, & non
 condemnabimini. Remittite, & remitte-
 tur vobis. Date, & dabitur vobis. Mensuram
 bonam & confertam, & concussam atq; exun-
 dantem dabunt in sinum vestrum. Eadem quip-
 pe mensura qua metimini, metientur alij vobis.
 Dicebat autem illis similitudinem: Nunquid
 potest cæcus cæcum ducere? Nonne ambo in
 foueam

foueam cadunt? Non est discipulus supra magistrum suum, perfectus autem omnis erit, si sit sicut magister ipsius. Quid autem vides festucam in oculo fratris tui, trabem autem, qui in oculo proprio est, non animaduertis? Aut quomodo potes dicere fratri tuo: Frater, sine eijciam festucam quæ in oculo tuo est, ipse in oculo tuo trabem non videns. Hypocrita, eijce primum trabem ex oculo tuo, & tunc perspicies, vt eijcias festucam, quæ est in oculo fratris tui.

ENARRATIO TEXTVS.

Hæc Christi concio pertinet ad tertiam pœnitentiæ partem. Scitis enim quod pœnitentiæ sint tres partes: Contritio, fides & noua obedientia. Contritio peccatum agnoscit, detestatur ac fugit: Fides ad Christum confugit, qui à peccato liberat, & credentes iustificat: Noua obedientia versatur in quatuor, quæ sunt: pietas erga Deum, sanctimonia vitæ cuiusq; apud sese, charitas proximi, & diligentia vocationis ad quam quisq; vocatus est. Cum autem hæc sint partes nouæ vitæ, proponit Christus in hoc Euangelio exhortationem ad charitatem erga proximum, quam hic per suas partes designat: & quoniam veluti prima eius proles est misericordia erga proximum, hortatur ad misericordiam, per quam intelligit omnia officia, quæ nobis alijs in hac vita debemus. Quicquid enim alter alteri debet, cum soluerit non amplius debet, excepta vna charitate, quam non ita possumus redere,

k 3

dere,

dere, quin semper simus debitores. Unde Paulus Roma. 13. Nihil cuiquam debeatis, nisi mutuam dilectionem. Ut autem hoc Euangelium clarius intelligamus: duo dicam.

I. Quæ sint dilectionis seu misericordiae opera, quæ nobis hic commendantur.

II. Quæ sint rationes, quibus Christus nos hic hortatur ad præstandam misericordiam, id est, opera charitatis proximo.

DE PRIMO.

[Estote misericordes, &c.] Cum filius Dei suos discipulos hortatur ad misericordiam, significat & quo affectu erga nos mutuo esse debeamus, & quod in hac vita ob multas infirmitates alij aliorum opera indigeant. Quod præceptum si hodie ampleterentur, qui Christiani dici volunt, minus esset dissensionum & minus calamitatum. Volumus quidem omnes discipuli Christi dici: sed nemo vult facere quod præcepit. Famulus imperio sui heri obedit, ancilla oculos suos habet intentos in matremfamilias: imo nemo est qui non magis suis in mundo superioribus auscultat, quam multi, qui Christiani dici volunt, suo Christo Deo & saluatori obtemperant, qui pro illis pependit in cruce, & cælum meruit. Sed quæ est causa? quia verbis tantum sunt Christiani, non corde. Qui enim verè Christianus est, nihil prius in votis habet, quam vt Christo suo, à quo & nomen & salutem habet, obtemperet.

Quare

Quare vos moneo, ut deposita illa carnali securitate Christo obtemperetis, & diligenter obseruetis ex hoc Euangelio, quæ officia à nobis erga proximos nostros requirat. In genere quidem requirit dilectionem, sicut ait ad discipulos suos: Diligite vos inuicem sicut ego dilexi vos: in hoc cognoscent, quod discipuli mei sitis si vos mutuo dilexeritis. Nihil aliud hic requirit, cum ait: Estote misericordes. Qui enim diligunt, misericordes sunt, Et qui sunt misericordes, diligunt: ita fons aquam, & aqua fontem ostendit. Verum ideo potius hoc loco Christus usus est misericordiae vocabulo, quia inuolem veræ dilectionis monstrat.

Hæc misericordia, quæ ex dilectione proficiscitur, & à Christo suis discipulis in hoc Euangelio commendatur, quatuor partibus constat: quarum prima in ipso corde est, quæ est candor & Philanthropia quædam, qua & candide de proximo sentimus, & semper meliora de ipso speramus. Hunc candorem notat Christus per contrarij remotionem, cum inquit, Nolite iudicare. Hinc Apostolus 1. Cor. 13. Charitas non cogitat malum. Atq; hic sensus primæ partis misericordiae est, Non est ergo, quod quisquam hoc dicto **NOLITE IUDICARE** existimet tolli vel iudicium de discrimine virtutum & viciorum in hominibus, vel officium patrisfamilias, preceptoris, magistratus ciuilibis & ministri verbi, vel debitam fraternam correctionem, qua alius alium errantem in viam

ex mandato Christi reuocare debet: sed tantum libidinem animi, qua sumimus nobis officium male de alijs sentiendi contra charitatis regulam. Quantum enim ad iudicium attinet discriminis honestorum & turpium, regula est nobis lex Dei firma & immota. Quicquid enim lex Dei dicit turpe aut honestum, id nos quoque tale iudicare debemus. Qualis enim esset insensibilitas ista non discernere? Debemus ergo iudicare & discernere inter Neronis tyrannidem, & Fabricij clementiam: atque ita de cæteris. Patres familias habent mandatum instituenti proles suas in disciplina & correptione Domini.

Pro: 13.

1 Reg: 4.

Item Salomon vult parentes castigare suos pueros: & Heli sacerdos punitus est, propterea quod cum videret filios suos Ophni & Phinees malè se gerere cum in cultu diuino: nam meliores partes sacrificiorum furati sunt, tum in vita: nam libidine se contaminarunt, non eos iudicio paterno castigarit. Hinc manifestum est, quod dictum Christi non tollat patrum familias officium, quod sanè exercere non possunt sine iudicio & discrimine rectè et secus factorum. Præceptores præterea quid facerent sine iudicio? Alij enim discipuli sunt verberibus cogendi, vt faciant officium: alijs sufficit admonitio: illorum quidem ignauia castiganda: horum vero industria est laudanda: Hic quæso non iudicio præditus esse debet pædagogus pius? Neque aliter de magistratu iudicandum est. Punire debet malos & tueri bonos, quod sanè fieri nequit sine iudicio: & Deus cum

us cum approbat magistratum, manifestè iudicium eius probat, cum sine iudicio magistratus tantum inanis sit titulus. Ministri verbi alios recipient in Ecclesiam alios excludent, an non illis conceditur iudicandi facultas? alios consolari debent, alios increpare: quod sanè requirit magnum iudicium. Quantum ad fraternam castigationem attinet, manifesta est præceptio Christi Matth. 18. Si peccauerit frater tuus te conscio, vade & argue eum inter te & ipsum solum. An non hîc cuilibet Christiano mandatur iudicandi officium? Ita sanè est. Quare cum Christus dicit: *NOLITE IUDICARE*, non tollit necessaria officia superiorum in hac vita, nec enervat disciplinam Ecclesiasticam, sed tantum cohibet petulantiam hominum, qui vel corrupto iudicio malè de proximis sentiunt, vel citra fidem & charitatem ius censorium sibi in alios vendicant: quod viciū pleriq; cum insectantur in alijs sibi impunè promittunt. Vix ullus se iustè excusare potest.

SECUNDA pars misericordiæ, quam Christus erga proximum requirit, notatur his verbis: [*Nolite condemnare:*] quo dicto requirit, vt benignè & amanter de proximo loquamur renunciantes turpissimo illi vicio, quo proni sumus de alijs malè loqui & eos innocenter condemnare. Breuiter, vult Christus vt voce & lingua nostra quæramus proximi honestum nomen & incolumitatem. Pertinet quoq; hoc dictum ad priuatam condemnationem, qua alius alium ex malicia condemnat, non ad offi-

At: 5.

1. Term: 11.

Mat: 23

cia magistratus & ministerium verbi, qui Dei sententiam ex officio illis demandatam pronunciant sæpè in malos. Sic Petrus Ananiam & Saphyram, ut est in actis Apostolorum condemnauit: Sic Paulus Alexandrum & Hymenæum: Sic Christus pronunciauit sententiam damnationis in hypocritas, cum diceret. Væ vobis Scribæ, Pharisei & hypocritæ: sic cum condemnamus Antichristum, pronunciamus iudicium Dei in ipsum. Sed hic caueat vnusquisq; ne sine verbo Dei ex petulantia potius quam vero iudicio condemnet.

Mat: 6.

TERTIA pars misericordiæ est, iniuriam ei qui nos offendit condonare. Hoc exigitur hoc verbo: Dimitte: Nam cum sint multæ mutuae offensiones, quas si nobis inuicem non condonaremus, non posset vlla tranquillitas esse, imò rumperetur vinculum humanæ societatis. Quam hoc officium sit necessarium omnibus pijs ex precationis forma, quam Christus nobis præscripsit, facile est iudicare. Illic enim iubemur orare: Dimitte nobis debita nostra, sicut & nos dimittimus debitoribus nostris. Hanc adiectionem, Sicut & nos dimittimus debitoribus nostris, esse summe necessariam docet parabola de debitore decies mille talentorum Matth. 18. Simile est, inquit, regnum cælorum homini regi, qui ponit rationes cum seruis suis. Quemadmodum enim hic Rex supplici seruo condonauit totum debitum, gratis ex mera liberalitate: ita Deus Pater confugientibus in vera pœnitentia ad Christum con-

condonat gratis ex mera liberalitate omnia debita, id est, peccata. Verum sicut Rex ille seruum ingratum & durum aduersus conseruos, reuocat ad pœnam & quod antea supplicanti condonauit, iam à contumaci & duro in conseruos repetit: ita Deus Pater postquam cepit gementes in gratiam, vult nos imitari suum exemplum benignitate erga proximum, vt ipsi in nos peccanti condonemus, idq; exemplo Patris cœlestis.

Hic oritur obscura quæstio. Si condonandum est ijs, qui nos offenderunt, videtur consequi, quod accusare quemquam ob factam nobis iniuriam non liceat. Ad hanc quæstionem sic respondeo. Distinguedum est inter ipsam accusationem, & id quod homines mali accusationi adiiciunt. Accusare quidem per se non est viciosum. Nam Paulus 1. Cor. 6. permittit Christianis arbitros & iudicia. Deinde Euangelium non abolet politicam ordinationem. Præterea Deus in suo populo constituit iudices, qui causam inter fratrem & fratrem iudicarent, quod sane fieri non fuisset necesse, nisi licuisset accusare. Certum est igitur quod accusare per se, modo læsus quis sit, & iniuria affectus, non sit interdictum Christianis. Verum quantum ad id, quod homines accusationi adiiciunt, vt sunt multi viciosi affectus, intemperantia, vlciscendi libido, inimicitia, pertinacia & similes, sciendum est quod isti affectus sint prorsus abiiciendi, modo Christianus esse velis. Deinde discernendum est inter eum qui læsit seu rem
tuam

tuam retinet, & deprecatur culpam & restituit quod iniuria tenebat, & inter eum qui vel læsit & rem tuam retinet, & pergit lædere & rem tuam occupare. Ut illi deprecanti condones, Christi præceptum & Charitas suadet: & hunc accuses petendo non tam vindictam, quàm magistratus defensionem, Christus permittit, & multi sancti suis exemplis confirmant. Est præterea discernendum inter eum qui te solum offendit, & eum qui Deum offendit & Ecclesiam turbat. De illo intelligendum est Christi præceptum, non de hoc. Nam charitas Dei & proximi requirit, ut quantum potes, tollas quæ cultum Dei impediunt, & scandalo sunt Ecclesiæ. Breuiter, Vera fides & charitas satis docebunt quando accusare sit viciū, & quando rectè factū.

QVARTA pars misericordiæ signatur hisce verbis: [Date & dabitur vobis.] Hoc præcepto exigitur, ut indigenti proximo consilio & opere adsumus. Consilio, quoties illum à recto aberrare videmus: opere vero aliàs dando eleemosynam largius, aliàs mutuando hilariter, etiam si simile officium ab eo non expectemus. Nam mutuare cum expectatione alicuius officij vicissim præstandi vulgare officium est, etiam inter Ethnicos & peccatores, qui nondum sunt in familiam CHRISTI per Euangelium vocati. Hactenus de misericordia, quam ex dilectione & Christi mandato debemus proximo, & de partibus eius, quæ sunt quatuor, videlicet: bene sentire de proximo: benè de eodem loqui:

loqui: erranti noxam condonare: & indigenti consilio & opere adesse: Nunc breuiter de secundo loco dicemus.

D E S E C V N D O.

Quinq; argumentis vtitur Christus in hac exhortatione ad misericordiam, & ad ea officia quæ sunt præstanda proximo, quæ nunc ordine recensebo.

PRIMUM notatur his verbis: [Sic vt Pater vester misericors est.] Id est, exercendo misericordiam respicite ad Patrem vestrum cælestem: debent enim parentum mores ac facta esse norma viuendi filiis. Cum ergo videmus Patrem nostrum cælestem summè misericordem esse, decet vt eius imitemur exemplum. In hoc argumento plures circumstantiæ sunt perpendendæ. 1. quòd Pater noster cælestis sit omnipotens, nullius indigens, & tamen nobis miseris tantum præstiterit misericordiam. 2. quòd nos simus miseri peccatores. 3. quòd ille cælestis Pater nos ex mera misericordia recipit in gratiam. 4. quòd nos natura filij iræ eramus, Ephe. 2. 5. quòd hæc sit eius voluntas, vt filij ipsius effecti paternum imitemur exemplum. 6. vt quemadmodum ille nobis benefecit gratia: ita & nos alijs gratis præstemus: quod nisi fecerimus, horribiliter peccamus. 1. contemnimus eius mandatum. 2. degeneramus ab ipso. 3. polluimus nos sceleribus, quæ sunt opera filiorum Sathanæ. 4. abiicimus fidem. 5. proximus noster nostra culpa miser iacet, cuius miseria tangi debemus. Hæc perpendant, qui Christiani esse volunt.

S E C V N-

SECUNDVM argumentum sumitur ab utilitate, quæ ad nos ipsos venit. [Nolite, inquit, iudicare, & non iudicabimini: nolite condemnare, & non condemnabimini: Dimittite & dimittetur vobis: Date & dabitur vobis.] Hic partes illas misericordiæ, quas requirit, promissionibus suis confirmat. Propositio officij est: Nolite iudicare. Promissio mercedis seu confirmatio propositionis est: & non iudicabimini, & sic de alijs. Sensus ergo est. Qui candidè de alijs sentit, is quoq; sentiet idem sibi ab alijs præstari: qui benè de alijs loquitur, idem expectabit ab alijs: qui condonat benignè, is inueniet facilitatem similè, si is aliquando offenderit: qui consilio & opere indigentibus adest, is vicissim indigens sentiet & consilium & auxilium, idq; me efficiente. Verum contra: qui male sentit de alijs, idem expectabit: qui malè loquitur, male audiet: qui iniuriam vindicat, iniuriam patietur: qui negat consilium & opem indigenti, is quoq; indigens frustra opem ab alijs expectabit.

TERTIVM argumentum his verbis proponitur: [Nunquid potest cæcus cæcum ducere? Nonne ambo in foveam cadunt:] quasi diceret. Quemadmodum se habet dux cæcus ad cæcum ducendum: ita se habet homo malè docens & viuens, ad eos quos doctrina & vita ducere deberet. Sed quando cæcus ducit cæcum vterq; in foveam cadit: proinde qui perperam docet & male viuit, est alijs & sibi occasio lapsus. Ut igitur hoc malum vitetur, recte
agen-

agendum est cum in doctrina tum in moribus.

Q V A R T V M argumentum signatur his verbis:
[Non est discipulus supra magistrum : perfectus
autem omnis erit, si sit sicut magister eius.] Boni
discipuli exemplum sui magistri imitari debent :
proinde cum Christiani sint discipuli Christi, decet
ut hoc vita & moribus, quantum quidem id fieri
potest, exprimant.

Q V I N T V M argumentum petitur à considera-
tione propriorum errorum: [Quid vides festucam
in oculo fratris &c.] Festuca in oculo fratris est er-
ratum fratris leue : trabs in tuo est erratum ma-
gnum. Debet ergo vnusquisq; sua potius vicia consi-
derare, quàm aliena, & prius ante suam ianuam,
ut dici solet, purgare. Quod ut verè faciamus, do-
net nobis Christus, cui cum Patre & Spiritu sancto
honor & gloria in sæcula, A M E N.

D O M I N I C A

Q V I N T A P O S T T R I N I T A T I S,

E V A N G E L I V M L V C Æ 5.

F Actum est autem cum turba immineret
Iesu, ut audiret verbum Dei, & ipse sta-
bat iuxta stagnum Genezareth, & vidit
duas naues stantes ad stagnum, piscato-
res autem descenderant ex illis, & abluebant
retia. Ingressus autem in vnā nauem, quæ
erat Simonis, rogauit eum, ut à terra abduceret
pusillum. Et sedens docebat de naui turbas. Ut
cessauit

cessauit autem loqui, dixit ad Simonem: Duc in altum, & laxate retia vestra in capturam. Et respondens Simon, dixit illi: Præceptor, per totam noctem laborantes, nihil cepimus, tamen tuo iussu laxabo rete. Et cum hoc fecissent, concluderunt piscium multitudinem copiosam. Rumpebatur autem rete eorum. Et annuerant socijs qui erant in altera naui, vt uerent & adiuuarent ipsos. Et uenerunt, atq; impleuerunt ambas naues, ita vt mergerentur. Quod cum videret Simo Petrus, accidit ad genua Iesu, dicens discede à me Domine, quia homo peccator sum. Stupor enim circumdederat eum, & omnes qui cum illo fuerant, super captu piscium quem ceperant, similiter autem Iacobum & Iohannem filios Zebedæi, qui erant socij Simonis. Et ait ad Simonem Iesus: Ne metuas, posthac homines capies. Et subductis in terram nauibus, relictis omnibus, sequuti sunt eum.

ENARRATIO TEXTVS.

Occasio huius Euangelij hæc fuit: Turba auda verbi Dei est secuta Christum quocunq; perrexit, vt ipsum audiret: in quem cum turba ueluti incumberet præ uisendi & audiendi studio, cogitur nauem Petri ingredi, atq; ex ea docere turbam. Verum vt suæ doctrinæ fidem faciat, iussit eis vt retia dimitterent, qui antea conquesti erant se tota illa nocte frustra laborasse: quod cum fecissent, magnam multitudinem piscium ceperunt, adeo vt
ne duo

ne duo quidem navigia pisces caperent. Hoc miraculo confirmati spectatores, & doctrinam eius receperunt, & ipsius diuinam potentiam agnouerunt. Et cum Petrus miraculo edoctus metueret, erigitur à Domino, & accipit promissionem, quod postea esset futurus piscator hominum. Hæc est summa præsentis Euangelij, quod eò pertinet, vt non solum exemplo huius turbæ doceamur primum quærendum esse regnum Dei: verumetiam vt confirmemur de potentia Christi. Ostendit enim Christus quod habeat curam suorum: declarat quod nemo quicquam in sua vocatione præstare possit, nisi ipse laboranti adsit, ac operi veluti manum adhibeat, quemadmodum dicit: Sine me nihil potestis facere. *Jo: 15.*
Et Psal. ait: Nisi Dominus edificauerit domum, *Psal: 127.*
frustra vigilat qui custodit eam. Loci quatuor.

- I. Necessitas audiendi verbum Dei commendatur in exemplo huius turbæ, quæ adeo auidè Christum audiuit.
- II. Imago Ecclesiæ, doctorum & auditorum verbi.
- III. Miraculum præsens & eius vsus.
- IIII. Exemplum Petri cum in captura piscium, tum in agnitione Christi imitandum.

DE PRIMO.

[Factum est autem cum turba irrueret ad eum, vt ipsum audiret.] Exemplum huius turbæ docet
l Euange-

p/al: 19.

Euangelium auidè audiendum esse. Neq; enim adeo auide secuta fuisset hæc turba Christum, nisi eius doctrinam summè necessariam esse intellexisset. Sequitur ergo Christum hæc turba, non vt obseruet ipsum: non vt in verbis comprehendat: non vt irrideat, quemadmodum Scribæ, Pharisei & Hypocritæ fecerunt: sed vt audiat verbum Domini & salutis pane saturetur. Est enim verbum Dei panis cœlestis cuius dulcedo est supra mel & fauum, vt in Psalmo dicitur. Concurrit igitur hæc turba tanquam famelici ad eum, qui largam aliquam Elemosynam distribuit: idq; non immerito. Quemadmodum enim corpus saturatur pane corporeo, quia est corporeum & ipsum: ita anima pane spiritali, qui est verbum Dei, alitur: ipsa enim spiritalis est. Deinde, vt appetitus cibi est signum sanitatis, & fastidium eiusdem, ægrotantis & languentis corporis indicium est: ita appetitus verbi Dei est animæ benè se habentis signum: & contra, verbi Dei fastidium arguit animæ languentis ægritudinem. Imitari ergo nos debemus (si nos verbi fastidium capit) eos qui corpore ægro sunt. Ut enim illi medicos consulunt, vt dato pharmaco conualescant, & cibum appetant: ita nos (si verbum Dei fastidit, & ad illud nauseat anima nostra) debemus Christum medicum quærere nostris precibus, vt ille animas nostras sui verbi, hoc est, panis salutaris capaces reddat: ne fame verbi Dei destituti pereamus. Verbum enim Dei est cibus cœlestis,

stis, hoc est, panis vitæ & potus, de quo qui bibit, non sitiet in æternum, Iohan. 4.

Cæterum, ut cum has turba possimus esurire panem vitæ & sitire potum cælestem, cogitanda est huius cibi necessitas, qua perspecta, nemo non hunc cibum expetat, nisi qui suam salutem omnino non curat obcæcatus & dementatus à Diabolo.

PRIMA necessitas hæc est, quod necesse sit mori omnem animam quæ ad finem usque destituitur hoc cibo cælesti. Nam primum vitam consequimur, quando ex verbo fidem concipimus. Deinde verbum est cibus fidei, quo ipsa alitur & nutritur, Hæc necessitas confirmatur Domini dicto: Qui non crediderit morietur. Fides enim aliunde non est, quam ex auditu verbi, Roma. 10.

DEINDE sine hoc cibo manet homo sub ira Dei. Qui non credit (inquit Christus) ira Dei manet super eum. Jo: 3.

PRÆTEREA hic cibus est qui confortat ad vitam æternam. Hinc Paulus: Evangelium est potentia omni credenti ad salutem. Ro: 1.

POSTREMO, ut vno verbo dicam verbum Dei semen est incorruptibile, sicuti Petrus Apostolus docet, quo regnimur & nascimur per gratiam filij Dei, qui antea propter primorum parentum peccatum & nostrum nati eramus filij iræ. Ut ergo natura nascimur Filij iræ, id est, damnationis

l 2

ad

ad mortem eternam : ita gratia per semen verbi Dei nascimur filij gratiæ, id est, benedictionis ad vitam eternam. Qui enim credunt sunt filij Abraham & heredes promissionis : proinde si salus animæ nostræ : si euasio mortis, iræ Dei & damnationis : si dignitas, qua adoptamur in filios Dei, nos moueat, simus auidi verbi Dei, illud audiamus & conseruemus, idq; non solum exemplo huius turbæ : verum etiam totius Ecclesiæ, quæ nihil magis expetit, quam satiari hoc verbo Dei.

DE SECVNDO.

[Ascendens Iesus vnā nauim, in qua sedens docuit turbam stantem in littore.] His verbis pulcherrimè pingitur status Ecclesiæ militantis & fluctuantis in hoc mundo : In qua pictura obseruanda sunt tria. Nauis ipsa : Christus sedens in naui : & turba stans in littore. Nauis ipsa adumbrat Ecclesiam : Christus notat omnes sinceros doctores : turba stans in littore significat verbi auditores. Iam quæ admodum nauis in mari orta tempestate horribiliter concutitur : ita nihil in mundo magis concutitur quam Ecclesia : id quod totius mundi historia docet. Quam tristis fuit concussio huius nauis, quando

Gen: 4. Cain suum fratrem occidit? Deinde in Sodoma sanctus Loth: & Abraham in peregrinationibus suis? Præterea Ecclesia Dei quantum est concussa primum in Aegypto, & deinde quadraginta annis, vt

Exod: 1. taceam de persecutionibus quas Ecclesia perpeffa est

est omnibus temporibus sub iudicibus, sub regibus, in captiuitate Babylonica? Et vt omittam alia, de nostro tempore dicam, quantum concutitur Ecclesia ab ijs, qui volunt ciues Ecclesie videri? Alij hæresibus tanquam horrendis tempestatibus ab ipso Diabolo emissis, in eam impetum faciunt. Quid non Sacramentarij, quid non alij sectarij, Anabaptistæ, Libertini faciunt, vt hanc nauiculam Petri euertant? Pontifices eam hæreseos condemnant: Iudæi derident: Turca aspernatur: ciuili magistratus apud multos seditionis eam insinuat, quemadmodum in historia impij Achab legimus, qui Helie sanctissimo Propheta hæc verba obiecit? An non is es, qui turbas Israel? Quid dicam de noua inuadendi Ecclesiam ratione, quam ipsi inuenerunt qui Euangelici esse & dici volunt? Impiè & sacrilegè bona quæ pertinent ad conseruandum ministerium verbi conuertunt in prophanos vsus. Atq; adeo Sathanas cum omnibus suis membris in hoc incumbit, vt fluctuantem Christi Ecclesiam euertat: Sed fortior est Christus, quàm vt portæ inferorum aduersus eam præualeant.

Dixi de Ecclesie fluctuatione: vnde & quanta sint ministrorum verbi pericula, facile est intelligere. Vt enim Christus in naui sedet: ita & illi maximam periculorum molem sustinent, & multi ad grauissima rapiuntur supplicia. At turba stat in litore, hoc est, maxima pars auditorum sunt extra periculum. Nam cum oritur aliqua tempestas, vel

se occultant, vel prorsus discedunt. Hæc sint breuiter de concussione Ecclesiæ dicta.

DE TERTIO.

[Et dixit Dominus ad Simonem: Duc in altum. & dimitte retia ad capturam. Tunc respondens Simon, ait illi: Magister, per totam noctem laborantes nihil cepimus, tuo tamen iussu laxabo rete. Et cum hoc fecissent, concluderunt multitudinem copiosam, &c.] Hæc descriptio miraculi est. Petrus desperans de piscibus, iussu Christi dimittit rete, & cepit copiosam multitudinem, ita ut duo nauigia eos ferre non potuerint. Et si autem hoc miraculum editum est cum ad confirmandam doctrinam Christi tum ad fidem spectatorum roborandam: tamen suo quodam modo ad nos quoque pertinet. Nam quidquid præscriptum est in nostram doctrinam præscriptum est, ut per patientiam & consolationem scripturarum spem habeamus. Dicam itaque quomodo nobis seruiat præsens miraculum.

PRIMUM certificabit nos hoc miraculum de veritate Euangelij. Est enim veluti authenticum sigillum, quo Deus Pater Euangelium filij sui obsignat. Nam quidquid miraculorum Christus, Prophetæ, Apostoli vnquam ediderunt, eò spectat, ut doctrinam confirmet. Ita & in Marco & in Epistola ad Hebræos egimus. Marcus ait cap. 16. Dominus cooperatus est Apostolis & confirmabat verbum sequentibus signis. Ad Hebræos. 2. Doctrina sa-

na salutis confirmata est Deo contestante signis & prodigijs, & varijs efficacjs, & spiritus sancti distributionibus.

SECUNDO hoc præsens miraculum conuincit quod Christus non solum sit hominum terræq; Dominus, sed etiam maris: vnde fides nostra hanc concipiet fiduciam, vt statuatur nihil vel in terra, vel in mari posse huic potenti Domino resistere, quin possit suos potenter ab omni periculo eripere: sicuti Ionam Prophetam ex ore Ceti eripuit sua diuina virtute. Non est igitur quod formidemus vel diabolorum, vel hominum, vel maris crudelitatem, modo viua fide in Christum recumbamus. Unde Iohannes: *Jon: 2.*
Jo: 5. hac est victoria, quæ vincit mundum, fides vestra.

Adhuc docet præsens miraculum, vnde laboris nostri benedictio & incrementum rerum proueniat. Petrus tota nocte laborauerat, sed frustra. Quare? quia benedictionem ex sua industria & non ex fonte benedictionis Christo quæsiuit. Verum postquam iussu Christi soluit retia, cepit magnam piscium multitudinem: quo docemur quod omnis benedictio ex verbo Christi pendeat. Contra hoc peccant quatuor genera hominum.

PRIMUM increduli, qui existimant omnem benedictionem pendere ex proprio labore, aduersus quorum stulticiam David cecinit Psalmum: *Psalm: 127.* Nisi Dominus ædificauerit domum, frustra vigilat qui custodit eam.

DEINDE impij, qui ex usuris & malis artibus,

Pro: 10.

bus, hoc est, ex benedictione Sathanæ putant rerum
 & substantiarum prouenire incrementa: & profe-
 cto multi videntur inde ditescere. Sed contra Salo-
 mon dicit: Benedictio Domini diuites facit. Neq;
 enim statim aliquis recte diues dicitur, quum mul-
 ta possideat. Aliud est panis: aliud robur panis.
 Multi panem habent, & alia bona: quorum alij ijs
 vti non possunt: alij ijs ad luxum & superbiam abu-
 tuntur: alij inde se quotidie ingurgitant: alij sunt
 instrumenta libidinum, & tyrannidis exercendæ.
 Qualis, quæso, hæc est benedictio? Contra, pius qui
 mediocres habet facultates, suis rebus vitur in
 gloriam Dei, subsidium aliorum & prædicat dato-
 rem bona conscientia.

Psal: 128.

TERTIVM genus hominum, qui hic peccant
 eorum est, qui postquam audierunt ex benedictio-
 ne, Domini rerum incrementa esse, fiunt remissiores,
 & negligunt suæ vocationis laborem, cum David
 in Psalmo contra dicat: Beatus vir qui timet Do-
 minum, & in mandatis volet nimis labores manu-
 um tuarum manducabis: Beatus es, & benè tibi
 erit. Hic David rerum ordinem præscribit agendi.
 Primo loco est timor Dei. 2. desiderium & summa
 voluptas in Dei mandato. 3. labores vocationis
 commendantur. 4. additur promissio: Et benè tibi
 erit. Hanc regulam si multi sequerentur hodiè, sen-
 tirent Domini benedictionem.

QVARTVM genus hic peccantium, eorum est,
 qui nec Deum inuocant, quando eius benedictione
 vtun-

vtuntur : nec eius auxilium implorant: nec agunt ipsi gratias pro sua benedictione.

Discamus ergo hinc ex presenti miraculo & laborandum esse, & laboris successum & benedictionem à solo Deo esse, in quocunq; statu aliquis fuerit. Si quis præsint alijs vt magistratus, præfectus, paterfamilias, ita cogitet : laborem strenuè in timore Dei. Deum colam, & inuocem, vt meis laboribus adsit. Colonus, quando arat suum agrum, quando seminat, quando conuehit in horreum, Deum habeat præ oculis, sciat omnem benedictionem à Domino esse, illum inuocet, vt sibi laboranti adesse velit, & benedictionem suam largiri. Ita etiam concionator faciat, doceat, admoneat, exhortetur: sed iussu Christi in timore Dei. Sed obijcies fortè: Ego officium facio, colo agros, prædico Euangelium, instituo familiam, sed frustra. Nullum habet successum mea industria. Disce hic à Petro quid tibi desit. Petrus laborauit frustra, donec assumpsit Christum in nauem secum. Proinde tu exemplo Petri credito Christo, noli remissus esse, sed in nomine Christi laborato, & videbis benedictionem Domini.

Sed video (ais) pessimos quosq; fortunatissimos esse, & contra pios sæpè video miserrimos? Respondeo. Respice finem. Quare hoc responsum Davidis, quod est in Psalmo 36. obserua: Vidi (inquit) impium fortem & virentem, instar lauri viridis, & transiui, & ecce non fuit, & quæsiui eum, & non est inuentus. Ita omnis gloria impiorum est

l 5

veluti

510 DOMINICA V. POST

Ln: 16.

veluti fumus pertransiens. Contra, qui timet Dominum, non commouebitur in æternum. Exempla habemus. Ubi quæso nunc sunt gigantes illi gloriosi? absorpti sunt diluuiio. Ubi diues Epulo? in tormentis iacet. Contra, ubi Abraham? Ubi Dauid? Ubi pauper Lazarus? In cælo, ubi vera beatitudine fruuntur: horum exempla imitemur.

DE QVARTO.

[Quod cum videret Simon, procidit ad genua Iesu dicens: Exi à me Domine, quia homo peccator sum.] Hic vide quid Petro & socijs eius acciderit ex ista piscium captura. Petrus timet horribiliter, & iubet Christum à se exire. Quid? an non potius debuisset dicere. Mane apud me Domine, ut fœlix sit nobis piscatura? Petrus ut se peccatorem miserum: Ita Christum ex miraculo iustum & diuina potentia præditum agnoscit. Quare & ipse ad genua procumbit. Cupiunt quidem homines Dei præsentiam, sed mox ubi adesse intelligitur, conscientia eos reos peccati per agente, fugiunt & timent, donec diuina voce eriguntur, & sentiunt contra peccati conscientiam consolationem: quemadmodum hic Dominus timentem erigit, dicens: Noli timere, ab hoc tempore homines capies. Hic non solum erigit Petrum, verumetiam eum eligit in Apostolum, ut suo tempore verbo prædicationis homines capiat. Nam ut pisces reticulo: ita homines verbo prædicationis capiuntur, & de mari peccatorum in Ecclesiam

*clesiam Christi colliguntur, non vt moriantur, sed vt
æternum beati uiuant per Christum Iesum Domi-
num nostrum, cui honor, laus & potentia, in sæcula
sæculorum, A M E N.*

DOMINICA
SEXTA POST TRINITATIS
EVANGELIUM MATTH. 5.

DIco vobis: Nisi abundauerit vestra iusti-
cia plus quam Scribarum & Phariseo-
rum, non potestis ingredi in regnum
cælorum. Audistis, quod dictum sit ve-
teribus, Non occides: quisquis autem occide-
rit, obnoxius erit iudicio. At ego dico vobis,
quod quisquis irascitur fratri suo temere, ob-
noxius erit iudicio. Quicunq; vero dixerit fra-
tri suo, Racha, obnoxius erit concilio. Quisquis
autem dixerit, fatue, obnoxius erit gehennæ
incendio. Itaque si obtuleris munus tuum ad
aram, & illic recordatus fueris, quod frater tu-
us habeat aliquid aduersû te, relinque illic mu-
nus tuum coram altari, & abi, prius concilieris
fratri tuo, & tum veniens offer munus tuum.
Habeto beneuolentiam cum aduersario tuo
cito, dum es in via cum illo, ne quando te tra-
dat aduersarius iudici, & iudex te tradat mini-
stro, & in carcerem conijciaris. Amen dico
tibi, non exabis illinc, donec persolueris extre-
mum quadrantem.

ENAR-

512 DOMINICA VI. POST
ENARRATIO TEXTVS.

Summa Concionis
Christi in 5. 6. 7.
Cap: Math: con:
scripta.

HIC textus est pars concionis, quam habuit Christus in monte ad discipulos, quos recens elegerat, in qua, ut summatim dicam, eos docet, quod non soluendæ legis gratia venerit: sed implendæ. Et quoniam Pharisei legis interpretes peruersi & malè legem Dei interpretati sunt, Christus eorum errorem corrigit ac legem interpretatur. Illi enim legis doctrinam ad externa tantum facta pertinere putarunt: contra, Christus ad intimos animorum recessus eam pertinere conuincit. Deinde præscribit Christus in eadem concione formam elemosynæ dandæ, ieiunij rationem & precandi modum. Quæ omnia eò spectant, ut homines intelligant, quàm procul absint à legis Dei perfectione, et quàm necessarius fuerit Christi aduentus, in quem omnis qui credit, vindicatur à iure legis & damnationis. Hæc sint dicta de summa concionis Christi quam habuit in monte. Verum particula eius concionis, quæ hoc die in Ecclesia proponitur, sicuti audiuitis, reprehendit Pharisæicam iusticiam, & proposito legis quinto præcepto, ostendit quantum aberrarunt in interpretando legem Pharisei. Nam ut hi putarunt satis esse hominem manu non occidere: ita Christus non solum reos huius legis pronuntiat, qui homicidium externum committunt: verumetiam omnes qui cogitant aliquid aduersus proximum, sicuti mox audiemus.

Loci duo:

I. De

- I. De triplici iusticia, Pharisaica, legali & Christiana.
 II. Explicatio præcepti quinti.

D E P R I M O.

[Nisi abundauerit iusticia vestra plus quam Scribarum & Phariseorum, non intrabitis in regnum celorum.] Ut hæc ritè intelligamus, necesse est dicere de triplici iusticia: de Pharisaica, quam Christus hic reprehendit: de legali iusticia, quam Deus sua voce nobis commendat: & de Christiana iusticia, qua sola consistimus coram Deo.

Pharisaica iusticia describitur Matth. 15. Cuius descriptionis hæc sunt peculiariora capita. PRIMVM accusant Christum: tantum abest, ut eum redemptorem agnoscant. DEINDE, omnia faciunt in hoc, ut spectentur ab hominibus: sunt Hypocritæ, apparent foris religiosi & sancti: cum intèrim sint hostes Dei & omnium piorum, quos ut rabiosi canes insectantur. TERTIUM, irrita faciunt præcepta Dei, propter traditiones hominum. Nam in locum præceptorum Dei substituunt mandata hominum, ut Deus illis colatur, velit, nolit. Hæc maxima contumacia in Deum est. Nam hic non solum contemnitur Deus, & plus tribuitur humanæ stulticiæ, quàm sapientiæ Dei: verumetiam traditionibus humanis studium pietatis erga Deum aboletur, & opera charitatis extirpantur. AD HÆC, appropinquant Deo labijs, & cor eorum longe est ab illo.

ab illo. *PRÆTEREA*, dicuntur comedere domos viduarum, dum eas sub sanctimonie specie auarè ad se pertrahunt. *HVC ACCEDIT*, quod ament primos accubitus, qua re notatur eorum superbia. *POSTREMO*, claudunt regnum cœlorum ante homines, dum falsa interpretatione legis homines à fide Christi abstrahunt. Breuiter, sunt similes sepulchris dealbatis, vt Christus ait, foris enim apparent sancti, intus vero scatent impuris affectibus. Exemplum habemus in Phariseo, qui ascendit in templum cum publicano, qui non solum gloriatus est de suis bonis operibus, ieiunio & decimis, verum etiam proximo suo detraxit. Ita aperte totam legem Dei primam & secundam tabulam transgressus, & nihilominus putauit se iustum, & suis operibus meruisse cœlum. Ex his quæ hæcenus dicta sunt, hanc iusticiæ Pharisæicæ descriptionem possumus colligere. Iusticia Pharisæica consistit in externis moribus, vacans timore Dei & fide in Deum, quæ vt à Deo pro suis operibus cœlum expectat: ita ab hominibus larua fictæ sanctitatis laudem venatur. Non est igitur mirum, quod Christus dicat: Nisi abundauerit iusticia vestra plusquam scribarum & Phariseorum, non ingrediemini in regnum cœlorum. Hæc sint dicta de Pharisæica iusticia: iam de legali iusticia pauca dicamus.

De legali iusticia quatuor dicam. 1. Quid sit. 2. An quisquam iustificetur lege. 3. Quis sit vsus legis. 4. Quomodo lex credentibus in Christum sit abrogata.

Iusti.

Iusticia legalis est obedientia perfecta, pura & perpetua erga legem Dei : seu est perpetua & perfecta dilectio Dei & proximi. Ita enim lex dicit:

Diliges Dominum Deum tuum ex toto corde, ex tota anima, ex omnibus viribus, & proximum tuum sicuti te ipsum. Neq; enim lex Dei, quæ est regula iusticiæ legis, requirit externam obedientiam tantum: sed ab omni homine requirit perfectam puram & perpetuam obedientiam erga Deum, & ut promittit vitam & salutem obedientibus: ita comminatur mortem æternam hanc obedientiam non præstantibus. Non est contenta externa larua: sed requirit cor purum, affectus congruentes cum lege Dei, voluntatem promptissimam erga Deum. Deinde in omnibus viribus interioribus & exterioribus plenam & perpetuam harmoniam congruentem ad voluntatem Dei. Huiusmodi iusticiam à lege requiri patet ex interpretatione Christi, & ex illo Pauli dicto: Lex est spiritualis, ego autem carnalis: requirit ergo spirituales obedientiam. Rom: 6.
Mal: 22.

Habemus qualis sit legis iusticia: iam secundo loco quæritur, an ullus in toto humano genere hac legali iusticia possit iustificari. Ad quam questionem simpliciter respondeo, quod nemo unquam post lapsum Adæ extiterit præter solum Christum, qui legis obedientia est iustus factus coram Deo, id quod quatuor rationibus confirmabo.

PRIMA: Natura humana est impura, & peccati contagione sædata, non ergo magis potest prodire

producere puram obedientiam erga Deum, quam turbulentus & sœdatus fons producat puram & limpidam aquam: & quam arbor putrida bonos fructus producat. Unde Iesaias 64. clamat omnem iusticiam nostram esse similem impurissimo panno.

SECUNDA: Omnes homines experiuntur obedientiam, quam præstant erga legem Dei, habere quatuor conditiones cum lege Dei pugnantes. Primum enim hominum obedientia est temporanea, sed lex Dei requirit perpetuam. Deinde est contaminata. Impurum enim est cor hominis, unde proficiscitur. Tertio est imperfecta. Non enim præstatur iuxta exactam legis regulam. Quarto est fucata malis opinionibus.

TERTIA: Scriptura disertè pronunciat nullum iustum esse lege, ne vnum quidem. Et David inquit: Si iniquitates observaueris Domine, quis sustinebit. Item: Non iustificabitur in conspectu tuo (scilicet per opera legis) ullus homo.

QUARTA: Si iustificari possent homines ex operibus legis, non opus haberemus iusticia Christi. Hinc Paulus Galat. 2. Si ex operibus est iusticia, Christus frustra mortuus est. Est enim ille mortuus propter peccata nostra, & excitatus propter iustificationem nostri. Hinc iam patet, quòd nullus habeat eam iusticiam quam lex requirit.

Iam sequitur tertia quæstio de usu legis, quis sit. Usus legis diuinæ est triplex: scilicet externus, internus, & spiritualis. Externus pertinet ad hunc
exter-

externum hominem, ut honestè in hac vita uiuamus, quem usum habet communem cum ciuilibus & humanis legibus. Internus pertinet ad veterem hominem: nam nobis lex reuelat iram Dei monstrato peccato. Spiritualis usus pertinet ad nouum hominem, ut fide inchoemus obedientiam Deo præstare secundum suam legem, quantum quidem fieri potest in hac corruptione, quæ obedientia Deo grata est, propter fidem in Christum.

Sequitur quarta quæstio. Cum enim pia mens audit legem pronunciare maledictos omnes qui non præstant legi perfectam obedientiam, incipit legis sententiam metuere. Hic proinde sciendum est, quòd Dei lex sit p̃js abrogata & prorsus abolita, quantum quidem ad maledictionem attinet. Christus enim maledictionem legis in se pro nobis, modo in Christum credimus, recepit. Unde Paulus: *Gal: 3.* Christus factus est pro nobis maledictum. Et Ioha. 3. Omnis qui non credit in filium, ira Dei manet super eum. Et in Epistola: Sanguis Iesu Christi emundat nos ab omni iniquitate, id est, à maledictione quæ nobis pro iniquitate nostra deberetur. Atq; ita habemus breuiter dictum, quænam sit legalis iusticia: quòd legis operibus nemo iustificetur: Quis sit legis usus: & quatenus lex Dei abrogata sit: Nunc de iusticia Christiana pauca dicenda sunt, ut intelligamus qua in re Pharisaicæ præferenda sit.

Iusticia Christiana est obedientia Christi crediti imputata. Iustus enim Euangelicè is dicitur, cui

m

Deus

Deus peccata condonat, & imputat iusticiam filij sui, & acceptat gratis ad vitam aeternam. Quicunque enim credit in CHRISTVM, dum à reo fit non reus, & ab iniusto fit iustus ob CHRISTI iusticiam sibi imputatam, dicitur iustificari. Quod autem iusticia Christi imputetur credenti, probatur multis scripturæ dictis. Qui credit in eum, qui iustificat impium, imputatur fides eius ad iusticiam. Et Romano. capite 5. Quemadmodum inobedientia vnus hominis multi constituti sunt peccatores : ita obedientia vnus Iesu Christi multi constituentur iusti. 2. Corinth. 5. Eum qui non nouit peccatum, fecit peccatum, vt nos fieremus iusticia Dei in ipso. Quod autem ad hanc Euangelicam iusticiam non requirantur opera legis, probant multa testimonia. Roman. 3. Arbitramur hominem fide iustificari absq; operibus legis. Et Gala. 2. Scimus quod non iustificetur homo ex operibus legis, sed ex fide Iesu Christi, & nos in Christum Iesum credidimus vt iustificaremur ex fide & non ex operibus legis. Hinc iam concluditur, quod iustificatio Christiana sit credenti personæ in Christum absolutio à peccato, imputatio iusticiæ Christi, & acceptatio ad vitam aeternam gratis propter Christum.

Hæc breuiter sint dicta de triplice iusticia : nunc pauca addam de discrimine : & primum dicam quomodo Christiana iusticia differat à legali iusticia. Deinde quomodo à pharisaica.

PRI-

P R I M V M ergo discrimen inter legalem iusticiam & Christianam est, quod legalis ex operibus legis sit : Euangelica vero, sine operibus legis. **S E C V N D V M**, quod legalis sit operantis, & Euangelica sit credentis. **T E R T I V M**, quod legalis non imputetur gratis, sed sit ex merito propriæ obedientiæ : Euangelica vero imputetur sine merito propriæ obedientiæ. **Q V A R T V M**, quod legalis sit formalis ut quæ ex iustis actionibus homini formetur : Euangelica vero imputativa sit, cum iustæ Christi actiones credenti imputantur. Proinde iustificari dicitur legaliter, qui ab iniusto fit iustus, ob suam iusticiam & legis impletionem, iuxta illud : Qui fecerit ea homo vivet in eis : Sed Euangelice iustificari dicitur, qui à reo fit non reus ob iusticiam Christi, quæ fide apprehenditur. Iusticia legalis est perfecta obedientia hominis erga legem Dei : sed Christiana seu Euangelica iusticia est obedientia Iesu Christi, imputata credenti. Iustus legaliter est qui iuste agit iuxta legis sententiam : sed iustus Euangelice dicitur, cui Deus peccatum condonat imputat iusticiam Christi & acceptat ad vitam æternam gratis propter Christum. Iustificatio legalis est approbatio hominis coram Deo ob integritatem & perfectionem suæ obedientiæ erga legem Dei : sed iustificatio Christiana seu Euangelica, est approbatio hominis coram Deo ob integritatem & perfectionem obedientiæ Christi erga Deum Patrem. **Habemus discrimen inter iusticiam Christianam**

& legalem : nunc videamus, quomodo Christiana iusticia Pharisaicam iusticiam excedat. Excedit autem Christiana iusticia Pharisaicam his quatuor. Causa : qualitate : effectu : fine. Causa Christianæ iusticiæ est Deus, Christi meritum & fides apprehendens oblatum beneficium : sed causa Pharisaicæ iusticiæ est Hypocrisis hominis, ignorantia iusticiæ Dei & externa traditionum humanarum observatio. Qualitas iusticiæ Christianæ est in Christo obedientia & impletio legis : sed iusticiæ Pharisaicæ qualitas externa tantum larua est fictæ & mentitæ sanctimonie. Effectus iusticiæ Christianæ est novitas spiritus, timor Dei, vera pietas, invocatio, vera humilitas, patientia & inchoata obedientia erga legem Dei, adeo quod fide iustificatus homo, nihil magis in votis habeat, quam ut Deo obtemperet : breuiter summa eius voluptas in lege Domini est, postquam scit damnationem sublatam esse Christi merito : sed iusticiæ Pharisaicæ effectus, est superbia, gloriatio coram Deo, superstitio, contemptus proximi, breuiter talis est fructus, qualis arbor. Non enim potest mala arbor bonum fructum facere. Finis iusticiæ Christianæ est habere pacem cum Deo, accessum ad Deum, gloriam Deo tribuere, & tandem vitam æternam consequi gratis propter Christum : sed finis Pharisaicæ iusticiæ est sibi ipsi laudem tribuere, Deo eripere, & apud homines gloriari, quam tandem sequetur horribilis pœna, nisi fiat ad Dominum conuersio. Hæc iam sint dicta de triplici

Mat: 7.

triplici iusticia, & earum differentijs, quas tenere
admodum utile est.

D E S E C V N D O.

Quintum præceptum, Non occides, interpretatur
Dominus, ut Phariseorum falsam interpretatio-
nem confutet. Illi tantum putauerunt externum ho-
micideum prohiberi: at Christus penitus legem in-
trospectit, & tria alia addit præter externum homi-
cidium. [Audiistis (inquit) quòd dictum sit anti-
quis: non occides, quisquis autem occiderit, tenebi-
tur iudicio,] id est, quicumq; hominem occiderit,
reus erit coram iudicio, loquitur enim hic de exter-
no homicide & eius pœna, quæ est damnatio ciui-
lis per legem. Iudicium dicebatur, in quo Triumui-
ri sedebant, quando causarum dijudicatio erat faci-
lis. Qui enim externum homicidium manu perpe-
travit, sententia legis reus erat mortis, quam sen-
tentiam pauci potuerunt pronunciare. Hic tantum
loquitur de iudicio humano ex legis sententia. Iu-
dicium enim spirituale satis notum fuit, quod erat
maledictio. Sequitur interpretatio.

[At ego dico vobis: Qui irascitur fratri suo, reus
est iudicij.] Hic iram ponit inter genera homicidij.
Hanc prohiberi quinto præcepto non animaduerte-
runt Pharisei. Quare dicit: At ego dico vobis.
Quasi diceret: Pharisei volunt, quòd solus is violet
quintum præceptum, qui manu sua occidit homi-
nem: sed ego dico vobis, quod plus requirat ista lex.

m 3

Nam

Nam prohibet etiam iram, quæ non proficiscitur ex iusta causa, & tendit ad bonum finem.

Deinde addit et aliud peccatum quinti præcepti: Et quicumq; dixerit fratri suo Racha, id est, qui vlllo signo significat proximi contemptum, est reus coram concilio: in quo 23. iudices de causis maioribus cognoscebant. Præterea qui dixerit fratri suo Fatue, reus est gehennæ, id est, qui conuicijs & contumelijs obruerit proximum, reus est legis diuinæ, atq; adeo obnoxius pœnis inferni. Hic diuinum iudicium comparatur Senatui, septuaginta & vnus iudicium, qui de summis causis cognoscebant. Breuiter: Quinto præcepto prohibentur. 1. omnia cogitata, quibus malè de proximo cogitamus. 2. omnia signa contemptus proximi. 3. omnia dicta acerba in proximum, vt conuicia, ludibria. 4. externum homicidium: Et contra, omnia opera mandantur, quæ cum his pugnant, vt candidè iudicare de proximo, signis ostendere candorem erga proximum, bene loqui de proximo, & eius personam defendere, & tueri aduersus iniuriam.

Cæterum vt Christus ostendat, quàm sit necessarius amor proximi, & quàm sit pernitiōsa iniuria, qua proximus afficitur, duo consilia, quæ argumenta continent duo, proponit.

Vnum sumitur à damno, in quod incurrit homo iniurius proximo coram iudicio diuino. Alterum à damno, in quod incidit coram iudicio humano, qui proximum læsit.

Prims

Prius sic habet: [Si obtuleris munus tuum ad altare etc.] proponit exemplum, quod conueniebat isti tempori & isti populo, stante Republica Moſis. Est autem dicti huius hæc ſententia. Deus non iudicat tuum munus ſibi gratum & acceptum, ſi fratrem tuum odis: hoc eſt, nullus cultus Deo eſt acceptus, qui ab eo præſtatur, qui charitate erga proximum eſt vacuus. Sed quæ eſt huius Regulæ ratio? Deo nihil gratum eſt, quod ab eius hoſte proficiſcitur, ἀδωκα γὰρ τῶν ἐχθρῶν δῶκα. Iam autem Iohannes ait: Qui dicit diligo Deum, & odit fratrem mendax eſt. Nam dilectionis Dei fructus perpetuus & naturalis eſt dilectio proximi. Qui diligit me ſeruat mandata mea. Vbi ergo fructus hic non adeſt, arborẽ malam eſſe certum eſt. Quicunq; ergo proximum non diligit, fruſtra Deo ſacrificium offert.

Oratio in ſcriptura ſacrificium eſt: ſed fruſtra oras ſi odis proximum. Gratiarum actiones ſunt vituli laborum, quos ſi vis Deo placere, reconciliare prius cum proximo, & poſtea ex fide offerito. Crux eſt ſacrificium modo fide temperata fuerit. Nam ſine fide eſt iuſtum peccati ſupplicium. Sabbathismus eſt Deo gratus cultus: ſed contaminatur proximi odio. Eleemoſyna in ſcriptura dicitur ſacrificium boni odoris: ſed Paulus dicit: Si inſumpſero totam ſubſtantiam in pauperes, & charitatem non habeam, nihil ſum. Atq; ita de omni opere, quod Deus requirit, iudicandum eſt. Hic vnusquiſq; ſe ipſum examinet, & non adhibeat dolofam ſtateram.

ſimiles præſtatur
et huius præſtatur.

1 Jo: 2.

Jo: 14.

Phil: 4.
1 Cor: 13.

SECUNDVM sic habet: [Habeto beneuolentiam cum fratre tuo, cum adhuc in via es, &c.] Qui offendit & lædit proximum, incurrit in manus magistratus, & conijciatur in carcerem, vnde non eximetur, donec pro damno satisfecerit. Quare ne hoc fiat, maturè tibi reconciliandus est proximus. Cum itaq; sine charitate & frustra Deum colis, & in periculum coram Magistratu incidis, consultum est vt sis proximo charus. Huc accedit sententia Dei: Iudicium absq; misericordia sentiet, qui non fecit misericordiam. Huc parabola pertinet de debitore, cui Dominus condonauit totum debitum, &c.

Mu: 18.

Ceterum Papiste ex hoc loco suum purgatorium extruunt, de quo hodie in suis templis concionantur: Quibus respondeo.

1. In his verbis nulla fit mentio purgatorii: sed carceris, in quem conijcitur à Magistratu, qui proximum læsit.

2. Quia confugiunt ad allegoriam, sciant se infirmo niti fundamento. Primum enim nulla allegoria est recipienda, nisi quæ expresso verbo confirmari potest. 2. nulla allegoria quæ pugnat cum analogia fidei est probanda. 3. nulla allegoria, in qua vel est aliquid absurdi, vel ex qua aliquid absurdi sequitur, est admittenda. Huic proinde præcepto, cum nullus satisfacere possit, agamus pœnitentiam, confugiamus ad Christum, & deinde conemur Deo iuxta hoc præceptum obedire quantum fieri potest per auxilium Christi, cui gloria in sæcula sæculorum, Amen.

DOMI-

DOMINICA

SEPTIMA POST TRINITATIS, EVANGELIUM MARC. 8.

IN diebus illis, cum turba admodum multa esset, nec haberent quod manducarent, accersitis ad se Iesus discipulis suis, ait illis: Misericordia tangor erga turbam, quia iam tri-duo manent apud me, nec habent quod edant, & si dimisero eos ieiunos in domum suam, deficient in via. Quidam enim ex eis è longinquo venerant. Et responderunt ei discipuli sui: Vnde istos quis poterit hic satiare panibus in solitudine? Et interrogavit eos: Quot panes habetis? Illi vero dixerunt, Septem. Et præcepit turbæ discumbere super terram. Et acceptis septem panibus, cum gratias egisset, fregit, deditq; discipulis suis vt apponerent. Et apposuerunt turbæ. Et habebant pisciculos paucos, & cum benedixisset, iussit apponi & hos. Comederunt autem & saturati sunt, ac sustulerunt, quæ superfuerant, fragmentorum septem sportas. Erant autem qui comederant ferme quatuor mille, & dimisit illos.

ENARRATIO TEXTVS.

HOC anni tempore proponitur istud Euangelium, quia est messis: idq; ideo, vt admoneamur, quod fruges & fructus terræ generentur Dei benedictione: vnde admonebimur gratitudinis erga Deum pro isto munere. Statuere igitur absque

m 5

omni

omni dubitatione debemus, quod Deus terræ nascencia nobis largiatur, ad huius vitæ sustentationem, quibus reuerenter vti debemus tanquam donis, Dei manu nobis porrectis & datis, idq; in Dei gloriam, proximi vtilitatem, & status nostri sustentationem. Porro summa Euangelij est, quod præterquam quod Christus hoc miraculo probet se verum Messiam esse, præditum diuina potentia, etiam ostendat se habere curam eorum, qui se sequuntur, iuxta promissionem ipsius: *Querite primum regnum Dei & iusticiam eius, & reliqua adiunguntur vobis.*

Loci tres:

I. Sors eorum qui Christum sequuntur in hac vita.

II. Affectus Christi erga eos qui se sequuntur.

III. Recta vtendi Dei donis ratio.

DE PRIMO.

[Cum turba multa esset, nec haberet quod ederet, &c.] In hac turba tanquam in tabula ostenditur nobis qualisnam sit sors eorum, qui Christum sequuntur in hoc mundo. Per multas enim tribulationes ad regni cælestis possessionem peruenire oportet. Hæc turba venit in desertum, vbi non est panis: sed fames, periculum, mors. Eandem fortunam experientur omnes, qui Christum sequi volunt. Ideo non frustra Christus iubet, vt qui velit suus discipulus esse, abneget semetipsum, tollat crucem suam & se se-

se sequatur. Et Paulus : Omnes qui volunt pie in Christo viuere persecutionem patientur. Verum, sit Deo gloria, fors tamen nostra melior est, quam eorum qui in mundo beati videntur. Nam finis & exitus erit letus, ideo Christus ait: Beati qui lugent, quia consolationem accipient. *2 Thim: 3.*

Sed quæ causa est, quod discipuli Christi in hoc mundo affligentur? Hoc mirum non est, quod præcessit in capite, sequetur in membris, donec hic mundus steterit: idq; ideo, quia sunt in deserto, hoc est, in mundo, inter membra Sathanæ, quæ Christum & eius membra ferre non possunt. Id quod olim prædictum fuit: Semen serpentis mordebit calcaneum feminis mulieris: hoc est, Sathan cum suo semine persequetur Christum & eius membra. Nam ubi Sathan vidit crescere Christi regnum, & suum destrui, fremit & irascitur, & tanquam saucius leo insurgit aduersus oues Christi, ut eas deuoret. Hoc est quod Petrus dicit: Diabolus tanquam leorugiens circumit, quærens quem deuoret. Leo enim amissis catulis, & præterea famelicus, in quæuis quæ ei obuiam fiunt insurgit, ut vastet, deuoret & perdat. Simile studium est Sathanæ, quando vidit se suos catulos amittere, id est, eos, qui prius fuerunt sub eius potestate, conuerti ad CHRISTVM, armat suos satellites aduersus Ecclesiam, ut alij eam oppugnent hypocrisis, alij Sophistica, alij tyrannide, alij scandalis & schismatibus: quemadmodum omnibus temporibus fecerat, & hodie

Et hodie non cessat: Et si aliud non potest, conatur
 eam fame necare in deserto. Verum Christus con-
 tra, regnum quod suo sibi acquisiuit sanguine forti-
 ter tuetur, dat Spiritum sanctum, dat panem, exci-
 tat pios doctores, qui pabulo cœlesti eam pascant, Et
 in medijs periculis adest opitulator, quemadmodum
 hoc præsenti factò declarat: vsq; adeo furiosus Sa-
 than Et rabiosi hostes Ecclesiæ non præualebunt ad-
 uersus eam. Nam ipse excubias agit super Ecclesi-
 am, Et eam strenuè tuetur. Nec est quod quisquam
 aliter existimet Christum hodiè affectum esse erga
 suam Ecclesiam, quàm fuit erga hanc turbam. Ta-
 met si enim non semper Ecclesiam suam visibilibus
 miraculis defendit, tamen spiritualiter, inuisibili-
 terq; non minora miracula hodie edit in gubernan-
 da Ecclesia. Non est enim personarum apud ipsum
 respectus, sed fidei Et bonæ causæ. An non magnum
 miraculum est, quod Deus ita defenderit illum
 vnicum virum beatum Lutherum, quod Sathan et
 totus mundus aduersus ipsum armati, non potue-
 rint pilum capitis eius mouere: An non magnum
 miraculum est hodie, quòd pontifex cum florentis-
 sima mundi parte non possit Ecclesiam abolere? Co-
 natur quidem Papa cursum Euangelij flumine san-
 guinis martyrum impedire, sed quo plures occide-
 rit, eo plures quasi ex eorum sanguine nascuntur,
 sicuti in Hispania Et Gallia hodie videre est.

Muniamus ergo nos contra furores Sathanae,
 Et potissimum contra scandalum deformitatis Et
 pauper-

paupertatis Ecclesie : nec deficiamus à Christo propter vlla terriculamenta Sathanæ : nec abiiciamus confessionem, etiamsi nos famem in hoc deserto pati sit necesse: nec sinamus nos moueri eorum exemplo, qui propter persecutionem & famem discedunt à Christo : quemadmodum populus Iudaicus fecit, dum fame & persecutionibus à vicinis hostibus premeretur. Ita enim Hieremie Prophete contumeliosè restiterunt, quemadmodum legitur Hieremie 44. Sermonem, quem locutus es ad nos in nomine Domini, non audiemus ex te: sed faciendo faciemus omne verbum, quod egreditur de ore nostro, vt sacrificemus reginæ cæli (id est, Soli) & libemus ei libamina, sicut fecimus nos & patres nostri in vrbibus Iuda & in plateis Ierusalem, & saturati sumus panibus, & bene erat nobis, malumque non vidimus. Verum ex eo tempore, quo cessauimus sacrificare reginæ cæli, & ei libare libamina, indigni sumus omnibus, & gladio & fame consumpti sumus. Sed quid respondet illis Hieremias sanctus ille Propheta? Non ita est, inquit, sed propter abominationes vestras & multa scelera vos punit Deus, et quod nolueritis ambulare in præceptis Domini. Ad eundem modum hodie multos inuenies, qui ob famem, caritatem annonæ, & alia incommoda volunt deficere à Christo & eius Euangelio. Dicunt enim, quando habuimus Missas, quando Monachos aluimus, quando sanctos inuocauimus, abundauimus omnibus bonis : sed postquam hæc

non a

noua doctrina venit, plurima cum illa mala venerunt. Non est tantus timor Dei (inquiunt) minor est inter homines charitas: maiora & frequentiora dissidia: maior tyrannis: omnia cariora sunt. Ita se homines excusant, ne sequantur Christum. Sed si vis scire causas horum malorum, ego dicam. *Ln: 12.* Seruus sciens voluntatem Domini (inquit Christus) vapulabit plagis multis. Nos scimus quod rectum est, & non facimus. Ideo Deus nos punit pluribus plagis. Deinde & aliae sunt causae, nempe tyrannis Diaboli, qui magis seuit in Ecclesiam Christi, quam in alios cœtus mundi, idq; Deo permittente, ut probentur electi, id est, ut periculum faciat de ijs, qui verè Christo adherent, & cum corde colunt et non labijs. Vos igitur adhortor propter Christum & propriam vestram salutem, ut malorum hominum blasphemis vocibus non permittatis vos corrumpi, ut à Christo deficiatis, propterea quod oporteat illum in desertum sequi, vbi est crux, vbi est fames, vbi sunt lupi, vbi mille mortis pericula: Imo potius mentes nostras in cœlū leuemus, vbi Christus sedet ad dexterā Patris in gloria cœlesti. Neq; enim alia via nos in cœlum perueniemus, quam ipse, qui est caput & nos membra. Is in hac vita famem & frigus, & alia dura passus est: hæc et nos patienter feramus: quod si fecerimus, olim cum illo glorificabimur.

DE SECVNDO.

[Et ait Dominus ad discipulos: misereor super turbam

turba, quia ecce iam triduo sustinent me, nec habent quod manducent. Et si dimisero eos ieiunos in domum suam, deficient in via.] His verbis describitur affectus Christi erga turbam se sequentem. Dolet corporis famem: multo magis putandus est dolere animæ famem. Nam ut anima corpore multo est nobilior: ita animæ fames multo est perniciosior. Quid facit ergo misericors Dominus. Corpus alit corporali cibo, animam spiritali: corpus pane terreno, animam pane cœlesti, hoc est, verbo Dei. Hic ratio nostra, quæ vult sapere in rebus diuinis, etsi stulta est, quærit. Quid? an non Christus est Deus? cur igitur non statim edito miraculo illos pavit? aut si ne pane illos sustentauit? Noluit ordinem naturæ sine magna causa mutare. Ordo autem diuinitus institutus est, ut quemadmodum corpus pane: ita anima alatur & sustentetur verbo Dei. Et hoc est quod dicitur in Mose: Non in solo pane viuit homo, ^{Gen: 3.} sed ex omni verbo, quod procedit ex ore Dei. non er- ^{Mat: 4.} go vult, ut aliquid contra hunc diuinum ordinem expectemus: sed ut ipsius diuina misericordia nitamur, expectantes ab eo auxilium in tempore opportuno. Hunc diuinum ordinem Phanatici inuertunt. Scribitur de duobus Eremitis, qui incidissent in latrones, nec haberent quod ederent, grauem famem sint perpeffi. quorum tandem misertus latrones, panes eis præbuerunt comedendum. At illorum vnus ait: non comedam nisi panis mihi diuinitus detur. Alter accepit cum gratiarum actione & com-

comedit & paulo post qui expectauit de cælo panem, mortuus est fame & alter euasit incolumis, qui non miraculum expectauit, sed tanquam ex manu Dei sumpsit panem sibi à latronibus oblatum. Anabaptistæ hodie etiam hunc ordinem inuertunt. Christus iussit prædicari Euangelium, ut illo alatur anima tanquam pane spirituali: sed Anabaptistæ, contempto verbo, nouas reuelationes expectant sine verbo. Unde fit, ut in laqueos Diaboli incidant, qui se conuertit in Angelum lucis, ut eos precipitet in damnationem. Ut ergo ordinem diuinitus institutum non inuerteret, Christus differt miraculum: Sed tandem vincit affectus, quem erga suos habet plus quam paternum. Nam qualis sit Christi affectus erga suos, non solum Euangelista in hoc Euangelio ostendit, cum dicit: Misericordia commoneor erga turbam: verumetiam Prophetæ Iesaias cap. 49. pulcherrima figura ostendit: Nunquid (inquit) obliuisci potest mater infantis sui, ut non misereatur filij uteri sui? & si illa oblita fuerit, ego tamen non obliuiscar tui. Ecce in manibus meis descripsi te. Hunc affectum Christi erga suos etiam parabola de filio prodigo pingit. Quid dicam de similitudinibus & parabolis? Crux Christi ostendit qualem Christus habuerit erga suos affectum. Adeo enim nos amauit adhuc hostes, quod ignominiosissimam mortem pro nobis redimendis subierit. Sed quò hæc spectant? Primum eò, ut induamus filialem affectum erga Deum Patrem & Dominum nostrum

Ln: 15.

nostrum Iesum Christum. Deinde, vt agnito eius erga nos amore, nihil sit nobis in vita charius, nihil dulcius, nihil preciosius, quam eius voluntati nos totos subijcere, ac ipsius voci obtemperare: in qua re consistit perfectio Christiana in hac vita. Ita legimus patrem nostrum Abrahamum fecisse, qui postquam audisset à Domino: *Ambula coram me, & esto perfectus*, accepit mandatum, vt filium suum vnigenitum Isaac, quem peperit ei Sara in senectute, mactaret. Sed quid ille? Mox voluntati Domini obediuit & instructa lignorum strue filium mactare voluit: sed angelus Domini eum retraxit. Hoc facto Dominus ait ad Abraham: *Iam scio quòd timeas me*. Videmus hìc in Patre nostro Abrahamo, quo fuerit erga Deum obedientie studio, qui ne filio suo vnigenito parcere voluit, sed mactare ad mandatum Domini. Sed, proh dolor, multos inuenies, qui ne vnum quidem affectum iussu Dei clementissimi Patris iugulare volunt, tantum abest, vt patris Abrahæ exemplum imitari cupiant. Præterea, affectus Christi paternus erga nos, debet nos admonere similis beneuolentiæ & amoris erga fratres. Exemplum dedi vobis (inquit) diligite vos inuicem, sicuti ego vos dilexi.

Gen: 22.

Joan: 13.

DE TERTIO.

Miraculum hoc præsens, quo Deus septem panibus & paucis pisciculis alit quatuor millia hominum, eò spectat, vt confirmet veritatem Euangelij

n Christi,

CHRISTI, & augeat fidem turbæ præsentis, de quo plura iam non dicam : sed volo nonnihil de modo rectè vtendi donis Dei loqui, quò nos excitemur ad gratitudinem erga Deum, & rectè vtamur benedictione Domini.

PRIMUM ergo hoc obseruandum est, quòd in manibus Christi orantis, & gratias agentis Patri cælesti, crescat panis : vnde docemur, omnem benedictionem à Domino esse, quemadmodum Paulus I. Tim. 4. docet, cum ait : Omnis creatura Dei bona est. Hic paululum subsiste, & cogita res, quas habes, cibum & potum esse Dei creaturam, non tuam creaturam : Quare furem agis, si ab inuito quicquam abstuleris : quod facis quoties vteris creaturis Dei sine gratiarum actione & inuocatione Dei. Quicquid enim habes tanquam tuum, alienum est & illicitum, nisi illud ab eo petas. Hinc est quòd Christus doceat suos orare : Panem nostrum quotidianum da nobis hodie. Vide hîc. Idem panis dicitur noster & Dei. Noster est, quando labore partus est iusto : Dei est, quia ipsius est creatura, qua non licet tibi vti, nisi antea eam ab ipso petieris. Propterea Paulus etiam addit : Sanctificatur enim per verbum Dei & precationem. Sanctificatur, id est, eius vsus fit nobis purus & licitus, vt ipsa creatura vti possimus conscientia bona. Sed quomodo sanctificatur ? per verbum & precationem. Per verbum quidem fidem intellige, quam verbum requirit. Ex verbo enim fide apprehenso duo profitemur

nos

I. Tim. 4.

nos credere. *UNVM*, creata esse omnia hominum causa à Domino pro immensa ac infinita sua sapientia. *ALTERVM*, nos ex eorum esse numero, qui ius illud iustæ in reliqua animantia dominationis in Adamo deperditum, per gratiam in Christo receperimus, ut hanc vitam tueamur, quam ipsius amplificande gloriæ impendamus. Hanc fidei professionem sequitur oratio, ut nobis det Dominus, ut bona conscientia dapibus ab ipsius manu acceptis cum omni timore ac reuerentia frui possimus. Postremo gratiarum actione, repetitis etiam precibus, conuiuia nostra claudemus: ita nobis sanctificentur cibi. Verum ij, quibus non hoc pacto sanctificantur cibi, duplicem iniuriam faciunt. *PRIMUM* enim Deum spoliant suo honore, quem non inuocant & agnoscunt datorem omnium bonorum esse. *DEINDE* creatura Dei inuita vtuntur: vnde Paulus dicit, Creaturam vanitati subiectam esse. *Rom: 8.* A qua vanitate Deus apud Oseam cap. 2. promittit se liberaturum creaturam. Etsi autem hæc, quæ iam dicta sunt, satis monere nos possunt, ut rectè vtamur creaturis Dei exemplo Christi: tamen ut magis nostra socordia arguatur, rationes quasdam recitabo, quæ nos commoueant.

PRIMA: Ipse Christus, qui omnia condidit, precatus est, & egit gratias, quoties donis Dei fuit illi vtendum: multo magis id nos decet facere, qui prorsus mendici sumus in conspectu Domini.

SECUNDA: Pulli coruorum suo more inuocant,

p(al): 147.
cant, & Dominus eos pascit. Unde David dicit Dominum dare escam pullis cornuorum inuocantibus eum. Coruus enim pullos suos inplumes non agnoscit pro suis, quare eos deserit: sed Dominus, ne pereant, vermiculis illos alit donec nigrescant: tum enim mater redit & agnitos alit.

TERTIA: Turcæ bis in die conueniunt ante prandium & cœnam, petaturi benedictionem Domini: & nos Christiani negligimus.

QUARTA: Ethnici semper sua prandia inceperunt à sacrificijs & inuocatione, tametsi rectè inuocare non potuerunt.

QUINTA: Ecclesia inde vsq; ab initio mundi vsura donis Dei incepit à benedictione. Nihil enim inuocatione fuit illi frequentius. Nam precibus nostris Deum inuitamus ad nostra prandia, cui sit honor & gloria, in sæcula sæculorum, **A M E N.**

DOMINICA OCTAVA POST TRINITATIS EVANGELIUM MATTH. 7.

CAuete vobis à Pseudoprophetis, qui veniunt ad vos in vestitu ouium, sed intrinsecus sunt lupi rapaces. A fructibus ipsorum agnoscetis eos. Nunquid colligunt de spinis vuam, aut de tribulis ficus? Sic omnis arbor bona fructus bonos facit: putris autem arbor fructus malos facit. Non potest arbor bona fructus malos facere, neque arbor putris

putris fructus bonos facere. Omnis arbor quæ non facit fructum bonum, exciditur, & in ignem conijcitur. Igitur ex fructibus ipsorum agnosceitis eos. Non quisquis dicit mihi, Domine, Domine, introibit in regnum cœlorum, sed qui fecerit voluntatem patris mei, qui in cœlis est.

ENARRATIO TEXTVS.

Occasio huius Euangelij duplex fuit. Una erat doctrina Christi, quam in 5. 6. 7. cap. proposuit Dominus. Altera falsorum doctorum apud Iudeos vanitas: qui partim deprauabant doctrinam Moſis & Prophetarum, partim abolebant. Mandat ergo omnibus Dominus, vt & discant quæ recta sint, & caueant à corruptelis falsorum doctorum. Proinde hîc Dominus medicus animarum, imitatur fideles corporum medicos. Nam vt illi, postquam veram medicinam tradiderunt, quæ noxia sunt cauenda docent: Ita filius Dei, saluator ac medicus noster, primo quidem loco præscribit animæ salutarem medicinam: postea vero, quæ cauenda sunt, monet. Summa autem huius Euangelij hæc est, quod vt fugiendi sint falsi prophetæ, qui ex fructibus suis agnosci possunt: ita vera pietas non sita sit in vana religionis professione, sed in vera pœnitentia & conuersione. Loci tres:

I. Mandatum vitandi falsos Prophetas.

II. Falsorum Prophetarum descriptio.

n 3

III. Præ-

III. *Præmonitio Christi: Non omnis qui dicit mihi Domine, Domine, intrabit in regnum cælorum, sed qui facit voluntatem, &c.*

DE PRIMO.

[*Cauete à falsis prophetis, &c.*] Hoc mandatum Christi vniuersale est, quod ad omnes homines pertinet: quare diligenter perpendendum est & obseruandum. Verum in hoc mandato tria sunt spectanda: *Necessitas, obligatio, & vsus*, de quibus ordine dicam.

Necessitas sane maior est, quàm vulgus intelligit. Nam Diabolus hostis Christi & humani generis inimicus, nihil non facit, vt vel regnum Christi prorsus aboleat, vel deformat scandalis. Ad quod vtitur varijs technis suo more. Aut enim doctrinam sanam prorsus tollere conatur, quemadmodum in Turcia fecerat: aut eam corruptelis suis deprauare nititur, quemadmodum in paradiso fecit, & postea omnibus temporibus: aut Sacramenta mutilat & peruertit sicuti in Papatu & in multis locis fecerat: aut mores & vitam hominum, suo veneno, inficit. Scripturam igitur & sanam doctrinam inuadit, vt vnum ad minimum ex his quatuor obtineat. 1. vt persuadeat nobis, quòd non simus curæ Deo. 2. vt tentemus aliquid contra nostram vocationem facere. 3. vt instituamus cultum contra mandatum Dei. 4. vt omni turpitudine & iniu-

injusticia
hostis iste
providen
vocation
or est: qu
Deum co
seruus: q
stipendi
est contr
re à fals
Deo esse
ro habe
retinet
colendi
nis ac
tinet.

Sec v
hoc prim
hac obli
rum Ec
obtempe
quibus
Christi, e
bis: Spe
de ore n
ego dix
nuncian
via sua
sua mor

iniusticia inuoluamur. Quoduis horum effecerit hostis iste, homines captiuos tenet. Nam qui Dei prouidentiam negat, Epicureus damnatus est: qui vocationem suam fraudulenter obit, infideli deterior est: qui cultum instituit contra Dei interdictum, Deum contemnit, & est Diaboli potius, quàm Dei seruus: qui vitam turpem viuit, seruus est peccati, stipendiarius mortis & Sathanæ. Sed quid remediū est contra hæc mala? Doctrinæ puritas & abstinere à falsis Prophetis. Doctrinæ enim puritas nos Deo esse curæ docet, adeo quod Dominus in numero habeat omnes pilos capitis nostri: eadem nos retinet in vocatione nostra, & formam veram colendi Deum tradit. Præterea veræ sanctimoniæ ac vitæ inculpate transigendæ regulam continet.

SECUNDVM, quod spectandum admonui in hoc primo loco, est obligatio. Quæri autem potest an hæc obligatio sit omnium, aut tantum gubernatorum Ecclesiæ. Multi enim putant se excusari, si eis obtemperent qui habent ordinariam vocationem: quibus Propheta Ezechiel capite 3. imo spiritus Christi, qui in Ieremia loquitur, respondet his verbis: Speculatorem dedi te domui Israel & audies de ore meo verbum & annuntiabis eis ex me. Si ego dixero ad impium, morte morieris, & non annunciaueris ei, neq; locutus fueris, vt auertatur à via sua impia & viuat: ipse impius in iniquitate sua morietur: sanguinem autem eius de manu tua

n 4

requi-

Ezech: 3.
33.4
10 11

requiram: Si autem tu annunciaueris impio, & ille non fuerit conuersus ab iniquitate sua & via sua impia: ipse quidem in iniquitate sua morietur: Tu autem animam tuam liberaſti. Hoc Prophetæ dictum ſatis oſtendit errare eos, qui putant ſatis eſſe, ſi ſuis parochis obtemperauerint, ſiue benè ſiue malè doceant. Si ſic eſſet, & Turcæ & Ethnici eſſent ſaluandi quorum multi ſuis obtemperarunt Doctõribus. Sciendum eſt igitur obligari omnes, vt falſos prophetas fugiant, tanquam ſuæ ſalutis peſtes. Nam mandatum Chriſti eſt manifeſtum, quod hic datur omnibus, loquitur enim turbis. Et Iohan. I. Epistolæ 4. ait: Nec cuius ſpiritui credatis: ſed probate ſpiritus, an ex Deo ſint, quoniam multi Pſeudoprophetæ exierunt in mundum. Et Chriſtus dicit: Oues meæ vocem meam audiunt. Sed quid hic facit tyrannus Papa? Dicit ad ſe & ſuos rafos pertinere dijudicationem doctrinæ. Quid, quæſo, impudentius cogitari aut dici poteſt? an non hoc eſt ſponſæ Chriſti imperare & dominium ſibi uſurpare in ſortem Domini contra prohibitionem Petri Apoſtoli, cuius ſucceſſorem ſe eſſe gloriatur? Iohannes Baptiſta dicit ſe miniſtrum ſponſæ eſſe: ſed Papa vult ſponſæ dominari. Chriſtus cupit ſibi ſponſam ſeruari caſtam: ſed Papa eam nefando adulterio contaminat: proponit ei doctrinas demoniorum, quibus adulterari diſcat: Paulus dicit: De ſponſau vos vni viro, vt vos virginem caſtam exhibeam Chriſto. Hæc deſponſatio fit per fidem puriſſimi & caſtiſ-

Jo: 10

Jo: 3

caſtiſſimi
ſorem glo
ſpurcat:
ſponſi ad
T E
primo lo
falſis pr
P R
Eccleſia
ficauit
in agru
minauit
nunqua
conetur
mis par
in toto
diligenti
S E
Prophe
ctrine
ſes creſc
Scrutan
ſeritis i
cognoſc
T E
ſia &
locum
remur
liceret

castissimi verbi Dei: Sed Papa, qui se Petri succes-
sorem gloriatur, hanc virginem mille adulterijs con-
spurcat: quando eam ab amplexu Christi
sponsi ad idololatrias varias et cultum sanctorum.

TERTIVM, quod spectandum proposui in hoc
primo loco, est vsus huius prohibitionis: [Cauete à
falsis prophetis:] qui vsus sane est multiplex.

PRIMUM enim hæc prohibitio monet fore in
Ecclesia falsos doctores: quod Dominus etiam signi-
ficauit parabola de homine mittente bonum semen
in agrum, & inimico, qui venit, & in eundem se- *Mathi 13.*
minauit zizania. Tanta enim est rabies Diaboli, vt
nunquam quiescat, quin verbum Dei corrumpere
conetur: quod facere cæpit statim conditis pri-
mis parentibus in paradiso: & hodie (proh dolor)
in toto terrarum orbe grassatur. Hoc cum scimus,
diligentiores nos esse & cautiores oportet.

SECUNDO, hæc prohibitio: Cauete à falsis
Prophetis, excitare nos debet ad acrius veræ do-
ctrinæ studium: vnde Paulus optat, vt Philippen-
ses crescant in omni cognitione. Et Christus dicit: *Joan: 5.*
Scrutamini scripturas, & discite à me. Si vos man- *8.*
seritis in sermone meo, verè discipuli mei estis, &
cognoscetis veritatem, & veritas liberabit vos.

TERTIO, hæc prohibitio conuincit, quòd Eccle-
sia & possit deponere falsos doctores, & in eorum
locum substituere veros doctores. Frustra enim iube-
remur à falsis prophetis abstinere, nisi eos deponere
liceret ab officio & docendi munere, & veros mi-

nistros in eorum locum substituere. Laudandi igitur sunt pii reges & principes, qui de reformatione Ecclesiarum, & conseruatione ministerij verbi sunt solliciti.

Ln: 10. QVARTO ostendit & hæc prohibitio, quomodo sint accipienda verba eorum qui docent. Si vera docent, audiendi sunt non secus atq; Deus ipse. Ita enim ait Dominus: Qui vos audit, me audit, qui vos spernit, me spernit. Si falsa docent, sunt non secus atq; Sathan ipse fugiendi. Nam vt Sathan Euam seduxit mala doctrina: ita qui falsa docent, homines à gratia Dei imo à regno cœlesti deturbant, quemadmodum in papatu factum esse nemo non nouit.

DE SECVNDO.

[Qui veniunt ad vos in vestitu ouium, sed intus sunt lupi rapaces,] In huius loci declaratione quinq; ordine videbimus. 1. Unde veniant falsi Prophetæ & quo. 2. Quæ sunt illorum in scriptura appellationes: vnde periculi magnitudo intelligi potest. 3. Quæ sit externa species falsorum doctorum. 4. Quodnam sit illorum studium, quæ intentio. 5. Quas habeant notas, vnde à veris Prophetis discerni queant.

Si queris vnde veniunt, & quo, breuiter respondeo: veniunt à Sathana excitati, idq; in vineam Domini, hoc est, in Ecclesiam. exempla sunt multa. In paruam illam Ecclesiam Adam, Eua, Abelis, venit falsus Doctor Cain, qui armatus à Sathana proprium fratrem tandem propter diuersam religionem

gionem occidit. Deinde multi sunt secuti falsi prophetae usque ad diluvium, quo & ipsi falsi Doctores, & ipsorum discipuli sunt puniti. Mox à diluvio rursus Sathan misit falsos Doctores in Ecclesiam, qui adeo vineam Domini vastarunt, quod veritas Dei solummodo manserit apud paucos quosdam de familia Sem. Sic & postea usque ad Christum semper in Ecclesiam falsi doctores subintrarunt & sepiissime penes ipsos fuit summa rerum administratio tum politica tum Ecclesiastica. Resuscitato Christo multi venerunt falsi Prophetae & omnibus temporibus fuerunt plurimi. Papa tandem verus Antichristus in numeros emisit haereticos, Monachos potissimum, qui miserrime Ecclesiam Christi falsa doctrina lacerarunt. Et hodie passim sunt falsi doctores. Breuiter ubicunq; Christus suum bonum semen iacet in agrum, ibi Sathan mox addit suum semen Zizaniarum. Christus igitur non frustra hortatur, ut caueamus à falsis Prophetis.

Scimus unde veniant falsi Doctores & quo veniant: iam ut periculi magnitudo perpendatur, quaedam ex ipsorum nominibus recitabo. 1. Vocantur generali nomine falsi Prophetae, id est, tales qui videntur esse veri Doctores, habentes ordinariam successionem et potestatem, & sunt nihilominus mendaces, ut qui in locum verae doctrinae, Sathanica mendacia et humana somnia substituunt, quales in Papatu fuerunt multi. 2. A Ioanne Apostolo vocatur spiritus mali, tunc quod à sathana, qui malus est, sint

Math: 13.

Jo: 4.

Jn. 2:1.

Phil: 3.

Phil: 3.

1 Jo: 2.

Phil: 3.

sint missi, tum quod sint alijs occasio mali & damnationis. 3. A Iuda Apostolo vocantur nubes sine aqua, similes Cain, Balaam & Chore. Væ ipsis, inquit, nam viam Cain ingressi sunt & deceptione mercedis, qua deceptus fuit Balaam, effusi sunt & contradictione Chore perierunt. 4. Vocantur à Paulo canes cum quia lacerant verbum Dei, tum quia oves ab ipso ouili Christi arcent. 5. Vocantur mali operarij, quia male laborant, & finis laboris eorum est cum ipsorum exitium tum eorum damnatio, qui eis auscultant. 6. Vocantur ab Apostolo Iohanne Antichristi non quod negant Christum, sed quia doctrinam Christi peruertunt, & vita sua Christo aduersantur. 7. A Paulo vocantur inimici crucis Christi, quia non tribuunt salutis principium, medium & finem vnius Christi merito. In hoc Euangelio dicuntur lupi, sed habentes larvam ouinam, hoc est simulantes se homines mansuetos esse: sed fraudibus tamen occulte in ouile Christi instar lupi insilientes, lacerantes & occidentes oves Christi falsa doctrina, & simulata sanctimonia.

Sed quæ est externa species falsorum doctorum? [Veniunt, inquit Christus, in vestitu ouium.] Loquitur hic Dominus non in genere de omnibus malis doctoribus: sed tantum de vno genere. Nam quidam sunt, qui bene docent & male viuunt: quidam qui male docent, & male viuunt: quidam qui male docent, & benè videntur viuere. De hoc tertio Prophetarum genere hic DOMINVS loqui-

loquitur. Nam ex his maximum est periculum.

Quodnam est eorum studium? Hoc docet Christus pulchra imagine, cum eos dicit lupos esse. Ut lupus hoc studet, ut oves ab ouili auertat: Deinde ut abigat in syluam. Tertio, ut deuoret & perdat: ita falsi Prophetæ oves, id est, pios & mansuetos homines fraudibus conantur abducere à vera Ecclesia & abigere in desertum, ubi non est pabulum verbi Dei, ut eis dominantur & ad postremum trucident non tam corpora, quam animas. Quam hoc verum sit, docet Turcia à suo malo Propheta decepta: docet Papatus ab Antichristo Romano in errorem præcipitatus: docent multæ nationes quæ à Libertinis & Anabaptistis in horribiles furores sunt abductæ.

Sed dicis: Quomodo possum ego rudis & imperitus in hac opinionum varietate iudicare, qui sint veri & qui falsi doctores? Ut possimus iudicare & discernere inter pastorem & lupum, Christus nobis lupi notas monstrat, & suis proprijs notis falsos doctores delineat. Veniunt, inquit, ad vos in vestitu ouium. Videntur, si laruam externam respicis, sanctissimi, imo angeli Dei: Verum si laruam detrahis, lupos agnosces, primum, quia non sonant vocem Christi, imo alieno sono abducunt oves Christi à suo vero ouili in desertum, ut hominum conscientias occidant, & animas eorum perdant. Atq; hæc est vna nota. Addit præterea & aliam, cum ait: [A fructibus eorum cognoscetis eos.] Hic diligenter

genter cauendum est, ne folia pro fructu agnoscas. Mala interdum arbor habet speciosa folia: & rursus bona nonnunquam fructum quidem copiosum habet, sed folia non ita speciosa. Sed quinam sunt veri Prophetarum fructus? Sunt triplices: Cultus, doctrina, mores conformes doctrinae. Verus Prophetarum cultus, doctrinam & mores habet iuxta prescriptum verbi Dei. Falsus propheta habet cultum ab hominibus excogitatum, doctrinam humanarum traditionum, & mores externè quidem honestos, sed meram hypocrisin redolentes.

DE TERTIO.

[Non omnis qui dicit mihi Domine Domine intrabit in regnum caelorum: sed qui facit voluntatem Patris mei qui in caelis est, ipse intrabit in regnum caelorum.] Hoc domini dictum duplicem doctrinam continet: vnam de damnandis, alteram de saluandis. Loquitur autem de ijs, qui in externa Ecclesiae societate sunt: nam de alijs non dubium est, quin damnentur. Sed quinam damnantur? qui gloriantur de Christo, & non faciunt voluntatem Patris caelestis. Quinam sunt illi? qui iactant fidem quam non habent, id est, profitentur fidem sine poenitentia & pia vita: hos damnari pronunciat Christus: neque id mirum est. Nam huiusmodi horribiliter peccant. Primum peccant mendacio, quia Deo mentiuntur. 2. contumelia, quia abutuntur sanguine

guine Christi, effuso pro nobis, non indulgeamus omnibus furoribus libidinum & tyrannidis: sed ut deleatur peccatum & Deo sanctificemur. 3. peccant furto, quia spoliunt Deum suo honore. 4. homicidio, quia primum seipsos falsa persuasionem, deinde & proximum occidunt malo exemplo. 5. prophanant templum Spiritus sancti. Quinam saluantur? qui faciunt voluntatem Patris cœlestis. Verum hic multi impingunt. 1. Qui gentes saluari dicunt, quæ honeste in mundo viuunt: quos confutat hoc dictum: Qui non credit ira Dei manet super eum. 2. Qui dicunt suam regulam esse voluntatem Dei, contra quos Christus dicit: frustra me colunt docentes mandata hominum. 3. Qui dicunt legem esse voluntatem Dei: quod quidem verum est: sed si, qui hanc voluntatem facerent, saluarentur, tum nemo saluaretur. Quæ est ergo voluntas, quam facientes saluantur? Christus respondet Iohan. 6. Hæc est voluntas patris, ut credant in eum quem misit ille. Sic enim dicit Dominus: Qui credit in filium, habet vitam æternam. Hæc fides habet secum pietatem & charitatem, germanos suos fructus, quos edunt p̄i per Iesum Christum, cui gloria in sæcula sæculorum. A M E N.

Jo: 3.

Math: 15.

Mar: 7.

DOMINICA
NONA POST TRINITATIS,
EVANGELIUM LVCAE 16.

Iesus

Iesus dicebat ad discipulos suos: Homo quidam erat diues, qui habebat dispensatorem, & hic delatus est apud illum, vt qui dissiparet bona ipsius. Et vocauit illum, & ait illi: Quid hoc audio de te? Redde rationem dispensationis tue. Non enim poteris posthac dispensare. Ait autem dispensator intra se: Quid faciam, quia dominus meus aufert à me dispensationem? Fodere non valeo, mendicare erubesco. Scio quid faciam, vt cum amotus fuero à dispensatione, recipiant me in domos suas. Conuocatis itaq; singulis debitoribus domini sui, dicebat primo: Quantum debes domino meo? At ille dixit: Centum batos olei. Dixitq; illi: Accipe cautionem tuam, & sede cito, & scribe quinquaginta. Deinde alteri dixit: Tu vero quantum debes? Qui ait: Centum coros tritici. Ait illi: Accipe cautionem tuam & scribe octoginta. Et laudauit Dominus dispensatorem iniquum, quod prudenter fecisset. Quia filij huius sæculi prudentiores sunt filijs lucis in natione sua. Et ego vobis dico, Facite vobis amicos ex mammona iniusto, vt cum defeceritis, recipiant vos in æterna tabernacula.

ENARRATIO TEXTVS.

Hortatur Christus in hoc Euangelio suos discipulos ad beneficentiam erga proximum, idq; parabolico exemplo: cuius summa hæc est. Oeconomus alicuius hominis prædiuitis est sollicitus, quid sibi amoto ab officio fiat: multo magis Christiani, qui

qui sunt Oeconomi Dei in varijs donis, debent esse solliciti quid sibi eueniat, reddita ratione, id est, vbi ex hac vita excefferint. Verum vt œconomus quaerit sibi amicos mammona iniquitatis, qui se amotum ab officio recipiant. Ita Christiani suis bonis & donis obstringant sibi pauperes, qui suo testimonio in æterna tabernacula se recipiant. Hæc Euangelij præsentis est summa: verum, vt nobis in instructionem vberiore cedat, quatuor tractabo locos.

Loci quatuor:

- I. Reprehensio abusus donorum Dei.
- II. Beneficentiæ erga pauperes causæ.
- III. Querela, quod filij huius sæculi sint prudentiores filijs lucis.
- IIII. Usus diuitiarum, & merita bonorum operum.

DE PRIMO.

Cum textus hîc proponit nobis dispensatorem, qui dissipauit bona domini sui, in vniuersum reprehenditur abusus donorum Dei. Nam quis est, qui donis sibi à Deo collatis, non magna ex parte abutitur? Hoc quale sit, aliquot exemplis declarabimus. Sapientia data est alicui, vt aliquos imperitos & rudes inuet ac regat consilijs; sed nunc dolo & imposturis seruit. Diuitie conferuntur ad Ecclesiæ membra fouenda: at nunc inutilibus pompis & sumptibus impenduntur. Lingua concessa est homini, vt ea vtatur ad docendum quæ pia & honesta

sta sunt, & ad ferendum veritati testimonium: sed nunc quid sit? maledictis, conuicijs, periurijs, obtrektionibus & blasphemijs ancillatur. Vires collatae sunt ad iusticiae & rerum bonarum defensionem: at nunc tyrannorum praesidia sunt, quibus vtuntur ad euertendam veritatem, ad euertendas honestas respublicas. Ad eundem modum, alia dona Dei sunt in magno abusu, qui abusus sanè non aliunde proficiscitur, quàm ex his fontibus.

PRIMUM, Peccatum quod in nobis habitat huiusmodi germina producit, & quo minus fuerit spiritus imperio subactum, eò plura mala progignit. Est enim omnium malorum camarina profundissima, quae in totum in hac vita expurgari nequit.

DEINDE, ipse Diabolus aduersarius noster sitiens damnationem nostram, insidiatur hominibus, & quærit mille perdendi vias, vt regno Christi in hoc mundo abolito, vel in angustissimum redacto, suum regnum stabiliat.

TVM, pessima mundi exempla quibus incitatur ad imitationem. Mala enim consuetudo, vt quidam ait: pabulum est nequitiae. Et Paulus ait: Exiguum fermentum corrumpit totam massam.

AD HÆC, hoc malum etiam auget gubernatorum negligentia, qui homines non cogunt disciplina seueriori ad rectè faciendum officium. Verum nos qui Christiani dici gloriamur, deberemus retineri in officio harum rerum cogitatione.

PRIMUM mandatum Dei perpetuo nobis in
animo

1 Cor 5.
Gal: 5.

animo fixum commonefaceret nos de officio. DEINDE, honestas ipsa & virtutis decus nos extimularret, ne turpiter donis Dei abuteremur. TERTIO loco rei dignitas stimulos adderet. Quid enim dignius filiis Dei est, quam vt se conforment ad exemplum clementissimi patris. QUARTO loco vocatio nostra. Sumus enim vocati ad sanctitatem, vt & nos sancti simus, & sanctus sit rerum, quas Dominus nobis concessit, vsus : Hæc cogitare serio debemus.

DE SECVNDO.

Cum totum hoc Euangelium proponitur, vt nos ad beneficentiam erga proximos nostros excitemur: dicam de beneficentia hæc ordine. Primum causas recitabo, quibus ad beneficentiã nos excitari oporteat. Deinde de fructibus. Tum de beneficentiæ modo iuxta certas regulas. Deus in lege magnam rationem videtur proponere, cum dicit: Dilige proximum tuum vt teipsum, quasi dicat: hæc vna ratio est cur nos mutuo diligamus, quod homo homini sit proximus. Cuius dilectionis pulcherrimum exemplum proponitur in Samaritano, qui hominem, qui inciderat in latrones, adeo sollicitè & diligenter curauit. Beneficentia igitur præstanda est homini ab homine, quia homo homini proximus est: idq; multis rationibus. 1. ratione creationis: idem enim Deus creauit nos homines. Nunc videmus quanta sit in multis animantibus pietas, quæ se mutuis

0 2

officijs

Mat. 19.
1m: 10.

officijs iuuant & alunt, vt in ciconijs videre est. 2. homo homini est proximus ratione similitudinis: nam omnes homines ad Dei similitudinem conditi sunt & habent omnes eandem humanam naturam. 3. homo homini proximus est ratione communis vite & humane societatis. Atq; hac triplex societatis ratio est nobis communis, non solum cum omnibus Christianis: verumetiam cum omnibus in mundo hominibus, Ethnicis & Iudæis. Verum Christianus Christiano proximus est, primum ratione mystici corporis. Nam omnes, qui in Christum credimus, Christum induimus & eius membra sumus, & ipse caput nostrum, & viuimus ex eodem spiritu Christi. Hæc sanè societatis ratio, merito nos ad mutua officia præstanda excitaret. Si serio de hac societate & mystica coniunctione nostri in vno corpore cogitaremus, tum profecto, quemadmodum manus famulatur reliquis membris, & sic alia alijs: ita & nos propter hanc mysticam copulam, in vno corpore nos mutuis officijs prosequeremur. 2. Christianus Christiano est proximus ratione regenerationis, qua in filios Dei patris renascimur. Cum igitur fratres vterini in hac vita sibi inuicem officia communicant, multo magis id nos decet, qui Deum communem patrem interpellamus, & dicimus: Pater noster qui es in cælis. 3. Christianus Christiano est proximus ratione vocationis. Nam ad vnitatem spiritus in vinculo pacis vocati sumus, Ephe. 4. 4. Christianus est Christiano proximus

mus

mus ratio
dem imm
erimus in
lebrantes.

Hæc f
ter homin
pui. i. gl
ret ad be
mi, qui e
centur &
premiu
meis disc
non per

Veru
de eo etia
ait: Bibe
medi pute
tibi soli &
PRIM
DV M, 7
ipse Dom
omnia pr
charitas,
Sed de ha

[Fili]
in genera
quod filij

mus ratione futura gloria, nam omnes ex fide eandem immortalitatis gloriam expectamus, ubi socij erimus in omni aeternitate, Deum vnanimiter celebrantes.

Hæc sint dicta de causis beneficentiae mutuae inter homines: sed fines qui sunt? quatuor sunt præcipui. 1. gloria Dei. Hic finis merito filios Dei mone- ret ad beneficentiam. 2. subleuatio indigentis proxi- mi, qui est caro nostra. 3. Exemplum quo alij adifi- centur & inuitentur ad similem beneficentiam. 4. præmium: nam Christus ait: Qui dederit vni ex *Math: 10.*
meis discipulis meo nomine haustum frigida aquæ, non perdet mercedem suam.

Verum quia de beneficentia modo quæri potest, de eo etiam nonnihil adiiciam. Salomon Prouerb. 5. ait: Bibe aquam de cisterna tua, & fluentia de medio putei tui, fontes tui deriuentur foras: sint tibi soli & non alienis tecum. Hic tria coniungit. PRIMVM, vt ipse tuis bonis fruaris. SECUN- DV M, vt communices alijs. TERTIVM, vt sis ipse Dominus tuarum facultatum: non vno die omnia profundas. Breuiter, Verbum Dei, fides & charitas, ubi sunt, regulæ certissimæ esse possunt. Sed de hac re plura, ubi de vsu diuitiarum agetur.

DE TERTIO.

[Filij huius sæculi prudentiores sunt filijs lucis in generatione sua.] Hæc est querela grauissima, quod filij huius sæculi sint prudentiores filijs lucis

in generatione sua. Hoc est : homines prophani magis sunt solliciti pro acquirendis temporalibus, quæ tantum spectant ad præsentem vitam, idq; ad breue admodum tempus durantem, quàm Christiani sint solliciti pro bonis cælestibus acquirendis æternum duraturis. Hæc deploranda sane cæcitas est. Corpus curatur, anima negligitur. Quam verum hoc Christi dictum sit quis non videt? Da mihi rusticum, qui non magis est sollicitus pro acquirenda possessione & alenda familia, quàm Christianus aliquis est pro acquirendis thesauris cælestibus. Mercator navigat mare, experitur multa pericula, sæpe damnum magnum facit, patitur frigus & æstum, idq; non vna hora, non vno die, non vno anno, sed toto vitæ tempore, tantum vt terrenas corradat possessiones : at Christianus vix patitur vnus horæ moram, vt verbum Dei audiat, vt Sacramentorum distributioni intersit. Multas horas consumunt in nugamentis & fabulis : vix vna hora, imo vix minima horæ particula vacat Deum inuocare & cum Iesu Christo in orationibus nostris colloqui. Sed quæ sunt huius cæcitatis causæ? duæ sunt præcipuæ. Vna quæ & aliorum malorum causa est, videlicet, corruptio humanæ naturæ, quæ facit vt homo sit prior ad malum, quam ad bonum. Altera causa huius cæcitatis est, quia bona terrena sunt sensibilia, & ideo fortius mouent animum, nam bonum non mouet nisi cognitum : vnde Augustinus : Inuisa, id est, non visa diligere possumus, incognita nequaquam.

quam. Ser
spirituali
entiam :
faciendu
rerum co
sensu.
abunden
ceri &

[Fac
vt cum
nacula.]
diuitis
falsæ et me
mona iniqu
emofyna
duo sunt
de diuiti
feceritis,
Tame
angelum
nonnihil
doctrina
bonam c
diuitijs t
P R
diuitiaru

quam. Sensibilia autem sunt magis cognita, quam spiritualia, quia sensibilia sunt cognita per experientiam: spiritualia tantum per fidem. Quid ergo faciendum est? conabimur abundare in cognitione rerum cœlestium, quo etiam abundemus in eorum sensu. Quare Paulus optat Philippensibus, ut abundant in cognitione & sensu, ad hoc, ut sint sinceri & asq; offendiculo ad diem vsq; Christi. Phil. 1.

D E Q V A R T O.

[Facite vobis amicos de mammona iniquitatis. ut cum defeceritis, recipiant vos in aeterna tabernacula.] Mammona iniquitatis dicitur, vel quia diuitiæ sunt irritamenta malorum, vel quia sunt falsæ et mendaces opes. Nam dici non possunt mammona iniquitatis, quia iniuste sunt partæ. Nam Elemosyna ex iniuste partis, Deo non placet. Porro duo sunt nobis hoc loco excutienda. Unum, doctrina de diuitijs: Alterum, quid sit quod dicat: Cum defeceritis, recipient vos in aeterna tabernacula.

Tametsi autem ante octo septimanas, cum Evangelium de Epulone & Lazaro explicarem, dixi nonnihil de diuitijs, tamen nunc breuiter integram doctrinam de diuitijs repetam. Nihil enim prohibet bonam cantilenam canere sæpius. Dicam autem de diuitijs tria.

PRIMUM, Quænam rationes acquirendarum diuitiarum licitæ sint.

SECUNDVM, Qualiter nos Deus erga diuitias velit esse affectos.

TERTIVM, Quis diuitiarum rectus & legitimus vsus.

Quantum itaq; ad legitimas rationes acquirendi diuitias attinet, omnium primum inchoandum est à regula Christi Matth. 7. Quærite primum regnum Dei & iusticiam eius. PRIMÆ igitur & precipua cura esse debet animæ, vt illa sit in Deo diues. DEINDE, quia hæc vita opus habet adminiculis, iuxta Dei ordinationem quæri possunt facultates, licetq; ijs, quæ ad vitam cultumq; necessaria sunt, quærendis operam dare, idq; non solum sanctorum exemplis, verumetiam mandato Dei confirmatur. Deus enim benedictionem promittit piè laborantibus. TERTIO, lucrum, quod nobis laborantibus accedit ex benedictione Dei, capiendum est, tanquam ex manu Dei. Neq; malis artibus vti debemus, quibus facultates aliorum ad nos trahamus. Fructum præterea laboris nostri tanquam iustam mercedem percipere licet. In contractibus absint fraudes & fallaciæ: apertè & simpliciter agamus omnia ea fidelitate, quam ipsi ab alijs vellemus requirere: sit labor legitimus in legitima vocatione, vt bona conscientia gloriari possimus, nos in vllius fraudem nihil egisse.

Hactenus de recta ratione acquirendi diuitias: Nunc quomodo affectos nos esse erga partas diuitias oporteat breuiter exponam. Singularis enim ars adhi-

adhibenda est, ne diuitiæ partæ nobis in spinas & laqueos conuertantur. Quod ne fiat, Davidis & Psal. 62. Pauli sequamur consilia, quorum ille quidem Psal. 62. ait: Si affluant diuitiæ, noli cor apponere. Hic vero 1. Timoth. 6. Diuitibus in sæculo præcipito, ne esferantur, neue sperent in diuitiarum incertitudine: sed in Deo uiuo. Est itaq; præcipuum, ne diuitiarum huius sæculi cupiditate ducamur, ne ijs animum aut fiduciam adijciamus: eas à nobis abdicare simus parati, quoties & quando Deo libuerit: siue habeamus eas siue ijs careamus, tanquam res caducas & fragiles reputemus, & solam benedictionem Dei omnibus rebus mundi anteferamus: absit fallax spes in incertas diuitias: absit superbia & contemptus pauperum: adsit spes in diuitiarum largitore: adsit pius humilisq; animus.

Atq; ita habemus quomodo erga diuitias nos affectos esse oportet: nunc pauca de vero diuitiarum usu adijciam. Dixi cum Euangelium de Epulone tractarem, quadruplicem esse legitimum diuitiarum usum: quorum primus est, ut seruiant gloriæ Dei, promouendæ religioni & conseruando ministerio verbi. Si enim nati sumus, ut Deum glorificemus, profecto huic rei quicquid habemus seruire debet. Secundus usus est, ut eas, in quibus viuimus, respublicas iuueamus & ornemus nostris facultatibus. Qua de causa tributa hilari animo soluenda sunt. Tertius usus est, ut ipsi nos, pro conditione nostri status, honestè alamus: nostram famili-

am foueamus: vt domus nostra pro facultatum ratione honestè conseruetur, sine fœda auaritia & stulta profusione. Quartus & postremus vsus est, vt fontes nostri, iuxta Salomonis consilium, deriuentur foras: hoc est, vt liberales simus erga pauperes, diuites in bonis operibus, quò multi nostris bonis gaudere possint, nobiscum Deo Patri Domini nostri Iesu Christi gratias agentes, qui abundè supeditat omnia. Contra hunc quadruplicem vsum diuitiarum multi peccant, quemadmodum audiui-
mus in Euangelio de Epulone diuite & paupere Lazaro.

Dixi de diuitijs: nunc restat explicare, quid sibi velit dictum: [Ut cum defeceritis recipiant vos in æterna tabernacula.] Nonne solus Christus recipit credentes in cœlestia tabernacula? quomodo ergo hic dicitur, quod pauperes, quod fecerimus nobis amicos de mammona iniquitatis, sint nos recepturi in æterna tabernacula? Primum, manifestum est Christum hoc loco dirigere sermonem ad credentes. Nam in principio textus scribitur: & dixit Iesus discipulis suis, id est, iustificatis & habentibus vitam æternam in Christo. Deinde, manifestum & hoc est, quod vita æterna sit donum Dei per Christum Iesum: sequitur ergo alium modum esse quo pauperes eos, qui in se liberales fuerunt, recipiant in vitam æternam, quàm quo Christus recipit. Quomodo ergo recipient, in æterna tabernacula? Ut testes & approbatores fidei nostræ. Nam ex fructibus
de fide

de fide iudicant, qua sola sciunt homines saluari. Eadem sententia alijs verbis sæpe in scriptura proponitur. Deus reddet unicuique iuxta opera sua, non quod opera mereantur cælum: sed quia sunt indicia fidei & timoris Dei: sicut contra, mala opera ex incredulitate proficiscuntur. Simus ergo memores huius dicti, & eo nos excitemus ad beneficentiam erga proximum, imitantes exemplum Christi saluatoris nostri: cui honor & gloria in sæcula sæculorum, AMEN. Ro: 2.

DOMINICA DECIMA POST TRINITATIS, EVANGELIUM LUCÆ 19.

ET vt appropinquasset IESVS ciuitati, videns eam fleuit super illam, dicens: Si cognouisses & tu, & quidem in isto die tuo, quæ ad pacem tuam pertinent, curares. Nunc autem abscondita sunt ab oculis tuis. Quia venient dies in te, & circumdabunt te inimici tui vallo, & cingent te, & coangustabunt te undique, & solo æquabunt te, & filios tuos qui in te sunt. Et non relinquent in te lapidem super lapidem, eo quod non cognoueris tempus visitationis tuæ. Et ingressus in templum, cœpit eijcere vendentes in illo, & ementes, dicens illis: Scriptum est, Domus mea domus precati-
onis est, vos autem fecistis illam speluncam latronum. Et docebat quotidie in templo. Principes autem sacerdotum & scribæ quærebant illum

illum perdere & primores plebis, nec inueniebant quid facerent. Totus enim populus pendebat ab ore eius, cum audiret illum.

ENARRATIO TEXTVS.

D *Uæ sunt partes huius Euangelij, quarum una docet quid egerit Christus extra ciuitatem Hierusalem: Altera, quid, postquam in ciuitatem est ventum, in templo egerit. Extra ciuitatem, ciuitatis futuram calamitatem deflet, & simul vaticinatur de totius vrbis & populi interitu: quare & suum affectum erga genus humanum ostendit: & quanta sit ira Dei in peccatores non agentes pœnitentiam clarè indicat. Deinde ingressus templum reprehendit abusum templi: eijcit ementes & vendentes in templo: testatur templum esse domum orationis, id est, domum dicatam Deo & eius cultui: nec decere hanc domum prophanis negotijs prophanare. Sunt autem (vt dixi) duæ partes huius textus: una de fletu Christi, & vaticinio eiusdem de vastatione vrbis & interitu totius populi. Altera de factò Christi in templo. Sed hæ duæ partes plures in se locos & doctrinas continent, quare de ijs singillatim dicam.*

DE PRIMA PARTE.

Huius primæ partis loci sunt duo, qui sunt:

- I. *Vaticinium Christi contra ciuitatem Hierusalem, cum suis circumstantijs.*
- II. *Huius partis vsus in nostra Ecclesia.*

DE

DE PRIMO.

In hoc primo loco multe concurrunt circumstantie, quæ sunt: 1. affectus Christi erga genus humanum. 2. vaticinium ipsum. 3. tempus visitationis. 4. unde poterant agnoscere tempus visitationis. 5. quare non agnouerunt tempus visitationis suæ. 6. pœna neglectæ visitationis. 7. mora visitationis.

PRIMA: [Videns Christus ciuitatem, fleuit super illam.] Hic Christi fletus illustre testimonium est misericordiæ Dei erga humanum genus. Nam non secus Dominus noster, quàm piissimus pater suorum liberorum, quos æquè ac se diligit, perditionem deplorat. Quæ sane perditio habet nullã aliam causam, quam ingratitude erga Euangelium. Qui enim fieri potuit, vt filius Dei, qui verus homo natus in hoc fuit, vt sua victima ab æterna damnatione genus humanum liberaret, non de tanta hominum ingratitude doleret, quos ad salutem ab initio creauit, & postea missis Prophetis & Apostolis ad pœnitentiam vocauit?

SECUNDA: [Quia venient dies super te, & circumdabunt te inimici tui vallo, & prement te vndiq; & ad terram prosternent te, & filios tuos qui in te sunt.] Hic Christus vaticinatur de calamitate, quæ superuentura erat super Hierusalem: quæ quidem calamitas quadragesimo anno postea ipsis contigit. Huius calamitatis historiam diuidam in tres partes, quarum prima est assignatio eorum, quæ contigerunt ante deuastationem vrbs. Secunda, enu-

da enumeratio malorum, quæ in obsidione experti sunt ciues. Tertia, notatio calamitatis quæ secuta est vrbis direptionem.

Quid contigit ante deuastationem vrbis? Multa sanè, quibus Deus istum populum ad pœnitentiam reuocare voluit, vt vaticinia, signa, prodigia, præsagia. Vaticinia, vt hoc Christi vaticinium, de quo audiuius, cuius & Zacha. cap. 12. meminit his verbis: Et erit in die illa, ponam Ierusalem lapidem oneris cunctis populis. Omnes qui eleuabunt eam lacerando lacerabuntur, & colligentur aduersus eam omnia regna terræ.

Prodigia quoq; præcesserunt. Integro anno apparuit cometa super ciuitatem Ierusalem representans ignitum gladium: Currus bellici & equites in cœlo visi sunt concurrere.

Signa: Ianua templi noctu sponte aperta est: Vox in templo audita est: Migremus hinc, migremus hinc.

Præsagia: homo plebeius, Iesus nomine, clamabat in plateis: Vox ab occidente, vox ab oriente, qui quo magis castigabatur à Magistratu, eo magis clamauit. His vaticinijs, prodigijs, signis & præsagijs inuitauit Dominus populum Iudaicum ad pœnitentiam, sed frustra: quare secuta est grauissima pœna.

De pœna ergo dicamus. Primo die azymorum incepit obsidio, & perdurauit vsque ad octauum diem Septembris. Mox oritur in ciuitate intestina seditio: qua amici & consanguinei se mutuis vulneribus

neribus tr
tur gravi
peliri po
quod ma
rebus tu
concider
ditur &
bus pri
tandem

Post
puli fuit
cipus si
bus: &
Multitu
rierant i
qui erant
honesti m
tibus. P
persecuti
qui Dau
tigerunt.
ptum fili
pœna spir
tus etern

TER
hac die.
tat, alia
faciendu
simum te

neribus trucidant. Ex cadaueribus mortuorum oritur grauiſſima peſtis, adeo vt ne mortui quidem ſepeliri potuerint. Accedit fames, quæ tanta fuit, quod matres proprios liberos comederint, vt de alijs rebus turpiſſimis taceam. In ſeditione ciuili, in qua conciderunt duo millia hominum, templum incenditur & penitus incendio vaſtatur, poſtea ab hoſtibus prima ciuitatis pars capitur: deinde altera: tandem tota ciuitas venit in hoſtium poteſtatem.

Post obſidionem tantus contemptus ſuperati populi fuit, quod ſeptem millia de nobilioribus et præcipuis ſint deputata publicis & ſeruilibus operibus: & multi ſpectaculis publicis ſunt reſeruati. Multitudo interfectorum præter illos, qui peſte perierant in ciuitate, fuit nonaginta ſeptem millium: qui erant infra annum 16. à militibus venditi ſunt: honeſtæ matronæ & virgines ſtupratæ ſunt à militibus. Poſtea rursus ſub Domitiano noua eſt orta perſecutio. Nam Domitianus inquirebat omnes qui Dauidem vel Chriſtum vlla propinquitate attingerunt. Hæc de pœna corporali ſecuta contemptum filij Dei ſint dicta: cum qua coniuncta erat pœna ſpiritualis in conſcientia, & tandem cruciatus æternus in inferno ſecutus eſt.

TERTIA: [Si cognouiſſes & tu & quidem in hac die.] Tempus viſitationis eſt quo Deus viſitat, alias ad puniendum peccatores, alias ad beneficiendum pijs, idq; multis modis. Verum poſiſſimum tempus viſitationis miſericordiæ Dei, fuit
tempus

tempus prædicationis Christi, quando & illos & totum mundum inuitauit ad pœnitentiam, offerens gratiam & vitam æternam pœnitentibus. De hoc tempore loquitur Dominus.

QVARTA: vnde poterant Iudæi cognoscere tempus visitationis suæ? Multa habuerunt præclara argumenta. 1. Miracula potentiam Christi manifestarunt. Si, inquit, mihi non creditis, credite operibus meis, illa enim de me perhibent testimonium. 2. Daniel hoc visitationis tempus apud Babilonios prædixit. 3. Iam translatum erat regnum Iuda, iuxta vaticinium Iacob Gene. 48. Non aufertur sceptrum de Iuda donec veniet Silo, id est, Semen mulieris, qui est Christus Dominus. 4. Ne offenderentur paupertate Christi, admoniti erant à Zacharia Propheta, qui cap. 9. ait: Ecce Rex tuus veniet pauper. 5. Testimonium Iohannis de Christo. 6. Vox Dei patris super Christum in Baptismo & in monte. Hæc & multa alia poterant Iudæos certificare de Christi præsentia, & de tempore visitationis suæ.

QVINTA: Sed quare non cognouerunt tempus visitationis suæ, qui adeo multis signis erant admoniti? Duo fuerunt velamina: vnum carnale, alterum spirituale. Carnale quidem, quia irretiti mundi voluptatibus, illecebris & curis, non poterant considerare ea, quæ ad animæ salutem spectant: sed cogitarunt, sicuti scribitur Sap. 2. Exiguum & cum tædio est tempus vitæ nostræ, & non est refrigerium in

Mat: 3.
17.

um in fine hominis, & non est qui agnitus sit reuer-
sus ab inferis. Venite fruamur bonis quæ sunt, & *1^a: 16.*
relinquamus ubiq; signa leticiæ, nam hæc est pars
nostra. Sic irretitus fuit diues epulo, quem quidam
scribunt ciuem fuisse Hierosolymitanum. Sic & ille
qui dixit (cum iam horrea sua plena frugibus vide-
ret) Fruere nunc anima mea delicijs. Sed quid acci- *1^a: 12.*
dit illi? In medijs delicijs vocatus est ad pœnam.
Spirituale vero velamen fuit de quo hic loquitur
Christus. Et Paulus Rom. 1. Tradidit eos in repro-
bam mentem. Et Thes. 2. Dedit illis efficacem erro-
rem, vt credant mendacio, qui veritati noluerunt
obedire. Atq; hoc iustum est Dei iudicium.

S E X T A : Pœna neglectæ visitationis, quæ est
duplex: Carnalis & temporalis, Spiritualis &
æterna. Ad pœnas temporales & carnales pertinet
istâ horrenda vrbis vastatio: item omnes calamita-
tes in humano genere, quæ calamitates nos meritò
admonere deberent pœnitentiæ.

S E P T I M A, causa dilatæ pœnæ. Hanc Paulus
Rom. 2. explicat, dum ait, Diuitias bonitatis Dei &
longanimitatem inuitare nos ad pœnitentiam. Deus
enim tardus ad iram, id est, ad vindictam, idque
ideo, vt nos tandem agnitis peccatis nostris, inge-
miscamus & confugiamus ad Christum vera fidu-
cia.

DE SECVNDO.

Cum Paulus dicit, Omne, quod scriptum est in *Rom. 15.*
p nostram

nostram doctrinam scriptum esse, videamus quis sit huius doctrinae usus.

Primum itaq; nos, qui in Christum credimus, & sumus Ierusalem Dei sancta, audiamus vocem Christi deflentis peccata nostra, & discamus quomodo erga nos sit affectus. Deinde agnoscamus tempus visitationis nostrae quos visitauit Deus in hoc regno mirabiliter. Primum suo verbo: quod sane purè in omnibus Ecclesijs Daniae proclamatur. Sed, quia parum fuimus Euangelio obedientes, visitauit nos bello, fame, peste, & singulos varijs modis. Verum si non egerimus poenitentiam, idq; maturè, visitabit nos rursus bello, peste, fame, & tandem nos omnino delebit. Agamus igitur poenitentiam: promittamus emendationem: amplectamur Euangelium Christi breuiter pie & sancte vitam institua- mus, vt possimus euadere in die irae.

DE SECUNDA PARTE.

[Et ingressus in templum &c.] In hac secunda huius Euangelij parte sunt quatuor circumstantiae potissimum obseruandae.

PRIMA, impietas pontificum. Templum Salomonis fuit ordinatum non vt exerceretur mercatura in eo, sed propter has causas: primum vt illic verbum Dei doceretur, & in illud populus Dei conueniret & oraret: quemadmodum ipse Salomon inquit in dedicatione templi: Quodcunq; orauerit populus tuus in loco isto (id est, in templo hoc) ex-
audies

audies in loco tabernaculi tui in cælo, & cum exaudieris propitius eris. Præterea fuit constitutum lege, vt iuxta templum fierent mactationes secundum legem. Contra hac omnia fecerunt Pharisei & pontifices. Contempserunt enim verbum Dei, exercuerunt prophanas mercaturas, imo, vt ipse Christus inquit, fecerunt ex templo Dei speluncam latronum. Trucidantur homines à latronibus, vt latrones occisorum bona ad se conuertant: pontifices autem falsa doctrina ac praua interpretatione scripturæ multa hominum millia trucidarunt, dum illorum animas sacrilegè priuarunt æterna beatitudine. Hinc satis liquet, quam fuerint isti pontifices impij in Deum: qui non solum ipsi contempserunt verbum Dei: verumetiam alijs occasio fuerunt contemptus, contumaciæ & tandem perditionis.

SECUNDA, eiectio ementium & vendentium de templo. Christus eicit ementes & vendentes, idq; externa vi: quo factò, primum testatur se improbare impietatem Pharisæicam. Deinde declarat se verum regem & pontificem esse istius populi. Regem quidem, quod manum admoneat ad tollendam impietatem, quemadmodum Ezechias fecit, cum tolleret Aeneum serpentem propter idololatriam populi: Pontificem vero, quia veram doctrinam defendit, & reprehendit Pharisæicas corruptelas, præterea hæc eiectio fuit paterna quædam admonitio de futura templi deuastatione, nisi resipiscerent. Ad hæc, factò hoc admonet de pœna,

p 2

in

in quam incurrent omnes impij, qui abusi fuerint templo Dei, nimirum quod à Christo aliquando sint à templo eijciendi. Hinc præterea discant utrique: magistratus dico & gubernatores Ecclesiarum. Illi quidem manu & externa vi tollere impietatis instrumenta: hi vero gladio spiritus, hoc est, verbo Dei amputare omnem superstitionem quantum quidē fieri potest. Sic fecit beatus Theodosius, qui omnes imagines & idola de templis sustulit. Sic fecit piissimus princeps Iohannes Fridericus dux Saxonie. Horum exemplum imitatus est sanctissima memoria Rex Daniæ Christianus eius nominis tertius, cuius beneficio adhuc scholæ & Ecclesiæ in hoc regno gaudent.

TERTIA est de templo Dei: quod est duplex: manu factum seu visibile, & spirituale seu non manu factum. Utrunq; est domus orationis. Domus mea, inquit Christus, est domus orationis. Usus manu facti templi præcipue in his positus est: primum, ut sit locus publicus, in quo doceatur & audiatur verbum Dei. Deinde ut illic administrantur Sacramenta. Tum, ut illuc conveniant pij oraturi pro communibus necessitatibus. Postremo, ut sit locus in quo fiat publica confessio religionis. Sed quid fit in Papatu? Pro verbo Dei traditiones hominum obtruduntur: pro mysteriorum Dei distributione sacrilegia horrendissima proponuntur: venale habent cælum: missam pro vivis & mortuis iactant: spoliant Ecclesiam Sacramentis: contaminant Sacramenta suis blasphemis additamentis: faciunt
ex loco

ex loco publicæ confessionis Euangelij conciliabulum
hypocritarum, qui conspirant aduersus Euangeli-
um Christi. Hæc sint dicta de manu factò templo.
Non manu factum & spirituale templum est, cum
tota catholica Ecclesia, tum singula eius membra.

Ita enim Paulus ait scribens Corinthijs: An nesci- 1 Cor: 3.
tis, quòd templum Dei sanctum sitis vos? Imo Chri- 2 Cor: 6.
stus ipse architectus huius templi ait: Si quis ser- Jo: 14.
monem meum audit, ad eum veniemus, & man-
sionem apud eum faciemus. Proinde & tota Eccle-
sia, & singula eius membra templum Dei dicuntur
& sunt. Huius templi fundamentum est filius
Dei. Fundamentum enim aliud nemo ponere potest, 1 Cor: 3.
præter id quod positum est, quod est Iesus Christus
Dominus noster. Hoc templum erigitur à filio Dei:
ædificatur à Prophetis, Apostolis, ministris verbi,
à pio magistratu, à sanctis patribus familias, prout
Dominus singulis dederit ædificandi gratiam. Hoc
templum purgatur & conseruatur sanguine Chri-
sti. Huius templi ostiarius est Spiritus sanctus,
quando precibus & fide ianua eius pulsatur. Neq;
hoc templum ociosum est. Nam in eo iugis est cele-
bratio Dei, oratio perpetua, oblationes sanctæ, cul-
tus Dei (vt vno verbo dicam) indefessus, Huic
enim sancto vsui dicatum est hoc sanctum Dei tem-
plum. Verum homines qui indulgent suis libidini-
bus, suæ tyrannidi, vsuræ, fraudibus, non solum hoc
templum Dei prophanant, eiecto ostiario Spiritu
sancto, expulso Christo architecto: verum etiam

p 3

fiunt

fiunt templa Sathanae, in quibus sanguis Christi contumelia afficitur: verbum Dei ludibrijs exponitur: in locum piarum precum succedunt inuocationes sanctorum, execrationes, blasphemiae, contumeliae, & vt vno dicam verbo, laudes Sathanae illic personant.

Sed quid nos commouebit, vt templum Dei esse cupiamus? 1. Dignitas. Quae enim maior gloria est, quam esse templum sanctae Trinitatis? 2. Utilitas: nam hoc pacto transitur à Sathanae delubro, (vbi mera mors & damnatio regnant) ad domum Dei & aeternam felicitatem. 3. Finis conditionis hominis. Condit enim sumus, vt simus templa Dei. Contra, cogitandum est, quam indignum sit, & quam magnum sacrilegium, hoc templum sceleribus vllis contaminare. Proinde conandum totis viribus est, vt praestemus Deo in suo templo verum cultum, & offeramus sacrificia labiorum nostrorum, hoc est, gratiarum actionem, & thura cordis nostri, hoc est, fidem & innocentiam.

QUARTA, mundus longè aliter iudicat de ijs qui templa Dei sunt, quam verbum Dei. Mundus iudicat praeclaros, potentes, sapientes, diuites in hoc templum recipi: sed contrarium docet verbum Dei, & monstrant exempla. Tamen plerumque fit, vt tales huius mundi negotijs impediti minus de hoc spiritali templo cogitent. Exempla sunt Cain &

& Abel. Deinde Esau & Iacob. Ita semper delegit Deus infirma huius mundi, ut quæ fortia sunt pudefaceret. Sed hoc nos non mouebit. Christus enim dicit: Noli timere pusille grex, placuit enim Patri dare vobis regnum, cui per Christum cum Spiritu sancto sit honor in sæcula sæculorum, Amen.

1 Cor. 1.

2 Tim. 12.

DOMINICA

VNDECIMA POST TRINITATIS, EVANGELIUM LUCÆ 18.

Iesus dixit ad quosdam qui in se confidebant, quod essent iusti, & aspernabantur homines cæteros, parabolam istam. Duo homines ascendebant in templum ut precarentur: vnus Phariseus, & alter Publicanus. Phariseus stans, hæc apud se orabat: Deus gratias ago tibi, quod non sim sicut cæteri homines, raptiores, iniusti, adulteri, velut etiam hic publicanus. Ieiuno bis in Sabbato, decimas do omnium quæ possideo. Et publicanus procul stans, ne oculos volebat ad cælum attollere, sed percutiebat pectus suum, dicens: Deus propitius esto mihi peccatori. Dico vobis, descendit hic iustificatus in domum suam magis quam ille. Quia omnis qui se extollit, humiliabitur, & qui se humiliat, extolletur.

ENARRATIO TEXTVS.

Occasio huius Euangelij fuit, quòd postquam Christus docuisset de efficacia orationis &

p 4

forma

forma orandi, voluit etiam illustra exempla proponere, in quibus & efficacis orationis, & hypocriticæ ostentationis naturam depingeret. Nam cum nemo rite orare potest, nisi idem sit prius iustus ex fide Christi, sit ut multi se iustos putent, & propterea se recte orare arbitrentur: Quare necesse fuit discernere inter verè iustos & eos, qui iusticiam simulant. Qui enim videri volunt iusti, & non sunt tamen, illi nequaquam innocant. Verum qui agnitis peccatis suis agunt seriam pœnitentiam, hi fide iusti effecti, soli efficaciter & verè orare possunt. Ea itaq; de causa Dominus hîc nobis proponit duas imagines: quarum vna est hypocriticæ orationis: altera veræ & piæ inuocationis. Phariseus, qui putauit se pium & iustum, & non fuit, hypocriticam orationem nobis agnoscendam præbet: Contra, miser publicanus, prosternens se coram Deo, & agnoscens suas sordes, & nihilominus confugiens ad misericordiam, veræ & salutaris orationis formam suo exemplo præbet.

Loci tres:

- I. De iusticia legis & Pharisaica vanitate.
- II. De iusticia Christiana & vera pœnitentia.
- III. Iudicium Christo de Phariseo & Publicano.

DE PRIMO.

[Dicebat ad quosdam qui in se confidebant tanquam iusti, &c.] Hîc necesse est dicere de legis iusticia, quæ sit: quis sit eius vsus, finis & ius.

Nam

Nam inde intelligemus quantum Pharisei aberrant à vera iusticia.

Quæ est legis iusticia? Est perfecta obedientia omnium membrorum nostrorum interiorum & exteriorum erga legem Dei, cordis, affectuum, voluntatis, oris, breuiter, omnium potentiarum & virium corporis & animi: quam obedientiam non oportet esse momentaneam, sed perpetuam: non inanem, sed perfectam & absolutam: non contaminatam, sed puram & castam: qualis ab Adam præstari potuit ante lapsum, & qualis à sanctis Angelis in cælo præstatur. Quòd talem deceat esse legis iusticiam, cum Moses, tum Christus docent his verbis:

Diliges Dominum Deum tuum ex toto corde tuo, Dei: 6.

ex tota anima tua, ex toto robore, & omnibus vi- 14: 10.

ribus tuis: & proximum tuum sicut teipsum. Leu: 10.

inde, quia ipse purus, sanctus & castus est, nihil potest illi placere, nisi purum, sanctum & castum.

Et qui hanc iusticiam præstant, soli habent promissionem legalem. Sic enim ait Moses: Qui fecerit ea Dei: 5.

homo viuet in eis. Hanc obedientiam perfectam &

perpetuam qualem lex requirit, nullus homo excepto solo Christo vnquam præstitit. Quare omnes, qui

se hac legis iusticia iustos putant, non tantum cæci sunt & arrogantes: verumetiam blasphemi in legem Dei, quam metiuntur suo modulo, & non voce

Dei. Quod autem nullus legi Dei satisfacere possit, nuper dixi, & nunc breuiter idem nobis in mem-

riam reuocabo. Primum, nostra membra interiora

& exteriora, quibus exequi obedientiam erga legem deberemus, sunt mutila & horrenda quadam ataxia viciata, ita ut nihil recte exequi possint. Deinde, lex peccati tanquam fortissimus gigas nostra membra occupat, etiam quando renati sumus, ut non possimus prestare quæ volumus. Hinc diuus

Rom: 7.

Paulus clamat: O infelix ego homo, quis liberabit me de corpore morti obnoxio. Item alio loco: Velle quidem adest mihi, sed perficere non inuenio. Item non quod volo bonum, hoc facio, sed quod non volo malum, hoc ago. Ita regenerati promptam quidem voluntatem habent, sed exequendi quod volunt viribus destituuntur, adeo domesticus noster hostis est importunus, & nos à bono retrahit. Quid dicemus ergo de illis, quorum voluntas nondum est reformatà, quales sunt omnes qui nondum sunt regenerati? Huc accedit quod lex Dei sit spiritualis: nos vero

Rom: 7.

carnales. Ita enim Paulus iam fidelis dixit: Lex spiritualis, ego autem carnalis venditus sub peccato. Hinc facile videre est, quod à nobis legi debita obedientia prestari non possit. Qui enim fieri potest, ut caro spirituales iustitias præstet? Multas alias & plures rationes nuper adduxi, quibus ostendi neminem in hac vita perfectam legi obedientiam præstare posse. Quid ergo fiet? hic vocem legis primum

Dei: 27.

audies. Quid illa dicit? Maledictus omnis qui non permanserit in omnibus quæ scripta sunt in libro legis. Hic audies legis sententiam: Hæc legis vox te humiliet coram Deo & prorsus prosternat, ut

agnoscas

agnoscas
nationem
legis ma
bus: qua
remediu
sane non
ideo ven
recipere
legis, id
gressori
ad omni
vestim
conspici
ciam om
ideo à m
runt Phar
nabantur
Sed quon
turba co
Adeo en
tem, imò
spexit in
ius Evan
tibi, qui
iniusti, a
igitur le
externis
quirit le
Verum

agnoscas & fœditatem tui peccati, & iustam damnationem. Quid hic faciendum? possumus ne hanc legis maledictionem declinare? non potes tuis viribus: quare tibi vel pereundum est, vel quærendum remedium contra hanc legis damnationem: quod sane non est aliud, quam solus Iesus Christus: qui ideo venit in mundum, ut in se maledictionem legis reciperet & omnes in se credentes liberaret à iure legis, id est à damnatione, quam lex minatur transgressoribus suis. Hæc proinde maledictio extendit se ad omnes homines qui non audiunt Christum, & vestiuntur eius iusticia, ut illa ornati appareant in conspectu Dei. Nam Christus est finis legis in iusticiam omni credenti, Rom. 10. Hæc de legis iusticia ideo à me dicta sunt, ut ostendam quam vani fuerunt Pharisei isti, qui se iustos confidebant et aspernabantur cæteros tanquam prophanos & iniustos. Sed quænam causa est quod hic phariseus cum sua turba confidat se esse iustum? cæcitas in causa fuit. Adeo enim cæcus erat, quod non viderit legis mentem, imò velamen tantum legis vidit & non introspexit in legis aditum, quemadmodum textus huius Euangelij satis indicat. Ait enim: [Gratias ago tibi, quia non sum sicuti cæteri homines, raptores, iniusti, adulteri, aut sicut hic publicanus.] Literam igitur legis vidit, non spiritum, hoc est, tantum in externis operibus hæsit, non spiritualem, quam requirit lex, sensum consideravit.

Verum ut hæc nobis clarius ponantur ob oculos, videamus

videamus 1. qualia ipsius opera fuerint. 2. conferamus ea cum lege Dei. 3. colligamus inde quid illi defuerit. 4. quàm multis peccatis reus constrictus fuerit, etsi se iustum coram hominibus venditaret.

Opera huius Pharisei fuerunt sine fide, profecta ex mera incredulitate & arrogantia. Iam cum scriptura apertè dicit: Sine fide impossibile est placere Deo, quis tam ^{sine fide} amens est, ut istam externam ^{laruam} iusticiam vocet?

Opera quæ iactat, conferamus cum lege Dei. Lex requirit puram obedientiam: hic ex impurissimo corde promit conuicia in Deum & in proximum. Lex iubet proximum diligere: is accusat, idq; coram tribunali Dei. Quid multis? Nihil ex legis Dei præscripto fecerat. An non est magnum non esse raptorem? non iniustum? non adulterum? ieiunare & dare decimas? ista quidem non sunt condemnanda. Sed hic Phariseus bona, quæ fecerat, misere contaminauit ^{deformauit} philantia & superbia.

Quid ergo illi defuit? fons bonorum operum, fides Christi, quæ per charitatem operatur. Ubi autem hæc non est, quantumuis speciosum videtur opus, Deo tamen gratum esse nequit: imo potius abominatio est coram Deo, præcipuè quia accedit opinio iusticiæ, sicuti videmus in hoc Phariseo.

Vidimus vnde profecta sint opera huius Pharisei, & quantum distent à legis iusticia, & quid illi defuerit: nunc quàm grauitè peccarit, & quàm iniustus fuerit, videamus. Primum ausus est Deum
acce-

accedere & interpellare sine timore Dei, sine fide, sine pœnitentia, sine mediatore Christo: per quem solum patet aditus ad Patrem. Est ne hoc graue scelus? Imo hîc totam primam tabulam violat, & tanquam pedibus conculcat. Deinde ausus est puluis & cinis gloriari coram Deo, cum tamen scriptum sit: Innocens coram te non est innocens. Quanta quæso hæc superbia? Nonne, tametsi & Deum et homines despicit, se tamen iustum simulat? Tertio abusus est templo Dei, quod erat ordinatum ad deprecanda peccata publica & priuata. Sed quid hic facit è templo? prætorium, in quo accusat alios. Quarto, totam secundam tabulam innadit & violat, contra charitatis naturam, quæ peccata proximi aut curare, aut tegere solet. Quid facit? Non sum, inquit, sicut cæteri homines, raptores, iniusti, adulteri: imo hoc videbatur ei parum. Quare cum in supremo loco templi esset, respicit à tergo, & videt miserum publicanum orantem, quem mox, ubi eum vidit, accusat coram tribunali Dei. Neq; sum, inquit, sicut iste publicanus. Hic si verè pius fuisset, gratulatus fuisset publicano cum Angelis Dei, qui gaudent in cælo super vno peccatore pœnitentiam agente. Verum cum accusat pœnitentem, satis arguit ex quo spiritu loquebatur. Debebat meminisse dicti Iesu Syrach: Hominem auertentem se à peccato ne despexeris. Omnes enim in corruptione sumus, id est, obnoxij varijs casibus. Qui stat videat ne cadat, inquit Apostolus. De ieiunio & decimis huius

Luc. 15.

Ecl. 8.

1 Cor. 10.

huius hypocritæ hoc tantum dico. Ieiunium, quo
carnis ferocia domatur, est res non mala: verum si
ieiunes ut merearis aliquid à Deo, tuum ieiunium
fit abominatio. Deus enim non vult coli humanis
traditionibus: sed iuxta legis suæ regulam. De deci-
mis hæc dico, quod Deus ita ordinavit in sua repu-
blica, ut sacerdotes Leuiticæ tribus haberent unde
viuerent. & Christus dicit: Dignus est mercenari-
us mercede sua: & non obligabis os boui trituranti.

Luc: 10.

1 Cor: 9.

DE SECVNDO.

Quemadmodum in Phariseo vidimus, qualis sit
iusticia pharisaica: & eius vanitatem ostendimus
ex collatione ad legis iusticiam: Ita nunc sequitur
secunda doctrina de iusticia Christiana, quæ nobis
in hoc publicano, tanquam in viua quadam imagi-
ne representatur. Verum quia scriptura duobus
modis de virtutibus docet, nimirum regula, &
exemplo: volo primum videre quid scriptura di-
cat de iusticia Christiana. Deinde idem ostendam
in publicani exemplo, ut ita regula confirmetur
exemplo.

Quantum autem ad regulam iusticiæ Christianæ
attinet, hæc sunt clara dicta. Paulus Roma. 3. ait:
omnes peccauerunt & priuantur gloria Dei, iustifi-
cantur autem gratis ipsius gratia, per redemptionem
quæ est in Christo Iesu, quem proposuit Deus pro-
pitiatorium per fidem in sanguine eius. Mox in eo-
dem capite. Arbitramur hominem iustificari fide
absq;

absq; operi
ni peccat
ia Dei in
obedienti
us rursum
de Abra
putatum
rum rem
Huiusm
cia Chri
generale
gam.

P R
quod Ch
iustificat
mum ten
non sint hui
tius, ut p
Christian
Christo.
mini, ut
credideri
ut illi im
finis legis
peccatore
stum, qu
quod pro
CHRIS
factum.

absq; operibus legis, 2. Corinth. 5. Eum qui non no-
uit peccatum, fecit peccatum, ut nos fieremus iusti-
cia Dei in ipso. Roman. 5. Sicut vnius hominis in-
obedientia multi sunt constituti peccatores: ita vni-
us rursus obedientia iusti constituentur multi. Et
de Abrahamo: Credidit Abraham Deo, & im-
putatum est ei ad iusticiam. Et David: Beati quo-
rum remissa sunt iniquitates, & tecta sunt peccata.
Huiusmodi sunt infinita dicta in scriptura de iusti-
cia Christiana, Sed hæc pauca proposui, ut inde
generalem doctrinam de iusticia Christiana colli-
gam.

PRIMUM ergo ex his testimonijs colligitur,
quod Christiana iusticia non sit ex operibus, tametsi
iustificatus iam benè operari incipit. Hoc ergo pri-
mum tenendum est, quod opera excludantur ita, ut
non sint huius iusticiæ causæ: sed effectus & fru-
ctus, ut postea dicam. 2. ex his dictis colligitur, quod
Christiana iusticia non sit obedientia in ipsis, sed in
Christo. 3. quod hæc Christi obedientia donetur ho-
mini, ut ea, & non sua, sit iustus. 4. quod quisquis
crediderit, huius iusticiæ Christi fiat particeps, ita
ut illi imputetur tanquam sua. Christus enim est
finis legis in iusticiam omni credenti. 5. quod quia
peccatores sumus, reconciliemur patri per Chri-
stum, quem pater proposuit propiciatorem. 6.
quod pro peccatis credentium effusus sit sanguis
CHRISTI, ita ut iusticiæ Dei seu legis sit satis-
factum. 7. ex omnibus collectis efficitur, quod
hæc

Roma: 4.

Psal: 32.

hæc iusticia Christiana constet absolutione à peccato, imputatione iusticiæ Christi, & acceptatione ad vitam æternam, gratis propter Christum. Hæc est summa doctrinæ Ecclesiæ Christi de Christiana iusticia: unde efficitur, quòd Christiana iustificatio sit absolutio à peccato, imputatio iusticiæ Christi, & acceptatio ad vitam æternam, gratis propter Christum. Verum hoc præterea tenendum est, quòd fides ipsa, qua iustificamur, sit efficax, & producat fructus Deo gratissimos per Iesum Christum. Ubi autem hic fructus non conspicitur, vix illic fides invenitur. Nam cum credimus, simul renascimur in novos homines, ut novam Deo obedientiam præstemus.

1. cor. 5.

Mat. 23.

Iam hanc ipsam doctrinam de Christiana iusticia videamus in exemplo publicani. Primum (ut textus ait) stetit à longè. Indignitate enim sua territus, non audebat cum Phariseo in conspectu maiestatis diuinæ prodire. Sic & Petrus procidens ad genua Christi ait: Exi à me, quia homo peccator sum. Similiter & Centurio: Domine non sum dignus, ut intres sub tectum meum. Hæc trepidatio in conscientia hominis oritur ex noticia legis: ad cuius normam cum homo sua facta examinat, cogitur exclamare, homo peccator sum. Deinde non audet leuare oculos. Hic notatur pudor publicani ob turpitudinem peccati sui. 3. percutit pectus, quo significatur lucta cum diffidentia & desperatione. 4. cum inquit Deus, &c. significatur ad solum Deum confu-

confugiens
cum pecc
tia lucta
tur: num
luti infer
mibi pec
Nam h
quòd D
agentes
fugiant
stris. Cu
ricordia
medicu
statuens
fide. Ad
ne iusticia
Atq; ita
mum, rati
stiana. D
peccatum
cario, cum
pra dixi.
esse vera
cisci in tu
Christo
misse nos
nibus.
Vinen
sanè ita e

confugiendum esse pro peccatis abolendis. Haftenus cum peccato, cum legis damnatione, cum diffidentia luctatus est: qua lucta vera contritio declaratur: nunc sequitur quomodo sit eluctatus ab isto veluti inferno. Nam cum dicit: Deus propitius esto mihi peccatori, erigit se fide contra desperationem. Nam hic animo recollit promissiones de Christo, quod Deus velit esse peccatoribus propitius, qui agentes pœnitentiam ad Christum vera fiducia confugiunt. Ille enim est propitiatio pro peccatis nostris. Cum ita se erigit, sibi peccatum, & Deo misericordiam tribuit: se egrotum agnoscit, & Deum medicum: opponit misericordiam peccato: ac ita statuens, Deum sibi propitium esse, iustificatur sola fide. Ad eundem modum Daniel fecit: Tibi Domine iusticia, nobis autem confusio faciei.

Atq; ita ex hoc publicano discere possumus, primum, rationem veræ pœnitentiæ & iusticiæ Christianæ. Nam vt vera pœnitentia est verus dolor ob peccatum: ita Christiana iusticia est absolui à peccato, cum Deum vera fiducia accedimus, sicut supra dixi. 2. possumus ab illo discere qualis debeat esse vera oratio. Debet enim ex intimo animo proficisci in timore Dei, & niti propitiatione, quæ est in Christo Iesu. 3. debemus à publicano discere submissè nos gerere cum coram Deo, tum coram hominibus.

Viuendum ne igitur est more publicanorum? sanè ita est, quatenus agunt pœnitentiam, quemad-

q

modum

modum hic fecit. Ut enim Phariseus iste non est contemptus propter externa opera honesta, quæ fecit: sed quia confidebat in opera: ita publicanus hic non est laudandus ob peccata quæ fecerat: sed propter pœnitentiam, quæ secuta est: imo habemus ab utroq; quod utiliter discamus. Cum utroq; eundum est in templum: cum utroq; agenda sunt Deo gratie: Cum utroq; orandum est: A Phariseo honesta externa opera facere: A publicano animi pietatem & veram fidem adferre discamus.

DE TERTIO.

[Dico vobis: Descendit hic iustificatus in domum suam & non ille.] Hic habemus iudicium Christi de Phariseo & Publicano. Publicanus (inquit) descendens de templo, in domum suam rediit iustificatus fide. Phariseus autem non rediit iustus: sed potius condemnatus. Hoc confirmat generali sententia: Quia omnis qui se exaltat, humiliabitur, & qui se humiliat, exaltabitur. Phariseus se exaltavit, existimans se iustum legis operibus, quæ nulla habuit: ideo humiliatus est sententia damnationis. Publicanus se humiliavit peccati confessione, humili inuocatione, fiducia in misericordiam Dei per Christum, ideo exaltatus est gratia absolutio-
nis & gloria beatitudinis. Huius exemplo, ut & nos humiliemur faxit Christus, cui cum Patre
& Spiritu sancto sit gloria in
secula, AMEN.

DO-

DOMINICA

DVODECIMA POST TRINI-

tatis Euangelium Marci 7.

Iesus rursus egressus de finibus Tyri ac Sidonis, venit ad mare Galilææ, per medios fines Decapolis. Et adducunt ei surdum, impeditaq; linguæ, & deprecantur eum, ut imponat illi manum. Et cum apprehendisset eum de turba seorsim, misit digitos suos in aurículas eius, & spuito emisso, tetigit linguam eius, ac suspiciens in cælum, ingemuit, & ait illi: Ephata, quod est aperire. Et statim apertæ sunt eius aures, & solutum est vinculum linguæ eius, ac loquebatur recte. Ac præcepit illis, ne cui dicerent. Sed quo magis ille eis præceperat, hoc potius amplius prædicabant, & supra modum stupebant, dicentes. Bene omnia fecit, & surdos fecit audire, & mutos loqui.

ENARRATIO TEXTVS.

HOC Euangelium continet vnum ex miraculis Domini, quibus ipse ostendebat potentiam, voluntatem & officium suum. Potentia ostenditur in eo, quod imperet omnibus rebus creatis, aliâs mari, aliâs ventis, aliâs Diabolis, aliâs morbis, ut hic. Voluntas indicatur ex eius promptitudine ad iuuandum, est enim promptissimus ad opem ferendam omnibus innocantibus se. Officium, quod sit saluator iuxta nomen suum, quod est

q 2 Iesus.

Iesus. Hæc tria in singulis ferè Christi miraculis conspiciuntur, quibus nos rectè vti discamus. Potentia siquidem Christi Domini, aduersus mundi tyrannidem, Sophisticam & hypocrisin, atq; adeo aduersus totum Sathanae regnum vti debemus. Voluntatis cognitionem opponamus aduersus carnis nostræ peruersam voluntatem & iudicium. Officij cogitatione muniamus nos aduersus omnes Antichristos, qui Christum suo officio spoliare volunt. Hæc tria, vt in speculo quodam contemplari licet in præsentis Euangelio. Hic surdus & mutus tenetur captiuus à Diabolo: sed quid ad hoc Christus? Potentiam suam declarans, aperit aures eius & linguam soluit inuito & repugnante Diabolo. Deinde, cum hunc calamitosum & miserum iuuat, ostendit se affici eius calamitate, atq; ita voluntatem suam erga ipsum indicat. Postremo declarat officium, dum se promptum ad hunc iuuandum & alacrem exhibet. Significat enim hoc factò missum esse se, vt afflictos & calamitosos iuuet. Habemus quid Christus velit in suis miraculis: Iam summam præsentis Euangelij videamus. Christus adductum surdum & mutum ad se sanat: quo factò significatur, quòd Christus venerit in mundum ad iuandos eos qui ad se veniunt, iuxta illud: Omnis qui inuocauerit nomen Domini saluus erit.

Loci tres:

- I. Exemplum illorum qui hunc surdum & mutum ad Christum portant.

II. Fa-

II. Factum & miraculum Christi.

III. Fructus huius miraculi apud spectatores.

DE PRIMO.

[Exiens iterum de finibus Tyri, &c.] Antequam veniamus ad primam doctrinam, observanda est presentis miraculi occasio, quæ fuit profectio Christi, & locus profectionis.

Profectio ipsa indicat, quam sedulus Dominus fuerit in suo officio, & quàm auide sitierit salutem nostram. Locus ostendit, quòd etiam gentes velit suorum beneficiorum fieri participes. Venit enim querere quod perierat.

Iam primam doctrinam videamus. [Adducunt ei surdum & mutum, & deprecabantur eum, ut imponat illi manus.] Hic duo observanda sunt: Primum, quid faciant hi baiuli. Deinde quid petant. Quid faciunt? Apportant ad Christum surdum & mutum. His paucis verbis Christiana vita describitur: quam descriptionem rectè intelligere nostra interest, ut possimus illorum exemplum dextrè imitari. Primum enim Christum agnoscunt Messiam. Deinde fidem in ipsum habent, utrumque declarant hoc factò. Nemo enim Christum accedit ut saluatorem, & eum inuocat, nisi qui in ipsum credit. Ut enim nemo credit, nisi qui audit: ita nemo inuocat, nisi qui credit, Roma. 10. Hac ratione

q 3

fides

fides concepta ex verbo vitæ, est Christianorum salus & iusticia.

Est ne ociosa hæc fides? Non. Hic eius triplex fructus indicatur. PRIMVS est confessio, nam hic suo facto & voce confitentur Christum. Quemadmodum enim corde creditur ad iusticiam, ita ore fit confessio ad salutem. SECVNDVS est inuocatio Christi. Sunt enim fides & inuocatio ita connexæ, vt citius calorem ab igne separes, quàm eas à se inuicem diuellas. TERTIVS fructus fidei est dilectio fraterna, quam hi baiuli corde, opere, & ore declarant, hunc afflictum & miserum Christo apportantes.

Vides iam, quales fuerint hi baiuli? vides ne totam vitam Christianam in illorum facto, tanquam in tabella depictam? Sed quare hoc factum & scriptum est? Ut ego & tu habeamus exemplum pietatis erga Deum, & charitatis erga proximum. Hæc est forma veræ Christianæ vitæ. In Christum itaq; cum his nos credere oportet: Christum cum his confiteri necesse est: eundem cum his inuocare fides postulat: proximum præterea horum exemplo corde, ore & opere, diligere & iuuare decet. Quodnam, quæso, maius dilectionis opus, quàm hominem captiuum sub Diaboli potestate, afflictum & miserum, & coram hominibus spretum, extremèque contemptum adducere ad Christum, & tantam curam pro aliena salute suscipere?

Hic discant diuites, pauperes, nobiles, ignobiles,
ciues

ciues & rustici, quid illos deceat, modo non frustra Christianum titulum iactare velint. Unusquisq; pro ratione suæ functionis conetur quam plurimos Christo adducere, eum innuocare & sollicitudinem piam suscipere pro aliorum salute.

Hic oritur quæstio. Hic surdus fidem non habuit. Non enim potuit verbum audire, unde fides concipitur: sanatur tamen à Christo ob alienam fidem: videtur ergo quod homo aliena fide saluari possit. Respondeo. Christus aperit linguam muti & innuocatus dat infirmo fidem, quam nactus infirmus sua propria, non aliena fide saluatur. Deinde discernendum est inter corporalia beneficia & salutem æternam. Corporalia beneficia pii possunt etiam impijs à Deo impetrare: salutem autem non possunt ipsis impetrare, nisi ipsi quoq; prius fidem ex verbo Dei conceperint. Nisi enim pii impetrare possent impijs beneficia corporalia, non posset stare mundus in hoc tantorum scelerum & scandalorum diluuiio.

Hæc dicta sint de facto horum baiulorum & eius utili imitatione: iam quid à Christo petierint videamus. Deprecabantur eum (inquit textus) ut imponat illi manum. Nam per impositionem manuum obseruarunt Christum antea multis contulisse sanitatem. Verum ut istum ritum nos intelligamus quatuor de impositione manuum sunt obseruanda.

I. Quàm antiqua sit hæc consuetudo impositionis manuum.

q 4

2. Quo-

2. Quorum fuerit alijs manum imponere.
3. Ad quid & in quem finem manus imposita sint.

4. *Quæ sit manus ratio symbolica.*

Quantum ad antiquitatem ritus imponendi manus attinet, scriptura ostendit quod à patribus sit hæc consuetudo accepta. Legimus enim Genesis 48. quod patriarcha Iacob manus imposuerit filijs Ioseph Manasseh & Ephraim. Quæ consuetudo postea lege Iudæis commendata est: & peruenit hic ritus vsq; ad tempora Christi, qui & ipso vsus est, & vsum illius ad Apostolos suos transmisit. Quod autem manuum impositioni coniuncta fuerit oratio, patet ex 19. cap. Matth. vbi scribitur, quod oblatis sint pueri Christo, vt manus eis imponeret & oraret.

Habemus quàm sit antiqua consuetudo manuum impositio: iam quorum fuerit alijs imponere manus videamus: id quod ex facto Iacob & aliorum colligitur. Mos enim erat, vt maiores minoribus, parentes liberis, sacerdotes populo manus imponerent. Fuit enim solennis ceremonia, quæ penes illos erat, qui præminebant autoritate.

Sed quem in finem iste ritus institutus erat? Quintuplex finis è scriptura colligi potest. 1. quod benedicendi seu orandi causa factum sit, vt Matth. 19. & Marci 7. ostenditur. 2. offerendi causa: solebant enim sacerdotes manus imponere capitibus victimarum. 3. sanandi gratia, sicuti Christus sæpe suas

suas manus imposuit sanaturus, qui sibi offerebantur. 4. ut precando conferretur Spiritus sanctus, ut in Actis Apostolicis legimus. 5. in consecratione ministrorum verbi manus imponebantur ijs, qui ordinabantur ad ministerium.

Iam de symbolo manuum nonnihil adiiciamus. Qui benedixerunt impositis manibus, fungebantur vice Dei. Manus significabant auxilium & fauorem Dei. Impositio manuum significabat eum, cui imponebantur manus, esse sub favore & protectione Dei & benedici à Deo. In benedictionibus optabatur auxilium & fauor Dei: in sacrificijs hostie dicabantur Deo. In sanationibus manus Dei se exerceuit, dum sanitati restituit sua potentia aegrotos. Similiter in donationibus Spiritus sancti, manus significabant praesentiam Dei. In consecrationibus sacerdotum hæc erat significatio impositionis manuum, quod qui ordinabantur, dicarentur Deo tanquam hostie, probarentur & ordinarentur ad opus diuinum. Hæc sint dicta de primo loco nempe de facto horum baiulorum & impositione manuum. Nos autem obseruemus breuiter, quid confirmet hic locus, quid confutet, & cuius nos moneat. Confirmat quod filij Dei Spiritu Dei ducantur, & exerceant se pietate & charitate. Confutat eos, qui fidem inanem iactant sine vera pietate erga Deum, & charitate erga proximum. Monet nos, ut præstemus opera fidei interna & externa, modo velimus inter filios Dei recenseri.

Secunda doctrina quam proposui, est de facto & miraculo Christi. Ut autem hoc factum intelligamus, quedam sunt de miraculis Christi obseruanda. Propheta, Christus & Apostoli ediderunt miracula, vt doctrinam, quam docuerunt, confirmarent à Deo esse, & vt homines conuicti miraculis de veritate Dei, crederent & credentes saluarentur. Hos præcipuos fines fuisse miraculorum ostendit Iohannes Euangelista cap. 2. vbi ita ait : Hoc principium signorum fecit Iesus in Cana Galilææ, & manifestauit gloriam suam & crediderunt in eum discipuli. Hic duo signantur fines: gloria Christi, & fides Apostolorum. Gloria autem Christi potentiam diuinam, affectum erga genus humanum & officium doctrinæq; ipsius certitudinem complectitur. Verum discernendum est inter Prophetas Apostolosq; & Christum. Propheta & Apostoli non sua virtute ediderunt miracula: sed diuina Christi virtute, cuius spiritus per os eorum loquebatur. Christus vero sua propria potentia edidit miracula. Quare vt Propheta & Apostoli suis miraculis declararunt se fuisse Christi seruos: ita Christus suis miraculis se Dominum & Deum ipsorum ostendit. Verum si quæris cur hodie non etiam edantur miracula à ministris verbi: scies, quod miracula, postquam confirmarunt gloriam Christi, & veritatem Dei, defuncta sint suo munere: quare non amplius sunt expectanda miracula, sed contenti esse debemus doctrina Pro-

na Prophetica & Apostolica, quam Deus olim multis confirmavit miraculis, Hæc sint de miraculis dicta in genere: nunc ad hodiernum miraculum descendamus, in quo sunt multæ circumstantiæ obseruandæ, quarum singulæ singularem doctrinam & admonitionem continent.

PRIMA: [Christus apprehendit eum de turba seorsim.] Sed quare hoc fecit? propter duo: scilicet tempus & significationem. Propter tempus quidem, qui nondum voluit suum regnum propalari toti mundo. Nondum enim peregerat hostiam: nondum fregerat interstitium, quod erat inter Iudæos & gentes: quod postea factum est, quando armauit discipulos hoc mandato: *Ite in mundum vniuersum, prædicate Euangelium omnibus gentibus.* Propter significationem vero, quia qui Christum desiderat medicum, debet à turba malignantium discedere. Nulla enim est consensio Christi cum Belial.

SECUNDA: [Misit digitos suos in aures eius.] Hoc sane non frustra factum est. Nam & eo signo declarauit precium carnis suæ quam assumpsit, ut eius victima humanum genus restitueretur pristinae sanitati, quam per peccatum amiserat, & significat suum verbum nec audiri nec intelligi posse, nisi aures digito Christi aperiantur, id est, nisi Spiritus sanctus cordis nostri aures aperiat.

TERCIA: [Et expuens tetigit linguam eius.] Hoc symbolo significat & loquendi facultatem à se esse, & quod per media velit in Ecclesia esse efficax.

QVARE

QVARTA: [Suspexit in cælum.] Hoc gestu significat suum animum ad Patrem cœlestem eleuatum esse, quem precatus est non solum pro hoc: sed pro omnibus afflictis. Oratio enim non est tam oris sonus, quam cordis supplex eleuatio ad Deum: quæ cordis eleuatio symbolo oculorum suspicientium in cælum significatur. Unde David: Ad te leuaui oculos meos, qui habitas in cœlis. Cuius & nos monemur, cum dicimus: Pater noster qui es in cœlis.

Plal: 123.

Mat: 6.

Ln: 11.

QVINTA: ingemuit. Magnum certè necesse est esse propter quod tantus heros ingemiscat. Non ergo solum in hunc mutum, quem vnico nutu liberare à suo malo poterat, respexit: sed intuetur in hæc quinque. 1. in peccatum, quod causa est omnium calamitatum in humano genere. 2. in tyrannidem Diaboli, qui ita oppresserat genus humanum: cum qua tyrannide se bellum initurum nouit. 3. in legis maledictionem, quam in se reciperet, quò nos absoluiamur à reatu. 4. in amarissimam suam mortem, quam erat perpeffurus pro toto humano genere. 5. in maximæ partis mundi ingratitudinem. Præuidebat enim quòd multi suum beneficium essent contempturi prorsus: multi ignauia sua essent neglecturi: adeo ut minima pars mundi sua beneficia in salutem amplecterentur.

SEXTA: alloquitur hunc mutum & dicit. Ephata, hoc est, tu aperire. Non frustra hîc Marcus hebraica voce est usus. Hac enim voce primum indicat Christus, quæ sit sua diuina potentia, qui verbo

verbo &
nostra ne
verumet
sub eius
2. hac v
cia, præf
nemo sa
nobis qu
APER
quiratur
reforma
mouetur
Et repu
non hom
lum indic
SEPTI
& solutum
tur recte
Christi en
lo indicat
cationem
ne amplin
lum, ut su
stus & p
se afferun
rum erro
cem fugi
nos, ut in
lum fide e

verbo & imperat, & facit quæ vult: vnde fides nostra non solum de diuinitate Christi confirmatur: verumetiam omnes eos in tuto esse intelligit, qui sub eius imperio sunt, & se eius fidei committunt. 2. hac voce indicatur quanta sit verbi Dei efficacia, præsertim vbi vera fide apprehenditur. 3. quod nemo saluari possit sine Christi verbo, quo imperat nobis quæ decent à nobis fieri. 4. hoc mandato *A P E R I R E* significat, quod voluntas hominis requiratur in salutis negotio, non quod voluntas non reformata manu Dei possit aut velit: sed ne, cum mouetur & formatur à Spiritu sancto, Spiritui sancto repugnet. 5. quod opus salutis sit totum Christi, non hominis: quemadmodum hebraicum vocabulum indicat.

S E P T I M A: [Et statim apertæ sunt aures eius, & solutum est vinculum linguæ eius, & loquebatur recte.] Hoc ipsum miraculum est & beneficium Christi erga hunc afflictum hominem. Quo miraculo indicatur, quod ad iussu Christi, & ad prædicationem verbi ipsius soluamur à catenis Diaboli, ne amplius illis constricti teneamur. Hoc miraculum, vt summatim repetam, confirmat quod Christus & possit et velit iuuare omnes afflictos, qui ad se afferuntur & suam opem implorant. Destruit eorum errorem qui Christum tanquam seuerum iudicem fugientes, sanctos inuocant: Monet præterea nos, vt in calamitatibus constituti ad Christum solum fide & inuocatione fugiamus.

D E

[Et præcepit illis ne cui dicerent: Quanto autem magis eis præcipiebat, eo magis prædicabant & admirabantur.] Christus prohibet ne patefacerent hoc factum: huius mandato obtemperasse oportuit. Quare bonum, quod secutum est, non illorum inobedientie, sed Christi bonitati adscribendum est. Voluit enim hoc factum latere usq; ad suam resurrectionem.

Sed quis fructus manavit ex hoc Christi miraculo? Primum spectatores conceperunt fidem in Christum. Deinde prædicabant hoc factum, & Deum glorificabant: quæ Dei glorificatio ultimus finis est omnium operum Christi. Sed quid est Deum prædicare? Dei prædicatio oritur ex noticia Dei, quæ in his sita est: ut rectè iudices de diuina substantia & diuinis personis: ut statuas eum fontem omnium bonorum: ut ad eum per Christum confugas in omni necessitate: ut palam tuam fidem cum his confitearis: ut tuo exemplo præluceas alijs, quod multi tuo exemplo moti ad Christum confugiant, cui cum Patre & Spiritu sancto sit honor in secula, AMEN.

DOMINICA
DECIMA TERTIA POST TRI-
nitatis Euangelium, Lucæ 10.

Con-

Conuersus Iesus ad discipulos seorsim, dixit: Beati oculi, qui vident, quæ vos videtis. Dice enim vobis, quod multi Prophetæ & Reges voluerunt videre, quæ vos videtis, & non viderunt, & audire, quæ vos auditis, & non audierunt. Et ecce, quidam legisperitus surrexit, tentans illum, dicens: Magister, quid faciendo vitam æternam possidebo? At ille dixit ad eum: In lege quid scriptum est? Quomodo legis? Ille respondens dixit: Diliges Dominum Deum tuum ex toto corde tuo, & ex tota anima tua, & ex totis viribus tuis, & ex tota mente tua, & proximum tuum sicut teipsum. Dixitque illi: Recte respondisti, Hoc fac & viues. Ille autem volens iustificare seipsum, dixit ad Iesum. Et quis est meus proximus? Respondens autem Iesus dixit: Homo quidam descendebat ab Hierosolymis in Hiericho, & incidit in latrones, qui etiam despoliauerunt eum vestibus, ac vulneribus inflictis, abierunt semimortuo relicto. Accidit autem ut sacerdos quidam descenderet eadem via, visoque illo, præterijt. Similiter & Leuita, cum iret iuxta locum, cum accessisset ac vidisset eum, præterijt. Samaritanus autem quidam iter faciens, venit ad eum, & viso eo, misericordia motus est, & accedens obligauit vulnera eius, infundens oleum ac vinum, & imponens illum in suum iumentum, duxit in diuerforium, & curam eius egit. Et postero die egrediens, depromptos duos denarios dedit hospiti, &

& ait ei. Curam illius habe, & quodcunq; præterea infumseris, ego cum rediero, reddam tibi. Quis ergo horum trium videtur tibi proximus fuisse illi, qui incidit in latrones? At ille dixit: Qui exercuit misericordiam in illum. Ait igitur illi Iesus: Vade, & tu fac similiter.

ENARRATIO TEXTVS.

D^v *Æ sunt partes huius Euangelij: in quarum priori agit Christus cum suis discipulis de vera beatitudine, docetq; in qua re ea consistit, nimirum in sui cognitione: In posteriori disputatur de recta via vitæ æternæ, de lege Dei, de dilectione Dei & proximi: ubi paradiquate proposito docet quis sit proximus habendus. Loci quatuor:*

- I. *Quæ sit vera beatitudo.*
- II. *Quæstio Legis periti de consequenda vita æterna, cum Christi responsione.*
- III. *Summa capita legis diuinæ.*
- IIII. *De parabola, qua docetur quis sit nobis proximus.*

DE PRIMO.

[Iesus conuersus ad discipulos seorsim, dixit: Beati oculi qui vident quæ vos videtis: Dico enim vobis, quod multi, &c.] Hic docet Christus, quænam sit vera beatitudo, & quodnam sit verum & solidum gaudium hominis in hac vita, videlicet videre filium Dei. Si ergo soli illi sunt beati, qui filium Dei vident, sequitur nullos suis operibus & meritis bea-

tis beatitudinem consequi. Quare hæc Christi visio merito expetenda est.

Verum sciendum dupliciter filium Dei videri, nempe in hac vita & futura. In hac vita videtur tripliciter. 1. carnaliter tantum. 2. carnaliter & spiritualiter simul. 3. spiritualiter tantum.

Carnaliter tantum vidit Christum maxima pars Iudaicæ gentis, quæ tamen damnata est. Proinde carnalis Christi visio non est per se salutaris: imo cedit potius in maiorem damnationem. Herodes vidit Christum, Pilatus similiter, Iudas & Caiphas & multi impij alij, quorum interitus docet non esse salutarem visionem Christi externam, ubi non est vera fides in Christum.

Carnaliter & spiritualiter simul visus est Christus à Magis, Maria, Simeone, Zacharia, Zachæo, Apostolis & multis alijs, quorum visio fuit illis salutaris, quia non solum Christum externis oculis viderunt, sed etiam lumine cordis: quod manifestè conspicitur in illa muliere, quæ Christi pedes lotos lachrymis suis abstersit capillis, quæ à Christo audit peccata sua esse remissa, propter fidem quam in ipsum habuit. De hac visione præcipuè loquitur hic Dominus, cum ait: Multi Prophetæ & reges cupierunt videre quæ vos videtis, & non viderunt.

Spiritualiter tantum videt Christum, omnis qui credit in eum: Ita enim Christus ipse interpretatur, cum dicit: Sicut Moses exaltauit serpentem in deserto: Ita oportet exaltari filium hominis, ut omnis

r

qui

Luc. 7.

Jo. 3.

qui credit in eum non pereat sed habeat vitam eternam. Sic vidit Christum Abel in suo sacrificio, *Gen: 4.* sic Abraham de quo testatur Christus, dicens: Abraham vidit diem meum & gauisus est. Sic hodie nos Christum videmus quotquot in ipsum credimus. Quod autem, qui ita Christum vident, sint beati, testatur hoc dictum Domini ad Thomam: Beati qui non viderunt & crediderunt. Nam in Euangelio ipsum videmus, ubi facie ad faciem nobis apparet, ut in imaginem eius transformemur. *Jo: 8.* *Jo: 20.*

Haftenus de primo genere visionis & eius partibus, quo Christus in hoc mundo videtur. Altera visio sequitur, quæ est futura in gloria, ubi illum perfectissime videbimus, & perpetua leticia afficiemur fruentes ipsius dulcissimo conspectu.

Sed qua de causa pronunciat beatos qui Christum vident? Primum, quia Christus est verbum vite, sine quo nulla est salus expectanda. Hoc enim vite verbum ab æterna morte liberat credentes. Nam ut qui Christum non videt & potissimum oculis fidei, in carcere & sub manu Diaboli manet: ita qui Christum videt, victor est mundi, atque omnium malorum, iuxta illud Iohannis: Hæc est victoria, quæ mundum vincit, fides vestra. An non videmus multos pios male in hac vita habere & rapi ad gravissima supplicia? Respondeo. Sunt beati propter euentum. Est enim futura latissima liberatio ab omnibus malis, quibus pii obruuntur in hac vita. Ideo Christus dicit in Matthæo: Beati qui *1 Jo: 5.* *Mat: 5.*

qui lugent, quoniam consolationem accipient.

DE SECVNDO.

[Quidam legis interpres surrexit, tentans eum
& dicens: Magister, quid faciendo, vitam aeternam
possidebo? Ille respondit: Diliges Dominum Deum
tuum & c.] Et ut in Matthæo habetur: si vis ad
vitam ingredi serua mandata. Ut hoc Christi re-
sponsum rectè intelligamus, obseruandum est esse
duo genera hominum, cum quibus Christus agit.
Quidam enim sunt hypocritæ: quidam agunt seri-
am pœnitentiam. Hypocritæ superbi & tumidi opi-
nione propriæ iusticiæ, putant se non opus habere
Christo: atq; ideo eum persequuntur: nunc tentando
illum: nunc calumniando ipsius doctrinam: nunc
persequendo ipsum. Hi cum quærent viam salutis,
monstrat eis legem, & dicit: Si vis ad vitam ingre- Mat: 19
di, serua mandata. Qui vero pœnitentiam agunt &
quærent à Christo salutis viam, non mittuntur à
Christo ad legem & Moysen, sed e se eos recipit
& iubet eos in se credere. Quod cum faciunt, donat
eis suam iusticiam, ne male iustitioni legis sint ob-
noxij. Hoc exemplis illustrabimus. Phariseus, de
quo nuper audiuius, iustus sibi visus est, sed iniu-
stus à Christo est pronunciatus eò, quod legis iusti-
ciam, quam iactauit, non habuit. Contra, publica-
nus qui peccata sua secum in templum attulit, quæ
illic deflet & confugit ad misericordiam, iustus
descendit in suam domum. Si iustus, vitæ quoque
r 2 æternæ

ln: 23.
 æternæ hæres erat. Apud Matthæum interrogat
 Legisperitus Christum & dicit: Quid faciam ut
 possideam vitam æternam. Respondit Christus: Si
 vis ad vitam æternam ingredi, serua mandata.
 Contra, miser latro peccator in cruce agit pœniten-
 tiam, & ex fide inuocat Christum, cui Christus di-
 cit: Hodie eris mecum in paradiso, id est, in vita
 æterna. In hoc Euangelio accedit etiam legis inter-
 pres, tentaturus Dominum, & ait: Quid faciendo
 vitam æternam possidebo. Cui Dominus respondit:
 Diliges Dominum Deum tuum, & proximum tu-
 um sicut teipsum. Quod perinde est, ac si dixisset: Si
 vis ad vitam ingredi, serua mandata. At mulieri
 peccatrici Lucæ 7. ait: Fides tua te saluam fecit.
 Atq; ita Christus cum duobus generibus hominum
 agit, pro quorum varietate monstrat rectam in cæl-
 um viam.

Ex: rh: 20.
 Quare viam per legem monstrat, cum nemo vn-
 quam per illam viam possit in cælum venire? Quia
 est via rectissima in cælum, iuxta illud: Qui fecerit
 ea homo, viuet in eis. Hanc ergo monstrat Christus
 suis contemptoribus. Quicumq; enim Christum con-
 temperit, aut peribit æternum, aut legi satisfaciet,
 quod est illi impossibile. Deinde est alia via in cæl-
 um, quæ tantum patet ijs, qui in Christum, qui via
 est in cælum, credunt.

DE TERTIO.

[Diliges Dominum Deum tuum ex toto corde
 tuo,

tuos, & ex tota anima tua, & ex totis viribus tuis, et ex tota cogitatione tua, & proximum tuum sicut teipsum.] Hæc summa est legis diuinæ & epitome Decalogi. In utroq; horum præceptorum quatuor sunt spectanda. 1. Affectus qui ab homine requiritur erga Deum & proximum. 2. Obiectum, nempe Deus & proximus. 3. Causæ obedientiæ seu dilectionis Dei & proximi. 4. Modus dilectionis.

Affectus, quem requirit lex, est dilectio, quæ placere non potest, nisi sit sincera, & careat omni hypocrisi. Nihil enim potest placere Deo quod est fucatum, quia ipse est absq; omni fuce, sanctus, purus & sincerus.

Obiecta, hoc est, res circa quas versari debet affectus dilectionis, sunt Deus & proximus.

Causæ dilectionis Dei & proximi ponuntur in præcepto. Deus enim diligendus est, quia est Deus & Dominus noster: proximus vero, quia est proximus noster.

Modus dilectionis etiam exprimitur. Deus enim ex toto corde, ex tota anima, ex tota cogitatione est diligendus: proximus est diligendus, ut teipsum diligis. Verum, quæ breuiter notauimus, fusius sunt explicanda.

Dilectio seu charitas in genere est intimus affectus rem quampiam amanter & beneuolè complectendi, adeo ut animus eius studio ardeat cupiatq; ei quam optimè. Hæc charitas duplex est: una Dei erga creaturam, Altera creaturæ erga Deum, &

alias res. Dei erga creaturam charitas rursus est duplex. Una vniuersalis, qua complectitur omnem suam creaturam, eam sustentat & continet, vt suum statum tueatur. Hæc charitas dicitur etiam vniuersalis misericordia. Altera est peculiaris, qua Deus ex intimo cordis affectu Ecclesiam suam charam habet in filio. Hac motus filium dedit, iuxta illud: Sic Deus dilexit mundum vt filium suum vnigenitum daret. Hac motus Spiritum sanctum donat. Hac motus conseruat Ecclesiam. Breuiter hæc charitas facit, vt se totum suæ Ecclesiæ donet. Huius dilectionis Dei cogitatio consolabitur nos contra sententiam legis, contra acerbitem crucis, contra tentationes in mortis articulo. Hæc etiam dilectio Dei facit vt Deus castiget suos filios & rursus afflictos sanet.

De charitate Dei erga creaturam dixi: Iam sequitur de charitate creaturæ erga Deum & homines, atq; res alias. Hæc charitas est affectus intimus quo Deus diligendus est ab homine, & secundum Deum proximus perinde vt nos ipsi. Est itaq; & hæc creaturæ charitas duplex: Una, qua Deum prosequitur: altera, qua creaturam. Ea autem charitas, qua creaturas complecti nos decet, plures habet gradus: quorum primus est, quo fratres necessitudine spiritus Christi nobis coniunctos diligimus. Secundus, quo eos, qui aliqua necessitudine carnali nobis deuincti sunt, prosequimur. Tertius, quo reliquos ignotos amamus. Quartus, quo inimicis benefa-

nefacere laboramus. Quintus quo reliquas creaturas singulas pro suæ dignitatis statu complectimur.

Quæ causæ sunt dilectionis Dei, seu cur Deum diligimus? Etsi satis ex præcepto agnosci potest: tamen altius causas repetam & distinguam. Dilectio itaq; hominis erga Deum. 1. accenditur ex memoria beneficiorum Dei erga nos, & ex cogitatione, immense dilectionis ipsius, qua nos prosequitur. 2. augeri debet ex viuo sensu fauoris Dei erga nos, quæ omni momento experimur. 3. inprimis inflammari debet ex spe & fiducia promissorum bonorum. Hæ causæ sunt in verbis his: [*Dilige Dominum Deum tuum.*] Est Dominus, id est, defensor: Deus, gubernator & saluator: Tuus, vt omnia bona ab eo expectes.

Habemus vtcunq; qualis res sit dilectio Dei, qua homo Deum diligere debet: Deinde, & causas vidimus: sed modus dilectionis quis est? Is in textu expressus est his verbis: [*Ex toto corde tuo, ex tota anima, ex totis viribus, ex tota cogitatione.*] Hæc vox T o t o tria significat, quæ coniuncta esse debent charitati hominis erga Deum. Primum, quod charitas hominum erga Deum debeat esse perfecta, deinde pura, tum perpetua. Ex toto ergo corde Deum diligere dicuntur, qui perfectè, purè, & perpetuò ardent dilectione Dei: ita vt illum solum timeant, in illum solum confidant, in solum spem collocent. Ex tota anima dicuntur diligere Deum homines, cum ipsorum voluntas eius voluntati diuinæ

r 4

perfe-

perfectè, purè, & perpetuo in omnibus respondet: id quod precamur fieri, cum dicimus: *Fiat voluntas tua.* Ex totis viribus diligitur, cum omnia membra interiora & exteriora perfectè, purè, & perpetuò se ad obsequendum Deo conuertunt. Ex tota cogitatione diligitur, cum nullum interuallum sentitur, quò non diligitur Deus purè, perfectè & sanctè. Hic modus est solidæ dilectionis Dei, quæ in nullo mortalium vnquam fuit post lapsum, nisi in solo Christo: licet quædam eius tenuia principia sunt in renatis. Cuius signa sunt quatuor.

Jo: 14. PRIMVM, obedientiam erga Deum omnibus rebus mundi anteferre, iuxta illud: *Qui diligit me, præcepta mea seruabit, & Pater meus diliget eum.*

SECUNDVM, reuerenter in timore Dei sacra mysteria tractare.

TERTIVM, exemplo alios ad diligendum Deum inuitare.

QUARTVM, ipsum proximum propter Deum diligere. Ubi hæc quatuor concurrunt, illustria habes signa inchoatæ charitatis erga Deum: quæ indies in renatis noua incrementa sumere debent.

Dixi de primo capite legis, nempe de dilectione erga Deum: nunc de secundo dicam, videlicet de dilectione proximorum, De qua hæc tria obseruentur: causæ dilectionis, modus & ordo. Causæ duæ sunt præcipuæ: Una mandatum Dei: Altera natura, quia homo homini proximus est. Mandatum Dei est,

est, ut diligamus alter alterum. Christus precipit: *Diligite vos inuicem. Huic mandato non obedire grauissimum scelus est. Altera causa est natura, videlicet quod homo homini sit proximus, idque multis modis: Ratione creationis: ratione similitudinis: ratione regenerationis: ratione communis vitæ: & ratione futuræ gloriæ, de quibus coniunctionis gradibus nuper dictum est.*

Quomodo est diligendus proximus? Respondet Dominus: *Dilige proximum tuum ut teipsum. Quomodo autem quisque seipsum diligat, à seipso discat.*

Ordo dilectionis ante indicatus est, ut maxime diligentur, qui nobis spiritu Christi coniuncti sunt. Deinde secundo loco, qui nos aliqua necessitudine carnali agunt. Tertiò, inimici etiam diligendi sunt, quemadmodum Christus docet Matth. 5. & Christus hic paradiigmate proposito, explicat. Hæc sint dicta de legis duobus capitibus, quibus neminem plenam præstare obedientiam posse manifestum est, id quod nuper quatuor rationibus ostendi.

Neque tamen ideo frustra hæc lex est proposita. Primum enim hic docemur qualis fuerit integer hominis status ante lapsum. Tum enim homo potuit huic legi satisfacere. Deinde hic intelligimus, quanta sit deprauatio naturæ, cum videmus quam procul absumus à perfectâ legis obedientia. Tum mone-mur, ut cognita imbecillitate & immundicia nostra confugiamus ad Christum, qui est perfectio legis in iusticiam omni credenti. Adhæc, erudimur

r 5

quis

quis sit finis legis, & quæ sint summa capita religiosæ vitæ, in qua nos exercebimus. Postremo hinc admonemur ut cogitemus, qualis sit futura obedientia sanctorum angelorum et hominum in vita æterna.

DE QVARTO.

[Ille autem volens iustificare seipsum, dixit ad Iesum: & quis est meus proximus?] Cum hic legis interpretes aliud responsum accepisset, quam expectavit, ne confusus videretur tacere, opinione iusticiæ legis tumens, querit quisnam sit suus proximus: cui longè aliud responsum dat Christus, quàm expectavit: & ut eliciat confessionem ab ipso Legisperito, proponit longam parabolam, & ait: Homo quidam descendebat à Ierusalem in Iericho, &c. Sed cum omnis homo sit alteri proximus, cur non simpliciter respondit: Homines omnes sibi inuicem sunt proximi, hæc responsio visa fuisset & faciliior & breuior. Hoc fecit Dominus, ut corrigeret malam Phariseorum & Legisperitorum interpretationem. Hi enim interpretabantur legem hoc pacto. Dilige amicum tuum, & odi inimicum tuum. Horum ergo iudicio, qui amici erant, sibi etiam proximi iudicabantur: quem errorem Christus Matthæi 5. refutat, & docet inimicos etiam diligendos esse. Quia igitur de amicis conuenit inter Christum & Legisperitum: nam vterque confitebatur amicos diligendos esse, Christus conatur efficere, ut Phariseus inimicos in numero proximorum confitea-

fiteatur. Omnes enim homines aut amici, aut inimici nobis sunt. Amicos pro proximis habere fatetur Phariseus: Verum quia de inimicis est quaestio, Christus proponit parabolam hanc de Iudaeo & Samaritano, hoc est, de duobus, qui acerrimi hostes ex professione fuerunt. Iudaeus enim extreme odit Samaritanum, & tanquam canem habebat: nec Samaritanus hoc ignorare potuit. Sed quid fit? Iudaeus incidit in latrones, spoliatur, vulneratur, relinquitur semivivus. Venit hic Samaritanus post Iudaeos, qui vulneratum praeterierunt, & non moti sunt eius calamitate, & fert misero opem: praestat ei charitatis officia: imponit eum in iumentum suum: portat in diversorium: habet eius curam: transigit cum hospite, ut illum amanter & bene foueat: promittit se soluturum si quid ultra in eius curationem exposuerit. Quis horum, inquit Christus, videtur tibi fuisse proximus illi? Leuita ne qui praeterit, an sacerdos, aut hic Samaritanus? Respondit Phariseus: Qui fecit misericordiam in illum. Et ait illi Iesus: Vade, & tu fac similiter. Fatetur Phariseus Samaritanum praestitisse saucio charitatis officia, ideoque proximum eius recte dici. Unde conficitur haec responsio, quod omnis homo sit homini proximus. Verum, ut deprimat supercilium Pharisei, iubet illum ire & imitari Samaritanum: quo dicto ostendit, Phariseum procul abesse a perfectione legis. Quare nos SAMARITANVM imitemur quantum

quantum possumus per Christi gratiam, cui cum Patre suo & Spiritu sancto sit honor, laus & gloria, in secula seculorum, A M E N.

DOMINICA XIII. POST TRINITATIS

EVANGELIUM LVCAE 17.

FActum est, dum iret IESVS Hierosoly-
mam, transibat per mediam Samariam
& Galilæam. Et cum ingrederetur
quendam vicum, occurrerunt ei decem
viri leprosi, qui steterunt procul, intentaq; vo-
ce dixerunt: Iesu præceptor miserere nostri.
Quos vt vidit, dixit illis: Ite ostendite vos sa-
cerdotibus. Et factum est, vt inter eundum
mundati sint. Vnus autem ex illis, vt vidit quod
mundatus esset, regressus est, cum magna voce
glorificans Deum. Et procidit in faciem ad
pedes eius, gratias agens ei. Et hic erat Sama-
ritanus. Respondens autem Iesus, dixit: Nonne
decem mundati sunt? Nouem autem illi vbi?
Non sunt reperti qui redierint, vt darent glo-
riam Deo, nisi hic alienigena. Et ait illi. Surge,
vade, fides tua te seruauit.

ENARRATIO TEXTVS.

Summa huius Euangelij est, quod Christus sit
verus Messias, Deus & homo, qui sola sua po-
tenti voluntate potest iuuare quos vult. Vult au-
tem iuuare omnes, qui ad se confugiunt, quemad-
modum

modum horum decem leproforum exemplum ostendit. Hos enim non contemnit, vt multi alij, sed suum paternum erga eos animum declarat, dum inuocantes sanat & liberat à morbo cum fœdissimo, tum contagiosissimo. Neq; aliter affectus est erga vllos, quàm erga hos miseros, modo horum exemplo ipsius opem implorent. Discamus ergo & nos intuentes in hos leprosos, qualem habeamus pontificem, nimirum non solum talem, qui nostris afficiatur calamitatibus: verumetiam eum qui potenti sua voluntate, quos suam sentit implorare opem, iuuare possit, & ab omni miseria vindicare. Quemadmodum enim discedentes hos, imo iam absentes purgat: ita etiamsi coràm non aspiciatur, iuuare potest: Quare accedamus ad eum firma fiducia in omnibus necessitatibus nostris, certi quod simus auxilium inuenturi in tempore opportuno. Hæc breuiter sint dicta de summa & vsu huius Euangelij.

Loci tres:

- I. De his decem leprosis.*
- II. Cur eos mittat Dominus ad sacerdotes.*
- III. De gratitudine huius Samaritani, & ingratitude nouem reliquorum.*

D E P R I M O.

In prima huius Euangelij doctrina, quam de leprosis proposui, hæc ordine dicam: quàm contempti fuerint leprosi in populo Israelitico: quid horum factum nos doceat: quomodo multi spiritali lepra infecti

infecti opus habeant medico Christo: & quid ex Christi facto de ipsius affectu erga nos colligamus.

Leprosi apud Iudæos immundi habebantur & indigni, qui inter Israelitas versarentur, idq; propter fœdissimum & contagiosissimum morbum, quo contaminati erant: & circumferebant ex mandato legis diuinæ signa opprobrii & luctus, quibus admonebantur suæ impietatis & flagitiorum, propter quæ in talem miseriam incidissent. Numerantur autem in Levitico quinque notæ, per quas ab alijs hominibus dignoscerentur, ne ipsorum contagione polluerentur. *UNA* fuit vestis dissoluta. *ALTERA*, detectum caput. *TERTIA*, os velatum. *QUARTA*, habitatio ab hominum consuetudine separata. *QUINTA*, publica proclamatio qua immundi proclamabantur, ut qui indigni essent, qui inter Israelitas conuersarentur. Hic facile est cogitare, in quanto dolore fuerint, & quàm misera fuerit illorum conditio: qui tamen in his malis positi confugiunt ad Christum. Unde nos remedia contra triplicem tentationem colligamus, quarum prima provenit ex cogitatione miseriæ & fœditatis peccati nostri. Secunda ex indispositione nostra, quod non simus satis compositi ad compellendum totum Heroa, hoc est, saluatorem nostrum Iesum Christum. Tertia manat ex cogitatione meritorum, quæ nulla habere nos animaduertimus. Exemplo enim horum leprosoꝝ non sinamus nos his rebus absterri, quò minus ad unicum nostrum

strum medicum & saluatorem confugiamus.

Iam videmus quid hi decem leprosi fecerint. [Cum ingrederetur (inquit textus) Dominus in vicum quendam, occurrerunt ei decem viri leprosi, qui steterunt à longe & leuauerunt vocem, dicentes: Iesu præceptor miserere nostri.] Hic habemus exemplum in leprosis veræ humiliationis, fidei, inuocationis & confessionis.

Quod stent à longe humiliationis signum est. Nam propter morbum suum, & morbi causam peccatum, se ex animo prosternunt coram Deo, agnoscunt suam miseriam, peccati turpitudinem, iustissimam legis sententiam damnatoriam aduersus se: atq; ita verè humiliantur coram Deo: quæ humiliatio primus est gradus ad gloriam, sicut superbia primus gradus est ad ignominiam, quod et Dominus ipse testatur, cum ait: Omnis qui se exaltat Lii. 18. humiliabitur, qui autem se humiliat exaltabitur. Horum ergo exemplum & nos imitemur, & nos prosternamus in vera pœnitentia coram Deo: quod si fecerimus fiet nobis secundum Christi dictum: Qui se humiliat, exaltabitur.

Quod accedunt Christum fidei testimonium est, quam ex auditu famæ ipsius habuerunt. Audiuerant enim absq; omni dubio hanc dulcissimam vocem Christi, qua tam paternè omnes ad se inuitat & omnibus suam gratiam offert: Venite ad me Mat. iii. omnes, qui laboratis & onerati estis, & ego reficiam vos & inuenietis requiem animabus vestris.

Hanc

Hanc vocem: Venite omnes qui laboratis, audiuerunt & conceperunt spem, ut se non excluderet, qui se omnibus benignè offerret. Quare concepta fiducia, erigunt se, & Christum accedunt. Horum exemplo, quo paterna promissio confirmatur, & nos excitetur ad bene sperandum de Christo in omnibus nostris ærumnis.

Huius fidei fructus sequitur inuocatio. Ita enim orant: [Iesu præceptor miserere nostri.] In hac sua ardentissima oratione, Primum agnoscunt se nulla habere merita: sed potius horrenda peccata. Nam qui dicit M I S E R E R E nullum iactat meritum, nullam sentit dignitatem: imo potius confitetur suam indignitatem, et se agnoscit indignum beneficio. Deinde in hac oratione agnoscunt Christum verum Messiam esse, victorem mortis & omnium calamitatum: agnoscunt ipsum mitem & misericordem, qui afflictis non addit afflictionem, sed potius medetur afflictis & eos sanat. Hoc exemplum orandi & nos imitemur, & verè Christum talem cogitemus & inuocemus, qualem illum in hac sua oratione describunt.

Habemus etiam in his leprosis exemplum confessionis, quæ nunquam potest ab oratione auelli: & sanè confessio Christi non carebat periculo eo tempore. Potentissimi enim & sapientissimi persequuntur Christum, & confessionem eius prohibuerunt, quemadmodum legimus Iohan. 9. Ubi Pharisei obiurgant cæcum, cui visum restituerat Dominus, propterea

pterea quòd Christum sit confessus. Verum nos imitemur exemplum horum leproforum. Nam tametsi grauis videatur afflictio, quæ propter confessionem subeunda est: tamen salus, ad quam tendit confessio, maior & certior est, quàm vt ullis terricula-mentis ab ea deficiamus.

Dixi de lepra corporali, & horum leproforum laudabili factò: nunc breuiter lepram spiritualem describam, & eius remedia tradam. Lepra spiritualis est labes & contagio mentis, cordis & affectuum hominis: ita vt nulla pars in homine sit pura & munda. Hæc lepra habet etiam notas suas, quarum prima est separatio à domesticis Dei & cœtu sanctorum angelorum & hominum. Secunda est caput detectum, hoc est, nuditas à donis Spiritus sancti plena opprobrio: de qua apud Ezechielem: Nuda eras, & confusione plena. Tertia, est os velatum, hoc est, sœdus halitus & spiritus pestifer pessimorum colloquiorum, quæ ex impuro pro-ueniunt corde. Quarta, habitatio ab hominum consuetudine separata, qualis est diuitis Epulonis, qui habitat procul à beatorum domo. Quinta, publica proclamatio, hoc est, legis maledictio, quæ publicè proclamatur in omnes, qui non agunt pœnitentiam, hoc est, in spiritualiter leprosos.

Sed quid est remediū contra hanc lepram spiritualem? Nulla humana arte est curabilis, vnicus est medicus qui eam purgare potest, qui est Iesus Christus: ad quem si leprosus venerit, & se coram illo

s

humilia-

humiliauerit, inuocans eum & petens sanationem, mox hic sapientissimus medicus sanguine suo primum abluuit sordes huius spiritualis lepræ: deinde suo spiritali oleo fouet affecta membra, donec plene sanantur. Hic igitur adeundus est fidei pedibus: huius pharmacum, quod voce Euangelij offertur, cordis ore, id est, fide recipiendum est: & ab eo impetrandum est oleum illud efficax, quo vires amisse reparantur: atq; cauendum ita ne hoc salutari pharmaco verbi Dei & oleo salutari Spiritus sancti amissis, rursus in lepram incurramus: quod si fecerimus, difficilior erit postea curatio. Nam postquam aliquis morbus nimis altas radices egit, maiori cum difficultate curatur.

DE SECVNDO.

Quos vt vidit dixit eis: [Ite & ostendite vos sacerdotibus.] Quos solo nutu abeuntes sanauit hos ad sacerdotes mittit: qui tametsi improbi & auari erant tamen ministerio fungebantur diuinitus instituto. Sed quare illos ad sacerdotes mittit? multe & magne causæ fuerunt.

PRIMA, vt ita probaret fidem illorum an suo verbo & promissioni crederent. Solet enim Deus varijs modis suorum in fide constantiam explorare: non quidem in eorum damnum aut malum: sed vt fides explorata & veluti igne tentationum decocta fiat probatior. Ita Abrahami fides est explorata, dum iubetur ire mactatum vnigenitum filium:

Gen: 22.

lium: sic explorata fides mulieris Syrophœniſſæ, & *Mat: 15*.
 multa sunt exempla vt Iob, Ioseph, David & alio-
 rum omnium.

SECVNDA, vt hoc suo factō ministerium pub-
 licum diuinitus ordinatum approbet. Habebant
 enim sacerdotes mandatum cognoscendi & iudi-
 candi de lepra: qui bene purgatos receperunt in
 cœtum publicum, alijs exclusis. Nam si secus fecis-
 set, videretur Mosaicam legem violare, ad quam *Mat: 5*.
 non soluendam, sed implendam præstandamque
 venerat.

TERTIA, quia lex & sacerdotium ferunt testi-
 monium de Christo, quemadmodum ipse ait: lex &
 Prophetæ ferunt testimonium de me. Nam quod
 sacerdotibus iniunctum erat, vt iudicarent de le-
 pra, accepta oblatione pro leprosi sanati purgatio-
 ne, typus fuit virtutis Christi, qui non solum de le-
 pra iudicare, sed eam emundare potest: idq; proprij
 corporis victima & precioso sanguine.

QUARTA, vt ex miraculo discerent sacerdo-
 tes vere aduenisse Messiam. Sic enim prædixit Esai-
 as, quod Christus suam præsentiam declararet stu-
 pendis miraculis, inter quæ etiam numeratur hoc,
 quod cæcos illuminaret & leprosos purgaret. Sa-
 cerdotes igitur, viso hoc miraculo diuino, debebant
 ex Prophetia Esaiæ conclusisse, Iesum filium Mariæ
 verum fuisse Messiam olim patribus promissum,
 præsertim cum omnes Prophetiæ de aduentu Chri-
 sti in hoc tempus collimarent. *Esai: 42*.

QVINTA, vt Sacerdotes hoc miraculo conuicti de aduentu Christi veri Messiae mitterent suos auditores & populum ad Christum corporum & animorum medicum peritissimum: quod tamen non fecerunt ne quid suo quaestui discederet. Habent multos æmulatores hoc tempore praesertim in Papatu.

SEXTA, vt hi leprosi testimonio sacerdotum recepti, suam gratitudinem ostenderent erga Deum & ordinarium ministerium.

Cæterum præter has veras causas, propter quas misit Christus hos leprosos ad sacerdotes, Papistæ finxerunt aliam, nimirum, vt sacerdotibus confiteamur peccata nostra, enumeremus omnia peccata cum omnibus suis circumstantiis: quod sane impossibile est. Textum proinde hunc detorquent Papistæ in peregrinum sensum, & sua allegoria fabricant laqueos, quibus miseræ conscientiae horribiliter constringuntur. Atq; ita ex consolatissimo Euangelio conscientiarum carnificinam faciunt. Quid? Non ergo priuata confessio est retinenda? Est sanè: sed non propter hanc allegoriam: neq; more Papistico, qui omnium peccatorum enumerationem tanquam iudices exigunt, & negant ullam fieri remissionem, si non fiat plena enumeratio peccatorum: quæ nemo, vt testatur David, intelligit, tantum abest, vt ea quis enumerare possit.

Sed quæ sunt causæ, cur retinetur confessio auricularis in nostris Ecclesijs? Propter eius utilitates, quæ sunt maxime.

PRI-

PRIMA, ut in priuato isto colloquio institu-
antur rudes & ignari, qui opus habent instructio-
ne in Catechismo.

SECUNDA, ut in ea iuuenum & adolescen-
tum exploretur profectus. Nam boni est pastoris,
non solum publicè pietatis doctrinam tradere, ve-
rumetiam eius officium requirit, ut Pauli exemplo
domi experiatur, quousq; sui auditores in pietate
profecerint. Nam in isto priuato colloquio segnes
stimulis excitabit, eorum, qui multum profecerunt,
diligentiam laudabit, & ad similem perseueranti-
am excitabit.

TERTIA, in hoc priuato colloquio exigitur ra-
tio fidei ab ijs, de quorum fide ac religione iusta po-
test haberi dubitatio.

QUARTA, in eo colloquio infirmæ conscientie
doctrina, consilio & consolatione iuuantur, præser-
tim cum aliquo scrupulo conscientie perplexæ te-
neantur. Hi enim sibi rectè consulunt, si ad suos pa-
stores se recipiunt, ut erigantur ac consolationem
capiant.

QUINTA, tametsi qui verè in Christum cre-
dit, absolutus est à peccato: nam cum peccatum sit
defectus à lege Dei & voluntate, cum obligatione
ad æternam mortem & damnationem, absolutus
absq; dubio est omnis, qui credit promissioni gratui-
tæ, iuxta illud: Qui credit in filium, habet vitam
æternam: ex quo sequitur veram absolutionem esse
liberationem hominis credentis, ab obligatione ad

Jo: 3.

eternam mortem & damnationem: tamen prodest etiam omnibus priuatim audire Euangelium, quo annuntiatur ministri ore remissio peccatorum credentibus, & hereditas regni cælorum. Nam tum demum aperitur regnum cælorum, quando Euangelium prædicatum fide recipitur.

DE TERTIO.

[Unus autem ex illis, videns quod mundatus esset, regressus est cum magna voce, glorificans Deum, & cecidit in faciem ante Iesum gratias agens.] In hoc Samaritano videmus pulcherrimum gratitudinis & gratiarum actionis exemplum. Verum, ut nos eius excitetur exemplo, dicam nonnihil de vera gratiarum actione hoc ordine. Primum, quæ sit, & quas habeat causas: Deinde, quæ ad eam requirantur: & postremo, pro quibus rebus gratias agere nos oporteat.

Quantum ad primum attinet, vera gratiarum actio est agnitio & confessio beneficiorum acceptorum, una cum gratitudine mentis & prædicatione bonitatis Dei. Hoc clare in Samaritano nostro apparet: agnoscit se mundatum à sua lepra: hoc publicè confitetur: ac grata mente ad Christum redit, ei gratias pro beneficijs agens & prædicans eius bonitatem. Hæc vera gratiarum actio habet causas. 1. noticiam Dei beneficientis. 2. noticiam sui. 3. perceptum beneficium. 4. affectum ardentem fide & prædicatione Dei, quæ omnia videmus in hoc

Sama,

Samaritano. Huc accedunt exempla, quæ ad hanc gratitudinem nos excitabunt.

Habemus quæ sit gratiarumactio & quas habeat causas : Iam quæ ad eam requirantur videamus. Requiruntur autem duo. 1. virtutes quæ nunquam à vera gratiarumactione separari possunt. 2. legitimus modus gratiarumactionis. Virtutes præcipuæ sunt duæ: veritas et iusticia. Veritas, vt candide & apertè agnoscit benefactorem Deum (vt hic Samaritanus facit) ita excludit hypocrisin & mendacium. Hypocrisin quidem, vt non ore tantum agas gratias, vt Phariseus fecit, sed mente & voce simul : Mendacium vero, ne Deo ascribas successum in rebus turpibus: vt si latro vellet Deo gratias agere pro optimo spolio, & adultera pro lepido amatore. Iusticia excludit superbiam & abusum rei: & e contra admonet gratitudinis, humiliationis & inuocationis.

Modus agendi gratias & huius Samaritani exemplo, & hoc Pauli dicto : Gratias ago Deo per Iesum Christum, satis indicatur. Cum enim ait Apostolus : Per Iesum Christum, primum significat, quod in gratiarumactione fides debeat prælucere. Deinde, vt agnoscamus nos per Christum accepisse beneficium. Tum, vt omnia ad gloriam Dei referamus. Postremò, vt & sciamus nostram gratitudinem per Christum placere, & quòd accessum habeamus ad Patrem per eundem Iesum Christum, vt pro acceptis beneficijs gratias agamus.

Iam quæstio sequitur, pro quibus sint agenda gratiæ. Iob pro plagis acceptis agit gratias: Hic Samaritanus pro plaga ablata agit gratias: Unde sequitur, quod & pro malis & pro bonis sint agenda gratiæ, sed diuersimodè.

Pro malis quidem cum ages gratias, vt pro cruce & alijs ærumnis, quatuor facies. 1. onus premeus admonebit te peccati & pœnitentiæ. Nam est testimonium iudicij Dei propter peccatum. 2. crucem & quamuis aliam calamitatem accipies tanquam optimi patris virgam erudientis te & castigantis, ne cum immorigeris pereas. 3. pro hac paterne castigatione agas serio Deo gratias. 4. supplex petes aut liberationem à premente onere, aut mitigationem cum conditione non impeditæ gloriæ Dei & propriæ tuæ salutis.

Pro bonis ages gratias cum perpetua gratitudinis promissione. Hæc de vera gratiarum actione dicta sint. Sed, proh dolor, vnus ex decem reddit, alij nouem accepto beneficio abeunt ingrati. Unde Dominus: [Nonne decem mundati sunt, & nouem vbi sunt? non est inuentus qui rediret & daret gloriam Deo, nisi hic alienigena.] Hic vides exemplum horrendæ ingratitude eorum, qui recens accepti beneficij sunt obliti. Tales sunt pleriq; in mundo. Sed quid illis factum est? excussa fide manserunt in damnatione, cum interim hic Samaritanus audit: Surge, vade, quia fides tua te saluum fecit. Hunc & nos sequamur ad nostrum saluatorem vnicum,

*unicum, qui est Christus Dominus, Cui cum Patre
suo & Spiritu sancto sit honor, laus & gloria, in
secula seculorum, A M E N.*

DOMINICA

XV. POST TRINITATIS,

EVANGELIUM MATTH. 6.

Nemo potest duobus Dominis seruire,
aut enim hunc habebit odio, & alterum
diliget: aut huic adhærebit, & alterum
negliget. Non potestis Deo seruire
& Mammonæ. Propterea dico vobis, ne sitis
soliciti vitæ vestræ, quid esuri sitis aut bibituri,
neq; corpori vestro, quibus indumentis vsuri.
Nonne anima pluris est quam cibus? & corpus
pluris quam indumentum? Vertite oculos ad
volatilia cœli, quia non serunt, neq; metunt,
neq; conuehunt in horrea, & pater vester cœ-
lestis alit illa. Nonne vos longe præcellitis illa?
Quis autem ex vobis solícite cogitando, potest
addere ad staturam suam cubitum vnum? Ac
de indumento quid solíciti estis? Cognoscite
lilia agri quomodo crescant, non laborant,
neq; nent, attamen dico vobis, ne Salomonem
quidem in vniuersa gloria sua sic amictum fu-
isse, vt vnum ex his. Quod si gramen agri, quod
hodie cum sit, cras in clibanum mittitur, Deus
sic vestit, An non multo magis vobis id faciet?
ô parum fidentes, Ne sitis igitur solíciti, dicen-
tes, quid edemus, aut quid bibemus, aut quibus

s 5

ope-

operiemur? Nam omnia ista gentes requirunt. Nouit enim Pater vester cœlestis quod opus habeatis his omnibus. Quin potius quærite primum regnum Dei, & iusticiam eius, & hæc omnia adjicientur vobis. Ne sitis igitur solliciti in crastinum, nam crastinus dies curam habebit sui ipsius. Sufficit sua diei afflictio.

ENARRATIO TEXTVS.

Hoc Euangelium pars longæ istius concionis est, quam Christus habuit coram discipulis suis Matth. 5. 6. & 7. cap. In qua parte auaritiæ & diffidentiam damnat, ut quæ stare non possint cum cultu Dei. Nemo enim, inquit, potest duobus Dominis seruire. Deinde multis argumentis à prouidentia Dei sumptis, debortatur à prophana & Ethnica cura rerum huius vitæ: quæ cura partim oritur ex ignoratione prouidentie Dei, partim ab innata diffidentia. Postremo suis firmam & certam regulam præscribit: Quærite primum regnum Dei, & cætera adjicientur vobis. Verum, ne quis ignauie hoc dictum patrocinari existimet, addit: Sufficit enim diei malicia sua. Hæc Euangelij summa est: nunc quosdam locos proponemus, qui sunt:

- I. Sententia Domini: Nemo potest duobus Dominis seruire.
- II. Quanta sit prouidentia & cura Dei pro nobis.

Man-

III. *Mandatum & promissio Christi: Quærite primum regnum Dei, & cætera adiicientur vobis.*

DE PRIMO.

[Nemo potest duobus dominis seruire. Aut enim vnum odio habebit & alterum diligit, &c.] Per duos Dominos, quibus Christus dicit neminem seruire posse, intelligere debemus res duas, quæ ita sibi inuicem sunt aduersariæ, vt vnà esse nequeant: sed vbi vna earum fuerit, alteram cedere necesse sit. Qualia sunt, exempli gratia, vicia & virtutes: cælestia & terrena: caro et spiritus: verus cultus Dei & idololatria, sub qua continetur auaritia: Deus & Diabolus. De quibus Paulus ita pronunciat: *2 Cor. 6.* Quæ est conuenientia Christi & Belial? Quod autem nemo possit huiusmodi dominis seruire, in promptu est ratio: quia contraria imperant & exigunt à suis seruis: idcirco si huic obtemperas, mox facis contra aliū, et contra. Populus Israel (sicuti habetur *3 Reg. 18.*) voluit Domino vero Deo seruire & Baal simul: quorum errorem corrigens Helias Propheta, ait ad eos: Ut quid claudicatis in duas partes. Si Dominus est Deus, sequimini eum: si autem Baal, sequimini eum, quasi diceret. Vos vultis duobus Dominis seruire, qui vobis contraria imperant, quod fieri non potest absque alterius contemptu. Nam cum Baal colitis, Deum fædo adulterio offenditis. Hoc vicium in eodem populo repre-

reprehendit Hoseas Propheta. Sed homines ita sibi consultum volunt. Ethnici quidem Deum & Diabolum coluerunt: illum album, hunc nigrum pingentes: interrogati cur istud facerent, responderunt. Deum colimus, ut nobis beneficiat: Diabolum vero veneramur, ne nobis malè faciat. Ad eundem modum hodie quidam superstitionem Papisticam retinent magna ex parte, & nihilominus verbum Dei & veram religionem se amplecti simulant. Hodie & nos auaritiæ & ventri seruire volumus, & simul nos veros Dei cultores esse gloriamur. Verum hoc fieri non potest. Qui Diabolum colit, Deo renunciauit: qui Papisticam idolomaniam amplectitur, fontem verbi Dei turbauit: qui auaritiæ seruit, Dei cultor esse nequit: id quod Dominus in hoc Euangelio potissimum monstrare constituit. Qui sic? quia Paulus Timotheo scribens, ait: Qui volunt distescere, incidunt in tentationes & laqueos Diaboli, & desideria multa & inutilia & nocua, quæ mergunt homines in interitum & perditionem. Radix enim omnium malorum auaritia: quam quidam appetentes aberrarunt à fide, & inseruerunt se doloribus multis. Hic Paulus graphice ingenium auaritiæ depingit, cum qua ex diametro pugnat pietas & cultus Dei. Habent enim contrarios effectus. Qui auaritiæ seruit, incidit in laqueos Diaboli: Qui Deo seruit, perrumpit laqueos diaboli: Auaritia demergit hominem in interitum et perniciem, cultus Dei inde liberat: auaritia à fide abducit, cultus

*cultus Dei in fide retinet : auaritia implicat hominem doloribus multis, cultus Dei hominem ad aeterna gaudia introducit: Auaritia est radix omnium malorum, cultus Dei est fons omnium bonorum. Non igitur mirum est quod Christus dicat: Nemo potest Deo seruire & Mammonæ. Nam inter se pugnant, & diuersa sectantur studia. Deus imperat, vt consulas commodis fratris tui: sed auaritia suadet, vt tibi viuas, vt in diuite Epulone vi-
 demus. Deus imperat, vt ex tuis facultatibus largiaris egenti : Mammon iubet, vt per fas & nefas rapias aliena. Deus vult vt sis sobrius : Mammon imperat luxum & voluptates. Verum hic notandū est, quod Dominus non neget aliquem posse habere diuitias & simul seruire Deo. Nam Abraham habuit diuitias, Dauid, Ioseph in Aegypto, Ezechias, Iosias, Theodosius, Cornelius & multi alij, qui nihilominus Deo seruierunt. Quare? quia non seruierunt diuitijs, sed diuitie ipsis famulabantur. Ideo Dominus disertè dicit: Nemo potest seruire Deo & diuitijs. Seruire diuitijs quid est? Est cor apponere, vt Dauid loquitur: est per fas & nefas opes cumulare : est cum iniuria opes retinere, & non iuxta Dei consilium istas dispensare : est diuitiarum cumulandarum gratia à fide & timore Dei deficere, & varias cumulandi diuitias vias querere. Verum cum auaritiæ præcipua causa sit prophana sollicitudo ventris, Christus istam causam conatur auellere. Imitatur enim peritos medicos, qui cum mor-
 bunt*

Lui: 16.

Psal: 62.

4

10

11

bum aliquem curare instituunt, indicato morbi periculo, radices & causas morbi prius expellere satagunt.

DE SECVNDO.

[Ne sitis solliciti vitæ vestræ quid manducetis, neq; corpori vestro quid induamini.] His verbis Christus non prohibet piā & sanctā curam, sed Ethnicā & prophanā. Ne igitur quis putet hoc Domini dictum patrocinari socordiae: dicam pauca (priusquam ad argumenta venero, quibus nos Dominus vocare à prophana & illicita cura conatur) de cura licita & illicita. Necessè est enim hic cautum esse & diligenter alteram ab altera distinguere. Nam vt nulla maior pestis est veri cultus Dei, quàm Ethnica & prophana cura & sollicitudo: ita nihil magis optandum, quàm vt vnusquisq; sollicitè ambulet coram Deo in vocatione sua. Sciendum est igitur triplicem esse curam: Una prophana est & Ethnica: Altera necessaria & sancta: Tertia mixta ex illis. Media est non solum licita: sed sancta & necessaria, adeo, vt qui hanc non habeat, inter filios Dei censeri nequeat.

Impia seu Ethnica ^{in. e. l. f.} prophana sollicitudo & cura est, quæ oritur ex diffidentia & prouidentiae Dei ignorantia. Hæc Ethnica cura in Euangelio hodierno voce filij Dei damnatur, & interdicitur filiis Dei multis adhibitis argumentis, quemadmodum postea videbimus. Hæc cura prophana & prohibita interdum

dum carnis dicitur, cum quia ex carnis corrupto iudicio sine fide proficiscitur, tum quia scopum habet carnalem, nimirum presentis vitæ quietem & securitatem.

Sollicitudo, quam dixi necessariam, piam & sanctam, sine qua nemo potest censeri inter filios Dei, commendatur nobis scripturæ testimonijs & multis sanctorum exemplis. Rom. 12. dicitur: Qui præest in solitudine. 1. Timoth. 5. Si quis suorum, & maxime domesticorum curam non habet, fidem abnegavit, & est infideli deterior. Abraham, Isaac, Iacob piam suæ familie curam habuerunt. Ioseph in Aegypto septem annorum curam piè in se recepit ad imperium Pharaonis, postquam prædixisset de septem fertilibus annis & alijs septem sterilibus, qui fertiles illos sequeretur. Daniel in Babylone: Pij reges & Prophete in populo Dei non tanta gesserunt sine hac sancta cura. Paulus 2. Cor. 11. Colo. 2. 1. Thes. 2. suam sollicitudinem pro Ecclesia testatur: sic reges pro suis regnis: Patres familias pro suis familijs: ministri verbi pro suis auditoribus: præceptores pro suis discipulis: Breviter singuli in sua vocatione sanctam curam habere possunt, imò debent, si rite suo fungi officio velint. Verum ne hac sancta & necessaria cura vlllo vicio contaminetur, sciendum est quinq; ad eam requiri: Quorum primum est mandatum Dei. Mens enim pia, nihil aggredi debet sine mandato Dei. Honestam igitur erit vocatio, cuius pia & sancta cura esse debet. Deinde,

cura

Gen. 41.

Dan. 2.

4

10

11

cura illa sancta à fide proficisci debet. Nam sine fide Deo nihil placere potest. Tertio, quia nisi Dominus custodierit ciuitatem, frustra vigilat qui custodit eam, adhibenda est inuocatio & gratiarum actio. Inuocatio quidem, qua auxilium Dei petamus: gratiarum vero actio, qua successum Deo tribuamus & non nostræ prudentiæ aut dignitati. Est siquidem optimum remedium aduersus sollicitudinis Ethnicæ tentationem, precibus ardentibus ad Deum confugere: id quod Paulus docet Philip. 4. his verbis: De nulla re solliciti sitis, sed in omni re per precationem & obsecrationem cum gratiarum actione petitiones vestræ innotescant apud Deum. Quarto, cura nostra principaliter debet tendere in gloriam Dei. Et si enim nostræ domus incolumitas spectari potest: tamen principalis finis erit gloria Dei. Quinto, si parum cura nostra & labor votis respondeat, submittamus nos paternæ voluntati Dei in vero timore & humilitate, iuxta consilium Petri dicentis: Humiliamini sub potenti manu Dei, ut vos exaltet in tempore exaltationis, omnem sollicitudinem vestram proijcientes in eum, quoniam ipsi cura est de vobis. Et Psalm. 55. Iacta super Dominum curam tuam, & ipse te enutriet, & non dabit in æternum fluctuationem iusto.

Mixta cura est, quæ partim pia apparet, partim prophana conuincitur: ut cum curamus quidem quæ officij nostri sunt, id quod Deus à nobis seriò requirit: sed propter innatam in nobis dubitationem
de pro-

de provid
fium D
miliat
curat, se
entiam
& cura
Domini
am pia
quod abi
nobis in
stiores e
seruiam
sollicitu
sciamus
angelio.
ra, quale
a prophar
gumentu
autem h
tur pro
cluditur
ne prou
P R
esca, &
Si Deus
quare n
stra cur
cur non
digent, &

de providentia Dei limites transgredimur, ac in officium Dei sacrilege irrumpimus. Ut cum paterfamilias rectè & piè instituit liberos, familiam suam curat, sed nimia trepidatio & anxietas ad impatientiam impellit, quando votis non respondet labor & cura ipsius. Iactet igitur pius hanc curam in Dominum, & strenuè faciat officium, nec sinat suam piam curam Ethnica diffidentia conspurcari, quò abiecta Ethnica diffidentia & anxietate pax nobis internè constet, ac erga homines simus modestiores & mansuetiores, cum quibus eidem Domino serviamus, excusso iugo Mammonæ & Ethnicæ sollicitudinis. Hæc dixi de triplici sollicitudine, ut sciamus à qua Dominus dehortetur nos in hoc Evangelio. Non enim dehortatur à pia & sancta cura, qualem & ipse omnium maximè sustinuit, sed à prophana et Ethnica. Quibus autem id faciat argumentis, id nunc ex textu videbimus. Ponuntur autem hic ordine sex argumenta, quibus confirmatur providentia & cura Dei pro nobis: Unde concluditur, Ethnicam sollicitudinem, quæ ex ignorantia providentiæ Dei proficiscitur, abiiciendam esse.

PRIMUM: [Nonne anima plus est quam esca, & corpus plus quam vestimentum?] Hoc est, Si Deus, id quod maius est, sine vestra cura dedit, quare non daret quod minus est? Si ergo sine vestra cura dedit animam et corpus, quæ magna sunt, cur non daret victum & amictum, quibus ista indigent, ut persistant & non collabantur, præsertim

t

cum

cum ipse hæc omnia in nostros vsus condiderit?

SECUNDVM: [Respicite volatilia cæli, quæ non serunt, neq; metunt, neq; congregant in horrea sua, &c.] Hoc est, Pater cælestis alit aues cæli, quæ vobis longè sunt inferiores, si dignitatis gradum respicitis, cur non vos, quos ad imaginem suam creauit, aleret? Hoc argumento Dauid se consolatur, dum inquit? Qui dat escam pullis coruorum inuocantibus eum.

tertium: [Quis vestrum cogitans potest adyccere ad staturam suam cubitum vnum, & de vestimentis quid solliciti estis?] Quasi diceret, vana ista sollicitudo vestra est. Deus dat staturam corporis sine tua cura, cur non daret vestimentum sine prophana diffidentia de Deo, quasi is tibi adesse in tuo labore recusaret?

quartum: [Considerate lilia agri quomodo crescunt.] Lilia in agris succum ex terra attrahunt, ita antea disponente Domino: & ita pulchrè vestiuntur, adeo vt ne Salomon in omni gloria sua copertus sit sicut vnū ex istis. Cum hoc Deus præstat lilijs, quæ breui marcescent, & comburentur, cur non vos vestiret, quos ad æternam vitam creauit?

quintum: [Hæc omnia gentes inquirunt:] quasi dicat: vos olim more gentium ignari eratis prouidentie Dei & vacui fide: sed nunc scitis Deum curam pro vobis habere, cur igitur Ethnica diffidentia necessaria vitæ queritis?

SEXTVM: [Scit Pater vester quod his omnibus

bus indigeatis.] Hæc diligenter nota. Non dicit: Scit Deus tremendus, Zelotes, conditor cæli & terræ, visitans iniquitatem in filios: sed dicit: Scit Pater: cuius Pater? vester. Qualis? cælestis: Hic quia cælestis est, est & optimus et omnipotens & sapientissimus: quia optimus, vult dare quæ bona sunt: quia omnipotens, potest quæ vult, dare: quia sapientissimus, nouit quomodo, quid, & quando dare conueniat.

DE TERTIO.

[Querite primum regnum Dei & iusticiam Dei & cætera adiicientur vobis.] In hoc breui dicto Christi sunt duo: Mandatum & promissio. Mandatum quidem est: Querite primum regnum Dei & iusticiam Dei. Promissio vero: Et cætera adiicientur vobis. Primo ergo loco mandatum videamus: Deinde promissionem.

Mandatum est, vt quæramus regnum Dei & iusticiam Dei. Hic quæritur qualenam sit regnum Dei & quæ Dei iusticia. Deinde quis quærendi modus. Regnum Dei triplex in scriptura est, scilicet: potentie, gratie & glorie. Potentie regnum non iubet nos quære, sed gratie, vnde est transitus ad regnum glorie. Quodnam est regnum gratie? est in quod ex mera gratia recipimur, dum credimus Evangelio. Nam Evangelium est veluti præconis vox, qua inuitamur ad hoc regnum. De hoc loquitur Christus alibi: Regnum Dei inter vos est. Hoc ergo regnum est gratia Dei, quam Evangelium

t 2

Christi

Christi offert : promissio est ianua : introductor est Spiritus sanctus, qui nos sanctificat & regenerat lauacro aquæ per verbum. Breuiter hoc gratiæ regnum est misericordia, remissio peccatorum, gaudium conscientia, liberatio à regno Sathanae. Quæ est iusticia Dei, quam iubet nos querere? ea absq; omni dubio est noua vita & obedientia, quam Deus à filijs suis requirit. Et dicitur iusticia Dei quia placet Deo scilicet propter fidem qua Deo reconciliati sumus in sanguine Christi.

Promissio est: [Et cætera adiçientur vobis.] Hoc est quæ pertinent ad huius vitæ sustentationem donabuntur vobis. At Paulus, id quod nemo dubitat, sedulo quæsiuit regnum Dei, qui tamen 2. Cor. II. conqueritur se fame & siti laborasse. Deinde sanctus Iacob laborat frumenti & aliorum victualium inopia, adeo quod cogatur cum tota familia ire in Aegyptum, ne cum suis fame pereat. Videtur ergo hæc Christi promissio vana esse. Respondeo: Promissio Christi non fallit, veritas enim mentiri nequit. Nam Christus, qui est medicus noster, non ignorat quando apponenda & quando detrahenda sunt remedia. Non tam nostram imprudentiam, quàm suam sapientiam consulit. Hoc proinde pro certo habeamus, quòd suos non deserat. Quòd autem nobis aliquando necessaria desunt, multæ sunt cause. 1. vt exerceamur patientia. 2. vt interdum nostra peccata istis plagis puniantur. 3. quia sæpè superflua querimus, iustè & rectè necessarijs caremus.

mus. 4. propter abusum rerum quas habemus. 5. quia non agimus gratias. 6. quia diffidimus Deo. 7. quia interdum bonas, quæ accipimus, nostro studio & industriæ magis, quam Deo donanti ascribimus. Quare si volumus benedictionem Domini, confiteamur & faciamus cum Propheta, qui ait: 1 Para: 30. Tua sunt omnia Domine, & quæ de manu accipimus, tibi reddimus. Hic ut fatetur Propheta omnia Dei dona esse: ita omnia in laudem Dei conuertit. Quod ut nos quoq; faciamus, donet nobis pater cælestis per Iesum Christum, cui gloria in secula seculorum, AMEN.

DOMINICA

XVI. POST TRINITATIS

EVANGELIUM LVCAE 7.

Iesus ibat in ciuitatem, quæ vocatur Nain, & ibant cum eo discipuli eius multi, turbaq; copiosa. Cum autem appropinquaret portæ ciuitatis, ecce defunctus efferebatur, filius vnicus matris suæ. Et hæc vidua erat, & turba ciuitatis multa cum illa. Quam cum vidisset Dominus misericordia motus super eam, dixitq; illi: Noli flere. Et accessit tetigitq; loculum. Porro qui portabant, substiterunt. Et ait: Adolescens tibi dico surge. Et resedit qui erat mortuus, & cœpit loqui, & dedit illum matri suæ. Accepit autem omnes timor, & glorificabant Deum, dicentes: Propheta magnus surrexit

t 3

rexit

634 DOMINICA XVI. POST
rexit inter nos, & Deus visitauit plebem suam.
Et exijt hic rumor in vniuersam Iudæam de
eo, & omnem finitimam regionem.

ENARRATIO TEXTVS.

cap: 15
Paulus Apostolus scribens Romanis dicit:
Quæcunq; scripta sunt, in nostram doctrinam
scripta sunt, vt per patientiam & consolationem
scripturarum spem habeamus. Quapropter cum le-
gimus hodiernum Euangelium dulcissimum, scia-
mus, quod non solum ad illam viduam de Nain
pertineat, verumetiam ad totum genus humanum.
Christus enim in hoc Euangelio testatur de sua di-
uina potentia, de affectu suo erga afflictos, & de of-
ficio suo. Primum siquidem testatur se Dominus,
omnipotentem esse, dum morti, quæ est aculeus pec-
cati, imperat. Deinde testatur suum affectum erga
nos, dum huius mulieris ærumnis afficitur: testa-
tur suum officium esse, vt destruat opera Diaboli.
Ideo enim in mundum venit, quemadmodum Mo-
ses, Propheta, ipse Christus & Apostoli testantur.
Hæc in genere considerata sunt in hoc Euangelio.
Ceterum quò nos inde maiorem percipiamus fru-
ctum, tres locos proponam, quos in hac concione
tractabo.

- I. Qualis sit Christi affectus erga nos.
- II. Præsentis miraculi declaratio cum suis
circumstantiis.
- III. Imago totius generis humani.

DE

Narrat Euangelista historiam de quodam adolescente mortuo, cuius funus efferebatur, ut sepeliretur: quod cum videret Dominus, misericordia motus est. Nam dum hanc afflictam mulierem intuetur, altius cogitat. Venit illi in mentem lapsus humani generis, tyrannis Diaboli, calamitatum magnitudo, quibus humanum genus propter peccatum premittitur. Cogitat suum officium esse, ut has munitiones Sathanæ destruat. Vidit enim in hac muliere exemplum humanæ miseriæ, quæ ipsum de lapsu hominis & de suo officio admonuit.

Duo ergo ex hoc loco colligamus: Unum, quales nos sumus: Alterum qualis Christus erga nos. Nos sumus reuera miseri, afflicti & damnati, nec possumus nostris viribus è tantis malis eluctari. Christus est Deus & homo, qui venit, ut saluet quod perijt, qui hic suum affectum declarat erga genus humanum. Neque enim aliter affectus est erga nos, quam erga hanc viduam. Afficitur huius calamitatibus, afficitur & nostris: hanc iuuat, vult & nos iuuare. Hoc est planè quod Apostolus dicit, Hebræis scribens: Habemus pontificem, qui condolere potest nostris infirmitatibus. Imo maiorem affectum erga nos habet, quam hæc vidua habet erga unicum suum filium, quem hic plorans comitatur ad sepulture locum. Ita enim Propheta ait: Nunquid potest mulier obliuisci infantis uteri sui? & si illa oblita fuerit, ego non obliuiscar tui.

Hebr: 5.

E/a: 49.

4

Sed

Sed quæ causæ sunt huius ineffabilis dilectionis Christi erga nos, qui sumus multis sceleribus & sordibus defædati? certè hic nullum est nostrum meritum nulla ex nobis dignitas: sed sunt quatuor causæ, quibus filius Dei mouetur, ut tanta nos completatur benevolentia.

sapi: 11. PRIMÆ est affectus paternus, nam ab ipso conditi sumus, proinde iure creationis ipsius sumus. Et tametsi nos plenos sordibus & sceleribus nouit: tamen aliquid de suo in nobis adhuc reperit, nimirum quod simus ipsius creatura. Misereris omnium Domine, (inquit Sapiens) & nihil odisti eorum quæ fecisti.

SECUNDÆ, dignitas creationis: nimirum quodd ad Dei imaginem conditi simus, iuxta illud: Faciamus hominem ad imaginem & similitudinem nostram. Et quia hæc imago ex potissima sui parte abolita per peccatum erat, ipse Dominus venit, ut eam rursus repararet: quod fit, dum in ipsum vera fide intuentes transformamur in imaginem Dei.

TERTIÆ, finis creationis. Creati enim nos sumus, ut simus templum Dei Deum celebrans. Etsi autem hoc templum erat iam peccato prophantum, tamen materia adhuc reliqua erat, ex qua Christus nouum templum extrueret.

QUARTÆ, destructio regni Sathanæ, ad quod destruendum Dominus in mundum venit: & huius destructionis specimen quoddam editum est hoc
mira-

miraculo. Christus saepe congressus est cum Sathana: saepe illum in fugam vertit: quem tandem vicit resurgens ex mortuis. Hæ victoria Christi in extremo die cernetur perfecta, quando extremus hostium mors abolebitur. Hæ quatuor causæ mouerunt Dominum nostrum, vt assumpta carne fieret homo: & in carne, hoc est, in humana natura, in anima & corpore pateretur pro humano genere.

Tametsi autem hic Christi affectus nobis saepe commendatur verbo Dei, multis comprobatur miraculis, atq; adeo obedientia ipsius filij Dei, qui obediens fuit Patri vsq; ad mortem crucis: tamen tria sunt, quæ nobis aliud persuadere moliuntur: Lex, conscientia, calamitatum moles, qua obruimur in hac vita. Hæc enim nos à Christo abiectos clament.

Lex dicit: Maledictus omnis qui non permanse- *Deut: 27.*
rit in omnibus, quæ scripta sunt in libro legis: & nemo non est, qui se non vidit infinitis modis legem transgressum esse. Intuemur in Euam, quæ ob vnum præceptum violatum maledictionis sententiæ subiacta. Quid nos, qui toties Deum offendimus?

Hanc legis sententiam confirmat conscientie trepidatio, quæ est instar mille testium, sicuti in prouerbio dicitur: Conscientia mille testes. Huc illud Poëtæ. Conscia mens, vt cuiq; sua est: ita concipit intra Pectora pro meritis spemq; metumq; suis. Et diuus Bernhardus ait: Mala conscientia delictorum nostrorum ipsa testis est: ipsa iudex: ipsa tor-

tor : ipsa carcer : ipsa accusat : ipsa iudicat : ipsa damnat. Quid quaeso grauius est, quam talem nocte dieq; suo gestare in pectore testem. Huius conscientiae testimonio multi victi sibi ipsi vitam ademerunt, dum hanc accusantem & testantem aduersus se ferre non potuerunt.

Accedit moles calamitatum, quae sententiam legis & conscientiae confirmant. Contra has tres grauiissimas tentationes, in vera poenitentia opponamus vnum Christum. Is venit in mundum, vt maledictionem legis tolleret: peccatum aboleret: omnes calamitates credentium in se, conuerteret in gloriam, sed ita tamen, vt omnia ordinatè fiant. Est hic desertum vastum, vnde transeundum est nobis in patriam. Populus Israel non statim venit in requiem promissam. Ioseph in Aegypto non sine carcere ad tantam dignitatem peruenit. Christus non sine cruce, morte & sepultura intrauit in gloriam. Quapropter & nos per crucem oportet intrare in gloriam. Ita enim Paulus ait: Si patimur cum illo, etiam cum illo regnabimus. Qui certamen fugit, frustra coronam expectat. Nemo, inquit Apostolus, coronabitur, nisi qui legitimè certauerit. Idem ait: Salui facti sumus spe. Opponamus ergo maledictioni legis Christum, qui pro nobis factus est maledictum. Opponamus conscientiae accusanti, Christum absoluentem à peccato. Si filius vos (inquit) liberauerit, verè liberi eritis. Opponamus praesentis vitae ærumnis crucem Christi & consilium Dei: qui vult
nos

Exod: 15.

Gen 39.

2 Tim: 2.

2 Tim: 2.

Jo: 8.

Ro: 8.

nos esse conformes imagini filij sui. Breuiter in vera
 pœnitentia & fide confugiamus ad Thronum gra-
 tiæ, Dominum nostrum Iesum Christum. In hoc vno
 inueniemus auxilium in tempore opportuno. Is
 enim ait omnibus in se credentibus: Nolite timere Lu: 12
 pusille grex, quia placuit Patri dare vobis regnum,
 Atq; ita non sinamus vllam rem in cælo, in terra,
 in inferno, persuadere nobis, quod Christus sit aliter
 affectus erga nos, quam fuit erga hanc viduam.
 Proinde hinc discamus longe aliud Dei iudicium
 esse quam mundi. Deus & mediator noster Iesus
 Christus non reijcit more mundi calamitosos, &
 miseros: sed omnes recipit, quotquot ad se veniunt Mat: 11.
 iuxta ipsius promissionem: Venite ad me omnes qui
 laboratis & onerati estis, & ego refocillabo vos, &
 inuenietis requiem animabus vestris. Præterea
 hinc discant viduæ piæ qualem habeant patronum,
 aduocatum, & consolatorem: discant & hinc gu-
 bernatores Ecclesiarum non auersari miseros &
 calamitosos: discat magistratus Christi exemplo,
 non spernere, non reijcere, non damnare miseros &
 calamitosos, sed eos amanter potius fouere & con-
 solari. Deinde discamus nos mutuo charitatis affe-
 ctu & officijs pijs proseguere. Hæc sint dicta de prima
 huius Euangelij parte: sequitur secunda.

DE SECVNDO.

In præsentis miraculi declaratione multæ circum-
 stantiæ sunt: quarum singulæ habent suam doctri-
 nam,

nam, quare eas ordine cum suis doctrinis & admonitionibus recitabo.

PRIMA: [Cum efferebatur funus, sequebatur vidua mater, & turba ciuitatis cum ea.] Hic duo videmus: quorum primum est elatio funeris quod sequitur mæsta mater: Alterum est, Honor & pompa funebris. Honestè demortui corpus deducunt ad sepulturæ locum: sic & sancti patres fecerunt. *Gen: 23.* Abraham honorificè suam uxorem sepeliit. Ioseph cum magna turba deducit funus Iacob Patriarchæ. *Gen: 50.* Iacob & Esau honorificè Patrem Isaac sepeliunt. *Gen: 35.* Breuiter apud omnes pios magnus fuit honos sepulturæ: idq; propter spem resurrectionis corporum, & futuram immortalitatis gloriam. Hoc sanctorum patrum exemplum imitatur Ecclesia hoc tempore: tametsi multos inuenies qui suos mortuos abijciunt tanquam cadauera porcorum. In nostris funeribus huiusmodi solennitas adhibetur. Pij præsentés sequuntur funus: canitur: pulsatur: prædicatur aliquando.

Qui sequuntur funus. 1. suum amorem testantur erga mortuum. 2. hoc factò edunt exemplum fidei suæ de resurrectione mortuorum. 3. admonentur quod suo tempore (quando visum fuerit Domino) sequantur, & his mundi calamitatibus per mortem valedicant.

Deinde canitur, idq; vt psalmis pijs se consolentur vini, & vt agant Deo gratias pro eo qui mortuus est si in confessione vera discessit.

Pulsa-

Pulsatur non solum, vt conuocetur populus ad deducendum funus: verumetiam vt viui admoneantur tubæ Dei, qua in extremo die omnes mortui excitabuntur.

Postremo prædicatur, vt qui deducunt funus, aliquid doctrine & consolationis contra mortem secum domum reportent. Hæc breuiter sint dicta de prima circumstantia, & de pompa funebri, quæ apud nos seruatur.

SECUNDA: [Dominus dicit viduæ: Noli flere.] Hic queritur, num liceat deflere mortuos. Exempla sanctorum & scriptura fletum super mortuos admittunt. Deut. ultimo totus populus in deserto defleuit Moysen mortuum: Abraham defleuit Sarah uxorem suam: Ioseph vir sanctus multos dies defleuit Patrem Iacob: Dauid luget filium Ammon: Israel Samuelem: Martha Lazarum: ipse Dominus etiam defleuit Lazarum. Iesus Syrac. cap. 38. ait: Fili in mortuum produc lacrymas, & quasi dira passus incipe plorare, & ad iudicium contege corpus ipsius, & non despicias sepulturam ipsius. Sed Ieremias cap. 22. ait: Nolite deflere mortuos. Et Christus hic dicit mulieri: Noli flere. Has antilogias Paulus conciliat 1. Thes. 4. vbi ait: Nolite autem ignorare fratres de dormientibus, vt non contristemini, sicuti ceteræ gentes, quæ spem non habent. Prohibetur ergo luctus Ethnicus, qui nullam spem habet consolationis per resurrectionem mortuorum: & conceditur luctus moderatus, qualem habent,

Deut: 34.

Gen: 23.

Gen 43.

2 Reg: 13

2 Reg: 15

Jo: 11.

Eccl: 38.

4

10

11

habent, quibus consolatio est proposita.

Sed dicamus breuiter, postquam in consolationis mentionem incidimus, vnde Christiani se consolari possint in morte suorum amicorum. 1. cogitent voluntatem Dei cui obtemperandum est. 2. cogitent vniuersalem conditionem. Omnibus enim nobis semel moriendum est. 3. cogitent iusticiam Dei. Quid enim iustius, quam vt qui dedit vitam, rursus ad se eam recipiat & conseruet, quando visum fuerit. 4. cogitent Dei sapientiam, qui nouit solus, nobis ne magis expediat viuere an mori. Multos enim è medio tollit, ne vel ipsi peiores fiant, vel plures ærumnas in hac mortali vita perpetiantur. 5. cogitent mortuum liberatum esse ab omnibus ærumnis huius vitæ. 6. cogitent frustra magnum luctum suscipi pro ijs, qui luctu reuocari non possunt. Ita David 2. Reg. 12. se consolatus est: Luxit agrotante puero, quo mortuo surrexit, se lauit & comedit. 7. cogitent immodicè lugentem corpori suo nocere, & ita in Deum peccare. 8. cogitent non mortuo inuidendum immortalitatis beatitudinem. Beati enim (ait scriptura) qui in Domino moriuntur. 9. cogitent resurrectionem Christi, & nostram, quæ in extremo fiet die. Hæc enim cogitatio commune remedium esse debet, non solum aduersus dolorem, quem pro mortuis concipimus, verumetiam contra omnes calamitates animi & corporis. Verum obijcit aliquis. Solatio vitæ sum destitutus, ergo non ipsum qui mortuus est, sed te ipsum & iacturam, quam inde habes defles. Natur-

rale

Apoca: 14.

vale est flere. Verum est, sed vincat gratia naturam.
Hæc sint breuiter in hac secunda circumstantia ad-
dita de consolatione in morte charorum.

TERTIA: tangit Dominus loculum, in quo ia-
cuit hic mortuus: quo tactu indicat suum corpus
organum fuisse acquirendæ nobis vitæ & salutis.

QUARTA: loquitur adolescenti & ait: [Tibi
dico adolescens surge.] Ita etiam puellam excitauit,
vt in Marco habetur: sic & Lazarum quatrdua-
num, vt est in Iohanne. Hic docemur, quod & Chri-
stus sit potentior morte, & quod verbum ipsius sit
verbum vitæ & salutis. Mar: 5.
Jo: 11.

QUINTA: Mortuus surgit ad vocem Christi,
& hoc miraculum est, surrexit qui erat mortuus:
cœpit mox loqui: & Dominus dedit illi matri suæ.

SEXTA: [Accepit omnes timor & glorifica-
bant Deum, dicentes: Propheta magnus surrexit in
nobis, & Deus visitauit plebem suam: & exijt hic
sermo in vniuersam Iudæam de eo.] Hic duplex fru-
ctus miraculi describitur. Unus attingit præsentis
auditores: alter manauit ad alios, ad quos huius mi-
raculi rumor peruenit. Præsentis spectatores hinc
fidem conceperunt, vnde timuerunt Deum, vero cul-
tu glorificarunt Deum, agnouerunt Messiam venis-
se quem & confessi sunt. Deinde hic rumor peruenit
ad alios, qui fuerunt in Iudæa & finitima regione,
qui & ipsi conceperunt fidem in Messiam: Et hodie
iste rumor ad nos venit, vnde agnoscamus Chri-
stum esse verum Messiam, esse potentio rem morte:
conci-

concipiamus in ipsum fidem: prædicemus Deum corde, voce confessione & moribus: ita futurum est, ut olim leti per ipsum ad æternam vitam excitemur.

DE TERTIO.

Diuus Ambrosius imaginem Ecclesiæ hic proponi dicit: quæ quia nostras condiciones pingit digna est explicatione. Vidua, inquit significat Ecclesiam: adolescens mortuus quemlibet peccatorem viuentem sine pœnitentia: Loculus notat corpus peccati: Vidua lamentatur suum filium mortuum, hoc est, Ecclesia ob impœnitentiam sceleratorum lamentatur & rogat Christum, ut ipsos moueat & ad se pertrahat suo verbo & spiritu. Christus igitur iubet, ut sistant baiuli. Peccator enim à quatuor baiulis gestatur ad infernum, qui sunt. 1. spes diuturnioris vitæ. 2. consideratio alienæ culpæ. 3. præsumptio diuinæ misericordiæ. 4. adulatio societatis prauæ. Si autem vis resurgere à morte peccati, necesse est, ut audias Christum qui iubet baiulos sistere. Primum ergo depones fiduciam longioris vitæ, quia vita incerta est, sicuti multorum experientia docet: & periculum in promptu est, ut videre est in diuite Epulone. Deinde non debes alienam vitam tibi proponere imitandam: sed exemplo Abraham Deo te subiicies, confides in illum, emendabis mores, sciens quod errantium multitudo neminem sit excusatura in iudicio. Non inuit Adam quod diceret: Mulier, quam dedisti mihi, dedit mihi de pomo. 3. Depone præsum-

Gen: 3.

præsumptionem misericordiæ Dei : Nam hæc præsumptio est magnus Dei contemptus Rom. 2. 4. Reijce adulatores, qui te ad mala sollicitant. Quo factò recumbe in Christum viua fiducia & ipse te viuificabit ad æternam vitam, quam donet nobis Christus, cui sit honor in sæcula A M E N.

DOMINICA

XVII. POST TRINITATIS,

EVANGELIUM LVCAE 14.

Accidit, vt introiret Iesus in domum cuiusdam principis Phariseorum sabbato ad capiendum cibum. Et ipsi obseruabant eum. Et ecce, homo quidam hydropticus erat ante illum. Et respondens Iesus, dixit ad legisperitos & Phariseos, dicens : Num licet sabbato sanare? At illi tacuerunt. Ipse vero apprehensum sanauit eum ac dimisit. Et respondens ad illos dixit : Cuius vestrum asinus aut bos in puteum cadet, & non continuo extrahet illum die sabbato? Et non poterant ad hæc respondere illi. Dicebat autem & ad inuitatos parabolam, intendens quomodo primos accubitus eligerent, dicens ad illos. Cum inuitatus fueris ab aliquo ad nuptias, ne accumbas in primo loco, ne quando honoratior te sit inuitatus ab illo, & veniens is qui te & illum vocauit dicat tibi : Da huic locum, & tunc incipias cum rubore extremum locum tenere. Quin potius cum vocatus fueris, vade, accumbe in

v

be in

be in nouissimo loco, vt cum venerit qui te inuitauit, dicat tibi: Amice, ascende superius. Tunc erit tibi gloria coram simul discumbentibus. Quia omnis, qui se extollit, deijcietur, & qui se deijcit, extolletur.

ENARRATIO TEXTVS.

Occasio huius Euangelij fuit hæc. Christus à Phariseo quodam ad prandium inuitatus, obseruatur à discumbentibus, idq; ideo, vt habeant quod accusent, vel in dictis, vel in factis Christi. Hæc enim est improbitas mundi, vt quemadmodum vicia palliant virtutum larua: ita honesta facta & veram virtutem infamia proscindere non verentur. Tanta est malicia hominum. Verum Christus eorum improbitate nequaquam absterretur, sed obtinet antiquū, ac officium suum exerit in medio hostium nobis relinquens exemplum, vt in rectè factis non desinamus progredi, etiamsi totum mundum nobis aduersum animaduernerimus. Miserum itaq; hunc Christus sanat, potentiam suam diuinam, promptissimam iuuandi voluntatem erga miseros, & officium suum, ob quod in mundum venerat, declarans. Deinde veram Sabbatismi rationem explicat, & facto suo veluti definit verum Sabbatismum. Qua re vt simul arguit & Phariseorum superbiam, & in scripturis inscitiam: ita ad veram humilitatem hortatur. Hæc de summa præsentis Euangelij. Loci autem sunt tres.

I. De Sabbato atq; eius veris operibus.

I I. De

II. De miraculo, quo confirmatur verus
vsus Sabbati.

III. De vera humilitate.

DE PRIMO.

Cum Dominus Sabbato inuitatus esset à quodam
Pharisæo, & offerretur hydropicus quidam ante
illum, quærit ab illis, qui sibi plus alijs sapere vide-
bantur, nunquid liceat Sabbato curare. Ideo autem
hanc quæstionem proponit, quia sicuti alias scri-
pturas suis corruptelis: ita etiam Sabbatismum in-
fecerant Pharisei. Verum quia quæstio est de Sab-
bato, nos doctrinam integram de Sabbato propone-
mus, & quatuor ordine dicemus. 1. cur Deus Sab-
batum instituerit. 2. quisnam sit verus vsus Sabba-
tismi Iudaici. 3. qualia nostra festa esse deceant. 4.
de veris Ecclesiæ ceremonijs, & earum finibus.

Cur ergo Deus Sabbatum instituit? Quinq; causæ
præcipuæ numerantur: quarum prima est, vt esset
perpetuum symbolum quietis Dei post creationem
mundi, quem sex diebus cum omnibus suis orna-
mentis & contentis creauit. Hæc causa assignatur
Gene. 2. vbi Moses ait Dominum præcepisse Sabba-
tum sanctificari, quia eo die à creatione quieuit.
Hoc in Exodo etiam cap. 20. his verbis indicatur:
Septimus dies est Sabbatum Domini: sex enim
diebus fecit Dominus Deus cælum & terram.
Secunda causa instituti Sabbati fuit, vt esset figura
& antitypon Sabbatismi Christi. Figurabat

v 2

enim

enim Sabbatum, quod Christus verum Pascha, & noui cœli & nouæ terræ creator requiesceret in sepulchro die Sabbati, & ageret verum Sabbatissimum. Quapropter seuerè præcepit populo Iudaico vt Sabbatum obseruarent. Et sapientiæ suæ consilio inscrutabili ordinauit, vt Christus verus agnus paschalis in ipso die Paschatos mactaretur & occideretur, & proximum Sabbatum requiesceret in sepulchro. Tertia, fuit etiam institutum Sabbatum vt esset symbolum promissionis. Promisit enim Deus suo populo Sabbatissimum, id est, requiem, Isaia 14. Et erit in die illa cum requiem tibi dederit Deus à labore tuo, & à confusione tua, & à seruitute dura, qua antea seruisti. Triplicem autem requiem expectabit populus Dei. Primam à labore præsentium ærumnarum in hac vita. Secundam à tentationibus quibus nos propria concupiscentia & diabolus adoritur. Tertiam à seruitute diaboli, vt ille nunquam possit nos redigere in suam seruitutem, & durum iugum. Quarta, vt esset certum tempus docendi & discendi, verbum Dei, seu vt esset tempus, in quo fieret publica religionis professio, in qua pii consolationem caperent & rudes erudirentur ad pietatem, Isaia 58. Si vocaueris Sabbatum delictum: tunc delectaberis super Domino. Iob cap. 22. Tunc super omnipotentem delicijs afflues, & eleuabis ad Deum faciem tuam. Non enim ad ludendum & potandum: sed ad laudandum & orandum Deum institutum est Sabbatum. Unde Augustinus

vere

vere dicit tali die minus malum esse arare, quam ludere. Quinta, politica est, quæ populo Dei Deut. 5. commendatur his verbis: *Observa diem Sabbati ut requiescat servus tuus & ancilla tua & tu. Et postea: Non facies in eo quicquam operis, tu, & filius & filia tua, servus & ancilla, bos & asinus & omne iumentum tuum. Atq; ita habemus & veras causas & verum usum Sabbati Iudaici. Et si autem Iudaicum Sabbatum vna cum alijs ceremonijs Mosis abolitum est & abrogatum, quantum ad septimæ diei septimanæ observationem attinet: tamen quantum ad usum attinet est perpetuum, utpote quod & iuris diuini & naturalis est. Ut enim Deus vult coli & suum verbum sonare: ita natura dicat omnino necessarium esse, ut sit quoddam tempus sacris rebus destinatum. Necesse est igitur certos ordinari dies, in quibus fiant publici congressus certis horis, & doceatur discaturq; verbum Dei, quo omnia fiant in Ecclesia ordinatè & decenter, ut Paulus Corinth. docet.*

Porro in nostris festis duo sunt observanda: *Unum quid sit vitandum: Alterum, quid sit faciendum. Vitanda sunt tria. Primum est externus labor: idq; ideo, ut animus totus possit vacare cultui diuino, hoc est, ut vacet audire verbum, illud discere & meditari. Proinde magistratus officium est curare, ne servilibus operibus impediatur cultus Dei isto tempore. Verum hic sciendum est quatuor esse exceptiones, quæ laborantes isto tempore excusant.*

sant. 1. Necessitas. Nam & Dominus excusat discipulos suos vellicantes spicas die septimo Mat. 12. 2. Utilitas Ecclesie, sicuti sacerdotes fecerunt in die Sabbato omnia, quæ in Ecclesia videbantur necessaria, non impediti Sabbati religione. 3. proximi utilitas & salus, quare & Dominus curat hunc hydropticum die sabbati. 4. superiorum autoritas, quibus obtemperandum est. Verum superiores caueant, ne se superiorem offendant, dum inferiores se nimium grauant. Secundum quod vitare oportet, est voluptuaria vita, adeoq; omnia tenebrarum opera, quæ ex diametro pugnant cum sanctificatione Sabbati. Tertio vitandus est ceremoniarum piarum contemptus, ne videlicet tuo absentis aut contemnentis ceremonias sacras exemplo alij deteriores fiant.

Habemus quæ sunt in nostris festis vitanda: nunc quid in illis faciendum sit videamus. Primum itaque, quoniam Iudæi occupati erant in mactandis sacrificijs & offerendis, mactemus & nos sacrificia propriorum corporum, & offeramus vitulos labiorum nostrorum: agamus seriam pœnitentiam: glorificemus Deum corde, ore, confessione & moribus: offeramus thymiama cordis nostri, id est, fidem & spem offeramus sacrificium beneficentiæ, quo sacrificij genere (ut inquit Apostolus ad Hebræos) exhilaratur Deus: simus ad dandam eleemosynam impigri: foueamus Ecclesie imbecillia membra: sanemusque ea, quantum id fieri potest, idque exemplo CHRISTI aliorumque sanctorum,
qui

Heb. 13.

qui se in veris Sabbati operibus exercuerunt.

Restat vt nonnihil dicamus de ceremonijs. Ceremoniæ sunt ritus & ordinationes ad regendam Ecclesiasticam politiam institutæ. Hæ si sunt licitæ (de impijs enim ceremonijs nihil dicam) aut habent apertum verbum Dei, vt baptismus & cœna Domini, aut faciunt reuera ad conseruandam doctrinam & politiam Ecclesiasticam, & sunt à Senatu Ecclesiastico ordinatæ, vel à pio magistratu. Hæ ceremoniæ duos habent fines. Sunt enim ordinatæ decori & ordinis gratia. Decorum partes sunt duæ: prior est, vt excitemur ad pietatem illis adminiculis: Posterior, vt modestia & grauitas in pietatis tractatione eluceat. Ordinis partes sunt tres. PRIMÆ, vt præsidentes habeant certam regulam agendi: SECUNDÆ, vt auditores assuefiant ad obedientiam & disciplinam: TERTIÆ, vt bene composito Ecclesiæ statu paci & tranquillitati consulatur. Hæc sint breuiter de ceremonijs pijs dicta & eorum finibus & finium partibus.

DE SECUNDO.

Secunda doctrina, quam proponit hoc Euangelium est de miraculo, quo sanatus est hydropicus. In hoc miraculo sunt quatuor obseruanda: Quæstio, sanatio, defensio facti & vsus.

Quæstio ab ipso Christo proponitur, An liceat Sabbato curare. Ad hanc nihil respondent Pharisæi. Si enim negassent licere, visi fuissent crudeles

in miserum hydropicum: Si affirmassent, transgressores legis se esse timuissent. Tacent igitur, ut explorent quid Dominus velit facere. Si non sanasset, dixissent illum vel non potuisse, vel noluisse huic afflicto opem ferre. Si sanasset, putarent se habuisse iustam causam accusandi Christum, tanquam transgressorem Sabbati, adeoque legis diuinæ contemptorem. Hic utrinque est periculum. Sed Dominus non moratus illorum sophisticam, apprehendit hunc miserum hydropicum, eum sanat intuentibus Pharisæis, atque sanum dimittit. Quo facto, ut in principio dixi, declarauit potentiam, voluntatem & officium suum. Nunc sequitur tertio loco defensio facti. [Cuius, inquit, vestrum bos aut asinus in puteum cadit & non continuo extrahit illum die Sabbati?] Quasi dicat, aut licet curare hominem in die Sabbati aut non licet. Si licet: cur me observatis tanquam legis transgressorem, si hoc facio? Si non licet: cur asinos & boues seruatis vos die Sabbati? quid illi contra? & non poterant (inquit Euangelista) ad hæc respondere. Sed quis usus est hydropici huius sanati à Christo? Duplex. Unus generalis, de quo dixi, videlicet ut hoc miraculo Christus ostenderet suam potentiam, voluntatem, officium, veritatem suæ doctrinæ, & inde fides in spectatoribus confirmaretur. Alter specialis. Nam hic hydropicus ex sua haud dubie intemperantia inciderat in hunc morbum. Quare & nos discamus quod Christus non contemnit eos, qui sua se culpa coniecerunt in morbos,

morbos, modo hunc hydropicum imitentur, hoc est, si cordis affectu Christum accedant, si patiuntur se ab illo tangi & sanari, hoc est, si ipsius verbo credunt, agunt pœnitentiam, iustam agnoscunt iram Dei, si propter Christi meritum precantur culpæ condonationem & plagæ sanationem aut saltem mitigationem.

DE TERTIO.

[Dicebat autem ad inuitatos, qui primos accubitus elegerunt : Cum inuitatus fueris ad nuptias &c.] Ut hac parabola superbiam damnat : ita veram humilitatem, quæ est rarissima virtus, docet : de qua hæc ordine dicam. Primum, quid sit humilitas. Deinde, quot sint eius genera. Tertiò, quas habeat causas, cum efficientes, tum impediētes. Quarto loco, quis sit fructus, & quæ præmia veræ humilitatis.

Quantum ad primum attinet, ut sciamus quid sit humilitas, debemus videre quos scriptura humiles vocat. Vocat autem Paulus humiles, quos Christus vocat pauperes spiritu, quales sunt, qui omnes propriæ virtutis, sapientiæ & iusticiæ fiducia exinaniti, quicquid boni est ad solum Deum referunt. Proinde humilitas est virtus, qua verissima nostri agnitione nobis ipsis vilescimus, omnis propriæ virtutis, sapientiæ, iusticiæ fiducia exinaniti, nos coram Deo prosternimus, ac in eo solo omnia bona per Christum querimus. Illustre exemplum est in Mag-

Eph: 4.
Phil: 2.
Mat: 5.

1. i: 7.

Ln: 23.
Ln: 18.
3 Reg: 12.
Mat: 5.

Gen: 18.

Ln: 1. 2.

dalena, in latrone, in publicano, in Dauide, & alijs multis sanctis. Hæc est vera humilitas, de qua Christi promissio est intelligenda: Beati pauperes spiritu. Habemus quid sit humilitas: iam quotuplex sit videamus. Est itaq; humilitas duplex: vna, qua coram Deo nos prosternimus: altera, qua coram hominibus nos submittimus: sed cauendum est, ne superbia larua humilitatis inducat, quam si homo detrabere non potest, Deus certè eam pudefaciet. Sed, illa larua omissa, dicamus de vera humilitate, quæ Deum & hominem respicit. Humilitas coram Deo est verus timor Dei, ex agnitione nostræ infirmitatis, & bonitate Dei erga nos natus: qualis fuit humilitas Manassis in carcere, qui postea quâ genua corporis propter angustiam carceris flectere non potuit, flexit genua cordis. Ita Abraham se humiliavit, quando se puluerem et cinerem fatebatur. Vera humilitas coram hominibus est vera dilectio, qua nos nemini præferimus superbe, sed omnibus nos sincerè accommodamus. Huius humilitatis exemplum maximum habemus in filio Dei, cuius exemplum vt imitemur, monet Paulus Phil. 2. Ita humilis fuit beata virgo, Anna prophetissa, et multi alij.

Iam de causis, sicuti promisi tertio loco, dicendum est, quæ sunt sanè multæ. PRIM A, Mandatum Dei. Primum enim præceptum requirit humilitatem erga Deum: tota secunda tabula requirit humilitatem erga hominem. SECUNDA, Exemplum Christi, vnde Paulus Phil. 2. Hoc sentite in vobis, quod

quod & in Christo, qui cum esset Deus, assumpsit formam serui. TERTIA, Consideratio tui ipsius, quid fueris ante ortum, quid sis ab ortu ad occasum, quid futurus sis post hanc vitam. Fuiisti semen & sanguis in utero materno, iam es in deserto miseriarum huius vitæ, & tandem esca eris vermium.

QUARTA, quod bona si quæ habes, non tua sint, sed Dei, tibi in aliorum bonum collata. Si ergo inde superbis, aut male eis uteris, pænæ tibi horribiles metuendæ sunt. QUINTA, cogitatio quod Deus possit tibi auferre quicquid habes. donorum, si illis abusus fueris, & illi soli laudē non tribueris. SEXTA, quod multi qui minora dona videntur habere, quàm tu, sepè vtiliorem operam collocant Reipublicæ & Ecclesiæ, quàm tu. Nam vt Deus est robor panis: ita vis, qua aliquid gratum illi fit. Atq; istæ sunt causæ sex, quæ coniunctæ veram humilitatem efficiunt: quam impediunt duo mala: contentio & inanis gloria. Quare Paulus Phil. 2. ait: Nihil ex contentione aut inani gloria, sed per humilitatem alij alios seipsos existiment excellentiores. Qui enim contendendi libidine laborant vt destituuntur charitate: ita vera humilitate sunt vacui: & ex diametro pugnat cum humilitate inanis gloria. Habemus iam, quid sit humilitas, quotuplex & quas habeat causas: nunc sequitur, quod quarto loco promisi me dicturum, de eius præmijs & germanis fructibus.

Qui vero humilis est triplicem fructum, Primum coram Deo, secundum coram hominibus, tertium in seipso consequetur.

Co-

Coram Deo hic primus fructus est, quod vere humilis habeat Deum in se habitantem: Unde Isaias 57. In sancto habitans, cum contrito & humili spiritu. Et 66. Ad quem respiciam, nisi ad contritum spiritu & trementem sermones meos. Luca 2. Deus exaltat humiles 1. Petri 5. Deus superbis resistit, humilibus dat gratiam.

Coram hominibus percipit humilis hunc fructum. Quemadmodum superbus ab omnibus contemnitur: ita vere humilis ab omnibus honoratur: eum honestum nomen & fama comitatur.

In seipso hos percipit humilis dulcissimos fructus. 1. humilitas est mater pudicitiae & patientiae. 2. est via ad sapientiam, Prouer. 11. Ubi est humilitas, ibi & sapientia. 3. est custos timoris Dei & fidei. 4. est opitulatrix inuocationis, & veluti exauditionis in Domino conciliatrix. Psal. 101. Prospexit Dominus in orationem humilium. 5. humilitatem gloria comitatur, Matth. 5. Beati pauperes spiritu, quoniam ipsorum est regnum caelorum. Matt. 24. Qui se humiliauerit, exaltabitur. Prou. 29. Humilem spiritu suscipiet gloria, non quod humilitas ista mereatur, sed quod ista contingant humilibus propter humilitatem Christi, cui gloria in secula seculorum, A M E N.

DOMINICA
XVIII. POST TRINITATIS,
EVANGELIUM MATTH. 22.

Cum

CUm audissent Pharisei, quod obturasset Iesus os Sadducæis, conuenerunt in vñ, & interrogauit eum vnus ex eis, legis doctor quispiam tentans eum, & dicens: Magister, quod est mandatum magnum in lege? Ait illi Iesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est primum & magnum mandatum. Secundum autem simile est huic: Diliges proximum tuum perinde atq; teipsum. In his duobus mandatis tota lex & Prophetæ pendent. Congregatis autem Phariseis, interrogauit eos Iesus dicens: Quid vobis videtur de Christo? cuius filius est? Dicunt ei: David. Ait illis: Quomodo ergo David in spiritu vocat eum Dominum? dicens: Dixit Dominus Domino meo, sede à dextris meis. Donec ponam inimicos tuos, subsellium pedum tuorum. Si ergo David vocat eum Dominum, quomodo filius eius est? Et nemo poterat ei respondere quicquam, neq; ausus fuit quisquam ex eo die eum amplius interrogare.

ENARRATIO TEXTVS.

HOC Euangelium continet summam doctrinæ Christianæ, videlicet doctrinam legis & Euangelij. Phariseus proponit quæstionem de lege. Christus rursus de Euangelio: sed diuerso consilio. Phariseus enim de lege interrogat tentandi & calumniandi causa: Christus autem eo animo quærit de Euangelio, vt errantes Iudeos & Pharisæos deducat

ducat in veram legis & Euangelij cognitionem. Illi enim, quia putarunt homines ex legis operibus iustificari, Euangelium contemserunt, putantes non esse opus alia doctrina ad salutem consequendam, quàm legis, quorum errorem confutat Christus. Vide hinc Christi bonitatem. Tametsi Pharisei ex malicia interrogant, tamen Christus ex officio respondet, & tradit absolutam doctrinam de lege & Euangelio. Proinde summa huius Euangelij est, quòd Christus totam legem & Prophetas reuocet ad hæc duo capita, quæ sunt, dilectio Dei, & dilectio proximi. Deinde de Messia quærit, hoc est, de seipso, ut ostendat qualis sit, nimirum Deus & homo, qui ideo promissus erat patribus, ut destrueret opera Diaboli, & benedicerentur in ipso omnes cognationes terræ, qui Sacerdos effectus iram Dei placaret soluto precio pro nobis. Loci tres:

1 Jo: 3.

Gen: 12.

I De Sadduceis, quibus Dominus os obstruxit.

II. Quæstio de legis summa & norma cultus Dei.

III. Quæstio de Messia.

DE PRIMO.

[Pharisei audientes, quod silentium imposuisset Sadduceis, conuenerunt in vnum.] Tametsi Pharisei & Sadducei inter se diuersam religionem, & diuersas opiniones defendebant, tamen in hoc conueniunt, quòd vtriq; se Christo opponant. Herodes & Pi-

& Pilatus fuerunt hostes : verum in hoc conueni-
 unt, quòd ambo cupiant Christum è medio sublatum.
 Ita impietas conspirat aduersus Christum & eius
 sanctum Euangelium. Quantum autem ad id, quòd
 dicit Christum silentium imposuisse Sadducæis, atti-
 net, sciendum est, quòd Sadducæi, qui negarunt ani-
 mas viuere post mortem, & sustulerunt resurre-
 ctionem mortuorum, Christum impugnarunt, vt vel
 sue sententiæ subscriberet, vel exponeretur riden-
 dus rudi populo, qui ab istis doctoribus erat sedu-
 ctus. Adorti sunt ergo Christum hoc modo. Si resur-
 rectio mortuorum erit, multa incommoda, multa
 dissidia, & magnæ absurditates sequentur. Hoc ita
 probare conantur. Mulier quædam apud nos fuit, *Math. 22.*
 quæ nupserat septem viris, vni post alterum : iam si
 futura est resurrectio mortuorum, resurget ista mu-
 lier, resurgent & septem mariti, quos habuit illa.
 Iam si vnus ex illis ei adhæserit, alij mouebunt ei
 lites : si omnes simul cum illa vnâ habitauerint, ni-
 bil erit mulieri molestius & viris difficilius. Cum
 igitur hæc absurda sequerentur resurrectionem
 mortuorum, malè asseritur resurrectio mortuorum.
 Hæc fuit eorum ratiocinatio, quorum officium erat
 rectè populum instituere de spe vitæ æternæ, à qua
 perfidè homines auocant, & tamen iusti videri vo-
 lunt. Sed his Christus os obstruit, & ita silentium
 imponit, vt conuicti verbis Christi non habeant
 quod dicant. Hos ergo reprehendit, confutat &
 docet. Reprehendit quòd ignorent scripturam,
 & ta-

& tamen voluerint esse scripturæ doctores. Confutatur manifestè, proposito exemplo: Deus est Deus viuorum: Deus est Deus Abraham, Isaac, Iacob: Ergo Abraham, Isaac & Iacob viuunt. Si illi viuunt, viuunt aut secundum corpora, aut animas: non secundum corpora, quia illorum sepulchra nostis, igitur secundum animas, quas vos mori cum corpore falso dicitis. Nunc autem animæ viuunt, ut suo tempore redeant in corpora, ut qui bona fecerunt in hac vita, mercedem recipiant, & qui mala, luant supplicia iusta. Hæc summa est confutationis Quid docet? Duo. Unum, quòd mortui resurgant potentia & virtute Dei, cui nihil impossibile est. Potuit ex nihilo omnia creare, cur non poterit animas ad corpora reuocare, præsertim cum illud & decreuerit, & ipsius iusticiæ & gloriæ interfit. Paulus Phil. 2. ait: Nos expectamus saluatorem de cælo Christum Iesum, qui transfigurabit nostra contempta corpora, ut fiant conformia glorioso corpori ipsius per eam potentiam, qua potest sibi omnia subijcere.

Cum igitur ratio nostra incipit disputare de resurrectione, opponamus illi quatuor. Decretum Dei, omnipotentiam Dei, iusticiam & gloriam Dei.

Decretum, quia ordinauit & proposuit se velle excitare mortuos. Hoc decretum, quia Deus est immutabilis, nunquam antiquabit. Et extant huius decreti quædam exempla. Christus Dominus resurrexit à mortuis: Enoch viuus in cælum translatus est:

Mat. 19.

Gen. 5.

4 Reg. 2.

est: Helias in curru ardenti in cælum viuus subuectus est.

Omnipotentia opponatur rationi, quæ putat impossibilem esse resurrectionem mortuorum. Si enim non possit facere quæ decreuit, non esset omnipotens. Si non omnipotens, neq; Deus dici posset.

Iusticia est, vt reddat bene meritis præmia, & impijs supplicia. Iam videmus quod in hac vita, pijs vt plurimum malè sit, impijs vero benè. Sed nunc cum iusticia Dei requirit vt benè bonis sit, & malis malè, & id non fit in hac vita, necesse est aliam vitam restare, in qua Deus iuxta suæ iusticiæ normam pijs vitam æternam, impijs vero infernales pœnas reddat.

Gloria Dei etiam opponenda est Sadducæorum opinioni & rationi nostræ. Deus condidit hominem in suam gloriâ, vt se perpetuo prædicet & glorificet: quod sanè non fieri posset, nisi esset resurrectio mortuorum.

Præterea docet Christus Sadducæos de statu hominum post resurrectionem. Non erit illic vsus coniugij, non erit procreatio sobolis: sed viuent perpetuò in omni æternitate casti sicut angeli Dei. Quare non est metuendum bellum inter maritos multos, qui vnâ & eandem vxorem vnus post alium in hac vita habuerunt. Hæc sint dicta de Sadducæis, confutatione errorum eorum, & confirmatione nostri de resurrectione mortuorum: cuius fidem in nobis confirmabunt, decretum Dei im-

x

muta-

mutabile, potentia, qua sibi omnia subijcere potest,
iusticia qua reddit unicuique iuxta facta sua, gloria
quæ illi reddatur à sanctis in omni æternitate.

DE SECVNDO.

Procedit Phariseus, interrogat Christum, quodnam sit summum legis præceptum. Dominus respondet: [Diliges Dominum Deum tuum ex toto corde tuo, ex tota anima tua, & ex totis viribus tuis, hoc est maximum & primum mandatum. Secundum est huic simile: Diliges proximum tuum sicut teipsum. In his duobus mandatis tota lex & prophete pendent.] Id est, quicquid prophete & Moses de vero cultu Dei docent, sub his duobus capitibus continetur, Cum nuper Dominica decimatertia Trinitatis, & sæpe aliàs de lege Dei dixi, quæ sit: quis sit eius usus: quòd nemo possit ei satisfacere: & quomodo pijs sit abrogata, nolo hinc eadem repetere, sed duo dicam: Unum, cur Christus secundum mandatum de diligendo proximo dicit simile esse primo de diligendo Deo. Deinde, quia Christus dicit totam legem & prophetas in his duobus mandatis pendere, idque ideo, quia quicquid Moses & prophete docuerunt de cultu Dei, his contineatur: dicam pauca de vero cultu Dei, ut nobis certa eius ratio constet.

Quantum ad primum attinet, sciendum est, quòd secundum præceptum de amando proximo non dicatur simile primo vel ordine, vel obiecto, vel gradu

gradu dilectionis. Nam ordine primum præceptum prius est. Obiectum primi præcepti est Deus, ut secundi præcepti obiectum est homo proximus. Gradus dilectionis requirunt, ut summum bonum maximè ametur: deinde reliqua quæq; suo ordine iuxta suæ dignitatis gradus. Non est ergo secundum primo simile ordine, obiecto, aut gradu dilectionis. Quomodo ergo est simile? Primum affectu dilectionis, quia utrunq; requirit puram dilectionem. Deinde obligatione. Nam utrunq; nos obligat vel ad obedientiam, vel ad pœnam. Postremo consecutione obedientiæ. Qui enim dicit se diligere Deum, & proximum suum odit, mendax est, ait apostolus Iohannes. Hoc sit breuiter dictum, quomodo secundum præceptum sit simile primo de diligendo Deo: nunc de vero cultu Dei dicam, quoniam de dilectione Dei & proximi præcepta materiam cultus Dei continent.

Ut igitur doctrinam de vero Dei cultu melius intelligamus, quatuor quæ ad eius explicationem faciunt, ordine dicam. 1. tradam regulam ad quam exigendus & probandus est cultus Dei. 2. ostendam cultus Dei solidum fundamentum. 3. quodnam opus recte dici possit cultus Dei aperiam. 4. indicabo, quinam homines verum cultum Deo præstare possunt. His quatuor ritè cognitis, constabit nobis quanam sit vera colendi Deum ratio.

Quantum ergo ad regulam cultus Dei attinet, hoc statuatur pro generali & immota regula, Quod

x 2

nullus

1 Jo: 4.

*ε[sa]: 29.
Mat: 7.5.*
 nullus cultus Deo placeat, nisi quem ipse instituit. Hanc regulam non omnes recipiunt, quare nobis est firmis fundamentis munienda. Primum itaque Deus apud Isaiam prophetam, & Christus in Evangelio hanc regulam confirmat his verbis: *Frustra me colunt docentes doctrinas mandata hominum.* Et Spiritus sanctus per os Pauli Colos. 2. damnat omnem cultum, quem homines sibi fingunt. *Et cor: 20.
Hrb: 11.* Et Dominus apud Ieremiam dicit: In praeceptis meis ambulate. Deinde impossibile est placere Deo sine fide. Cultus autem praestatur, ut placeat: quare ex fide fieri eum necesse est: ex fide autem fieri nequit, nisi habeat mandatum & manifestum verbum. Fides enim ex verbo pendet. His certissimis rationibus ita confirmatur regula cultus Dei, ut qui contradicere pergit, stultior esse videatur, quam qui negat solem exortum esse, cum sit clarissimus dies. Hanc igitur regulam firmiter teneamus, nec sinamus eam a nobis extorquere vlla sophistica.

Exod: 20.
 Huius regulae usus est multiplex. I. hac regula stabilitur auctoritas legislatoris. Ubi enim in Repub. liberum est unicuique condere leges, vilescit auctoritas superioris Domini. Hanc auctoritatem sibi vendicat Dominus in precepto primo, cum inquit: Ego sum Iehoua Deus tuus, &c.

Secundus usus huius regulae est, quod liberet haec regula ab errore, ne erremus in colendo Deo.

Tertius est, quod impediatur superstitiones & petulantiam hominum in excogitandis nouis cultibus.

Hacten-

Haftenus de regula cultus Dei sit dictum, videlicet quod nullus cultus Deo placeat, nisi quem ipse instituit, & de huius regulæ confirmatione vsuque, nunc quod secundo loco proposui, breuiter dicam de fundamento cultus Dei.

Fundamentum autem hoc positum est cum in cognitione Dei vera, tum in cognitione nostri ipsorum. Cognitionem Dei consequimur verbo & testimonio verbo addito. Utrunq; enim nos docet. 1. quod Deus sit fons omnis virtutis, sapientiae, iusticiae & veritatis. 2. quod illi omnis gloria tribuenda sit. 3. quod ad iuuandum sit promptissimus. 4. quod velit omnes ad se confugere in quouis periculo. Cognitionem nostri consequimur ex duabus rebus, ex consideratione imaginis Dei, ad quam homo creatus est, & ex praesentium virium nostrarum aestimatione. Consideratio imaginis deducit nos ad cogitationem finis, propter quem creati sumus homines rationales, monstratq; officium, in quo nos perpetuò occupari decet, nimirum vt, referremus imaginem Dei in omni sanctitate & puritate. Aestimatio praesentium virium cogit nos fateri, quòd nequaquam debitum officium praestare valeamus. Pertinet igitur haec duplex cognitio eò, vt Deo quidem omnem gloriā tribuamus: nobis vero omnem gloriandi materiā adimamus: monstratq; nobis haec cognitio nostras sordes, et imbecillitates. His ita explicatis de regula cultus Dei & eius vero fundamento, accedam ad illud, quod tertio loco proposui, & clare definiam quis sit cultus Dei.

x 3 Est

Est itaq; cultus Dei opus mandatum à Deo, factum ex fide, in celebrationem gloriæ Dei principaliter. Hic primum indicatur, quæ opera sint cultus Dei, nempe sola illa, quæ Deus in lege sua præcepit, quemadmodum ex regula supra tradita clarè liquet. Deinde additur fides, unde opus debet procedere. Est enim fides omnis operis boni effectrix: idque ideo, quia nullum opus potest placere Deo, nisi prius persona placeat: placet autem persona fide.

Gen: 4. Sacrificat Cain: sacrificat Abel. Uterq; habuit mandatum Dei: sed sacrificium Cain non fuit cultus Dei, sicut Abelis fuit. Quare? quia Cain fidem non habuit, Abel vero habuit. Dant eleemosynam *Acto. 9.* & Phariseus. Uterq; mandatum habuit: sed opus Cornelij fuit cultus Dei, quod ex fide profectum est: Pharisei vero fuit abominatio, quia persona Deo non placuit. Duo rustici arant agros, hic Deo cultum tribuit arans in timore Dei, expectans benedictionem à Deo: Alter non placet quia fide & timore Dei vacat. Uterq; tamen habet mandatum operis. *Gen: 3.* In sudore vultus vesceris pane tuo. Ancille quæ præstant obedientiam suæ heræ fortè in verrendo pavimento, & ambæ habent mandatum Dei: sed illa, quæ fidem ad laborem adfert, cultum Deo reddit: quæ vero fide destituitur, facit quidem quod debet ex officio, sed eius opus cultus Dei dici non potest.

Præterea opus mandatum, & ex fide factum, debet tendere in gloriam Dei principaliter. Hoc confirmat.

firmatur Isaia testimonio : *Omnes qui inuocat nomen meum, in gloriam meam creauit eum, formauit eum, fecit eum. Sed quid est Deum glorificare ? Breuiter, est illi omnem gloriam tribuere, & eum corde, ore, confessione & moribus celebrare.* c/a: 43.

Sequitur quod quarto loco me dicturum promisi, scilicet *quinam possint Deo verum cultum prestare. Hoc tametsi ex superioribus colligi potest : tamen illud hic breuiter dicam. Illi soli Deum colere possunt, qui habent ad illum accessum : soli autem filij Dei habent ad illum accessum : Quare illi possunt soli Deo verum cultum prestare. Sunt autem filij, omnes qui credunt in nomen eius, Iohan. 1. & hi per fidem accessum habent ad Patrem, Roma. 5. Et ea de causa Christus docens suos orare, iubet dicere: Pater noster qui es in caelis, significans tantum filios inuocare posse. Hac de vero cultu Dei sint dicta, cuius summa continetur dilectione Dei & dilectione proximi : nunc restat ut dicam de tertia doctrina.* eph. 2. 4. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

DE TERTIO.

[Quid vobis (inquit) videtur de Christo, cuius filius est ? Dicunt ei, Davidis est filius.] Pharisei putarunt se iustos esse lege : quod si verum fuisset, frustra Christus promissus fuisset. Sic enim Paulus Galat. capite 2. ait : Si iusticia est ex lege, Christus frustra mortuus est. Querit igitur Dominus de Messia, id est, Christo, ut ea mentione excitet eos ad cognoscendum & meditandum finem legis, & cogi-

x 4

tan-

Isa: 43. 53.
Psal: 110.
 tandum cur Messias esset promissus. Quod si rectè fecissent, ita fuissent ratiocinati: Messias est promissus, ut tollat peccatum, sicut ipse Isaias testatur: Ipse languores nostros tulit. Gene. 15. In semine tuo benedicentur gentes. Ergo necessum est, ut non tantum sit homo filius David: verumetiam Deus Dominus Davidis, quemadmodum & Psalmus testatur: Dixit Dominus Domino meo. Ex hac ratiocinatione & rectè de lege & rectè de Christo indicassent, & Christum ut verum saluatorem fuissent amplexi, cui sit honor in secula seculorum, Amen.

DOMINICA XIX. POST TRINITATIS, EVANGELIUM MATTH. 9.

Iesus ingressus nauem, traiecit, ac venit in suam ciuitatem. Et ecce adduxerunt illi paralyticum in lecto decumbentem. Cumq; vidisset Iesus fidem illorum, dixit paralytico, Bono animo esto fili, remissa sunt tibi peccata tua. Et ecce quidam è scribis dicebant intra sese: Hic blasphematur. Et cum vidisset Iesus cogitationes illorum dixit: Quare vos cogitatis mala in cordibus vestris? Vtrum enim est facilius dicere, Remittuntur tibi peccata, an dicere, Surge & ambula. Ut autem sciatis, quod potestatem habeat filius hominis in terra remittendi peccata, tunc dicit paralytico: Surge, tolle tuum lectum, & abi in domum tuam. Et ille surrexit,

surrexit, abiitq; in domum suam. Turbæ vero quæ viderant, admiratæ sunt, & glorificaverunt Deum, qui dedisset potestatem talem hominibus.

ENARRATIO TEXTVS.

HOc Euangelium continet vnum ex miraculis, quibus Dominus, vt suam potentiam, voluntatem & officium testatur, ita confirmat suæ doctrinæ certitudinem. Narratur in præsentī historia quomodo Christus paralyticum sanat: quod factum non excipiunt auditores omnes eodem modo. Pharisei enim blasphemant: turba visō miraculo admonetur de præsentia Dei: confirmatur de Christi doctrina: vnde non solum timorem & fiduciam concipit, verumetiam veros edit fidei fructus & prædicat bonitatem Dei. Est proinde hoc Euangelium, veluti pictura quædam, in qua regnum Christi in hoc mundo depingitur, in quo sunt qui infirmos ad Christum deducunt. Sunt etiam qui murmurant, vt Pharisei omnibus temporibus. Sunt quoq; qui verè timent Deum, eumq; ob sua facta glorificant. Inter hos varios auditores stat in medio Christus, recipit ad se venientes, neminem ob miseriam contemnit, sanat vulnera, remittit peccata, ac suo Spiritu sancto, veluti balsamo preciosissimo, liuores nostros mitigat & sanat. Hæc summa & hic scopus est hodierni Euangelij, quod docendi causa in tres diuidam locos.

- I. De ijs, qui hunc paralyticum in lecto iacentem ad Christum portant, vt sanet ipsum.
- II. Murmur Phariseorum accusantium Christum, & eius defensio.
- III. Miraculorum Christi finis & vsus.

DE PRIMO.

[Et ascendens Iesus in nauiculam, etc.] Hic omnium primum animaduertenda est occasio miraculi hic à Domino editi. Christus, inquit, ascendit in nauiculam, transfretauit & venit in suam ciuitatem, id est, Capernaum. Illic enim frequentius erat. Quæ causa fuit huius profectiois? Fuerat in terra Gerasenorum, vbi demoniacum curauit, & cum dæmones peterent, vt sibi liceret in porcos intrare, Dominus annuit, & ita grex porcorum ruit in mare præcep, & suffocatus est. Hoc cum viderent incolæ, venerunt ad Iesum rogantes ipsum, vt à se discederet. Pluris enim suos fecerunt porcos, quàm Christum cum suo Euangelio: qui sanè hodie multos socios habent, quos iure vocare possumus Gerasenitas. Duo ergo hic obseruentur: Unum, quod nobis vitandum proponitur. Alterum, quod omnibus pijs imitandum commendatur. Vitanda est ingratitude Gerasenorum, qui pluris petasorem, quam salutem fecerunt. Quorum similis maxima pars eorum est, qui Christiano nomine gaudent. Imitanda nobis proponitur industria Christi, qui quamuis occasionem

nactus

nactus, pomeria sui regni dilatare studuit. Ut enim hac sua profectioe ostendit, quantum hominum sitiat salutem: ita nobis omnibus commendat suo exemplo in officio diligentiam.

Iam sequitur prima huius Euangelij pars. [Et ecce offerebant ei paralyticum in lecto iacentem, & videns Iesus fidem illorum dixit paralytico: Confide fili remissa sunt tibi peccata tua.] In hac Prima huius Historie parte habemus quatuor, quæ obseruare vtile fuerit. Primum exemplum baiulorum. 2. paralyticus ipse. 3. respectus Christi in fidem eorum. 4. quomodo excipiat paralyticus à Christo.

Quantum ad baiulos attinet ex certis indicijs prodit se illorum fides: quæ ita ardet vbicunq; vere est, vt nullis cineribus eius flamma suffocari possit. Hæc fides vel inde concepta erat, quod ipsum docentem & sanantem prius viderant, vel ex fama, quæ ad eos peruenerat de factis Iesu. Summa est, quod sibi persuaferint, quod afflictos reciperet & iuuaret. Hæc viua horum baiulorum fides quintuplicem fructum edit: quorum primus est confessio Christi, quem confiteri in tanta hostium rabie fuit arduum & rarum. Secundus, innuocatio quæ non minus abesse potest à fide, quam calor ab igni. Omnia enim vota credentium, quæ nunquam intermittuntur, sunt inuocationes. Tertius, fortitudo animi quod se exposuerint periculo vite propter confessionem Christi. Nam Pharisei, scribæ & precipui homines in isto

in isto populo persequerentur omnes, qui Christo aliquid honoris tribuerunt. Quartus, dilectio proximi, qua sincere proximum suum complexi sunt. Quintus, labor & molestia propter salutem proximi. Nam non solum portant illum, quod fuit charitatis intimæ: verumetiam cum recta ad Christum propter turbam venire non possent, ascendunt tectum & per tabulatum demittunt languentem: quod factum non caruit periculo.

Quid nos hinc discemus? Cum his baiulis vel inuito mundo confiteamur Christum: inuocemus ipsum, cum pro nobis ipsis, tum pro alijs: exponamus nos periculo propter veritatem Euangelij, si res ita postulauerit: intime diligamus proximum, non solum affectu, sed opere etiam: & nullos detrectemus labores, modo eis prodesse valeamus.

ALTERVM, quod in hac prima parte obseruandum dixi, est ipse paralyticus in quo tria sunt obseruanda. Morbus, morbi causa, & quod se ad Christum portari voluerit. Morbus fuit paralyticus, quæ est ubi alterum latus, dextrum aut sinistrum sensum & motum perdit. Morbus sane grauissimus, quo totum officium hominis impeditur. Causa morbi duplex: Vniuersalis, quæ est peccatum originis in omnibus hominibus: et specialis, quæ ortum habuit vel ex intemperantia, vel à grauiori aliqua perturbatione animi. Quod autem se ad Christum portari voluerit, significat se fidem habere in Christum, quem admodum & ipsi, qui illum portarunt.

Hoc

Hoc exemplum paralytici imitemur & nos. Morbum nostrum internum & externum agnoscamus, peccatum nostrum fateamur, & cum hoc paralytico sinamus nos ad Christum unicum medicum portari.

TERTIVM, quod in hac prima parte considerandum admonui, est, quod Iesus viderit fidem illorum, hoc est, baiulorum & paralytici. Unde hæc discamus: primum, quo sit erga nos Christus affectu. Non enim aliter est erga nos, quam erga hunc paralyticum affectus. Nam non est personarum acceptor Dominus. Deinde, quod Christus non tam magnitudinem peccatorum respiciat, quam fidem. Hæc impetrat à Christo salutaria animæ & corpori. Quamvis autem existimem hunc paralyticum aliquam scintillulam fidei habuisse, tamen non repugno, si quis dicat baiulos habuisse fidem, & non ipsum paralyticum. Non est enim insolens beneficia corporalia, imo etiam spiritualia impetrari aliena fide. Ut enim aliquis sua sapientia potest efficere, ut alius euadat sapiens: ita qui credit, sua fide potest alijs fidem impetrare. Verum sicut nemo est sapiens aliena sapientia, sed sua: ita nemo saluatur aliena fide, sed sua propria. Hic ergo discamus & orare pro alijs, ut gratia Dei illis augeat, & petere ab alijs, ut suis nos precib. Deo commendent. Multum enim valet deprecatio iusti.

QVARTVM, quod in hac prima parte spectandum proposui, est modus, quo hunc paralyticum

cum exceperit, qui hisce verbis exprimitur: [Confide fili, remissa sunt tibi peccata tua.] Hic duo perpendantur: Unum, cur ita exceperit hunc afflictum: Alterum, excipientis oratio.

Hic paralyticus petit liberationem à morbo corporis: cur ergo dicit remissa sunt tibi peccata tua? Magnæ sunt profecto & graues causæ.

PRIMA est, vt doceat morbos stipendia peccati esse, vt Paulus dicit: Stipendium peccati mors. Et Christus Iohan. 5. dicit cuidam quem sanauerat: Ecce sanus factus es, caue ne posthac pecces, ne quid deterius tibi eueniat. Et I. Corinth. II. Propter irreuerenter usurpatam Domini cœnam, multi fuerunt mortui & multi infirmi.

SECUNDA, vt doceat, vnde sit inchoanda curatio corporis, nimirum ab animo, cuius maculæ prius sunt expurgandæ, quàm adhibeas corporis medicinam. Seruemus igitur hunc in nostris morbis curandis ordinem. Primum agnoscamus morbum: Deinde agamus pœnitentiam, & petamus propter Christum remissionem peccatorum: tum vtamur medijs ordinatis in timore Dei, & cum gratiarum actione: & agnoscamus medicum ministrum Dei esse, qui vice Dei manum nobis curandis adhibebit.

TERTIA, vt hac oratione Phariseos arguat, qui nec de sua persona, nec officio sincerè iudicarunt. Semper enim sunt qui in operibus Dei quærunt, quod cauillentur: quod nos monebit, ne officium nostrum minus diligenter obeamus.

QVART

QUARTA, ut hanc occasionem nactus plenius doceret de sua persona, affectu erga homines, & officio ad quod erat à Patre in mundum missus.

Iam expendamus orationem Domini. Ait enim paralytico: [Fili confide, remissa sunt tibi peccata tua.] Hæc verba filij Dei sunt, quare diligenter sunt expendenda. Hæc vox FILII opponenda est desperationi, quam ei morbus præsens persuadere voluit. Vox CONFIDE, opponenda est maledictioni, quam mala conscientia misero conata est persuadere. PECCATA, inquit, TVA. Hic gratia superabundat peccatum. Vox REMISSA SUNT opponenda est somnio satisfactionis, meritorum, & iusticiæ legis. Remissa sunt, inquit, peccata: beneficium gratiæ huic misero voce sua accommodat. Habemus ergo hic doctrinam salutis, remissionis peccatorum, iustificationis et adoptionis. Hæc enim beneficia perpetuo coherent ita connexa, ut à se invicem diuelli nequeant. Fidem requirit: credenti remittit peccatum: absolutum à peccato adoptat in filium, & ut iustum acceptat, quem iustificauit etiam glorificabit collata æternæ salutis beatitudine. Nec est alia ratio vlla consequendi salutem, quam quæ in hoc exemplo nobis commendatur. Paralyticus tria facit: agnoscit peccatum suum: agnoscit se iuste puniri ob peccatum: confidit in filium Dei. Christus rursus tria: Remittit peccatū: adoptat in filium: & acceptat ad vitā æternam. Tu hoc exemplū imitare, agnosce seriò peccatum: agnosce iustum Dei iu-

Dei iudicium : & confidito in filium & vere senties quod Christus sua beneficia sit tibi collaturus. Hæc sint de prima huius Euangelij doctrina dicta : sequitur secunda.

DE SECVNDO.

[Et ecce quidam de scribis dixerunt intra se : hic blasphematur. Et cum vidisset cogitationes eorum dixit : ut quid cogitatis mala in cordibus vestris?] Hic scribarum murmur & Christi responsio docent quomodo regnum Christi & Sathanae inter sese concurrant. Habemus hic duo : quorum alterum est accusatio scribarum accusantium Christum : Alterum est Christi iustissima defensio. Accusatio scribarum hæc fuit. Iste blasphemus est. Quare? quia dicit se remittere peccata, quod solius Dei est. Est enim, vsu scripturæ blasphemia, creaturæ tribuere quod est Dei proprium : Iam dimittere peccatum est Dei proprium, quod vel ex Isaia constat, ubi Dominus per os prophetæ ait : Ego sum, ego sum qui iniquitates tuas deleo propter me, & peccatorum tuorum non recordabor ultra. Hinc iam immota consequentia existimant se concludere Christum blasphemum esse hoc modo. Quicumq; sibi tribuit quod Dei est proprium, est blasphemus. Iste Iesus sibi tribuit, quod est Dei proprium, Igitur iste Iesus est blasphemus. Et profecto vera fuisset ratiocinatio, si Christus fuisset scribis similis, hoc est, si merus homo esset & non Deus. Videte queso quanto

quanto sunt nostri Papistæ & Monachi deteriores his scribis. Scribæ verbo Dei edocti defenderunt hanc propositionem: Nemo potest remittere peccatum nisi solus Deus. Verum Papistæ remissionem peccatorum tribuunt sanctorum meritis, Missis & indulgentijs: quæ non communicant gratis, sed vendunt magna pecunia. Mirabile sanè mercatorum genus. Vendunt quod non habent: vendunt fumos verborum, & accipiunt aurum: ementibus promittunt cælum, sed conferunt infernum.

Sed quid dicemus de ministris verbi, Remittunt ne illi peccatum? Non remittunt ipsi, sed annunciant remissionem peccatorum omnibus, quos inuenerint similes huic paralytico esse: non dant de suo, sed offerunt alienum mandato Christi: offerunt remissionem peccatorum voce Euangelij. Quicumq; hanc vocem fide recipiunt, remissionem peccatorum accipiunt absq; omni dubio. Dicit enim Christus: Qui vos Lm: 10. audit, me audit.

Sed quid Christus ad hanc accusationem facit? [Visis cogitationibus eorum dixit: Quid cogitatis mala in cordibus vestris? Quid est facilius dicere: Remissa sunt tibi peccata tua, an dicere, Surge & ambula.] Hic Christus tria facit. 1. vidit cogitationes eorum, quod est solius Dei. Unde Scribæ debebant cogitasse, quod Christus plus esset, quàm merus homo: nemo enim hominum potest alterius scire cogitationes. Solus enim Spiritus Dei scrutatur profunda cordium. 2. arguit eos: [Quid, inquit cogitatis

y mala

mala in cordibus vestris?] quasi diceret: Vos de me peruerse cogitantes peccatis. Notemus ergo, quod malæ cogitationes sint peccata. 3. signo visibili confirmat occultam suam diuinitatem, quasi diceret, vos dicitis: Qui tribuit sibi quod est solius Dei, est blasphemus. Nomini enim Dei & famæ nocet. Hoc sanè verum esse fateor. Sed quod me Deum esse non creditis, erratis: quare vos blasphemus estis, non ego. Ut autem hoc ostendam & conuincam me verum Deum esse, hunc paralyticum solo nutu sano: quod sanè diuinæ est potentie. Si hoc possum diuina potentia, cur non etiam peccata remitterem? Quis potest morbum penitus tollere, nisi qui morbi causam tollit? Iam vestris oculis videtis me morbum tollere. Cur non etiam creditis me posse auferre peccatum, morbi causam? Ita Christus ad facta sua prouocat quæ de ipso testimonium ferunt. Ita enim apud Iohannem dicit: Si mihi non creditis, credite operibus meis, quæ testimonium perhibent de me. Ex hac ergo secunda doctrina tria discamus. 1. perpetuam pugnam esse inter regnum Christi & Sathanæ. Semper enim murmurat Sathan, & varias technas excogitat, vt Christi regnum inuadere possit, iuxta illud: Tu insidiaberis calcaneo eius. 2. Christum sua sapientia & potentia superare potentiam & consilia Sathanæ, iuxta illud: Non est sapientia, non est consilium aduersus Dominum. 3. vt nos ei subijciamus, & eum verum Deum agnoscamus, & confiteamur cum omnibus, qui in vera pœnitentia ad illum confugiunt.

D E

Gen: 3.

[Videntes autem turbæ, timuerunt & glorifica-
runt Deum.] Hic habemus effectum & fructum
huius miraculi apud spectatores, quem fructum Eu-
angelista sua historia ad nos transfert. Sæpè de mi-
raculis Christi dictum est, ideo hic pauca dicam.
Christus hoc miraculo confirmavit suam diuinam
potentiam, suam paternam voluntatem erga homi-
nes, suum officium, quod est saluare, ad quod est mis-
sus, & veritatem suæ doctrinæ obsignauit tanquam
authentico sigillo & regio. Deinde in auditoribus
concepta est fides, timor Dei è fide manauit, & ex
fide Deum glorificauerunt corde, voce, confessione
& moribus. Hinc ergo & nos ista quatuor de Chri-
sto colligamus, ac vnâ cum his spectatoribus concipi-
amus fidem, timeamus Deum, glorificemusq;
eum, qui est laudandus in sæcula sæcu-
lorum, Amen.

DOMINICA
XX. POST TRINITATIS,
EVANGELIUM MATTH. 22.

Simile factum est regnum cœlorum homi-
ni regi, qui fecit nuptias filio suo. Et emisit
seruos suos, vt vocarent inuitatos ad nu-
ptias, & nolabant venire. Rursum emisit
alios seruos, dicens: Dicite inuitatis: Ecce pran-
dium meum parauit, tauri mei & altilia mactata
sunt,

y 2

sunt, & omnia parata, venite ad nuptias. Illi autem neglexerunt & abierunt, alius in villam suam, alius vero ad negociationem suam. Reliqui vero tenuerunt seruos eius, & contumelijs affectos, occiderunt. Rex autem cum audisset, iratus est, & missis exercitibus suis, perdidit homicidas illos, & ciuitatem illorum succendit. Tunc ait seruis suis. Nuptiæ quidem paratæ sunt, sed qui inuitati erant, non fuerunt digni. Ite ergo ad exitus viarum, & quoscunq; inueritis, vocate ad nuptias. Et egressi serui eius in vias, congregauerunt omnes quotquot inuerunt, malos pariter ac bonos, & impletæ sunt nuptiæ discumbentibus. Ingressus autem rex, vt videret discumbentes, vbi vidit illic hominem non vestitum veste nuptiali, ait illi: Amice, quomodo huc intraisti, non habens vestem nuptialem? At ille obmutuit. Tunc dicit rex ministris: Ligatis pedibus & manibus eius, mittite eum in tenebras exteriores, ibi erit fletus & stridor dentium. Multi enim sunt vocati, pauci vero electi.

ENARRATIO TEXTVS.

Quod Christus perpetuò facit, id etiam in hodierno. Euangelio facit. Nam vt bonus & fidelis pater suos liberos ad vitam honestam hortatur, idq; varijs modis: ita Christus Dominus, & Pater futuri sæculi non vna via contentus est, sed multas tentat, quò suos in officio retineat. Aliàs enim id agit blandis verbis, vt cum dicit Matt. II. Venite

*Venite ad me omnes qui laboratis & onerati estis, & ego reficiam vos. Aliàs paternis promissis, ut cum dicit: Qui venerit ad me, dabo illi aquam vi-
uam. Aliàs muneribus, cum præsentiā confert beneficia. Aliàs minis, ut cum dicit Marci 12. Veniet & perdet colonos istos, & dabit vineam suam alijs. Ad eundem modum in hoc Euangelio, partim minis agit, proposito paradi-
gmate. Minatur enim extrema ijs, qui recusauerint ad suas venire nuptias induti veste nuptiali: partim promissionibus, quòd venientes & ornatos veste nuptiali velit magnificè excipere & benè tractare. Proinde huius Euangelij summa est, quòd Christus requirat à suis vitam adeo sancta vocatione dignam, & minetur ijs horrenda supplicia, qui in Ecclesia vixerint sine pœnitentia & sanctificatione, quæ vestis illa nuptialis est, quam hic sponsus requirit. Loci tres:*

- I. *Explicatio parabolæ nuptiarum.*
- II. *Reprehensio eius qui in nuptijs sedet sine veste nuptiali.*
- III. *Querela Christi: Multi sunt vocati, pauci electi.*

DE PRIMO.

[*Simile factum est regnum cælorum homini regi. Ut autem nobis fiat dulcius præsens Euangelium, similitudinis huius partes videamus, quæ sunt multæ.*

PRIMA: Regnum cælorum hoc loco significat

y 3

Eccle-

1 *Ps.* 2. Ecclesiam congregatam voce Euangelij, quod à Petro vocatur gens sancta & regnum sacerdotum, genusq; electum.

1 *Tim.* 6. SECUNDA: Homo rex significat Deum Patrem cœlestem, quem Paulus regem regum, & Dominum dominantium appellat.

Mat. 3. *Psal.* 19. TERTIA: Regis filius est Dominus noster Iesus Christus, de quo inquit: Hic est filius meus dilectus in quo mihi complacui. Hunc Dei filium David sponsum nominat ornatum decoro sancto.

Psal. 19. *Osee.* 2. QUARTA: Huic filio Pater nuptias fecit, quando nostra causa eum nasci voluit ex beata virgine, qui tanquam sponsus, ut loquitur David, de thalamo suo procedit. Hic Ecclesiam sibi tanquam sponsam adiunxit, et eam sibi desponsavit, iuxta hoc Hosee Prophetæ dictum: Sponsabo te mihi in sempiternum, & sponsabo te mihi in iusticia, & iudicio, & in misericordia, & in miserationibus, & sponsabo te mihi in fide, & cognosces Dominum. Hæ nuptiæ, quantum ad humanum genus attinet, inchoatæ sunt per sponsalia, mox creatis primis hominibus. Deus enim dum condidit hominem ad sui cognitionem & amorem, dum ornauit primos parentes iusticia originali, impressa in eis imagine Dei, hæc sponsalia celebravit. Verum hæc sponsalia mox sunt violata artibus Sathanæ, qui hominem ad nefarium adulterium pellexit, ut deficeret à suo vero sponso ad turpissimum adulterum diabolum, quam iniuriam sponsus contemptus ultus est, dum adulteram nudam

dam statuit, ablata imagine regis, & detractis ornamentis nuptialibus. Sed ô admirandam bonitatem sponsi, sponsam sibi ademptam & fœdissime pollutam redimere statuit: atq; ita statim spem huius redemptionis facit Pater sponsi, data promissione seminis. Tandem, quando venit plenitudo temporis, emittit Pater suum filium, natum ex Maria virgine, factum sub lege, ut sponsam, quæ sub maledictione legis erat, redimeret: quod factum est quando seipsum precium statuit, quo redempta est & erepta è manibus adulteri Sathana.

Quantum autem ad singulos homines attinet, desponsantur Christo sponso per fidem & baptisma, quemadmodum ipse sponsus ait: Desponsabo te mihi in sempiternum, & desponsabo te mihi in iusticia, et iudicio, & misericordia, & miserationibus, & desponsabo te mihi in fide, & cognosces Dominum.

In hac desponsatione duo in vniuersum spectanda sunt: Unum est pactio sponsi & eius promissio: Alterum pactio sponsæ, qua ipsa obligatur suo sponso. In pactioe sponsi sunt tria. 1. beneuolentia & amor sponsi gratuitus, quo ipsam sponsam absq; omni eius merito complectitur. 2. significatio durationis coniugij inter Christum sponsum & Ecclesiam sponsam. Desponsabo te mihi, inquit, in perpetuum. Manet igitur perpetuus Ecclesiæ sponsus. 3. Enumeratio dotum, quas suæ sponsæ largitur sponsus Christus, & numerantur hic quatuor: Iusticia, iudicium, pietas & misratio. Iusticia propria

sponsam suam ornat, dum remissis peccatis, illi suam imputat obedientiam, qua sponsa decora apparet, & pulchra in conspectu Patris sponsi. Iudicio eam ab iniuria vindicat, tuetur, ac errantem in viam reuocat. Pietate, hoc est, vera storga coniugali eam amplectitur. Est enim pietas hæc charitas ex intimis animi recessibus promanans. Miserationibus eandem prosequitur, dum quotidiana condonat errata & eius calamitatibus afficitur. Hæc quatuor sunt in pactione sponsi. Verum in pactione à parte sponsæ duo sunt: Agnitio beneficii cum celebratione Dei, & fides qua recumbit sponsa in sponsi pectus, & ab eo omnia bona promissa absq; omni diffidentia expectat. Ex hac mutua pactione, nos doctrinam, consolationem & fiduciam concipiamus, ne fracti ullis aduersis ab hoc sponso deficiamus, qui suam sponsam nunquam deserit, nisi illa prior fidem coniugij perfide violauerit. Deinde hic etiam discimus, quod quicumq; fidem Christi non habet, non sit Christi, sed est nefario adulterio pollutus. Hinc patet

Apoc: 19. quam vere dixerit Iohannes in sua Apocal. Beati qui ad cœnam agni vocati sunt.

QVINTA: quinam sint inuitatores ad has magnificas nuptias obseruandum est. I. Deus æternus sponsi Pater sua voce ad has nuptias inuitat. Deinde multi sancti Patres ante diluuium. Post diluuium Nohe, Melchizedech: Ioseph & Moses in Aegypto: Sancti Prophetæ & Reges in terra Canaan: Daniel in Iudæa. Post hos venit ipse paranympheus

phus Iohannes Baptista & digito monstravit sponsum, qui & ipse cum Apostolis clamavit & inuitavit ad has nuptias dicens : Venite, omnia parata sunt.

SEXTA: Apparatus nuptialis est considerandus. Ut enim in nuptijs hominum mactantur tauri, oves, boues & ferae : ita hic quoque nuptiarum apparatus instituitur splendidissimus. 1. panis non corruptibilis, sed vivus de caelo nobis apponitur, de quo qui ederit, non esuriet in aeternum. 2. potus adest aqua vitae. Ita enim ipse sponsus ait : Si quis biberit ex aqua, quam ego dabo, non morietur. 3. corpore suo & sanguine fatigatos nos refocillat sponsus. 4. ornat nos suis vestibus, dum ipsum per Baptismum induimus. Ita enim Spiritus sanctus ait per os Pauli: Quotquot baptizati sunt, Christum induerunt. 5. bellaria sunt fructus de arbore vitae, unde vires sponsa habitura est, ut nunquam moriatur.

Joan: 4.

SEPTIMA: Illi autem, inquit textus, recusarunt venire. Quid? Quae est haec ingratitude? Inuitati nolunt venire? Quid impediuit eos? 1. Hospes illorum domesticus peccatum inhabitans. Hic hospes suis illecebris detinet eos, quod minus ad has nuptias inuitati veniant. 2. hostis sponsi, hoc est, Diabolus vias occupat omnes, & intercludit varijs modis accessum ad nuptias. 3. negotia varia. Alius enim villam, alius boues, alius uxorem, alius aliud curat : Reliqui vero tenuerunt seruos eius & occiderunt. Hoc verissimum esse docet mundi historia. Ad

Gen: 4.

y 5

bas

Gen: 6. has nuptias inuitauit Abel, sed Diabolus emissio
Gen: 39. suo satellite Cain, ipsum occidit. Ad has centum &
 viginti annos inuitauit Nohe, sed ab inuitatis deri-
Exod: 17. sus contemnitur. Ad has Ioseph in Aegypto inuita-
 uit, sed ab impudica adultera accusatus in carce-
 rem conijcitur. Ad has inuitauit Moses, sed multa
 patitur ab inuitatis. Ad has nuptias inuitant Pa-
 triarchæ & reges sanctissimi, sed illorum vox sper-
 nitur. Tandem venit paranympus ipse Iohannes,
 sed ab Herode trucidatur. Ad has inuitat ipse
 sponsus filius Dei, sed in patibulo crucis suspenditur.
 Ad has inuitant Apostoli, & deinde omnes pij mi-
 nistri verbi, quos Diabolus adortus, partim sophisti-
 ca, partim tyrannide, partim hypocrisi necare con-
 tendit. Adeo maxima pars mundi ingrata recusat
 ad has filij Dei nuptias venire.

Gen: 7. OCTAVA: Quid rex ad hæc? Primum irasci-
 tur, quod sanè non mirum est. Vidit enim se contem-
 ni & suas nuptias ab ijs, qui quidquid habent boni,
 velint nolint, ei acceptum ferre coguntur. 2. punit
Gen: 19. corporaliter: id quod mundus ingratus, quem per di-
 luuium occidit Dominus, expertus est. Hoc Sodomi-
 ticum incendium testatur: hoc excidium Hierosoly-
 mitanum conuincit. 3. punit spiritualiter in hac vita
 tenebris & ignorantia, post mortē æternis supplicijs.
Ln: 16. Exempla huius pœnæ sunt Græcia, Turcia, Italia
 & maxima florentissimaq; pars totius orbis terra-
 rum. Hoc serò, sed frustra resipiscens in inferno testa-
 tur diues ille Epulo, qui illic æternis pœnis cruciatur.

NONA:

N O N A: *An rex nuptias, quas instituerat propter hominum ingratitudinem intermittit? Minimè: sed ait servis suis: [Nuptiæ quidem paratæ sunt, sed qui erant inuitati non erant digni.] Hoc etsi de ingratitudine totius mundi intelligi potest, tamen potissimum Christus hic agit de Iudæorum ingratitudine, quibus hac oratione comminatur exclusionem à nuptijs filij Regis.*

[Ite ergo ad exitus viarum & quoscunq; inueneritis vocate ad nuptias.] En liberalitatem huius regis. Iubet inuitari ad nuptias filij, omnes absq; conditione gentis & personarum. Loquitur enim de vocatione gentium ad Euangelium. Et diligenter obseruandum est quod dicit: quoscunq; inueneritis vocate ad nuptias. Sed quando hoc dictum est ministris sponsi? quando Christus dixit: Ite in mundum *Matt: 16.* *vniversum & prædicatè Euangelium omni creaturæ, qui crediderit & baptizatus fuerit saluus erit qui vero non crediderit condemnabitur.*

D E C I M A: *[& egressi serui eius in vias congregauerunt omnes, quos inuenerunt bonos & malos, & impletæ sunt nuptiæ discumbentibus.] Hoc factum est post diem Pentecostes, postquam armati fuerant Apostoli Spiritu sancto, & deinde vsq; in hunc diem per Euangelij ministros.*

D E S E C V N D O.

[Intrauit autem Rex, vt videret discumbentes, & vidit hominem non vestitum veste nuptiali & dicit

Mat. 13. dicit ei: *Amice, quomodo hic intraſti non habens veſtem nuptialem?*] Hic locus primum docet, quod in cœtu Eccleſiæ viſibili ſint mali commixti bonis uſq; ad extremum diem: idq; quod etiam parabola de zizanijs docet. Nec eſt ſperanda talis Eccleſia in hac vita, qualem Anabaptiſtæ fingunt. Eſt enim Eccleſia perſimilis agro, in quo creſcit cum zizanijs triticum. Quemadmodum enim triticum manet tibi triticum, etſi plurimum zizaniæ ſubinde oriatur: Ita Eccleſia ſancta manet, tametſi quædam habeat putrida membra. Sunt quidem Eccleſiæ membra quotquot profitentur Chriſti religionem: ſed alia ſunt viua alia mortua. Viua ſunt, qui viuam habent fidem: Mortua ſunt qui religionem profitentur ſine viua in Chriſtum fiducia. Qui autem ſunt extra viſibilem Eccleſiæ cœtum, hoſtes doctrinæ, nec viua nec mortua membra ſunt.

Sequitur, quod rex ingreſſus viderit hominem non indutum veſte nuptiali. Quenam eſt iſta nuptialis veſtis? Hoc neceſſarium eſt ſcire, vt nuptiarum Chriſti dulcedine perpetuo frui liceat. In extremo die in conſpectu huius regis ſtabunt duo genera hominum, quorum alij recuſarunt venire ad has nuptias, quales ſunt Turcæ, & impij Iudæi & multe prophanæ gentes hodie. Horum neminem habere veſtem nuptialem manifeſtum eſt, quorum tamen multi ciuilem honeſtatem amant. Quare iſta externa ciuilitas Ariſtidis, Fabricij, Fabij Maximi, Catonis, nequaquam eſt veſtis iſta nuptialis, quam
hic re-

hic requirit. Alij venerunt ad nuptias, hoc est, ad
 prædicationē Euangelij se in externum Ecclesiæ cœ-
 tum receperunt. Verum hi non sunt vnius generis.
 Quidam enim suis operibus fidunt & putant suam
 turpitudinem tectam vestitu operum suorum. An
 hic vestis nuptialis est? nequaquam: Nam exclu-
 duntur à nuptijs. Nemo autem qui vestem nuptia-
 lem adfert, à nuptijs excluditur. Alij nulla habent
 opera, nisi mala: sed gloriantur de fide, & iactant se
 fideles esse, & hanc suam vanam gloriationem ex-
 istimant vestem esse nuptialem, sed frustra. Dicit
 enim Dominus de talibus hypocritis: Non omnis
 qui dicit mihi Domine Domine, intrabit in regnum
 cœlorum: sed qui Patris mei voluntatem facit, qui
 in cœlis est. Alij verè credunt, & hi mortificant
 carnem, & viuunt spiritu, & agunt pœnitentiam,
 & vitæ innocentiam meditantur. Hi soli vestem nu-
 ptialem habent. Siue ergo fidem viuam, siue sancti-
 ficationem dixeris vestem nuptialem, non erraueris.
 Nam vocatio ad nuptias, vt fidem: ita sanctifica-
 tionem veram requirit. Quod autem hæc sit vestis
 nuptialis, in Abele, Abrahamo, Magdalena &
 alijs multis sanctis apparet. Neq; mirum est huius-
 modi viuam fidem vestem nuptialem esse. Nam qui
 credit, eius peccatum remissum est, ei ira Dei abla-
 ta est, is filius Dei est. Nam scriptum est: Dedit po-
 testatem filios Dei fieri quotquot credunt in nomen
 eius. Qui credit in eum, habet vitam æternam. De-
 inde, Credenti imputatur iusticia Christi, qua homo
 ornatus

Matth: 7.

Jo: 1.

Jo: 3.

4

10

11

12

ornatus apparet iustus in conspectu Dei. Verum hic cauendum est, ne larvam aliquam pro vera veste sumas, id est, ne inanem fiduciam pro vera & viua fide iactes. Si uis ergo eius notas habere, scito has esse. Ubicunq; est vera fides, ibi simul adest pœnitentia, verum odium peccati, veri terrores, rursus consolatio in corde accensa per Spiritum sanctum, studium gloriæ Dei promouendæ inter homines, officia charitatis, seu, ut vno verbo dicam, vera sanctificatio, quæ non est aliud, quam separatio à prophanitate mundi per mortificationem carnis, & applicatio ad Deum per viuificationem spiritus. Hæc sanctificatio ubicunq; est, in perpetua lucta est posita. Nam caro militat aduersus spiritum. Sanctificatio hæc non vno perficitur momento: sed toto vitæ tempore crescit, id quod vita sanctorum facile docere potest. Hæc sint dicta de veste nuptiali.

Sed quid quæso fiet eis, qui hanc vestem non habent? Hoc textus his verbis docet: [Ligatis manibus & pedibus eius, mittite eum in tenebras exteriores, ibi erit fletus & stridor dentium.] Tenebræ exteriores notant supplicia & tristitias, quæ sunt extra regnum Dei nempe in inferno. In has tenebras missus est diues Epulo, & omnes quotquot veste nuptiali non inueniuntur induti, eò conijcientur.

DE TERTIO.

[Multi sunt vocati, pauci vero electi.] Hoc Christi dictum duo continet, nempe predicationem misericordie

1m: 16.

*ricordiae & bonitatis Dei (qui omnes vocat ad nuptias filij sui. Neq; ullos vocare putandus est, quos non vult interesse nuptijs filij sui) & querelam de ingratitudine maximae partis totius mundi. Multi sunt (inquit) vocati. Iussit enim sponsus, vt Aposto-
 li irent in orbem vniuersum, & vocarent ad nuptias has, omnes, & vt supra dixit: Vocate ad nuptias quoscunq; inueneritis. Sed pauci sunt electi, id est, pauci habent vestem nuptialem. Electi enim dicuntur, qui ab alijs segregati sunt & pra alijs sunt eximij. Ideo Petrus dicit Christianos electos esse in sanctificationem spiritus, id est, vt spiritu sint sancti. Deus quidem vult omnes homines saluos fieri, vt Paulus docet & parabola haec ostendit, imo Christi vox Matth. II. hoc conuincit: Venite ad me omnes qui laboratis & onerati estis ego reficiam vos. Hoc dictum opponamus omnibus hostibus gratiae Dei. Si ergo Deum respicis, Deus vult omnes homines saluos fieri & ad cognitionem veritatis peruenire, & vocat omnes promiscue ad nuptias filij sui. At si homines respicis, pauci sunt electi, id est, pauci auditum Euangelium fide recipiunt & spiritu sanctificantur. Quare causa damnationis non est in Deo: sed in nobis ipsis quaerenda est. Quoties volui (inquit Christus) congregare filios tuos & noluisti. Ecce duo hic habes: Christus voluit: Ierusalem noluit. Monemur proinde hoc dicto, quod non satis sit audire Euangelium sed obtemperare Euangelio oportet. Nam ideo praedicatur vt Petrus docet, vt
 morti-*

+ Pa. +

1 Pet. 1.

1 Thim. 2.

1 Tim. 2.

Mat. 23.

1. Pet. 4.



mortificemur secundum carnem, & viuamus secundum spiritum.

Hæc sint dicta de hodierno Euangelio: ex quo discamus Deum nos non ad perditionem, sed ad beatitudinem creasse, & omnia quæ ad veram beatitudinem spectant gratis præparasse. Deinde, quod qui damnantur sua damnentur culpa, vt, qui nolint Euangelio obtemperare. Quare si nobis salus curæ est induamus vestem nuptialem, & meditemur veram sanctificationem per Iesum Christum Dominum nostrum, cui cum Patre & Spiritu sancto sit honor in sæcula seculorum, A M E N.

DOMINICA
XXI. POST TRINITATIS,
EVANGELIUM IOHAN. 4.

ERat quidam regulus, cuius Filius infirmabatur Capernaum. Hic cum audisset, quod Iesus aduenisset à Iudæa in Galilæam, abiit ad eum, & rogabat eum, vt descenderet, ac sanaret ipsius filium, siquidem is agebat animam. Dixit ergo Iesus ad eum: Nisi signa & prodigia videritis, non creditis. Dicit ad eum regulus: Domine, descende prius quam moriatur filius meus. Dicit ei Iesus: Vade, filius tuus viuit. Credidit homo sermoni, quem dixerat ei Iesus, & ibat. Iam autem eo descendente, serui occurrerunt ei, & nunciauerunt dicentes: Filius tuus viuit. Sciscitatus est ergo horam ab eis,
in qua

in qua melius habuisset. Et dixerunt ei: Heri hora septima reliquit eum febris. Cognouit ergo pater, quod illa hora erat, in qua dixisset sibi Iesus, Filius tuus viuit. Et credidit ipse, & domus eius tota. Hoc iterum secundum signum edidit Iesus, cum venisset à Iudæa in Galilæam.

ENARRATIO TEXTVS.

HOC Euangelium docet nos, quò sit in omnibus huius vitæ calamitatibus fugiendum: nimirum ad omnis salutis & fælicitatis fontem Iesum Christum: quod etiam Isaias monet cum ait: *Haurietis aquas de fontibus saluatoris.* Ad hunc fontem non pedibus, sed affectibus: non ratione, sed fide accedendum est. Docet præterea hoc Euangelium, quàm promptus sit Christus ad iuuandum, qui nullum, qui ad se venit, dimittit sine consolatione. Non enim aliter est affectus erga quenquam, quàm erga hunc regium virum & aulicum de aula Herodis: quem non solum verbo consolatus est, verumetiam miraculo iuuuit. Summa propterea Euangelij in illud Iohelis dictum includitur: *Omnis, qui inuocauerit nomen Domini, saluus erit.* Loci tres:

- I. De humanis calamitatibus, earum causa & remedio.
- II. De increpatione, qua Christus hunc regium increpat.
- III. Veræ fidei natura & indoles.

DE PRIMO.

Σ

[Erat

Esa: 12.

Ioh: 2.
Act: 2.

4

10

11

12

[Erat aulicus quidam, cuius filius infirmabatur.] Hic mæstus pater, & agrotus filius, mundi calamitates nobis ob oculos ponunt: quæ sicuti sunt pænæ peccatorum: ita etiam veluti conciones quædam sunt iudicij diuini, quibus ad pœnitentiam inuitamur, sicuti hic aulicus mæstus propter filij morbum sentit suum peccatum, & illud deplorat. Huc pertinet illud Isaie: Angustia erit illis disciplina. Verum vt bonitatem Dei erga nos consideremus melius, dicam quibus modis Deus potissimum soleat nos ad pœnitentiam inuitare: Sunt autem præcipui sex modi.

PRIMVS: proponit doctrinam legis, qua tanquam in tabula pingit peccata nostra: ostendit mentis cæcitatem: dubitationem de prouidentia Dei, de promissionibus & comminationibus: ostendit affectuum impuritatem: ostendit cordis fœtorem, voluntatis auersionem à Deo, & omnium virium ataxian. Deinde in secunda legis tabula, iniusticiam nostram erga homines & impuritatem affectuum nostrorum, adeo vt si quid iusti in tota nostra vita, antequam ad Christum conuersi fuerimus, appareat, id sit non secus quàm pannus tabo & impurissimo sanguine fœdatus: id quod Isaïas conqueritur his verbis: Omnes iusticie nostræ tanquam pannus sordidissimus. Has nostras sordes ideo nobis lex proponit, vt earum fœtore admoniti agamus pœnitentiam, & discedamus à vjs nostris pessimis.

SECVNDVS: magnitudo calamitatum internarum,

narum, quas nemo satis describere & deplorare potest, neq; ullius hominis tanta calamitas vnquam fuit, quin aliquis nostrum possit in eam incidere, sicuti pie monet Ambrosius, cum ait: Aut sumus, aut fuimus, aut possumus esse quod hic est. Quanta fuit calamitas Adam, qui non solum vidit vnum filium *Gen: 4.* alterum occidere: verumetiam vidit nongenis annis tristissimos nepotum suorum lapsus. Quantus fuit cruciatus in animo Davidis cum supra filiarum, fratricidia filiorum vidit? Quid dicam de paucis? omnes homines morsum serpentis sentiunt, qui morsus alio non spectat, quam vt inde agnoscamus, iustissimum iudicium Dei, & confugiamus ad veniam per veram pœnitentiam. Manasses rabiose insurrexit aduersus Ecclesiam Dei 25. annis, & se horrendis modis contaminauit, nec vnquam cogitasset de agenda pœnitentia, nisi in Babylonicum carcerem fuisset abductus, vbi angustia carceris dedit illi intellectum. Ibi enim ex calamitatum magisterio doctus, flectit genua cordis, & veniam peccatorum supplex petit, quam & impetrat. *2 Reg: 13.*

TERTIVS: proponit nobis Deus aliena exempla, tragicos lapsus & multorum horrenda supplicia, vt illis admoniti agamus pœnitentiam. Omnes enim lapsus hominum, qui in historijs sacris & prophetis proponuntur, eò pertinent, vt nos cautos reddant. Cain lapsus in peccatum, obrutus est æternis pœnis. Saul deficit à Deo, & non reuersus *Gen: 5.* est per pœnitentiam, sed est ira Dei oppressus. *1 Reg: 15.*

22

Multi

Multi hodie ab Euangelio deficientes, incidunt in laqueos Diaboli: vnde nunquam extricare se possunt. Quare horum horrendis lapsibus & tristissimo supplicio admoniti, agamus maturè pœnitentiam, ne Deus iratus nos abiiciat: & simus memores dicti Poëtæ: Fœlix quem faciunt aliena pericula cautum.

NB.

Ro: 8.

QVARTVS: concionatur aliquando Deus per tempestates, terræmotum, horrendos aspectus in cœlo, quales visi sunt ante destructionem Ierusalem: vt comete instar gladiatorum, quales vidit hæc ætas permultos, quorum admonitu nisi egerimus pœnitentiam in pœnas incidemus grauissimas. Hoc anno, qui est à natiuitate Christi 1561. visus est in cœlo vir cruci affixus habens in capite coronam spineam. Huius visionis multos testes habeo, inter quos sunt nonnulli nobiles & p̃ij viri fide dignissimi. Pluit sanguis eodem die, & alia multa quotidie conspiciuntur. Quoties ergo offeruntur nobis huiusmodi visa cœlestia, sciamus Deum inuitare nos ad pœnitentiam his symbolis suæ iræ. Cum autem Dominus dicit: nolite à signis cœli metuere, vult vt agamus pœnitentiam, ne mala quæ mirantur signa nos obruant. Nam omnia pœnitentibus cooperantur in salutem.

QVINTVS: proponitur nobis mors filiij Dei, in qua Deus ostendit maximam suam iram aduersus peccatum: & simul inuitat ad pœnitentiam. Is enim in cruce expandit brachia sanguine madida, & inuitat

inuitat totum mundum ad pœnitentiam, & offert gratiam omnibus pœnitentiam agentibus. Quicunq; ergo differt pœnitentiam, contemnit filium Dei, suo tempore pœnas horrendas luiturus.

SEXTVS: incertus vitæ huius exitus. Vita enim nostra similis bullæ est & flori, qui est in agro, qui hodie floret, cras in ignem mittitur. Huius vitæ imbecillitatē proponit nobis etiam diuus Iacobus. Vidimus multos, qui sine pœnitentia vixerunt, subitanea morte tolli, adeo vt locus ad pœnitentiam non sit illis relictus. Securis (inquit Iohannes) ad radicem arborum posita est. Et Salomon dicit: Si ceciderit arbor ad austrum aut ad aquilonem, in loco, in quē ceciderit ipsa arbor, ibi erit, id est, talis iudicaberis, qualem te in hora mortis inuenerit iustus iudex.

Ecce quot modis Dominus nos ad pœnitentiam inuitat. Ipse ait: Nolo mortem peccatoris, sed vt conuertatur & viuat. Hanc suam voluntatem declarat, cum tot modis adeo paternè nos ad pœnitentiam inuitat: quæ sanè ad pœnitentiam inuitatio ad omnes spectat.

Sed Paulus dicit, Deum non multos sapientes secundum carnem, non multos potentes, non multos præclaro genere natos elegisse: sed idem dicit: Deus vult homines omnes saluos fieri. Quomodo ergo non eligit? Dicitur Deus eos non elegisse, non quia non voluit eorum salutem, sed propter euentum, hoc est, quia sapientia huius mundi, potentia & charitas generis multos inescat & abstrahit ab obedientia

Mal: 3.

Et: 11.

Ezech: 33.

1 Cor: 1.

1 Tim: 2.

4

10

11

12

Euangelij. David fuit diues & potens : fuit etiam diues & potens Nero : quorum ille non est inescatus suis diuitijs & potentia, vt deficeret ab Euangelio: hic vero qui pluris fecit presentem fortunam, quam futura vite gloriam à diuitijs suis damnationis materiam sumpsit Isaac fuit claro genere natus, fuit & Ismael clarus: sed non vtriq; fuit par studium. Ismael enim claritate sui generis contentus, promissiones spreuit, contra, Isaac fide promissionis iustificatus & saluatus est. His exemplis clarè docetur, quòd Dominus neminem abijciat propter dona, quæ in ipsum cumulauit. Nam potentia, diuitiæ, claritas generis, bona Dei dona sunt, quibus qui rectè vtitur, fœlix est: Qui vero malè, sua culpa vertit sibi dona Dei in damnationis instrumenta. Consilium ergo Pauli amplectamur, modo nobis salus curæ est. Is enim ita dicit 1. Cor. 7. Qui vtuntur hoc mûdo, sint tanquam non vtentes. Vult Christiani hominis animum rebus terrenis non occupari, vt nos à via recta vite abducât. Sic nos vult viuere, quasi singulis momentis migrādum sit ab hac vita. In omnibus ergo rebus presentis vite corda habeamus erecta ad meditationē vite cœlestis. Huc illud Pauli: Quæ sursum sunt querite, vbi Christus sedet ad dextram Patris.

Colof: 3.

DE SECVNDO.

[Dixit Iesus ad eum: Nisi signa & prodigia videritis, non creditis.] Hic Christus increpat aulicum virum, qui fuit in magna dignitate & singulari au-

ri authoritate apud Herodem: quod tamen raro fecit Christus, præsertim cum homines tristes petentes opem ad se venirent. Hinc nos discere debemus, non esse adultores aulae & dicere placentia: sed exemplo Christi vlcus tangere, vt dolor sentiatur, vt postea fælicior cura adhiberi possit. Quantum autem ad hanc Christi increpationem attinet, sciendum est, quod increpet Deus aliàs vt Iudex, aliàs vt pater: vt sit alia increpatio iudiciaria, alia paterna. Iudiciaria, qua vt Iudex increpat impænitentes, vt scribas, Phariseos, Hypocritas, qualis illa est apud Matth. Væ vobis scribæ, Pharisei & Hypocritæ. Hæc horrenda est comminatio æternæ damnationis, cui subiectus est totus mundus, qui contemnit Euangelium, iuxta illud: qui non credit iam iudicatus est. Paterna increpatio est, qua Deus castigat omnem filium quem recipit. Hæc eò pertinet vt hæreditate promissa non excidamus. Exemplo huius increpationis sunt omnes sancti hinc inde vsq; ab initio mundi. Nemo enim vnquam fuit qui non aliquando virgam paternam sensit. Bonum est, inquit David, quod humiliasti me vt discerem iustificationes tuas. Utraq; increpatio nos merito monere debet, vt fugiamus peccata, ne incidamus in manus Dei viuentis & nostra culpa abiecti æternum pereamus. Hic lenemus oculos, ac mores mundi videamus.

Multi alieni à pietate videri non volunt, sed spe diuturnioris vitæ procrastinant pœnitentiam. Multi

præde-
stinatio

1 Tim: 2.

decipiuntur stoicis imaginationibus, & dicunt si
sum prædestinatus ad vitam æternam, non est quod
ego magnopere sim sollicitus: siue bene siue male
agam, Deus decretum suum propter mea scelera
non mutabit. Hæc horrenda est blasphemia. Pri-
mum, quia hoc horrendo dicto Deo fit summa iniu-
ria, qui neminem vult damnari, sed saluari, idq;
per salutem, id est, Iesum Christum, quem fide am-
plecti oportet. Non iussit Dominus prædicari Euan-
gelium huic vel illi, sed omnibus promiscuè, & ad-
dit conditionem: Qui crediderit saluus erit, qui non
crediderit condemnabitur. Hoc Dei decretum nul-
lum fatum mutabit. Proinde sic sentiendum est: vt
quemadmodum Hector apud Homerum ait: Hoc
augurium optimum est pugnare pro patria: ita fa-
tum minime fallax est Euangelio credere, modo sa-
lutem velis.

Gal: 6.

Alij quia audiunt misericordiam magnam esse,
volunt peccare: et quando illis visum fuerit pœniten-
tiam agere. Hæc cogitatio multos prostrauit & pro-
sternit hodie. Paulus dicit: Ne seducamini: Deus nō
irridetur. Quicquid seminauerit homo hoc & metet.

1 Pet: 3.

Gen: 6.

Alij multitudinem peccantium sibi proponunt.
Is (inquit) non minus salutem suam vellet, quam
ego. Deus non tantam multitudinem perdet. Sed vi-
de quid acciderit in diluuiō. Christus spiritu per os
Nohe prædicauit spiritibus, hoc est, illis quorum
animæ nunc sunt in carcere: sed maxima pars orbis
terrarum Christi spiritum concionantem audire
recusa-

recusavit, adeo quod tantum octo homines seruati sint. Nihil hic inuit malorum multitudo. Quinq; ciuitates, quarum capita fuerunt Sodoma & Gomorra, vocem Loth contempserunt. Quid inuit illos multitudo? Nonne ad vnum omnes perierunt, excepto vno viro Loth cum duabus filiabus? Quare caueamus, ne nos turba peccantium à pœnitentia impediat: fugiamus impiorum voces, qui nos ad peccandum inuitant: meminerimus dicti Christi, *Lu: 13.* qui mentiri nequit: Nisi pœnitentiam egeritis, omnes similiter peribitis.

DE TERTIO.

[Et credidit homo sermoni quem dixit ei Iesus & ibat.] Hic primum obseruandum est, quòd Christus non reiecerit hunc aulicum, propterea quòd ipsius fides erat infirma. Reprehendit quidem fidei imbecillitatem, sed non abiicit. Non enim arundinem fractam diminuit Dominus, nec linum fumigans extinguit, sed potius illam subleuat, & hoc excitat. Discipulos obiurgat ob vacillantem fidem, sed non eos tanquam indignos à se repellit. Nouit enim quæ sint imbecillitates nostræ: nouit quantis arietibus concutiatur fides nostra: nouit quod in omni homine sit dubitatio horribilis.

Sed Philippus dicit Eunuchò petenti baptismum: Si perfectè credideris. Ergo si baptismus conferri nequit sine perfectà fide, neq; alia beneficia sunt expectanda. Hic sunt duæ quæstiones: Una de dubi-

75

tatione:

tatione : altera de perfectione fidei. Quantum ad dubitationem, ita respondeo. Fides est firma & infirma : sed secundum diuersa principia. Si enim

Gm: 18.

Sara, cui promissum fuit semen, risit, & ex carnis sensu magnam dubitationem habuit. Sic Abraham & multi sancti, quoties carnis sensu tanguntur, dubitare nonnihil incipiunt. Caro enim perpetuo

Gal: 5.

aduersatur spiritui : nec est quod quisquam tantum robur fidei expectet, quin subinde carnis arietibus concutiatur. Verum si spiritum respicis, fides firma est, nihil ambigit, Abraham, inquit Paulus, non hæsitaui diffidentia, eo quod fuerit effectus, et uxor Sara fuerit sterilis & natura & ætate, sed dedit gloriam Deo, quod præstare posset, quod promiserat.

Ro: 4.

Quomodo perfecta est fides? nonne quotidianis incrementis indiget? Est perfecta fides, & tamen indiget quotidianis incrementis. Perfectam habuit fidem qui dixit : Credo D O M I N E, sed auge fidem meam. Hoc pulcherrima hac similitudine ostendi potest. Puer recens natus, est homo perfectus. Vir adultus est homo perfectus. Ita est cum fide. Fides est perfecta, quæ Christum perfectum recipit & apprehendit, sed opus habet quotidianis incrementis, quò absoluta fiat suis partibus. Sicut puer, etsi perfectus est homo, tamen vi-

Mar: 9.

ctu & alimento indiget, quò iustam quantitatem acquirat : Ita qui credit, opus habet perpetua meditatione verbi Dei, opus habet panem cælesti, opus habet

habet potu spiritali, quò indies noua incrementa accipiat: id quod in apostolis videmus. Petrus fidem habuit, quando dixit: quo ibimus, verba vitæ habes. Verum hæc Petri fides maiores vires habuit, & veluti adulta fuit die Pentecostes, quando Spiritum Christi visibiliter nactus prodijt in medium, & Christo vna concione tria millia hominum adduxit. Ita in cæteris quoq; crescere debet fides: cuius si substantiam respicis, statim vbi concepta fuerit ex verbo, est perfecta: si vero quantitatem, quotidianis incrementis augefcit.

Quantum autem ad actiones fidei attinet, pulcherrimè ostenduntur in hoc aulico. Primum etenim vrget fides hunc aulicum, vt in suis calamitatibus ad Christum confugiat, tanquam ad verissimum & peritissimum medicum omnium morborum & calamitatum. Deinde eum impellit, vt Christum inuocet, petatq; ab eo auxilium. Ad hæc facit, vt non statim Christum deserat, vbi ad primam petitionem non impetrat quod vult: sed vt vrgeat Christum precando: vt non sinat se asperiori responso terreri ab eo, quem vnicum saluatorem agnoscit. Hoc enim dum fit, impetrat à Christo quod vult: vnde crescit magis, & fit ad petendū alacrior & ardentior, & edit fructus confessionis & glorificationis, sicuti hic dicitur: Et credidit ipse, & domus eius tota. Hinc ergo sex fidei proprietates colligere licet, quas habet perpetuas.

PRIMA, fides nos ad Christum in nostris calamita-

lamitatibus petitum auxilium impellet: non nouit sanctos quos inuocet, sed solum Christum, quem agnoscit vnicum mediatorem esse inter Deum & hominem.

SECUNDA, ubi Christum accessit, eum inuocat, non sua dignitate, sed eius clementia & misericordia freta.

TERTIA, non si mox non impetrauerit ociosa quiescit, & despondet animum, sed in orando perseuerat.

QUARTA, impetrat quod vult: vult autem quod in Dei gloriam cedere potest.

QUINTA, postquam impetrauit quæ voluit, magis crescit, & iustam quantitatem accipit.

SEXTA, edit fructum confessionis & prædicationis Dei. Et diligenter obseruanda est hæc clausula, [Credidit ipse, & domus eius tota.] Simile refert Lucas de Cornelio. Hinc ergo discamus nostram familiam ad pietatem assuefacere, simus ei typus & forma doctrinæ, rudes instituamus, delinquentes corripiamus, desides excitemus: Breuiter, omnia faciamus, ut quot sunt familiæ, tot sint & Ecclesiæ. Verum, qui nullam curam familiæ habent, ut piè instituatur, fidem quidem iactare possunt, sed tantum fumum fidei habent, & non veram fidem, quæ perpetuò frugifera est per Iesum Christum Dominum nostrum, cui laus & gloria in secula seculorum,

AMEN.

DOMI-

DOMINICA

XXII. POST TRINITATIS,

EVANGELIUM MATTH. 18.

Assimilatum est regnum cœlorum homini regi, qui voluit conferre rationem cum seruis suis. Et cum cœpisset conferre, oblatus est ei vnus, qui debebat ei decem millia talentorum. Cæterum cum is non esset soluendo, iussit eum dominus venundari, & vxorem eius, & liberos, & omnia quæ habebat, ac fieri solutionem. Procidens autem seruus ille, adorabat eum, dicens: Domine, esto patiens erga me, & omnia tibi reddam. Misertus autem dominus serui illius, absoluit eum, & æs alienum remisit ei. Egressus vero seruus ille, inuenit vnum de conseruis suis, qui debebat ei centum denarios, & iniecta in eum manu, obtorto collo trahebat, dicens: Solue quod debes. Et procidens conseruus eius, rogabat eum, dicens: Esto patiens erga me, & omnia reddam tibi. At ille nolebat, sed abiit & coniecit eum in carcerem, donec redderet debitum. Porro cum vidissent conserui eius quæ fiebant, indoluerunt valde, & venerunt, aperueruntq; domino suo omnia quæ facta fuerant. Tunc accersit illum dominus suus, & ait illi: Serue sceleste, totum debitum illud remisisti tibi, cum obsecrasses me. Nonne oportuit & te misereri conserui tui, sicut & ego tui misertus eram? Et iratus dominus eius, tradidit eum

eum tortoribus, quousque redderet totum, quod debebatur sibi. Sic & Pater meus cœlestis faciet vobis, si non remiseritis suo quisque fratri de cordibus vestris delicta illorum.

ENARRATIO TEXTVS.

Occasio huius Euangelij fuit interrogatio Petri, qui Christum interrogat, quoties remittat peccanti aduersus se fratri, an vsq; septies. Huic Dominus respondet: Non dico tibi vsq; septies, sed ad septuagies septem, scilicet peccata. Septuagies septem sunt, quadringenta & nonaginta, quo numero significatur, quod fratri resipiscenti toties condonabimus offensam, quoties in nos peccauerit. Posuit enim numerum finitum pro infinito. Verum quia hoc durum videbatur Petro, Dominus proponit parabolam, cuius hæc est sententia. Deus pater cœlestis condonat nobis sæpissimè contra se peccantibus: Quare nos quoq; fratribus resipiscentibus, qui nos læserunt, condonabimus. Pertinet igitur hoc Euangelium ad tertiam partem pœnitentiæ, videlicet ad nouam vitam ex fide degendam: cuius nouæ vitæ quædam pars est mutua erratorum quæ incidunt condonatio. Quò autem hæc parabola clarius intelligi possit, rerum collationem instituam hoc modo. Quemadmodum se homo prædiues creditor habet ad debitorem pauperrimum, sed humiliantem se, prosternentem se coram creditore, & petentem veniam: sic se habet Deus erga peccato-

peccatores humiliantes se in vera pœnitentia coram Deo, prosternentes se, & petentes remissionem peccatorum propter Christum. Sed creditor diues humilianti se debitori debitum condonat. Ergo Deus pœnitenti ex misericordia condonat omnia sua peccata. Iam sicut Deus se habet erga peccatores sepius aduersus se delinquentes: sic habebit se Christianus erga fratres seu conseruos suos in se delinquentes. Proinde vt Deus condonat gratis nobis errata nostra: ita & nos offensas, quibus læsi sumus à fratribus, remitemus. Verum contra: quemadmodum creditor habet se aduersus eum debitorem, cui condonauit prius debitum, & postea eum crudelem deprehendit aduersus fratrem suum: sic se habet Deus erga eos, quos receperat prius in gratiam, & postea deprehendit crudeles erga proximum suum. Sed creditor huiusmodi ingratum hominem reuocat ad rationes reddendas. Ergo & Deus reuocat ad seuerum iudicium, qui fuerint duri erga proximos. Proinde condonandum est proximo, quotiescunq; aduersus nos peccauerit.

Loci tres:

- I. Vera agendi pœnitentiam ratio.
- II. Cōmendatio misericordiæ Dei erga peccatores.
- III. Officia mutua Christianorum, condonare & condonari.

DE PRIMO.

Para-

Parabola creditoris & debitoris pulcherrimam agenda pœnitentiæ rationem proponit, qua non est alia illustrior in toto nouo testamento: Quare omnes eius circumstantias perpendamus: Quis sit creditor: Quando exigat rationem: Cur debeamus: Quantum debeamus: Quid faciendum vbi vrgeatur ratio: Quomodo satisfiat iusticiæ Dei, quæ efflagitat, vt soluatur quod debetur.

Quis est creditor? Deus rex cœlestis. Is nos donauit multis bonis: formauit nos ad suam imaginem: dedit lucem in mente, rectitudinem in corde, & vires interiores & exteriores, quibus potuimus ei obedientiam præstare.

An non hæc sunt abolita per peccata primorum parentum? Verum quidem hoc est: sed dona quæ contulit Adam, ad totam eius posteritatem pertinebant. Cum ergo ille noster parens amisit dona, & se & nos secum in mortem coniecit. Proinde recte repetit à nobis Deus, quod in nostro parente amisimus: imò multis modis nos auximus debitum, vt eius summa ita magna sit facta, vt nemo possit eam soluere, etiamsi se & sua omnia vendat.

Quando hic creditor exigat rationem? Etsi autem perpetuo nos huius debiti admonet, tamen potissimum rationem exigere putandus est. Primum, quoties nostra conscientia peccati nos coarguit & veluti nos ad tribunal Dei prouocat. Deinde, quando Spiritus sanctus in ministerio legis venit, & arguit peccatum & prouocat ad pœnam nisi fiat solutio.

lutio. Præterea, quando signa iræ Dei conspiciuntur, vel in cælo, vel in terra. Adhæc, cum cruce aut morbo vexamur, quæ sunt veluti ministri Dei, qui nos ad soluendum debitum vrgent.

Sed cur peccata vocantur debita? Quoniam quemadmodum debita civilia obligant ad solutionem: ita peccata ad satisfactionem pænæ nisi fiat solutio.

Cur debemus? hoc iam dictum est. Debemus enim tantum quantum apud parentem nostrum Adam deposuit, quod totum amisimus, & insuper novis debitis nos oneravimus, quotidianis transgressionibus aduersus Dei sanctissimam legem, illius in nos iram prouocantes.

Quanta est debiti summa? Respondet creditor, quod debeas decem millia talentorum, & quod tu non habeas obolum, tantum abest, vt tantum debitum vnquam soluere possis. Decem præcepta continent debiti partes. Exigitur à te timor Dei, dilectio, fiducia, patientia, in primo præcepto: quia hanc obedientiam non præstitisti et soluisti, debes pœnam. Ita examinandum est debitum in singulis præceptis primæ & secundæ tabulæ: vnde magnitudo debiti colligenda est.

Sed quid hîc faciendum est? Imitari debemus exemplum huius debitoris, qui se prosternit coram suo creditore, se humiliat, petit veniam, quam & consequitur. Hoc est, Agnoscemus peccati magnitudinem: dolebimus ex corde, quod non reddiderimus

A a

quod

quod debuimus: & confugiemus fiducia Christi ad Patrem cœlestem, petentes veniam & condonationem debiti: quod cum fecerimus habemus promissionem, quod velit nos, condonato toto debito, in gratiam recipere. Hoc clarè in præsenti miraculo indicatur: cuius rei nunc aliquot exempla proponam ad nos excitandos.

Mulier peccatrix Luca 7. agnoscens suum debitum, confugit ad gratiam, & viva fiducia recumbit in Christum, quam Dominus mox pronunciat consecutam esse condonationem debiti. Ita enim ait: Remissa sunt ei peccata multa. Sed ibi additur: quia dilexit multum. Christus non eam dicit debito satisfecisse dilectione: sed postquam nacta est solutionem debiti dilexit: id quod Christus apertè proposita hac parabola indicat. Nam cum Phariseus offenderetur, quod Christus non reiiceret hanc mulierem, tanquam peccatricem, & ministerium eius non improbareret tanquam impurum, ita eius peruersum iudicium corrigit. Duo debitores (inquit) erant cuidam creditori: vnus debebat denarios quingentos, alter quinquaginta. Quum autem illi non essent soluendo, condonauit vtrisque. Horum igitur dic vter plus diligit? Respondens Phariseus dixit: Existimo quod is cui condonatum plus est. At ille dixit ei: Rectè iudicasti, & conuersus ad mulierem, dixit Simoni: vides hanc mulierem. Ingressus sum in domum tuam, aquam pedibus meis non dedisti: hæc autem lachrymis rigauit pedes meos, & capillis ca-

lis capitis sui extersit : osculum mihi non dedisti :
 hæc autem non intermisit deosculari pedes meos :
 Oleo caput meum non unxisti, hæc autem unguento
 unxit pedes meos. Cuius rei gratia dico tibi, quòd
 remissa sunt peccata eius multa, nam dilexit mul-
 tum. Cui enim paululum remittitur, paululum dili-
 git. Dixit autem ad eam : Remissa sunt tibi peccata
 tua. Hic aperte videmus, quòd nacta remissionem
 debiti dilexerit. Nam remissionem peccatorum de-
 bet noua obedientia sequi, quæ dilectionis nomine
 hic significatur.

Videamus quoque exemplum Davidis, in quo con-
 spiciuntur hi duo motus, quos in peccatrice vidi-
 mus : ingens pavor & consolatio. Nam cum à Pro- 2 Reg: 12.
 pheta Nathan arguitur de rapta coniuge alterius,
 & de nece mariti, existunt in Dauide horrendi pa-
 uores propter magnitudinem debiti sui, quales pa-
 uores sæpè describit. Non est pax ossibus meis à Psal: 30.
 conspectu peccatorum meorum. Agnoscit iram Dei
 aduersus peccatum : dolet propterea quòd offendit
 Deum : metuit se abiecti à Deo, sicuti ante viderat
 horribiliter abiecti Saulem : deniq; metuit æternas
 & presentes pœnas. Hic fuisset dolore extinctus,
 nisi audiuisset consolationem à Propheta, vice Dei :
 Non morieris, Dominus abstulit peccatum tuum. 2 Reg: 12.
 Hac audita consolatione accenditur in eo fides, qua
 apprehendens absolutionem, incipit intueri miseri-
 cordiam Dei, & in mediatore acquiescit.

A a 2 Nuper

Lz: 18. Nuper audiuius pulcherrimum exemplum in publicano, qui adeo agnouit magnitudinem sui debiti, quod ne oculos leuare sit ausus: tamen audita misericordiae Dei magnitudine, erigit se fide & precatur: Deus propitius esto mihi peccatori: atq; ita totius debiti gratuitam remissionem accepit.

Hæc exempla nobis proponamus quæ clare monstrant nobis pœnitentiæ & remissionis peccatorum doctrinam: quod remissio peccatorum sit debiti gratuita condonatio, quæ illi contingit qui agit pœnitentiam & confugit ad misericordiam Dei propter Christum. Etsi autem hæc remissio omnino gratuita est si nos respicimus: tamen si Christum respicimus, qui pro peccatis nostris horrenda sustinuit supplicia, facta est Deo sufficiens pro debito nostro solutio.

Ro: 4. Notemus proinde REMISSIONIS vocem, quæ vel vnica multiplicem in se continet doctrinam. Primum destruit doctrinam monachorum de satisfactionibus. Nam si salus contingit per remissionem debiti iuxta Euangelium, quis furor est dicere salutem contingere propter satisfactionem debiti. Nam remissio & satisfactio ita inter se pugnant, vt eidem nequaquam conuenire possint. Deinde, omnia merita humana euertit. Quomodo enim quod gratuitum est, ex merito esse potest? Aperte Paulus inquit: Ei qui operatur, merces confertur non ex gratia, sed ex debito: ei vero qui non operatur, sed credit in eum, qui iustificat impium, imputatur

tatur fides eius ad iusticiam. Quemadmodum & David inquit : Beati quorum remissæ sunt iniquitates & quorum tecta sunt peccata. Tertio, euertit remissionis nomen compensationem, quam Papistæ docent, quæ compensatio debet fieri, vt docent per peregrinationes, ieiunia, eleemosynas. Ignem quoque purgatorij extinguit. Si enim est remissum debitum, cur punitur debitor ? Postremo remissionis vox ianuam gratiæ miseris peccatoribus aperit, in agone mortis salutis est portus & omnis consolationis fons. Hæc sint dicta de primo loco.

Psal. 32.

DE SECVNDO.

Quia hic textus de parabola creditoris, quanta sit dilectio & misericordia Dei erga genus humanum, indicat, nonnihil de ea dicam. Est autem duplex Dei misericordia. Uniuersalis vna, qua sinit solem suum oriri super bonos & malos : & peculiaris, qua, vt charissimus Pater Ecclesiam filij sui complectitur : de qua Christus Ioha. 3. Sic Deus dilexit mundum, vt filium suum vnigenitum daret, vt omnis qui credit in eum non pereat, sed habeat vitam æternam. Nullo maiori testimonio potuit cælestis Pater suam erga nos declarare misericordiam, quàm quod dederit filium, qui nos à commerta damnatione per mortem suam redimeret, & daret vitam æternam. Quoties igitur audimus nominari misericordiam Dei hæc cogitemus.

1. Cogitabimus quanta sit miseria generis huma-

Aa 3

ni pri-

ni priusquam in gratiam recipiatur. Iacet genus humanum prostratum & vulneratum à Diabolo, cuius veneno insuper infectum, nihil spirat præter peccatum, propter quod æternis pœnis est obnoxium.

2. Huius miseriæ causæ sunt cogitandæ, quæ sunt cum peccata primorum parentum, tum nostræ propriæ sordes. Etsi enim illorum lapsu obnoxij sumus sententiæ damnationis, tamen quotidie novis peccatis obligamur ad grauiiores pœnas.

3. Philanthropia Dei & clementia erga genus humanum est cogitanda. Apparuit inquit Paulus, Philanthropia et benignitas Dei salutaris omnibus hominibus. Quæ potuit maior Philanthropia esse, quàm quòd nos non abiecerit propter tantam turpitudinem & seditatem.

4. Cogitandum est Antitytron, hoc est, victima filij, qua succurritur miseriæ humanæ & peccatum aboletur. Eum qui non nouit peccatum, fecit peccatum, ut nos fieremus iusticia Dei in ipso. 2. Corinth. 5.

5. Cogitanda est via, per quam nos venire possimus in possessionem misericordiæ Dei: illa via monstrata est in primo loco, quæ nulla est alia quam vera pœnitentia.

6. Cogitandum est quousq; se diuina misericordia extendat, quòd non ad paucos quosdam pertineat, vel ad homines vnius ætatis: sed promiscuè ad timentes eum. Ita enim canit beata virgo edocta Spiritu Christi, quem conceperat iam ex Spiritu sancto:

Et:

Et : Misericordia Dei à progenie in progeniem
 timentibus eum, id est, omnibus qui agunt pœni-
 tentiam.

7. Cogitanda est perpetua gratitudo in tota vita,
 ut Deum pro tanta misericordia glorificemus corde,
 ore, confessione & moribus.

8. Cogitandum est, ut solliciti simus in tota nostra
 vita regenda, ne nostra culpa tantum bonum amit-
 tamus, quemadmodum hic debitor fecit.

DE TERTIO.

Tertiam doctrinam proposui de mutua condona-
 tione erratorum, quæ incidere solent. Nam hæc con-
 iuncta est cum fide remissionis peccatorum. Sunt
 autem duo cum fide remissionis peccatorum coniun-
 cta, nempe, gratia & donum. Gratia est ipsa iustifi-
 catio, qua hominibus credentibus imputatur iusti-
 cia Christi remissis peccatis : de hac dictum est in
 primo loco. Donum est ipsa donatio Spiritus sancti,
 qua homo sola fide iustificatus simul regeneratur,
 sanctificatur, hoc est, mortificatur carne & viui-
 ficatur spiritu. Mortificatur caro, quando aboletur
 peccandi consuetudo : viuificatur spiritus, quando
 nouam obedientiam DEO præstare incipimus.
 Huius viuificationis quadam particula est con-
 donatio mutua, qua alij alijs peccata & offen-
 sas condonat. Quam sit hæc condonatio necessa-
 ria, hodiernum Euangelium apertissimè ostendit,
 sicut in præfatione dixi. CHRISTVS iussit nos
 Aa 4 precari:

Mat. 6.

precari: Dimitte nobis debita nostra, sicut & nos dimittimus debitoribus nostris. Vult enim Christus nos imitari Patris sui exemplum.

Verum sunt duo genera hominum, qui nos offendunt: quidam offendere pergunt & non petunt condonationem: quidam, postquam senserunt se offendisse, mox supplices veniam petunt. Quantum autem ad illos attinet, qui pergunt offendere, offensas remittas hoc modo. Deposito vindictæ affectu eum amare nos desines, quin etiam beneficium rependes loco iniuriæ, quamvis de illo, ut meretur, sinistrè sentis. Nam cum Deus hostibus nos bene velle iubet, non ideo protinus exigit, ut probemus in ipsis quæ ipse damnat: sed tantum animos nostros vult esse purgatos. At quantum ad illos attinet, qui postquam læserunt, mox veniunt & deprecantur veniam, debemus nos fratres in gratiam recipere, ut de ijs rectè sentiamus simulq; persuasi deletam coram Deo esse peccati eius memoriam.

1. Cor. 5.

Porro sciendum est, quod duplex offensio contingit inter fratres: vna læditur frater à fratre: Altera læditur Ecclesia, scandalo videlicet, cum quis male viuit & agit, etiamsi nostræ personæ aut rebus nullam inferat iniuriam. Ita læsit incestuosus ille Ecclesiam Corinthiacam, quem resipiscensem, in gratiam recepit. Hæc condonatio seu remissio est duplex: odium aduersus eum depones: Deinde confugientem ad gratiam recipies, et tanquam fratrem illum complecteris, quem antea fugisti, ne ipsius maculis te inuo-

inuolueres. Hæc sint breuiter dicta de tertio loco, qui requirit mutuam condonationem incidentium errorum inter homines, idq; exemplo Patris cœlestis, qui tantum debitum nobis condonauit propter Christum, cui gloria in secula seculorum, A M E N.

DOMINICA

XXIII. POST TRINITATIS,

EVANGELIUM MATTH. 22.

A Beutes Pharisei, consilium cœperunt, vt illaquearent Iesum in sermone. Et ad illum mittunt discipulos suos cum Herodianis dicentes: Magister scimus quod verax sis, & viam Dei in veritate doceas, neque cures quenquam, non enim respicis personam hominum. Dic ergo nobis, quid tibi videtur? Licet censum dare Cæsari, aut non? Cognita autem Iesus malitia eorum, ait: Quid me tentatis Hypocritæ? Ostendite mihi numisma census. At illi obtulerunt ei denarium. Et ait ad illos: Cuius est imago hæc & descriptio? Dicunt ei: Cæsaris. Tunc ait illis: Reddite ergo quæ sunt Cæsaris, Cæsari: & quæ sunt Dei, Deo. Et his auditis, mirati sunt, & omisso eo, abierunt.

ENARRATIO TEXTVS.

Consilium sanctorum patrum, qui hoc Euangelium in Ecclesia proponendum iudicarunt, fuit, vt extaret doctrina in Ecclesia de discrimine spiritualis regni Christi & regnorum mundi. Dein-

A a 5

de, vt

de, vt scirent pii, quatenus obediendum sit politico magistratui.

psal. 2. Occasio autem huius Euangelij fuit malicia Phariseorum, qui iuxta vaticinium Davidis consilia inierunt aduersus Dominum & aduersus Christum eius, quò ipsius regnum euertant, & suam superstitionem stabiliant.

Versatur autem totum Euangelium in hac quaestione: Iure ne populus Dei politico & externo magistratui esse subiectus, & ei tributa dare & obedire debet? Christus ad hanc quaestionem ita respondet. Ecclesia ijs omnibus, quibus est subiecta, obedientiam debet. Cum ergo populus Iudaicus & Deo subiectus sit, nam ab eo in peculiarem populum est electus, & Caesari, qui armis eum subiecit, Deo reddere, quod illi debetur, & Caesari, quæ sunt Caesaris, debet. Hoc responsum eò pertinet, vt doceat Ecclesiam suam debere subiectam esse magistratui civili, atq; tributa soluere, & tantisper obedire, donec aliquid contra verbum Dei & legem naturæ præcipiat.

Loci duo:

- I. De hypocrisi & vsitata ingratitude erga bene meritos.
- II. De quaestione Phariseorum, & de magistratu.

DE PRIMO.

[Tunc abeuntes Pharisei consilium inierunt, vt caperent eum in sermone.] Hostes Christi fuisse Pha-

Phariseos testatur tota Euangelica historia. Et tamen si nec in doctrina quicquā, nec in vita erat quod poterant reprehendere: tamen omnes quærunt occasiones, ut innocenti sint molesti, eumque traducant tanquam qui malè doceret & malè viueret. Hoc perpetuum fuit hypocritarum studium in mundo. Exemplum habemus in Ecclesia Dei hoc die. Monachi & Pharisei Papistici benè norunt nostram doctrinam, quam docemus, ex Mose, Prophetis & Apostolorum scriptis desumptam esse, nec aliquid habent quod iure reprehendere possint in multorum piorum ministrorum moribus: tamen varias excogitant calumniandi artes, mille vias quærunt ad abolendum Euangelium, potius viderent Turcam regnare, quàm Euangelij puritatem conseruari. Unde tanta rabies? Unde hæc malicia? sunt satellites Sathane, quare non est mirum, si in castra Christi irrumpere conantur. Deinde hætenus fuerunt in magno precio, & salutabantur sanctissimi patres, nunc autem detecta illorum hypocrisis vilescunt, & illorum superstitio explosa contemnitur. Totas igitur vires intendunt, ut cursum Euangelij cadaueribus & sanguine sanctorum intercludant. Sed Deo sit gratia, Ecclesia Christi est edificata super firmissima rupe, ut portæ & consilia viresque inferorum aduersus eam præualere nequeant. Hoc proinde cum sit perpetuum, non est mirandum, quod hi Pharisei suo faciant more.

Videamus ergo quibus artibus Christi regnum
inua-

Mat: 16.



inuadant. Euangelista noster quatuor illis tribuit artes, quibus vtuntur priusquam manum admovent. Primum consilium. Consilium, inquit, inierunt. Est enim consilium actionis fundamentum. Conueniunt ergo, conferunt sua nefaria consilia, & quousque sit in consultando nequior, eò maiorem laudem reportat. Hoc longe ante præuidit spiritus Christi in Davide, quemadmodum habemus in secundo Psalmo. *Quare fremuerunt gentes & populi meditati sunt inania. Vere inania, quia Dominus infatuabat consilia eorum.* Deinde notatur hic, quo omnia ipsorum consilia tendebant. Ut (inquit Euangelista) caperent eum in sermone. Ut ita captus exponeretur ludibrio populi: infamaretur eius doctrina: vilesceret autoritas: atque ad extremum raperetur ad supplicium, ut contumeliosus in Deum hæreticus & maleficus. Vides scopum consultationis Pharisæorum. Tertio loco sequitur qualenam inuenerint consilium. Placuit istis bonis consiliarijs, ut mitterent suos discipulos cum Herodianis. Astutè admodum, ut haberent presentes testes, qui possent ipsum apud Herodem traducere, si quicquam dixisset quod alias minus placuisset. Hos discipulos egregiè hypocrisi instruxerunt, ut essent ad fallendum magis idonei. Nulli enim citius fallunt, quam qui cum externam sanctitatem & comitatem simulant, occultè fallere instituunt. Quarto describitur horum hypocritarum oratio in hunc modum: [Magister scimus quod verax sis & viam Domini verè doceas, & quod

psal: ~

quod tibi non sit cura de aliquo.] Hoc est principium orationis illorum : quod sanè si verba spectes, aptissimum est. Continet enim duo : Primum agnoscunt eum Magistrum, deinde tribuunt ei virtutes, quas habere oportet fidelem doctorem. Cum eum verbis agnoscunt Dominum, volunt non hostes, sed amici, imò discipuli videri, qui magno discendi desiderio teneantur. Cum tribuunt ei virtutes, quas verus doctor habere debeat, fraudulenter se insinuant Domino, ut nihil sibi ab illis periculi esse credat. Sed nullum est consilium, nulla prudentia aduersus Dominum. Sed quænam sunt illæ virtutes, quas Christo tribuunt? PRIMÆ est veritatis studium: Scimus (inquiunt) quod verax sis. SECUNDÆ, certitudo doctrinæ: Et viam Dei (inquiunt) in veritate doceas. TERTIÆ est constantia & animi fortitudo: Et non (inquiunt) est tibi cura de aliquo. Quare? Quia non respicis personam alicuius (& hæc est quarta virtus) Non enim (inquiunt) respicis personam hominum. Hæ quatuor virtutes sunt magnæ & requiruntur ab omnibus Dei ministris. Veritatis studium facit, ut excussis ignorantie tenebris, veritas illucescat. Certitudo doctrinæ facit ne variæ doctrinæ ventis & rumorum vanitate fluctuemus. Constantia & animi fortitudo inuictum in officio reddit. Quòd non personas hominum respiciat Doctor, efficit, ut veritas non metu aut alia re supprimatur. Has virtutes Dominus Iohanni Baptistæ tribuit : & quòd fuerit eis verè præditus ostendit effectus

P+0: 21.

Mat: 11.



Mal: 14. effectus. Nam cum Herodes accepisset per vim uxorem fratris sui Philippi, audacter illi restitit, non veritus personam, quam sustinuit Herodes. Dicit enim: Non licet tibi habere uxorem fratris tui: propter quod paulo post raptus est ad supplicium. Huiusmodi virtutes habuit & Helias, qui impio regi restitit, & aperte illi in os dixit: Tu perturbas Israel, & domus patris tui. Verum hoc qui non faciunt, verius mercenarii dicendi sunt quam veri pastores. Haftenus de machinis hypocritarum aduersus Christum.

3 Aug. 18.

DE SECVNDO.

Quæstio sequitur, qua ita putant se Christum posse constringere, vt non habeat quo euadat. [Licet, (inquiunt) censum dare Cæsari an non?] Hic putarunt quod necessario & simpliciter alterum ex his duobus esset responsurus, licere, aut non licere. Si dixisset licere: turbam offendisset, qua inuita istud onus substituit, ac ita habuissent accessum ad ipsum perdendum, deficiente ab eo turba. At si dixisset non licere: aderant Herodiani, qui mox illum tanquam seditiosum rapuissent ad pœnam. Quid ergo ad hanc quæstionem Dominus? Duo facit, Primum obiurgat eos, Deinde soluit quæstionem. [Cognita, inquit Euangelista, Iesus nequitia eorum ait: Quid me tentatis hypocritæ.] Hic experiuntur verum esse quod illi antea adulandi gratia dixerunt: Non respicis personas hominum. Quæstionis solutionem hoc pacto

paſſo inſtituit. [Oſtendite mihi numiſma cenſus : at illi obtulerunt ei denarium. Cuius eſt imago hæc (inquit) & ſuperſcriptio? Dicunt ei, Cæſaris. Tunc ait illis : Reddite ergo quæ ſunt Cæſaris, Cæſari, & quæ ſunt Dei, Deo.] Quæſtio ſoluta eſt ita, vt nec veritatem tacuerit Dominus, nec anſam calumniandi habuerint Phariſæi. Quare confuſi mirati ſunt & abierunt. Adeo nullum conſilium, nulla prudentia valet contra Dominum. Pro: 21.

Sed quid hæc Chriſti reſponſio nos docet? Primum diſcernit inter regnum Cæſaris & Dei, id eſt, inter regna mundi & Eccleſiam. Deinde diſtinguit inter perſonas, quæ his diuerſis regnis præſunt. Tum docet, obedientiam præſtandam eſſe in utroque regno, hoc eſt, vt Deo ſuus cultus tribuatur in ſpirituali ſuo regno, & politico magiſtratui debita præſtentur officia. Hoc loco dicendum eſſet quid Deo debeatur, & quid politico magiſtratui : verum quia ſæpius aliàs dictum eſt de cultu Dei, hic de magiſtratu dicam, quò admoneamur quàm piè nos de magiſtratu ſentire oporteat. Dicam igitur quinque de magiſtratu. 1. vnde & quid ſit. 2. quæ conditiones boni magiſtratus eſſe debeant. 3. quod officium, quiq; fines ſint adminiſtrationis politicæ. 4. qualenam magiſtratus ius exiſtat in ſubditos & ſubditorum bona. 5. quid magiſtratui ſuo debeant ſubditi.

PRIMUM, quod propoſui, nempe vnde, & quid ſit magiſtratus, Paulus Roman. 13. declarat, vbi docet

docet magistratum à Deo esse : Non enim (inquit) est potestas nisi à Deo, quæ vero sunt potestates à Deo sunt ordinatæ. Quod quidem de iure imperij intelligendum est, non de confusione, quæ sæpe in imperijs propter scelera hominum cernitur. Dum itaq; boni magistratus præsent, Deum veluti propinquum nobis cernimus, & nobis eorum, quos constituit, manu imperantem. Contra, cum impij magistratus præsent, impietas quidem à Diabolo & prava voluntate imperantis est : sed Deus iratus laxat frena tyrannis & impijs, ut ita ingratitude hominum vlciscatur.

Habes unde sit magistratus : quid autem sit, idem Paulus definit : Nempe quod sit ordinatio Dei subditis in bonum, dum honorantur boni, & puniuntur mali corporalibus pœnis.

SECVNDVM, quod proposui, fuit de conditionibus boni magistratus, quæ 2. Mosis 12. quatuor recensentur, nimirum, ut Iudex seu magistratus sit sapiens, timens Dei, verax ac minimè avarus. Sapientia gubernet actiones, ne in administratione per errorem peccet, ac pervertat iudicium. Timor Dei efficiat, ut Deum respiciat in omnibus causis, caueatq; ne quicquam committat quod illum offendat. Veritas moneat, ne falsas legum interpretationes & sycophantias admittat. Odium auaritiæ sinceritatem in iudicando conseruet. Ubi enim munerarij iudices sunt, actum est de æquitate. Nam si persone acceptio corruptio est iudicij, ut nullus sit æqui-

tati

Exod: 18.

tati locus, profecto auaritia efficit, ut iudex potius personam quam causam intueatur. Quisquis igitur magistratu fungens precio ducitur, æquum & bonum perspicere non potest. Munere enim excæcantur oculi sapientum, & peruertuntur verba iustorum. Hinc est, quod auari iudices furum socij dicantur ab Isaia.

1m: 16.

Exa: 1.

TERTIVM, quod proposui de magistratu, fuit de eius officio, de quo nunc agam. Ostendam autem magistratus officium cum ex testimonijs scripturæ, tum per exempla illustrium hominum, qui magistratu cum laude functi sunt. Officium magistratus in genere est, ut sit custos diuinæ legis, hoc est, veræ religionis conservator. Hoc autem officium tum demum exercet pius magistratus, cum exemplo 4 Reg: 18. Davidis, Iosæ, Ezechie, tollit idololatriam & idololatriæ occasiones: ut Ezechias aneum serpentem diminuit: Iosias templum purgavit à varijs 4 Reg: 22. idolis: Moses vitulum confregit: David exhortationibus populum ad verum cultum Deo præstandum adduxit. Nam si magistratus à Deo ordinatus est, ut sit minister Dei homini in bonum, debet utique, quæ homini noxia videt, pro viribus amoliri, ne reipublicæ bonum & civium salus impediatur. Deinde curabit magistratus exemplo Iosæ, 4 Reg: 22. ut vera religio proponatur, conservetur & propagetur, impijs doctrinis abolitis. Quanquam autem distincta sunt officia magistratus civilis & ministerium verbi: tamen in hoc convenire possunt &

B b

debent,



debet, vt gloriam Dei & salutem generis humani
 simul querant, sed seruata vtriusq; legitima ratio-
 ne, hoc est, vt magistratus civilis edicto & gladio,
 minister autem verbi doctrina, exhortatione, obiur-
 gatione & comminatione impietatem tollere, &
 gloriam Dei querere conentur. Præterea, quia re-
 ligio sine docentibus & discipulis. conseruari nequit,
 Magistratus officium est scholas erigere, stipendijs
 conseruare, vt docentes & discipuli pietatis studijs
 incumbere possint. Ad hæc, Ezechie & regis Ni-
 niue exempla commonefaciant magistratū, vt vel
 præsentem, vel imminentem iram Dei solennibus
 ad Deum precibus, veraq; ad Dominum conuersione
 auertere studeant. Atq; hæc quidem ad eam par-
 tem legis referenda sunt, quæ religionem potissi-
 mum spectat. Quantum autem ad externum poli-
 ticum statum attinet, idem officium est magistratus
 boni in sua republica, quod est honesti patrisfami-
 lias in sua domo, nimirum, vt quemadmodum pa-
 ter liberos disciplina regit, castigat contumaces,
 bonos honore afficit, largitur præmia, breuiter, in
 hoc totus incumbit, vt sua familia quàm optimè
 constituta videatur: ita magistratus in sua Re-
 publica facere debet, vt verè pater patriæ dici possit.
 Verum, si quis officia magistratus numerata si-
 bi cupiat, is sciat primum magistratus officium esse
 studium pacis, vt in tranquillitate Deum colamus
 abolitis superstitionibus, quæ veram religionem
 corrumpunt, ac pietati verè sunt impedimento. Se-
 cundum

4. Re: 18.
 Jon: 3.

secundum magistratus officium est, ut singuli sua officia recte faciant, quod fieri non potest, nisi ubi legum maneat auctoritas & executio. Leges enim ferre, quas executio non sequitur, rerum publicarum perniciēs est: quare ut honestas leges magistratui ferre licet: ita caueat oportet ne in contemptum veniant, quod fit, quando non sequitur executio. Tertium officium est, ut puniat fontes, & insontes tueatur iuxta legum praescriptum, & prudentum moderationem. Ex his facile est colligere, quinam sint fines magistratus, nimirum, quod sit ordinatus propter Deum ad Ecclesiae & rerum publicarum utilitatem: Quare recte dicitur, quod gubernatio, religio & propria domus Principi curae esse debeant.

QUARTUM, quod promisi me dicturum, est de iure magistratus in subditos et subditorum bona. Xenophon philosophus hanc legem tradit magistratui: Regula regi non affectus, sed lex esse debet. Unde sequitur tantum iuris magistratum habere in subditos & illorum bona, quantum leges consentientes Decalogo & legi naturae permittunt. Habet igitur ius iuxta quartum praecipuum imperare subditis necessaria officia, cum ad publicam incolumitatem, tum ad singulorum utilitatem facientia.

Restat quod quinto loco proposui de officio subditorum erga magistratum. Potest autem officium subditorum erga magistratum ad quatuor capita reuocari, ut primum sit, iuxta quartum praecipuum, honorare magistratum, hoc est, suspicere

B b 2

& reue-

& reuereri ipsum tanquam ministrum & legatum
 Dei: Ita vt ipsum honores, timeas, candide de
 ipso iudices, errata in meliorem partem accipias,
 non cum vulgo magistratui detrahas. Nam id se-
 uere prohibetur verbo Dei. Principi populi tui ne
 maledicas. Maledictionis voce omnes calumnie
 & detractiones intelliguntur. Secundum, edictis
 parere, cum in tributis dandis, tum in alijs quoq;
 rebus, quatenus per religionem & legem naturæ
 liceat. Huc illud Pauli pertinet: Admoneto il-
 los, vt principibus & potestatibus subditi sint, vt
 magistratibus pareant, vt ad omne opus bonum
 sint parati. Tertium, orare pro magistratu. Ad-
 hortare, inquit Paulus, vt fiant deprecationes, ob-
 secrationes, interpellationes, gratiarum actiones
 pro omnibus hominibus, pro regibus & omnibus
 in eminentia constitutis, vt placidam & quietam
 vitam degamus cum omni pietate & honestate.
 Quartum, non irrumpere in partes officij magistra-
 tus: sed magistratui cognitionem deferre, si quid
 ad reipublicæ salutem pertinere videatur. Hæc
 sint dicta de magistratu. Deus det nobis gratiam,
 vt & Deo verum cultum & magistratui no-
 stro debita præstemus officia per Iesum
 Christum Dominum, cui gloria
 in sæcula sæculorum,
 AMEN.

DOMI-

DOMINICA

XXIII. POST TRINITATIS,

EVANGELIUM MATTH. 9.

PRimas quidam venit, & adorauit Iesum dicens: Filia mea modo defuncta est, sed veni & impone manum tuam super illam, ac viuet. Et surgens Iesus sequutus est eum, ac discipuli eius. Et ecce mulier, quæ sanguinis profluuio laborauerat duodecim annos, accedens à tergo, tetigit fimbriam vestimenti illius, dixerat enim intra sese: Si tantum tetigero vestimentum illius, ero salua. At Iesus conuersus, vt vidit illam, dixit: Confide filia, fides tua saluam te fecit. Et salua facta fuit mulier à tempore illo. Et cum venisset Iesus in ædes primatis, vidissetq; tibicines & turbam tumultuantem, dicit illi: Secedite, non enim mortua est adolescentula, sed dormit. Et deridebant illum. Quum autem fuisset eiecta turba, introgressus tenuit manum illius, & surrexit adolescentula. Et emanauit rumor hic in totam terram illam.

ENARRATIO TEXTVS.

IN hoc Euangelio clarissimè describitur, quomodo Dominus noster opem ferat suæ Ecclesiæ subiectæ cruci. Quemadmodum enim Christus saluator noster erga hunc primatem & hanc afflictam mulierem est affectus: sic etiam est affectus erga

B b 3

me &

Joel 2.

Mat. 11.

me & te, adeoque omnes, qui horum, hoc est, huius primatis & huius mulieris exemplo ad ipsum confugiunt, iuxta illud vaticinium Iohelis de Christo: Omnis qui inuocauerit nomen Domini, saluus erit. Cum hoc vaticinio & Christi verba & facta consentiunt. Verba sunt: Venite ad me omnes, qui laboratis & onerati estis, ego vos reficiam. Facta multa occurrunt: cecos sanat, leprosos purgat, hunc Iairum & hanc mulierem exaudit, & se implorantibus fert opem. Hæc est ergo summa huius historie, quod Dominus duo edat miracula: sanat mulierem, quæ duodecim annos laborauerat morbo: excitat huius Iairi filiam, quæ defuncta erat. Utroque facto suum erga omnes animum declarat.

Loci tres:

- I. Exemplum huius mulieris, eius conditio, fides, inuocatio & sanatio.
- II. Exemplum Iairi, & excitatio puellæ mortuæ.
- III. Derisio, qua Christus ridetur ab hostibus suis.

DE PRIMO.

Etsi primo loco fit mentio principis Iairi, qui venit ad Christum: tamen prius dicam de hac muliere patiente fluxum sanguinis, quia ponitur in medio historie de principe hoc. In hac itaque muliere quatuor sunt nobis perpendenda. 1. conditio eius. 2. fides. 3. inuocatio. 4. eiusdem à morbo, quo laborauit

boravit, sanatio : quorum singula singularem doctrinam & admonitionem continent.

Conditio mulieris fuit, 1. fuit mulier simplex & timida. 2. duodecim annos fluxum sanguinis passa fuit, unde facile cogitare est, quàm fuerit exhausta & imbecillis. Qui vno mense tam gravi morbo laborat satis miser & afflictus est, quid dicemus de hac, quæ tot annis est vexata? 3. addit Marcus, quod multa passa sit à medicis, quorum alij alijs pharmacis miseram excarnificarunt. Huc accedit quod iam suas facultates consumpserat : unde in hoc gravissimo morbo ad mendicitatem erat redacta : neq; tanti sumptus quicquam profuerunt, imò quotidie fuit deterius. Morbum hunc corporis morsus conscientie acerbiorē fecerat : Nam cum scriptura dicat eum, qui peccat contra Dominum, incidere in manus medici, quid aliud potuit cogitare quàm Deum se abiecisse. Hæc fuit huius mulieris conditio dura satis : morbus corporis, mala conscientia, mendicitas, contemptus. An propterea est abiecta coram Deo? An propterea Christus eam reiecit? Nequaquam. Venit enim propter afflictos : venit propter peccatores. Nos ergo huius mulieris exemplo admoniti, erigamus nos in nostris calamitatibus : agnoscamus iustam iram Dei adversus nos propter peccata. Audiimus quæ fuerit conditio huius mulieris, sequitur fides.

[Accessit retro & tetigit fimbriam vestimenti eius, si tetigero (cogitat) tantum vestimenti fim-

B b 4 brianz

Mat. 11.

briam eius, salua ero.] Hæc vox satis declarat qualis fuerit eius fides. Certo sibi persuasit, quod si tantum tangeret simbriam vestimenti illius consequeretur salutem. Unde tanta fides? Ex vniuersali promissione quam sibi accommodauit. Nouit absq; dubio hanc Christi promissionem: Venite ad me omnes, &c. Hic primum tribuit Christo laudem veritatis. Deinde generale dictum sibi accommodauit hoc modo. Omnes vocat ad se, omnibus promittit opem, vult omnes laborantes reficere: Ego sum in numero laborantium, ego sum ex ea turba, quam totam ad se vocat. Vere igitur statuo, quod me velit iuuare. Videmus quomodo hæc mulier fidem excitauit: Iam hoc ad nos accommodamus.

Quoties te premit crux interne vel externe, agnosce istam crucem esse veluti concionem quandam, qua tua miseria & damnatio tibi ob oculos ponitur. Deinde verbum promissionis & exempla intueri, & cogita Deum non esse acceptorem personarum: sed velle omnium miserere in Christo Iesu. Hac fiducia Christum inuoca: & statue illum te vere velle exaudire & dare quod petis, nisi venenum petieris, id est, nisi petieris id quod tibi non sit vtile, seu quod impediatur gloriam Dei: & hoc dictum: Venite ad me omnes, tibi applica: quod cum feceris consolationem senties.

Verum ista mulier habuit Christum præsentem, quem oculis vidit: A me procul abest. Ista tentatio est carnis, contra quam primum opposito promissio-

missionem Christi: Ego ero vobiscum vsq; ad con- *Mat: 18.*
 summationem seculi. Deinde, quod Dominus Tho-
 mæ dixit: Beati qui crediderunt & non viderunt.
 Præterea, quod Christus non sit acceptor persona- *Jo: 20.*
 rum: & in aliquot exemplis declarauit, cum hic
 esset præsens in carne, quomodo vellet agere cum
 reliquis se inuocaturis.

At sum peccator magnus. Credo: sed Christus
 venit in mundum peccatores saluos facere. Ita dicit,
 primum ipse: Non veni ad vocandum iustos, sed *Mat: 9.*
 peccatores ad pœnitentiam. Hoc Paulus repetens *1 Tim: 1.*
 ait: Certus sermo & omni approbatione dignus,
 quod Christus Iesus venit in mundum saluos facere
 peccatores. Item: Apparuit gratia salutaris omni- *Tit: 2.*
 bus hominibus. Deinde intueamur exempla mise-
 ricordie Dei. Adam coniecerat totum mundum in
 damnationem, sed agit pœnitentiam & recipitur.
 Paulus persecutus est Ecclesiam Christi, Petrus
 negauit Christum, Manasses horrendis idololatrijs,
 & copioso sanctorum sanguine se polluerat: sed hi
 omnes resipiscentes in gratiam sunt recepti. Qua re
 declaratur, quàm verum sit dictum illud apud Pro- *Exod: 33.*
 phetam: Vivo ego nolo mortem peccatoris, sed vt
 conuertatur & viuatur. Huc ille Christi assueueratio- *Jo: 11.*
 nes: Amen amen dico vobis, qui credit in me, non
 peribit, sed habebit vitam æternam. Has sententias
 & hæc exempla opposito cogitationi de peccatorum
 magnitudine, & scito misericordiam excedere pec-
 catum & gratiam abundare supra delictum.

B b 5

At

At nescio an sim prædestinatus? Hæc grauissima est tentatio ab ipso Sathana profecta. Quis est lapsus? Adam cum sua posteritate, nam fuimus in illo tanquam in massa communi humani generis. Quis accepit promissionem? Nonne Adam? Ergo quemadmodum lapsus es in Adam: ita cum eodem es promissionis particeps, modo promissionis verbo fidem adhibere velis. Deinde clarum est Pauli dictum: Deus vult omnes homines saluos fieri, & ad cognitionem veritatis venire. Huc facit, quod Christus mandatum vniuersale dat suis discipulis: Ite in mundum vniuersum, prædicate Euangelium, qui crediderit & baptizatus fuerit, saluus erit: Qui vero non crediderit, condemnabitur.

At fides est donum Dei, quod dat quibus vult? Vide quam multa caro inuenit, quibus sibi ipsi viam ad salutem intercludit? fides est donum Dei, sed hoc modo confertur. Proponit tibi verbum, huic vt credas iubet, & in cogitatione vult esse efficax. Sed tu caue, ne cum Iudæis resistas Spiritui sancto, quod Stephanus suis obiecit. Christus cum videret ciuitatem Ierusalem, & cogitaret de eius vastatione flens dixit: Quoties volui te congregare sicut gallina colligit pullos suos & noluisti. Ecce Christus vult, nec aliud vult quam Pater. Quid voluit? congregare filios Ierusalem ad suum ouile: sed Ierusalem noluit, decepta à suis seductoribus, falsis Prophetis, & inescata diuitijs, potentia, voluptatibus & curis huius mundi noluit Christo suo pastori obedire.

Quare

Quare vt iusto Dei iudicio : ita propria culpa perit. Promissionibus igitur diuinis, eisque vniuersalibus freti, & confirmati exemplis, cum hac muliere in nostris doloribus & cruce confugiamus ad Christum, ita futurum est, vt inueniamus auxilium in tempore opportuno. Fidem huius mulieris vidimus: nunc quod tertio loco in hac muliere spectandum dixi, videamus, videlicet, qualis fuerit huius mulieris inuocatio.

Sed tacet, loquitur apud se, tangit tantum fimbriam vestimenti Iesu. Nulla hinc auditur oratio. Verum quidem est : nulla orantis verba hinc recitantur, sed sunt hinc orantis signa & orationis effectus. Signa sunt quod accedit, tangit fimbriam, & apud se cogitat de eius clementia & intimo cordis voto misericordiam sibi præstari expetit. Hoc votum non secus quàm ardentissimas preces exaudiuit Christus. Effectus sunt consolatio & sanatio.

De Mose etiam legimus, quod cum labia non viderentur moueri, tamen audit à Domino: Quid clamas ad me? Unde docemur, quod oratio, quæ nubes penetrat, non sit labiorum motus, non sit verborum Battologia, & multiloquium : sed potius simplex animi eleuatio ad Deum, qua fide Christi aliquid à Deo petitur. Hoc etiam confirmatur Davidis testimonio, qui ait : Ad te Domine leuaui animam meam.

Porro, quia nullus cultus maior est quam recte Deum

Exod: 14.

Psal: 25.

4

10

11

12

Deum inuocare, & oportet pios perpetuo in hoc cultu occupari, volo breuiter quadam de recta inuocatione dicere. Dixi paulo antea quid sit oratio: nunc quas conditiones perpetuo oratio habere debeat ostendam. Sunt autem quinque perpetuæ conditiones & veluti proprietates piæ orationis, quæ sunt. 1. quomodo noster animus compositus esse debeat ad orandum. 2. quid nos ad orandum impellat & urgeat. 3. quis sit à nobis inuocandus. 4. quo fundamento freti prodeamus in conspectum Dei oraturi. 5. quid sit petendum & quando cum conditione, & quando sine conditione.

PRIMA: Animus noster in hunc modum compositus esse debet. Primum exuenda est omnis cogitatio propriæ gloriæ, sicut hæc mulier nihil nisi sordes in se agnouit. Deinde inopia sentiatur, quam sane maximam hæc afflicta mulier sensit. Tum in vera pœnitentia homo se prosternat coram Deo, idque potius animo quam corpore. Id hanc mulierem fecisse inde apparet, quod à tergo accesserit. Postremo, certa fide ad orandum incendatur animus. Nam nisi quis certam fidem attulerit, verba fundit potius quam precatur. Huiusmodi etiam fidem hanc mulierem ad Dominum attulisse ex superioribus manifestum est.

SECUNDA: Causæ, quæ nos ad orandum impellent, sunt multæ. Hæc mulier absque dubio cogitauit de mandato Dei, in quo serio à nobis hunc cultum requirit. Deinde promissiones non ignorauit,
alioqui

alioqui tanta fiducia ad orandum non prodisset.

Quicquid (inquit Christus) petieritis in nomine meo, Pater dabit vobis. Sensit præterea & Diaboli tyrannidem & suam inopiam, vnde mota auxilium quærit ab eo, qui solus iuuare potest. Considerauit quoque exempla: vidit Iairum Dominum inuocasse pro filie valetudine & multa alia exempla cogitauit. His & multis alijs causis ad precandum est excitata. Proinde & nos erigamur ad Deo hunc cultum inuocationis præstandum. 1. mandato Dei. 2. promissionibus. 3. cogitatione tyrannidis Diaboli. 4. sensu propriæ miseriæ & inopiæ. 5. sanctorum exemplis.

TERTIA: Quis inuocandus? solus Deus qui est Pater, Filius & Spiritus sanctus. Nam nec Angeli, nec homines sunt inuocandi. Hoc enim æternum Dei mandatum est: Inuoca me in die tribulationis. Item Dominum Deum tuum adorabis & illum solum coles. Inuocare enim creaturam summa est idololatria, propter quam mundus horribiliter punitur, quia talis idololatria in Deum summa blasphemia est.

QUARTA: Iure quæritur, quo fundamento nixi prodeamus in conspectum Dei. Nam si nos intueamur, confusio faciei nostræ nos à precando absterret. Deinde scriptura dicit: Deus peccatores non exaudit. Certum est, quod nemo fretus sua dignitate possit orare. Quare quærendus est ille vnus mediator inter Deum & hominem Christus Iesus, qui se pro

Jo: 16.

Mat: 50.

Mat: 4.

Mat: 6.

Jo: 9.

4

10

11

12

Jo: 16.

pro nobis interpellatorem offert, dum ait: *Quicquid petieritis patrem in nomine meo dabit vobis. Huius ergo dignitate habemus accessum ad Deum patrem.*

QVINTA: *Quid orandum sit. Triplicia sunt precanda, & triplicia deprecanda. 1. gloriam Dei sanctificari inter homines precabimur. 2. salutem animæ. 3. necessaria ad præsentis vitæ conseruationem: & contra deprecabimur. 1. quicquid impedit gloriam Dei. 2. quicquid aduersatur nostræ saluti. 3. quicquid nobis in hac vita molestum est. Hæc statuamus nos impetraturos, & præsertim quæ primo & secundo loco ponuntur. Tertij generis bona & mala deprecari oportet cum conditione non imminutæ gloriæ Dei, aut impeditæ nostræ salutis.*

Jo: 1.

QVARTVM, quod proposui de hac muliere, est eius sanatio: in qua quid Christus dixerit & egerit, & quid illi acciderit, dicendum est. *Quid dixit Christus? Confide filia, fides tua te saluam fecit. Et hoc cum diceret diuina sua virtute mulierem sanauit. Quid accidit mulieri? Et salua facta est mulier ex illa hora. Hic habemus multa. 1. quod qui credunt adoptentur in filios, iuxta illud: Dedit potestatem, vt filij Dei fierent, quotquot credunt in nomen eius. 2. qualis sit affectus Christi in afflictos. 3. quod fides quoduis à Deo impetret. 4. quod Christus hic declaret suam diuinam potentiam, ostendit voluntatem, monstrat officium, ac veritatem Euangelij confirmat. De his propter temporis breuitatem plura non dicam.*

DE

In hoc Iairo primate habemus etiam exemplum fidei, inuocationis, confessionis & spei. [Ecce princeps accessit.] Hic habes fidem. [Et adorabat eum.] Habes fidei fructum inuocationem. Hæc duo confessionem continent. [Domine, inquit, filia mea modo defuncta est: sed veni & impone manum tuam super eam, & viuet.] Ecce quanta cum spe precatur. Nos ergo ex hoc discamus in nostris necessitatibus Christum accedere, illum ex fide inuocare, confiteri & certò statuere nos ab illo impetraturos, quæ nobis salutaria sunt. Sed quid facit Christus? Sequitur illum, & cum venisset Iesus in domum principis, & vidisset tibicines & turbam tumultuantem, dicebat: Recedite, & eiecta turba, dixit puella: Puella surge, & surrexit puella, & exijt hæc fama in vniuersam terram illam. Quia circumstantiæ huius exempli congruunt ferè cum exemplo mulieris, sufficiant hac vice, quæ de muliere dixi.

DE TERTIO.

[Cum Christus diceret: Puella non est mortua, sed dormit, deridebant eum.] Hic tria intueamur. Primum, quòd mundus non solum sit ingratus erga Christum benefactorem, verumetiam derideat ipsum. Quare hoc? Quia cæcus est mundus, & ideo de Christi doctrina & factis non potest rectè iudicare. Animalis homo non percipit ea quæ sunt spiritus DE I. Caro non nisi carnem sapit. Sapi-
entia

entia carnis inimicitia est cum Deo. Nisi ergo cum mundo velimus errare & fieri dirisores, audiamus Euangelium, quod mens rectius de operibus Dei instruatur. Secundum, quod hic non solum intueri, sed etiam mirari oportet est, quod Christus nihilominus pergat in suo sancto proposito. Non absterretur vel summa ingratitude mundi, ut suam Ecclesiam deferat. Dominatur in medio inimicorum suorum. Tertium, quod hic observare docet, est Christi exemplum. Si ergo deridemur propter confessionem, intueamur filium Dei, & contemnamus istos derisores, qui sunt Diaboli moriones. Non malicia mundi nos turbabit, sed exemplum filij Dei nos consolabitur, qui nobis adest iuxta suam promissionem: *Mat. 28.* Ego ero vobiscum usque ad consummationem seculi. Huic nostro vnico mediatori vna cum Patre & Spiritu sancto, sit honor & gloria in secula seculorum, A M E N.

DOMINICA
XXV. POST TRINITATIS,
EVANGELIUM MATTH. 24.

CUM videritis abominationem desolationis, quæ dicta est à Daniele Propheta, stantē in loco sancto, qui legit, intelligat. Tunc qui in Iudæa sunt, fugiant ad montes: qui in tecto, non descendat ut tollat quicquam de domo sua: & qui in agro, non reuertatur ut tollat vestes suas. Væ autem prægnantibus

ribus & lactantibus in illis diebus. Orate autem, ut non fiat fuga vestra hyeme, neq; sabbato. Erit enim tunc afflictio magna, qualis non fuit ab initio mundi, ad hoc usq; tempus, neque fiet. Et nisi decurtati fuissent dies illi, non fieret salua omnis caro. Sed propter electos decurtabuntur dies illi. Tunc si quis vobis dixerit: Ecce hic Christus, aut illic, nolite credere. Surgent enim Pseudochristi, & Pseudoprophetae, & dabunt signa magna & prodigia, ita ut in errorem inducantur (si fieri possit) etiam electi. Ecce praedixi vobis. Si ergo dixerint vobis. Ecce in deserto est, nolite exire: Ecce in penetralibus, nolite credere. Sicut enim fulgur exit ab Oriente, & apparet usq; ad Occidentem, ita erit aduentus filij hominis. Vbicunq; enim fuerit cadauer, illic congregabuntur & aquilae.

ENARRATIO TEXTVS.

HÆC Domini concio continet insignem admonitionem admodum hoc periculoso tempore necessariam: nam cum Paulus dicit: Quaecunq; scripta sunt, in nostram doctrinam scripta sunt, non est quod putemus hæc propter solos Iudæos dicta & scripta esse: sed potius propter nos, qui iam viciniorem sumus extremo diei, quam Iudæi fuerunt. Est autem hæc concio & plena terrore & consolantissima. Nam si impios & non agentes pœnitentiam respicis, nulla concio magis terribilis esse potest, illis enim horrendas pœnas comminatur. Sin autem ad

Rom. 15.

Cc pios

Ln: 21. pios & agentes pœnitentiam respicis, concio hæc plena est consolatione. Nam his ab omnibus ærumnis liberationem promittit. Cum hæc, inquit, videritis, leuate capita vestra, quia appropinquat redemptio vestra. Porro occasio huius concionis, fuit discipulorum Christi interrogatio duplex, qui sumpta occasione ex prædictione vastationis vrbs Ierusalem, de qua in hoc ipso capite præcedit vaticinium, quæsiuerunt primum quando id fieret. Deinde de signo aduentus Domini quærent. Ad has quæstiones respondet Dominus, non vt eorum carnale desiderium expetebat: sed prout ipse sciuit eorum instructioni ad salutem vtile esse. Summa huius concionis est, quod Christus prædicit tempus vastationis Ierusalem, & monstrat aduentus sui signa ad iudicium.

Loci duo:

- I. Responsio Christi & eiusdem prædictio.
- II. Huius doctrinæ vsus.

DE PRIMO.

Responsio Christi habet duas partes, in quarum priori respondet ad primam interrogationem, videlicet, qua interrogarunt discipuli, quando Ierusalem vastaretur: in posteriori ad secundam interrogationem, in qua quærent discipuli de aduentu Christi ad iudicium.

Prior pars continet signa, quæ præcedunt vastationem vrbs Hierosolymitanæ, quæ multa hic enumerantur, non solum in textu, quem audiuiſtis,

diuistis, sed etiam in principio huius capitis.

PRIMUM signum est, quod veniant Pseudo-christi, hoc est, homines vani, qui mentientur se Messias & saluatores esse: id quod etiam accidit. Nam tres precipui nebulones fuerunt vnus post alium, qui magnam multitudinem hominum post se traxerunt. Teudas, vir quidam Aegyptius, & Simon Magus. Teudas, Cuspio administrante rempublicam suavitati populo, vt acciperent substantias suas & se sequerentur ad Iordanem. Illic enim se recepit suo nutu diuifurum aquas, vt ipsi sicci pedibus transirent, & ita asserta libertate seruitutem Romanorum declinarent. Cui obtemperans stulta turba, ad Iordanis ripam, cum frustra expectaret miraculum, est trucidata. Aegyptius ille se sequentibus salutem & requiem promisit. Verum illi quoque delusi suae temeritatis iustas dedere pœnas. Simon magus, qui cum à Petro pecunia non possemere donum conferendi visibiliter spiritum sanctum & audisset à Petro: Pecunia tua sit tecum in maledictionem excogitauit aliam viam quam diabolicis artibus fucavit & pietatis larua eam induit. Dixit igitur se virtutem Dei esse, cuius prœstigijs multi decepti sunt. Quare autem id Deus permisit Paulus ad Thes. respondet: Quia non voluerunt credere veritati, dedit eis Deus efficacem illusionem, vt crederent mendacio. Hac pœna digni sunt, qui ad claram Euangelij lucem sponte cecutiunt. Deinde admonitionem continet textus.

Cc 2

Videte

Mat: 24 Videte ne quis vos seducat, multi venient in nomine meo dicentes, ego sum Christus. Hæc horribilis Iudaici populi pœna nos admoneat timoris Dei & reuerentiæ erga Euangelium Christi.

SECUNDUM signum, quod præcederet vastationem vrbis Ierusalem: Audituri estis (inquit) bella & rumores bellorum. Huiusmodi bella multa præcessisse vastationem Ierusalem testantur historie. PRIMVM 2000. ob petulantiam militis illudentis genitalibus Iudeorum occisi sunt. DEINDE latrones publicè grassabantur, qui gladios sub pallijs tectos gestantes, quosuis obuios trucidarunt, Adhæc Cesareæ sunt trucidati 2000. Scytopoli tredecim millia. Ascaloni 2500. Prohemaide viginti millia. Alexandriæ quinquaginta millia. Damasci decem millia trucidati sunt. Ecce quam vera fuerit prædictio Christi & quam grauitè punitus opulus Iudaicus ob suam ingratitude. Quid autem de fame, de pestilentia, & de terræmotu, quæ contigerunt iuxta Christi vaticinium? Hæc omnia peccata istius populi monstrant, sed fuerunt tantum præludia quædam ad illa mala quæ secuta sunt.

TERTIVM signum, persecutio discipulorum. Inuisi (inquit) eritis cunctis gentibus propter nomen meum. Hæc persecutio incæpit à nece sanctissimi Stephani, & postea quotidie magis ac magis creuit. Fuit autem discipulorum Christi afflictio quadruplex. I. corporum. Nam alij flagellabantur: alij crucifigebantur: alij alio supplicij genere afficiebantur.

tur. 2. afflictio fuit ex scandalo defectionis ab Euangelio. Multi enim persecutionum acerbitate fracti defecerunt ab Euangelio cum summo dolore discipulorum Christi. 3. afflictio discipulorum Christi fuit à Pseudoprophetis, quorum plurimi fuerunt isto tempore, de quibus Epiphanius scribit: vt Simoniani, qui Simonis magi sectatores fuerunt: qui Simon postea in medio vrbs Romæ collapsus interijt. Hos sequuntur Menandriani, Menandri sectatores: Saturniliani, Saturnili sequaces: Basilidiani qui Basilidem quendam imitabantur: Nicolaitæ, qui Nicolai, qui erat vnus de septem diaconis, turpitudinem sectati sunt: Gnostici quorum infiniti fuerunt furores: taceo Ebionem & Cherintum, qui naturæ diuinæ in Christo hostes fuerunt. Ecce quam multa agmina falsorum Doëtorum habuerunt, qui simplicitate Euangelij filij Dei contenti esse noluerunt. Quarta afflictio discipulorum fuit petulantia, contumacia & ingratitude totius populi.

Q V A R T V M signum: Et prædicabitur regni Euangelium in vniuersa terra in testimonium omnibus gentibus. Hoc factum esse testatur Paulus, cum ait: An non audierant? atqui in omnem terram exiuit sonus eorum. Hactenus de signis præcedentibus vastationem Ierusalem: nunc in textu typus vastationis signatur. [Cum videritis abominationem desolationis quæ dicta est à Daniele Propheta, stantem in loco sancto. Tunc qui in Iudæa sunt fugiant ad montes.] Quasi diceret, tunc ipse exercitus,

qui vastaturus est Ierusalem, appropinquabit. Hæc abominatio fuit scelerum & idololatriæ populi Iudaici, qua totus ferè iste populus erat infectus. Abominatio quidem dicitur propterea, quòd Deo, ut res fœdissima, displicuit. Desolationis abominatio dicebatur propter pœnam quæ secuta est: quæ pœna fuit desolatio & vastatio populi Iudaici.

Hactenus de prima responsione ad priorem discipulorum questionem de vastatione Ierusalem: Sequitur responsio ad secundam interrogationem, quæ fuit de Christi aduentu, in qua quatuor sunt spectanda. Primum, quòd iubeat cauere signa falsa: Si quis vobis dixerit: Ecce hîc Christus aut illic, nolite credere. Alterum, quòd admoneat discipulos, ne per ositantiam suæ admonitionis obliuiscantur. Ecce, inquit, prædixi vobis: quasi diceret. Velim vos perpetuò huius meæ prædictionis memores esse, ne exemplo aliorum obliti, mei abiiciatis confessionem. Tertium, quòd aduentus ipsius non sit futurus in angulis mundi, aut in deserto: sed quòd sit conspicuus toti terrarum orbi. Sicut, inquit, fulgur exit ab oriente, & apparet vsq; ad occidentem: ita erit & aduentus filij hominis. Non est ergo quòd credatis illis, qui venient & mentientur Messiae nomen. Quartum, est electorum collectio ad Christum: [Ubicunque, inquit, fuerit cadauer, illuc congregabuntur & aquilæ.] Hoc est, quemadmodum Paulus interpretatur: Cum CHRISTVS ad iudicium venerit, obuiam rapiemur Christo

1 Thess. 4.

Christo in aërem, & sic cum eo perpetuò erimus.

DE SECVNDO.

Cum ista, quæ contigere Iudæis, signa sunt eorum, quæ contingent in extremis diebus, in quos nos incidimus, ante aduentum Christi, par est, ut aspicimus ea quæ nostro seculo fiunt, & videamus quomodo cum istis congruant. Inter signa supra audiuiimus. Primum, quòd essent venturi qui se Messiam esse fingerent, cui simile ante paucos annos in Germania accidit. Nam quidam Hollandus David Georgius nomine finxit se Christum, qui multos seduxit, qui postea mortuus & deinde effossus & combustus est. Fuerunt & alij tum ex Iudæis tum ex alijs, qui malè cum suis sectatoribus perierunt. Deinde quantum ad bella attinet & rumores bellorum, Turcia docet & multæ aliæ nationes quàm istud signum benè in hoc sæculum quadret, & certe metuenda sunt adhuc grauiora. Tum quanta sit persecutio Ecclesiæ in multis regnis, in Turcia, in Græcia, in Italia, Hispania, Hollandia, quotidiani rumores ad nos allati docent. Multa subinde oriuntur sectæ, maxima est ingratitude mundi erga Euangelium & corruptissimi sunt plerorumque mores. His accedit & quartum signum aduentus DOMINI ad iudicium, quod prædicetur Euangelium in vniuerso fere orbe terrarum. Et si autem id publicè non fiat vbiq; in publico loco: tamen in omnibus regnis mundi sunt aliqui, qui

Euangelium audiunt. Cur prædicatur? nobis in testimonium: idque dupliciter. Testimonium enim salutis est, si Euangelio credimus: testimonium iustæ nostræ damnationis erit, si fuerimus Euangelio increduli. Usus iam colligamus prædictionis Christi.

PRIMVS est, de quo iam dixi, videlicet quod ista omnia contigerunt nobis quoque in doctrinam, ut inde cogitemus, quid immineat ingratissimo mundo ante aduentum Domini ad iudicium.

SECUNDVS: Hæc nobis ob oculos ponunt magnitudinem & fæditatem peccatorum nostrorum & sunt veluti præludia pœnarum, quas sustinebunt qui non egerint pœnitentiam.

TERTIVS: Admonemur hic quæ ultio illos manet qui sanguine sanctorum se polluunt. Qui vos persequitur, inquit Christus, me persequitur. Quare? Quia propter Christi Euangelium, & eius confessionem ista fit persecutio. Nunc letantur quidam aduersarij Christi cum malefecerint: verum futurum est, ut satis acerbis luant pœnas effusi sanguinis fidelium, qui de terra clamat ad Deum & expetit vindictam, quam iustus iudex reddet illis tempore suo, iuxta illud: mihi vindicta & ego retribuam, tempore opportuno labetur pes eorum. Dominus differt pœnam, & iuxta diuitias bonitatis suæ & longanimitatis inuitat ad pœnitentiam. Non enim delectatur in perditione peccatorum, sed mauult omnes resipiscere & viuere, quemadmodum

Jo: 15.

Rom: 12.

2 Tim: 32.

dum ipse apud Prophetam testatur his verbis:
Viuo ego, dicit Dominus, nolo mortem peccatoris, sed ut conuertatur & uiuat. Verum qui hac bonitate diuina abutitur, thesaurizat sibi irā in die iræ. Eph: 23

QVARTVS vsus huius prædictionis est, quod admoneat nos pœnitentiæ. Christus cum quidam sibi 1m: 13 referrent, quomodo Pilatus miscuisset sacrificia Iudæorum sanguine, & quod turris Siloe collapsa, 18. viros occidisset, ait: nisi pœnitentiam egeritis omnes similiter peribitis. Nam asseuerat hoc non tantum factum esse propter eos qui istic perierunt, sed etiam propter alios qui eorum casu admoniti resipiscerent. Multo magis calamitas populi Iudaici nos admonet pœnitentiæ, præsertim cum causa non sit dissimilis. Illi enim potissimum puniebantur propter religionis contemptum. Quid quæso hic non est simile? quare admoniti casu Iudaici populi maturè resipiscamus, ne prius opinione nostra incurramus in manus Dei uiuentis.

QVINTVS vsus, quod ex persecutione Ecclesiæ quæ tum fuit maxima, discere debeamus, quòd ciues regni Christi in hoc mundo non debeant florere & externo imperio mundi gaudere. Ut enim Ecclesia Christi non est affixa certo loco, ita ipsius gloria & decus partim in conscientia piorum est, partim in expectatione reuelationis Iesu Christi est posita.

SEXTVS vsus est, ut ciuibus regni Christi nos adiungamus, non persecutionum mole absteriti à confessione. Tametsi enim omnes, qui piè in Christo

2 Tim: 3. volunt viuere, patientur persecutionem: tamen Christus eos beatos esse pronunciat, quia presentem afflictionem sequetur gloria, ad quam nulla patet via nisi per crucem.

psal: 119. 3. SEPTIMVS, vt incommodo Iudæorum & damno simus cautiores. Ne igitur erremus cum Iudeis, sequamur lucernam verbum Dei. Hæc enim nos sola tutos ab errore facere potest. Lucerna, inquit Dauid, pedibus meis verbum tuum, & lumen semitis meis. Et Paulus vult nos verbum Dei prætereundere tanquam faciem ardentem.

psal: 119. 3. OCTAVVS, vt admoneamur, vt supereminentibus malis opponamus nomen Dei, quod est turris fortissima. Ita enim Salomon inquit: Turris fortissima nomen Domini, ad quam confugiet iustus & saluabitur. Hi in curribus (inquit Dauid) hi in equis, nos autem in nomine Domini inuocabimus. Est autem nomen Domini supplex oratio, quæ ex vera Christi fiducia proficiscitur, quæ fiducia est victoria mundi. Ita enim ait Apostolus: Hæc est victoria, quæ vincit mundum, fides vestra. Quare sic? quia Christum inuocat mundi victorem, Christum presentem habet, contra quem portæ inferorum nihil possunt. Oremus ergo, ne vel mens phanaticis opinionibus inuoluatur, vel fiducia labascatur in tantis tumultibus.

1 Jo: 5. NONVS, vt muniamus nos etiam aduersus scandala, quæ sunt plurima futura: quæ cum venerint, meminerimus dicti Christi: Ecce prædixi vobis.

vobis. Neque scandala illa sunt futura eiusdem generis. Alia enim erunt scandala persecutionis: alia paucitatis confitentium Christum: alia defectuonis. Multi enim prorsus in istis malis, quæ ventura sunt renunciabunt Christi nomine eiusque Evangelio, & rursus se subijcient Sathanae, multi erunt autores diuersarum sectarum in isto exiguo cætu, qui Christum confitebuntur. Contra hoc muniri nos vult Christus, & quia mala præscita minus nocent, voluit Christus suam Ecclesiam de his præmonitam esse.

DECI MUS, vt nos viuentes in timore Dei expectemus aduentum Domini nostri Iesu Christi, qui nobis plenam redemptionem adferet: quæ redemptio est veluti omnium beneficiorum Christi finis, ad quam alia beneficia destinantur. Est enim hic ordo beneficiorum Christi, qui I. Corinth. I. describitur his verbis: Christus factus est nobis sapientia à Deo, iusticia, sanctificatio, & redemptio, vt qui gloriatur, in Domino gloriatur. Sapientia nobis est, cum nobis reuelat voluntatem Patris in Evangelio. Iusticia, quando credentes Evangelio ipsius iusticia nobis imputatur. Sanctificatio fit nobis, quando iustificati donamur Spiritu sancto, cuius virtute iam nouam vitam meditamur. Tandem erit nobis redemptio, quando perfecta salus nobis per ipsum contingeret, cui cum Patre & Spiritu sancto sit
honor, laus & gloria, in sæcula
seculorum, Amen.

IN

752 IN FESTO PURIFICATIONIS
IN FESTO PURIFICATIONIS MARIE,
EVANGELIUM LUCÆ. 2.

Posteaquam completi fuissent dies purgationis eorum secundum legem Mosi, adduxerunt eum Hierosolymam, ut sisterent eum Domino, sicut scriptum est in lege Domini: Omne masculinum adaperiens vuluam, sanctum Domino vocabitur, & ut darent hostiam, secundum quod dictum est in lege Domini, par turturum, aut duos pullos columbarum. Et ecce, homo erat Hierosolymis, cui nomen Simeon, & homo iste iustus ac pius, expectans consolationem Israel, & Spiritus sanctus erat super eum. Et responsum acceperat à Spiritu sancto, non visurum se mortem, nisi prius videret Christum Domini. Et venit per spiritum in templum. Et cum inducerent puerum Iesum parentes, ut facerent secundum consuetudinem legis pro eo, ipse quoque accepit eum in vlnas suas, & laudauit Deum ac dixit: Nunc dimittis seruum tuum Domine, secundum verbum tuum in pace. Quia viderunt oculi mei salutare tuum, quod parasti ante faciem omnium populorum. Lumen ad reuelationem gentium, & gloriam plebis tuæ Israel.

ENARRATIO TEXTVS.

IN hoc festo tractatur pars historie Christi, videlicet quomodo sit oblatus in templo iuxta legem:
Et quo-

Et quomodo Simeon vir iustus agnouerit Iesum
 Mariae filium verum Messiam esse, idq; ex instinctu
 Spiritus sancti, à quo responsum acceperat, se nō mo-
 riturum, priusquam viderent oculi eius Christum
 Dominum: quem cum vidisset, accepit eum in
 vlnas suas, benedixitq; ei: quo factō, carmine suam
 gratitudinem erga Deum ostendit. Debemus autem
 hīc reuocare in memoriam, quæ hactenus audiui-
 mus de Christo, vt eius perpetuam historiam cogno-
 scamus. Audiuius itaq; primum de natiuitate
 eius gloriosa, quod natus sit in Bethlehem. Secundo,
 de eius circumcissione, quod octauo die sit circumci-
 sus. Tertio, quomodo à Magis sit agnitus & hono-
 ratus. Iam sequitur eius oblatio in templo, quæ ob-
 latio secundum legem contigit, exactis sex septima-
 nis ab eiusdem natiuitate. Loci tres:

- I. Oblatio Christi in templo.
- II. Simeonis descriptio & benedictio.
- III. Simeonis carmen.

DE PRIMO.

Deus in veteri testamento varios offerendi ri-
 tus ordinauerat, idq; non vt sacrificandi opere iu-
 stificarentur homines coram Deo. Si enim sanguis
 taurorum & hircorum abolere potuisset peccatum,
 Christus non venisset in carnem, vt sui corporis vi-
 ctima peccatum expiaret: sed fuerunt aliæ causæ,
 quarum de numero sunt hæ.

PRIMA, vt isto exercitio gentium idololatria
 impe-

impediretur. Nam cum omnes homines etiam barbarissimi tanguntur quadam religionis reuerentia, volunt suo iudicio ritus colendi Deum instituere. Verum quia nullus cultus Deo placet, nisi quem ipse instituit, ordinavit ipse Deus per Moſen varios cultus, ut multitudine rituum, quos Deus ordinavit impediretur populus Iudaicus ab idololatria, & ſerviret vni Deo, qui eos de terra Aegypti eduxerat, infinitaq; alia beneficia ſpiritualia & corporalia praſtiterat.

SECUNDA, ut interna pietas his externis adminiculis exerceretur. Neq; enim iſta externa ſacrificia per ſe cultus erant, ſed tantum veri cultus excitamenta: id quod ex Iſaia patet, ubi Dominus externa ſacrificia abominatur ſine interna animi pietate.

TERCIA, ut eſſent publica teſtimonia gratiarum actionis, quibus populus iſte & excitaretur & confirmaretur, teſtareturq; palam ſe hunc Deum colere, qui eos in terram Canaan introduxiſſet, & miraculoſe in deſerto pauiſſet.

QUARTA, ut hoc pacto confirmaretur miniſterium verbi: ut miniſtri cultus Dei, & ſacerdotes haberent quo alerentur. Qui ſervit, inquit Paulus, altari, vivat de alteri. Et Chriſtus: Dignus eſt operarius mercede ſua. Hanc conſuetudinem retinuerunt in Eccleſia olim, quando ad verbum audiendum & ad celebrationem ſacramentorum conuenerunt: Pij contulerunt pro modo ſuarum facultatum

tatum aliquid ad ministros verbi & pauperes alendos, quæ contributio collecta vocabatur. Hinc & decimandiratio fluxit.

QVINTA, ut istæ oblationes veteres essent umbra futurae victimæ Christi, & veluti præludium, quo admonerentur de venturo Christo. Hoc pijs bene intellexerunt, Abel, Nohe, Abraham. Non enim putarunt se suis victimis abolere peccatum & mortem: sed confisi sunt victimæ Christi, cuius virtute & ipsorum peccata sunt expiata. Abel cum suas victimas mactaret, sic cogitavit. 1. Videns sanguinem victimæ cogitavit de peccato generis humani, quod pœnam æternam meruerat. 2. prospexit ad significatum. Nam suam victimam cogitavit figuram esse promissi seminis, hoc est, Christi, qui sua victimæ esset peccatum expiaturus. 3. hac cogitatione fides Abelis confirmabatur, & crescebat, quæ & coram Deo iustificatus est, & placuit Deo. 4. hanc fidem sequebatur gratiarum actio, & vitæ novitas. Hoc pacto offerentes Deo placuerant. Hoc sit dictum de sacrificijs veteris testamenti in genere: nunc de ea sacrificiorum forma dicam, cuius in hoc Evangelio fit mentio.

Prole nata duplex præceptum erat positum. Unum de matre, quot septimanis extra cœtum hominum esse deberet. Alterum de puero nato. De matre hoc præceptum erat, ut, nata mascula prole, extra cœtum esset 37. dies: sed nata fœmella duplicabatur numerus. Nam tum extra cœtum publicum



cum esse debuit 74. dies. Id quod non factum fuit propter mulieris indignitatem, sed propter duas alias causas, nempe necessitatem & significationem. Necessitas fuit, ut isto pacto consuleretur mulieris sanitati, quæ post dolores partus habet opus quiete, quo vires colligere possit: & deberent pii mariti imbecillitatis vxorum isto tempore rationem habere: & mulieres etiam oporteret cum propter se, tum propter alias hanc naturæ legem seruare. Significatio fuit, ut ista exclusio significaret omnes natos ex Adam propter peccatum, in quo nascuntur, exclusos esse à Deo, & ideo opus habere expiatoria Christi victima.

Alterum præceptum erat de nato puero, idq; duplex. Unum generale, alterum de primogenitis.

Generale erat, mandatum, ut expletis diebus quibus mulier excluderetur à cœtu Ecclesiæ, offerrentur sacrificia, siue pro filio, siue pro filia quocumq; ordine nati essent. Hoc sacrificium, primum admo-nebat, quod pueri nati essent peccatores, & ideo opus haberent mundatione, & remissione peccatorum. Deinde ut isto pacto consecrarentur Deo. Tum, ut parentes scirent se pueros generare Deo, & non sibi, aut Sathanae. Quarto, propter significationem, nimirum ut essent typi offerendi Christi.

Speciale mandatum erat de primogenitis, tam in hominibus, quam in iumentis, ut offerrentur Deo. Primum in memoriam istius magni beneficii, quod Dominus, reseruato populo Israelitico, percussisset primo

*primogenita Aegypti ab homine vsq; ad pecus. Deinde propter significationem, videlicet quod vni-
genitus Dei, & primogenitus Mariæ, olim esset of-
ferendus pro nobis liberandis ab Aegypto pecca-
torum. Hoc sit dictum de lege & eius significatio-
ne: nunc ad oblationem Christi veniamus.*

*Lex iubet, vt omne primogenitum aperiens vul-
uam, conceptum ex virili semine isto pacto offera-
tur: sed Christus non erat ita humano more conce-
ptus, sed de Spiritu sancto erat conceptus, & natus
de castissima virgine, ergo non obligatus erat lege,
vt more aliorum primogenitorum offerretur in tem-
plo. Respondeo: Christus etiam erat liber, ne con-
ciperetur & nasceretur homo, & postea circumci-
deretur & pateretur: sed qui liber fuit, factus est
omnium seruus, vt omnes liberos faceret, siue, vt
Augustinus ait: Deus est factus homo, vt homi-
nes deos faceret. Paulus dicit, Eum factum esse sub
lege, vt eos qui sub lege erant, redimeret. Ideo hic
primogenitus etiam in templo offerri voluit.*

*Sed quomodo fuit primogenitus? Nemo vn-
quam talis extitit primogenitus. 1. fuit primogeni-
tus diuina sua natura, erat enim filius Dei æter-
nus. Ego, inquit, hodie genui te. 2. humana natura
fuit primogenitus Mariæ. Nullum enim ante il-
lum genuerat, neq; post genuit. 3. gratia. Primus
enim homo natus est, qui Deo oblatus per se pla-
cuit. 4. virtute, quia est primogenitus mortuorum.
5. vt per ipsum nos noui homines nascamur.*

D d

Præter-

Præterea observandum est, quod Maria obtulerit duos pullos columbarum, quo eius significatur paupertas. Nam ditiores agnum offerebant. Nos hinc discamus non pudere nostræ paupertatis. Christus pauper nasci voluit, ut nos diuites faceret, modo ipsius diuitias grata mente accipere voluerimus.

DE SECVNDO.

[Et ecce homo erat in Ierusalem cui nomen Simeon.] Hic habemus primam descriptionem Simeonis, & deinde eius benedictionem. Primum predicatur ob iusticiam. Ita enim inter suos vixit, quod ab omnibus vir bonus & iustus sit habitus. Non vult hoc Euangelista, quod fuerit ita iustus, ut non opus habuerit aliena iusticia. Nam in suo carmine fatetur, Christum suum esse saluatorem: sed quod vixerit inculpate inter homines & honeste, ut qui nemini male fecerit, sed omnibus pro viribus bene fecerit. Qui talis est, à Cicerone, imo ab omnibus iustus dicitur. 2. Predicatur ob pietatem: Timuit enim Deum. Timoris nomine totus cultus Dei intelligitur. Qui enim timet Deum, ut cauet omnia quibus ipsum offendi nouit: ita facit quicquid illi gratum senserit. Hic timor ex fide ortum habet. Alius timor Dei est sine fide, qui non est cultus Dei: talis est in omnibus impijs. Semper enim metuunt aduersus se iudicium Dei: qui potius vellent Deum non esse, quam propter sua scelera puniri. Talis non fuit timor qui in Simeone predicatur.

catur. Nam sequitur : Quod expectauerit consolationem Israël. Quo dicto ostenditur, quod ardenti affectu expectauerit Christi aduentum. Sciuit enim vaticinia Iacob & Danielis in istud tempus respicere. Quare ardentius expectauit & cupiuit sibi vitam prorogari, donec presentem Christum videret. Neq; mirum est eum tanto affectu expectasse Christum. Nam erat, vt inquit Euangelista, plenus Spiritu sancto. Talis fuit hic sanctus vir.

Sed quodnam fuit præmium huius pietatis? Accepit responsum à Spiritu sancto, vt non videret mortem, priusquam videret Christum Dominum : cuius impulsu venit in templum. Sed quid illic fecit? cum parentes Ioseph & Maria introducerent puerum, accepit eum in vlnas, & laudauit Deum. Iam habet hic sanctus senex quod adeo ardentius postulauit, & fert Christo testimonium, publicè profitetur hunc Iesum Christum esse, qui patribus erat promissus.

Habemus quæ Simeonis fuerit pietas : nunc ipsum nobis proponamus. Primum senes, deinde & alij discant ab illo timere Deum : discant iustè & sanctè inter homines viuere : discant Christum recipere in vlnas suas, hoc est, in corda sua : hunc prædicent, laudent, confiteantur : quod si fecerint, olim cum Simeone mercedem copiosam in cælis accepturi sunt.

DE TERTIO.

D d 2

Sequi-

Sequitur canticum Simeonis. [Nunc dimittis seruum tuum Domine secundum verbum tuum in pace.] Hoc canticum multis seculis in Ecclesijs cani solitum est, & nos, quando funera sepeliuntur, illud ipsum canere consueuimus. Continet enim doctrinam de Christo, & docet, vnde summa consolatio sit petenda, maximè cum ex hac vita nobis discedendum erit. Quò autem hoc carmen melius intelligamus, illud diuidam in duas partes, in quarum priori sibi gratulatur senex Simeon: in posteriori Christi regis beneficia erga totum mundum breuissimè complectitur.

Prior pars est: [Nunc dimittis Domine seruum tuum secundum verbum tuum in pace, quia viderunt oculi mei salutare tuum.] Hic Simeon senex sibi gratulatur, quòd corporeis oculis viderat Christum, quemadmodum responsum acceperat à Spiritu sancto. Etsi enim prius illum vidit oculo fidei, sicut de Abrahamo ait Dominus: Abraham vidit diem meum, & gauisus est: tamen quia acceperat à Spiritu sancto promissionem, vt Christum præsentem corporeis oculis videret ante obitum, valde hoc intuitu est delectatus, & magno fidei robore nunc petit liberationem, vt aggregetur ad patres suos in pace. Sed vide, accepit promissionem, vt videret Christum Domini. Hic offertur infans pauper, nulla externa species hic apparet, nisi contemptus. An hac externa specie offenditur? non. Quem vidit minimum corporeis oculis, hunc vidit
maxi-

maximum fidei luminibus : quem in forma serui aspexit oculo corporis humilem , hunc nouit regem regum & Dominum dominantium esse. Neq; ignorauit prophetiam Zachariæ de illo, qui ait : Ecce rex tuus venit pauper. Sciuit eum non venire , vt occuparet regna mundi , sed vt regnum Dei daret credentibus. Hinc & nos discamus scripturis credere, & Christum & ipsius Ecclesiam intueri , non tantum oculis corporeis , sed multò magis oculis fidei. Sed quoniam petit se iam dimitti , vt hanc ærumnosam vitam morte commutet , satis ostendit Christi regnum non esse huius mundi, sed æternum, quod in pace conscientie positum est. Quasi diceret : Da mihi nunc, vt in pace & fœliciter moriar. Hinc doctrinam & consolationem hauriamus. Doctrinam quidem , quòd visio Christi spiritualis, quæ fit per fidem , facit vt letus hominis sit exitus ab hac vita, quia qui Christum ita videt ante mortem , quam sequatur lucem ad vitam habet. Qui sequitur me (ait Dominus) non ambulat in tenebris. Contra, qui Christum non videt, à morte præsentis vitæ transit ad æternas tenebras. Consolationem vero , quia qui Christum vident in articulo mortis , habent quo se consolentur : sciunt se iam dimittendos esse in pace : sciunt se non ituros ad tenebras , sed ad gaudium æternum. Latro , quia non solum in cruce vidit Christum oculis corporeis miserrimè afflictum , sed etiam eundem oculis fidei victorem mortis , audiuit à Domino : Hodie me-

D d 3 cum eris

cum eris in paradiso. Sic Stephanus moriturus vidit Christum, & summa cum voluptate animi & gaudio, Domino dixit: In manus tuas Domine, commendo spiritum meum. Ad hunc modum & tu, cum iam morbus te grauat, fide aspice Christum saluatorem, & ab illo pete, vt te in pace dimittat, id est, sinat ab hac vita discedere, & in requiem omnibus fidelibus promissam intrare.

Hæc cogitatio faciet, vt hunc mundum & præsentis vitæ calamitates fortiter contemnamus, & mentem nostram consolemur spe salutis, quam nobis promisit qui mentiri nequit. Sequitur altera pars cantici.

[Quod parasti ante faciem omnium populorum, Lumen ad reuelationem gentium, & gloriam plebis tue Israël.] Hic breuiter duo indicantur. Unum, quæ sunt beneficia Christi, Alterum, quibus destinata sunt ista beneficia. Beneficia sunt, salus, lumen, gloria. Sine ergo Christo mundus in damnatione, tenebris & ignominia hæret, idque propter peccatum. Nam Christus damnationem tollit, & reddit salutem: tenebras aufert, & affundit lumen: ignominiam amouet, & gloriam tribuit. Quanta quæso sunt hæc? sanè nemo ea satis æstimare potest.

Sed quibus beneficia illa destinata sunt? Omnibus populis Iudeis & gentibus: verum fide sunt accipienda. Offeruntur enim vniuersaliter omnibus, ea est enim inscrutabilis Dei bonitas,
sed ad-

sed additur conditio: Qui crediderit, hic saluus erit: Qui non crediderit, condemnabitur. Quare nos si hæc bona cupiamus, cum Simeone, hunc IESVM saluatorem & Dominum in vlnas cordis nostri recipiamus, firma fiducia in illum recumbentes. Huic nostro saluatori sit honor & gloria in secula seculorum,

A M E N.

IN FESTO AN- NUNCIATIONIS MARIAE, EVANGELIUM LVCAE I.

IN mense autem sexto, missus est angelus Gabriel à Deo in ciuitatem Galilææ, cui nomen Nazareth, ad virginem desponsatam viro, cui nomen erat Ioseph, de demo Dauid, ac nomen virginis Maria. Et ingressus angelus ad eam, dixit: Ave gratiosa, Dominus tecum, benedicta tu inter mulieres. Illa vero cum vidisset, turbata est super oratione eius, & cogitabat, qualis esset salutatio. Et ait angelus ei: Ne timeas Maria, nacta es enim gratiam apud Deum. Ecce concipies in vtero, & paries filium, & vocabis nomen eius Iesum. Is erit magnus, & filius altissimi vocabitur. Et dabit illi Dominus Deus sedem Dauid patris ipsius, regnabitque super domum Iacob in æternum, & regni eius non erit finis. Dixit autem Maria ad angelum: Quomodo erit istud,

D d 4

quan-

quandoquidem virum non cognosco? Et respondens angelus, dixit ei: Spiritus sanctus superueniet in te, & virtus altissimi obumbrabit tibi. Quapropter & quod nascetur sanctum, vocabitur filius Dei. Atque ecce, Elizabeth cognata tua, & ipsa concepit filium in senectute sua, & hic mensis est sextus illi, quæ dicebatur sterilis, quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Ac discessit ab illa angelus.

ENARRATIO TEXTVS.

Hoc festum continet historiam conceptionis Iesu Christi, quæ nunciatur virgini ab angelo Dei. Olim enim 3960. anno ante hanc conceptionem promisit Deus semen mulieris, quod contritum erat caput serpentis, id est, quod demolitum erat opera Diaboli, peccatum & mortem. Huius promissionis memor Deus mittit angelum suum ad castissimam virginem, cui annunciat, quod sit conceptura ex Spiritu sancto sine virili semine, & paritura filium, qui sit futurus saluator mundi. Hæc summa est historię, cuius sunt quinque præcipua membra, quæ sunt:

- I. Descriptio legationis.
- II. Salutatio angelica.
- III. Consolatio turbatę virginis.
- IIII. Expositio legationis.

V. Con-

V. Conceptionis ratio.

D E P R I M O .

In descriptione huius legationis plures sunt obseruandæ circumstantiæ, quarum singulas seorsim considerabimus, quò aliquid doctrinæ ad nos confirmandos inde hauriamus.

P R I M A: tempus est. In mense, ait, sexto, scilicet à conceptione Iohannis Baptistæ, qui iuxta vaticinia Prophetarum erat futurus præcursor Domini, ut pararent homines viam regi suo aduenienti. Et fuit vigesimus annus postquam sceptrum ablatum est. Nam ita à Iacob patriarcha prædictum erat: Non auferetur sceptrum de Iuda, donec veniat Silo, id est, mulieris semen, quod promissum erat primis parentibus. Hæc igitur temporis circumstantia conuincit hunc filium virginis verum Messiam esse. Nam eo tempore est natus, quo eum nasciturum prædixit Spiritus Dei in Prophetis. Deinde, quantum ad diem attinet, hoc est memorandum, quod in eundem anni diem incidit mactatio agni Phase, conceptio Christi, & passio eiusdem, quo die etiam putant sancti patres Adamum fuisse creatum. Hæc commendant nobis veritatem promissionum diuinarum. Distulit diu Deus mittere filium post factam promissionem, sed tamen mansit verax in suis promissis. Promisit se filius venturum ad iudicium, sed differt: veniet tamen ubi ei placitum fuerit.

D d 5

S E-

SECUNDA: legatus est Angelus Gabriel. Quare? Primum, ut seruaretur diuina ordinatio. Nam ut antea Deus solitus erat mittere angelos, qui hominibus nunciarent voluntatem Dei: ita nunc mittitur Angelus, ut seruiat saluti hominum. Hoc enim Angelorum officium esse docet Apostolus ad Hebræos cap. 1. Deinde, quia Angelus malus primæ perditionis fuit causa, conueniebat, ut bonus Angelus reparandæ salutis primus esset nuncius. Tercio, hoc quoq; virgini castissimæ conueniebat, ut ad eam castissimus mitteretur legatus.

TERTIA: quod hic legatus à Deo missus sit. Imperatorum & regum legati auidè expetuntur, ut sciantur quid tanti principes velint. Ecce hic summus, qui mittit, imperator, et magnus, qui mittitur legatus. Quare merito in admirationē excitari debemus.

QUARTA: locus, ad quem mittitur, signatur. Mittitur enim in ciuitatem Galilææ, cui nomen Nazareth. Hoc ideo factum est, quia ita prædictum fuit. Deinde, Deus ostendit se quæ humilia sunt in terra respicere. Quare non est, quod quisquam se abiectum putet, propterea quod vel pauper vel abiectus sit in terra.

QUINTA: ad quam personam mittitur, nempe ad virginem desponsatam viro. Debuit quidem Christus à virgine concipi, & à virgine nasci iuxta vaticinia Prophetarum. Quatuor etenim hominum in mundum propagationes fuerunt. 1. fuit solius Adam, qui ex limo terræ formatus est. 2. fuit solius

Euæ,

Eua, quæ è costa Adam ædificata est. 3. fuit solius Christi, qui ex purissima virgine est natus. 4. communis est omnium aliorum hominum, qui ex seminibus maris & fœminæ nascuntur.

Conceptus est igitur & natus ex virgine Christus. Primum quia si ex viri & mulieris semine fuisset natus, in peccatis fuisset conceptus & natus. Sed decuit eum, qui venit ut tolleret peccatum, absque peccato esse. Deinde, vaticinijs debuit satisfieri. Gen. 3. dictum erat: Semen mulieris conteret caput serpentis. Gen. cap. 49. Non auferetur sceptrum de Iuda donec veniat Silo, id est, eius scilicet mulieris filius. Isa. 7. Ecce, ait, virgo prægnans pariet filium. Præterea conueniebat ita fieri propter significationem spiritualis regenerationis, quæ non ex voluntate carnis, neq; ex voluntate viri, sed ex Deo est. Unde Augustinus: Oportebat caput nostrum insigni miraculo secundum corpus nasci de virgine, ut significaret sua membra secundum spiritum nascitura.

Quod autem hæc virgo fuerit viro desponsata, habuit etiam suas causas. Nam & hac ratione matrimonij dignitas commendatur, & consultum est pudicitie & famæ virginis, imò etiam datus est custos virgini, qui eius curam haberet.

SEXTA: quod Ioseph fuerit de domo David: Idq; ita conueniebat, primum propter oracula. Fuit enim prædictum, ut Christus adueniens nasceretur de prosapia Dauidica: id quod ipsis scribis & Phariseis non ignotum erat.

DE

DE SECVND O.

Secundum membrum huius Euangelicæ historiæ est salutatio Angelica, quæ est: [*Aue gratia plena, Dominus tecum benedicta tu in mulieribus.*] Hic cogitemus de Eua prima parente & sanctissima virgine matre Iesu, & obseruemus, quam diuersas voces audiuerint. Eua audiuit: Multiplicabo ærumnas tuas. Aerumnæ autem maledictionis signa sunt ante fidem. Maria audiuit: χαῖρε, id est, gaude. Et causam addit: [*Plena es gratia,*] id est, Deus te in gratiam recepit & delegit te vnā ex toto humano genere, cui singulare præstabit beneficium. [*Dominus est tecum,*] hoc est, tu habes Deum protectorem & saluatorem. [*Benedicta tu inter mulieres,*] hoc est, quemadmodum Eua erat maledicta inter mulieres, imo omnes mulieres erant maledictæ propter illam: ita tu benedicta es ex dono & fauore Dei. Tibi enim tanta contigit fœlicitas, vt seminis promissi mater sis futura. Hæc est sententia salutationis, vnde facile est colligere, quam stulti sunt qui hinc volunt facere precationem, qua inuocant beatam virginem contra manifestum verbum Dei: quibus hoc dictum volo hoc tempore: Maledictus omnis, qui inuocat creaturam, & qui detorquet scripturæ verba ad stabiliendam horrendam idololatriam, in contemptum filij Dei, in ignominiam sanctissimæ virginis, & in sui certissimam perniciem. Quando docetur in Ecclesia de vera inuocatione, etiam ostenditur, quod inuocatio sanctorum

rum sit cultus Diabolicus in Ecclesiam à Diabolo inuectus.

D E T E R T I O.

[Audita hac insolita salutatione, virgo turbatur, & apud se cogitat, qualisnam sit ista salutatio. Cui angelus : Ne timeas, Maria, inuenisti enim gratiam apud Deum.] Vide hîc quid faciat verbum Dei. Primum terret, deinde consolatur. Ne timeas, inquit, quasi dicat : Non venio, vt tibi aliquid triste annunciem, non venio prædicaturus iram Dei aduersus te. Nam inuenisti gratiam apud Deum. Hîc habemus firmam doctrinam, quòd sola gratia Dei timorem expellat. Reliqua omnia adiunctum habent timorem. Amici adiunctum timorem habent, ne nos deserant cum maximè eis opus habeamus. Sanitas timorem habet ne perdatur. Diuitiæ non possidentur sine metu. Nam amitti possunt, & amissæ dolorem relinquunt. Potentia timet, vt quæ à superiori vincatur. Sola gratia Dei timorem expellit. Qui in hac est, ipse potest & in vita & in morte liberè insultare Diabolo, & omnibus eius artibus. Hæc gratia, quia possidetur fide, augetur pijs exercitijs, nobis omnibus operæ precium est cauere, ne eam nostra culpa amittamus. Ea enim amissa, nihil est reliquum præter turbationem conscientie & maledictionem.

D E Q V A R T O.

[Ecce concipies in vtero, & paries Filium, & vocabis

vocabis nomen eius *I E S U M.*] Hæc propositio legationis est, cuius sensus est: Ego ex mandato Dei tibi denuncio, quòd sis iam mater futura, & filium paries, quem vocabis Iesum. Hic haud dubiè castissima virgo cogitat de promisso semine: audit sibi nomine Dei denunciari quòd sit paritura filium, quem Iesum appellare iubetur. Hoc nomen Iesus, quod saluatorem significat, intellexit opponi maledictioni & morti, in quam primi parentes ob suam transgressionem inciderant. Hoc nomen solet fusius explicari die circumcisionis: quare nunc ad reliqua pergo.

[Hic erit (inquit) magnus.] Verè magnus, utpote filius altissimi: verè magnus, qui potentem Sathanam vinceret: verè magnus, qui maxima daret: verè magnus, cuius regnum æternum. [Dabit illi (inquit) Dominus Deus sedem David patris sui, & regnabit in domo Iacob in æternum, & regni eius non erit finis.] Hanc descriptionem si observemus, quatuor de Christo hic dici inueniemus. Primum enim eius veram humanitatem indicat, cum dicit illum nasciturum ex virgine. Deinde, eius divinitatem non tacet. Dicit enim: Filius altissimi vocabitur. Filius altissimi est eiusdem naturæ cum altissimo. Tertio, cum addit. [Hic erit magnus,] significat unionem personalem. Et si enim est Deus & homo: una tamen persona est, non duæ. Quarto loco notatur eius officium quod sit Iesus & Rex qui regnabit in æternum. Quomodo de Christo dici potuit,

tuit, quod esset habiturus sedem Patris sui, cum ipse dicit regnum meum non est ex hoc mundo, quemadmodum etiam euentus declarauit: & Davidis regnum fuit politica administratio in Iudæa? Vmbra regni tenuit David: hic eius filius veritatem regni occupat. Regnum Davidis fuit figura & vmbra regni Christi, & ideo vnum regnum dicitur vtrumq; quia illud est vmbra, hæc est veritas eiusdem regni. Deinde, mos scripturæ est diuina externis rerum imaginibus depingere, vt nostræ infirmitati seruiat collatio.

D E Q V I N T O.

[Dixit autem Maria ad Angelum: quomodo fiet istud, quoniam virum non cognosco.] quasi diceret, Quomodo possum absq; viro grauida fieri corporaliter (vt tu dicis) cum nondum cognorim virum? Sciuit castissima virgo ordinem diuinitus sancitum esse, vt homines conciperentur ex semine virili & muliebri: neq; contrarium exemplum vidit aut audiuit post creationem primorum parentum. Quare hoc sue rationis iudicium & experientiam in ordine diuinitus sancito secuta, quærit: Quomodo fiet istud, quoniam virum non cognosco, an aliquo insolito more hic fiet conceptus? [Et respondens Angelus dicit ei: Spiritus sanctus superueniet in te, & virtus altissimi obumbrabit tibi. Ideoque & quod nascetur ex te sanctum vocabitur Filius Dei.] Hic modum conceptionis declarat Angelus, &

Et causam conceptionis transfert à natura ad Deum naturæ opificem. Quasi diceret: Non concipies ex virili semine, sed ex tuo semine solo nascetur tibi filius, idq; operante non natura, sed gratia. Spiritus enim sanctus sua diuina virtute faciet, vt ex tuo semine nascatur verus homo. Hinc augustinus: Per gratiam Dei, seu potentiam Dei & operationem Spiritus sancti, de carne virginis assumptum est, quod verbo est vnitum: idq; ideo, quia si ex virili semine fuisset, cum omnibus natis ab Adam immundus extitisset. Quod autem ex carne natum est, caro est, mendacium est, vanitas est, Ioh. 2. Nunc autem per Christum oportuit fieri gratiam & veritatem. Non igitur potuit de viro concipi, sed oportuit id fieri occulta quadam Dei virtute: quo omnis peccati purus et sanctus, nos quoq; purificaret, & sanctificaret futurus patri hostia sancta & incontaminata. Deinde de Spiritu sancto conceptus est, vt sciamus, quod quicquid filius loquatur esse ipsissimam patris voluntatem. Est enim Spiritus sanctus amor Patris & filij substantialis. Præterea, quia Spiritus sanctus est Spiritus sanctificationis, & purificationis. Hic enim ex sanguine, quem purificauerat, Christi corpus ædificauit, vt esset mundum & immune ab omni peccato, vt supra quoq; dictum est. Hæ causæ fuerunt & sunt, quod non decuerit Christum nasci ex viri semine, sed per efficaciam Spiritus sancti. Id Angelus insinuat, cum dicit: Ideoq; quod nascitur ex te sanctum, filius Dei vocabitur.

Et si

Et si an
habuit: ta
dit ei sign
zabet cog
Etute sua
sterilis: I
contra na
tum fieri
ego tibi c
tura ord
tura &
cum ma
sterilis si
annos pa
da. Verum
Deo ordina
mes statu
Vide
verbo ag
externu
accomme
bum, &
offert vel
hodie sua
signis ob
Veru
seruando
le apud
hæc vox

Et si autem beata virgo his verbis Angeli fidem habuit: tamen ut sit confirmatio virginis fides, addit ei signum quo certificatur. [Et ecce, inquit, Elizabeth cognata tua & ipsa concepit filium in senectute sua, ut hic mensis est sextus illi, quæ vocatur sterilis:] quasi diceret: Tu apud te ratiocinaris, contra naturæ legem & ordinem diuinitus institutum fieri, ut virgo concipias & virgo parias: sed ego tibi aliud ostendam, quod etiam est contra naturæ ordinem. Elizabeth cognata tua est sterilis natura & ætate: natura quidem, quia tot annis vixit cum marito sine prole, adeo quod in eius ignominia sterilis sit vocitata: ætate vero, quod iam excesserit annos pariendi, etiam si maximè olim fuisset fecunda. Verum hic sextus mensis est à quo concepit, ita Deo ordinante & volente. Quare hoc signo te confirmes, statuasque verè futurum esse, ut tu quoque parias.

Vide hinc consuetudinem Dei, qui nunquam nudo verbo agit cum homine, sed semper signum aliquod externum addit, quod nostræ imbecillitati magis se accommodet, dum suam voluntatem menti per verbum, & sensibus per signa externa, verbi signacula offert veluti spectandam. Sic nobis per Euangelium hodie suam patefecerat voluntatem, quam externis signis obsignat, Baptismo & Cæna Dominica.

Verum in hoc colloquio Angeli cum virgine obseruandum est dictum quo ait: [Non erit impossibile apud Deum vllum verbum.] Hoc verbum, & hæc vox Angeli duo continet. Primum, veritatem

E e

& cer-

& certitudinem promissorum diuinorum obsignat. Deinde monet nos, vt potentiam Dei opponamus omni carnis sensui & iudicio, & statuamus Deum veracem esse, etiamsi tota rerum machina aliud nobis persuadere moliretur, vtq; dicamus cum virgine: Fiat secundum verbum tuum: verbo voluntatem reuelas: potentia voluntatem adimpleres, vt tibi soli sit gloria. Peccator es, deploras tuam miseriam, sed audi verbum voluntatis: Nolo mortem peccatoris. Item: Omnis qui inuocauerit nomen Domini, saluus erit. Include in hoc verbo & voluntatem & potentiam Dei, cui nihil resistere potest. Quando vicinus morti tristaris, confugito ad Christum, & audi verbum: Beati qui in Domino moriuntur. In hoc verbo coniunge voluntatem & potentiam Dei, & certo statuito mortem tibi fore viam ad beatitudinem: idq; per Christum Iesum Dominum nostrum, cui cum Patre & Spiritu sancto sit honor, laus & gloria, in secula seculorum, A M E N.

IN FESTO IO-
HANNIS BAPTISTÆ,
EVANGELIUM LUCÆ I.

Elizabethæ impletum est tempus parien-
di, & peperit Filium. Et audierunt vicini
& cognati eius, quod magnifice Dominus
mise-

miserericordia sua vsus esset erga illam, & gratulabantur ei. Et factum est die octauo, venerunt ad circumcidendum puerum, & vocabant eum nomine Patris sui Zachariam. Et respondens mater eius, dixit: Nequaquam, sed vocabitur Iohannes. Et dixerunt ad illam: Nemo est in cognatione tua qui vocatur isto nomine. Innuebant autem patri eius, qui vellet vocari eum. Isque postulatis tabellis scripsit, dicens: Iohannes est nomen eius. Et admirati sunt vniuersi. Apertum est autem os eius illico, & lingua eius, & loquebatur, laudans Deum. Et peruasit timor omnes vicinos eorum, & per omnem montanam regionem Iudæis diuulgabantur omnia verba hæc, & posuerunt omnes, qui audierant, in corde suo, dicentes: Quidnam puer hic erit? Et manus Domini erat cum illo. Et Zacharias pater eius repletus est Spiritu sancto, prophetauitque dicens: Laudandus Dominus Deus Israel, quia visitauit, & fecit redemptionem populo suo. Et erexit cornu salutis nobis, in domo David pueri sui. Sicut locutus est per os sanctorum, qui à sæculo fuerunt, Prophetarum suorum: Fore, vt seruaremur ab inimicis nostris, & de manu omnium qui oderunt nos. Vt vteretur misericordia erga patres nostros, ac memor esset testamenti sui sancti. Præstaretque iusiurandum, quod iurauit ad Abraham Patrem nostrum, ac daret nobis. Vt sine timore de manu inimicorum nostrorum liberati, seruiremus ipsi,

E c 2 cum

cum sanctitate & iusticia coram ipso cunctis diebus vitæ nostræ. Et tu puer Propheta altissimi vocaberis, præibis enim ante faciem Domini, ad parandum vias eius. Ad dandam scientiam salutis populo ipsius, per remissionem peccatorum eius. Per viscera misericordiæ Dei nostri, quibus visitauit nos oriens ex alto. Ut illucesceret his qui in tenebris & umbra mortis sedebant, ad dirigendos pedes nostros in viam pacis. Puer autem crescebat, & corroborabatur spiritu, & erat in desertis, donec veniret dies, quo ostendendus erat apud Israelitas.

ENARRATIO TEXTVS.

ET si autem prophana idololatria est inuocare sanctos, id quod à Papistis in sanctorum festis factitatum est: tamen aliquot sanctorum festa retinere est perutile, idq; multis de causis.

P R I M A, vtile admodum est, vt cognoscatur historia Ecclesiæ, nam inde doctrinam, confirmationem & consolationem petere possumus. **S E C V N D A**, dulce est cogitare beneficia Dei erga Ecclesiam, vnde singularis fructus pijs accedit pectoribus. **T E R T I A**, vt gratiæ Deo agantur pro beneficijs Dei erga Ecclesiæ membra. **Q V A R T A**, vt perpensis varijs sanctorum casibus obfirmemus animos nostros aduersus presentes & futuros casus, quos experiri necesse est. **Q V I N T A**, vt sancti sint nobis in pœnitentia, vita, cultu, confessione, constantia, patientia, & alijs virtutibus, quasi exemplaria, ad
quæ

quæ nostram vitam formemus. SEXTA, ut pijs spirijs sanctorum expetamus consortium. Hæ & aliæ graues sunt causæ, cur sanctorum festa quædam in Ecclesia retinemus. Utinam non abuterentur multi sanctorum festis & alijs ad suas voluptates & insanias, quemadmodum hoc festo præcipuè multi abusi sunt in Papatu, dum nocturnis saltationibus amatorijs corollis, perpotationibus, ne dicam alia turpiora, hoc festum celebrarunt, quo non Deo, eius angelis, & sanctis placuerunt, Sed Sathana seruierunt in contumeliam Dei, Angelorum & sanctorum. Hæc sunt breuiter dicta de festis sanctorum & eorum recto vsu: De hoc festo vnum tantum locum tractabo, nempe historiam Iohannis, vnde aliquot admonitiones extruam.

DE HISTORIA IOHANNIS
BAPTISTAE.

In historia Iohannis Baptiste hæc perpendantur circumstantiæ: Parentes, conceptio, natiuitas, educatio, vocatio, officium, de Iohanne testimonium Christi, mors, & ea quæ circa mortem & post mortem contigerunt.

Parentes Baptiste fuerunt Zacharias sacerdos, vir sanctus, & inculpata vitæ, & Elizabeth mater fuit, ut ætate prouecta: ita pietate eximia. De vtrisque ita testatur Euangelista Lucas cap. 2. Erant iusti ambo coram Deo incedentes in omnibus man-

E e 3

datis

datis & iustificationibus Domini irreprehensibiles, & non erat illis filius, eò quod esset Elizabeth sterilis, & ambo processissent in diebus suis. Hæc descriptio continet, qua fuerint pietate parentes Iohannis, qua vixerint innocentia, & quòd iam senium adepti solatio senectutis destituti fuerint, eo quod Elizabeth sterilis fuerit non solum natura, dum adhuc iuuenula erat: verum etiam ætate cum iam anus esset facta. Verum contra naturæ cursum, et sterilitatis incommodum tandem consequuntur, quod magno desiderio à Deo petiuerant. Hæc proinde circumstantia de parentibus Iohannis multa docet. 1. quod preces piorum tandem exaudiantur 2. quod à precando non sit absistendum, propterea quod diutius differri postulata videantur. Est enim pulsandum donec nobis gratiæ ostium aperiatur. 3. quod afflicti in fide manentes & innocentiam tuentes tandem consolationem consequantur. 4. quod qui matrimonio sunt copulati, debeant in timore Dei viuere & irreprehensibiles esse. 5. quod ministri verbi & ipsorum vxores debeant alijs præluere in omni genere virtutum. Ut enim Zacharias maritus officij dignitatem ornavit sanctitate vitæ: ita Elizabeth vxor sanctam vitam & inculpata[m] degit. Sciuerunt enim se in eum dignitatis locum euectos esse, vnde ipsorum vita alijs magis conspiceretur. Utinam non essent multi, qui Zachariam prædicant, & non Zachariam viuunt: verum hi suum inuenient iudicium.

S E-

SECUNDA circumstantia est conceptionis, in qua plura sunt considerata. Nam primum conceptio Zachariae patri fungenti suo officio in templo praedicatur ab Angelo: quod cum non credit senex effectus, mutus efficitur in poenam suae incredulitatis. Hic primum se offert officium sanctorum Angelorum, qui sunt nuncij Dei, & ministri Ecclesiae Dei, ut eam defendant, ei seruiant iuxta Dei voluntatem. Sed de Angelis dicenda sunt plura die Michaelis. Deinde hic obseruetur, quod Deus soleat exaudire eos, qui officio suo rite fungentes ex fide inuocant. Qui enim officio commisso non recte, quantum potest, fungitur, fide vacuus est, & orare nequit. Quare nos Zachariae exemplum sequentes, & rite fungamur nostro munere, & ardentem Deum inuocemus, ut nostris necessitatibus succurrat. Est enim suarum promissionum memor. Praeterea hic docemur, quod Dei actio & consilium, non impediatur impedimentis naturae. Etsi enim Zacharias erat effectus: Elizabeth sterilis & natura & aetate: Dei tamen consilium procedit, & Elizabeth concipit iuxta decretum Dei. Hinc regulam generalem extruamus, videlicet quod nihil decretum & consilium Dei impedire possit. Decreuit mortuos excitare, sed natura hoc videtur fieri non posse. Cui hic magis credendum, naturae ne an voci Dei? Deo reddatur veritatis laus, & certo statuamus, quod qui omnipotens est veritas, & verissima omnipotentia, velit & possit praestare quicquid decreuit.

E e 4

Con-

Concipit ergo sterilis, & effatus senex fit pater aduersante natura, sed mandante naturæ authore, quem puer in vtero matris agnouit, quando adueniente Maria post conceptionem ad vocem Angeli, in vtero exultauit in testimonium, quod Deus recipiat infantes, & velit ab eis coli, iuxta Psalmum: Ex ore infantum & lactentium perfecisti laudem. Verum de hac re plura dicenda sunt die visitationis beatæ virginis.

TERTIA circumstantia est natiuitatis, de qua in hunc modum Lucas: Vocabis, inquit Angelus ad Zachariam, nomen eius Iohannem, & erit gaudium tibi & exultatio, & multi in natiuitate eius gaudebunt: Et cum natus esset Iohannes, vicini, quod acciderat Elizabet audientes, prædicarunt misericordiam Dei, & congratulati sunt Elizabetæ. Hæc circumstantia admonet nos gratitudinis erga Deum pro acceptis beneficijs: admonet nos congratulationis, vt congratulemur illis quibus Deus benefacit: admonet nos officij piorum parentum, vt nostros infantes Deo commendemus: admonet nos gaudij, quod ex benedictione Domini percipimus, vt illud ad Dei gloriam referamus.

QUARTA circumstantia est educationis Iohannis, de qua Euangelista: Puer crescebat & confortabatur spiritu, & erat in deserto, vsq; in diem ostensionis suæ Israel. Et cum in deserto esset, vt narrat Matthæus, habebat vestimentum de pilis camelorum, & zonam pelliceam circa lumbos suos.

Esca

Esca autem eius erant locustæ & mel sylvestre. Hæc est educationis satis asperæ descriptio. Quia enim arduum erat futurum ipsius officium, non in delicijs erat educandus, sed potius erat assuefaciendus laboribus ab initio. Nam, ut ille inquit, A teneris assuescere multum est.

Sed quid nos hinc discemus? Monasticen ne? Nequaquam. Quidnam igitur? Tria hinc discere debemus: Sobrietatem, obedientiam erga Deum, & assuefactionem. Sobrietas enim & continentia hoc Iohannis exemplo non solum futuris ministris verbi, verumetiam omnibus Christianis commendatur. Deinde obedientia erga Deum in nostra vocatione commendatur nobis. Non enim putandum est, quod Iohannes hoc opus & viuendi genus elegerit tanquam sanctius esset in deserto viuere, quam in theatro hominum: sed vocationi obtemperandum putauit. Assuefactio præterea commendatur nobis hoc exemplo, ut durioribus assueti non frangamur laborum mole, si quando duriora ferenda sunt. Delicatè educati effæminati redduntur, ut ad nihil præclarè agendum sint idonei, quemadmodum experientia in multis docet. Zona pellicea circa lumbos eius symbolum erat certaminis, quod illi futurum erat in officio suo cum Scribis, Phariseis, Herode, & alijs regni Christi hostibus.

QVINTA circumstantia est vocationis Iohannis. De hac circumstantia ita scribit Lucas: Factum est verbum Domini super Iohannem Zachariæ fili-

um. Hoc verbum fuit vocationis, qua diuinitus vocatus est ad ministerium. Hic nobis commendatur modestia, vt exemplo Iohannis expectemus vocantis vocem, siue Dei, sine medijs, quod olim sepius fiebat: qua ratione sunt vocati Prophetæ, Apostoli, & alij interdum: siue Dei per media, hoc est, per homines, penes quos ius est vocandi ad aliquod ministerium in Republica siue Ecclesia. Contra hoc modestiæ exemplum peccant curiosi, qui sine vocatione irrumpunt in officia, per fenestras potius & tectum, quàm per ostium. Huiusmodi sunt qui vel per amicos, vel per munerum largitionem aucupantur officia Ecclesiastica, idq; non vt Deo seruiant, & Ecclesiam ædificent, sed vt suo ventri consulant, quæ res non benè cedere solet.

SEXTA circumstantia est officij, de quo Lucas hoc modo: Et venit in omnem regionem Iordani finitimam prædicans baptismum pœnitentiæ in remissionem peccatorum, sicuti scriptum est in libro Isaie: Vox clamantis in deserto, parate viam Domini & rectas facite semitas eius &c. Habemus officium Iohannis videlicet vt baptizet & prædicet pœnitentiam, vt paret viam Domino, vt Christum Dominum monstret.

Quia autem primus Dei minister fuit qui baptizauit ex mandato Dei, Baptista dictus est: quia prædicauit pœnitentiam, Propheta est dictus: quia Christum monstrat, Elias est vocatus, vt spiritu Eliæ veniens Domino viam pararet. In huius officio
multæ

multæ virtutes lucent: vt constantia, fortitudo, confessio, crux, defensio veritatis, ardor & studium propagandi regni Christi. Herodem non timuit, Phariseos non est reueritus, sed officium constantissime tuebatur vsq; ad mortem.

SEPTIMA circumstantia est testimonij Christi de Iohanne. De hac circumstantia scribitur Matth. II. vbi Iohannes coniectus in vincula mittit duos discipulos ad Iesum, vt quærerent, num is sit qui venturus sit, an alius sit expectandus. Verum post responsum Christi, subiicitur Christi testimonium de Iohanne. Quid existis, inquit, in desertum videre? num arundinem? verum quia hoc Christi præconium de Iohanne declaratum est tertia Dominica aduentus, nolo de eo plura dicere.

OCTAVA circumstantia est de morte Iohannis, & de ijs quæ circa mortem & post mortem contigerunt. In morte occasio, causa, mortis genus & exemplum Iohannis.

Occasio fuit hæc: Herodes accepit fratris sui uxorem, qua vsus est vt sua. Hoc quia Iohannes vidit esse contra legem Dei, & naturæ honestatem, dicit Herodi: Non licet tibi habere uxorem fratris tui: quod cum egretulisset Herodes, mittit Iohannem in carcerem. Herodes ante hoc Iohannis factum amabat Iohannem: habuit illum pro Propheta Dei: vsus est interdum eius consilio: sed postquam à Iohanne taxari cepit ipsius incestus, & impura vita, ex amico fit inimicus Herodes: Iohannes in
carce-

carcerem tanquam maleficus conijcitur. Huius Herodis exemplum multi hodie imitantur. Complectuntur veros Dei seruos, donec non offendant, donec vicia non carpant: sed mox ubi morbum indicauerint, vt phrenetici in medicos manus iniiciunt.

Causa mortis fuit iuramentum Herodis. Nam cum Herodes in conuiuio vidisset filiam Herodiadis saltantem, adeo placuit Herodi puellæ saltatio, quod iuravit se daturum quicquid peteret, etiam ad dimidium regni. Puella hoc audito currit ad matrem: interrogat quid petat. Mater, quæ Iohannem odio prosequabatur propter reprehensam eius libidinem, iubet vt petat caput Iohannis Baptistæ, quod & impetrat. Nam mox misso carnifice obtruncatur Iohannes, et caput illius puellæ traditur. Habemus causam mortis Iohannis & mortis genus. Ecce hic ad puellulæ petitionem iugulatur maximus ille heros, quo non fuit inter natos mulierum maior, iuxta Christi testimonium. Hæc sanè sors est Ecclesiæ. Hic videmus Christi regnum sanguine parari & sanguine seruari.

Exemplum hoc Iohannis omnibus sinceris Christi ministris imitandum est, vt videlicet eligant potius mortem, quàm vt ad peccata hominum conuineant: certi quòd is, qui Iohannis sanguinem tanquam oblationem gratissimam suscepit, etiam sui curam in medijs flammis sit habiturus: cui sit honor, laus, confessio & gloria in secula seculorum, A M E N.

I N

IN FESTO VI- SITATIONIS MARIAE, EVANGELIUM LVCAE I.

EXurgens autem Maria, in diebus his, abiit in montana cum festinatione, in ciuitatem Iuda, & intrauit in domum Zachariae, ac salutauit Elizabeth. Et factum est, vt audiuit salutationem Mariae Elizabeth, salijt infans in vtero eius. Et repleta est spiritu sancto Elizabeth, exclamauitq; voce magna, & dixit: Benedicta tu inter mulieres, & benedictus fructus ventris tui. Et vnde hoc mihi, vt veniat mater Domini mei ad me? Ecce enim vt facta est vox salutationis tuae in auribus meis, exultauit pra gaudio infans in vtero meo. Et beata quae credidisti, quoniam perficientur ea, quae dicta sunt tibi a Domino. Et ait Maria: Magnificat anima mea Dominum. Et exultauit spiritus meus, in Deo seruatore meo. Quia respexit ad humilitatem ancillae suae, ecce enim ex hoc beatam me dicent omnes generationes. Quia fecit mihi magna qui potens est, & sanctum nomen eius. Et misericordia eius in progeniem & progeniem, timentibus eum. Praestitit robur per brachium suum, dispersit superbos cogitatione cordis ipsorum. Detraxit potentes de sedibus, & erexit humiles. Esurientes impleuit bonis, & diuites dimisit inanes. Suscepit Israel puerum suum, vt memor esset misericordiae. Sicut loquutus est patribus nostris, nimirum

Abra-

Abraham & semini eius in ævum. Mansit autem Maria cum illa circiter menses tres, & reuerfa est in domum suam.

ENARRATIO TEXTVS.

Cum festis de sanctis instituta sint in Ecclesia cum alijs, tum ipso die Iohannis Baptiste dictum est. Summa autem eò redit, vt habeamus exempla pœnitentiæ & misericordiæ Dei, seu vt explicatius dicam, Primum, vt cum illis lapsi non desperemus de venia, sed aspiremus ad gratiam, seriam pœnitentiam peccatorum exemplo sanctorum agentes. Deinde, vt fidem illorum imitemur: quemadmodum Paulus monet, Abrahami fidem nobis commendans: Roma. 4. Tum, vt mores sanctorum exprimere conemur honestè, piè, & iustè viuentes, & abnegantes omnem impietatem & mundanas concupiscentias, vt Paulus ad Titum docet.

In hunc vsum & hoc festum institutum esse cogitemus, non vt sanctam virginem inuocemus, quod impia est idololatria, sed vt habeamus, quo & animum nostrum, & vitam informemus ad pietatem et virtutem exemplo huius castissimæ virginis.

Summa autem huius historiæ est, quòd Maria virgo, postquam & se cognouit ex Spiritu sancto concepisse, & sciuit Elizabetham cognatam iam in sua senectute prægnantem esse, proficiscatur ad suam cognatam Elizabeth, eam salutat. Deinde collo-

colloquuntur de eo quod acciderat, & se mutuo confirmant. Maria autem, ut signum suæ gratitudinis ederet, Psalmum componit, & canit in laudem Dei.

Loci duo :

- I. Historia visitationis.
- II. Canticum virginis.

DE PRIMO.

In Historia virginis quatuor præcipuè sunt spectandæ circumstantiæ, quæ sunt:

1. Mutuum officium virginis & Elizabethæ.
2. Salutatio virginis.
3. Elizabethæ testimonium de fide virginis.
4. Miraculum infantis in utero matris gestientis.

PRIMA CIRCUMSTANTIA.

[Exurgens Maria in diebus illis abiit in montana cum festinatione in ciuitatem Iuda, & intrauit in domum Zachariæ.] Beata virgo fructum suæ fidei pulcherrimum edit, nempe charitatem erga proximum. Illa enim cum iuencula esset, anum Elizabetham non contemnit, sed cum festinatione accedit, ut eam inuuet & consoletur, sic cogitans : Ecce cognata mea est senio confecta : præterea etiam, quod natura denegatum fuit miraculo est sæcunda facta, eget proinde mea opera : volo itaque ad eam proficisci, ut mutuis nos consolemur colloquijs, & ut ei ministrem.

Hinc

Hinc iuuentulae matronae discant, quomodo eas affectas esse erga grandaevas deceat. Maria etsi maioribus donis erat ornata, quam vlla faeminarum in mundo fuit, non tamen inde superbit: non cogitat, Ego ne tantis donis ornata seruirem isti anui? sed potius, quod quo maior sit, & praestantioribus donis pollens, eo magis ad seruiendum alijs sit obnoxia. Ioseph tametsi somniauit Solem & Lunam, & vndecim stellas se adorare, quo somnio significabatur, quod parentes ipsius & fratres, aliquando ipsum essent vt Dominum veneraturi: non tamen inde superbit, sed seni parenti seruit, & est obediens, iuxta regulam Syracidae: Quanto maiores, eo magis te ipse humilia in omnibus, & coram Deo inuenies gratiam congregationi pauperum affabilem te facito, & seniori humilia animam tuam. Qui iuxta hanc regulam & Mariae exemplum vitam instituit, vberimum reportabit fructum. Primum enim inueniet gratiam apud Deum: nam vt Deus superbis resistit: ita humilibus dat gratiam. Deinde, inueniet gratiam apud homines. Ut enim omnes oderunt superbos: ita humiles & affabiles amore prosequuntur. Praeterea, meretur vt ipse senex effectus honoretur à iunioribus. Ut enim iustum iudicium Dei est, vt qui iuuenis senes contempsit, ipse senex contemptibilis fiat: Ita iusticia Dei est, vt qui iuuenis reueritus est senes, & eos in honore habuit, senex honoretur & ametur à iuuenibus.

Discant

Discant & hinc virgines nostræ, non circumcur-
sitare per alienas domos, non ocio indulgere, sed
cum festinatione piæ & modestè res suas agere : nisi
potius placuerit ipsis Dinæ imitari exemplum, quæ
ignominiam domum secum tulit, quàm beatæ virgi-
nis, quæ decus & perpetuum honestatis testimoni-
um secum reportauit. Olim nullus thesaurus pudici-
tiae virginibus erat charior : at nunc & vestibus
& gestibus omnem impudicitiam produnt multæ,
quarum pleraque iustas suæ impudicitiae pœnas
luunt.

SECUNDA CIRCVMSTANTIA.

Secunda circumstantia est salutationis. Nam in-
gressa domum virgo mox salutat Elizabetham. Sa-
lutatio amica humanitatis, humilitatis, & beneuo-
lentiae est testimonium. Salutandi forma apud Iu-
dæos vsitata fuit : Pax tibi : &, Pax huic domui,
quæ salutandi forma de multis rebus nos admonet.
PRIMUM enim hæc salutandi ratio est confessio,
qua omnem pacem, omnem fortunam, adeoque omnia
prospera à Deo esse confitemur. SECUNDO, est pe-
titio. Qui enim sincero corde dicit : Pax tibi, perin-
de est, ac si diceret : Te Pater cælestis oro, vt huic
tuam largiare pacem : hunc tua protectione munias
aduersus Sathanam Ecclesiæ tuæ hostem implaca-
bilem. TERTIO salutatio est adhortatio, qua hor-
tamur quem salutamus, vt Deum inuocet, vt se,
suam domum, liberos &c. tueatur. QVARTO, sa-

Ff lutatio

lutatio & pacis precatio est significatio quedam, quod hostes habeamus, qui nobis perpetuo struunt insidias: unde monemur, ne stertamus, sed vigilemus, ne incautos nos opprimant. QUINTO, pia salutatio est gratiarum actio. Nam cum precamur alijs à Deo pacem, publicè agnoscimus Deum esse autorem pacis, quem hac confessione prædicamus. Discamus ergo ab hac virgine mutuis salutationibus nos invicem excipere.

TERTIA CIRCUMSTANTIA.

Tertia circumstantia est testimonium Elizabethæ de fide virginis. [Et repleta est Spiritu sancto Elizabeth, & exclamavit voce magna ac dixit: Benedicta tu inter mulieres, & benedictus fructus ventris tui &c. Beata es quæ credidisti, quoniam perficientur ea quæ dicta sunt tibi à Domino.] Elizabeth impletur Spiritu sancto, à quo certificatur de conceptione virginis. Nam cum contra naturam sit virginem gestare uterum, oportuit autorem naturæ doctorem esse gratiæ & doni quod contigit præter naturam. Deinde, ut edocta erat à Spiritu sancto, fidem virginis prædicat, cum ait: Beata es quæ credidisti: quæ brevis sententia plura docet. Primum enim innuit omnes esse miseros qui sunt sine fide. Deinde docet, quod credentibus contingat beatitudo vera, quæ est in Christo Iesu beatitudinis fonte vberissimo. Tertiò, indicat quis sit fructus fidei, cum ait: Quoniam perficientur ea quæ dicta sunt

sunt tibi à Domino : quasi dicat. Etiam si omnium hominum experientia reclamationat : etiam si natura negat, etiam si ratio contra statuit : tamen perficitur quod tibi à Domino dictum est, videlicet quod virgo paries filium, iuxta Dei verbum. Hinc discamus & nos, quæ sit vera fidei indoles, & exemplo virginis verbo Dei adhibeamus fidem, etiam si tota rerum natura contrarium polliceri videatur.

QV. RTA CIRCVMSTANTIA.

^{18.}
Ad salutationem virginis exultat puer in utero matris : & gestu quodam adesse significat in utero virginis Messiam. Hoc sanè magnum miraculum fuit, quod puer nondum in mundum editus, naturæ reparatorem agnouerit. Quo miraculo & fides Elizabeth ac Mariæ confirmatur, & bonitas Dei erga infantes declaratur, qui olim promisit Abrahamo, quod vellet ipsius Deus esse & seminis eius in sempiternum : in cuius promissionis certitudinem legem sanxit, ut infans octo dierum circumcideretur : quæ promissio cum ad nos pertineat, impiè & impudenter faciunt Anabaptistæ, qui nolunt Christianorum infantes baptizari, hoc est, nolunt eos ob signatione gaudere, qui gratiæ cælestis iuxta promissionem sunt hæredes. Anabaptistæ ita aiunt : Qui audit & credit baptizandus est : infans vero non audit nec credere potest : Quare nullo pacto est baptizandus. Sed falluntur miseri. Sic potius
Ff 2 debe-

deberent colligere. Infantes Christianorum habent promissionem: Igitur hæc promissio est ipsis baptismo obsignanda, sicut infantibus Iudæorum obsignata fuit circumcisione. Promissionis verbum offert gratiam: Promissionis Sacramentum obsignat gratiam & symbolo docet: quemadmodum die cænæ dominicæ dictum est. Proponamus igitur nobis Iohannem, qui in utero matris plenus Spiritu sancto hæres est gratiæ communis omnibus infantibus qui habent promissionem.

Sed dicunt hoc erat miraculum: Falsum fuisse miraculum, & sane magnum miraculum, sicuti omnia opera Dei in Ecclesia sunt miracula. Verum hoc addo, quod hoc ipsum miraculum docet nos, quod pueri possint esse capaces Spiritus sancti. Si sunt capaces Spiritus sancti: si sunt filij Abrahæ: si sunt secundum promissionem hæredes: si Christus eos recipi mandat: cur non baptizandi? Præsertim cum baptismus istarum rerum sit quædam obsignatio.

DE SECVNDO.

Maria audita oratione Elizabethæ de beneficio sibi factò, videlicet quòd esset mater Messie futura, sui animi gratitudinem erga Deum declarat, quem celebrat in hoc Psalmo, cum propter ingens illud beneficium, quod sibi contingit tum propter misericordiam, potentiam & veritatem, quæ exercet erga homines, dum timentes se misericordia in gratiam recipit, contumaces iuste punit, & quòd olim promissit

misit patribus, iam tandem verè complet. Usus huius Psalmi est, vt cognita misericordia Dei credamus: vt cognita potentia timeamus: vt cognita veritate speremus, ac expectemus cum patientia, quæ Deus nobis ex gratia promisit: misericordiam opponamus peccato: potentiam tyrannidi Diaboli: veritatem tentationibus omnibus, quas caro vel Sathan suggerit. Atq; his de causis Ecclesia vetus ordinavit, vt quotidie in cœtu piorum caneretur hoc virgineum carmen: nunc singulos versus breuiter explicemus.

1. *[Magnificat anima mea Dominum.*
2. *Et exultat spiritus meus super Deo saluatore meo.*
3. *Quia respexit me humilem ancillam: Ecce enim ex hoc beatam me dicent omnes generationes.]*

Hoc est: Ego magnificè Deum prædico, & tota gaudio perfundor, idq; super Deo saluatore meo. Is enim meum gaudium, qui mihi tantam præstitit salutem. Is respexit, & gratuito fauore complexus est me humilem & vilem ancillam, quæ iam spreta, vilis, instar vilium seruulorum vixi: atq; ita respexit, vt non posthac vilem & contemptam, vt antea, sed beatam me prædicent omnes atates: cui tanta gratia facta est, vt sim mater futura Messiae, qui saluator est meus & omnium in se credentium.

Ex Mariæ exemplo discamus. 1. agnoscere no-

Ff 3 stram

stram utilitatem & prosternere nos coram Deo in vera pœnitentia. 2. agnoscere beneficia Dei erga nos. 3. prædicare Deum ob sua beneficia. 4. alios ad gratitudinem nostro inuitare exemplo.

4. [*Quia magnificè mecum egit potens ille, cuius sanctum est nomen.*]

Nulla hic iactat merita pudica virgo. Nihil suis tribuit viribus, sed omnia accepta fert Deo, qui solus potens est, & cuius solius nomen sanctum existit, ut quod summam mereatur reuerentiam. Deus enim quoties nominatur, debet ob sanctitatem prædicari, quæ relucet in omnibus operibus eius in ingenti misericordia, in iusto iudicio, in potentia & veritate, quemadmodum particulatim virgo in suo exponit Psalmo.

5. [*Et cuius misericordia in omnes ætates parata est timentibus ipsum.*]

Hic versus tria docet. Primum, quod Deus sit misericors. Secundum, quam late se extendat Dei misericordia. Tertium, quibus illa infinita contingat misericordia. De Dei misericordia multa sunt illustria dicta & exempla. Ero (inquit) Deus tuus & seminis tui usque in seculum. Item: ego sum Deus faciens misericordiam. Et apud Isaiam: Ego adsum quia misericors sum Dominus Deus tuus. Et Syracides: pius & misericors est Deus & remittet in die tribulationis peccata. Hinc Paulus
Deum

Deum vocat Patrem misericordiarum, inquit: *Benedictus Deus & Pater Domini nostri Iesu Christi, Pater misericordiarum, qui consolatur nos in omni tribulatione nostra. Exempla huius declarate misericordiae sunt plurima, quorum summum est, quod filium suum unigenitum dederit ut salvetur mundus per ipsum. Huc illud: Sic Deus dilexit mundum, ut filium suum unigenitum daret, ut omnis qui credit in illum non pereat, sed habeat vitam æternam. Imagines huius misericordiae sunt filius prodigus, Samaritanus, ovis perdita,*

Quàm late se extendit hæc Dei misericordia? Respondet virgo: In progenies progenierum, hoc est, in omnes ætates, in omnes nationes, iuxta illud: Misericordia Dei plena est terra. Huc illud Psalmi: Misericordia Domini à sæculo vsq; ad sæculum. Iusticia Dei Adam miseriæ subiectus est cum tota sua posteritate: misericordia Dei Adam gratiæ participes factus cum sua posteritate, modo illi sua culpa non accerserint sibi iudicium. Huc illud Esaie: Dedit in lucem gentium ut salus sis mea vsq; ad extremum terræ, Et Simeon: Lumen quod parasti omnibus populis.

Quibus contingit ista misericordia? Respondet Maria: Timentibus eum. Hoc ipsum David hisce attestatur verbis: Misericordia Domini à sæculo vsq; in sæculum super timentes eum. Et rursus: Prope timentes eum salutare ipsius. Ubi ergo timor Dei verus, illic & misericordia Dei locum habet.

Ff 4

Sed

Sed quis est iste timor Dei? Est vera pietas & religio, qua sunt præditi qui in Christum firma recumbunt fiducia. Est autem hic diligenter observandum inter causam misericordiae, & qualitatem eorum quibus contingit. Causa nulla est præter eodocinam paternam in dilecto, sicuti ipse ait: Hic est filius meus, per quem placatus sum. Qualitas eorum, quibus misericordia contingit, non est meritum, sed nota filiorum Dei, qui fide sunt effecti filij, iuxta illud: Dedit potestatem, ut fierent filij Dei, quotquot credunt in nomen eius. Fide sola nascimur filij Dei, sed filij Dei effecti debemus, ut filios Dei decet, in omni pietate & innocentia & alijs virtutibus vivere, quas beata virgo hic timoris vocabulo complectitur.

[6. Fecit potentiam in brachio suo, dispersit superbos mente cordis sui.

7. Deposuit potentes de sede, & exaltauit humiles.

8. Esurientes impleuit bonis, & diuites dimisit inanes.]

Prædicat iudicium Dei in superbos, & misericordiam in humiles. Exempla infinita præbet sacra historia & quotidiana experientia.

[9. Suscepit Israel puerum suum, memor misericordiae suæ.

10. Sicuti locutus est patribus nostris, Abrahamo & semini eius in æternum.]

Hoc

*Hoc est: promissionem misericordiae compleuit
Deus misso filio. Est igitur verax, & ob veritatem
celebrandus: Cui sit laus, confessio, & gloria miseri-
cordiae, potentiae, iusticiae, veritatis in
secula seculorum, Amen.*

IN FESTO MI- CHAEELIS, EVANGELIVM MATTHÆI 18.

IN illo tempore accesserunt discipuli ad Ie-
sum, dicentes: Quis maximus est in regno cœ-
lorum? Et accersitum ad se puerum, Iesus
statuit in medio illorum, & dixit: Amen dico
vobis: Nisi conuersi fueritis, & efficiamini si-
cuti pueri, non ingrediemini in regnum cœlo-
rum. Quisquis igitur demiserit semetipsum, sicut
est puer iste, hic est ille maximus in regno cœ-
lorum, Et qui receperit puellum talem in no-
mine meo, me recipit: Qui autem offenderit
vnum de pusillis istis, qui in me credunt, expe-
dit ei, vt suspendatur mola asinaria in collum
eius, ac demergatur in profundum maris. Væ
mundo ab offendiculis. Necesse est enim vt ve-
niant offendicula, veruntamen væ homini, per
quem offendiculum venit. Quod si manus tua,
vel pes tuus obstaculo est tibi, abscinde eum, &
proijce abs te. Bonum est tibi ad vitam ingredi
claudum aut mutilum, potius quam duas ma-
nus, vel duos pedes habentem, mitti in ignem
æternum. Et si oculus tuus offendit te, erue
F f 5 eum,

eum, & proijce abs te, Bonum est tibi vt luscus intres in vitam, potius quam vt duos oculos habens, mittaris in gehennam ignis. Videte ne contemnatis vnum ex pusillis. Dico enim vobis, quod angeli eorum in cœlis semper vident faciem patris mei, qui in cœlis est. Venit enim filius hominis seruare quod perierat.

ENARRATIO TEXTVS.

Hoc Festum in Ecclesia ideo ordinatum & receptum est, vt discamus beneficia Dei erga nos, qui dederit nobis angelos custodes. Quare de angelis potissimum hoc die docenda est Ecclesia. Verum quia Euangelica lectio, quæ hodie tractari solet, continet singulares doctrinas: volo primum textum Euangelij explicare. Deinde nonnulla de angelis dicere.

Occasionem huic Euangelicæ lectioni præbuit arrogantia discipulorum Christi, qui, postquam Christus sui abitus mentionem fecisset, contendunt de primatu: quos Christus ab errore reuocat, & statuit puerum in medio eorum, dicens: Nisi fueritis sicut pueri, non intrabitis in regnum cælorum. Dehortatur præterea à scandalo, & commendat nobis pueros, vt eos in Ecclesiam recipiamus, scientes talium esse regnum cælorum.

Loci quatuor:

- I. Disputatio apostolorum de primatu, & eorum reprehensio.

II. Ad-

- II. *Admonitio de cauendo scandalo.*
 III. *Mandatū Christi de recipiendis pueris.*
 IIII. *Angelorum natura & officium.*

DE PRIMO.

[Discipuli accedunt Iesum dicentes: Quisnam maximus est in regno cœlorum?] Hic primum obseruanda occurrit cecitas discipulorum Christi, non intelligentium adhuc qualenam sit Christi regnum. Somniabant fore civilem administrationem, in qua Christus, vt summus monarcha: discipuli vero ipsius sub eo, tanquam duces, dominarentur toti terrarum orbi. Ideo querunt, quisnam illorum sit futurus summus, & à Christo proximus. Adeo stupenda cecitas eorum mentes fascinauerat.

Deinde licet hîc videre virus Diaboli, quod fuit etiam efficax in illis Dei organis, nempe discipulis Christi, qui erant destinati apostoli & legati regis Christi in spiritali eius regno. Quid facit? deterimo vicio superbie eos commaculat, adeo vt iam de primatu disputent, hoc est, quisnam eorum sit aliorum futurus Dominus.

Quid Christus facit ad hanc discipulorum suorum stultam arrogantiam? Potuit sanè iustè eos reijcere vt superbos & minimè idoneos, qui suo spiritali regno administrando præficerentur: hoc tamen non facit, sed eos paternè admonet, & vt corrigit errorem: ita superbie viciū seuerè taxat. Ita enim ait: [Et cum aduocasset puerulū Iesus, statuit eum in

eum in medio eorum & dixit : Amen dico vobis, nisi conuersi fueritis & fiat is vt pueruli, nequaquam ingrediemini in regnum cœlorum.] Hic exemplo & doctrina docet, quales velit habere administratores sui regni. Vult æqualitatem, quantum quidem ad animorum affectionem attinet : non vult, vt vnus alterum tanquam ex alto despiciat : sed vt amanter sint erga se inuicem affecti, mutuis se prosequentes officijs : non vult vt more gentium alij alijs superbè dominantur in spiritali suo regno. Nam de regnis politicis alia ratio est. Deinde, hic facit discrimen inter suum regnum & imperia mundana. Qui summus est in regnis mundi, is ab omnibus vult coli & ministrari : Contra, qui vult hic summus esse, debet esse omnium minister, non verbis, vt Papa, sed reuera vt Paulus, Petrus, Apostoli & alij sinceri Euangelij præcones. Ita maximus in Ecclesia Christi est, qui maximè seruit, minimus vero qui maximè dominatur. Ut autem Christus suos discipulos ab ista arrogantia reuocet, addit seuerissimam comminationem dicens : [Nisi fiat is vt pueruli, non ingrediemini regnum cœlorum.] Sed quid est quòd velit Dominus suos discipulos esse similes puerulis ? an non Paulus secus docere videtur, cum Corinthijs in hunc modum scribat ? ne simus pueri sensibus. Christus vult nos esse pueris similes : Paulus vult nos esse pueris dissimiles. Vtrumq; verum est. Debemus esse pueris similes, & rursus debemus esse pueris dissimiles.

Pueris

Pueris similes esse debemus, primum vera humilitate & abnegatione nostri ipsorum, sicut Dominus ait: Quisq; demiserit se ipsum sicut est puerulus iste. Est igitur omnis superbia deponenda illi, qui vult Christi discipulus esse. Huc illud Christi: Qui vult me sequi, abneget semetipsum, hoc est: Qui vult meus discipulus esse, humiliter de se sentiat, nihil sibi arroganter tribuat. Deinde, pueris similes erimus in meritorum ratione. Ut enim pueri non possunt aduersus parentes de suis gloriari meritis: ita nec discipuli Christi coram Domino vlla merita iactare debent, sed fateantur se infantes, ut qui sine paterna cura nihil possint. Tertio, similes erimus pueris affectu. Quemadmodum enim pueri se totos paternae curae committunt: ita discipuli Christi se totos in Christi fidem coniiciant ab eo omnia salutaria expectantes. Quarto similes erimus pueris obediendi studio. Pueri boni non disputant quale sit quod mandat Pater: sed quid, & eius voluntatem agendi regulam sequuntur: sicuti Abraham fecit, qui ad mandatum Dei paratus erat ad mactandum filium vnigenitum. Non cogitauit Abraham: quid hoc opus Deo proderit? mors filij mei mihi molestissima quidem est, & Deo nihil confert. Sed hoc potius: tu mi Deus hoc mihi mandas: tuam igitur voluntatem agendi regulam sequar & tibi morem geram. Postremo pueris similes esse debemus malitia: hoc est, ut infantes malis artibus non student, non auare colligunt, non turpem

turpem libidinem sectantur : ita discipuli Christi à malo abstinebunt.

Dissimiles autem debemus esse pueris. Primum, ne pueriliter desipiamus, absurda sectantes, ut pueri faciunt, sensibus nondum firmatis. Deinde, ne imbecilles in fide simus, sicuti pueri qui per aetatem non possunt res spirituales capere. Tertio, ne indulgeamus lusibus carnalium affectuum. Quarto, ne instar puerorum in doctrina pietatis incerti & inconstantes fluctuemus, & ne, ut Paulus inquit, circumferamur quouis vento doctrinae : sed sanctam exhibeamus infantiam, ad quam hortatur nos Petrus, cum ait : Quasi modo geniti infantes, 1. Pet. 2.

Huc & premium veræ humilitatis apponit, cum ait : [Quisquis exceperit vnum puerulum talem in nomine meo me recipit.] Hoc diligenter expendatur. Primum, Christus hoc dicto vult ut omnes pueros amanter complectamur, idq; ipsius nomine. Deinde testatur, quicquid in nomine suo collatum fuerit pijs, id ita se aestimare, ac sibi ipsi collatum esset. Quem non excitaret hæc promissio ad humanitatis officia erga suos & maximè erga membra Ecclesiæ Christi ? Ab altera parte admonet de pœna quam luent qui vltos in Christum credentes contemserint. [Qui, inquit, offenderit vnum ex parvis istis, qui in me credunt, præstiterit ei, ut suspendatur mola asinaria in collum eius, & demergatur in profundo maris.] Deberet vel hæc

hæc comminatio retinere nos in officio, ne tam faciles essemus ad offendendos alios. Sed de hoc loco sequitur.

DE SECVNDO.

[*Ue mundo à scandalis. Necesse est enim ut veniant scandala: veruntamen v̄e homini per quem scandalum venit.*] Hoc Christi dictum tria habet. Primum est prædictio, quod mundus sit futurus plenus scandalis. Secundum est indicatio subobscura causarum scandalorum. Tertium est comminatio pœne quam luet autor scandali.

PRIMUM nos docet, admonet, confirmat. Docet quid sit euenturum, hoc est, quod mundus sit futurus plenus scandalis. Deinde, quod ista scandala secum sint allatura hominibus V̄Æ, hoc est, pœnas, sub quibus homines super se V̄Æ clamabunt præ angustijs. Est autem v̄æ, ut Basilii ait: *ἡλῶδες ἐν φθέρῃ*, hoc est, flebilis acclamatio, qua suū dolorem testantur qui sub cruce gemunt. Tum, quod Ecclesia non sit futura tranquilla in hac vita: sed cum maximè quieta videbitur, subito excitabuntur tempestates, quib. mirum in modum concutietur. Erit Ecclesia in mundo similis Halcyoni ani, quæ in mari oua parit & pullos nutrit. Hæc nunquam sibi polliceri potest vnum tranquillum diem, sed se in omnem euentum parat: tranquillo mari cum suis pullis gaudet: obortam tempestatem perfert fortiter, sperata tranquillitate animum alens.

alens. Sic Ecclesia est in mundo ut in mari, in quo gignit sibi liberos. Hæc nunquam secunda esse potest a tempestatibus mundi, quæ sunt falsi prophetæ, Diabolus, propria caro, pravi hominum mores & exempla. Hæ tempestates cum in Ecclesiam ingruunt debet ipsa parata esse in omnem euentum: sed tandem omnia superabit per victorem mundi Iesum Christum, quem cum fide apprehendimus & nos victores mundi euadimus, iuxta illud: hæc est victoria, quæ vincit mundum, fides vestra. Quare hæc vincit mundum? quia Christum habet.

Deinde admonet nos hoc dictum Christi, ne vel ipsi autores scandalorum simus dicto aut facto, vel sinamus nos abduci scandalis ac rursus relabamur in pristinas tenebras, ac à Christo saluatore turpiter deficiamus: sicuti multis hodie accidit, ubi sophiste & tyranni pro sua libidine omnia sursum ac deorsum versant.

Tertiò, hoc dictum Christi nos confirmat in fide Christi. Nam cum videmus euentum prædictioni respondere, certificamur de Euangelio, & confirmatur fides, ne cum maxima parte mundi confessionem abijciamus.

SECUNDVM, quod habet dictum Christi, est indicatio subobscura causarum scandalii. Necessè est, inquit, ut veniant scandala. Sed vnde illa necessitas? à Deo ne? nequaquam. Deus enim non est author malorum, nec delectatur scandalis: sed irascitur authorib. scandalii, sicuti pœne ostendunt.

Unde

Unde ergo? num à Diabolo? verè à Diabolo. Nihil enim is aliud molitur, quàm vt Christi Ecclesiam scandalis in doctrina, in moribus, in cruce euertat. Hic sibi adiungit Sophistas, Hypocritas, & tyrannos mundi quos excitat, vt nihil intentatum relinquunt, quod faciat vllò modo vel ad euertendam, vel lacerandam Ecclesiam: id quod historia Ecclesiae docet, ante diluuium, post diluuium, in Aegypto, in deserto, in varijs persecutionibus, sub iudicibus, regibus & ducibus, in captiuitate, post captiuitatem vsq; ad Christum exhibitum. Deinde post Christum historia Ecclesiae infinita testimonia habet scandalorum, quibus Sathan Ecclesiam Christi hostiliter inuadit.

TERTIVM, quod Christi dictum habet, est comminatio pœnæ, quam autores scandalorum sustinebunt. [Væ homini (inquit) illi, per quem scandalum venit.] Significat ergo fore, vt qui alijs sunt scandalo, grauissimis puniantur pœnis. Nec est dubium, quin de pœnis æternis loquatur.

Cæterum, vt diligentius caueamus, ne fiamus autores scandali, breuiter dicam. Quædam scandalorum genera sunt cauenda, quæ à suis causis differentias accipiunt. Unum genus scandali est, quod oritur ex mala doctrina, seu ex corruptelis doctrinæ Ecclesiae. Qui hoc pacto alijs est scandalo, Diabolum patrem suum imitatur, qui primos homines hoc genere scandali euertit, Gene. 3. Alterum genus scandali est, quod oritur ex malis moribus, hoc est, cum

G g

alijs

alii in te respicientes tuos malos mores induunt. Qui ita scandalo est hominibus, regnum Sathanæ extruit, & demolitur Christi regnum: quare summo opere cauendum est. Quotus quisque, queso, hic non dat scandalum? Sive ad clerum, sive ad populum, sive ad magistratum, sive ad subditos respicis, vides omnia plena scandalis morum, adeo ut non frustra Christus dixisse videatur: Vae mundo à scandalis.

Tertium genus scandali oritur ex abusu rerum, quæ sua natura sunt indifferentes, quod cauendum est, ne offendantur infirmi. Obstinati & impij sunt contemnendi, idque Christi exemplo. Plura de scandalis alijs diximus.

D E T E R T I O .

[Videte ne condemnatis vnum ex pueris his. Dico enim vobis quod Angeli eorum in cælis semper vident faciem patris mei qui in cælis est.] Hic Christus nobis pueros commendat, ne illos vlllo pacto offendamus: & rationem subnectit: Quia Angeli eorum vident faciem Dei patris qui in cælis est, hoc est: Cum tanta cura Deus pueros complectatur, ut eis Angelos custodes dederit, non decet, ut nos eos inhonoremus. Hic obseruemus quod pueri habeant Angelos custodes, qui eos aduersus Sathanam tuentur. Deinde, excitemur ad gratitudinem erga Deum pro tanto beneficio. Tum studeamus pijs moribus eos retinere. Postremo,
caue-

caueamus
nobis arce
tate & vi

Quart
rum natu
mus qual
ligamus i
Angel
potens, co
quo sue co
sunt hostes
sed magis
Ecclesie ser
an: Non
ministerij
erunt salu
cum suis si
trus dicit
quem deus
clesta in m
boni intue
Cum igitur
Deum

caueamus ne vlla impietate aut turpitudine illos a
nobis arceamus, qui in cælo gaudent piorum sancti-
tate & vitæ puritate.

DE QVARTO.

Quartum, quod proposui, fuit de Angelis, de quo-
rum natura & officio pauca dicam, cum vt scia-
mus quales custodes habeat Ecclesia, tum vt intel-
ligamus in quanto versetur periculo.

Angelus est creatura Dei spiritualis, intelligens,
potens, condita in ministerium Dei in Ecclesia: à
quo suæ conditionis sine quidam defecerunt & facti
sunt hostes Ecclesiæ: quidam autem non defecerunt,
sed manserunt in sua innocentia, in qua Deo &
Ecclesiæ seruiunt. De quibus Epistola ad Hebræ. ita
ait: Nonne omnes sunt ministratores spiritus, qui
ministerij causa mittuntur propter eos, qui heredes
erunt salutis. De malis Dominus ait, quod Sathan
cum suis sit mendax & homicida ab initio. Et Pe-
trus dicit: Diabolus sicut Leo circumit, quærens
quem deuoret. Hinc facile est intelligere, quod Ec-
clesia in mundo sit veluti ciuitas, quam vt Angeli
boni intus defendunt: ita mali foris oppugnant.
Cum igitur in tanto versamur discrimine, rogemus

Deum, vt suis nos Angelis tueatur, cui laus,
honor, potestas, in secula sacu-
lorum, AMEN.

Gg 2 IN

IN FESTO OM- NIVM SANCTORVM, EVANGELIVM MATTH. 5.

CVM vidisset Iesus turbas, ascendit in montem, & cum consedisset, accesserunt ad illum discipuli eius, & postquam aperuisset os suum, docebat illos, dicens: Beati pauperes spiritu, quoniam illorum est regnum cœlorum. Beati qui lugent, quoniam ipsi consolationem accipient. Beati mites, quoniam ipsi hæreditatem accipient terræ. Beati qui esuriunt & sitiunt iusticiam, quoniam ipsi saturabuntur. Beati misericordes, quoniam ipsi misericordiam consequentur: Beati mundo corde, quoniam ipsi Deum videbunt. Beati pacifici, quoniam hi filij Dei vocabuntur. Beati qui persecutionem patiuntur propter iusticiam, quoniam illorum est regnum cœlorum. Beati estis, cum probra iecerint in vos homines, & insectati fuerint, & dixerint omne malum verbum aduersus vos mentientes, propter me: Gaudete & exultate, quoniam merces vestra multa est in cœlis.

ENARRATIO TEXTVS.

Festa de Sanctis in Ecclesia instituta sunt non sine grauissimis causis, quas ordine recensebo, ut in nostrum commodum sanctorum festis uti possimus.

Prima,

Prima,
valde vtili
quos habu
telligimus

Secunda
sic membra
stolus. Pe
tiam est
agnita est
tis articul
phano: at
beneficia

Tertia,
sanctos, no
peccatores
penitentia
am recepe
suo in hoc

Quarta,
& confes
olim pi
Olim san
interdum
gebantur
mus nos

Quinta,
cultu, c
Debent
vita nos

Prima, vt cognoscatur Ecclesiæ historia. Id enim valde vtile est : nam & inde Ecclesiæ statum, & quos habuerit defensores & hostes Ecclesia intelligimus.

Secunda, vt cogitentur beneficia Dei erga Ecclesiæ membra. Paulus ex persecutore factus est Apostolus. Petrus, qui Dominum suum negarat, in gratiam est receptus. Magdalena peccatrix pro filia agnita est, dum in Christum fide recumbit. In mortis articulo Christus se contemplandum præbuit Stephano : atq; ita in singulis sanctis Dei singularia beneficia videre est.

Tertia, vt consideratis hisce Dei beneficijs erga sanctos, nos agamus Deo gratias, quod in miseros peccatores conuertentes se ad Dominum per veram pœnitentiam fuerit adeo misericors, & eos in gratiam receperit, & tot ornauerit beneficijs, ac spiritu suo in hoc deserto rexerit.

Quarta, vt varij sanctorum casus perpendantur & conferantur cum periculis nostri temporis. Ut olim pij opprimebantur ab impijs : ita & hodie. Olim sancti gaudebant sub pijs gubernatoribus & interdum iugum grauius tyrannorum experiri cogebantur : ita & hodie. In his casibus varijs debemus nos erigere exemplo sanctorum.

Quinta, vt sanctos imitemur in pœnitentia, vita, cultu, confessione, constantia, & alijs virtutibus. Debent ergo sancti nobis esse veluti exempla regulæ vitæ nostræ. Verbum Dei requirit pœnitentiam,

G g 3 cultum

cultum Dei, confessionem, patientiam : sed sancti Dei huius verbi exempla suppeditant.

Sexta, ut pijs suspirijs sanctorum expetamus consortium, quo liberati tandem ex his angustijs beati viuamus cum Christo in omni aeternitate, qua de causa Christus pronunciat suos discipulos beatos, etiamsi varijs ærumnis in hac vita affligantur. Et huc pertinet hodiernum Euangelium de beatitudinibus varijs sicuti nunc audiemus : singulas ergo beatitudines ordine declaremus.

Locus vnicus :

De beatitudine discipulorum Christi.

[Beati pauperes spiritu, quoniam ipsorum est regnum cælorum.] Hoc versu ostendit Christus primum gradum ad summas opes. Summæ opes sunt possessio regni cælorum & æternæ vitæ. Gradus autem est ad has opes primus paupertas spiritus, qua contriti & contusi sentimus nos omnis iusticiæ esse inopes.

Quid ? an non hæc paupertas nos excludit è regno cælorum ? Sicut recte dicitur : primus gradus est ad sanitatem nouisse morbum, quia qui morbum nouit, quærit conueniens remedium : ita primus gradus ad opes cælestes paupertas spiritus, quia qui hanc sentit, quærit opes aliunde. Et sicut morbus sua natura gradus est ad mortem nisi succurrat medicus : ita hæc paupertas recta ad infernum mitteret,

ret, nisi Chr
Non ergo
rito paupe
quem imp
huius pau
esse cur ill
unt in ani
sua inopia
mas opes
quidem p
illum que
Qualis
tione faci
mendicant
etiam eius
est non solu
sticia, san
etiam eius
propter C
paupertas
ne opum c
Monach
runt paup
regnum cæ
6. Donum
Dominum
certe non
natura n
est partit

ret, nisi Christus suas opes nobiscum communicaret. Non ergo diuitiæ nobis contingunt spirituales merito paupertatis, sed beneficio regis cælorum ad quem implorandum nos cogit sensus spiritualis huius paupertatis. Sensus ergo huius loci est, nihil esse cur illi se infelices esse putent, qui reuera sentiunt in animo se esse omnis iusticiæ inopes, quum ipse suæ inopiæ sensus sit primus gradus, quo ad summas opes, id est, in regnum cælorum ascenditur, non quidem per se & sua natura, sed quia cogit nos illum querere qui solus via est in cælum.

Qualis autem sit paupertas spiritualis ex collatione facilius intelligi potest. Ut enim paupertas mendicitatis est non solum summa inopia, verum etiam eius publica confessio: ita paupertas spiritus est non solum summa opum cælestium, hoc est, Iusticiæ, sanctitatis, & innocentie inopia: verum etiam eius confessio coram Deo, à quo petimus, ut propter Christum nostræ succurrat inopiæ. Hæc ergo paupertas sita est in vera pœnitentia & expetitione opum cælestium.

Monachi abusi sunt hoc loco. Nam ex eo docuerunt paupertate, id est, mendicitate homines mereri regnum cælorum, cum Paulus aperte dicit Roman. 6. Donum Dei est vita æterna per Iesum Christum Dominum nostrum. Si donum est gratuitum, certe non comparatur paupertate: quæ sane sua natura nihil meretur, sed est pœna, cuius causa est partim prodigalitas, partim pigritia, partim

Gg 4

ali-

alicuius peccati pœna, partim δοκιμασία. ut Lazari mendicitas.

[Beati qui lugent, quoniam ipsi consolationem accipient.] Hæc mirabilis est concio. Pronunciat beatos lugentes, cum nihil magis fœlicitati repugnet quàm luctus. Verum Christi dictum intelligendum est non de luctus tempore, sed de euentu. Nam ita ait: Quia consolationem accipient, scilicet finito in hoc mundo luctu. Hic luctus causam habet, partim spiritus paupertatem, partim arumnas præsentis vitæ, quæ nos tanquam igni quodam excoquunt & explorant, & quasi stimulis nos excitant ad expectandum æternum gaudium, quod omnes lachrimas absterget. Non ergo luctus per se causa est fœlicitatis, sed quia compellit nos ad Christum, qui est autor omnis consolationis.

Huc proinde Pauli dictum pertinet: Gloriamur in tribulationibus, quia operantur patientiam: patientia probationem: probatio spem: spes autem non confundit, quia Deus nos diligit. Hinc facile intelligi potest, Christum non loqui de quouis luctu, sed de luctu, qui est secundum Deum, non de luctu mundi.

[Beati mites, quoniam ipsi hæreditatis iure terram possidebunt.] Mites sunt placidi, mansueti, faciles, humani, qui suos affectus mitigant: qui læsi faciles sunt ad condonandam iniuriam: qui malunt rem perdere quam contendere. Hæc virtus mansuetudo è timore Dei & vera humilitate nascitur, quam

quam Chr
me quia
Discipuli
gula est C
ditantes f
à me mo
mare sicc
sine cibo
miis sum
secum gen
hoc cogn
mutuo di
Sed qu
pter euen
debunt, non
typum. T
typus &
vmbra n
Hoc l
de meri
possemus
verba.
terram.
heredes
fidem &
donum
num ne
aliud d
sunt sal

quam Christus suis commendat, dicens : Discite à me quia mitis sum & humilis corde. Regula est : Discipuli Christi mites esse debent. Exemplum regule est Christus. Vult enim ut hanc virtutem meditantes se intueamur. Non dicit Dominus : Discite à me, mortuos suscitare, demones effugare, super mare siccis pedibus ambulare. 40. dies & noctes sine cibo vivere, sed hoc dicit : Discite à me, quia mitis sum, & humilis corde. Hæc humilitas habet secum germanam dilectionem, de qua Dominus : In hoc cognoscent omnes, quod mei discipuli sitis, si vos mutuo dilexeritis.

Sed quid promittitur mitibus? beatitudo, idq; propter euentum : nam hæreditatis iure terram possidebunt, non quod in terra simus victuri, sed propter typum. Terra enim olim promissa patribus, fuit typus & figura regni cælorum, atq; ideo veritas vmbrae nomen accepit.

Hoc loco qui abutuntur ad stabiliendum dogma de merito, ac si nostris virtutibus mereri cælum possemus, stulti sunt, non animaduertentes Christi verba. Dicit enim eos possessuros iure hæreditatis terram. Ubi est illud hæreditatis ius? Nonne ideo hæredes sumus, quia in Christo gratis adoptati per fidem? Nonne Paulus dicit : Vita æterna est donum Dei per IESVM CHRISTVM Dominum nostrum. Aliud est loqui de causis salutis, aliud de nouis qualitatibus eorum, qui hæredes sunt salutis.

Gg 5

[Beati

[Beati qui esuriunt & sitiunt iusticiam, quoniam ipsi saturabuntur.] Christiani in hac vita nunquam ita ex fontibus salutis haurient aquam, quin magis sitiant. Quare eos hic consolatur Dominus, promittens fore, ut tandem saturentur: ex qua saturitate se felices profitebuntur. Quisquis esurit & sitit iusticiam, duo optat. Primum, ut publice glorificetur Deus recta doctrina, sancta vita, & confessione. Deinde, ut priuatim singuli agnoscant Deum, fidem Christi concipiant impleantur Spiritu sancto, ac sancta puraque vita iusticiam Dei meditentur. De hac facietate loquitur David, quam tum demum fore dicit, cum apparuerit gloria eius. Ibi enim (ut est in Apocalypsi) sancti non esurient neque sitient amplius.

[Beati misericordes, quoniam ipsi misericordiam consequentur.] Hic nobis commendatur misericordia erga miseros. Vult enim Christus suos discipulos, non tantum tangi proprijs malis: verumetiam affici aliorum miseria: quod sane est vera charitatis officium. Neque Christus tantum requirit, ut condoleamus ærumnis & miserijs aliorum: sed opus simul requirit: vult ut miserijs manus auxiliatrices porrigamus. Ne autem hominum ingratitude frangantur adiungit promissionem. Promittit enim fore, ut qui misericors fuerit in proximum, misericordiam rursus consequatur: idque non solum apud Deum, verum etiam apud homines. Deus promittit misericordibus misericordiam, & facit

facit etiam
homines, du-
dum nobis.

[Beati
bunt.] Mi-

que oppon-
libidini. C

quo agimur
obliquis fa-

aduersatur
enim tum

astute cir-
prudencie

magnorum
non vult, ut

contemni su-

quam opti-

ut Deum
felicitas.

dini, est

vocat, cui
nemo videt

bidines: i

[Beati
Hic magis

commenda-
tranquill-

Hi quia
filij Dei

facit etiam, vt inueniamus misericordiam apud homines, dum illorum animos flectit ad benefaciendum nobis.

[Beati mundo corde : quoniam ipsi Deum videbunt.] Mundicies cordis hic nobis commendatur, quæ opponitur duobus maximis vicijs, astutiæ & libidini. Cum opponitur astutiæ, est simplex candor, quo agimus cum hominibus sincere & aperte sine obliquis fallendi artibus. Hoc ergo Christi dictum aduersatur iudicio plerorumq; hominum. Plerique enim tum demum se beatos putant, quando alios astute circumuenire possunt ac fallere : Unde & prudentiæ laudem et lucrum venantur & fauorem magnorum hominum aucupantur. Verum Christus non vult, vt sui discipuli ita agant, sed vt potius sint contenti simplici candore, vt cor, manus, lingua, quam optime consentire videantur. His promittit vt Deum videant, in cuius visione summa est sita felicitas. At cum mundicies cordis opponitur libidini, est vera castitas, quam Paulus sanctitatem vocat, cum inquit : Præstate sanctitatem, sine qua nemo videbit Deum. Ut enim Deus abominatur libidines : ita summè delectatur castitate fidelium.

[Beati pacifici: quoniam ij filij Dei vocabuntur.] Hic magnam & raram virtutem suis discipulis commendat Christus. Pacifici sunt qui paci & tranquillitati faciendæ & conseruandæ student. Hi quia diuersum studium à filijs Sathane habent, filij Dei vocabuntur, vt qui Dei Patris exemplo
paci

pacis & tranquillitatis sunt autores, & multos suo hoc pacis studio iuuant & oblectant. Quemadmodum enim Balsamum preciosum integram domum suam replet fragrantia: ita vnus vir pacis studiosus magnam cœtum dissidentem, in concordiam reducere potest. Non ergo immerito David concordie & pacis studium celebrat, ita canens: Ecce quàm bonum & quàm iucundum habitare fratres in vnum. Sicut vnguentum optimum super caput defluens super barbam, barbam Aharon, quod defluit per oram vestimentorum eius. Sicut ros Hermon qui descendit super montes. Ut enim rore terra fecunda redditur benedicente Domino: Ita, vbicunq; sunt multi pacis studiosi, fecundæ sunt & felices politicae, Ecclesie & œconomie. Contra, vbi non est pacis studium, illic ariditas & siccitas, hoc est, summa miseria.

[Beati qui persecutionem patiuntur iusticie causa, quoniam ipsorum est regnum cœlorum.] Quia maximè concutit infirmorum animos scandalum persecutionis, valde commodè suos de cruce admonet, vt non fracti persecutionum acerbitate abijciant confessionem: sed potius propositum regnum cœlorum intueantur: cuius potiundi desiderio magis contendunt, per tribulationes multas introire in regnum cœlorum. Imitemur ergo eorum exempla, qui dum currunt in stadio, respiciunt ad præmium, quod ab agonothe propositum est, & ita alacres properant, donec ad metam ventum fuerit: ita vult suos
facere

facere Christi
currendi stu
perueniant.

Deinde:
causam po
instituan
pter nostra
iusta pœna
ritatis. Et
vt iusti, id
stolorum, e

[Beati
persecuti fi
sus vos, m
pati persequ
vobis (inqui
rint odio &
tientes. N
propter pe
non contin
ille) facit

[Gaude
vestra mu
obedientie
Non hoc d
cœlum, qu
tius nos ac
Patris cle

facere Christus, non vult segnitiam, sed infatigabile currendi studium, donec ad metam regni cœlorum perueniant.

Deinde, cum Christus hic vnam persecutionis causam ponit, nempe iusticiam, vult vt ita vitam instituamus, ne pati cogamur nostra culpa, seu propter nostram iniusticiam. Tum enim persecutio esset iusta pœna, non testimonium defensæ iusticiæ & veritatis. Et Petrus monet, ne patiamur vt iniusti, sed vt iusti, idq; exemplo Christi, Prophetarum, Apostolorum, & multorum martyrum.

[Beati eritis cum conuiciati fuerint vobis et vos persecuti fuerint, & dixerint quiduis mali aduersus vos, mentientes, mea causa.] Exponit quid sit pati persecutionem propter iusticiam. Si conuiciati vobis (inquit) fuerint iniuste, si persecuti vos fuerint odio Euangelij. Si dixerint omne malum mentientes. Nam si verum dixerint, non eritis beati. Si propter peccata vestra persecutionem patiamini, non continuo eritis fœlices. Nam causa (vt inquit ille) facit martyrem, non sanguis.

[Gaudete, inquit, & exultate, quoniam merces vestra multa est in cœlis.] Merces est compensatio obedientiæ erga Deum in persecutione præstita. Non hoc dicto significat Dominus nos cruce mereri cœlum, quia cœlum est filiorum hæreditas: sed potius nos ad ferendam crucem extimulat, proposita Patris clemenciâ, qui nobis compensationem laborum,

818 IN FESTO OMN. SANCT.

*borum, quos sustinemus in hac vita, pollicetur, quæ
compensatio in cruce fundata est Domini nostri
IESV CHRISTI, cui vñ cum Patre
& Spiritu sancto sit honor, potestas &
gloria, in secula seculo-
rum, AMEN.*

L I P S I Æ.

*In officina Ernesti Vægelini
Constantiensis.*

Anno M. D. LXVI.

M. N. S. A. N. C. T.
ac vita, pollicetur,
ta est Domini
cui vna cum Pa-
mor, potestas
la faculo-
EN.

Æ.

Vegetissim
sis.

LXVI.